

الكلية نكح

انكاتره نك حكومتى

ایک نئی جلد

انگلېزانه ناک حکومتي

محرری:

آ. لورنس لول

A. LAWRENCE LOWELL

هاروارد دارالفنونی رئيسی

مترجمی:


مسین ماهر

(انگلېزجه اصلندن ترجمه ايدلمشدر)



استانبول — جمهوريت مطبعه سی

۱۹۲۷



Digitized by the Internet Archive
in 2014

اوتنجی باب

عوام قماراسی

انتخاب اصولی

ایستر برفسخدن صوکره عمومی انتخابات، ایستر تصادفی برانحلال اوزرینه قسمی انتخابات موضوع بحث اولسون، بوتون پارلمنتو انتخاباتی، مقام حکمداری قلمندن Crown Office اصدار ایدیلش، بویوک مهر Great Seal ایله مهرلش و دائرة انتخابیه ده انتخابه نظارت ایدمک مأموره returning officier خطاباً یازلمش بر بویورلدی writ اوزرینه وقوعه کلیر. بوتون قاضی لرده واسقوجیا ایله ایرلاندا بارولرنده انتخابه نظارت ایدن مأمور، شریف sheriff یا خود معاویندر. انکلیز بارولرنده ایسه بلدییه رئیسیدر.

۱۸۷۲ تاریخنه ککنجه یه قدر، پارلمنتو نامزدلری صورت مخصوصه ده احضار ایدیلش یوکسک موقعلرده husting آواز بلند ایله تکلیف اولونورلردی. انتخاب ایدیه جک مبعوث مقدارندن فضله نامزد بولونورسه انتخابه رقابت بولوندینی سویله نیر نتیجه

انتخاباتده
اصول

انتخاب قانوندن ال قالدیرلق صورتیه قرارلاشدیریلردی . خلق ایچنده کی
آملردن چوغی احتمالکه حق انتخابه مالک دکلایلر . فقط بونک
اول

هیچ اهمیتی یوقدی . چونکه ال قالدیرلماسی صورتیه رأی
ویریلهسی یالکز برمراسمدن عبارتدی . آرقه سندن دایما تحریری
رأی طلب اولونوردی . بورایک هانکی کون ویریله جکی
تثبیت ایدیلردی . رأی اعطاسی کونلرجه دوام ایدر ومنتخبیلر
علانی صورتده رأیلرینی ویریرلردی . بو ، حیلّه وفساده ،
منتخبیلری تهدیده ، هر دورلو قاریشیقاق چیقماسنه مساعددی .
حتی بو قاریشیقاق صورت مخصوصده احضار اولونوردی . بر
انتخاباته ترافق ایدن کورولتولی وقایع تاریخ کتابلرنده وبوقدیم
اعطای رأی اصولنی کورمش ذوات طرفندن یازیلان Pickwick
Coningsby, کبی رومانلرده تصویر و حکایه ایدیلشدر .
۱۸۷۲ ده Ballot Act قانونیه بواصول اصلاح اولوندی [۱] .
قانون ، رأی خفی شکلی احداث ایتدی و انتخابات عملیه لرینی
بالنسبه چوق منتظم برحاله صوقدی .

شمه دیکی اصول شیمدی نامزدلر تحریری صورتده تکلیف ایدیلر . تکلیف
ایدن ذاتک امضاسی یاننده ایکنجی بر آدمک امضاسی بولونمق
وسکز کشی دها بونی تأیید ایتک لازمدر . بونلرک کافه سی
انتخابات دفترلرینه اسمی قید ایدیلش کیمسه لرمانندن اولاجقلردر .
نامزد تعیینی بر مبعوثلق ایچون یالکز بر نامزد تکلیف ایدیلشسه اونامزد ،

یا خود ایکی مبعوثی دائرۂ انتخابیہ نیک ایکی نامزدی در حال مبعوث
انتخاب ایدیلشدر دیه اعلان اولونور . بو ، استثنائی بر حال
دکدر . چونکه ، عمومی انتخاباتده نهدن دولانی مبعوثقلرک
بر ربی حتی بعضاً برثلثی ایچون هیچ رقابت موجود اولمادیغنی
آشاعیده کوره جکز .

فقط ، بر مبعوثان ایچون متعدد نامزدلر وارسه رأی ویریلک انتخاب کونلری
ایچون بر کون تعیین اولونور . چونکه شیمدی اعطای رأی
عملیه سی هر دائرۂ انتخابیهدیه یالکز بر کونه حصر ایدیلشدر .
هر دائرۂ انتخابیهدیه عینی کونده رأی ویریلز . بو ، انتخاب مأمورلرینه
بر اقلش صلاحیتدن دولاییدر . انتخاب مأمورلری ، قانونی لره
وبارولره کوره تحول ایدن بعض حدودلر داخلنده ، بویورلدی نیک
مواصاتی ایله انتخاب (یعنی نامزدلک تکلیفی) ، صوکره ،
بونامزدلک قبولی ایله رأی اعطاسی آراسنده قاچ کون کچه جکنی
تعیین حقنه مالکدرلر [۱] . بونک نتیجه سی اولارق ، بارولرده ،

[۱] انتخابات مأموری ، بویورلدی بی آلدینی دقیقه دن اعتباراً
بارولر ایچون یکرمی درت ساعت ، قانونی لر ایچون ایکی کون ظرفنده
انتخابات تاریخی اعلانه مجبوردر . بوتاریخ ، بارولر ایچون اعلاندن
لاقل اوچ کون ، قانونی لر ایچون لاقل اون کون صوکره یه تثبیت
ایدیلک لازمدر . دیگر طرفدن ، بارولر ایچون بویورلدینک کلدیکی
تاریخدن درت کون صوکره یه ، قانونی ایچونده دوقوز کوندن صوکره یه
تعلیق اولوناز . نامزدلرک تکلیفی ایچون تثبیت ایدیلن کونده انتخاباتده
رقابت بولوندینی کورولورسه ، انتخاب مأموری ، انتخاب ایچون بارولر

بویورلدینک کله سندن صوکره درت - سکر کون، قاوتی لرده
 آلتی - اون یدی کون ظرفنده رأی ویریله بیلور بویورلدیلرک
 کافه سی عینی زمانده پوستیه ویریلدیکی ایچون عمومی انتخاباتده
 اعطای رأی کونلری ایکی هفته دن فصله برزمانی اشغال ایده بیلیر.
 انتخابات مأمورینک، انتخاباتک صیراسنی تعیین ایتک یوانده
 حائز اولدینی بواقصداری کندی فرقه سی لهنده استعمال ایده بیله جکی
 ظن اولونور. مملکتک هر طرفنده بونک منتظماً دکلسه ده بعض
 محالرده فی الحقیقه وقوعه کلدیکی سویله نیور. انتخاب کونلرینک
 تعددی ده مهم باشقه بر نتیجه حاصل ایدیور: دیشاریده کی
 منتخبلر دنیلن غیر مقیم منتخبلره بر دائرة انتخابیه دن دیکرینه
 کیده بیامک امکاتی ویریور وبوصورتله متعدد رأی اصولی
 قولایلاشدیریور. بوندن دولاییدرکه متعدد رأیه مالکیته علیهدار
 اولان لیبرال فرقه سی، پروغرامنده، بوتون انتخاباتک عینی
 کونده یالپاسنی طلب ایتمکده در. بوکا اعتراضاً بو اصلاحاتک
 بارولرده انتخابات دوره سنی تمدید ایتک صورتیه بارو نامزدلری
 ایچون زحمتی و مصرفی آرتیراجنی سویله نیور. فی الحقیقه، بومناسبتله
 صرف ایدیلن پاره وجهه غیرت کوز اوکنه کتیریه جک اولورسه
 اعتراض بک اساسمز عد ایدیله مز.

رأی ویرمک
 اصولی

رأی ویرمینی قولایلاشدیرمق ایچون دائرة انتخابیه نک

حقنده متعاقب اوچ کون ایچنده برکون تعیین ایتمکه مجبوردر.
 قاوتی لرایچون متعاقب ایکنجی و آلتنجی کون آراسنده برکون
 قرارلاشدیریور.

بعضی بر طاقم شعبه لره تفریق ایدیلشدر . رقابت موجود اولان مبعوثلقلر ایچون بوشعبه لره هر برنده معین کونده صباحک ساعت سکزی ایله اقشامک سکزی آراسنده رأی ویریلیر . ۱۸۷۲ ده قبول ایدیلان و آوسترالیا سیسته می دنیان کیزلی اعطای رأی اصولندن ملهم اولان رأی اصولنی تعریفه حاجت یوقدر . چونکه بوسیسته مک بر ویا دیگر شککنک استعمالی متمدن مملکتلرده عمومی بر حال آلمشدر [۱] . مع مافیه ، شوراسنی سوبله مک اقتضا ایدرکه انتخاب قانونی دارالفنونلره هیچ تعلق ایتمز . اورالرده آلآن شفاهی صورتده یاخود باشقه بر منتخبه تودیع ایدیلان رأی پوصله سنک قوطوبه آلماسی صورتیله رأی ویریلیر [۲] . حقیقته ، دارالفنونلرده ویریلن رأیلرک چوغی ۱۸۶۱ ده قبول ایدیلن بر اصوله کوره [۳] وکالت طریقیله وقوعه کلمکده در . فقط رأیی کیزلی ویرمک اصولی قبول اولونورسه بواورته دن قالقه جقدر .

[۱] «رأی خفی اوچ قرالغک یالکز برنده جدا اساسلی برتحوله باعث اولدی . ایرلانده کی به یوک اراضی صاحب لرنک سیاسی استبداد لرینه خاتمه چکدی . رأی خفی اصولنک تأثیر یله انکلترده ، ناموسکارلق ، حریت ، شرف و حیثیت انکشاف ایندی . فقط یکی لیبرال قوتلر یار اتمادی .» مورله ی : غلادستونک حیاتی ، ۲ نجی جلد ، ۳۷۰ . مع مافیه بورأی خفی اصولی ، زراعت عمله سنه بخش ابتدیی حمایه سایه سنده کوی دواثر انتخابیه سنده لیبرال فرقه سنی تقویه ایتمشدر کی کورونیور .

[۲] 35-36 Vic., c. 33, § 27, 31 [۲] روجرس ایکنجی جلد ، ۱۱۸

24-25 Vic., c. 53 [۳]

حيله وفساده
قارشي احكام
قانونيه

۱۸۳۲ اصلاحات قانونندن اول، نامزدلر انتخابات ايجون پك مدھش باره صرف ايدرلردى و انتخاباتده هر دور لو فساد و حيله يه باش اورورلردى. منقرض اولمش بارولرك مبعوثلقلرينك لغوى وحق انتخابك توسيع و تشميلي فنالغه هيچ ده خاتمه چكمه دى. ۱۸۸۰ تاريخنده شكايه دعوت ايدن برطاقم بارولرك يادقلرى شيلر حقنده تحقيقات اجراسنه مأمور خصوصى قوميسرلر وضعيتى فنا بولديلر [۱]. ماقلسفيلدده وساندويقده منتخبلرك تقريباً نصفى باره آلمق وسائر وسائلط حيله وفساده اشتراك ايتك ايله متهم ايديلر. [۲]. تحقيقات نتيجه سنده، فنالقدده ديكرلرندن اك ايلرى يه واران بو ايكي بارو مبعوث چيقارمق حقندن تماميله محروم ايديلديلر. صوكره صيرا ايله ياپيلان برطاقم قانونلر فنالغى احمايه چايشديلر. بونلر كيندجكه دها صبقي صورتده تنظيم اولوندى. بوتون بوسلسله قوانينى تويج ايدن قانون ۱۸۸۳ ده كي حيله وفساد معاملاتى قانونى در . Corrupt and Illegal Practices Act [۳]. بوقانونلر معاملات انتخابيه ده حيله وفسادى مختلف چارملرله منعه چايشيلرلر : اولايادوغرودن دوغرويه انتخاباتك ناموسكارلغنه خلل وبردكلرندن يا پك فضله مصارفه احتياج كوستره جكلرندن دولايي بعض حرقاتى منع ايدرلرلر ؛ ثانياً، صرف ايديله جك باره نك يكوئنى تثبيت ايلرلر و بو باره نك نر يه صرف اولونا.

Com. Pap., 1881, XXXVIII—XLV [۱]

Com. Pap. . 1881, XLIII, XLV [۲] و بورا بورلرله ماحق جدوللر

46-47 Vic. , c. 51 [۳]

بیله جکئی کوستیرلر ؛ ثالثاً بوتون مصارفاتک معین بر آژان طرفندن وقوعه کلهسی ، اونکده بوتون حسابلری حکومته ویرمهسی مجبوریتنی وضع ایدرلر ؛ رابعاً ، بوقواعد اخلاص ایدیلدیکی تقدیرده سیاسی و غیر سیاسی جزا ترتیب ایلرلرکه بونلر علی العاده اصول محاکمات جزائییه کوره دکل ، اعتراضه اوغرایان بر انتخابک مقبولیتی حقنده حکم ویرن محکمه طرفندن کسديرمهجه تطبیق ایدیلرلر .

قانون طرفندن منع ایدیلن بوحیله و فساد حرکاتی ایچنده
 اک و خیملری حیله و فساد مانوره لری نامی آلتنده معروفدرکه
 پاره ویرمک ، هدیه ویرمک ، تضییق اجرا ایتک ، برینک
 یرینه دیکر برینی اقامه ایلهمک کی خصوصاتدن عبارتدرلر [۱].

رشوت ویرلمسی bribery بالطبع هر مملکتده ممنوعدر . رشوت اعطایی
 نهدن عبارت اولدینی انکلترده ده مفضل صورتده تعریف
 اولونمشدر . چونکه یالانک دورلو دورلو نوعی اولدینی کی
 انکلتره قانونی ده برمنتخبه پاره ویرمهنک یدی مختلف طرزینی
 تفریق ایتمشدر [۲] . انتخابات ایشلریله مشغول اولمایانلر ایچون
 بو تفرعاته کیرمکه حاجت یوقدر . برمنتخبه رأینی قازانمق ایچون
 بر مأموریت یا خود هر هانکی برایش وعدایتک یولنده کی وعدلرک
 وتیشلرکده بوحیله و فساد مانوره لری میانسه ادخال ایدیلدیکنی
 سوبله مک کافیدر .

هدیه و برله سی رشوت ، صریح یا خود ضمنی بر مقاوله یی تضمن ایدر .
 غایه سی منتخبك رأیی تأمیندن عبارتدر . حالبوکه هدیه
 ویرن کیمسه منتخبدن هیچ بر تعهد ایسته مز ، یالکز پك
 طبیعی اولان بر مقدارلق حسنه کووده نیر . فقط ، بر قاج سینه
 اول اعتراضه اوغرامش بر انتخابك حاکمی طرفندن بیان
 ایدیلدیکی وجهله ، بو کونکی بویوک دوائر انتخابیه ده رشوت
 ویرمکه تأمین موفقیّت اصولی مشکلات کسب ایتمشه ده بر آرز
 هدیه اعطاسی مهم بر شهرت و اعتبار قازانمغه کافی کلپور [۱] .
 انکلتزده اجتماعی صنفلر آراسنده کی فرق پك بارز اولدیغی
 ایچون هدیه پك مؤثر بر چاره تشکیل ایدیور . ده ۳۱ نجی کیوم
 زماننده منع ایدیلشدی . قانون بو کون هدیه یی « بر شخص
 اوزرنده کنیدیسی رأی ویرمکه یا خود رأی ویرمکدن اجتناب
 ایتمکه سوق ایتك ایچون مغایر ناموس بر نفوذ و تأثیر اجرا
 قصدیه او شخصه یا خود آخینه » مصرفی فاعله عائد اولمق
 اوزره « ات ، ایچکی اکلنجه یا خود غذا تقدیم ایتك ویا
 داغیتدیر مق » دیه تعریف ایدیور [۲] .

تضییق ۱۸۸۳ قانونیه تضییق undue influence شو صورتله
 تعریف اولونیور [۳]: « بر شخص اوزرنده رأیی جلب مقصدیه

[۱] هکسام مسئله سی O'M. and H., 143, at 147 ۱۹۰۶ انتخابات

عمومیه سی نتیجه سنده بر بموئك انتخابی بویوزدن فسخ ایدیلشدر . بودمین

مسئله سی 5 O'M and H., p 225

46-47 Vic., c.51, § 1 [۲]

[۲] کذا ، § ۲ .

جبر و شدت و یا تضدیق استعمالی و یا استعمالی تهدیدی و مادی و یا معنوی ضرر ايقاعی و یا ايقاعی تهدیدی ، بر تضدیق تشکیل ایدر . كذلك معنوی بر اجبار و یا حیله واسطه سیله بر منتخبك حق رأیی سربسته استعمال ایتمه سنه بر مانعه تشکیل ایتمك ده بونلر داخلنه کیرر . نونك احکامی عمله لرینی اذن و یرمك ایله تهدید ایدن یاترونلره [۱] ، سیاسی معارضلره قارشی اخروی جزا لر بوسکورن راهبلره ده شاملدر [۲] .

بر شخصك یرینه دیگر برینی اقامه نه دیمك اولدیغنی ایضاحه لزوم یوقدر .

حیله و فساد
مانوره لر
انتخابی عقیم
براقیر

بوتون بو حیله و افساد مانوره لری جزای نقدی ، حبس ویدی سنه ایچون حقوق سیاسییه دن محرومیت جزا لرینی استلزام ایدر [۳] . فقط بزم نقطه نظر مزجه دهامهم اولان نقطه بو مانوره لك بر مبعوثی مبعوثلقدن محروم بر اقابیلمه سیدر . چونكه انتخابات حقنده درمیان اولوبان بر شکایتی رؤیت ایدن محکمه نامزدك بو مانوره لردن برینی یادیغنی یا خود کندی حسابنه و کندی معلوماتی تحتنده رشوت و یرلمه سنه ، بر شخص یرینه شخص آخر اقامه اولونماسنه سسس چیقارمادیغنی بیان ایدهك اولورسه انتخاب فسخ اولونور ، نامزد او دائرة انتخابیه داخلنده بردها پارلمنتویه اعضا اولق حقنی مؤبداً غائب

[۱] روجرس ، ۲ ، نجی جلد ، ۳۱۶ ، ۳۱۹

[۲] So. Meath and No. Meath, 4 D'M and A, 130,185

[۳] 45-47 Vic., c. 51, § 6

ایدر [۱]. بوندن باشقه، محکمه نامزد تماماً معصوم اولدینی حالدہ بیلہ بو افساداتک اونک آژانی طرفندن یاپیلدیغنه حکم ایدم جک اولورسه انتخاب ینہ فسخ ایدیلیر . نامزد اودائرهٔ انتخابیه دن مبعوث چیقماق حقنی یدی سنہ ایچون غائب ایلر [۲] .

بر انتخابی فسخ ایتدیره بیلیمک ایچون حیلہ و افساد مانوره لرینی بالذات نامزدک یا خود مأمور و آدمک یاپدینی اثبات ایدم بیلیمه لیدر . انکلیر حیاتنک غایت قدیم عنعنہ لری موجبجه انتخاب یالکز نامزدلره طائد بر ایش کبی تلقی اولونور . فرقه قومیته لرینک وسائر تشکیلاتلرک حرکات و تشبثاتی هیج نظر اهمیتہ آلمانز [۳] . بونلرک خط حرکتلری ، نامزد ایله مناسبتلری کندیلیرینی اونک آژانی عد ایتدیره بیلہ جک بر درجه یه واصل اولمشه انتخاب اوزرنده بر تأثیر حاصل ایدم بیلیر . بر جمعیت سیاسیہ بالخاصہ بر نامزده مظاهرت کوسترمکدن زیاده فرقه نک عمومی منافعی مدافعه یه چالیشدینی مدتیجه نامزد او جمعیتک افعال و حرکاتندن مسئول اولماز . مثلاً بر جمعیت سیاسیہ طرفندن

فقط بومانو -
ره لر نامزد
یا خود آژانلری
طرفندن یاللق
شرطدر

[۱] کذا ، § ۴ .

[۲] کذا ، § ۵ .

[۳] نامزد یا خود آژانی انتخابات مصارفک رسمی حساباتنده

کندی معلومانلرینه وقناعتلرینه کوره هیج کیمنه نک ، هیج بر قلوبک هیج بر شرکت و یا جمعیتک انتخابتده اجرای تأثیر قصدیله اختیار مصرف ایتمه دیکنی بیانه مجبوردرلر . کذا ، جدول ۲ . بوقیل مصارفندن متجاهل داورانملری کافی کلپور .

ویریلن هدیه دن نامزدك مسئؤل اولمادیغی ، نامزد اجتماعده حاضر بولوندیغی و ایرادنطق ایتدیگی حالدله بيله ، قبول ایدیلشدرد . یالکز ، اجتماع ، نامزدك انتخابی تأمین مقصدیله دکل جمعیتك منفعتی مدافعه املیله ترتیب ایدلمش اولق لازمدر [۱] . كذلك بر انتخابه تقدم ایدن عمومی اجتماعلراچون موزیقه و ایچکی مصارفك بر فرقه قومیته سی طرفدن تسویه سی ، نامزدك بوفرقه صاندیغنه شخصی صورته اعانه ویرمه سی نامزدك انتخابات مصارفی میانسه ادخال ایدیله مه یه چکی ده قرار لاشمشدرد . فقط بوفرقه قومیته سی کوز بویامه قبلیندن برشی ایسه اوزمان ایش دکیشر [۲] .

بوقیل ایشلرده بر آدامك بر نامزدك مأموری اولدیغی انتخابات دعوالرینه باقان حاکمه قناعت ویره جك صورته اثبات ایده بيلمك بک زوردر . مع مافیه هرا انتخابده اویله بر آن اولور که فرقه قومیته سی ، نامزدلهنده صرف ایتدیگی فعالیت دولایسیله اونك آزانی حاله کیرر [۳] . مع مافیه فرقه تشکیلاتنه بویله دوغرودن دوغرویه مربوط اولمایان ، فقط انتخابات زماننده برچوق ایش کورن سائر جمعیتلر حقنده بویله دکلدر . مثلاً ،

[۱] قوکر موت مسئله سی 5 O'M and H. , 155 سنت جورج مسئله سی 5 O'M and H. , 89, 97-8 بو مسئله لرك برنجیسنده هدیه لر اونیونیت لیبرال بر جمعیت طرفندن ویریلشدی . ایکننجیسنده ایر لاندالی اونیونیت بر جمعیت ویرمشدی .

[۲] لانقاستر مسئله سی 5 O'M and H. , P. 39, 42-43

[۳] والسال مسئله سی 5 O'M and H. P. 132 Per Pollock B. , at 124

انتخاباتده دوغروندن دوغرويه وخصوصى بر منفعتى بولونان مأكولات
تاجرلرندن مركب بر جمعيتك، انتخابات مجادله سنده ايفايتهديكى مهم
روله رغماً نامزدك بر آژانى حاله كيرمه ديكنه حكم ايديلشدر
[۱]. بوتفسيرك افسادكار نفوذ و تأثيرلره قايى يي كنش كنش
آچدينى آشكاردر .

عمومى حيله
وفساد

حيله وفسادك نامزد طرفندن يالئش اولديغنى اثبات لازم
كله چكى پرنسپنك بر استثناسى واردر . دائره انتخابيه داخلنده
رشوت ، هديه ، بر شخص يرينه شخص آخر اقامه سى ، كرك
معنوى كرك روحانى ecclesiastical تهديد يا خود تضيق بر
صورت عموميه ده يالئشه يعنى ويريلن رايلىر منتخبلىك اراده لرينك
حر بر افاده سنى تشكيل ايتك قابل اولمايه جق صورتده واسع
بر مقياسده اجرا ايديلشه ، نه نامزد نه آژانى بو اتهامندن
حصه دار بولونماسه لريله انكليز عرف و عادات قانونى موجبجه
انتخاب فاسد عد اولونور [۲].

حيله وفساد
مانوره لرى ايله
غير قانونى
حركات آره-
سندده فرق

حيله وفساد مانوره لرندن ناشقه ، قانون ، غير قانونى حركات
نامى آلتنده معروف بعض افعالى ده منع ايدر . فقط بونلره
تعلق ايدن احكام ، بالخاصه انتخابات مصارفنى تحديد ايتك ايچون
وضع اولونمشدر . بونلردن انتخابات مناسبيله بحث ايدم جكز .
بوايكى نوع حركات آراسنده كى اصل فرق ، قانونچيلرك وقتيله

[۱] كذا

[۲] روجرس ، كذا ، ۲۹۳ ، ۳۰۸ ، ۳۲۵ - ۲۹ ، ۳۳۵ .

جزا ایشلمرنده *malum prohibitum* (ممنوع جرم)
و *malum in se* (حد ذاتنده جرم) آراسنده کوزتدکلری
فرقه پک بکزر. بر حیلہ و افساد مانورہ سی ، اخلاقی بر بوز و قلق
تضمن ایدر و ایشک ایچنده بر افساد قصدی بولوندیغنک اثبات
ایدیلہ سنہ لزوم کوستیر [۱] . مثلاً ، بر منتخبہ بر ہدیہ تقدیم
ایتمک ، رأی اوزرنده اجرای نفوذ نیتی موجود دکلہ بر رشوت
دیتمک دکلدر . حالبوکہ غیر قانونی بر حرکت سادہ جہ قانون
طرفندن منع ایدیلش و فاعلنک قصدی نہ اولورسہ اولسون بو
یوزدن غیر قانونی بر حالہ کیرمش بر فعلدر . مثلاً ، قانونک
تعیین ایتدیکی حد اعظمی فوقندہ انتخابات مصارفی یایمق کی .
بوندن دولایدرکہ ، بر حیلہ و افساد مانورہ سی معذور کورولہ مدیکی
حالہ [۲] ، انتخابات اعتراضاتہ بافان محکمہ ، بر فعلک غیر
قانونیلکی درجہ سی حد ذاتنده پک خفیف اولدیغی و بوکا مانع

[۱] انتخابات مصارفی رسمی صورتده بیلدیریلیرکن یا کلش بیانانده
بولونقی ، بوخطا قصدی اولدیغی تقدیرده ، بر حیلہ و افساد مانورہ سی
تشکیل ایدر ، غیر قانونی بر حرکت عد اولوناز . 46 - 7 Vic. c.
§ 33 (7)

[۲] بورادہدہ بر استثنا واردر . اهمیتسز برشی موضوع بحث
ایسہ و نامزد ایله انتخاباتده قوللاندیغی مأمور بوکا اشتراک ایتک شویله
دورسون بالعکس حیلہ و افساد مانورالری نہ و غیر قانونی حرکتلرہ مانع
اولق اوزره الارندن کلنی یا عیشلرسہ حاکملر انتخاباتہ مأمور کیسه ناک
غیری بر مأمور طرفندن ہدیہ ویریلہ سنی و تضییق اجرا ایدیلہ سنی ده
معذور کورہ بیلیرلر . 46 - 7 Vic. c. 51 , § 22

اولق ایچون الدن کلدیکی درجه ده چالیشمش اولان نامزدک
اشتراکی اولقسزین ارتکاب ایدیلدیکی تقدیرده اونی نظراعتباره
آلمایه بیلیر. کذلک ، غیر قانونیک دوغرودن دوغرویه نامزد
یا خود انتخاباده کی آرائی طرفدن یا بلدیغی احوالده بیلده قتسز لکدن ،
عارضی بر حساب خطا سندن یا خود معقول هر هانکی بر سبیدن
نشئت ایتمش ایسه محکمه جه ینه نظر مسامحه ایله کوروله بیلیر .
مصارف حساباتنک اراؤه ایدیلده مه مسی بر خسته لقدن نشئت
ایدیورسه بوده معذور طو تولا بیلیر .

ایختیاباتک تذیلنه سائق حرکات
بویوک مصارفی ایجاب ایتمه دکاری حالده سیاسی اخلاق
وعاداتک تذیلنه سائق اولان بعض افعال و حرکات قانون طرفدن
غیر جائز کبی تلقی ایدیلن و منع اولومشدز . قومیه مرکزی
اولق اوزره بر میخانه انتخاب ایدیله سی [۱] و منتخبلره قوقارد ،
قورون و سائر علامات فارقه توزیع اولونماسی [۲] بوقیلندز .
بونلر آسائس عمومی ایچون تهلاکلی بر اصول عد اولونیور .

مصارفک تحدیدی
ظاهراً ضررسز کورون بعض حرکات ، افراطه قاجیلما سنه
میدان ویرلمه مک مقصدیله منع ایدیلشلردر . بوقیل مثاللرک اک
غریبی منتخبلری رأی صاندیق لرینک باشنه کوتورمک اوزره
کرا آراه لری طو تولماسنی منع ایدن ماده در [۳] . بوقیل بر
قاعده پک زائد کبی کورونه بیلیر . فقط او یله آ کلا شیلورکه ،

[۱] کذا ، § ۲۰

[۲] 17 - 18 Vic. c. 102 , § 7 .

[۳] 46 - 7 , Vic. c. 51 , § 7 , 14

بونی وضع ایدن ۱۸۸۳ قانونندن اول ، بعض احوالده منتخبلری آراهیه بیندیرمک ایچون بیکلرجه انکلیز لیراسی صرف اولونمشدر . قانون ، آراهیه بینلمه سنی قطعاً منع ایتمه یور . یالکزر کرا ایله طوتولمش آراهیه قوللانماسنه مساعدده کوسترمه یور . بونک نتیجه سی اولارق ، فرقه نک زنکین افرادی منتخبلرک امرینه قوناق آراهیه و اوتوموبیللرینی اماده بولوندیریورلر . بعضاً بونلرک اوزرنده شایان حرمت اصالت تمغالری ده واردر . فی الحقیقه ، انتخابات نتیجه لری حقنده درمیان ایدیلن تخمینلرده چوق کره محافظه کار نامزدلرک دهـا چوق آراهیه تدارک ایده بیلیمک کبی محسناتلری و تفوقلری اولدیغی سوبله نیر .

انتخاباتده افراتلرک اوکنه کچمک اوزره منتظم بر اصول
 دائره سنده صرف ایدیلن اک بویوک جهد و غیرت بر طرفدن
 نومصارفانک موضوعی تعیین ایدن ودیکر طرفدن یکوتی تحدید
 ایله یں احکام قانونیه ده تجلی ایدر . ۱۸۸۳ قانوننه مربوط بر
 جدول مشروع صورتده نه کبی شیلره یارد صرف ایدیله بیله جکفی
 تعداد ایتمکده در . جدولک برنجی قسمی قانونی صورتده
 استخدام ایدیله بیله جک کیسه لره تعلق ایلور . بونلر بروجه
 آتیدر : بر انتخابات آژانی [۱] ؛ رأی آتیلان هر شعبه ده
 اعطای رأی عملیه سنه نظارت ایتمک اوزره بر رأی مأموری ؛
 نفوس نسبتنده کتبه و مستخدمین . بوتقطه ده کی مساعدده قانونیلرده
 [۱] قانونلرده رأی ویریلن هر شعبه ایچون آژان معاونی
 استخدام ایدیله بیلیر .

دائرة انتخابیه نك وسعتی دولایسیله ، بارولره نسبتله دهافضله در .
قانون ، جدوله ارائه ایدیلنلردن باشقه اجرتلی مأمور استخدامی
منع ایدر [۱] واجرتلی مأمورلری حق انتخابدن محروم براقیر [۲] .
شایان دقتدرکه رأی جالبه چالیشان کیمسه لر can vasser قانوناً
استخدامی جائز مأمورلر لیسته سینه داخل دکلدرلر . بونك
نتیجه سی اولارق ، اجرتله بویله آدملر استخدامی غیر قانونی بر
حرکت تشکیل ایدر [۳] . حالبوکه منتخبلرک کندیلرینه مراجعتله
رأیلرینی فلان نامزده ویرمه لرینی توصیه ایتک بر انتخابات
دوره سنده یاپیلان ایشک الک مهم قسمی تشکیل ایدر .
هر نامزدک یانی صیرابر کوکللی اردوسی وارددرکه بوخصوصده اوکا
معاوننده بولونورلر . امکان اولان یرلرده نامزد باشقه دواثر
انتخابیه نك آژانلردن یاخود آیری جمعیتلرک معاوتندن
مستفید اولور . بومأمورلره کندیسی اجرت ویرمیدیکی واونلرده
حقیقته بو مناسبته ایفا ایتدکلری خدمتدن دولایی آیریجه
بر پاره آلامدقلری ایچون قانونك منع ایتدیکی دائرة داخلنه
دوشمه مش صاییلرلر .

سائر مصارف جدولك مساعده ایتدیکی سائر صرفیات ، طبع ، اعلان ،
کاغذ مصرفی ، پوسته اجرتی وبوکا مماثل شیلر ایله عمومی
اجتماعلر مصارفی ، بش یوز منتخب باشنه بر قومیه بناسنك

[۱] 17 § 51 , Vic. c. 7 - 46

[۲] کذا ، § ۳۶ و برنجی جدول ، برنجی قسم (۷) .

[۳] روجرس ، ۲نجی جلد ، ۱۵۶ ، ۱۶۰ ، ۳۵۰ .

بدل ایجاری [۱]، مختلف فقط قانوناً جائز خصوصات سائر ایچون ایکی یوز انکلیز لیراسنه قدر مصارفدن عبارتدر. نامزد شخصی ایچون سیاحت و اوتل مصارفی ده اختیار ایده بیلیر [۲]. رأی ویریله جک حجره لرك تأسيسی، بونلره نظارت ایده جک مأمور لرك اجرتی و انتخاباتک باعث اولدینی سائر مصارفاتک تسویه سی ایچون انتخاب مأموری طرفندن صرف ایدیلن مبالغی ده تأدیه ایتک لازمدر [۳]. بو صوک مصرف نامزدلر طرفندن مشترکاً ویریلیر. آز برشی ده دکلدر. چونکه ۱۹۰۰ سناسی انتخابات عمومی سنده بوتون انکلتزه قراللی ایچون ۱۵۰۲۷۰ لیرا اون شیلین واون بر پنسه بالغ اولمشدر که بوتون مصارفاتک همان همان بشده بری دیمکدر [۴]. ملی لیرال فده راسیونی بومصرفک نامزدلره تأدیه ایتدیریله جک یرده حکومت طرفندن درعهده ایدیلله سی لازم کله جکنی پروغرامنده دفعات ایله اعلان ایتشد.

پارلمنتو، انتخاباتک بهاسنی تنزیل مقصده یالکیز جائز مصارفات موضوعلرینی تعداد ایله اکتفا ایتمهش، بومصرف لرك بالغ اولاییله جکلری صوک حدی ده تعیین ایتشد [۵]. بارولر [۱] قانون، قومیته لر ایچون بر مرکزی بنانک استیجارینه وفضله جه هردائرة انتخابیه ده بش یوز منتخب باشنه بر بنا کر الانماسنه مساعده ایدر.

[۲] 45-47 Vic. c. 51, § 31

[۳] 38-39 Vic., c. 84; 48-49 Vic., c. 62

Com. Pap., 1901, LIX, 145, p. 84 [۴]

46-47, c. 51, Sched. I, Part IV [۵]

ایچون بوحدود ، دفترلرده مقید منتخبلرک مقداری ایکی بیکی تجاوز اتمه دیکی احوالده اوج یوزاللی انکلیر لیراسیدر . منتخبلر بومقداری تجاوز ایدولرسه بیک منتخب باشنه اوتوز لیرا صرف ایدیله بیلیر [۱] . فقط بو مبالغ انتخابک باعث اولدیغی بوتون صرفیاتی ارائه دن اوزا قدر . چونکه ایچنده نه منتخبک یوز لیرایه چیقاییان شخصی مصرفی نه انتخاب آژاننک ویردیکی حساب داخل دکلدر .

انتخابات مصارفی حقنده موضوع اولان قاعده لرک حیله وافساد مانورملرینه قارشی قونولان احکامه مشابه قوه تأییدیه لری واردر . یالکیز بونلر اودرجه شدید دکلدرلر . حکم ایدیله بیله جک جزادن باشقه ، بو قواعدی اخلاص ایدیه جک نامزدک ویا آژاننک غیرقانونی حرکاته جرأت جرمیلده اتهام ایدیله جکنی قانون تصریح ایدیور [۲] . کرک بالذات کرک آژانلری واسطه سیمله غیرقانونی بر حرکت ارتکاب ایدن نامزد هم مبعوثلغنی غائب ایدر هم او دوره انتخابیه ده عینی دأره دن مبعوث چیقماق حقندن محروم قالیر [۳] . یالکیز ، یوقاریده

غیرقانونی
تأدیاته قارشی
جزا

[۱] ایرلانداده کرک بارولر کرک قانوتی لر ایچون بوحد اعظمی برآزدها آشاغیدر .

[۲] 46-7 Vic., c. 51, § 21

[۳] قانونه مخالفت نامزدک مرافقه تله وقوعه کلشه غیرقابل انتخاب اولمق مدتی یدی سنه یه چیقار . کذا ، § ۵ .

ایضاح ایتدیگمز کی حاکم، بوعواقبه اوغرامقدن کندیسنی وارسته طوتابایر .

انتخابات مصارفی حقنده یالکز صریح برطاقم احکام تنظیم نامزدك انتخاب ایتك کافی کلز . بونلك مرعیتنی ده تحت تأمینہ آلمالیدر . آزانی
انکترده بومقصدی استحصال ایچون قوللانیلان چاره هرنامزدی بوتون مصارفدن مسئول بر انتخاب آزانی ارائیه مجبور طوتمقدن عبارتدر . نامزدك یوز انکلیز لیراسنی کچمه یه جك درجه ده شخصی صرفیاتی خارج طوتولورسه نه بالذات نامزد طرفدن نه اونك حسابنه باشقه بری طرفدن انتخابات مصارفی ایچون هیچ بر مبلغ تسویه ایدیله مز . بوتون بو مصارف مطلقا نامزدك انتخاب مأموری اولارق ارائه ایتدیکی آدم طرفندن یاپیلمق اقتضا ایدر [۱] . آزالك غیری بری طرفندن انتخابات مصارفی ایچون وقوعه کئش تعهداتک هیچ بری معتبر دکلدردر [۲] . انتخابی تعقیب ایدن اوتوزبش کون ایچنده نامزدك بو انتخاب آزانی، رسمی انتخاب مأمورینه بوتون صرفیاتی بیلدیرمه که و نامزددن ویاخود دیگر برندن انتخابات مجادلہ سی ایچون آلدیغی بوتون مبالغ حقنده بر حساب ویرمه که مجبوردر . نامزدده، بو حسابك دوغرو وخالص اولدیغنه قناعت وجدانیه سی بولوندیغنی بیان ایتك مجبوریتنده در [۳] .

[۱] کذا، ۳۱۰۲۸ .

[۲] کذا، § ۲۷ .

[۳] کذا، § ۳۳ و جدول ۲

بو وظیفه ایچون انتخاب اولونان کیمسه لر یالکیز نامزد ایچون غایت مهم اولمقله قالمازلر. انتخابتک ناموسکارانه جریانی ده قسماً بوکا وابسته در. نامزد، کندی کندیسنگ انتخاب مأموری اولایلیر. فقط بو نادراً کورولیور. علی العاده، فقط قطعی برقاعده تشکیل ایتمکسزین، نامزد، محلی جمعیت سیاسیہ نک دائره انتخابیه یی هرکسدن ایی طایبق کبی برمحسنانی حائز اولان، اجرتهلی کانبی ترجیح ایدر. محافظه کارلر فرقه سی طرفندن نشر ایدیلن « پارلمنتو انتخاباتی ایچون عملی کوچوک کتاب » [۱]. Pratical Manual for Parliam- entary Elections بو اصولی توصیه ایتمکده در. دیگر طرفدن، روجرس انتخابات حقنده کی اثرنده [۲] بو کیمسه لر انتخاب ایتمک پک اصولدن اولمادیغنی خبرویریور. چونکه « جمعیتک و اعضالرینگ افعال و حرکاتندن متولد مسئولیت چوق کره : مزده تحمیل ایدیلمکه چالیشیلیر ». « دیگر برتهلکه ده » ، دیور، « نامزدک انتخابات مصارفک منتخبلرک لیسته یه قیدلری مصارفیله قاریشیدیرماسی یاخود بونلرک جمعیت مصارفاتی نامی آلتنده کیزلنمسی در ». فرقه لرک شیمدیکی تشکیلاتنه کوره، بو قبیل بر قاریشیقلق همان همان غیر قابل اجتنابدر. احتمالکه نامزدلرک، اثرک محرری طرفندن ظن اولوندیغنی قدر بوندن

[۱] ۲ نجی طبع، (۱۸۹۲)، ۱۴

[۲] ۲ نجی جلد، ۱۵۲، ۱۵۳

قورقولری ده یوقدر. بو اصولک عرض ایده بیله جکی تهلهکه لره رغما استعمالی ساده پک شایع اولمقله قالمایور، کیتدجکده آرتیور . حقیقتده کاتبک و اجر تلی مأمورلق وضعیتی بر مسلك حاله گلشدر . فرقه تشکیلاتلرینی تدقیق ایدرکن بونک اوصاف میزه سنی تحلیل ایده جکر .

انتخاب
محکمه سی

وقتیله انتخابک مقبولیتنه بالذات عوام قاماراسی قرار ویریدی . بونک نتیجه سی اولارق ، بالطبع مقرراته سیاست بویوک برنسبتده قاریشیردی . اودرجه ده که سررورت والپولک سقوطنه اعتراضلی بر انتخاب مناقشه سنده غیر مساعد بر قرار ویریله سی سبب اولمشدر . ۱۷۷۰ ده یاپیلان بر قانون ، بوصلاحیتی قاماراک خصوصی برانجمنه تودیع ایتدی . فقط بوده سیاسی خصومتی اورنادن قالدیرامادی . نهایت ، ۱۸۶۸ ده بوتون انتخابات اعتراضلری حقنده حکم اعطاسی صلاحیتی شکایتک اساسی نه اولورسه اولسون عدلی بر هیئته ویرلدی . رأیلرک حسابنده خطایه ، حیلله وافساد مانوره لرینه ، غیرقانونی حرکات وقوعنه هپ بو محکمه حکم ایدر . محکمه شیمیدی یوکسک محکمه نك قرال ماصه سی شعبه سنه منسوب و شعبه نك دیگر اعضالری طرفدن منتخب ایکی حاکمدن ترکب ایدیور [۱] . مغلوب اولمش هر نامزد یاخود هر منتخب ، محکمه یه انتخابک مقبولیتنه اعتراض ایچون نه کی سبیلره استناد ایتدیکنی عرض

ایده بیلیر . مسئله ، سائر بوتون عدلی مسائلده تعقیب ایدیلن احواله توفیقاً حکمه اقتران ایدر ، شاهدلر دیکله نیر و مصارف اختیار اولونور . محکمه نك قراری عوام قاماراسنك رئیسینه برر اپور شکلی آلیر . فقط حقیقتده اورته یه آتیلان مسئله لر حقنده قطعی بر حکم دکلدر . چونکه شاید محکمه حیلله و افساد مانوره لر اولدیغنه یا خود تیر قانونی حرکات یاپلدیغنه قرار ویره جک اولورسه راپور یالکیز انتخابی کآن لم یکن حالنه کتیر مکله قالماز ، نامزدی یا خود باشقه بر شخصی بو جرملرک ایجاب ایتدیکی سیاسی محرومیتلرده گرفتار ایدر [۱] .

حیله و افساد
مانوره لر
غنده کی قانونک
نتیجه لر
صارفک تنزیلی

انتخابات مصارفک تنزیلی نقطه سنده انکلیز لک مسئله نی طرز حللری هیچ شبهه سز که موفقیته نتیجه لشمدر . پارلمنتویه عرض ایدیلن ایستاتیسیتقلره کوره ۱۸۸۰ انتخابات عمومی سی اشناسنده - که حیلله و افساد مانوره لر حقنده کی ۱۸۸۳ قانونندن اول وقوعه کمش صوک انتخاباتدر - بوتون انکلتیره قرالغنده نامزدلر طرفندن اختیار ایدیلن مصارفک یکونی ۱۷۳۶۷۸۱ لیرایه بالغ اولمشدی . بونی متعاقب ۱۸۸۵ ده وقوع بولان انتخابات عمومی ده بورقم ۱۰۲۶۶۴۵ لیرایه دوشدی و او تاریخدن صوکره دائماً بومقدارک دوننده قالدی . ۱۹۰۰ ده ۷۷۷۴۳۹ لیرادن عبارتدی . شیمندی وسطی مقدار بودر . معافیله انکلتیره ده انتخابات مصارفی بو کون آزرشی دکلدر . ۱۹۰۰ سنه سنده ، انتخابات مجادله سی

جریان ایدن دوائر انتخابیده ویریلن هررأی باشنه وسطی اولارق
درت شیلین درت پنس مصرف اصابت ایدیوردی [۱] .

فقط ، مصرف حساباتی ، حقیقه صرف ایدیلن پاره حقنده
بعضاً انسانه ناقص بر فکر ویریر . اخیراً تایمس غزته سنه « بر
مبعوثك صقنتیلری » نامی آلتنده کوندریلن بر سلسله مكاتب
بونقطه یی اولدقجه تنویر ایدیور [۲] . بو نشریات ، غال الكاسنه
منسوب بر مبعوثك مكاتبيله باشلا یوردی . مبعوث ، انتخابات
مصارفنی امضالادقدن بر آی صوکره ، انتخابده چالیشمش بعض
کیمسه لره ویريله جك پاره یه دائر انتخابه مأمورایتدیکی آژانندن
بر مکتوب آلدیغندن شکایت ایدیوردی . حيله وافساد مانوره لری
علمهنده کی ممنوعیت قانونیه به اهمیت ویرمه رك بو تأدیاتی قبول
ایده میه جکنی سویله میسی اوزرینه انتخاب آژانی کندیسنه بر
مکتوب یازمش ، انتخابات مجادله می ائناسنده کندی حسابنه
کیریشیلن تعهداتی مایوب طانیما دیغنی صور مشدر . مبعوث ،
جواب رد ویرمکده کی اصراری کندیسنی اسکی طرفدارلرندن
بر چوغی نزدیده کوزدن دوشوردیکنی ، شیمدی اونلرک بردها
نامزدلرکنی قوماسنه مانعته چالیشدقلرینی سویله یوردی . بو اتهاماته
جواباً ، انتخابده کی آژانی تایمسه کوندردیکی بر مکتوبده
مقصدی شوا اولدیغنی ایضاح ایتدی : « کندی دعواسی اوغورنده

پك فداكارانه چالیشمش کیمسه لره قارشى متدارلغنى اظهار ایتمه نك بویولنى ، شبهه سزكه قانونى بر یولنى ، بولماسى اقتضا ایدردى . هم بو چاره نك بولونمش اولدیغنى ذه علاوه بیلدیریوردی : بوكا « سفالت محققه » نامى ویریلیوردی . مبعوث ، ینه تایمس غزته سنده بومکتوبه ویردیكى جوابده دائره انتخابیه داخلنده ازاله سنه چالیشمش اولدیغنى سفالتك تخفیفى کیفیتى ايله انتخاب آراسنده هیچ بر مناسبت بولونمادیغنى و کندیسى ایچون چالیشمش کیمسه لرك خدمتارینه قارشى بو طرزده اظهار شکران ایدیله مه یه جکنى ادعا ایتدی . فرقه اوغورنده چالیشانلره مکافات ایچون چوق دولاماجلی واسطه لره مراجعت اریله دیکنى ادعا ایتك پك جرأتکارانه اولور . فى الحقیقه ، باشقه بر انتخاب آثرانى ، بحث ایتدیکنمز بو مناقشه ائناسنده تایمس غزته سنه کونوردیکی برمکتوبده [۱] نامزدنامه یاپیلان بوقیل وعدلرك مع النأف پك منتشر اولدیغنى بیان ایتشد .

بالذات نامزد طرفندن حيله و افساد مانورلری علیه نده کی قانونى اخلال ایده جك صورتده یاپیله بیله جك بعض افعال و حرکاتدن باشقه ، قانونده اوپله بر طاقم نقصانلر واردر که شقه لری بونلره استناداً برچوق قاچه ماقلر بولا بیلیرلر . بو اوقدر قولایدرك بر نامزدك انتخاب آثرانى مصارف حساباتنك بویوك بر قسمنى بر مضحکه دن عبارت اولدیغنى سویله مشدر . فى الحقیقه ،

قانوندن
قاچه ماق
قولایلنى

نامزد ايله كنديسنك انتخاب آزان لرى آكلاشنجه قانونك قاريشيق قاعده لرندن قورتولماك يولى قولايدير. بونلر كوزلرني كوزلجه قاپارلر و جريان ايدن احواله قارشى تجاھلدن كليرلر سه انتخابى كان لم يكن اعلان ايدمك درجه ده كنديلرني حيله و افساد مانورده لرندم ذى مدخل تلقى ايدم بيلمك پك زور اولور [۱].

انتخاب
مأمور لغنى
ايشاده كى
مشكلات

باشقه بردارم انتخابيه ده برنامزدك انتخاب آزان لغنى ياپان بر آدم ، غير مقیم منتخبلك يول مصرفنى تأديه ايدم بيلير . « پریمروز ايسغ ، يا خود باشقه بر جمعيت ، قير اكلنجه لرى ، چای ضياقلرى دها بيك دورلو شيلر ترتيب واکرام ايدم بيلير كه نامزد طرفندن ياپاسه لردى حيله و افساد مانورده لرى ديهه تلقى اولونا بيلير لردى . حالو كه بوشكلمده وقوعه كلنجه نامزدى مسئول طومتقى قبل الرماز . بيرا فابريقه جيلرى ، رأى قوطوسنك باشنه كوتورولمده دن اول منتخبلىر طوپلادقلرى ميخانه لرده مجانا بيرا داغيتا بيليرلر و نامزد ، انتخابى فسخ ايتديرمكه سبب اولاجق هيچ برشى ياپماش اولابيلير . بو ، هيچده خيالى بر تهلمكه دكلدر . چونكه بيراخانه لره مربوط ميخانه لر اصولى tied house تأسس ايدملى برى ميخانه جيلر بويوك بيرا فابريقا جيلرينك تحت حكمنده قالمش لدر . بونلر ايسه پارلمنتو انتخاباتنده مدھش پاره دو كورلر . حاصلى ، بوقبيل احوالده ، بر نامزدك انتخاب

[۱] نامزدلر ك انتخاب آزان لرى حقننده يوقا ريده بحت ايتديكمز

فقره لره باقيكز .

آژان لغی وظیفه سنک در عهده ایدیلش اولدیغی اثبات ایتک غایت زوردر . بومسئله یه قوجه بر باب تخصیص ایدن روجرسک دیدیکی کبی: «ملاحظات اخلاقیه دن محروم و انتخابی اداره ایله مکلف بر طاقم آدمک بوتون جهد و غیرتلی بواشتر کی اخفایه و نامزدی کندی حسابنه یاپیلان حیل و افسادک نتایج جزائیه سنه معروض قالمق دن تخلیصه معطوف اولمشدر . انتخابک طرز اجراسی حقنده یاپیلان بر تحقیقاتک ، سائر بوتون اسبابدن زیاده انتخاب آژان لغی اثبات ایده یلمک مشکلاتدن دولایی عقیم قالدیغی سویله نیرسه پک جرئتکارانه بر ادعایه قیام ایدیلش اولماز .» [۱].

بوندن باشقه ، انتخابات دوره سنک نه زمان باشلادیغی ، بناء علیه هانکی تأدیاتک انتخابات مصارفی میاننه ادخال ایدیله سی لازم کله چکنی تعیین مشکلاتی ده واردر . ۱۸۸۳ قانونی ، نامزدی ، — سیاق و سباق باشقه بر تفسیره لزوم کو سترمدیکی تقدیرده — بویورلدی نک ارسالی آنندن یا خود بویورلدی نک اصدارینه باعث اولان فسخ ویا انحلال آنندن صوکره ارانه یا خود نامزد اعلان ایدیلن ذات دییه تعریف ایدیور [۲] . فقط شبهه سز که بو ، ده اول ارتکاب ایدیلش بر حیل و افساد فعلنک انتخابی ابطال ایتمه یه چکی

انتخابات
دوره سنک
باشلانغیچنی
تعیین مشکلاتی

[۱] روجرس ، ۲ نجی جلد ، ۳۶۰ . ۱۹۰۶ انتخابات عمومیه سنده رشوت اعطا ایدیلدیکی ثابت اولان بروقه ده ، انتخاب واقع ، نامزدک انتخاب آژان لغی مسئله سنده حاکم اتفاق ایده مدکلرندن دولایی تصدیق اولوندی . غربت یرموت مسئله سی . 5 O'M. and H. , p. 176

معاسنی تضمن ایتمز . بالعکس ، محکمہ لک اجتهادات ، دائمہ سیلہ
تقرر ایتمدیکنه کوره ، بر انسان نامزد اولایلیر ومعین وغیر
متحول بر تاریخ تشیقی محال اولمقله برابر [۱] انتخابات مصارفی
اوتاریخندن دها اول باشلایه بیلیر [۲] . بو، مصرفک ماهیتنه تابع
برشیدر . مثلاً منتخب لک دفتر لره قیدی انتخاباتدن تمامیلہ آیری
بر معاملہ در . انتخابات لیستہ لری ایچون ایدیلن مصرف هانکی تاریخده
وقوعه کلش اولورسه اولسون بونلری هیچ بر زمان انتخابات مصارفی
میانہ ادخال ایتمه مک لازمدر [۳] . دیگر طرفدن، بر رأیک، هانکی
تاریخده اولورسه اولسون ، ساتون آلدینی اثبات ایدیلیرسه
شبهه یوق که بونک نتیجه سنده نامزدک انتخابی کأن لم یکن اعلان
اولونور [۴] . بویکی منتها آراسنده بر چوق افعال وحرکات
واردر که حائز اولدقلری وصف انتخاباتک یقینلغه تابعدر .
عوام قاماراسنک فسخی صیرالرنده محلی بر جمعیت سیاسیه اعانه
ویریلہ سی انتخاب مصارفی عد ایدیلہ بیلہ جکنه محکمہ جه حکم
ویرلمشدر [۵] . حالبو که باشقه زمان هیچده بویله دکلدرد [۶]
کذلک ، دائره انتخابیه داخلنده کی سفالتی تخفیف ایچون نقد

[۱] الجین ونارین قانونتی لری مسئله سی 1 M'OandH., 5

[۲] روجرس ، ۲ نجی جلد ، ۱۵۷-۱۵۸ .

[۳] روجرس ، ۲ نجی جلد ، ۱۶۲ .

[۴] کذا ، ۲۵۹ ، ۲۶۸ .

[۵] لیقفیلد مسئله سی ، 8-34 p. 27 O'M. and H.

[۶] الجین ونارین قانونتی لری مسئله سی ، 1 p. O'M. and H.

یا خود ارزاق شکننده اعانه ده بولونلاسک رایلر اوزرنده اجرای
تأثیر مقصدیله وقوعه ککش بر حیلہ و افساد معامله سی کی تلقی
ایدیلوب ایدیلہ مسی ایچون یاقین بر استقبالده بر انتخاب وقوعه
انتظار ایدیلوب ایدیلہ دیکنه باقیلیر [۱] .

انتخابیه یی
کوزتمک

انکلتزده عمومی انتخابات غیر منظم فاصله لرله وقوعه کلدیکی
و وقوعدن پک آز اول اعلان اولوندینی ایچون، دهها مجلسک
فسخی موقع تصورده دکل ایکن، حتی بعضاً بر قاج سنه اول،
نامزدلرک انتخابی عادت اولمشدر . حقیقته او آنده کی مبعوث
یکی بر نامزدلک ایچون برحق ترجیحه مالکدر . کندیسسی،
دائمی بر نامزد کی تلقی اولونور . بوشراط داخلنده نامزدلک
حال و وقتی مساعد ایسه، منافع عمومیه و امور خیریه متعلق
ایشلره بول بول اعانه ویره رک منتخبلرک حسن نظرینی جلبه
چالیشماسی ده حادثدر . بو اعانه لر حیلہ و افساد افعالی کی تلقی
ایدیلز . چونکه پاره اعطاسی آنجق معین منتخبلر اوزرنده
اجرای نفوذ و تأثیر مقصدیله ویریلدیکی تقدیرده مفسد اخلاق
اولور [۲] . کذلک بو اعانه لر انتخابات مصارفی میانه کیرمزلر،
غیر قانونی تأدیات عد ایدیلزلر . طبیعی، انتخابات دورده سنده

[۱] اقلیلده مسئله سنه باقکز، ۲۷؛ هاجرستون مسئله سنه
باقکز کذا، ۶۸، ۷۲-۸۸؛ سنت جورج مسئله سی، کذا، ۸۹ .
کذلک، هدیه بخشنده غربت یرموث مسئله سنه باقکز. کذا، ۱۷۶،
۱۹۸ .

وقوعه کلیرلر سه اوزمان ایش دیکشیر [۱]. اوزمان بوکا بردائره
 انتخابیه یی کوزتمک nursing a constituency دیر لر . بو،
 قریقت قلبنه اعانه ویرمکدن برخسته خانه تأسیسه اشتراک ایتمه
 قدر بیک دورلو شکل آلابیلر . صرف ایدیان مبالغ موقعه،
 نامزدک ثروتنه کوره پک چوق دیکشیر . هیئت مجموعه سیله
 قاچه بالغ اولدیغی کیمسه بیلمز . چونکه بو طریق ایله نه لر
 ویردیکنی کیمسه خلقه اعلان ایتمز . فقط امکان درجه سنده
 بر تخمین ایله دنیه ییلر که علی العاده، بو هدیله لر بر مبعوث ایچون
 سنوی بر قاچ یوز انکلیر لیراسنه مال اولمقده در . بدیهیدر که
 دوائر انتخابیه یی کوزتمک عادتی انتخابات دوره سنک نه زمان
 باشلايه جنی مشکوک اولماسی کیفیتنه انضمام ایدنجه سؤ استعمالاته
 بر قانی آچور .

انتخابات قانونلرینک صورت قطعیه ده تطبیقنه قارشى دیگر دلیل بولمقده کی
 بر مشکلات ده مغایر قانون حرکاتی اثبات ایچون دلیل بولمق
 نقطه سنده در . شبهه سز که بر شاهد ، شهادتی کندیسنی مهم
 کوستره جکی مهانه سیله جواب ویرمکدن استسکاف ایده مز .

[۱] منافع عمومیه یا خور اور خیره ایچون حسن نیتله ویرلن
 اعانه لر انتخابات مصارفی میانته کیرمز (روجرس ، ۲ نجی جلد ،
 ۱۶۱-۱۶۲) . فقط بو « حسن نیت » ی تعریف فولای دکلدر .
 چونکه دائره انتخابیه داخلنده باشقه بر علاقه یی اولمایان بر نامزد
 طرفندن وقوعه کلن بوتیل هدیله لر دائئا، هیچ دکلسه قسما، شهرتی
 تزیدد صور نیله بالواسطه رأی قارائمی غایه سنه مبنی اختیار اولونا جفدر .

چونکه قانون اونی جواب ویرمه اجبار ایدر . اکر حقیقی سویلر سه کندیسنی تعقیباندن مصون بولوندر ارجاق بر معافیت تصدیقنامه سنه حق قازانیر [۱]. فقط ، مثلاً رشوتی اثباته خادم وقعه لری ، صورت عمومیه ده ، آنجق بونلری کیزله ملری ایچون پک قوتلی سبیلری اولان کیمسه لر ییلر لر . انتخابات قواعدینی مخل صورته وقوع بولان سائر حرکات حقنده ده آرزوق بویله در . دیمک که ، مغایر قانون حرکات جزا دعوالرنده اولدیغی کبی ، حقوقاً شایان قبول و شهیدن آزاده شهادت لرله اثبات ایدیله جکسه مغایر ناموس وسائط ایله تأمین ایدیلش بر انتخابک تدقیقندن هیچ بر نتیجه حقیقمایه جنی آشکاردر . ناصل که بر چوق ارباب جرائمده جزادن قورتولور . بونقطه بزی انتخابات محکمه لرینک نه در جهده مشمر ومؤثر اولد قلرندن بحشه سوق ایدیور . انتخابات اختلافلری ، محکمه ده کی آرقداشلری طرفندن تعیین ایدیلش ایکی حاکمک قرارینه حواله اصولی ، سیاسی بر مجلسک بوقیل مسائله ویره بیله جکی حکملره دائماً قاریشان احتراصات سیاسیه دن بشری بر محکمه نک نه قدر آزاده قالماسی قابل ایسه اوقدر آزاده بر محکمه تأمین ایتشد .

انتخاب
محکمه لرینک
منریتلری

یا لکز ، قصوری اولمیان هیچ بر مؤسسه یوقدر . انتخابات شکایتلری حقنده تدقیقاده بولونمق اوزره صورت مخصوصه ده تشکیل ایدیلش اولان بر پارلمنتوانجمنی ۱۸۹۸ ده ویردیکی راپورده

قصورلری

بوسیدسته مه قارشی در میان ایدیلن مؤاخذاتک کورولن بطائندن،
اختیار ایدیلن مصر فدن، دعواده غالب کلنک بومصارفی صوکره
استرداد ایده بیلیمه سی تأمین اولونماش اولماسندن ایلری کلدیکی
سویلیور، بومخذورلره چاره ساز اولوق ایچون اصول محاکمه ده
بعض اصلاحاته لزوم کوستریوردی [۱].

انتخابات مناسبتیه اقامه ایدیله جک بر دعوانک مصارفی یوکسک استدعا مصارفی
اولدینی دوغرودره بعضاً بیکلرجه انکلز لیراسنی بولور. بومصارفی
مدعی تسویه ایتدیکی، دعوانک قازانماسی یکی بر انتخابی انتاج
ایلدیکی ودعوا، مدعی بی آرزوق خلقک نظرندن دوشوردیکی
ایچون مغلوب اولمش بر نامزدک دعوایه قالمقمده تردد ایتمه سی
شایان حیرت کورولمه ملیدر.

انکلتره عوام قاماراسنک انجمن مخصوصنه قارشی بسله نن
بوتون حرمته رعماً، اجنبی بر مدقق ومشاهد شیمدیکی اصولده
بولونابیله جک قصورلرک یالکز بونلر اولمادیغنی دوشونمکدن
کندیسی منع ایده مز. انتخاباتدن شکایت ودعوا ایدیله سنه مانع
اولان سبب یالکز مصارفدن عبارت دکلدر. کرک نتیجه نک
نه اولاجنی کرک شکایتی نه کبی وقایعی استناد ایتدیرمک لازم
کله جکی حقمنده کی ترددک ده بونده بویوک تأثیری وارددر. بر نامزد،
مغلوبیتنک رقیبی طرفندن، میخانه جیلر طرفندن، محلی بر فرقه
تشکیلاتی طرفندن یاپلش بر حیلّه وافساد مانوره سندن نشئت

نتیجه نک
مشکوکیتی

ایتدیکنه قانع اولایلیر. بوکا رغماً، محکمه بوتاهما تدن بعضیسنک اثبات ایدیلهمه مش اولدیغنه حکم ایدرک سائرلری اوزرینه بنای قرار ایتمه لزم کورمز. چونکه حکم دها مهم برطاقم اسباب موجبیه استناد ایتک ایجاب ایلمر. مثلاً «علامت فارقه» قولالامق یولنده کی ممنوعیته رغماً، مدعی عامک انتخاب مأموری طرفدارلرینه شاقه لرینه طاقلمق اوزره کاغدلر توزیع ایتشد [۱]. کذلک مهم برطاقم حیلہ و افساد و مانورده لری اتهامی قارشیمسندہ، بر انتخاب غیرمقیم بر منتخبک یول پاره سنک تأدیہ ایدیلش اولماسندن دولای کآن لم یکن اعلان ایدیلدیکی ده واقعدر [۲]. بر دعواده مشتکینک بحث ایتدیکی وقایع مستثنا بر صحنه رزالت تشکیل ایدیورلردی. بو، سوقاقلرده بر سرخوش آلانی شکندہ وقوعه کیشدی. بالذات نامزد بر آرابه ایچنده بو آلاک باشنده ایدی. خلقه مجاناً ایچکی داغیتدیردیغی ده اثبات اولونیوردی. بویله اولدیغی حالده، حاکم، هدیه بحثی کافی درجه ده اثبات ایدیلهمه مش اولدیغی قناعتی اظهار ایتدیلر. فقط بر منتخبک رأی صاندیغی باشنه نقلی ایچون ایکی شیلین ویریلش اولماسندن دولای انتخابی بوزدیلر [۳].

بو کی تدبیرلر هر ایکی طرف ایچونده صوک درجه ده

حاکمک
و شعیتری

[۱] والساس مسئله-ی 4 O'M. and H., 123, 126

[۲] پونته فراقت مسئلهسی، کذا، ۲۰۰.

[۳] سوتامیتون دعواسی، 5 O'M. and H., 17

ناخوشر ؛ غائب ایدن ایچون ، مبعوثلغنی الدن قاجیردیغندن
 دولایی ؛ قازانان ایچون ده مهم بر حیلہ و افساد مانورہ سی
 حسدیلہ باطل عدایتدیکی براتخابی هیچ اهمیتسز برسیدن نقض
 ایتدیرک ایسته مدیکندن دولایی . اک بویوک مشکلات ، حاکمک
 طرز تفکرندن ایلر کلیور کبدر . حاکم ، حیلہ و افساد
 قصدینک ، جزا ایشلرینه تمامی تمامنه اویاجق بر قطعیت ایلہ
 اثبات ایدیلہ سنی ایسته یورلر . حالبوکه بر انتخاب دعواسنده بوکا
 پک امکان بولونا میور . مثلاً ، بر نامزدک انتخاب آژانک ،
 کندیسنه اجرت موعود اولقلہ برابر ، رایہ اشتراک ایتدیکی
 یولنده کی بر شکایتده حاکم ، بر حقوق دعواسنه اساس تشکیل
 ایدہ بیلہ جک ضمنی بروعدیرینه اجرت تأدیہ سنک قطعی صورتده
 وعد ایدیلش اولدیغنک اثبات ایدیلہ سته لزوم کوستردیلر [۱] .
 کذلک ، لوولس اسمندہ بر نامزد انتخاباندن بر آزاو ، فقیرلر
 کندی قارت ویزیتلرینی توزیع ایتدیرمشدی . اونلر بوقارتلری
 ویرہ رک مقابله بیه جک آلابیلیورلردی . بر غزته ، اونیونیست
 نامزدک بویله بیه جک بونولری توزیع ایتدیکنی یازمشدی .
 مع مافیہ حاکمردن بری شومطالعده بولوندی : دعوانک احوال
 و شرائطی کوز اوکنه کتیریلنجه ، مستر لوولسک بو
 بونولری انتخاباندن بر قاق آی اول توزیع ایتدیرمکه منتخبلری
 اوزرنده اجرای نفوذ و تأثیر ایتک مقصدینی تعقیب ایتمش اولدیغنی

ظن ایتمه یورم » [۱] . بو ، تك بر مثال دكلدر . بر كره مصرفك قسم اعظمی نامزد طرفندن ویریلرك چوربا و كومور بونولری توزیع اولونمشدی . برقاج آی صوكره ، نامزد بویه بر ایلك ایتمش اولدیغنی انتخابات ائناسنده منتخبلره خاطر لائمشدی . ایشته بو دعواده محكمه : « شبهه یوق كه مدعی علیه اعانه توزیعنه قاریشماسه ایدی ده ا احتیاطكارانه حرکت ایتمش اولوردی . فقط كوستریلن دلیللر مقصدینك یاخود حرکاتنك حیلہ و افساد ایله بولاشیق اولدیغنی اثباته کافی دكلدر » مطالعه سنی اظهار ایتدی [۲] .

اوله كورونیور كه مشكلات ، قسماً ، حیلہ و افساد مانوره لری ویا غیر قانونی حرکات وقوعنی قبول ایدن حکمك یا لکزا انتخابی نقض ایله قالمایه رق جزائی محکومیتده اولدیغنی کی حقوق سیاسیه دن محرومیتی انتاج ایتمه سندن ایلری کلیور [۳] . بونك ایچوندر كه حاکم لر تعقیبات جزائی نهك مدارا احتیاج كوره بیله جکی دلیللره مساوی دلائل آرامغه میل ایدیورلر . بوندن باشقه ، پارلمنتویه نامزدلکنی قویان بر آدامك مغل قانون حرکات ایچنده الك و خیملرینی ارتکاب ایده بیلمه سنی عقل آماز برشی کی تالق ایتمکده درلر . انتخابات دعوالرنده ویریلن اعلاملرك مطالعه سی بونی واضح صورتده کوستریر .

[۱] هجرتون دعواسی ، کذا ، ۶۸ ، ۸۴ .

[۲] سنت جورج دعواسی کذا ، ۸۹ ، ۹۶ .

[۳] 46 - 47 Vic. c. 51 , § 4 , 11

اليوم
نه درجه ده
حيله كارلق
واردر

اعتراضه اوغرايان انتخابات حقنده حكم ويرمك سيسته مي
تام بر موفقيت تشكيل ايده مه مشهده اسكي انتخابات سؤ استعماللريني
بويوك برنسبتده تحديدايمش اولديني غير قابل انكاردر. انكلترده
و ممالك اجنيهده حكم سورن ظن و قناعته كوره انكلترده
منتخبلره رشوت ويريله سي شكلنك تماماً او كي آلمشدر. فقط،
انكلتره انتخاباتنك ايچ يوزيني بيلنلر اچون بوطن تاميله دوغرو
دكلدر [۱]. انتخاباته هاند شكايتهلرده الكبارز حيله و افساد مثاللري
كوزه چارچمايورسه بونك سببي بر طرفدن ، يوقا ريده بحث
ايتديكمز كي ، بو قيل دعوالري اقامه دن اجتناب ايديلمه سي
و ديكر طرفدن ، رشوت اعطاسي بويوك برنسبتده تطبيق ايديلد يكي
زمان ، عموميتله هرايكي طرفك ده عيني وجهله قباحتملي بولونماسيدر ،
انتخاباتده رشوت اصولي انكلترده اورته دن قالمق اوزره در .
دوائر انتخابيه نك اكثريت عظيمه سنده آرتق كورولمز . هيئت
عموميه سيله ، انتخابات ، ناموسكارانه در . فقط ، اسكي اعتبارلر
بعض يرلرده الا آن موجوددر . بويولرك چوغني انكلتره نك
جنوب حواليسنده در . الا آن چوق مقداره در حروطنداشلي
محتويدرلر . بونلر آراسنده سياسي فساد اخلاق بعضاً بك منتشدر .
بو قيل يرلرك مقدارين و قايعي بك ايني بيله سيله جك موقعه اولان

[۱] ۱۹۰۶ انتخابات عموميه سندن صوكره ، برجهوت ؛ كنديسنك

انتخاب آزانلري طرفدن رشوت ويريله سندن دولايي مبعوثلندن

اسقاط ايديلمشدر. وورچستر مسئله سي 5 O' M. and H. P. 212

بعض ذاتلرك يكرمى ، يكرمى دوت ديه تخمين ايتدكلرينى
دويدق . انتخابات ايشلريله فعال صورتده مشغول اولانلر بودوا
انتخابيه نك چوغنك اسملرينى بيليرلر . فقط بوبارولرده بيله
منتخبلك مقدارينك تزايدى رايلىر ايچون ويريلن اجرتى تنزىل
ايتمشدر . بعضيلرنده بوعادت ياواش ياواش زائل اولمقددر .
بويوك سياسى فرقه لرك رؤساي اداردى نوزنده بوعتيداك نظر
ماحمه ايله كورولمديكنى وهيچ بر وجهله تشويق وتشجيع
ايديله ديكنى علاوه ايله مك حقپرستلك لازمه سندنذر .

اون برنجی باب

عوام قاماراسی

کیمبر اعضا اولماز - امبارلر - دورر اجماعه لر

پارلمنتویه انتخابه
عدم قابلیت

عوام قاماراسنه مبعوث اولابیلیمک ایچون معین بر مقدارده ویرکی ویرمکده اولمق شرطی موجود دکدر. انکلیز تبعه سندن اولوبده انتخاب ایدلمک حقندن صورت مخصوصه ده محروم براقلماش هر فرد قامارایه اعضا انتخاب ایدیله بیلیر [۱].

کرك عرف و عادات كرك قانون كوچوكلری عوام قاماراسی اعضا الغندن محروم براقلمشدر. مع مافیة بعض احوالده بوقاعده یه رعایت ایدیلهدیكى واقعدر. بو استثنایلك مشهورلرندن اولمق اوزره چارلس جهیمس فوقس ولورد جون روسل ارانه ایدیلیور. بونلر سن رشده واصل اولمادن اول پارلمنتویه اعضا انتخاب اولونمشلردی. غیر قابل تداوی مرض عقلی، عرف و عادات حقوقنده مانع انتخاب ایدی. كذلك، قانونآده، بر بیمارخانه ده تحت تداویده بولونمق انتخاب ایدلمک حقندن محرومیتی استاج

[۱] برایکی دفعه یرلی هندیلرک مبعوث انتخاب ایدیلش اولدقلری واقعدر.

ایدر . فقط موقت بر جنته مبتلا اولان و بر خسته خانه ده بولونمایان کیمسه نك پارلمنتوده اعضا اولایلمه سنه و رأی ویره یلمه سنه هیچ بر مانع یوق کییدر .

لوردلر قاماراسی اعضاسی ده عوام قاماراسندن خارج طوتواشاردر . حتی اسقوجیا اهایلسنی تمثیل ایدن اون آلتیلر میانده انتخاب ایدیلمه دکلی جهته لورد قاماراسی اعضا لگنه حق لری اولمایان اسقوجیا لوردلری peers بیله مبعوثلقدن محروم بر ایلیمشدر . مع مافیه لوردلرک عوام قاماراسنه اعضا اولاماملری قاعده سنک بر استثناسی واردر . چونکه ایرلاندا قرال لگنی لوردلر قاماراسنده تمثیل ایتک اوزره انتخاب ایدیلمه مش اولان بر ذات ، بویوک بریتانیانک هر قوتی سی ویا باریسی ایچون عوام قاماراسنه مبعوث انتخاب اولونابیلر . فقط بر ایرلاندا دائرة انتخابیه سی طرفندن مبعوث چیقاریلاماز . لوردلری مبعوثلقدن محروم طوتان قاعده ، پدرینک وفاقی حسیبله عوام قاماراسنده کی مجادلات سیاسیه دن ایریلارق لوردلر قاماراسنک محبشم تقاعد حیاتی ایچنده قاپانمغه مجبور قالان برکنج ایچون پک آجیدر . فقط ، بوکا مقابل ، عوام قاماراسنک ملتک بوتون حیات سیاسه سنی بلع ایتمه سنه مانع اولمق کبی بر فائده سی واردر . بوسایه ده ، لوردلر قاماراسنک قوه حیاتیه سنی ادامه یه خدمت ایتمشدر . لوردلر آراسنده دائما ملت نزدنده بویوک بر حکم و نفوذی حائز کیمسه لر کورولمشدر که بونلر عوام قاماراسی

اعضاسندن اولمالي ترجیح ایدرلردی . ۱۹۰۰ تاریخنده خلق اوزرنده اك زیاده نفوذ و تأثیری حائز اولان ایکی دولت آدمك - لورد سالسبوروی ایله لورد روزبری نك - محروم براقیلما مش اولسه لردی عوام قاماراسنده اعضا اولاجقلى شهه مزدی .

رومایه منسوب قاتوليك هیئت رهبانیه سی ایله آنغلیقان راهبر واسقوچیا کلیسای منسوبینی قانوناً مبعوثلقدن محروم براقیلماشدر [۱] . فقط بو ممنوعیت سائر مخالف مذاهب رؤسائه شامل دکلدر . بوندن باشقه ، بوکون ، انکلیز کلیسای منسوبیتندن هر ذات ، البسه روحانیه سنی ترك ایده رك قابلیت انتخابیه یی اکتساب ایده بیلیر [۲] .

سائر مملکتلرك برچوغنده اولدینی کبی ، انکلیزده ده كرك حكومت ایله موجود روابطندن كرك مغایر شرف و حیثیت حرکتلرندن دولایي مبعوثلق وظیفه سنی مناسب صورتده ایفا ایده میه جك موقعه دوشمش کیمسه لری پارلمنتو نقطه نظرندن حقوقدن اسقاط ایدن قانونلر واردر . حکومته متعهدك ایدنلر ، سیویل یا خود دیپلوماسی خدماتندن غیری ایشلر ایچون تقاعد

[۱] بومسئله ۱۸۰۱ ده مشهور هورن تورق مسئله سی مناسبه تیله تحذیت ایددی و اوسنه یاپیلان بر قانون ایله ایلر سی ایچون حل اولوندی . 41 Geo. III. , c. 63
 رومایه منسوب قاتوليك هیئت رهبانیه سنك خارج طوتولماسی ۱۸۲۹ ده قرارلاشدی . 10 Geo. IV. c. 7, § 9

معاشی آلانلر ، مفلسلر [۱] ، خیانت وطنه دن ویا حيله و افساد مانوره لرندن دولایي محكوم اولانلر قابليت انتخابه لرینی غائب ایدرلر .

مأمورلر

دائمی مأمورلرک پارلمنتودن خارج بر اقلیدلغنی یوقاریده سوبله مشدک . قرالیچه آن زماننده وقوع بولان بعض اوزلاشمه لر سایه سنده معین بعض وظائف صاحب لرینک و ۱۷۰۵ تشرین اولنک ۲۵ شندن سوکره احداث ایدیلن سائر وظائفک پارلمنتودن تماماً خارج طوتولدیغی خاطرلرده در . مقام حکمداریدن دیگر هرهانکی بر وظیفه قبول ایدن ر مأمور مبعوثلغی غائب ایدر . فقط تکرار انتخاب ایدیلک حق بقایدر [۲] . کذلک ینه خاطرلرده در که ده اولکی قانونلر ویا وعنه لر موجبینجه صریح صورتده سیاسی بر وصفی حائز اولمایان سیویل مأموریتلر اصحابی بوکون تماماً پارلمنتودن خارج بر اقلیمشلر در . کذلک یوکسک محاکم اعضاسی و آشاغی محکمه لر حاکملرندن بر چوغی ده مبعوث اولمازلر . حالبوکه ، ناظرلرک اشغال ایتدکلری وظیفه لر یا قرالیچه آن قانوننک حکمنه داخل اولان اسکی ایشلردی و او تقدیرده مبعوثلق ایله غیر قابل تألیفدی؛ یاخود، عمومیتله بو وظیفه نک حین احداثنده پایلان خصوصی قانونلرله قاعده دن مستثنی طوتولمیشکی

[۱] انتخابه غیرقابلیت - بی دایما مبعوثلقدن اسقاطی انتاج ایتد .

مثلاً جنت و افلاس آنجق آلتی آی سوردکدن سوکره بو نتیجه یی دعوت ایدر . روجرس ۲ نجی جلد ، ۴۳-۴۴

وظیفه لر در. بوسوز بوتون بووظائف حقنده تماماً دوغر و دکلدر. چونکه، قانونک احکام مخصوصه سی موجبجه عوام قاماراسنده بش ناظر دن secretaries of state آنجق دردی ایله درت مستشار بولونا بیلیر. بوتقییه دن صرف نظرله، هرنامزد عوام قاماراسنه اعضا اولابیلیر. فقط، ناظر تعیین اولونجه مبعوثلغنی غائب ایدر. یکی بر انتخاب ایچون تکرار متنبخلرینه مراجعت ایتمهک مجبوردر. معافیله، بوسوک قاعدهک، سائر بوتون قاعده لرکی، استشاری واردر. مستشارلر، قدیم مأموریتلره کچورلر دیمکدر. فقط بونلری مقام حکمداریدن آلامدقلری ایچون، مستشارلره تعیین ایدیلهلری اوزرینه تکرار کندیلرینی انتخاب ایتدیرمک مجبوریتنده قالمازلر. حقیقته بومعامله دن منتظماً صرف نظر ایدیللمکده در [۱]. عینی امتیاز بر قانون ایله حربیه نظارتی محاسبه جیمسندده Financial Secretary تشمیل ایدیلشد. سائر بوتون ناظرلره تشمیل ایدیللمه سی ایچونده بوکون هیچ بر معقول سبب یوقدر. اسکیدن اولدینی کبی آرتق مقام حکمدارینک نفوذندن قورقغه محل قلاماشدر. بوقاعده نک یکانه مهم نتیجه سی بر قابینه موقع اقتداره پارلمنتو منعقد اولدینی زمان کایرسه ناظرلره کندیلرینی تکرار انتخاب ایتدیرمک ایله مشغول اولمق ایچون، بوتون ایشلرک یوز اوستی بر اقلما سی صورتنده تجلی ایتمه سیدر. دفعات ایله بوقاعده بی الغایه

تثبت ایتدیلر. ممتاز دولت آدمیری بومساعی یه مظاهرت کوستردیلر.
فقط موفقیت تأمین اولونامادی. بونکده الک باشلی سبی، بر
مبعوثی مستقل بروضعیتده بولوندیغی زمان انتخاب ایدن دائره
انتخابیه نك مبعوث، رسمی بر وظیفه اشغال ایتدکن صوکره
بواختابی تکرار کوزدن کچیرمکه حق اولاجنی یولنده کی
مطالعهدر [۱]. بویه برحاکمه، انکلتزه حیات سیاسیه سنک
شایان دقت بر وصفی تشکیل ایدر. یا هیچ برشی اثبات ایتمز.
یا پک فضلہ شی اثبات ایلر. چونکه، اگر قطعی اولسه ایدی
عینی پرنسیب عینی قوتله مستشارلره ودها فضلہ بر قوت ایلہ عوام
قاماراسی رئیسندہ قابل تطبیق اولمق اقتضا ایدردی. ۱۸۶۷
قانوننک بر فقره سی موجود احکامدن هیچ برشی دیکشدرلمه مک
لازم کله جکی حقندہ کی بواعتراضی برطرف ایتدیکی کبی وضعیتک
عملی محذورلرندن بر قسمی ده اورته دن قالدیرلدی. قانونک
احکامنه نظراً، ناظر وظیفه سنی قبول ایتدکن صوکره انتخاب
ایدیلش اولان بر مبعوث قابینه ده باشقه بر ناظرلغه کچه جک
اولورسه مبعوثلغنی غائب ایتمز [۲].

وقتیه ده بر طاقم قابلیت انتخاب وعدم قابلیت انتخاب سبیلری
موجود ایدی که شیمدی بونلر ملغادر. معین مقدارده براراضی

کچیش
عدم قابلیت

[۱] تود : Parl. Govt. in England, 2 Ed. II, 331-39

[۲] 30-31 Vic., c. 102, § 52 and Sched H

و بر کوسی تأدیه سی، دائره انتخابیه داخلنده اقامت [۱]، غایه لری رومایه منسوب قاتولیکلری مجلسدن خارج بر اقله معطوف تحلیف و بیانات کبی شیر بومیانده ذکر اولونابیلیر. غریبدرکه ۱۸۲۹ ده رومایه منسوب قاتولیکلرک عدم قابلیت انتخابیه لری رفع ایدلد کدن صوکره یمین، یهودیلرک و لالهیلرک مجلسه قبوللرینه قارشی بر مانعه تشکیل ایتیمکده دوام ایتمشدر. حالبوکه بوتدیر هیچده اونلر علمینده دوشونلش برشی دکلدی. بوایکی نقطهده قانون دیکشدریلدی. فقط بونک ایچون، ایجه شدید حادثه لرک بو جهته قامارلک نظر دقتی جلب ایتمسنه احتیاج کورولدی. صوکره دینی مانعهده اوشایان اسف برادلانغ غوغاسندن صوکره، ۱۸۸۸ ده الغا اولوندی.

استعفا

بر غیر قابلیت انتخاب شرطی یالکز عوام قاماراسنه مبعوث اولامامایی انتاج ایتمز. اورادن اختیاری صورتده حیقمانک یکانه چاره سی ده بودر. چونکه مبعوثلقدن استعفا ایدیله مز. بناء علیه بونیجه بی الد اتمه نك منتظم چاره سی بر مأموریت قبول ایدلرک غیر قابل انتخاب اولقدن عبارتدر. بومقصده ایکی اوچ لفظی مراد مأموریت واردرکه ایچلرنده اک معروفی Chiltern Hundreds کهیا لغیدر. پارلمنتوی بر اقلق آرزوایدن [۱] بو شرط، اخلال ایدیله ایدیله اورته دن قالدشدر. بر فقره قانونیه نك مخالف بر عرف و اعتیاد تأثیرله الغاسنه یکانه مثال بوندن عبارتدر کبی کورونیور. صوکره بر قانون ایله صراحة الغا اولوندی. روجرس، ۲ نجی جلد، ۳۸.

مبعوث بوکا طالب اولور ، بووظیفه‌ی قبول ایدر و درحال
مبعوثلقدن چیقار. بناءً علیه بومأموریت بروظیفه دکل، بر خروج
قایس-یدر. عوام قاماراسنک بر مبعوثانی منحل اعلان ایتمکه
وبومبعوثی ده طرد ایلهمکه صلاحیتی بولوندیغنی ده بوراده علاوه
ایتمک لازمدر .

قاماراسنک
امتیازلری

عوام قاماراسنک امتیازاتنه دائر اوزون اوزادی یه تفصیلاته
کیریشمکه حاجت یوقدر. بونلرک قسم اعظمی تاریخ نقطه نظرندن
حائز اهمیتدرلر ، آرتق سیاسی بر معنای قالمامشدر. پارلمنتونک
آچدیغی هر دورهنک بدایتنده ، رئیس Speaker ، مقام
حکمداریدن مأموریتنده ابا ایدلدکن صوکره عوام قاماراسنک
قدیم وشبهه دن آزاده حقوق وامتیازاتی طلب ایدرکه بونلرک
اک مهملری توقیفدن مصون بولونمق وحریت کلامه نائل اولمقدور.
مبعوثلرک کشاد دورهنه تقدم وبودوره‌ی تعقیب ایدن قرق
کون اناسنده حائز اولدقلری توقیفدن مصونیت امتیازی
کندیلمی و خیم برجرمک یاخود بر محکمه امرینه عدم اطاعتک
Contempt of court نتایجندن تخلص ایده‌مز . حقوق
دعوالرنده ، توقیف مستثنا اولمق اوزره ، هیچ بر تعقیباتدن
مصون بولوندیراماز .

توقیفدن
مصونیت

حریت کلام اوزون جهد وغیرتله صرف ایدیلهدن اله
کچیریله‌مه مشدر . فقط ۱۶۸۹ تاریخنده کی قانون حقوق
Bill of Rights دن صوکره حریت کلامک، پارلمنتوده مذاکرات

حریت کلام

و مناقشاتك اخلال اولونامايه جنی ، هیچ بر محكمه ده یا خود پارلمنتو خارچنده بر یرده موضوع بحث ایدیلهمیه جکی ، پرنسپ اعتباریله قبول ایدیلمشدر. بناء علیه ، مجلسده سویله ن سوزلردن دولایی نه جزا نه حقوق محكمه سنده تعقیباته معروض قاله ماز . فقط ، پارلمنتو شكللرینك سوء استعمالی کبی تلقی ایتدیکی خصوصاً صانده کندیسی جزا تعیین ایده بیلیر .

مذاکراتك
علنی

غریبدر که عوام قاماراسنده حریت کلام ، اوراده ایراد ایدیلش اولان بر نطقك خارچنده ده طبع ایدیلهمیه حقنی همه حال احتوا ایتمز . بومسئله نك کورولتولی بر تاریخچه سی واردر . تقریباً یوزسنه اولنه کلنجهیه قدر ، عوام قاماراسی ، مذاکراتك غزته لرده نشرینه مانع اولمغه چالیشمشدر . بو مجادله مجلسی ویلکیس ایله اولان مشهور مجادلهیه سوق ایتدی . مسئله هیچ بر زمان قانوناً حل اولونمامشدر . حالا ، قامارانك ، امتیازاتی مخل تلقی ایتدیکی بیانیله مذاکراتك نشرینه مانع اولابیله جکی ظن اولونمقددر . یالکز مجادلهیه آرتق خاتمه چکیلیمشدر . چونکه قامارا تبدیل فکر ایتمشدر . مذاکراتك نشرینه مانع اولاجق یرده مرور زمان ایله بونی آرزو ایتمکه ، غزته جیلری بر طرف ایتك ایچون مجادله ده بولوندقدن صوکره شیمدی اولنری حمایه ایله مکّه باشلامشدر .

حریت کلام امتیازی یالکز قاماراده ایراد ایدیلن نطقله و صرف مبعوثلره منحصر اولارق طبع ایدیلن وثیقه لره عائد .

ایدی . بر نطقك متننى طبع ونشره وقامارانك امريله طبع ايدىلش اولسه لرده عمومى صورتده توزیع ایدیلان مخصوص وثیقه لره شامل دکلدی . ایشته بوندن دولاییدر که قامارا کرک کندى نشر حقنه تأمین حرمت مقصدینه بناءً یایدیغى صوك تشبثلریله کرک بونشریاته مانع اولمغه حقى بولوندیغى طایتیدیر مق یولنده کی قدیم جهد و غیرت لریله قوه عدلیه ایله حال اختلافه کیرمشدیر . ستوقدال مسئله سنده [۱] قرالیچه ماصه سنك حاکم لری بر طابعك عوام قاماراسنه ویریلش بر مضبطه ده ، قدحی متضمن فقره لردن دولایى بوصورتله تجاوزده اوغرامش کیمسه لر طرفندن ضرر وزیانه محکوم ایتدیریله بیله جکنى ، وثیقه بالذات قامارانك امريله طبع اولونمیش اولسه دخی ینه بویله اولمق لازم کله جکنى قرارلاشدر مشلردر . مشکلات بر قانون ایله حل اولوندی [۲] . بوقانونك احکامنه نظراً قامارالردن برینك امريله وقوعه کلان نشریاتدن دولایى جزا یا خود حقوق دعواسى اقامه سینه محل قالمامشدر . فقط بو حال غزته لره قابل تطبیق دکلدر . برمذا کره نك ضبطلرینك على العاده حوادث کبی خالصانه نشرى حد ذاتنده بر جرم صابیلماز . فقط ایچنده قدحی متضمن فقره لر وارسه او بر جرمدر . بر نطقك عیناً نشرى بدخواهانه بر مقصدله وقوعه کلیرسه ینه بر جرم تشکیل ایدر . ایشك ایچنده مقصد مسئله سى موضوع بحث اولونجه هیئت عدولاك نه قرار ویره جکی هیچ بر زمان بیلنه مز .

[۱] هافارد ، P. 1 ، 9 A. and E. ،

[۲] 3 - 4 Vic. , c. 9

مذاکراتك نشرى مسئله سنده عوام قاماراسنك مسلكينده
 كورولن تبدل تام ، خلق ايله مناسباتنك ده درين بر صورتده
 دكشمنش اولماسندن ايلرى كلشدر . بوكون ، هر مبعوث منتخبلرينك
 تصويب و تقديرى ايسترم مجلسده سويله ديكي شيلرك نشرندن قورقق
 شويله دورسون ، بالعكس پارلمنتوده ايراد ايتديكي نطقى محلى غزته لره
 نقل ايتديره رك كنديسنه نظردقتى جلب ايتمهك چاليشير . بوندن
 باشقه ، عوام قاماراسى ، هيئت عموميه سيلاه ، شيمدى هر زماندن
 زياده خلقك محبته استناد ايدر . بر حركتك مختلف شرائط
 داخلنده حصوله كتيرديكي متضاد نتايج سياسيه نك بارز بر مثالنى
 كورمك اچون شوكا دقت ايتك كافيدر : قابينه نك مذاكراتى
 خفى اولماسه ايدى هيئت و كيله نفوذ و اعتبارى پك چوق غائب
 ايدردي . حالبوكه پارلمنتونك مذاكراتى علنى اولماسه ايدى قامارا
 بوندن چوق ضرر كوروردى .

محكمه لرده
 امتيازات

سير ويليام آنسون « پارلمنتو امتيازاتنك » كذلك مقام
 حكمدارى به هائ امتيازلك قانون طرفندن بخش ايديش حقوق
 اولديغى ، بناء عليه حدودلرى ، سائر بالجه حقوق كبي محكمه لر
 طرفندن تحقيق و تعيين ايديله بيله جگنى « سويلر [۱] . بو پرئسيپ
 قامارا طرفندن هر زمان قبول اولونماشدر . مجلس ايله محكمه لر
 آراسنده دفعات ايله اختلاف چيقمشدر . فقط محكمه لر دائما
 مجلسك امتيازينه تعلق ايدن بر مسئله كندى حكملرينه عرض

ایدیلدیکی زمان بواستیکه موجود اولوب اولمادیغنی آراشدیرمق و اومسئله ده نتیجه سی نه اولاجغنی تعیین ایتک حقت کندیلرینه ترتب ایتدیکنی موفقیتله ادا ایتملردر. بوندن باشقه ، قامارنک امتیاز اداسی بر ادعای قاطع تشکیل ایتهدیکنی ، مسئله یی صورت قطعی و نهائی ده حل ایتک حق کندیلرنده بولوندیغنی ده مدافعه ایله مشلردر .

یالکز بر نقطه واردر که اونده محکمه لک حکم و نفوذی نام دکلدر. چونکه امره عدم اطاعت Contempt ایله متهم برینک حبسنی امر ایتک حق عوام قاماراسنه عاندر. نه کبی حرکاتک بو جرمی تشکیل ایتدیکی مسئله سی عوام قاماراسنک تقدیرینه اوقدر باغلی برشیدر که قرال نامنه محکمه طرفندن ویریلن تحریری « هابیه س قورپوس » امرینه کلن جوابده محبوسک محکمه امرینه عدم اطاعتدن دولایی قامارنک امریله حبس ایدیلدیکی بیلدیریله جک اولورسه محکمه اونک تخلیه سنه امر ویرمکدن استکاف کوستیر. پروفور دیسه بو مناسبتله شو سطرلری یازیور : « قامارالر و فعلیاتده بالخاصه عوام قاماراسی طرفندن اجرا ایدیلن حکم و نفوذ مملکتک علی العاده قانونلری فوقنده بر سلطیه پک یا قلاشیر [۱] . مع مافیه بو کون عوام قاماراسنک محاکم ایله بر اختلافده بوقیل نفوذ و قدرته مراجعت ایتمه سی هیچ ده احتمال داخلنده دکلدر.

مراجعت ایدیه جک اولورسه نتیجه ده محکمه لرك غالب کله جکی محققدر . چونکه قامارانک امریله وقوع بولان حبسلر انعقاد دورهنسک ختامیله نهایت بولورلر .

آرتق یالکز پارلامنتونک اجتماعه دعوتی و مساعیدسنه صورتله نهایت ویریلدیکی نقطه لرینی ایضاح ایتک قالیور . پارلمنتوی آنجق مقام حکمداری اجتماعه دعوت و فسخ ایده بیلیر . انعقاد دوره لرینی یالکز مقام حکمداری آچار وقاپار . بو مسئله ده حکمدارک کیف و هوسنه قارشى یکانه قید ویلیام و ماری نك قانوننده موجوددر . بو قانون مجلسک فسخی تعقیب ایدن اوچ سنه ایچنده یکی بر پارلمنتونک اجتماعه دعوت ایدیه سنی آمردر [۱] . طبعیدرکه بو قانون بی لزوم بر حاله کلمشدر . فعلیاتده ، پارلمنتوی فسخ ایدن بیاننامه ده دائماً دیگر بر مجلسک انتخابی ایچون بویورولدیار کوندریله حکمی ده بیلدیریلیر . پارلمنتو مقام حکمداری طرفندن فسخ ایدیلرسه صلاحیتی ۱۷۱۶ قانونیله امر ایدلدیکی وجهله ، یدی سنه دوام ایدر . فقط فعلیاتده هیچ بر زمان پارلمنتو ، موت طبیعی ایله ترك حیات ایتز . دهها مقدم وفات ایتمه مشسه یدی سنه ک ختامندن بر آز اول فسخ اولونور . ۱۸۶۷ تاریخنه کلنجهیه قدر حکمدارک وفاتی دائماً پارلمنتونک فسخی انتاج ایدردی . فقط عصری اصوللردن زیاده قدیم بر نظریه دن ملهم اولان بوقاعده اوتاریخنده کی اصلاحات قانونی ایله الغا اولوندی .

تعطیل و تعلیق

بر انعقاد دورہ سی آنجق مقام حکمدارینک تعطیل قراریلہ
 نہایت بولابیلیرسہدہ قامارالکدہ ہر ایکسی دہ جانک ایستہ دیکی
 قدر مذاکراتی تعلیق ایدہ بیلیر . یالکز مقام حکمداری اون
 بش کوندن فضلہ بر تعلیقہ نہایت ویرمک حقنہ مالکدر .
 تعطیل قراری مقام حکمداریدن ، تعلیق ایسہ قامارادن صادر
 اولمقلہ برابر بوکون فعلیاتدہ ہر ایکسی دہ ہیئت وکیلہ طرفندن
 یابیلیر . آرلرنده یکانہ مهم فرق تعطیلک دردست معاملہ بولونان
 بوتون پروژہ لری کآن لم یکن یاماسندن عبارتدر . حالبوکہ تعلیق
 بونلری تعلیق ایتمکدن باشقہ بر نتیجہ حاصل ایتز . بوندن
 دولایی درکہ اجتماع حادی دورہ سندنہ پروژہ لری کچیر مکہ موفق
 اولامایان وبونلردن وازچکمک ایستہ مہین برحکومت بعضاً تعطیل
 دکل تعلیق طریقہ توسل ایدر . مثلاً ، ۱۹۰۲ دہ ، معارف
 قانوننک صوک بہارده مذاکرہ سنے تکرار باشلانمق مقصدینہ
 مبنی بوصورتلہ حرکت ایدیلشدر . ۱۹۰۶ دہدہ بالخاصہ لوردلر
 قاماراسنہ حکومتدن کلن پروژہ لری تدقیق امکانی تأمین ایچون
 بوقاعدہ تشبث اولونمشدر . اجتماع دورہ سنک تعطیلی ، ایکی
 قامارادہ مذاکرہ سی ختام بولامش پروژہ لری کآن لم یکن حالہ
 صوقاسی قاعدہ سی انکلتہ پارلمنتوسی حقندہ حکمت و لزومی
 پک آشکار برتدیر کبی کورونمز . حالبوکہ دیگر پارلمنتولرہ ، ہیچ
 برمسثولتلی اولمایان مبعوثلر برچوق لایحہ لری ویردکلی ایچون
 بواسولک اورالردہ فائدہ سی آشکاردر . چونکہ اورتہ دن قالماسی

خیرلی اولاجق بر سورو لایحه لره بوسایه ده نهایت ویریلیر .
فقط انکلیر پارلمنتوسی ایچون بویله دکدر . چونکه اموردولته
متعلق مهم تدابیرك همان کافه سی بوکون حکومت طرفندن
مجلسه عرض ایدیلیر . هر سنه قاینهك وقامارانك برچوق زمان
وامك صرف ایتدکری پروژهلر اجتماعك ختاميله ساقط اولوق
ایجاب ایلدور . برآراق ، رئیس حکومت آیاهه قالقار ، زمان
بولونمادینی ایچون واز کچمکه مجبور اولدینی پروژهلری صایار .
بوکا « قتال معصومین » نامی ویریلیر . بوضرورت شایان اسف
رشیدر کی کورونیور .

فی الحقیقه ، عوام قاماراسی هر لایحه یی تدقیق و مذاکره
ایچون پك چوق زمان صرف ایتدیکندن آنجق بطائله ایش
کوره بیلیر . باشقه خلق مجلسلرینه پك فضله قانون چیقاردقلرندن
دولایي مؤاخذه لر سرد ایدیلدیکی حالدده انکلیر پارلمنتوسنك
قانون چیقارمادیغندن شکایت اولونور . نوندن باشقه عوام
قاماراسی برمساحه کارلق روحنه قایلارلق ، آمریقاده اولدینی کی
ای تدقیق ایدیله متس ، غیر معقول بر طاقم قانونلری همان قبول
ایدیورمز . بوقاعده بر ایشی کنندیسنه وظیفه ایدینمش اولان
معند بعض مبعوثلر اوزرنده کوتلی بر فرن خدمتی کورور
وهر حالدده اورته دن قالدیردینی لایحه لك ایچنده فنالری ایسلرندن
چوقدر .

خصوصی قانون
لایحه لرینک
تأجیل

مع مافیہ بر صنف لایحہ لر وارد رکہ بوقاعدہ قطعی صورتدہ
تطبیق اولونسه اونلر ضرریدہ اولورلردی . بولایحہ لر خصوصی
قانون لایحہ لر ی private bills در . منافع خصوصیه یا خود
منافع محلیه یه تعلق ایدن لایحہ لرہ بونام ویریلیر : بر شمند و فرک
تمدیدی ، بر هوا غازی ، صو ، تراموای امتیازی و سائر حقندہ
لایحہ لر کی . پارلمنتودہ بوقبیل لایحہ لرک مذاکره سی ایچون قبول
اولونان اصول ، آشایدہ کوروله جکی اوزره ، نیم عدلی بر
ماهیت آلیر . هر ایکی طرف ایچونده غایت بهالی اولدیغندن
اجتماع دورده سنک بو ایشلرله هیچ مناسبتی اولمایان سبیلردن
دولای تعطیلی کیفیتنک لایحہ یه طرفدار بولونانلرله لایحہ
معارضلیری یکی مصرفلر اختیار ایدهرک تکرار ایشه باشلامغه
مجبور ایتمه سی پک غیر مقول بر حرکت تشکیل ایدر . فعلیاندہ
بو نادراً وقوعه کلیر . چونکه بعضاً ، خصوصی بر لایحہ اجتماع
دورده سنک ختامندن اول انتاج ایدیلہ مدیکی زمان ، شیمدی یه
قادر کچمش اولان صفحاتک کله جک اجتماع دورده سی بدایتندہ
یالکز شکلاً تکرار ایدیلہ جکنه ولایحہ حقندہ کی معاملہ نک
اصل براقیدینی نقطه دن باشلا یه جعنه دائر خصوصی بر قرار اتخاذ
ایدیلهرک بو صورته ایش تأجیل ایدیلیر . ۱۸۹۵ ده اولدیغی
کبی راجتماع دورده سی اناسنده پارلمنتو بردن بره فسخ ایدیلہ جک
اولورسه هنوز اتمام ایدیلہ مش بوتون خصوصی قانون لایحہ لرینی
تأجیل قراری اتخاذ ایدیلیر و بو صورته بیهوده یرہ پک مهم بر
اضراردن اجتناب اولونور .

اون ايکنجی باب

عوام قاماراسنده اصول

محس ، فاعده لری و مأمور لری

کړک اسکی زمان وقایعنه تعلق ایتسون کړک کوزلرمز اوکنده جریان ایدن احواله هاند اولسون ، تاریخه مراق ایدن بر سیاح ایچون ، وستمینستر کوپروسنک تام اوست طرفنده تاعس نهرینک کنارنده اوزانان ، ایکی اوجنده ایکی قله لی اوزون ومغموم بنا قدر شایان دقت بر یر یوقدر . بالخاصه قرون وسطاده باشقه یرلرده وقوعه کلش بر قاج اجتماع استننا ایدیلیرسه « پارلمنتولر آناسی » آلتی یوز سنه بی متجاوز بر زماندن بریدرکه هپ بوراده طوپلانیور . واقعا ، قدیم وستمینستر هول استننا ایدیلنجه ، شیمیدیکی بنانک همان هر طرفی ۱۸۳۴ یانغیتدن صوکره یالمشدر . خاطر اتدن باشقه حقیقه شایان حرمت پک آز شینه مالک بولنقله برابر لوندره نک دومانی غوتیک طرزنده کی طیش دیوارلره پک محترم بر اسکیک منظره سی ویرمشدر . بنانک ایچریسی دهایی بر منظره عرض ایدر . چونکه شیمیدیکی استعمالی ایچون پک کوزل ترتیب وتنظیم ایدیلش اولدینی کی

بعض یرلری ، خدمت ایدہ جککاری غایہ بی غایت موفقیتلی صورتدہ افادہ ایدرلر . اورتہدہ بولونان بویوک تنفس سالوننک مقابل ایکی طرفندہ کی قوریدورلردن عوام ولوردلر قاماراسنہ کیدیلیر . فقط لوردلر قاماراسی دہا ریادہ سوس ایچون پالمش کی کورونور . حالبوکہ عوام قاماراسی ایش ایچون حاضر لامشدر . عوام قاماراسی یمش بش قدم طولندہ ، قرق بش قدم عرضندہ وقرق بر قدم ارتقا عنددہ . قویو رنک میشدہ دن لامبریلری واردر . یوکسک پنجرہ لردن وقبہدہ کی دلیکلردن آیدیناق آلیر . باشلیجہ مدخلدن اعتباراً قامارانک بوتون طولنجہ کنیش بریول پالمشدر . یونک نہایتنی کاتبلرک clerks ماصہ سنی همان همان تماماً قاپامشدر . آرقاسندہ اوزری قہلی باصہ ماقبلر اوستندہ رئیس Speaker ک قولتوغی یولسہ لیر . یولک ایکی طرفندہ اوزون آرقہ لقلی ، قویو یشیل مشین قاپلی صیرالر سالونک دیوارینہ قدر تدریجاً یوکسہ لیر . مجلسک بوتون کنیشلک کنجہ دار برکچید ، مرکزی یولہ عموداً بونلری یکدیگرندن تفریق ایدر . بوکچیدہ gangway دیرلر . سالونک اطرافنی تماماً دولاشان بریول دہا واردر . رئیسک قارشیسندہ کی قسم اجنیلرہ تخصیص ایدیلشدر . مقابل طرفدہ کی ایلک صیرا غزتہ جیلر طرفندن اشغال اولونور . آرقہ لرنده ، دہا یوکسک برغالی بی سد ایچون تورک جامعلرنده قادیئلرک موجودیتنی کوسترمہ مک مقصدیلہ یاییلان پارمقلغہ مشابہ بر پارمقلق کوزہ چاربار . بودہ عینی مقصدلہ انشا ایدیلشدر . بر

مجلس تشریعینک یاپیلیمشی و طرز ترتیبی ایشلرک روشی اوزرنده
اجرای تأثیر ایتمکدن خالی قالماز. عوام قاماراسنده اوتورولاجق
یرلرک مقداری پک فضله اولمق شویله دورسون بالعکس مبعوث
عددینه کوره غیرکافیدر بیله . یانلرده کی ایکی غالهری مبعوثلره
تخصیص اولونمشدر . فقط بونلر پک نادردر . هرغالیده یوزدن
برآز فضله اوتوراجق یرواردر . غلبه لقی اولان جلسه لرده بو
قولتوقلر اشغال ایدیلیرسده مذاکراته اشتراک ایتمک ایستین
اعضالر ایچون هیچ فائده لری اولماز . اجانبه مخصوص غالهرینک
آلنده اوفاق بریر زیارتجیلره تخصیص اولونمشدر . مجلسک اقسام
سائر سنده یالکیز اوچ یوز آلتیش قولتوق بولونورکه قامارانک
آلتی یوزیتیش اعضاسنک آنجق نصفندن برآز فضله سی ایچون کافی
دیمکدر . بویله اولمقله برابر ، چوق کره قولتوقلرک قسم اعظمی
بوش قالیر . چونکه بونلر آنجق مجلسک مذاکراتی دیکله مک
یارار . بونلر برر صیرادن عبارتدر . یازی یازیلا بیله جک یرلری
یوقدر . مکتوبلرینی یازمق ایستین مبعوث کتبخانه یه یاخود
جوارده کی سالونلردن برینه کیتمهک مجبوردر . قاماراده آنجق
سوز سویله یه بیلیر ، دیکله یه بیلیر ، آلتیشلا یه بیلیر .

غلا دستون طرفندن ایلک هوم رول پروژه سنک تودیعی دوام چوق
کچی بویوک وقعهلرده قامارانک بوتون یرلری دولار . کذلک کره آزدر
علی العاده بر جلسه بدایتنده ، ناظرلره سؤال ایراد ایدیلدیکی
و کندیلرندن جواب آلتدیغی ، یاخود ایکی بویوک فرقه نک

رؤسای منفعت عمومی به متعلق بر مسئله بی مناقشه ایتدکری
صیراده یرلرک چوغی اشغال ایدیلش بولونور . فقط ایکنجی
درجه ده کی مبعوثلرک صیراسی کلیرکلز مبعوثلر دهلزلره ، کتبخانه به ،
سیغاره سالونه ، لوقظه به ، تراسه به کندیلرینی آتمه باشلارلر .
آرتق مجلسده همان همان بوش صیرالر ایچون ، دها دوغروسی
غزته جیلر لوجه سی ایچون سوز سویله ین اک اهمیتسز خطیلردن
باشقه کیمسه کورولمز . پک اعلا خاطر مده درکه ، یکرمی سنه
اول عوام قاماراسنی زیارت ایتدیکم زمان داخلیه ناظری اولان
سرویلیام هارقورت لوندره اداره سنک اصلاحاتی حقنده توزیع
ایتدیکی لایحه به دأثر بر ساعت اوچ چاریکلک بر نطق ایراد
ایتمشدی . بومدتک بویوک برقسمنده ، قاماراده حاضر بولونان
کیمسه لر ، مجلسک مأمورلردن باشقه لوندره شهر امینی ایله
لوندره امور نافع سی انجمنی رئیسندن و ناظرک آرقه سنده یوقاری
صیرالردن برنده اوتوران بر مبعوثدن عبارت ایدیلر . قاماراده
کور دیکم اک آز غلبه لقی بودر . فقط صیرالرده اوتوز قرق
کشیدن عبارت سامع مبعوثلردن باشقه کیمسه به تصادف ایدیله سی
نادر برشی دکلدر . مع مافیه ، بر چوق مبعوث ، سس ایشیدیله می به جک
قدراوزاقده اولقله برابر ، حاضر دیمکدرلر . نصاب اکثریت قرق
اعضادن عبارتدر . فقط بریسی بوقرق اعضانک موجود اولمادیغنی
سویله به جک اولورسه مبعوثلری جلسه به دعوت ایچون بنانک هر
طرفنده اکثریق چغراقلری اوتر . ایکی دقیقه بی اولچن بر قوم ساعتی

باش آشاغی چه وریلیر . قوم آقوب بیتد کدن صو کره مبعوثلر
تعداد اولونور . تعیین اسامی صورتیله رأی طوبیلا نماسی طلب
ایدیلدیکی زمان ده عینی مراسم جریان ایدر .

صالونک کوچوک اولماسی اورته سسله سویله نن برسوزک
قولایجه ایشیدیله سنه امکان ویریر . حاضر ونک پک آز بولونماسی
کچی بوده خطیبانه حمله لری ، عوامفریبانه بلاغت لری تشجیع
ایده جک برشی دکلدیر . بوندن دولایي مذا کرات برایش
مناقشه سی شکلی ، عادتا علی العاده بر محاوره حالی آلیر . بوندن
باشقه ، مبعوثلرک مناقشه موضوعه علاقه دار اولمازلر سه سالونده
قالما لری دیگر ملت مجلسلر نده بعضاً پک جان صیقان قونوشمه
کورولتولرینه میدان بر اقاماز . بوتون بونلر بر زائرده مبعوثلرک
یالکیز امور دولتی مذا کره ایتمک ایچون طوبیلا نمش اولدقلری
حسنی او یاندیرر . قسم اعظمی ایرلاندا مبعوثلری طرفندن
چیقاریلان عارضی حادثات استثنا ایدیله جک اولور سه جلسله لرده
سکون وانتظام حکمفرمادر . مجلسک شرف وحیثیتنه ، ریاستک
سلطه سنه قارشی حرمت هان همان عمومیدر .

مجلسده قولتوقلرک طرز ترتیبی بیله حیات سیاسییه اوزرنده
اجرای تاثیر ایتمکدن خالی قالماز . شهه سز که بوتفرعات قیلندن
برشیدر . فقط ، اولدن دوشونولمش بر پلانه کوره یاپیلاجق
یرده بطی بر تکاملدن تولد ایتمش اولان بر مؤسسه نک یاعحیط
ایله هم آهنگ اولارق انکشاف ایده جکی یا خود محیطنی کندیسیله

بو حالک مذا-
کرات اوزرینه
تأثیری

قولتوقلرک
ترتیبی

هم آهنگ بر حاله صوقه جفی حقیقته بر مثال دها تشکیل ایدر.
مرکزده کی یولک نهایتنده ، رئیسك صاغنده کی ایلک صیرایه
خزینة مالیه صیراسی Treasury Bench نامی ویریلیر. ناظرلره
تخصیص ایدیلشدر. دیگر طرفده کی بوکا موازی صیرا ، شیمدی
موقع مخالفنده بولونان فرقهك اسکی ناظرلری طرفندن اشغال
اولونور. بویکی صیرانك آرقه سنده فرقه لرینه قارشی صداقتلری
محقق اولان مبعوثرلر اخذ موقع ایدرلر. فرقه لرینه بوقدر
قطعیتله مظاهراولمایان مبعوثرلر ایسه عمومیتله آراده کی دار کچیدك
اوته طرفنده کی یرلری ترجیح ایدرلر.

طبیعیدرکه غلبه لق بر جلسه ده مبعوثرلر کندی حسیاتلرینه
اویان صیرالرده اخذ موقع ایده مزلر. مع مافیہ بوکا پك دقت
ایدیلیر. بالخاصه تمیزایتمش قیمتدار مبعوثرلر پك اهمیت ویریرلر [۱].
فرقهك منتظم قوتتولندن ، حکم ونفوذندن مستقل بولوندیغی
کوسترمك ایستین هر زمیره دائما دار کچیدك آلتنده کندیسنه
یر انتخاب ایدر. مثلا ۱۸۸۴ ده «دردنجی فرقه» دار کچیدن
اوتده ، مخالفلر نزدنده اخذ موقع ایتمشدی. ۱۹۰۶ انتخاباتدن
صوکره مساعی فرقه سی اوراده اوتورمقده در. ایرلاندا
ناسیونا لیستلری ده هر قاینده اوراده طوبلانمشلردر. اونیونست
لیبرالر ایسه ، ایلک هوم رول لایحه سی مناسبیتله غلادستوندن
[۱] ۱۸۵۲ ده پیل طرفدارلری اوتوراجقلری یرلر ایچون
بربرلرله شدتلی صورتده مناقشه ایتمشلردی. مورلوی ، غلادستونك
حیاتی ، برنجی جلد ، ۴۲۲-۴۲۳.

آیریلدقلری زمان دار کچیددن اوتیه ، حکومتک طرفنه نقل موقع ایتدیلر . قامارا ، مهم بر مذاکرات ائساننده بر حرب میداننه بکزر . رؤسا پیشدار موقعنده درلر ، قارشی قارشییه اخدموقع ایتشلردر . آرقه لرند یاناشیق صف نظامنده طرفدارلری مظاهرت ایدرلر . ناظر « قارشی طرفده کی محترم جنتلمنلری » استخفافکارانه یا خود متفرانه بر وضع ایله کوستره رک ماصه سنک اوزرینه اکیلیر . بوتون بونلر فرقه حکومتی فکرینی پک کوزل افاده ایدر و پارلمنتو مجادله لرینه بر درام تأثیری ویریر .

انکلز مؤسسه لرینک هیچ برنده پارلمنتو اصولنده اولدیغی اصل مسئله سنی قدر قانونک و عرف وعادتک یکدیگرلری اوزرنده کی تأثیرات متقابله لرینی منطقی صورته ایضاح و تصویر ایچون مشکلات چکیلمز . شبهه سز که بر آزار اهمیت بوتون قانون لایحه لرینی تکلیف صلاحیتی کتدجکه نفسنده جمع ایدن قابینه ، عوام قاماراسنک نظامنامه داخلیمی نظرند قانون نظرند اولدیغی قدر مجهول بر وارلق دکدر . فقط بونظامنامه تدقیق ایدیلیرسه خزینه مالیه صیراسنک اهمیتی وحکم ونفوذی حقنده پک ضعیف بر فکر ایدینیلیر . دیگر طرفدن ، نظامنامه داخلی ایله الفت پیدا ایدیله مشسه حکومته ناصل هجوم اولوندیغی ، حکومتک ده تصوراتی موقع اجرایه قویمق ایچون ناصل حرکت ایتدیکنی آکلامق قابل اولماز . بوکون ، مثلاً بودجه مناسبتیه جریان ایدن مذاکرات همان همان هیچ مالیه مسئله لرینه تعلق ایتمز .

اصول مسئله سنی
طرز تبصیر

بومذا كرات اداره نك كيديشنى تنقيد ايجون برر وسيله مقامنده قوللانيدير. يالكز، بونك نه صورتله وقوعه كلديكنى وحكومتك بواصوله سد چكمكه نه درجه يه قدر غيرت كوسترديكنى آكلامق ايجون بودجه مذا كره سى اصولنى بيلمك لازمدر.

اليوم عوام قاماراسنك ايشله مەسى اوچ مسئله يى تضمن ايدر : اولاً، اصول ومعاملاتك منتظم شكللىرى؛ ثانياً، قاينه نك ومبعوثلك بواصول ومعاملات آلتنده جريان ايدن فردى حر كتلىرى؛ ثالثاً، قاينه نك كندى طرفدارلى واونلر واسطه سيله بالذات مجلس اوزرنده حكم ونفوذى نه واسطه لرله تأمين ايتدىكى . بواوچ مسئله دن بردن بحث ايتكمده بر قاراشيقلغه دوشمك تهلكه سى اوقدر زياده دركه هر برى آرى آرى تدقيق ايتمى مرجع بولدى . بناءً عليه بوباب ايله كله جك ايكي باب منحصرأ قامارانك تشكىلاته ومنفعت عموميه يه متعلق خصوصاً صانده مذا كره اصولنك شكللىر نه تخصيص اولونا جقدر . مجلسك مساعيسى اوزرنده حكومتك تأثيرى باشقه بابلك موضوعنى تشكىل ايده جكدر . حزينه ماليه صيراسنك اداره سى آلتنده صاغلام برا كثرىت تأمين وادامه ايتك يولنى دها آشاغیده پارلمنتوده فرقه لرك تشكىلاتى مناسبيله تدقيق ايده جكز . طرز انكشافلى عبرت آميز اولان منافع خصوصيه يه متعلق قانونلر ايله محلى اداره لرله طائد مسئله لر آرى برابده ايضاح اولونا جقدر .

عوام قاماراسنك تشكىلاتى و اصول مذا كره سنى تعريف
 ايتمه دن اول نامل رأى ويريلديكنى ايضاح ايله مك موافق اولور.
 چونكه تەقنيك تعبيرلرله چوق كره بوكا ايمسا ايديله جكدور .
 رئيس [*] رايه قونان مسئله يى بيان ايتد كدن صو كره ، سادمه جه
 اوت ياخود خاير صورتيله رأى طلب ايدر . هانكى طرفده كى
 رايلىر كنديسنه غالب كورونمشه : « ظن ايدىيورم كه اوت لر
 (ياخود خاير لر) غالب ككشدور » دير . بوكا كيمسه اعتراض
 ايتمزه بر آز صو كره : « اوت لر (ياخود خاير لر) غالبدر » دير
 ورأى نتيجه سى بو صورتله ضبط اولونور . عكسى تقديرده ، اقليت
 اعضا لرى بونتيجه حقدمه اظهار شبه ايدرلر سه ياخود رايه اشتراك
 ايدنلرك مقدارينى واسمالي نى تبين ايتدير مك ايسترلر سه رئيسه
 قارشى « خاير لرك (ياخود اوت لرك) غلبه چالديغنى » سويلر لر .
 بونك اوزرينه ، رئيس يابانجيلرك چكيلمه لرينى امر ايدر (يالكز ،
 بونلر كنديلرينه تخصبص ايديش اولان موقعلرده قالايلير لر)
 رأى چنراقلىر بنانك هر طرفده اوتر . ايكي دقيقه لق قوم
 ساعتى چه ويريلير . قومك آقاسى بىتر بىتمز قايلير قاپانير . رئيس ،
 عيى وجهله تكرر موضوعى بيان ايدرك اوت ويا خاير جوابى

[*] صورت عموميه ده عوام قاماراسى رئيسه Speaker دير لر .
 قامارا بر انجمن حالنده طوبلاندنى زمان رياست ايدن اعضا يه ده
 Chairman دينير . بوراده كى رئيس تعميرى هرايكي تقديرده ده رياست
 ايدن ذاته شاملدر - مترجم .

ایستر [۱]. رئیسك تبلیغ ایتدیكى نتیجه تکرار اعتراضه اوغراسه
 — که همان دائماً بویله اولور — رئیس ، قامارانك آریلاسنی
 division of the House امر ایدر . یعنی اوت لری صاغه ،
 خایر لری صول طرفه کچیریر . هرایکی فرقه دن ایکیشر تعداد
 مأموری سچر . یکدیگرینی متقابلاً قونترول ایده جك صورتده
 بونلردن برجیقتی اوت لری دیگر چیقتی خایر لری صایار لر . بونك
 اوت لر ، رئیسك صاغنده سالونك طولنجه امتداد ایدن یوله
 کچر لر . خایر لرده صول طرفده کی موازی یوله کچر لر . ۱۹۰۶
 تاریخنه قدر ، رئیس مستثنا اولمق اوزره ، مجلسك بوتون اعضاسی
 بر معلولیت مانع اولمادجقه بویوللردن برینه کیمکه مجبور ایدی .
 معلولیت تقدیر نده بونلرک رایلری سالون داخلنده تعداد اولونوردی
 [۲]. هر یولك قایسینده دوران تعداد مأمور لری مبعوثلر سالونه

[۱] Standing Orders , 28 - 29 (نظامنامه داخلی) . ۱۹۰۶ ده

قبول ایدیلن یکی بر قاعده موجبنجه ، رئیس قولوار لری (یوللری) تخلیه
 ایتدیرر ومبعوثلر در حال اورایه کیمکه باشلار لر .

[۲] بومعامله یه تبعیتدن استمنکاف ریاستك حکم ونفوذینه قارشی
 بر حرمتسزلک تلقی اولونوردی ومبعوثك مذاکراته اشتراك ایده مه مسنی
 انتاج ایدردی . Parl. , Practice : May , ۱۰ نجی طبع ۳۳۸ .
 ۱۹۰۱ سنه سی مارتك بشنده اون ایکی ایرلاندا لی ناسیونالیست
 تخصیصات موقته مسئله سنده کفایت مذاکره تکلیف اولوندنی زمان
 سوز سوبله یه ممش اولدقلری بهانه سیله دهلیزه کچمکدن امتناع ایتدیلر .
 بونك اوزرینه حق مذاکره دن محروم بر اقلدیلر , Hans. 4 Ser. Xc ,
 96 - 292 ۱۹۰۴ سنه سی آغوستوسنك بشنده ، غال الکاسی مبعوثلری

تکرار کرد کلمه صیاده کنده آرالزندن کچرکن بونلری
صایارلر. یوللرده کی ماصه لرده اوتوران کاتبلرده مبعوثلرک اسملرینی
یازارلر .

الیوم مستعمل اولان اعطای رأی طرزی ۱۸۳۶ تاریخنده
بوشکلی آلمشدر. اوزماندن بری ، هرایکی طرفدهده رأیه اشتراک
ایدن مبعوثلرک اسملری طبع و محافظه اولونمشدر . فقط شایان
حیرتدرکه بولیسته لر پارلمنتو وثیقه لری میانه داخل دکلدرلر .
بواصول ، رأیلری صایق ایچون پک زور ظن اولونابیلیر .
فقط ۱۹۰۶ تاریخنه قدر موقع مرعیتده بولونان اصول تدقیق
ایدیلنجه بر « آریله » معامله سنک وسطی اولارق آنجق یکرمی
دقیقه اشغال ایتدیکی کورولور . قوم ساعتی چه وریلیر چه وریلز
اسملرک قیدینی ایجاب ایدن یکی اصوله کوره بوزمانک همان
همان نصفی کافی کلیور . تعیین اسمی ایلر رأی طوبلامق اصولندن
دها آز وقت صرف اولونیور دیمکدر . بواصول اوقدر ممنونیت
بخش کورولمشدرکه لوردلر قاماراسی ده قبول ایتمشدر .

یاقین زمانلره کلنجهیه قدر ، مجلسک رأینی طوبلامق ایچون
شفاهی طرز استننا ایدیلیرسه یکانه واسطه بو « آریله » دن
عبارتدی . هر مبعوث ، شفاهی رأیک نتیجه سنه اعتراض ایده رک

معارف قانوننک کفایت مذاکره سی قرارینه قارشی پروتستو اولمق اوزره
رأی ویرمکدن امتناع ایتدیلر . رئیس کیفیتکی مجلسه عرض ایدنجهیه
قدر اصرار ایتدکن صوکره تماماً چکیلمکه راضی اولدیلر . علیهلرنده
باشقه برشی یاپلادی Hans . 4 Ser. c , 1259 , 1268

بو آیریله بی ضروری بر حاله صوقابیلیردی. فقط دهادر دوغروسی
 بر دکل ایکی مبعوث لازمدی. چونکه هرایکی طرف ایچون
 ایکی تعداد مأموری اولمازسه آیریلهیه امکان یوقدر. مع مافیه،
 ۱۸۸۸ ده اوبستروکسیون و زمان اسرافنی منع چارمسی اولوق
 اوزره، مجلس رئیسنه، «آیزله» معامله سنک هیچدن یره
 یاخود ازهاج ایچون طلب ایدیلدیکنه قناعت کتیردیکی تقدیرده
 اوت لری یاخود خایر لری آیاغه قالمق و اوتورمق صورتیه
 طویلامق صلاحیتی ویریلدی. بوصورتله رئیس رایلری صایار
 ونتیجه بی تبلیغ ایدر [۱]. فقط فعلیاتده بواصول نادر آقوالانیلیور.
 تعداد مأموری اوله رق انتخاب ایدیلن مبعوثلرک اسملری
 رأیک ماهیت سیاسیه سنی اراؤه ایدر. هیئت وکیله مسئله بی براعتاد
 مسئله سی دیمیه جکزه (چونکه ایکنجی درجه ده بعض مسئله لر
 واردرکه بونلرده حکومت قامارایک اعتمادنی غائب ایتهدن مغلوبته
 اوغرایه بیلیر و استعفا سنی ویرمه که لزوم حس ایتمز) مخالف
 برقراری، کنديسنجه بر مغلوبیت تالق ایده چکی مسئله لر میانسه
 کوردیکنی آکلاتمق ایسترسه و بو مناسبتله بوتون طرفدارلرینی
 یکپاره برکته حائده طویلامق آرزو ایدرسه تعداد مأموری
 اولارق حکومتک «وایپ» لرینی انتخاب ایتدیرر. کذلک
 مخالفتده بونی برفرقه مسئله سی یایمق ایسترسه دیگر طرفک
 تعداد مأمورلری اولوق اوزره کندی وایپلرینک انتخابنی ایستره.

فقط ایکی طرفده ده بویه بر نیت بولونمادیغی تقدیرده، ریاست ، تعداد مأموری اولارق تقریری ویرن یاخود تأیید ایدن یاخود مذاکره فعال صورتده اشتراك ایله ین مبعوثلری سچر . بوتقدیرده مبعوثلر ، فرقه لرینه خیانت ایتیش اولمادن ، شخصی فکرلرینه کوره رأی ویریرلر .

سائر مجالس تشریعیه کبی عوام قاماراسنکده مطبوع دائمی نظامنامه ،
 نظامنامه داخلیسی واردر . بونک اک مهم قسمی ، دائمی نظامنامه
 standing orders هر سنه پارلمنتویه عائد وثائق میانده طبع
 اولونور . فقط بو ، تام بر نظامنامه داخلی عدایدیه مز .
 چونکه بو موضوعک آتجق بر قسمی ، حتی منافع عمومیه عائد
 مسائله تعلق اعتباریه کوچوک بر قسمی احتوا ایدر [۱] . اصول
 ومعامله اساس اعتباریه عاده تابعدر . عرف وعاداتک احکامی
 ایسه قسماً امثال واولیاتده ورئیسلرک قرارلرنده قسماًده شخصی
 تجربه لرله معلوم شفاهی عنعناتده آرامق لازمدر . فعلیاتده ،
 زمان زمان ، موجود بر اصولی تعدیل یاخود الغا ایچون متعدد
 نظامنامه داخلیلر قبول اولونمشدر . بونلرک نتیجه لرلی بالخاصه
 منفی بر صورتده تجلی ایتمشدر . بوقواعدک قبولی ایچون هیچ بر
 خصوصی مراسمه حاجت یوقدر . فقط ۱۹۰۲ ده نظامنامه
 داخلیده مهم تعدیلات یابیلدینی صیراده ، تکلیفلر دفعات ایله
 [۱] خصوصی قانون لایحه لرلی حقنده کی نظامنامه داخلی ده انکشاف
 ایتمشدر . اصل بیلدیکمز نظامنامه داخلیره ده زیاده بکزه مکده در .

دائمی نظامنامه ،
 انعقاد دوره سنه
 مخصوص
 نظامنامه

قرائت ایدیلدی. حقیقته قانون لایحه لرینک مذاکره سی ایچون
مرعی اولان اصوله مشابه بر اصول تعقیب اولوندی [۱].

دائمی نظامنامه بر پارلمنتودن
دیگر پارلمنتویه قدر دوام ایدر.
انکلیز قاماراسنک نظامنامه داخلیمی سائر بعض مملکتلرک
تشریعی مجلسلرنده تعقیب ایدیان نظامنامه داخلیلردن ایکی مهم
نقطه ده فرقلیدر. اولاً، هر یکی عوام قاراسی بونی یکی باشند
قبول ایتمه مجبور دکلدر. نظامنامه داخلی بر کره قبول اولوندقدن
صوکره، احکامی دکیشدیریلنجهیه قدر، بر پارلمنتودن او بر
پارلمنتویه دوام ایدر. دوره اجتماعیه لره مخصوص قواعد sessional
orders ده واردر که هر دوره اجتماعیه بدایتنده تجدید ایدیلک
لازمدر. بعضاً، بوضورتله فائده سی تحقق ایتش یکی بر قاعده
دائمی نظامنامه شکلی آلیر. بعضاًده معین بر مدت اولمقسزین
برطاقم قواعد ویامقررات قبول اولونور. مجلس تعطیل ایدیلیرسه
بوقواعدک حکمی قالماز. فقط بعضاً او یله اولیورکه بونلر صریح
صورته تکرار موقع مرعیه قوتولمادن، قامارانک عرف وعاداتی

[۱] بو، اولجه عادت دکدی. فقط نظامنامه احکامنک تعدیل
مذاکره لری بعضاً بک اوزون سورمشدی. ۱۸۸۲ ده کفایت مذاکره
حقننده کی یکی احکام، کورولتوجی مبعوثلرک بر مدت جلسه لره آلماناسی
ودائمی انجمنلراحدائی اوتوز اوچ کون مذاکره ایدیلدی. ۱۹۰۱ ده
ایسه خصوصی ره مبعوثلرک تکلیفی اوزرینه بر تعدیلات بر جلسه ایچنده
یابیلیویردی. 75 - 555, 4 Ser. XCII, Hans., 1906 ده تعدیلات بر
انجمن مخصوصه حواله اولوندی. فقط صوکره حکومتک تکلیفی اوزرینه
برر بر قبول ایدیلدی. 197, CLV, 4 Ser., Hans.

جمله‌سندن ایمشدر کبی تکرار مرعی‌الاجرا اولیورلر [۱].

نظامنامه داخلی احکاماتک ایکنجی بر خصوصیتی ده ساده‌جه ساده‌جه برقرار
بر اکثریت قراریله مرعیتدن اسقاط ایدیله بیلمه‌لیدر . واقعا ایله قالدیریل-
بویابده بر تقریر ویریله‌سی ایجاب ایدرسده بوندن صرف نظر
ایتمک‌ده قابلدیر . حتی ویریلن تقریرده موجود نظامنامه داخلی
احکامندن بحث ایدیله‌سنده حاجت یوقدر . موجود نظامنامه
داخلی احکامنه مغایر هر قاعده یاخود قرار ، قبول اولونور
اولونماز اسکی احکامی موقع مرعیتدن اسقاط کبی بر تأثیر حصوله
کتیرر [۲] . فعلیاتده ، قامارا متصل بر طاقم قواعد مخصوصه
قبول ایدرکه بونلر نظامنامه داخلی احکامنه یاخود عنعنوی
اصوللره کوره تأسس ایتمش اولان طرز معامله‌لری دیکشدر لر .
حکومت ، کندی لایحه‌لرینک تدقیق و مذاکره‌سی ایچون
مبعوثلرک لایحه‌لرینه تخصیص ایدیلش زمانی طلب ایتدیکی یاخود
جلسه‌یی معین ساعتدن زیاده تمدید ایتمک ایسته‌دیکی زمان ،
چوق کره ایشته بویله حرکت اولونمشدر . ۱۹۰۲ ده قبول
ایدیلن یکی قواعد ایله بوتون بو احتمالات کوز اوکنده طوتولمشدر .
فقط بر مذاکره‌یی قیصه کسمه‌نک ال‌مؤثر یولی اولان کیوتین
اصولی ، بودجه مذاکراتنده نظامنامه داخلی احکامی ایله معین

[۱] مای ، ۱۴۵۰ .

[۲] مای ، ۱۴۵۰ .

اولمقله برابر [۱] معین بر لایحه حقنہ آنجق بر ناظر طرفندن
ویریلن تقریر اوزرینه قامار انک خصوصی بر قرار یله قبول اولونور.
اللی سنه دن بری نظامنامہ داخلی احکامنده یاپیلان تعدیلاتک
قسم اعظمی انتظامی تأمین، زمان اسرافنه ممانعت یا خود زمانک
صورت توزیعنی تعدیل غایه لرینی تعقیب ایتشد [۲]. کورولتوجی

دائمی نظامنا-
مده تعدیلات
اجراسی
تایللری

S. O. 15. [۱]

[۲] دو قوتور ردلیخ Redlich، عوام قامار اسنک اصول مذا کر اتنک
منتظم یکاه تاریخچه سنی تشکیل ایدن او مکمل Recht und Technik
des Englischen Parlamentarismus اثرنده ، ۱۸۳۲ . ریخندن بری
نظامنامہ داخلی احکامنده تبارز ایدن ایکی تمایل حقنده نظر دقتی جلب
ایدیور بونلرک برنجیسی ناظره زمانک استعمالی کیفیتده و بناء علیه
قامار انک فعالیتی حقنده کیتدکجه دها قطنی رنفوذ ویر یور . ایکنجیسی
اولجه تقرر ایدن روزنامه به کیتدکجه دها زیاده رعایت ایتکه
مجلسی مجبور ایدیور . فقط پک واضح سورته میدانده قوبدیقی
بویکنجی تمایلک تظاهراتی زمان قازانق یا خود زمانک صورت توزیعنی
قرار لاشد بر مق ایچون یاپیلمش تعدیلات دییه ده تلقی اولونا بیلیرلر .
ایستر روزنامه مذا کراتی دکیشدیر مک مقصد یله تقریر ویر یله سنی منع
ایتمک ایستر تعدیلات و مذا کراتی مسئله اصلیه به حصر ایله مک موضوع
بحث اولسون ایستر نامتناهی مذا کراته سببیت ویرن سورونجمه تقریر لرینک
وسائر لرینک قبول ایدیله سی موضوع بحث اولسون بوقاعده لرک نتیجه سی
بیهوده شیرل و مجلسک تدقیق ایتک ایسته مدیکی مسئله لر مذا کره سیله زمان
اسرافنه مانع اولق یا خود حکومته ویا بر معوثه تخصیص ایدیلش
بر زمانک باشقه بر شیئه صرفنه میدان ویرمه مکدر .

بز بوسطرلری یازدقدن سو کره دو قوتور ردلیخک اثری انکلیرجه به
ترجه ایدیلشد . فقط انکلیرجه نسخه سی وقتنده المزه کچه دیکندن ایجاب
ایتدکجه آلمانجه اصلنده کی صحیفه لره مراجعتی توصیه مجبور یتمده قالدق .

وسرکش بر مبعوثك جلسه لره آلماناسی کبی برنجی نوع
تعدیلاتی ایرلاند مبعوثلرینك خط حرکتلری تولید وایجاب
ایتمشدرد. بونلر، پارلمنتو ره ژیمینك طبیعی تکاملنه بیکانه
حادثات دییه تلقی اولونابیلیرلر. فقط زمان اسرافنی منعه خادم
قواعد بویله دکلدر. چونکه مذاکره لری قیصالتنه معطوف
احکام ایرلاند الیلرک یاپدقاری اوبستروکسیونك نتیجه سی اولقله
برابر، صوکره کی کفایت مذاکره مسئله سنك تاریخچه سی
کوستریور که بونوعدن بر تدیرك قبولی طبیعت احوال نتیجه سی
اولارق کندی کنیدلکندن ارکچ وقوعه کلمک ضروری ایدی.
ایرلاند الیلر وقتی بر آرتعجیل ایتمکدن باشقه برشی یامامشلردر [۱].

قامارانك زمان قازانق یولنده صرف ایتدیکی جهد وغیرتلر
عمومیتله ایشلرینك چوغالماسنه عطف اولونیور. قامارانك
ناظرلره صوردیغی سؤالر وسائر واسطه لری ایله امور اداره نك
تفرعاتی اوزرنده کیتدیجه ده اوسع صورتده اجرا ایتدیکی
قونترول ده مجلسك بوایشلری میانده تلقی ایدیلیرسه شهره سز که
بوادعا حقلیدر. فقط مجلسك تشریعی فعالیت مسئله سنده،
نظامنامه داخلینك اصلاحاتی بوفعالیتك اسکیسندن زیاده زمان
ضوتماسنه عطف ایتك ده اوافق اولور. ناظرلره سؤالر
صورمق واونلری تنقید ایتك، مذاکرانه اشتراك ایله مک
ایسته ین مبعوثلرک عددی شیمدی پک چوغالمشدر. هانساردک قبول

ایدیلن قانونلرک متلرینه تعلق ایدن صحیفه لری دها چوغالمشدر .
 وقتیلہ اصول مذا کرہ غایت قاریشیق ایدی . منفعت عمومیه به
 تعلق ایدن علی العاده بر قانونک مجلسدن کچمه سی ، تعدیلاتلر
 مستثنا اولق اوزره ، یکر میدن زیاده معامله به لزوم کوستریردی .
 بونلردن هربری مناسبتیلہ بر مذا کرہ قاپیسی آچیلایلیر و بو
 مذا کرہ لراچون مجلسک ایکی به آریلماسی صورتیلہ رأی طوپلانماسی
 طلب اولونایلیردی . برده تعلیق تقریرلرینه وسائر سورونجمه
 یوللرینه نامتناهی صورتده مراجعت ایدیلہ بیلیردی . بوندن باشقه ،
 تعدیللرک ومذا کرہ لرک قامارایه عرض ایدیلش مسئله به تعلق
 ایتمه لرینه لزوم کوسترن قاعده عمومیه نک [۱] برچوق استثنالری
 واردی . اودرجه ده که بویله بر قاعده عمومیه یوق ایدی بیلہ دینه بیلیر .
 مثلا ، سورونجمه ده بر افاق مقصدیلہ ویریلش بر تعدیل تقریری
 حقنده کی مذا کرات بوتقریره انحصار ایتزدی [۲] . بودجه
 ایچون مجلسک هیئت عمومیه انجمن حالنده طوپلانماسی نه زمان تکلیف
 اولونسه راست کله هرهانکی بر اعتراض درمیان ایدیلیر وموقع
 مذا کره به قونولوردی [۳] .

فرقه لر آراسنده کی مجادله آنجق بر قاچ بویوک ومهم مسئله به
 انحصار ایتدیکی مدتجه بوتون بونلرک هیچ بر اهمیتی اولمازدی .

[۱] مای ، صحیفه ۲۰۹

[۲] مای ، صحیفه ۳۰۱

[۳] مای ، صحیفه ۷۵۱

چونکه اومسائل خارجنده بوتون زمان حقیقی مساعی تشریعیه به تخصیص ایدیلردی . فقط اوبستروکسیون بر سیستم حالنه کلدیکی ، مخالفتک ، اصل رولی ، هر دورلو اوبستروکسیوندن صرف نظرله صرف مخالفت یاقمق ، حتی فرقه لر آراسنده خصومت تحریک ایده جک درجه ده مناسبتلی مناسبتسز مخالفت یاقمق اولدینی فکری یرلشدیکی زمان بومقصدی تأمین ایچون تصادف ایدیلان قولایلقلر غیر قابل تحمل بر حاله کیردیلر . لایحه لرك حین مذاکره سنده مجلس هیئت عمومیہ انجمنی حالنده طوپالانمش ایکن برنجی وایکنجی قرائت [۱] وسائرہ کبی بهض اصوللر ترک ایدیلدی ؛ صرف شکلی بر طاقم اصوللر قبول اولوندی . بونلرده اصل مسئله حقنده رأیه مراجعت اولونماز . مثلاً ، بر لایحه نك نظراعتبارہ آلتوب آلتاماسی [۲] ، بر لایحه ایچون بویوک برانجمن حالنده طوپالانیلوب طوپالانماسی [۳] یاخوده هیئت عمومیہ انجمننك مضبوط سنك تودیعی کبی [۴] . باشقه احوالده ده مسئله رأیه قونولور ، فقط مذاکره جریان ایتمه سی قبول اولونماور [۵] . عینی مقصدله سورونجمله تقریرلری حقنده کی مذاکره تحدید اولوندی . مجلس رئیسنه یاخود ، مجلس هیئت عمومیہ انجمنی حالنده

S. O. 36 [۱]

S. O. 40 [۲]

S. O. 53 [۳]

S. O. 32, 51 [۴]

S. O. 1 (7), 18, 26, 31, 91 [۵]

طوبلا ئىش اولدىغىنى تەقدىر دە، انجمن رەئىسە بولۇپ دە، كى مۇدا كىراتى مەن
 ايتىمكى وەتتى تەقرىر كى مجلس نظامنامە سەنە قارشى بىر سەۋەبىستەمەل تەشكىل
 ايتىدىكەنە، كەم ايلە سەۋەبى رايە قويماسىق سالاھىتى بىلەن بىر بىلدى [۱]
 كەمەتتى كىرك بۇدجە انجمنى ھالەندە تەشكىل مەنسەبىلە كىرك
 سائىر وسىلەلەرلە تەنقىد امكانى دە، مەخلف سەۋەبىلەرلە تەجەبەبىلە بىلدى.
 بالەھە، كەفەيت مۇدا كىرە قىرارىلە مەناقشە نەھەت وىرەمكى اصولى
 بوسۇك سەنەلەردە پەك مۇثر سەۋەبىلەرلە تەجەبەبىلەرلە تەجەبەبىلەرلە
 بوسۇك سەنەلەر، كەزەك زەمانىك كەمەت ايلە مەبەۋىلەرلە سەۋەبىلەرلە، تەجەبەبىلەرلە
 آشاغىدە اوزون اوزون تەجەبەبىلەرلە ايدىلە جەكلىرىدە. شەمەبىلەك، تەجەبەبىلەرلە
 ايتىدىكەنە تەمەبىلەك دائىمى اولدىغىنى سەۋەبىلەك كەفەيدىر. بونەك دە
 سەبى شەۋەبىلەر: بىر قەۋە، مەخلفەتە بولوندىغىنى مەتەبەبىلەرلە پەك تەبەبىلەرلە
 اولارق كەمەتتى مجلس و مجلسك زەمانىك تەزەبىلەرلە سەۋەبىلەرلە
 اوزەندە كى تەبەبىلەرلە تەبەبىلەرلە ايدە جەك قەۋەبەبىلەرلە بولونىور سەۋەبىلەرلە
 مەۋەبىلەرلە كەنەبەبىلەرلە بوقەۋەبىلەرلە مەخلفەتەبىلەرلە سەۋەبىلەرلە
 ھەقىقەتە، بومەبىلەرلە، كىرك ادارى كىرك تەبەبىلەرلە سەۋەبىلەرلە
 بونەبىلەرلە فەۋەبىلەرلە سەۋەبىلەرلە و مەۋەبىلەرلە نەزەبىلەرلە كەتەبەبىلەرلە
 مەسئۇل اولمارلى كەفەيتتىك بىر نەتەبەبىلەرلە سەۋەبىلەرلە.

مجلس رەئىسى
 عوام قاماراسى ھەزەمان، مەقام كەمەدارىنەك تەبەبىلەرلە تەلقى
 ايتىمكى اوزەرە لوردلر قاماراسەنە دەۋەت اولونور. بىر مەۋەبىلەرلە
 اتخەبەبىلەرلە سەۋەبىلەرلە عوام قاماراسى مەبەبىلەرلە كەنەبەبىلەرلە
 طوبلا نەبەبىلەرلە

زمان ، یکی پارلمنتونك رسماً كشادی خبرینی دیکله مك اوزره
لوردلر قاماراسنه دعوت وقوع بولور . حکمدار ، بر رئیس
انتخاب ایتمه‌لی آرزوسنده بولوندیغنی مبعوثلره تبلیغ ایتدیرر.
بونك اوزرینه عوام قاماراسی اعضالری رئیس انتخاب ایتك
اوزره کندی سالونلرینه چکیلیرلر. رئیس انتخاب ایدیلیرایدیلز،
اوکنه ، ماصه‌نك اوستنه ، ریاسته مخصوص عصا کتیریلوب
قونولور . بو ، رئیسك حکم ونفوذینك بر تمثالیدر . عوام
قاماراسنك تام بر جلسه حالنده اجتماع ایتدیکنه دلالت ایدر .
فقط رئیس الآن منتخب بر رئیس حالنده‌دره ایرته‌سی کونی،
آرقه‌سنده مبعوثلر اولدیغنی حالده لوردلر قاماراسنه کیدر. اوراده
انتخابی خبر ویریر وقرال طرفندن تصدیقی طلب ایدر. زمانمزه
بالطبع حکمدارلر هیچ بر زمان بونی رد ایتزلر.

اگر رئیس اولارق یالکیز بر مبعوث تکلیف اولونیورسه
هیچ رایه مراجعت ایدیلهدن ریاسته دعوت اولونور . متعدد
نامزدلر تکلیف ایدیایورسه اسملری بر برینی متعاقب رایه قونور،
نهایت ایچلرندن بری اکثریت آرای قازانیر [۱] . رئیس تکلیف
ایدن ذات ایله بوتکلیفی تأیید ایله‌ین ذات دائماً علی‌العاده مبعوثلردر.
چونکه ناظرلرک بو انتخابه پک فعال بر صورتده اشتراك ایتمه‌ملری
دها موافق کورونیور [۲] . مع‌مافیہ مجلس رئیسى دائماً موقع

[۱] مای ، ۱۵۱

[۲] مای ، ۱۵۰ ، نوط ۳

اقتدارده کی حکومت طرفندن انتخاب اولونور . یکی بر رئیس
 دائماً موقع اقتدارده کی فرقه یه منسوب ذوات آراسندن تفریق
 ایدیلیر . بعض کره ریاست انتخابنده رقابت موجود اولور .
 ۱۸۸۵ ده مستر کولی Gully انتخاب ایدیلدیکی زمان بویله
 اولمشدی . فقط، رئیس انتخابی بدایتده مخالفته معروض قالا بیلیمک
 و انتخابی پارلمنتونک دوامی ایله مقید بولونمق ایله برابر وظیفه سنی
 محافظه ایتمک ایسته دیکی مدتجه کندیسنک انتخابی تمديد ایتمک
 شیمدی لایتغیر برعنعنه حاله کلشدره . رئیسک انتخابنک مخالفته
 مصادف اولدینی صوک مثالری ۱۸۳۳ و ۱۸۳۵ تاریخلرنده
 کوریرز . بونلرک ایکنجیسنده ، تکلیف اولونان نامزد مغلوبته
 اوغرادی . مستر کولی نك حیاتی بو پرنسپک تطبیقاتنه کوزل
 بر نمونه تشکیل ایدر . جان چکیشمکده اولان لیبرال فرقه سنک
 صوک آیلرنده خفیف برا کثرت ایله رئیس انتخاب اولوندی .
 اونک ترجیح ایدیله سی محافظه کارلرک خوشنه کیمه مشدی .
 یکی انتخابدن صوکره موقع اقتداره کلیرلرسه کندیسنی تکرار
 انتخاب مجبورتینی دویمادقلرینی اوکا بیلدیردیلر . عاده مغایر
 اولارق ، انتخابات عمومیه ده کندی دائره انتخابیه سنده نامزدلکنه
 قارشی رقابت ایدیلدی . فقط ، محافظه کارلر یکی پارلمنتوده عظیم
 برا کثرت تأمین ایتمش اولمقله برابر هیچ بر مخالفت کوسترمه دن
 تکرار رئیس انتخاب ایدیله سنه راضی اولدیلر .

رئیس ، مجلسه ریاستدن باشقه برشی یاماز . انجمنلرک
تشکلنه ، مجلسک مساعیسنک سوق واداره سنه قاریشماز . بر آمر
دکلدر ، بر حکم در . یوقسه ، فرقه لر دیکشدیکی حالده ریاستده
قالامازدی . فقط ، حکم صفیله حائز اولدیغی نفوذ وصلاحیت
بک بویوکدر . حتی بعض احوالده ، اخیراً نظامنامه داخلیده
یاپیلان تعدیلات دولایسیله ، اوتوقراتیق بر حال آلمشدر .
مثلا ، بر کفایت مذاکره تقرینک شایان قبول اولوب اولمادیغی ،
اقلینک حقوقنه قارشی بر تجاوز تشکیل ایدوب ایتمدیکنی رئیس
کسدریر [۱] . مجلسک نظامنامه داخلیدنه قارشی بر سوء استعمال
تشکیل ایتدیکنه حکم ایله دیککی بر سورونجمه تقریری رد
ایده بیلیر [۲] . « صد خارجنده سوز سویله مکده اصرار ایدن
یاخود لزومسنز یره تکررلره دوشن » بر مبعوثه سوز
سویلمه یه بیلیر [۳] . دهافضله سی وار . بوخصوصده کی قرار ی،
نظامنامه یه تعلق ایدن سائر بوتون مسائلده کی قرارلر کبی غیرقابل
اعتراض واستینافدر [۴] . مجلس کندی نظامنامه سی ساده جه
بر اکثریت ایله تعطیل ویا الغا ایده بیلیر . فقط ، معین بر مسئله ده

S. O. 26 [۱]

S. O. 23 [۲]

S. O. 19 [۳]

[۴] یالکز رئیسک کندیس ی بر مسئله یی مجلسک رأینه عرض

ایده بیلیر . مای ، صحیفه ۳۳۱ .

رئیسك بونظامنامه یی طرز تفسیری دكیشدیره من [۱]. بو ،
انكلیز پارلمنتو حقوقك عمومی برپرنسیپیدر. سائر بوتون عمومی
اجتماعلرده تطبیق اولونمقده در [۲]. بو پرنسیپ ، وظیفه شناس
بر ذاتی ویره جکی قرارلرده دها چوق تأمل کوسترمکه سوق
ایدر ، فقط شبهه سز که الله پك عظیم بر اقتدار ویرمش اولور.

تمثیلی مجلسله الفت ، بر حس استخفاف تولید ایدیور
کیدر. چونکه جریان ایدن یاریم عصرک بارز و صفلرندن بری
بر چوق مملکتلرک پارلمنتولرنده کورولتولی صحنه لرك ترایدیدر.
انکلتزده بو حادثه لره هوم رول طرفدار ی ایرلاندا فرقه سنک
انکشافی سبب اولدی . بوفرقه ایرلاندا انکلتز پارلمنتوسی
طرفندن اداره سنی پرنسیپ اعتباریله حق سز و فعلیات اعتباریله
ظالمانه تلقی ایدیوردی. عوام قاماراسنک حیثیت و شرف خصوصنده
اوغرادینی ضیاعه هیچ اهمیت ویرمیوردی دیمک بو فرقه

تأمین سکون
وانتظام ایچون
حاضر اولدینی
نفوذ و قدرت

[۱] رئیسك حرکتی آنجق صوکره پالمش بر تقریر ایله مجلسه
عرض ایدیلیر. بوتقریر دها اولدن خبر ویریلک لازمدر. فقط
بوتثبت ، تصحیح ایتدیریلک ایسته نیلن قراری دكیشدیر تمک خصوصنده
هان هیچ بر نتیجه ویرمز . Hans. , 3 Ser, CCLVIII, 10, 14 رئیس
براند بوتقراری ویردیکی کون اونو در حال تصحیح تکلیفنده بولونا جق
بر مبعوثک ریاست حکم و تفویضه حرمتده قصور اتمش اولاجغنی
بناء علیه نظامنامه داخلی موجبجه جلسه لره عدم اشتراك جزاسنه
معروض قاله جغنی اثرباب ایتشدیر. کذا ۹ .

[۲] لورد شانسلور ، لوردلر قاماراسی رئیس صفتیله بوندن دها
آز نفوذ مالکدر . مای ، ۱۸۶ ، ۲۹۶ ، ۳۰۷ ، ۳۲۱ .

حقننده سویله نه بیلجهك اك اهون بر سوزدر . ۱۸۸۰ ده ،
 مجلس رئیسنه ، کورولتوی وقار غشه لئی منع ایتمک حتی ویریلدی .
 بوحق ، الیوم بعض تعدیلات مؤخره ایله نظامنامه نك ۱۸ نجی
 فقره سنده Standing Ordre 18 تثبیت ایدیلشدیر . رئیس ،
 کنديسنك حکم ونفوذینی استخفاف ایدن یا خود اوبستروکسیون
 یاپان مبعوثه اسمیله خطاب ایده بیلیر . بونك اوزرینه ، اومبعوثك
 جلسه لره اجتماعدن منعی حقننده بر تقرر ویریه بیلیر . بوتقرریر
 هیچ بر تعدیل تکلیفی درمیان ایدیه مه دن ، مذا کره یه قونامادن
 مجلسك رأینه عرض اولونور [۱] . ۱۹۰۲ ده هیئت مجموعهلری
 مجلسك نظامنامه داخلینی وجوده کتیرن بوقواعد ومقررات
 کوزدن کچیریلدیکی وتصحیح ایدیلدیکی صیراده برنجی تجاوز
 ومتعاقب تجاوزلر ایچون برمبعوثك به قدر زمان جلسه لره اشتراکدن
 منع ایدیه جکینه دائر بر ماده موجود ایدی . فقط اوتارینخده
 جریان ایدن مذا کراتده بوفقره قالدیریلدی . شیمدی بونك
 هیچ حدی یوقدر . بدیهیدرکه کوچوجوک بر اقلیتدن ترکیب
 ایدن و پارلمنتونك حکم ونفوذینی استخفاف ایتمکه عزم ایله یین
 بفرقه جلسه لره عدم اشتراك قرارینی استلزام ایده جك بر کورولتو
 صحنه سی پاپمای پك خوش بر پروتستو شکلی تلقی ایدر . چونکه

[۱] S. O. , 18 . جلسه لره اشتراکدن منع ایدیان مبعوث صالونی
 ترك ایتمکدن امتناع کوستیررسه ، رئیس اونی اودوره اجتماعیه نك
 متباقی مدتیجه مذا کراته اشتراکدن منع ایده بیلیمک حقنه مالکدر .
 الکتاره نك حاکمیتی ۶:

راحت راحت دائره انتخابیه لرینه عودت ایله منتخبلرینه آتشین
نطقلر ایراد ایتمک فرصتی بولاجقلردر .

دائمی دکلسمده چوق کره ایرلاندالی مبعوثلر طرفندن
چیقاریلان بعض وقعهلر استثناییده جک اولورسه تربونلرده
اخذ موقع ایتمش اولان سیرجیلر رئیس قارشی کوستریلان
حرمتدن و مجلس اوزرنده اجرا ایتدیکی معنوی سلطه دن حیره
دوشرلر [۱] . رئیسک آیلقی شرف و حیثیتی ایله متناسبدر .
سنده بئس بیک انکیز لیراسی آلیر . پارلمنتو سراینده رسمی
براقامتگاهدن ودها سائر منافیدن مستفید اولور . سیاسی اداره
موقعندن اوزاق اولقله برابر قراملک برنجی مبعوثی تلقی ایدیلیر .
بوندن باشقه ، لورد قاماراسنک اشیکنه آدیم آتمش بر موقعدهدر .
چونکه ، بر مدتدن بری ، چکیلدکلری زمان رئیسلری لوردلغه
ترفع ایتمک عادت اولمشدر .

۱۸۷۰ تاریخنه کلنجهیه قدر ، عوام قاراسی هیئت مجموعه سیله
بر انجمن حالنده طوپلاندینی زمانلر رئیسک مذاکراته اشتراک
[۱] آوروپا پارلمنتولرنده ، بویوک بر قارغشلق وقوعنده جلسه یی
تعطیل خصوصنده رئیسه صلاحیت ویره جک بولده موجود قاعده
۱۹۰۲ تاریخنده نظامنامه داخلینک ۲۱ نجی فقره سنه علاوه ایدیلدی .
ریاست بونی بر کره استعمال ایتمشدر . ۱۹۰۵ مایسنک ۲۲ سنده
مخالفت ، باش وکیلدن درحال ایضاحات ایسته مکه کندیسندنه حق
بولوندینی ادعاسیله هیئت وکیلدهن باشقه برذاتک سوزلرینی دیکلهمه مک
ایسته مشدی . Hans, 4 Ser. CXLVI, 1061-1072 احتراصاتی تسکینه
بک آز فائده سی اولان بو چاره نک نادراً استعمال ایدیله سی شایان تمیدر .

رایلرده
مساوات
کورولدیکی
زمان رأی
ویریر

ایتدییکی اولوردی . چونکه اوزمان مجلسه کندیسی ریاست
ایتمز [۱] . فقط بوکون رئیسک مطلق بر بیطرفاق وضعیتده
بولونماسی انجمن حالده ایکن سوزسویله مه سنه ورائی ویرمه سنه
بر مانعه تشکیل ایتدییکی قبول اولونیور . بناء علیه ، رئیس
هیچ بر زمان رایه اشتراك ایتمز . یالکز ، ریاست ایتدییکی زمانلر
تساوی آرا وقوعه کلیرسه رای ویرمکه مجبور قالیر . بوتقدیرده
نتیجه یی تقرر ایتدیرن رأیی ، مسئله یی آچیق براقاجق
بر طرزده اعطا ایتدییکی سویله نیورسه ده بوپک دوغرو
دکلدر . مع مافیه ، رأیی بر نتیجه قطعیه تأمین ایده جک اولدینی
زمانلر ، مسئله نک قیمتی حقیقه کی مطالعه شخصییه سنه کوره
دکل ، وقایع سالفه دن یاخود تشکیلات اساسیه نک بعض
عمومی برنسیپلرندن قامارانک نیتی نه اولمق لازم کله جکی
آ کلاشیلورسه اوکا کوره رای ویریر [۲] . مجلس ، انجمن حالده
طوپلاندینی وقت ده ریاست ایدن ذاتک عینی عنعنائی تعقیب
ایتدییکی سویله نه بیلیر [۳] . بوتون مجلس بر انجمن حالده
طوپلاندینی وقت ریاست ، طرق و وسائط انجمنی (بودجه
انجمنی) Committee of ways and Means ریئسی طرفندن
درعه ده ایدیلیر . بوندن دولایی کندیسنه انجمنلر ریئسی نامی

انجمنلر ریئسی

[۱] مای ، صحیفه ۳۴۸-۳۴۹

[۲] مای ، ۳۴۴-۳۴۸ .

[۳] مای ، ۳۶۱-۳۶۲ .

ویریلکده در. اوده ، مجلس رئیس کی ، انتخاب ایدیلر ایدیلر
سیاسی مجادلان دن چکیلر و قاماراده آنجق خصوصی لایحه
قانونیه لرده مذاکراته و رایه اشتراك ایدر. پارلمنتونك ابتداسنده
هیئت وکیله جه اك ممتاز دوستلر آراسندن انتخاب اولونور .
حکومت دکیشدیکی زمان اوده وظیفه سنی براقیر. وظیفه سی،
مجلس رئیس کی خصوصی قانون لایحه لرینك روشنه هیچ
بر فرقه جیلق روحنه قایلان ریاست و نظارت ایتکدن عبارت
اولدینی حالده قابینه نك مقدراتنه اشتراك ایتمه سی ایجه غریبدر.
بونقطه نظر دن تعقیب ایتدیکی خط حرکت قارش ی هیچ برشکایت
ایشیدیلر . شهبه سز که بونك ده سبی دایما مجلس رئیس کی کنیدیسنه
نمونه اتخاذ ایتمه سیدر . ۱۸۸۵ دن بری ، مجلس رئیس کی غیوبت
ایتدیکی ویا برمانه سی بولوندینی زمان اوکا وکالت ایدیور [۱].
هر ایکسینك ده عینی زمانده حاضر بولونماملر دن یاخود طرق
وسائط انجمنی رئیسینك انجمن حالده طویلانمش قامارایه ریاست
ایتمه سنه امکان اولاماماسندن بری ، بوش قالا جق مقامی
اشغال وظیفه سیله مکلف بر رئیس وکیلی انتخاب ایدیور [۲].
مجلسک بوراد ، شایان ذکر اولان سائر مأمورلری ،

مجلسک سائر
مأمورلری

[۱] مای ، ۱۹۱ S. O. 81 (اولجه ۸۳)

[۲] ، (2) S. O. 81 نظامنامه داخلینك : نجی فقره سی (۹)

موجبجه رئیس انجمنلره وقتاً ریاست ایتک اوزره بش مبعوضن
مرکب برجدول تنظیم ایدر . فقط شیمدی بر رئیس وکیلکی احداث
ایدیلدکن صوکره بوکا حاجت قلماشدر .

رئيسك امرى آئنده اجرا مأمورى و ضابط رئيسى صفتيله ايفاي
 وظيفه ايدن Sergeant-at-Arms ايله مجلس كاتبدن Clerk
 of the House و برحقوق مشاورى اولان و خصوصى قانون
 لايحه لرى حقنده مهم صلاحيتلى بولونان رياست مشاوردن
 Consel to Mr. Speaker عبارتدر. مجلسك انضباطنه مأمور
 ذات ايله مجلس كاتبنك و معاونلىرىك مقام حكمدارى طرفدن
 تعيين ايديله لرى [۱] و مأمورى تلى رائى صورتده محافظه ايله لرى
 بولنده كى عنعنك حالا پايدار اولماسى غريبدر [۲] . بونلرك
 وظيفه لرند هيج برماهيت سياسيه بولونمادىنى آشكاردر. هر زمانده
 كندىلرئى تعيين ايدن قابينهك فرقه سه نه منسوب دكلدرلر .
 مثلا ، مجلسك شيمريكى كاتبى سر قورتنه ايلبرت ، ليبرال
 اولمقاه برابر ، محافظه كار بر حكومت طرفدن تعيين ايديلمشدر .
 هم بو ، اولجه قامارانك خدمتنده بولونوبده ترفيع صيرامى
 كلنجه ياييلمش بر تعيين شكننده دكلدى . چونكه قامارايه كاتب
 اولدىنى وقت خزينه ماليه ده پارلمنتو مشاورى بولونوردى .

[۱] ماى ، ۱۹۸۱ .

[۲] ماى ، ۱۹۹۵ .

اون اوچنجی باب

عوام قانان اسنده اصول

انجمنلر و عمرمی قانونه لایحه لاری

انجمنلر

زمانم زده ، بویوک بر تمثیلی مجلس ایچون تکمیل ایشلرینی
عموم اعضانک اشتراکیه عقد اولونان جلسه لرده ایفا ایتمک قابل
دکدر. بونک لزوم کوستردیکی زمانه ، صبره و وقوفه بر مجلس
مبعوثان مالک اولاماز . هیچ موفقیت احتماللری بولونمایان
تکلیفلری مذاکره ایدرک جلسه لرینی اسراف ایتمه سنه میدان
ویرمه مک لازمدر . عمومی جلسه لرده مذاکره ایدیه جک
تکلیفات اولجه تدقیق ایدیلش ، احکاملری عریض و عمیق نظر
تأملدن کچیریلش ، صریح و واضح برلسان ایله قلمه آلمش ،
درمیان ایدیه بیله جک اعتراضلر برطاقم مساعده لر و تألیف بینلر
ایله تخفیف و بوقابل دکلسه بارز صورتده برطاقم برنسیپ
اختلافلرینه ارجاع اولونمش اولمق ایجاب ایدر. حاصلی ، بوتکلیفلر
اوله بر شکلده تثبیت و تحریر اولونمالی که مجلسه آرتق کوزلجه
تعین ایتش بر قاج مسئله نی حل ایتمک وظیفه سندن باشقه برشی
قالمالمالی . مجلسک بو وظیفه نی اقلانیه ایفا ایدیه بیامه سنه امکان

تأمين ايتمك ايجون هنوز مشكوك بولونان وقايع حقنده معلومات
طوپلامق الزم اولابيلير . شيمديكى ملت مجلسلىرى بونتيجه لرى
بالخاصه بعض نوع انجمنلر واسطه سيله تأمين ايتمكه چالشمشلردر .
پارلمنتو شكلنك سائر مملكيتلر ك كافه سندن زياته انكشافه
مظهر اولديغى انكلىترده بو مقصدى تأمين ايجون قوللانيلان
اك باشلى واسطه ايكي مجلس اعضاسندن تركب ايدن ، قاينه
نامى طاشيبان ورسى برشكى حائر اولمايان informal مختلط
انجمندر . فقط ، پارلمنتونك رولى منحصرأ اداره يي تنقيدايتمكه
وناظرلر ك ايراد ايتدكلرى برطاقم سؤالره اوت ياخود خاير
دييه جواب ويرمكه تنزيل ايديله دكجه مجلس ، ايشلرينك برقمى
باشقه انجمنلر واسطه سيله كورمك اضطرارنده در . قاينه نك
عوام قاماراسى ايله مناسباتى حقنده كى بابلرده بو انجمنلر ك ،
مسئول هيئت وكلا سيسته نى قبول ايدن سائر آوروپا مملكيتلر نده
اولديغى كى ، نهدن دولايى قاينه ايجون تهلىكه لى بر رقيب حاله
كيرمديكى ، بعضأ قاينه نك سياستنى بوزماديغى ، حكم ونفوذينه
خلل كيرمديكى ايضاح ايدجكز . شيمديكى حالده انجمنلر ك
يالكلر تشكيلاتلر نى وطرز مساعلر نى تدقيق ايله جكز .

انجمنلر ك اك مهمى ، هيئت عموميه انجمنى Committee
of the Whole ، دوغروسى آرانيرسه ، هيچ ده برانجمن صاييلاماز .
بو ، خصوصى بر اصول مذاكره يه تبعأ طوپلانمش بالذات مجلسدن
عبارتدر . آراده كى فرقلر بالخاصه رياستك انجمنلر رئيسى طرفندن
انجمنى

ایفا ایدیله سنده و مبعوثلرک عینی مسئلهیه دائر بر دفعه دن فضله
 سوز سویله ملرینه مانع اولان قاعده نك قابل تطبیق اولما ماسنده در.
 بر مبعوثك بوجلسه لرده دفعات ایله سوز سویلهیه بیللمه سی ، بو
 انجمنك قانونلری بوتون تفرعاتلریله تدقیق ومذا کره ایتمکدن ،
 بر لایحه نك ماده لرینی بر برر تعدیل یا خود طلب اولونان تخصیصاتك
 مختلف ماده لرینی مناقشه ایله مکدن عبارت اولان غایه سی نقطه
 نظرندن جدی بر فائده تشکیل ایدر . هیئت عمومی انجمنك
 اوزون بر تاریخی واردر [۱] . تدقیق ایتدیکی مسئله لره کوره
 مختلف نام طاشیر . علی العاده قانونلر ایچون بوکا ساده جه هیئت
 عمومی انجمنی دیرلر . تخصیصات طلب لرینی تدقیق ایتدیکی زمان
 تخصیصات حقنده هیئت عمومی انجمنی committee of the
 Whole on Supply یا خود ، لا ایلایانه بر شکده ، تخصیصات انجمنی
 committee of Supply نامی آلیر . مصارفات ایچون مقتضی
 منابع وارداتی قبول ایله مشغول اولدینی وقت ، طرق و وسائط
 انجمنی committee of Ways and Means (بودجه انجمنی)
 اولور . هندستان وارداتك حساب لرینی تدقیق ایتدیکی وقت
 بو غایهیه تقابل ایدن اسم ایله یاد ایدیلیر . بو مختلف عنوانلره
 یاد ایدیلن هیئت عمومی انجمنلری او قدر آیری آیری شیلردر که
 هر بری آنجق کندی ایشله مشغول اولاباییر . باشقه بر مسئلهیه
 کیلمک ایچون مجلسك یکیدن بر انجمن حالنده طوبلانماسنه

لزوم واردر. فقط على العاده هیئت عمومیه انجمنی مجلسه خطابا بر مضبطه تنظیم ایتمه دن و یکیدن تشکل ایله مه دن، کندیسنه تودیع اولونان قانونلرک برندن دیکرینه کچه بیلیر [۱].

حقیقی انجمنلر ایچنده اک چوقلری منتخب انجمنلر select، منتخب انجمنلر committee در. بونلر طبیعی صورتده اون بش مبعوثدن ترکیب ایدرلر. مع مافیه چوق کره مقدارلری دهآ آذرر. بعضاده قامارانک مساعده مخصوصه سیله دهآ چوق اعضایی احتوا ایده بیلیرلر [۲]. بونلر مبعوثلرک تکلیفی اوزرینه یاقامار اطر فندن انتخاب طریقله [۳] یاخود رأی خفی اصولیه تعیین ایدیلرلر. فقط زمان ضیاعنه میدان ویرمه مک و بیطرفلق تأمیناتی تشکیل ایتمک اوزره اعضالرک هیچ اولمازسه بر قسمنک انتخابی انتخاب انجمنه committee of Selection بر اقیلیر.

منتخب انجمنلردن بعضیلری هر سنه منتظم صورتده تشکل ایدرلر. انتخاب انجمنی بوندن دولایی اونلره دوره اجتماعیه انجمنلری نامی ویریلیر. بونلردن برینی ذکر ایتدک که اوده انتخاب انجمنیدر. بوانجمن زمان زمان توسیع اولونمشدر. بوکون، دوره اجتماعیه نک بدایتنده بالذات قامارا طرفندن انتخاب ایدیلش اون بر اعضایی احتوا ایدر [۴]. حقیقتده بو انجمن اعضالری قامارانک ایکی بویوک فرقه سنک

S. O. 33 [۱]

S. O. 55 [۲]

S. O. 56 - 57 [۳]

[۴] خصوصی قانون لایحه لرینه متعلق نظامنامه داخلی احکامی، ۹۸.

رؤسای آراسنده وقوعه کلن برائتلافه کوره تعیین اولونور. مقصد بی طرف بر هیئت وجوده کتیر مکدر. بونده اوقدر موفق اولیورلرکه اوتوز ایکی سنه لایق قطع بو انجمنده رئیسک ایتیش اولان سرجون موو برایک خاطر آنده انجمنده آریله صورتیله رأی طویلانماسنک نادر اولدیغنی وهیچ بر زمان رأیلرک فرقه جیلق روحنه تبعاً ویرلمه دیکنی اوقویورز [۱]. منافع عمومییه متعلق خصوصاتده بو انجمن، خصوصی انجمنلرک ودائی انجمنلرک اعضا لرینی انتخاب ایله مکلفدر. کذلک بوتون خصوصی و محلی قانون لایحه لرینک انجمنلرینی تشکیل و قانون لایحه لرینی بو انجمنلره توزیع ایلر [۲]. حتی اک باشلی حکمت وجودی بودر. فقط بونک تدقیقنی ایلرییه، خصوصی قانونلر مناسبیله فعالیتیه کلن مختلف انجمنلری تعریف ایتدیکمز و قته براقه جغز. مع مافییه، شمیدین، بر مبعوثک خصوصی حق تکلیفندن میدانه چیقان بر قانون لایحه سی ایله پارلمنتو اصوله پک آیشماس بر قارئک بر رینه قاریشدر ایلله چکی خصوصی بر قانون لایحه سی آراسنده بر فرق کوزتمک لازم اولدیغنی سویله یه جکمز. بونلرک برنجیسی بر مبعوث طرفندن خصوصی بر مبعوث صفتیله تکلیف ایدیش منفعت عمومییه متعلق برشیدر. حالوکه ایکنجیسی منحصرأ خصوصی، شخصی یا خود محلی منافع متعلق بر لایحه قانونیه در.

دوره اجتماعیه به مخصوص سائر انجمنلر : باش قونترولورک
 و تحقیق مأمورینک Auditor and comptroller General
 رابورینی تدقیق ایدن، نظارتلر طرفندن وقوعه کلن صرفیاتک
 قانونه درجه توافقی حقنده درمیان ایتدیکی اعتراضاتی حاده
 تأملدن کچیرن، بومناسبتله شاهدلر دیکلهین و مجلسه بر مضبطه
 و یرن حسابات عمومیه انجمنی committee on Public Accounts
 ایله [۱] مجلسه کونده ریلان متعدد استدعا و محضرلری تدقیق ایله
 مکلف استدعا انجمنی [۲]، قامارا ایچون اهمیتی اولان فقط خلق
 ایچون هیچ بر قیمتی بولونمایان مطبخ و لوقظه انجمنیدر [۳] .
 سائر منتخب انجمنلر، کندیلرینه حواله اولونان بر مسئلهی،
 یا بر لایحه قانونیهی یا خود قامارانک حقنده بر تحقیقات یا مق
 ایسته دیکی بر مادهی تدقیق ایچون تشکیل اولونورلر [۴] .

سائر منتخب
 انجمنلر

S. O. 75 [۱]

S. O. 76-80 [۲]

[۳] « هر دوره اجتماعیه بدایتنده مجلس » بر امتیازات انجمننک
 تشکیانی « اصرا یدر . فقط ۱۸۴۷ تاریخندن بری بوکا کیمسه تعیین
 ایدله مشدر » . مجلس کاتبی سر قورتنه ی ایابرت طرفندن طبع اولنان
 Manual of Procedure of the House of Commons، § ۱۱۰ . دوره
 اجتماعیه مدتجه دوام ایدن بر ایکی انجمن دها واردر که وظیفه لری
 منحصرأ خصوصی قانون لایحه لرینه تعلق ایدر . بونلری بونوع لایحه لر
 مناسبتیه تعریف ایده جکز .

[۴] چوق کره، بر تحقیقات وظیفه سنی پارلمنتویه منسوب بر انجمنه ی
 یوقسه حکومت طرفندن منصوب بر قومسیونه ی تودیع ایله مک مسئله سی

هرايکي تقديردهده انجمنک اڅ باشلی غايه سی بر طاقم معلومات
طوپلامق و بونلری قونترول ایتمکدر. حتی ، بر قانون لایحه سی
صورت مخصوصده کنديسنه حواله ایدیلدیکی زمان بيله اڅ
اساسلی وظیفه سی مجلسک یرینه قائم اولارق اونک تدقیقه کیریشمک
دکدر. فی الحقیقه ، بو کونکی تطبیقاته کوره ، بر منتخب انجمن
اصول مذاکرهده هیچ بر مرحله نک قیصا التماسی تأمین ایتمز.
چونکه حقنده مضبطه تنظیم ایتدیکی بر لایحه قانونیه هیئت عمومیه
انجمنندن کچهرک، صانکه منتخب انجمن هیچ موجود اولماش
کبی، اوراده مذاکره ایدیلک مجبوری و ارذر [۱] . منتخب
انجمنلر ، مجلسک معلومات طوپلامق و شاهد دیکله مک ایچون
مالک اولدیغی عضولردر و بوباده بونلردن باشقه بر عضوی

تحدث ایدر . صرف سیاسی بر مسئله موضوع بحث اولدیغی زمان ،
موافق و مناسب اولان تحقیقات واسطه سی قامارا اعضاسندن منتخب
بر اجمه مدر . فقط سیاسته بیکانه ارباب وقوف و اختصاصک فکر نه
مراجعت ایدیلک لازم کلدیکی وقت دیگر واسطه شبهه سزکه مرجعدر .
بوکا پارلمنتو اعضالردن بعضیلری ده تشریک ایديله بیلیر . تحقیقاتک
اجراسنده علاقه دار اولان مبعوثلرله هیئت وکیلک بونقطه ده آکلاشه
ماملری پک طمیدر . پوسته مأمورلرینک شکایتی مناسبتيله بو قبیل
راختلافدن بحث ایتشدک . دیگر مشهور بر مثالده پیفونک ساخته
مکتوبلری مسئله سنده تایس غزته سنک پارنل ایلینده وقوع بولان
نشریاتی مناسبتيله تحدث ایتشدر .

یوقدر [۱]. بوندن دولاییدر که علی العاده کندیلرینه بر طاقم اشخاصی جلب ایتک و دوسیهرک، راپورلرک ابرازینی طلب ایله مک حق ویریلشدر. افاده لرینی آلمق ایسته دکلری ذواتی دعوت ایلرلر. مسئله ده رأی مستشهادتن معدود اولان بر آدم، ممتاز بر ذات کندیبی اظهار آرزو ایدر سه محقق که دعوت اولونور. فقط بو انجمنلرک تعقیب ایتدکلری اصولده مجتمع آمریقاده پک عادت اولان عمومی و رسمی تحقیقاته بکسرر هیچ بر نقطه یوقدر. اوراده هر کسک انجمنه مراجعتله مطالعه ذاتیه سنی بیلدیرمه حق واردر. بو، شیمدی به قدر اولدیغدن زیاده بر اعتمتله دوشونوله جک بر اصولدر.

اصوللری
منتخب انجمنلرده هیئت عمومی انجمنک اصولانه ممکن اولدیغی قدر تبعیت ایدرلر [۲]. یالکزر، رئیس لرینی کندیلری انتخاب ایتمکده درلر. بو رئیسک آنجق تساوی آراوقوعنده رأی ویرمه حق اولور. یالکزر کندی مذاکراتلرینک دکل، حضورلرنده وقوع بولان بوتون شهادت لکده ضبطی طوتارلر. بو وثیقه لر انجمنلرک مضبطه لری وقرارلری ایله بر لکده قامارایه تودیع [۳] و اودوره اجتماعیه عائد پارلمنتو وثیقه لری سلسله سی میاننده نشر اولونور. منتخب انجمنلره قامارانک مختلف فکر زمره لرینه

[۱] دیگر بر باده بحث ایده جکمز خصوصی قانون لایحه لری

انجمنلری، منتخب انجمنلردر.

[۲] مای، ۳۸۳-۳۸۹.

[۳] S. O. 59-61, 63

منسوب بمثلر تعیین ایتمک وادتی انجمن مضبطه سنک حین تنظیمنده
 صیق صیق اختلاف افکاره بادی اولیور سه ده انکلیز پارلمنتوسنک
 عنعنا تبحه اقلیت مضبطه سی مجهول برشیدر. مع مافیه ، فعلیاتده ،
 اقلیت ، اکثریتک مضبطه سسندن آیری بر مضبطه نك قبولتی
 بر تقریر اعطاسی طریقله تکلیف ایدرک عینی غایه واصل
 اولیور. دائمی نظامنامه داخلی بر منتخب انجمنک هر قرارینک
 ضبطنامه لرده ذکر ایدیلنه سنه لزوم کوستردیکی جهته [۱] اقلیت
 مضبطه سی ده اونک قبولی ایچون رأی ویرمش اولانلرک اسملری ایله
 برلکده قامارایه عرض ایدیلش بولونیور و بر اقلیت مضبطه سی
 تأثیرینی حصوله کتیریور.

مختلف آانات افکاره صاحب کیمسه لرک بوانجمنلرده اعضا
 اولمالری وشاهدلر استماعی فرصتی بولمالری ، معلومات طوبلامالری
 انجمنلرک مضبطه لرینی ساده جه برر فرقه وثیقه لری اولق سویه سندن
 حیقارارق اولنلرک بویوک و دائمی بر قیمت تأمین ایلدیور .
 بر چوق انجمنلرک وضع قانون کیفیتی یعنی روزنامه مذاکراتده
 داخل بر قانون لایحه سی ایله دوعرودن دوعرویه هیچ مشغول
 اولدقلری یوقدر . اولنر یالکیز بعض شکایتلر ، قانونه یاخود
 اداره یه عطف اولونان بعض قصورلر حقنده تحقیقات یاپارلر .
 مع مافیه ، تنظیم ایتدکلری مضبطه لر چوق کره مستقبل قانونلر
 ایچون برر تمیل وجوده کتیرلر . فی الحقیقه ، دولت داخلنده

ایکی بویوک فرقه دن بری یاخود دیکری طرفدن یاپیلان تشریحی ویا اداری اصلاحاتک بویوک بر قسمی منتخب انجمنلرک یاخود حکومت طرفدن منصوب قومیسینلرک مضبطه لری اوزرینه استناد ایدر .

ایجابی پک آشکار بر طاقم اسباب دولایسیله بعضاً لوردلر قاماراسی ایله عوام قاماراسی اعضا لری میانندن انتخاب ایدیلش مختلط انجمنلر تشکیل اولونمشدر [۱] . فقط ایکی مجلسک وضعیتلری بر بردن فرقلی اولدیغی ایچون، بوکا بالخاصه خصوصی قانون لایحه لری وایکی قامارا آراسنده کی مناسبانک تنظیمی مناسبیله مراجعت ایدیلر [۲] . بویوک سنه لرده الکباشلی استشار، حقوق مکتوبه statute law تعدیلاتنه متعلق قانون لایحه لری ایله بلدییه امورینه متعلق لایحه لر مناسبیله ده مختلط انجمنلر تشکیلی صورتنده تجلی ایتشددر .

عوام قاماراسنک ایشلری دهافضله زمانه احتیاج کوستردجکه وثائق طوبلایان منتخب انجمنلر غیر کافی کلیمکه باشلادی . قامارانک مذاکراتی قیصالته جق بر عضو ایجاد ایتمه لزوم کورولدی . ایشته بویوک سنه لدرکه ۱۸۸۲ سنه سی کانون اولنک برنده ، حقوق وتجارت ایشلرینه دائر ایکی بویوک لایحه قانونیه انجمنی تشکیلنه قرار ویریلدی . بونلرک مذاکراتی هیئت عمومیه

[۱] مای ، ۳۹۸-۳۹۹

[۲] ردلیخ ، ۴۶۳ .

انجمنك مذاكراتی مقامنه قائم اولاجقدی. بوانجمنلر بدایتده آنجق ایکی دورهٔ اجتماعیه ایچون یاپلش بر تجربه حکمنده ایدیلر. فقط ۱۸۸۸ تاریخنده نظامنامهٔ داخلی احکامی ایله تکرار تأسیس اولوندیلر وقامارانك دائمی برر عضوی حالنه کلدیله [۱]. موجودیتلری کندیلهینه حواله ایدیلن خصوصی مسئله حقنده تنظیم ایتدکلری مضبطه ایله نهایت بولان منتخب انجمنلردن فرقلی اولارق بونلر دائمی بر زمره شکلنده تأسیس ایدیلدیله. بوتون دورهٔ اجتماعیه مدتیجه دوام ایدرلر وزمان زمان کندیلهینه حواله اولونان قانونلری تدقیق ایلرله بریسی حقوقی مسئله لره، قانونلره و اصول محاکمه متعلق خصوصیات ایله مشغول اولور. دیگرلی تجارتیه، تجارت بحریه، فابریقه لره، زراعت، صید ماهی یه عائد ایشلرله اشتغال ایدر. آلتش، سکسان قدر مبعوثن مرکبدرلر. بونلری انتخاب انجمنی سچر. انتخاب انجمنی دورهٔ اجتماعیه اثناسنده بوانجمن اعضاقلرینی نزع ایده رک یرلرینه باشقه مبعوث تعیین ایتك حقنده مالکدر. هر هانکی بر لایحهٔ قانونیه حقنده افیکاری دها بی تنور ایده بیله جك ذواتك حضورینی تأمین مقصدیله، انتخاب انجمنی اولایحهٔ قانونیه نك تدقیقی اثناسنده موجود اعضایه اعظمی اون بشه قدر یکی عضاده علاوه ایده بیلر.

رئیسك تعیینی خصوصنده غریب بر اصول اتخاذ ایدیلشد.

اصوللری

هر دورۀ اجتماعیه بدایتندۀ انتخاب انجمنی دوت - آلتی اعضا نك
اسمى محتوى بر ریاست جدولی تنظیم ایدر . دائمی انجمنلرك
رئیس لرینی ایشته بوهیئت كندی آرالردن آییر بر [۱] . بو ،
رئیسده عنعناتك بلا فیصل تماردیسنى و تجربه یی تأمین چاره سیدر .
دیكر خصوصاتده ، نظامنامه داخلی دائمی انجمنلركد ، منتخب
انجمنلركه یی عینی اصولی تعقیب ایتمه لرینی آمردر [۲] . فقط ،
مایك قولاندینی تعبیراتی استعمال ایدر لك [۳] اصوللری هیئت
عمومیۀ انجمنك اصوله ممكن قدر قریب ایدیلشدر دیمك
دها دوغرو اولور . چرنكه تام اوایشی كورمك ایچون
تأسیس ایدیلشلردر [۴] . معلومات طویلایه جق دكلردر .
تحقیقاتده یایمایه جقلردر . ساده جه لایحه قانونیه نك ماده لرینی
بوتون تفرعاتیه مذاكره ایدر جكلردر . چونكه حقیقتده هیئت
عمومیۀ انجمنك یرینه قائم اولشلردر . دائمی بر انجمنه حواله
اولونمش قانون لایحه لرینك آرتق هیئت عمومیۀ انجمنندن
كچمه سی تماماً اهل اولونور . دیمك كه بو انجمنلرك ، بالذات
مجلسك مینی مینی قطعهلرده بر نمونه سی دیمكدرلر . فرقه لرك

S. O. 49 [۱]

S. O. 47 [۲]

[۳] مای ، ۳۷۴ .

[۴] قاماراده اولدینی كی مذاكره لرده حاضر بولونان اعضا نك
عددی بونلرده ده نك آزماشدر . بوندن واعضایی رایه اشتراك
ایتدیرمك ایچون چاغیرمق اصولندن شكایت ایدیلور . Hans., 4 Ser.,
XCII, 570 بوراده رأیلر تعیین اسامی صورتیه طویلانیر .

کافه سنی عددلری نسبتنده تمثیل ایدرلر . تام حالنده کی قامارانک تمثیلی نمونه لیدرلر ؛ هیئت عمومی انجمنی کی، کندی فکرلری حقنده بر مضبطه تنظیم ایتزلر . حواله اولونان لایحه قانونیه لری تعدیل ایدرک یا خود ایتیه رک بوکا دائر بر مضبطه یابارلر .

یالکز بر نقطه نظردن وضعیتلری هیئت عمومی انجمنندن اساسلی صورتده آریلیر . هیئت عمومی انجمنی بر لایحه قانونیه ده تعدیلات یابدینی زمان بونلر یکیدن تدقیق اولونابیلیر و حقنده مضبطه تنظیم ایدیان لایحه قانونیه نک مجلسده مذاکره سی اثناسنده باشقه تعدیلات ده اجرا ایدیله بیلیر . فقط هیئت عمومی انجمنی هیچ بر تعدیلات قبول ایتیه مشسه مضبطه حقنده مجلسده هیچ مذاکره جریان ایتزه . دائمی انجمنلر حقنده ده عینی حال وارد ایدی . اوصورتده که کنیدیلرینه حواله اولونان بر لایحه قانونیه ده هیچ تعدیلات یاپما مشلرسه مجلس آرتق بالذات تعدیلات یایمق فرصتی بولامازدی . لایحه قانونیه یی اصلنده اولدینی کی قبوله ویا رده مجبور ایدی . فعلیاتده ده ، دائمی انجمنلر ، مجلسی بر قانونک قبولنی اشکال یا خود تأخیر ایدم جک تعدیل تکلیفلرنده بولونمقدن منع ایتمک مقصدیه لایحه لرده اوافاقج بر تعدیلات بیله اجرا ایتمکدن چکینمکه اتهام اولونمشلردر [۱] . بومناسبتله اوقدر شکایتلر وقوعه کلدی که ۱۹۰۱ ده دائمی نظامنامه داخلی ،

دائمی انجمنلردن تعديلات ايله ياخود تعديلاتسز كلن بوتون لايحه قانونيه لرك مضبطه لری حقدنه مجلسده مذاكره جريان ايتمه سنه جواز كوستره جك صورتده دكيشديريلدی [۱].

دائمی انجمنلر ابتدا مفصلاً مذاكره لری عمومی بر علاقه توليد ايدمه مين ته قنيك ماهيته ده لايحه لرله اشتغال ايتك اوزره احداث ايديشلردی [۲]. آشاغيده ايضاح ايدمه جكمز اسبابدن دولاي اولنره حواله ايديله جك لايحه قانونيه لرك فرقه منازعه لرينه بيكانه اولماسی لازم كله چكي و فرقه منافعي موضوع بحث ايدن لايحه قانونيه لرك بو انجمنلر مساعيسي ايجون موافق دوشمه يه چكي تسليم ايديشدی . بو ، فعلیاتده دائماً رحايت ايديله ين عمومی پره نسيدر . بعضاً فلان لايحه قانونيه نك فرقه منافعه تماس ايدوب ايتمه ديكنی تعيين خصوصنده شدتلي اختلافات ظهور ايدر .

وظيفه لرينك حدودلری داخنده ، تشريعی نقطه نظردين دائمی انجمنلرك فائده لری انكار ايديله مز . وسطی اولارق ، هر سنه عمومی علاقه دار ايدمه جك صورتده قبول ايديلان قانونلردن يديده بری انجمنلردن كچمشدر . بونسبت آرتمغه ميالدر [۳].

[۱] S. O. 50. Hans., 4 Ser, XCII, 555-75

[۲] ۱۸۸۲ ده بوانجمنلرك احداثی مناسبيله غلاستونك درميان

ايتديكي مطالعه لرله باقكز . Hans, 3 Ser,, CCLXV, 145-46

[۳] ۱۸۸۸ دن (بوانجمنلرك تكرار احياسی تاريخی) ۱۹۰۳

تاريخنه قدر جريان ايدن اون آلتی سنه ظرفنده ، عمومی علاقه دار

بوندن باشقه ، عوام قاماراسنك پروغرامی اوقدر دولو برحاله
كشدر كه بر لایحه قانونیه هیئت عمومیه انجمنی حضورنده اوزون
برمذا كرمیه معروض قالمقدن ایسه دائمی برانجمنه كوندربیلرسه
قبول ایدیلنك احتمالی دهافضله اولیور . هر سنه حكومت ،
وقت قالمامقدن دولایی ، تودیعی ایتدیكى لایحه لرك تقریباً اوچده
برندن واز كچمكه مجبوریته حس ایدیور . فقط دائمی برانجمنه
حواله ایدیلن لایحه لری نادراً نتیجه لمه یور . مبعوثلرك تكلیف
ایتدكاری لایحه لرده بوفرقتون بوتون كوزه چارپه حق بر
بردرجه ددر . بوقیل لایحه لرك آنحق اونده بری قبول اولونمقددر .
فقط بویله بر حسن طالعه مظهر اولانلر آراسنده ده نصفندن
زیاده سی موفقیترلرینی دائمی برانجمنه حواله ایدیلن اولمغه
مدیوندرلر [۴] . فی الحقیقه ، برانجمنلر مبعوثلر طرفندن

ایده جك ۱۰۸۰۰ قانون قبول ایدلدی . بونلرك ۱۰۹ ی دائمی بر
انجمنندن كچمشدر . ۱۸۹۶ دن ۱۹۰۳ ه قدر سكیز سنه ده ، قبول
ایدیلش ۴۴۶ قانوندن ۷۳ ی دائمی برانجمنه حواله اولونمشدی .

[۱] ۱۸۸۸ دن ۱۹۰۳ تاریخنه قدر ، حكومتك دائمی برانجمنه
حواله ایدیلش ۸۳ لایحه سنندن ۷۷ سی مجلسجه قبول ایدلدی .
۱۸۹۶ دن ۱۹۰۶ یه قدر انجمنلره حواله ایدیلن ۴۸ لایحه نك ايكیسی
مستثنا اولقی اوزره كافه سی قبول اولوندی . ۱۸۸۸ دن ۱۹۰۳
تاریخنه قدر انجمنلره حواله ایدیلن مبعوثلرك ۸ لایحه سنندن ۳۲ سی
قبول ایدلدی ، ۱۸۹۶ دن ۱۹۰۳ تاریخنه قدر ۴۱ لایحه دن ۲۷ سی
قبول ایدلدی . ایستاتستیکلره نظراً : Annual Returns for 1901 - 03

شخصی صورتده تودیع ایدیلنس اولان لایحه قانونیه لرك عوام قاماراسندن کچیرله لری ایچون الک موافق بر چاره تشکیل ایدرلر [۱].

اسقوجیا
ایچون دائمی
انجمن

۱۸۸۸ ده ایکی بویوک انجمن یکی باشدن تأسیس ایدیلدیکی زمان، اسقوجیایه و غال الکاسنه تعلق ایدن قانونلرك احضاری ایچون ده باشقه بر انجمن احداثی تکلیف اولوندی . او زمان بوتکلیف رد ایدیلشدی . ۱۸۹۴ ده لیبرال حکومتی اسقوجیا حقنده کی لایحه یی احیا ایتدی و دوره اجتماعیه مدتیجه بو نوع انجمن احداثی متضمن بر قرار قبول ایتدیردی . بو انجمن مقدارلری یتیش ایکی به بالغ اولان بوتون اسقوجیا مبعوثلرینی احتوا ایدیوردی . انتخاب انجمنی ده اون بش یکریمی قدر مبعوث دهها تعیین ایتشدی . بو انجمنک تأسیسی غایت شدتلی اعتراضات تولید ایتمکدن خالی قالماشدر [۲] . بالخاصه متحد قرالغک تشریع نقطه نظرندن پارچه لایماسنه سائق اوله جنی، سائر انجمنلر کی مجلسده کی فرقه لری عددلریله تماماً متناسب بر صورتده تمثیل ایتهدیکی سویلنمشدر . چونکه اسقوجیا مبعوثلرینک ایکی ثلثی لیبرالدرلر [۳] . بو انجمنه حواله ایدیله جک

Hans. 4 Ser. XCII, 563, 567 [۱]

Hans. (1888) 3 Ser. CCC XXIII, 403, 474, (1894 4 Ser. [۲] XXII, 1116 . 1487. XVIII . 648 , 991 , 1589. (1895) XXXIII , 822, XXXIV , 170 .

[۳] علاوه تعیین ایدیله جک اعضا لر حقنده بر لیسته تنظیمی

صورتیه بوشکایتک ازاله سنه چالیشلمشدر .

Hans. , 4 Ser. , XXIII . 1613 , XXXIV , 1881 .

لایحه لرك كافه سنك فرقه مجادلاتنه بیکانه خصوصات اولامایه .
 جفی ده ایلری یه سورولور دی . محافظه کارلر ، موقع اقتداره
 کلنجه ، انجمنك نسیان ایچنده راحتجه سقوط ایتمه سنی تأمین
 ایله دیلر . سائر هر دورلو ملاحظاتدن مستقل اولارق ، لبرال لرك
 ۱۸۹۵ انتخابات عمومیه سنده اوغرادقلری عظیم ضایعاته رغماً
 اسقوجیا مبعوثلری آراسنده الآن اکثریتی حائز بولونمالری
 محافظه کارلری بویله حرکت ایتمه سق ایچون کافی کلیردی .
 مع مافیه ، بوانجمنك احداث ایدیلش اولماسی اسقوچیانك انکلز
 پارلمنتوسنده استثنائی بر موقعی اولدیغنی کوستریور . اسقوچیا یه
 متعلق علی العاده بر قانونك مجلسده مذاکره سنی تعقیب ایتش
 ومذاکره نك همان همان منحصراً اسقوچیا مبعوثلری آراسنده
 جریان ایتدیکنه دقت ایله مش بر آدم ۱۸۹۴ قرارینك هیئت
 عمومیه انجمنده جریان ایدن مذاکرانك حائز اولدقلری معتاد
 وصفی دائمی بر انجمن تأسیسی صورتیله شکلاً و رسماده قبول
 ایتمکدن باشقه بر نتیجه عملیه سی همان کورولمه مش اولدیغنی تسایم ایلر .
 پارلمنتونك مساعی تشریعیه قابلیتینی تزیدد ایچون عوام
 قاماراسنده اصول مذاکره حقنده بر انجمن مخصوص ، ۲۵ مایس
 ۱۹۰۶ تاریخی مضبطه سنده دائمی انجمن لرك عددینی ایکیدن
 درده چیقارما یی ولایحه قانونیه لرك بوانجمن لره حواله سنی استثنائی
 بر معامله دکل طبیعی بر حال شکنه افراغ ایتیه یی تکلیف ایله دی .
 قامارا بو مطالعه یی تصویب ایده رک ۱۹۰۷ سنه سی نینسانك

۱۹۰۷ ده کی

درت دائمی

انجمن

۱۶ سنده درت انجمن تشکيل ايده جك صورتده ۴۶ ، ۴۷
 و ۴۸ نومرولى نظامنامه داخلي احكامنى دكشيدردى [۱] .
 بودرت انجمندن برى حقيقته اسكى اسقوجيا انجمنيدر . ديكر
 اوچى ده كنديلرينه حواله اولونان بوتون لايحه قانونيه لرى
 تدقيق ايدرلر . اسكيسى كى يالكىز حقوقه واقتصادياته تعلق
 ايدنلرله دكل ، بالعموم لايحه لرله مشغول اولورلر [۲] . ماليه
 متعلق قانونلرله موقت قرارنامه لرى تأييد ايدن لايحه قانونيه لر
 مستثنا اولق اوزره بوتون قانون لايحه لرى بوانجمنلردن برينه
 حواله اولونور . يالكىز ، بر تقرير اوزرينه ، قامارا بر لايحه
 قانونيه نك مذاكره جريان اتمدن ، تعديلات يالمادن قبول ويا
 ردينه قرار ويره جك اولورسه اوزمان انجمنه كوندولمز . قانون
 لايحه لرلى بوانجمنلره مجلس رئيسى توزيع ايدر .

بو اصلاحاتك غايه سى ، هيئت عموميه انجمنك مذاكره
 وقت بولامادىنى قانونلرك قبولنى تسهيل ايتمكدن عبارتدى .
 قامارانك بر لايحه قانونيه ي دائمى انجمنلردن برينه حواله اتمه
 بيله جكى حقيده كى ماده ايسه حكومتك بالذات مجلس طرفندن
 مذاكره ايديله سى لازم كلن بويوك لايحه لرينه تطبيق ايديلير .

Hans , 4 Ser , . CLXXII , 29-30 [۱]

[۲] منحصرأً غال الكاسنه ومونوتشاره متعلق بر لايحه قانونيه نك
 حواله ايديلديكى انجمن او حوالينك بوتون مبعوثلرلى احتوا ايتك لازمدر .
 رياست جدولنده كى اسملر كافى درجه دهده انجمن رئيسى بولونقى ايجوز .
 آلتيدن سكره چيقاراشدر .

بو یکی اصول، پک آز بروقتدن بری تطبیق ایدیلکده اولدینی
ایچون تأثیراتی حقنده هنوز بر حکم ویریله مز. فقط قاینه نك عوام
قاماراسی اوزرنده کی نفوذندن باحث اولان باده پارلمنتو حکومتنه
نه صورتله اجرای تأثیر ایتدیکنی کوستره جکیز .

عمومی علاقه دار ایدن علی العاده بر قانونک لچیره جکی
مرحله لر پک متعدددر. وقتيله ، بودرجا تندن هر برنده مذاکره
جریان ایدر و رأی طوپلانیردی . فقط صوک سنه لده ایقاع
مشکلات فرصتلی مهم صورتده آزالتمشدر . بو صورتله
مذاکرات صفحه لری ده قیصالمش ، حتی بعضیلری آرتق رأی
طوپلامغه بیله لزوم حس ایتدیره یین ساده جه تشریفات حالنه
کلشدر . بعض صفحاتده مذاکره جریان اتمه سی منع اولونمشدر .
بونک الکابی بر مثالنه بر قانون لایحه سنک ایلک ایدیلرنده
تصادف اولونور . بو دقیقه ده عصری وبسیط بر اصولک یانی
صیرا قدیم وقاریشیق بر اصولک ده حکم سوردیکی کوزه چاربار .
بر قانون لایحه سنی تودیع اتمه نك اوج طرزی واردر .
بر لایحه قانونیه نك تقدیمه مجلسدن مساعده استحصال اتمک
ایچون بر تقریر ویریله بیلیر . تقریر صاحبی بر نطق ایله بولایحه نك
موضوعنی وغایه سنی ایضاح ایدر . بونک اوزرینه مذاکره جریان
ایلر ورای طوپلانیر . وقتيله بوندن باشقه بر یول یوقدی . اصول
مذاکره نك بوصفحه سنده کونلرجه دوام ایتمش مذاکرات کورو-
لمشدر [۱] . لایحه نك احکامنه مغایر تعدیل تکلیفلری درمیان

عمومی علاقه دار
ایدن قانون
لایحه لرینک
اصول
مذاکره سی

تودیع
وایلک قرائت

ایدیله بیلیردی. فعلیاتده، برمیلس قانونی مناسبتیه بر نوع تعدیل
تقریرینک قبولی ۱۸۵۲ ده لورد جون روسل قاینه سنک
سقو طنه باعث اولمشدی. بو طرز حرکت بو کون یالکز حکومتک
بعض بویوک پروژهلری حقنده تطبیق ایدیلور. چونکه
۱۸۸۸ ده قبول ایدیلش بر نظامنامه داخلی فقرده سی موجب
بر لایحه قانونیه توداعی تقریری روزنامه مذاکراتک باشنه
قونولایلیر. مجلس رئیسی، تقریر صاحبی ایله بوتقریره مخالفت
ایدنلردن بری طرفندن وقوعه کلن قیصه بیاناتی متعاقب
مسئله یی رایه وضع ایدر [۱]. بونظقلر ایچون قبول ایدیلش
اولان اعظمی مدت مناسبتیه بوقاعده یه «اون دقیقه قاعده سی»
نامی ویریلشدر. بر لایحه قانونیه تودیعی ایچون بویکی طرزدن
بریله مساعده استحصال ایدیلیر ایدیلز ایلک قرائت مسئله سی
حقنده تمذیل سنر ومذاکره سنر بر رأی طویلانیز [۲]. نهایت،
۱۰۹۲ ده دهاکسدرمه بر اصول قبول ایدیلشدر. بر مبعوث،
لایحه سنی ویره بیلیر. بونک ایلک قرائتی قامارانک مساعده سی ده
اولادن، رأی طویلانه دن وقوعه کله بیلیر [۳].

ایکنجی مرحله واکر فرقه منافعه متعلق بر لایحه موضوع ایکنجی قرائت
بحث اولمایورسه، مذاکره ایچون ظهور ایدن ایلک فرصت،

[۱] S. O. 11

[۲] S. O. 31 . بر لایحه قانونیه لوردلر قاماراسندن کلدیکی زمانده

بوله در .

[۳] S. O. 31

ایکینجی قرائت کیفیتدر . بو، لایحه قانونیه نک محتوی اولدینی عمومی پرنسیپلرک مناقشه سنه مخصوص بر صفحه در . بونده تفرعات ایله اشتغال ایدیلز . بوندن دولای ، نظامنامه داخلی ، ماده لرده تعدیلات اجراسنی متضمن تقریرلرک بواشاده ویریله سنی قبول ایتمه مشدر . ایکینجی قرائتده مخالفت، بک شکلی بر صورتده وقوعه کلیر . ریاست طرفندن قامارایه ایراد ایدیلن سؤال شودر : « بولایحه قانونیه شیمدی ایکینجی دفعه قرائت ایدیله بیلیرمی ؟ » . بوکا مجلسک اکثریتی منفی صورتده جواب ویریرسه لایحه عقیم قالمش صایلماز . چونکه باشقه برکون ، ایکینجی قرائتک وقوعه کله سی حقنده دیکر بر تقریر ویریله سنه مانع ذکدر [۱] . وقتیله ، اساس حقنده رأی طویلانمادن بر لایحه یی بر طرف ایتمک ایسته دکلری زمان مسئله نک رأیه وضع ایدیلوب ایدیله می سؤالی ایراد اولونوردی [۲] . فقط

Hans., 4 Ser. CLVII, 744 [۱]

[۲] ۱۸۸۸ تاریخنه کنجه یه قدر تقریرک شکلی شو ایدی : « بو مسئله شیمدی رأیه قونسون » تقریر صاحبی بوکا مخالف رأی ویربردی . فقط عینی تعبیرات ایله تکلیف ایدیلن کفایت مذاکره اصولی قبول اولوندقندن صوکره ، بوسؤالک شکلی شو صورتده دکیشدیریلشدر : « مسئله شیمدی رأیه قونولماسون » . مای، ۲۶۹ . مجلس بوسؤاللرک برینه جوابا مسئله نک رأیه قونولماسنه قرار ویریرسه هیچ مذاکره وقوع بلمادن ایکینجی قرائت حقنده رأی طویلانیردی . کذا . فقط مسئله نک رأیه وضعی حقنده کی تکلیف، لایحه قانونیه نک پرنسیپلرینه شامل اولایله جک برمذاکره یه سمیت ویردیکندن مناقشات قیصه کسمک نتیجه سنی تأمین ایده میوردی . (قامارنک مساعیسی حقنده کی انجمنک راپورینه . باقکنز . 5-54, IX, 1871, Com. Pap.)

بونده کی محذوره دیگر اصولده کنک عینی ایدی . حقیقته ،
 لایحه قانونیه نك ریاست ماصه سنده حفظ ایدیله سی یولنده کی
 آمریقا تقریر اصولی کبی برشی اولیوردی . لایحه قانونیه یی
 قرائت ایتمه مک ایچون بر سبب اراه ایده جك صورتده بر تقریر
 ویریلدیکی زمانده عینی جنسدن بر مشکلات تحدت ایدر .
 قامارا بو مطالعه ده بولونابیلیر . فقط لایحه نك مقدراتی بونکه
 مطلقا تقرر ایتش اولماز . ایشته بوندن دولاییدرکه ، بر قاج
 سنه دن بری ، ایکنجی قرائتک آلتی آی صوکره یه یاخود اوچ
 آی صوکره یه ، حاصلی دوره اجتماعیه نك ختامندن صوکره کی
 بر زمانه تصادف ایده جك برکونه تعلیقنی تکلیف ایتک عادتی
 تأسس ایتشدیر . مجلسک ، قرار ویرمش اولدیعی بر مسئله یی
 یکی باشند موضوع بحث ایتمه سنه مانع اولان عمومی پرنسیب
 موجبنه ، بو یولده کی بر قرار لایحه نك ردی دیمک اولور .
 آلتنجی آیک ختامنده مجلسک حالا منعقد بولونماسنک اهمیتی
 یوقدر . چونکه بو «آلتی آی» ، هیچ بر زمان حلول ایتیه جك
 بر آتی مستبعد کبی قبول ایدیلکده در [۱] .

۱۹۰۷ تاریخنه قدر ، ایکنجی قرائتدن صوکره بر لایحه
 قانونیه ، طبیعی اولارق ، بر تعلیمات مخصوصه ایله یاخود تعلیمات
 مخصوصه بولونمقسزین ، هیئت عمومی انجمنه کیدردی [۲] .

[۱] مای ، ۴۴۶ .

[۲] ۳۴ نومرولی نظامنامه داخلی فقره سی موجبنه هیئت
 عمومی لره لایحه قانونیه لرده مناسب کوره جکلری تعدیلاتی یاغی ایچون

هیئت عمومی
 انجمنی

شیمدی آنجق مجلس امر ایدرسه هیئت عمومی انجمنه کوندر بیلور.
روزنامه مذکورده صیرا هیئت عمومی انجمنه کلنجه مجلس
رئیس، ریاست موقعی ترک ایدر. قامارا انجمن حالنده تشکل ایلر.
مسئله بی رایه قومیغه حاجت یوقدر [۱]. بو، لایحه قانونیه نك
تقراتیله تدقیقی صفحه سیدر. ماده لر برر برر تدقیق ایدیلر.
هر ماده یه دائر تعدیل تکلیف لری برر برر مناقشه اولونور.
اوزمان یکی ماده لر تکلیف ایدیلر بیلر. نهایت لایحه قانونیه
حقنده مجلسه خطاباً بر مضبطه یایلر.

منتخب برانجمنه طبیعی اولارق، بر لایحه قانونیه هیئت عمومی انجمنه یا
دائمی انجمنه کیدر. فقط، ایکنجی قرائت وقوع بولدقن
صوکره منتخب برانجمنه حواله سی حقنده رتقریر ویریلر بیلر.
یا خودائمی انجمنه حواله بویله بر حواله لایحه قانونیه نك قطع ایدر جکی یوللره بر مرحله
دها علاوه ایتش اولور. چونکه بو انجمنك مضبطه سندن
صوکره لایحه دائمی انجمنه یا خود هیئت عمومی انجمنه
کیدر جکدر. دائمی بر انجمن، یوقاریده ده ایضاح ایتدی کمز
وجهله، یالکز هیئت عمومی انجمنك یرینی طوتار. لایحه قانونیه

تعلیمات و یریلر. خصوصی تعلیماتک غایه سی هیئت عمومی انجمنه لایحه
متنك عمومی روحی داخلنه کیرن، قنط نظامنامه داخلی احکامك
ظواهرینه کوره انجمن طرفندن اجرا سته صلاحیت بولونغان تعدیلاتی
باقق خصوصنده انجمنه صلاحیت ویرمکدن عبارتدر. ایبرت Manual،

§ ۱۷۵-۱۷۶

اوزرنده عینی وجهله چالیشیر، تعدیلات یاپه رق یا خود یاپمایه رق
مجلسه خطاباً بر مضبطه تنظیم ایدر.

بر لایحه قانونیه هیئت عمومی انجمنی طرفندن بعض
تعدیلات یاییلارق بوکا کوره بر مضبطه تنظیم ایدیلدیکی [۱] یا خود
بر لایحه قانونیه دائمی بر انجمنندن تعدیلات ایله ویا تعدیلاتسز
کری کلدیکی [۲] زمان، مضبطه مرحله سی دنیلن بر دورده
قامارا طرفندن تفرعاتیه تدقیق اولونور. مقصد مجلسك انجمنده
جریان ایدن مساعی بی کوزدن کچیرمه سی ولایحه ده یاییلان تعدیلاتی
ابقا مناسب اولوب اولمایه جغنه دائر بر قرار ویرمسیدر. فقط
قامارا یالکز لایحه نك انجمنلرده اوغرا دیقی تعدیلاتی قبول ویا
رد ایله اکتفا مجبوریتنده دکلدر. لایحه نك ماده ماده مناقشه سنه
تکرار باشلامغه حاجت اولمادن یکی تعدیلات یاییلیر، حتی یکی
ماده لر علاوه اولوناییلیر [۳].

لایحه قانونیه هیئت عمومی انجمنندن هیچ تعدیل ایدیله مش
بر حالد کیرسه قامارانك لایحه ده کی تفرعاتی ده قبول ایتدیکنه
حکم ایدیلیر. اوزمان مضبطه مرحله سی اولماز.

S. O. 39 [۱]

S. O. 50 [۲]

[۳] S. O. 38-41. یکی بر حواله تشکیلنی اولمازسه، مضبطه سی

تنظیم ایدیلش بر لایحه نك تدقیقنه، بوبابده رأی طوپلانمادن، مباشرت

ایدیله بیلیر. S. O. 40

اوچنچى قرائت عوام قاماراسنده بونى تعقيب ايدن صوك صفحه اوچنچى قرائتدر . ايكنچى قرائت كېي بوده يالكز قامارانك لايحه قانونيهي هيئت عموميه سيله قبول ايدوب ايتمه ديكى سؤالنك ايرادينه محل ويره بيلير . بوكا مخالفت ايتمه نك طرزى ده عيدير . نظامنامه داخلى بوصفجه ده شكله هاند تعديلات قبول ايدر . اساسه متعلق بر تعديل آنحق لايحه نك انجمنه حواله سنى حقنده بر تقرير واسطه سيله ياپيلا بيلير .

على العاده ، مذا كره نك مختلف صفحه لرى آرى آرى كونلرده جريان ايدر [۱] . فقط عوام قاماراسنك نظامنامه داخليسى بونقطه ده هيچ برشى امر ايتمه مشدر . مستعجل قانونلر بعضاً مذا كراتك بوتون صفحاتى هرايكى قاماراده بركون ايچنده كچير مشلردر . بوقيل صوك مثاله ، ديناميت ايله ايقاع ايديلن سوء قصدلرك باعث اولدينى دهشت آلتنده ۱۸۸۳ ده ياپيلان مواد انفلاقيه حقنده كى قانونك قبولى مناسبيله تصادف ايديمورز [۲] .

[۱] چوق كره اوچنچى قرائت ، مضبوطه مرحله سنى در حال تعقيب ايدر . ماى ، ۴۷۲ .

[۲] ماى ، ۴۸۷ . لوردلر قاماراسنده بو ، نظامنامه داخلىنك موقتاً حكمدن ساقط قالماسنى انتاج ايدر . بعض نوع لايحه لر خصوصى برطاقم اصوللره تابعدرلر . بونلردن بجه ، پك لزوم كورويورز . شرف وحيتتاك اعاده سى حقنده كى بر لايحه ابتدا لوردلر قاماراسنده تدقيق ايديلير ، عوام قاماراسنده ده هيئت عموميه انجمننك يرينه قائم اولان

لوردلرک
تعدیلاتی

قامارالدن بری طرفندن قبول ایدیلن بر لایحه دیگر مجلس طرفندن تعدیل ایدیلیرسه بوتعدیلاتک تدقیق ایچون دیگر قامارایه کوندریلیر . اکر او مجلس ده قبول ایدرسه لایحه قانونیه قرالک تصدیقه عرض ایدیلکه مهیا برحاله کلیر . عکسی تقدیرده لایحه قانونیه ، تعدیلاتی اجرا ایدیلن مجلسه تکرار کوندریلیر . اختلافک سبیلرینی ایضاح ایتک اوزره بر مجلسدن دیگر مجلسه بر مکتوب یازمق ایچون بر انجمن تشکیل اولونور [۱] . دیگر مجلس بالطبع یابدیغی تعدیلاتدن واز کجه بیلیر ، یاخود فکرندہ اصرار ایدہ بیلیر ، یاخود بونلری ده یکیدن تعدیل ایلہ یه بیلیر . بوصورتله ، لایحه قانونیه ، یکیدن بر طاقم دیکشکلکمرله ایکی قامارا آراسنده نامتناهی مکیک دوقویا بیلیر . وقتیلہ ، قامارالر آراسنده بر اختلاف وقوع بولدیغی زمان مشترک بر قونفرانس عقدیله هرایکی طرفدن بورایه مرخصلر تعیین ایدیلہ سی عادت ایدی . فقط بواصول ، استعمالدن ساقط اولمشدر [۲] . حکومت لایحه لری - بوکون مهم لایحه قانونیه لرک هان کافه سی حکومت لایحه لریدر - حقندہ مذاکره ناظرلرله مخالفت چیقاران باشلیجه لوردلر آراسنده جریان ایدر .

بر انجمنی مخصوصه حواله اولونور . بر عفو عمومی لایحه قانونیه سی مقام حکمداریدن کلیر وهرایکی مجلسده ده آنجق بر کره قرائت ایدیلیر .
مای ، ۳۶-۴۳۵ .

[۱] مای ، ۴۷۹ ؛ ایلبرت Manual ، § ۲۰۹

[۲] مای ، ۴۱۲ ؛ ایلبرت ، § ۲۵۰ ، نوط .

اصول
مذاکره نك
خلاصه سی

نادراً بر مذاکره جریانہ سببیت ویرن برنجی قرائت
استثنا ایدیلیرسه ، عوام قاماراسنده بر لایحه قانونیه نك علی العاده
مذاکره سی دیمك كه بر قانونك عمومی پرنسیپلرینی مذاکره
ومناقشه ایچون ایکی فرصت عرض ایدر . بونلر بر لرلندن
تفرعات حقنده جریان ایدن ایکی مناقشه ایله آریلشلردر .
تقررات حقنده کی مناقشه بر تعدیلی انتاج ایتیمزه یاخود لایحه
دائمی برانجمنه حواله ایدیلش بولونورسه اوزمان بوتفرعات
مذاکره سی یالکیز بر کره وقوع بولور . اکر قامارا بر تحقیقات
یاپمق ایسته یورسه بوکا لایحه نك عمومی پرنسیپلرینی قبول ایتد کدن
صوکره ، تفرعاته کیریشمه دن اول تشبث ایلر . ایشته بویله
آکلاتیلنجه بوتون اصول مذاکره بسیط وپك منطقی کورونور .
فی الحقیقه ، انکلیز سیاسی سیستمده موجود تطابق وتوافق
کیفیتنك کوزه چارپان متعدد مثاللرندن برینی تشکیل ایدر .
غایت مزعج وکهنه کی کورونن حتی اوقاریشیق ته قنیک حاللریله
تعریف ایدیلدیکی زمان ماداتا آکلاشیلماز برشکله کیرن بر طاقم
قواعد قوللقسیونی ، صوك درجه بسیط ، عملی ودولاماباجسز
بر اصول مذاکره تأمین ایده جك صورتده ایجاب حال ومصلحته
تطابق ایتمشدر . برچوق اسکی اصول ومراسم باقیدر . فقط
معنالرینی غائب ایتمشدر . چوق کره بوتون اهمیتلری جلسهنك
روزنامه مذاکره قید ایدیلکدن عبارتدر . حتی ، بر غیرطبیعیك
کی منظور اولان برنجی قرائتک بیله فائده سی واردر . اوانشاده

حقیقی بره‌ذا کره آنجق بویوک فرقه قانونلری مناسبتیله قامارانک
ایکی قسمی، قانونک قیمتی حقنده ایلک اساس مذا کره‌سی باشلامادن
اول لایحه‌نک درجه شمولی ایله، تولید ایده‌بیله‌جکی اعتراضات
ایله، افکار عمومیه اوزرنده‌کی صورت تأثیری ایله الفت وانسیت
پیدا ایتک احتیاجی دویدق‌لری زمان جریان ایدر. مالیه‌یه متعلق
قانونلرک یکنظرده ده‌اعندی، ده‌ا قاریشیق کبی کورون اصول
مذا کره‌سی ده تمامیله منطقی‌در. بونی علی‌العاده قانونلرک اصول
مذا کره‌سندن آیران فرقلر مسئله‌نک ماهیتندن ایلری کلکده‌درلر.
سنوی بودجه قانوننک عمومی پرنسیپی حقنده هیچ بر شهبه
اولاماز. بودجه حکومتک یورومه‌سی تأمین ایچون قبول
ایدیلک لازمدر. بونده مذا کره آنجق مختلف تخصیصاتلر
مناسبتیله تحدث ایده‌بیلیر. بناءً علیه ایشه برنجی وایکنجی قرائت
ایلّه باشلامق ایچون هیچ بر سبب یوقدر. مذا کره‌یه انجمن
حالنده باشلانیر. یالکیز، انجمنک ناصل چالیشدیغنی کوسترمک
ایچون تکرار ته‌قنیک قاعده‌لری ایضاح ایتمه‌مز لازمدر.



اون دردنجی باب

عوام قاماراسنده اصول

مالیه قانونلری مصوبات

مالیه قانونلرینک مذا کرمه سی دیگر قانونلرک اصول مذا کرمه سنه نسبتله مهم فرقلر عرض ایدر . یوقاریده ذکر ایتدیگمز بعض استثنالردن صرف نظرله دولتک بوتون وارداتی ابتدا قونسولیده خزینهیه کیتدیگنی ، صوکره ، حکومتک مصارفاتی تسویه ایتمک اوزره اورادن آلدیغنی سوبله مش اولدیغمز البته خاطرلرده در . دیمک که پارلمنتونک مالی وظیفه سی ، اداره نک کی کبی ، پاره بی قونسولیده خزینهیه ویرمک و اورادن آلق اصوللری اوزونده تمرکز ایدر . پارلمنتو مساعیسنک صیرا ترتیبده ایکنجی نقطه ده اول کلیر . بوبابده ایکی نظامنامه داخلی فمرده سی واردر که ۱۸ نجی عصرک ایلک سنه لرده یاپلشلردر . ۱۷۰۷ تاریخنده قبول ایدیلن بر مادهیه کوره ، قامارا هیئت عمومیه انجمنده وقوعه کلمه یین هیچ بر تخصیصات استدعاسنی ویا تقریرینی نظر تدقیقه آلاز [۱] . ایکنجی مادهیه کوره ، قامارا مقام

حکمداری طرفدن تأیید ایدیله دجه واردات عمومیه دن صرفیات اجرا سنه دأثر هیچ بر استدعائی قبول اتمه یه جک و بویولده بر تقریر حقدنه حکم ویرمه یه جکدر [۱] .

ابتدا ۱۷۰۶ تاریخنده برقرار حالنده قبول ایدیلن ۱۷۱۳ ده نظامنامه داخلی احکامی میانه ادخال اولونان [۲] بوایکنجی قاعده مبعوثلرک فضلہ مصارفات اختیارینه سائق اولمالرینه میدان ویرمه مک آرزوسیله وضع ایدیلشدرد . بو ، یالکیز خزینۀ مالیه یی مهم صورته صیانت ایتمکله قالماش ، هیئت وکیلۀ حکم ونفوذی ایچونده بر قلعه تشکیل ایله مشدر [۳] . بونک اهمیت

[۱] S. O. 66 . مای (۵۲۷) ۱۷۱۵ ده یاپیلان وقامارانک مقام حکمداری یه قارشی تحق ایتش بر ویرکو بورجک قسماً عفوی ایچون وقعه خفنده صراحت ویرن صلاحیتدار مأمورک بر تصدیقنامه سی اولمان هیچ بر استدعا قبول اتمه یه جکنی آمر بولونان ۶۸ نومرولی نظامنامه داخلی فقره سی ایله بوایکی قاعده نک عوام قاماراسنده بر عسردن زیاده حکمفرما اولش یکانه نظامنامه داخلی احکامی تشکیل ایتدکلرخی سوله یور .

[۲] تود : Parl. Govt. in England ، ۲ نجی طبع ، برنجی جلد ، ۶۹۱ .

[۳] ناظرلر طرفندن پارلمتویه قارشی اجرا ایدیلن حکم ونفوذک انکشافی قرالک شخصی قدرت تشریه یی غائب اتمه سیله عینی زمانده وقوعه کلدیکنی بر مثال ایله اثبات ایچون تود (۲ نجی جلد ، ۳۹۰) بو قاعده نک ۱۷۰۶ ده قبول ایدیلدیکنی ، قرالده کی وه تو حقنکده صوک دفعه ۱۷۰۷ تاریخنده قولالاندیغنی نظر دفته عرض ایدیسور .

تخصیصات
اعطاسی ایچون
مقام حکمدار
بیک موفقیتنه
لرؤم کوستن
قاعده

اوقدر ابي تقدير ايديلشدر كه مختاريت اداره به مالك مستملكه لرك
قوانين اساسيه سى ميانه صوقولمشدر [۱]. نه كې تملكره استناد
ايتدكارىنى پك آكلامادن پارلمنتو حكومتى شكلنى قويه ايتمش
اولان فرانسسه و ايتاليا كې اجنبى ملتكه كلنجه، بونلرك بويه
برقاعده فمقدانندن دولايى اوغرادقلى ضرر آذربشى دكلدر [۲].
انكلتره ده بيله بعضاً بوقاعده به تبعيتدن اجتناب يوللرى
بولونمشدر. ۱۹ نجى عصر اورته لرينه دوغرو، خزينه دولندن
صرفيات اجراسنى استلزام ايدن قانون لايحه لرى توديع ايتاك
عادتى جارى ايدى. لايحه قانونيه نك ايچنه، ايجاب ايدن
مصارفك « مؤخرآ پارلمنتو جه قبول ايديله جك تخصيصادن تسويه
ايديله جكنى » مابين بر ماده علاوه ايتاك صورتيله قاعده يي اخلاادن

British North Amer. Act § 54. Commonio. of Australia [۱]

consit. Act, § 56. هندستان حكومتى ۱۸۵۶ تاريخده شرقى هندستان
قومپانيه سندن مقام حكمدارى به انتفال ايتدكن صوكره بوقاعده
هندستان وارداتندن تسويه ايديله جك مصارفات تكليف لرينه ده تشميل
اولوندى. S. O. 70

[۲] فرانسسه ايجون باقكرز : Les Ministres: Duprier ، ۲ نجى

جلد، ۴۱۶ - ۴۱۷ ، ۴۲۱ - ۴۳۰ ؛ Govts. and Parties: Lowell
برنجى جلد ، ۱۱۶ - ۱۱۷ ؛ ايتاليا ايجون : دوپريه ، برنجى جلد ،
۳۱۶ - ۳۱۹ ؛ لول ، ۲۰۷ - ۲۰۹ . بلچيه ، فرقه لرك دها قوتلى
صورته متجانس بولونمالرى و مصارفاتك بودجه موازنه سنى اخلا
ايتهدن تعديل ايديله به جك آبرى آبرى قانونلرده مقيد اولماسى سايه سنده
بومخدورك فئالغى بالنسبه آز حس ايتمشدر. دوپريه ۲۴۹ - ۲۵۲ .

اجتناب ایدرلردی . یالکز ، قامارانک بویله بر لایحه‌ی قبول ایتمه‌سی ناظرلری اومصرفی کله‌جک بودجه‌یه ادخال ایتمه‌ک اجبار ایله‌ین ، اجبار دکلسمده هر حالده سوق ایدن بر تظاهر دیمک اولوردی . ۱۸۶۶ ده نظامنامه داخلی ، قامارانک « مقام حکمداری طرفندن بر توصیه و اشعار وقوع بولمادجه قونسولیده خزینه‌دن یاخود پارلمنتوجه ایلریده قبول ایدیله‌جک تخصیصاتدن تسویه ایدیلمک شرطیله خزینه دولتدن صرفیات اجراسنه دائر هیچ بر تقرر قبول ایتمه‌ی جکی » طرزنده تعدیل ایدیله‌رک بوعاده نهایت ویریلدی [۱] . مع‌ماfiه بواصلاحات ، پارلمنتونک حکومتی اجبار ایتمه‌سنه صورت قطعیه‌ده مانع اولامایور . مبعوثلر عمومی و مجرد تعبیرات ایله مثلا التجا لیمانلری انشاسی کبی خصوصات

[۱] تود ، برنجی جلد ۶۹۲-۹۶ . لایحه قانونیه‌نک اساسلی غایه‌سی بودجه‌ده بر مصرف احداث ایتمکدن عبارت اولدینی زمان بونی تصویب ایدن برقرار ، لایحه قانونیه‌نک تودیعندن اول ، مقام حکمدارینک توصیه و اشعاری اوزرینه هیئت عمومیه انجمنی طرفندن قبول ایدیلمک لازمدر . فقط مصرف کیهیتی بر معاونت شکننده یاخود عارضی بر حال اولدینی زمان لایحه قانونیه بومعامله‌دن اول تودیع اولونایلیر . بزقیدرده مصارفی تکلیف ایدن ماده‌لر و فقره‌لر باشقه‌حروف ایله طبع اولونور . بوضورتله طبع ایدیلن کله‌لر بوش بر اقلمش کبی تاقی ایدیلمکده‌درلر . بو بوش یرلرک نه‌صورتله دولدوریلاجنی مذاکره ایدیلبور دییه تاقی اولونور . هیئت عمومیه انجمنی ، مقام حکمدارینک توصیه و اشعاری اوزرینه ایجاب ایدن قراری قبول ایتمه‌دن بومصارف ، تدقیق و مذاکره ایدیله‌منر . مای ، ۵۲۸-۵۲۹ ، ۵۳۹ .

ایچون بعض نوع مصارفاتی قبول ایدہ بیایورلر . یاخود مقام حکمداری یہ خطاباً « تمنیات » قبول ایدہ رک بر مصرف اجراسنی ایستہ یورلر و « قامارانک بوکا قارشیلق ویرہ جکنی » دہ علاوہ ایدیورلر . قامارانک بویوک لیدرلرینک حین وفاتندہ یاپیلان هیکیلر حقندہ کی مصارفات ایچون بواصولہ مراجعت اولوندی [۱].

۱۸۷۷ تاریخندہ ، غلادستون ، مقام حکمدارینک مالی خصوصاتندہ کی نفوذ حاکمانہ سنک ضیاعندن دولایی اظهار اسف ایدیوردی . قامارانک برطاقم محلی طلبلر اوزرینہ یاخود صنوف واشخاص لهنہ تمنیات ، قرارلر ، حتی قانون لایحہ لری طریق ایلہ مصارفات قبول ایتک تعہدینہ کیرمہ سندن ، حکومتک دہ بو وعدلری طوتمق مجبوریت معنویہ سندہ قلماسندن شکایت ایدیوردی . غلادستونک فکرنبجہ بو ، بویوک بر فلاکت عمومیہ تشکیل ایدہ جک بدرجہ یہ وارمشدی [۲] . اوتاریخندہ بو طرز تلقی ایسترمبالغہ کارانہ اولسون ، ایستر اولماسون ، ہر حالہ بو کون عینی سوزلرک سویلہ نہ بیلیمسی پک دہ محتمل دکلدرد . چونکہ ، بر طرفدن قابینہ نک مجلس اوزرنده کی حاکمیتی ، دیگر طرفدن مبعوثلرک شخصی حق تکلیفہ استناد ایدہ رک ویردکلی لایحہ لرک

[۱] مای ، ۵۳۸-۵۴۰ ؛ تود ، برنجی جلد ۶۹۹-۷۰۱ .
۶۹. نومرولی نظامناۃ داخلی فقرہ سی موجبہ بوقبیل برتمنی ہیئت عمومیہ انجمنندہ قبول ایدیلک لازمدر .

[۲] Gleaning of Past Years برنجی جلد ، ۸۱ .

قبوله انكل تشكيل ایدن مانعه نر اوقدر چوغالمشدر که بر آرز
جدی بر مخالفته مصادف اولان هر هانکی بر تکلیفی هیئت و کیله نك
یاردیمی اولادن قامارایه قبول ایتدیرمك غایت مشکلدیر .

قاعدہ نك تعبیراتی یالکز تخصیصات کشادی حقنده کی تقریر لرله
تعلق ایتمکه برابر ، بونی ، تخصیصاتلری مقام حکمداری طرفندن
تکلیف ایدیلن رقلرک فوقه چیقاراجق بوتون تعدیل تقریر لرینه ده
تشمیل ایله مشلدردر [۱] . هم خزینۀ مالیہ یی هم ناظرلرک حکم
ونفوذینی مدافعه وحمایه ایچون شبهه یوق که بوبله بر تشمیله
لزوم قطعی وارد . بناءً علیه ، بر ناظر معین بر مصرف ایچون
شو مقدارده بر تخصیصات ویریله سنی تکلیف ایتدیکی زمان ،
نظامنامۀ داخلی ، نه بومبلانی تزیدد ایچون نه ده اوبارانک باشقه
بر طرفه صرفی ایچون بر تقریر ویریله سنه مساعده کوسترمز [۲] .
فقط قاعدہ ، مصارفاتک تنقیصنی تکلیف ایتمکه مانع دکلدر .
بونک نتیجه سی اولارق ، بر مبعوث ، بحث ایدیلن رقمی پک
آز کورورسه ، عدم کفایه سی حقنده نظر دقتی جلب ایچون
دها زیاده تنقیصنی تکلیف ایتمکدن باشقه برشی یاپامایور .
فی الحقیقه ، موضوع بحث اولان خصوصاته متعلق بعض شکایتلرک
مناقشه سنه زمین حاضر لامق اوزره بر تخصیصاتدن یوزانیکلیز لیراسی

قاعدہ بودجه
تخمیناتنك
تزیدد ایدیله سنه
مانعدر

[۱] مای ، ۴۳۲ ، ۵۸۰ .

[۲] کذا ، ۵۸۰-۸۱ ، تود ، برنجی جلد ، ۷۵۳ .

تنقیصنه داتر تقریر لر صیق صیق ویریلور. بو، اعتراض ایچون غایت اعلا بر چاره در. خزینئه مالیه ایچون ده تهله که سز برشیدر [۱].

[۱] بعض کره بوتنقیص تنکیفلرینک مجلسه جه قبول ایدیلدیکی واقعدر . ۱۸۹۵ ده بونک مشهور بر مثالی کورولدی . قوردیت تدارکنده کورولن نقصان حقنده نظر دقتی جلب ایچون حریبه ناظرینک معاشندن تنزیلات یابلاسی تنکیف ایدیلشدی . بوسیله ایله حکمرتمک مغلوبیته اوغراماسی لورد روزبری قایینه سنک چکیلمه سنی انتاج ایتدی .

Hans , 4. Ser . xxxlv 1685-1711 , 1742

۱۹۰۴ ده ایرلندا ناسیونالیستلرینک رئیس اولان مسترردموند ایرلندا معارف بودجه سنده یوز انکلیز لیراسی تنزیلات یابلاسی تنکیف ایتدی و ۱۳۰ ه قارشى ۱۴۱ رآی قازاندی . مستر بالفور بو حادثه یی جدی برشی کی تاقی ایتمکدن استنکاف ایله یه رک ایرلاندالی لیدرک ایرلاندیه ویریلن تخصیصاتی یوز انکلیز لیراسی آزانلقدن باشقه برشیئه موفق اولامامش اولدیفنی سویله دی . اوده بوکا جواباً حکومتی مغلوب ایتمکک صرف ایدیلش یوز انکلیز لیراسنک پک کارلی بر صورتده خرج ایدیلش بر باره اولاجغنی تأمین ایتدی . Hans , 4 Ser. CXXXI, 1141-1147.

کذلک ۱۹۰۵ ده ایرلندا اراضی قومیسیننک تخصیصاتندن یوز لیرا ایندیریلیمسی حقنده کی تقریر ۱۹۶ رآیه قارشى ۱۹۹ رآی ایله قبول اولومشدر . Hans , 4 Ser. CXLIX, 1459-86 حکومت ، بر آز دوشوندکدن صوکر ، بونک موقع افتداردن چکیلمک یاخود مجسمی داغیتمی ایچون کافی بر سبب تشکیل ایتمه دیکنه قرار ویردی . قایینه نك مملکتده کی نفوذ و اعتباری کیتدکجه دوشمکده اولدیفنی ده غیر قابل انکار ایدی . بو اوچ وقعه نك اوچنده ده حکومتک مغلوبیتی علی الغفله طوپلانمش بر رآیک نتیجه سی اولان عارضی بر حالدن عبارتدر .

قاعدہ
ویرکولر
تطبیق
ایدیلور

بقاعدہ ، ویرکولر دہ تطبیق ایدیلک صورتیلہ دہا زیادہ
توسیع ایدیلشدہر . یالکز بو ، نظامنامہ داخلیہ طائد برشی
دکلدر . بوندن تدریجی بر تکامل نتیجہ سندہ چیمش عمومی
برتشکیلات اساسیہ پرنسپینک محصولدر . فی الحقیقہ ، پرنسپ
اوقدر انکش-اف ایتشدہرکہ عمومی بر دستور ایلہ شوصورتلہ
افادہ ایدیلہ بیلیر : مقام حکمداری طرفدن توصیه و تکلیف
ایدلہ دجہ برویر کو طرحنہ یا خود خزینہ مالیہ دن صرفیات اجر اسنہ
دائر ہیچ بر تقریر ویریلہ میہ جکی کبی مقام حکمداری طرفدن
طلب اولونان تخصیصاتک تزییدی حقندہ دہ بر تقریر تقدیم
اولوناماز . بناء علیہ ، کرک یکی ویرکولر طرحی صورتیلہ
کرک موجود تکالیفک تزییدی طریقیلہ خلقک مکلفیتی تزیید
تکلیفی یالکز حکومتدن صادر اولابیلیر [۱] وھیچ بر مبعوث
بو حکومت لایحہ لرینک تضمن ایتدیکی مکلفیتی تزیید تکلیفندہ
بولوناماز [۲] . فقط ، مبعوثلر ، مکلفیتلرک تنقیصنی تکلیف

[۱] مای ، ۵۳۲-۵۳۳ ، ۵۸۹ ؛ تود ، برنجی جلد ، ۷۰۹-۷۱۲
فقط بو ، منافع محلیہ بہ متعلق خصوصات ایچون قونولاش محلی ویرکولر
قابل تطبیق دکلدر . مای ، ۵۶۵-۵۶۷ ؛ تود ، برنجی جلد ، ۷۱۰

[۲] مای ، ۵۳۳-۵۸۹ ؛ تود (برنجی جلد ، ۷۱۱) ، حکومت
طرفدن تکلیف ایدیلان برویرکونک تزییدی حقندہ بر تقریر
ویریلہ بلہ جکئی سولہ بور . یالکز ذکر ایتدیکی ایکی مثالدن برنجی-ی
(Hans ., 3 Ser . LXXV , 1020) ، شکر ادخالاتی رسوی حقندہ کی
بر قانون مناسبتیلہ ، تکلیف ایتش اولوبدہ طرق ووسائط (بودجہ)

ایده بیلرلر . حکومتک دو قونما دینی ویر کولرک الغاسی یاخود تنقیصی حقنده قانون لایحه لری ویر مک کیفلرینه باغلی برایشدر [۱]. بوندن باشقه ، پرنسپ ملی و عمومی مکلفیتلری موجود حدود و ارقام فوقه چیقاراجق صورتده تزیدد تکلیفلرینه مانع اولمقدن باشقه برشی یا پامادینی ایچون حکومت ویر کولرده بر تنقیص تکلیف ایتدیکی زمان بوتکیلقدکی مقداری خفیقلتمک اوزره تقریر اعطاسی قابلدر [۲]. حکومت ویر کولرده عمومی بر اصلاحات تکلیف ایتدیکی زمان ، مبعوثلر ، لایحه ده کی ویر کونک یرینه باشقه بر ویر کو اقامه سنی تکلیف ایله به بیلرلر . یالکیز بونک کتیره جکی واردات دها یوکسک اولما مالیدر [۳]. فقط مبعوثلر بو حقلرینی نادراً قوللانیرلر و قوللانمغه تشبث ایتسه لرده همان هیچ موفق اولامازلر . باشقه دورلو اولسه ایدی شبهه یوق که بو حقوقی پک مزعج تلقی ایده جکلر و قالدیر اچقلردی .

انجمنجه آزالتمش اولان ویر کو مقدارینک اعاده سی حقنده کی برناظر تقریری ایدی . ایکنجیسی (Hans. , 3 Ser. CCXXIII , 1041) این قرم ناقسک اساساً موجود اولان ۳ پی اولارق محافظه سنه دائر ایدی . حکومت بونی ۲ یه ایندیرمک تکلیفنده بولونشدی .

[۱] مای ، ۵۴۰ ، ۵۶۷ . تود ، برنجی جلد ، ۷۱۳ و متعاقب . طبعیدرکه لایحه قانونیه ، سائر بر ویر کونک بالواسطه تزیدینی منتج اولما مالیدر .

[۲] مای ، ۵۳۳-۵۳۵ .

[۳] کذا ، ۵۸۹ ، تود ، برنجی جلد ، ۷۱۱ .

بوکون ، عوام قاماراسی شبهه یوق که تصرفدن زیاده اسرافه
میلدر . فقط بو ، مذاکرات انسا سنده اظهار ایدیلن مطالعاتدن
آکلاشیلور ، اعضا لر طرفندن ویریان بعض تکلیف لر دن دکل .
مثلا ، ایمپراطور انک مدافعه سی ایچون اردونک و دونانما نک عدم
کفایتی مناسبتیه اداره یه قارشی وقوعه کلن تنقیداتک نتیجه سی
بودر . بوندن دولایي ناظر لر طرفندن حاضر لانان بودجه لرک
یکونی قارباریور . فقط بونکه غیر مسئول خصوصی مبعوث لرک
سبب اولدقلری مضر فتر آراسنده بویوک فرقلر واردر . بو نتیجه لرک
برنجیسی تأمل و ملاحظه یه مستنددر ، افکار عمومی نک محصولیدر ؛
ایکنجیسی صرف شخصی یا خود محلی مطالعات دولایسیله آرزو
ایدیله بیلیر و صوکره بی شعورانه بر مسامحه و یا ماهرانه مانوره لر
سایه سنده قبول اولونا بیلیر .

تخصیصات
انجمنی

تخصیصاته دائر مذاکره آنجق هیئت عمومی انجمننده و مقام
حکمدارینک یعنی بر ناظرک طلب و توصیه سی اوزرینه جریان
ایده بیلدیکی ایچون قامارا ، دوره اجتماعیه نک ابتدالرنده ، حکومت
طرفندن عرض ایدیلن مالی تخمیناتی تدقیق ایتک اوزره هیئت
عمومیه تخصیصات انجمنی Committee of the Whole on Supply
حالنده شکل ایدر [۱] .

[۱] ۱۴ نومرولی نظامنامه داخلی ففره سی تخصیصات وطرق
و وسائط انجمنلرینک ، قرال طرفندن ایراد ایدیلن نطق افتتاحیه
عریضه تشکریه مسوده سی قبول اولونور اولوناز تشکیل ایدیله جکلرینی
سویلور .

قونسولیده
خزینہ دن
وقوع بولان
تأدیات

دیون عمومیه نك فائضلری، قرالك خزینہ خاصه تخصیصاتی،
حاکم لرك آیلنی کبی بعض مصارفاتك، قانون موجبجه، قونسولیده
خزینہ دن تأدیہ ایلدیکنی و بونلرك هر سنه پارلمنتودن بر قرار
مخصوصه احتیاج کوستردیکنی، تخصیصات انجمنندن کچدیکنی
اونوتماق لازمدر. حلول ایدہ جك سنه نك متباقی مصارفی ایچون
بو تخمینات - که تخصیصات خدماتی Supply services نامیلہ
معروفدر - اردویہ، دونامایہ و خدمات ملکیه هاند اولق
اوزره اوچ قسمه آریلیر. بوصو کنجیسی ده ایکی صنفه تفریق
ایدیلشدر. هر اوچی ده فصللره منقسمدر. بوصفصللرده ایکنجی
درجہ ده فصللره و ماده لره آریلیر. هر فصل ایچون تخصیصات
انجمنده آری رأی طویلانیلیر. بر فصلك بر ماده سنك ترکنه
یاخود تنقیصنه دائر تعدیل تقریرلری ویریلہ بیلیر.

على الحساب
تخصیصات

انکلیز مالیه سیستمی صراحت و قطعیتی هدف اتخاذ ایتشدر.
تخمیناتك ممکن اولدیغی قدر قطعی و دوغرو اولماسنه صولك درجہ ده
اهمیت عطف اولونور. بناءً علیه تحقق ایدہ جکلری زمانه ممکن
اولدیغی درجہ ده یاقین بر زمانده تثبیت ایدیلهلری لازمدر. صولك
بهار نهایتلرینه دوغرو مختلف نظارتلر بونلری حاضر لارلر،
صوکره خزینہ مالیه نك نظر تدقیقنه عرض ایدرلر و نهایت،
شباط اورته لرینه دوغرو وقوع بولان دورہ اجتماعیه کشادندن
برآز صوکره پارلمنتویه تودیع ایلرلر. فقط سنه مالیه نیسانك
رنده باشلادیغی ایچون، تخصیصات انجمنك او تاریخه قدر

مذاکراتی اجمال ایده میه جکی آشکاردر . سنه جاریه ایچون وقوع بولاجق تخصیصات منضمه طلبری حقننده یادیفی تدقیقات مارت آیی ایچنده کله جک سنه تخصیصاتنک تدقیقی ایله اشتغال ایتمه سنه پک میدان براقاز . حالبوکه بعض مصارفات اختیاری ضروریدر . بوندری اجرا ایچون برمساعده قانونیه ویریلک الزمدر . باخصوص که تخصیص ایدیلدکاری سنه مالیه نهایتنده استعمال و صرف ایدیله مش تخصیصات کأن لم یکن اولورلر . ایشته بوندن دولایی ، انجمن طبعی تخصیصات مجلسجه قبول ایدیلنجهیه قدر کچه جک دوره ایچون علی الحساب قره دی آچاره قارئلرمزك احتمالک خاطر لر زده در که اردو و دونانما خدماتنده فضله قالان تخصیصات ، خزینه مالیه نک تصویبیه ، سائر تخصیصاتک اکسیکنی قاپامنه صرف ایدیله بیلیر . بو خدماتده ، مارت آیی ایچنده بوتون سنه ایچون مستخدمینک اجر تیلرینی قبول ایتمک وبوصورتله حصوله کلن پاره یی ، تخصیصات تماماً قبول ایدیلنجهیه قدر هر دورلو خصوصاته صرف ایله مک عادتق ایشته بوندن چیقمشدر . بویه بر اصولک جائز ارلما دیفی سیویل خدماتده ، هر فصل ایچون حکومته درت بش آلیق ادارهیه کافی مقدارده علی الحساب تخصیصات قبول اولونور .

تخصیصات
منضمه

تخمینلرده اصابت ایچون نه قدر غیرت و دقت ایدیلسه شعبات اداره نک برنده ویا دیکر ننده تخصیصاتک تیر کافی کله سی یاخود غیر ملحوظ بر مصرف چیقماسی احتمالنک اوکی آله ماز . ایجاب

ایدن مبالغی تأمین ایچون ، سنه مالیه نك ختامندن اول تخصیصات منضمه طلب ایدیلک و قبول اولونمق ایجاب ایلر .

تخمیناتك فوقه چیقان باشقه مصرفلرده اولابیلیر که نلر خزینه مالیه نك حائر اولدینی صلاحیت موجبیجه یا غیر ملحوظ سیویل مصارفات ترتیبندن یا خود خزینه نك قاصه ترتیبندن Treasury Chest Fund یا خود نظارتك واردات فوق العاده سندن موقتاً تسویه ایدیلشلردر . بومصارفاتك در حال قامارا طرفندن قبولی لازم دکلدر . فقط ، سنه مالیه نك ختامنی تعقیب ایدن علی العاده دوره اجتماعیه ده مصارفات عمومیه انجمنه بیلدیریلیر ، صوکره تخصیصات انجمنه عرض اولونور . اوده حد مقرر تجاوز تخصیصاتی excess grant قبول ایدرک بونی قاپار .

دیملک که ، مارت آینك ختامندن اول ، تخصیصات انجمنی ، بیتمکده اولان سنه ایچون تخصیصات منضمه لری ، کچن سنه ایچون حد مقرر تجاوز تخصیصاتلرینی ، باشلایه حق سنه ایچون علی الحساب تخصیصاتی قبول ایتک و باشلایه حق سنه ایچون منتظم بودجه نك تدقیقاتی ایلری یه کوتورمک لازمدر .

فقط انجمنك یاه بیله جکی شی یالکیز بو تخصیصات لهنده قرارلر قبول ایتمکدن و مجلسه مضبطه تقدیم ایله مکدن عبارتدر . قونسولیده خزینه دن پاردنك آلتماسی ایچون بر قانونك مساعده ویرمه سنه لزوم واردر . بناء علیه ، ناظرلر طرق ووسائط انجمنه ، قبول ایدیلش اولان تخصیصات ایچون مالنر مبالغك

حد مقرر
تجاوز
تخصیصاتی

قونسولیده
خزینه
قانونلری

قونسولیده خزینہ دن اخذ ایدیلہ سی حقندہ کندیلرینه مساعده اعطاسنی متضمن بر تقریر ویرمک مجبوریتندہ درلر . انجمنک بوتقریر اوزرینه اتخاذ ایدہ چی قرار بر مضبطہ ایله قامارایہ عرض وقامارا طرفندن تأیید اولونور [۱] . بوقرارک اعطاسی ایچون، قونسولیده خزینہ قانونی Consolidated Fund Bill دنیان بر لایحه مجلسه تودیعی ایدیلیر . مختلف تخصیصاتلرک جدوللر حالندہ مربوط بولوندیغی بولایحه معتاد اولان مذاکره مرحله لردن کچر . فقط بوکا تخصیص اولونان زمان قیصه در . چونکه [لایحه نك یکانه غایه سی اساسا قبول اولونمش تخصیصاتی تسویه ایتمک اوزره پاره ویریله سندن عبارت اولدیغی ایچون تخصیصات یکونئی تنقیص ایتمک یا خود ماضع الهنی دیکشیدیرمک مقصدیلہ تعدیلات تکلیفنه آرتق امکان یوقدر [۲] .

برنجی قونسولیده خزینہ قانونی بر نیس-اندن اول قرال بودجه قانونی طرفندن تصدیق ایدیلک ایچون وقتند، قبول ایدیلش اولمق لازمدر . تخصیصات انجمنک تخمیناتک تدقیقاتندہ بطائله ایلرله دیکنه کوره بو برنجی قانونی صوکره بر ایکسجی ویا

[۱] طرق و وسائط انجمنده کی اصول مذاکره و تخصیصات انجمنی ایله طرق و وسائط انجمنک راپورلری حقندہ، باقکیز : مای، ۵۸۸ و متعاقب .

[۲] مای، ۵۲۶ ؛ ایلبرت Manual، § ۲۴۵، نوط .

اوجنچى قانون ده تعقيب ايدر [۱]. نهايت ، سـنـهـنـك بوتون بودجه سى قبول اولونجه ، سنهـنـك خدماـتى ايچون قبول ايديش بوتون تخصیصاتی محتوی بودجه قانونی Appropriation Bill تودیع ایدیایر. قانون مربوط جدولر موجبجه بوتخصیصاتك صرفنی امر ايدر وقونسولیده خزینهدن آلتاسنه مساعدہ ویریر. بو قانون ، عمومیتله ، دورۀ اجتماعیهـنـك صوـك کونی مجلسده قبول اولونور .

بودجه

بورایه قدر ، قونسولیده خزینهدن پاره آلمق ایچون یا پلماسی ایجاب ایدهـجـك حرکاتدن بحث ایتدك . او خزینیه پاره تأمین ایتك ایچون یا پیلان حرکات ده عینی زمانده ، فقط بوندن مستقل بر صورتده وقوعه کلیر . عمومیتله ، شانسیه بودجه سنی نیسان ابتداسنده طرق و وسائط انجمنته تودیع ايدر . بویوك برنطق ایراد ایله یهرك کچن سنهـنـك امور مالیه سنی کوزدن کچیر ، نتیجه لری تخمینات ایله مقایسه ايدر ، شرائط اقتصادی و دیون عمومیه حقیقده اوزون اوزادییه ایضاحات ویریر . صوکره ، مجلسه عرض ایدیش اولان تخمیناتدن بحث ايدر . دهـا صوکره ، نطقنك اصل روحنه و مراق ایله بکلهـنـن قسمنه کلهرك مصارفاتی

[۱] قونسولیده خزینهـنـك ویرکولرك تحصيلندن اول کافی مقدارده پاره یی احتوا ایتـمـه سنی تأمین ایچون بو قانونلردن هر بری ، انکتره باتفه سنه ایجاب ایدن مبالغه آوانس صورتیه ویریله سنی و خزینۀ مالیه دهده خزینۀ بونولری واسطه سیه استقرار یا پلمه سنی حقیقده مآذونیت ویریرلر . مای ، ۵۵۸ ، نوط ، ۳ ؛ ایلبرت ، § ۲۴۴ .

تسویه ایچون نه کبی منابع بولدیغنی ایضاحه کیریشیر . قامارایه ویریلش برتقریر اولمادن بونطق ایرادایتمک حقنه مالک اولامایه جنی ایچون، آرزوایتدیکی ویرکو تعدیلاتی یاخود موقت ویرکولرک تماردیسنی محتوی برسلسله مقررات تکلیف ایدرک سوزرینی بیتیر . واردات عمومیه نك تقریباً درتده اوچی دائمی ویرکولردن طوپالانیر . بونلر نادراً تعدیلاته اوغرارلر . هر سنه پارلمنتو طرفندن قبول ایدیلرلرینه حاجت یوقدر . فقط وارداتی مصارفاته صیقی صیقی توافقی ایتدیرمک ایچون ، بعض ویرکولر آنجق برسنه مدتله قبول ایدیلرلرینه درلر . بونلرک مقداری ده بودجه نك موازنه سنك کوستردیکی لزومه کوره تزیدد ویا تنقیص اولونور . اوزون مدت بو نوعه داخل اولان تکالیف، ایراد ویرکوسی ایله جای رسومندن عبارت ایدی . برنجیسی املاک اوزرینه موضوع بالاواسطه برورکوکبی تلقی ایدیلوردی . ایکنجیسی ده خلق کتله سنه موضوع بالاواسطه برورکوکعد اولونیوردی . فقط برمدتن بری توتون ، بیرا واسپرطو اوزرینه موضوع ادخالات رسومی وعینی زمانده بیرایله مسکراتک تابع طوتولدیغنی استهلاک رسومی تزیدد ایدیلشدر . بوفضله ویرکولر پارلمنتوجه هر سنه قبول اولونور .

شانسلیه نك بودجه حقنده کی نطقنی متعاقب ، موضوع بحث ایتدیکی مسئله لرك مناقشه سی باشلار . یا درحال یا صوکره کی جلسه لرده ، تکلیف ایتش اولدیغنی مقررات حقنده مذاکره

جریان ایدر و رأی طولانیتر . بونلر قبول اولونجه ، تصدیق ایتمه سی ایچون قامارایه بر مضبطه یاپیلیر . فقط تخصیصات قرارلری کبی بونلرده قانون شکلنده قبول اولوندقدن صوکره بر تاثیر قانونی بی حائر اولورلر . حتی ، بونلرک بر قیمت حقوقیه لری اولمادیغنی سوبله مک بلکهده دهادر و غر ودر . چونکه ، تزیدی تکلیف اولونان رسومی تأدیهدن قور تولق فکریله ادخالات تجارلرینک بر چوق ستوق مال بریکدیرمه لرینه مانع اولمق ایچون ، قرارلرک ایچنه ، یکی ویرکونک غایت یاقین بر تاریخده موقع مرعیه قونو- لاجغه دائر بر فقره قویمق وانجمن مضبطه سی کلد کدن صوکره قاماراجه او قرار قبول اولونورسه تاریخ قبولندن اعتبار اویرکوی تحصیله باشلامق حادت اولمشدور . بو تحصیل ، او دقیقهده هیچ بر قانونی قوه مؤیدیه مالک دکلدر . فقط صوکره ویرکونک موقع مرعیه کیرمه سی ایچون عینی تاریخی تثبیت ایدن بر قانون ایله تصدیق اولونور و بو صورتله معامله نک قیمت حقوقیه سی اتمام ایدیلیر . چونکه پارلمنتونک ماقبلنه شامل بر قانون یاپایلمه سی قابلدر . هر نه سبیدن دولای اولورسه ، ویرکولایحه سی عقامته اوغرا دییی تقدیرده ، تحصیل اولونان رسوم بالطبع اعاده ایدیلیر .

وقتیله بودجه اوزرینه مؤسس مالی مقررات ایله بونلری موقع فعله قویان قانونک متنی میاننه یالکز سنوی وموقت ویرکولری ادخال ایتک حادت ایدی . دائمی ویرکولر وبالخاصه بودجهیه بر منبع واردات تشکیل ایتمکدن زیاده اقتصادی سبیلردن دولای

مالیه قانونی

قونولمش اولانلر آیری قانونلرده بولونورلردی [۱]. فقط ویرکونک منحصرأ واردات غایه سیله استعمالی ودها زیاده ، لوردلر قاماراسیله بر مجادله بوسیسته مده برد کیش کلک وقوعه کتیردی . حکومت ، ۱۸۶۰ تاریخده ، کاغددن آلنان ادخالات رسومی قالدیرمایه قرار ویرمشدی . چونکه بورسوم اوجوز فیثالته غزته صائمانسه مانع اولیوردی ؛ علم وعرفاندن آلنان بر ویرکو صفقیله خلقجه منفور کورولیوردی . حکومت ، او سنه بودجه سی وارداتنده بر تناقص وقوعه کله جکئی تخمین ایتمشدی . فقط ، عادت موجبجه ، رسومک الغاسنی آیری بر لایحه قانونیهده کوستر مشدی . لوردلر ، بودجه نک قسم متبایسنی موقع مرعیه قویان قانونی قبول ایتد کدن صوکره بولایحه قانونیه یی رد ایتدیلر . بو دقیقهده عوام قاماراسی یالکیز بیان فکر ومطالعهدن باشقه آرتق بر شی یاپامازدی . فقط ایرته سی سنه کاغددن آلنان کومروک رسومک الغاسنی سنوی ویرکولر لایحه سنه ادخال ایتدیلر . بو صورتله لوردلرده اونی قبول مجبوریتنده قالدیلر . فی الحقیقه ، لوردلر عوام قاماراسی نک کندی روللرینی مالیه قانونلردن هیچ تعدیلات یاقمقسنزین اونلری ساده جه یا قبول یا رد ایتمکه حصر ایتمک یولنده کی ادعاسنی قبول ایتمه مکله برابر هیچ بر زمان مالیه قانونلرینی تعدیل ایتیهی کوزه آلامشلردر . بوتون ویرکولری تک بر لایحه ایچنده طویلامق اصولی دائمی

بر عادت حاله کیرمشد در . مالیه قانونی Einance Bill نامی
آئینده شیمدی دولتک وارداتنه و دیون عمومیه عائد بوتون
مکلفیت احکامنی احتوا ایدر [۱] .

عمومی حسابات سنه مالیه نک ختامنی متعاقب، ممکن اولدینی قدر آز برمدت
ایچنده، خزینۀ مالیه، حسابات عمومیه بی تودیع ایدر . بونده
قونسولیده خزینۀ طرفندن وقوعه کلس بوتون تأدیات ایله
بوتون واردات مندرجدر . وارداتک منابعی و تأدیاتک ماضع
لهلری کوسترلمشدر [۲] . بوحسابلر دواثرک هربری طرفندن
صرف ایدیلن مبالغه کوره دکل، انکلتزه و ایرلاندا باقیه لرنده
کندیلرینه ویریلن حواله لره کوره تنظیم ایدیلدکلری ایچون
چارچاق تنظیم اولونابیلرلر . فی الحقیقه، حزیران نهایتنه دوعسرو
یعنی تعلق ایدکلری سنه مالیه نک ختامندن تقریباً اوچ آی صوکره
بارلمتویه تودیع ایدیلدکلده درلر .

[۱] کوسروک رسومی و داخلی تکالیف Customs and Inland Revenue Act
تعبیری، ۱۸۹۴ تاریخنده وراثت رسومی ده بو میانه
ادخال اولوندینی زمان مالیه قانونی Finance Act تعبیرنه تبدیل ایدیلدی .
۱۸۹۰ ده آمورتیسمان ترتیدنه عائد احکامده بورایه علاوه اولوندی .
قورتنه ی : The Working Constitution of the United Kingdom : ۲۶-۲۸ . صوک مالیه قانونلرینه ده باقکیز .

[۲] قونسولیده، خزینۀ خدماتنه عائد احوالده آیری آیری ماده لر،
مثلاً شخصی آیفلر تماماً کوستریلر . تخصیصات خدماتنده ایسه سیویل
خدمت ایچون هر فصله دائر وقوع بولان علی الحساب تأدیات اراۀه
ایدیلر . بحریه و اردو ایچون یالکیز تسویه اولونان مبالغک یکرئی
کوسترلمکله اکتفا اولونور .

قید حیات شرطیہ (حسن حال و حرکتی کورولدیکی مدتیجہ
 during good behaviour) وظیفہ سنی محافظہ ایدن ، قانون
 موجبہ دوغرویدن دوغرویہ قونسولیدہ خزینہ دن معاشنی
 آلان ، کنڈیسنی ہیچ بر صورتہ خزینہ مالیہ تابع مادون بر
 مأمور تالق اتمہ رک یالکز عوام قاماراسنہ قارشنی مسئل
 کورن عمومی قونترول و تحقیق مأموری Comptroller and
 Auditor General [۱] هر دائرہ نك حساباتی تدقیق
 ایلر . بو ، اوزون بر زمانہ احتیاج کوسترن برایشدر . اولك
 ایچون ، تخصیصات حساباتی دنیلن شی [۲] آنجق ایرتہ سی
 دورہ اجتماعیه عادیه نك بدایتندہ بحاسہ تقدیم ایدر . بوتون
 تخصیصات خدماتندہ وقوعہ کلن صرفیاتی ، بوبادہ کی مطالعات
 وملاحظاتیہ برلکندہ بوتون تفصیلاتیہ کوستریر [۳] .

عمومی حسابات
 عمومی قونترول و تدقیق مأمورینك حسابلری و راپورلری
 عمومی حسابات انجمنہ حوالہ اولونور . بو انجمن ، دورہ

[۱] مصارفات ملیہ انجمنی حضورندہ کی افادہ سنہ باقیکر .
 Com. Pap . 1902 , VII , 15 , Q. 764 - 69, 831

[۲] مثلاً ، ۱۹۰۳ سنہ سنہ عائد پارلمنتو و ثائق ، ۳۱ مارت
 ۱۹۰۳ تاریخندہ نہایت بولان سنہ مالیہ متعلق عمومی حساباتی و ۳۱
 مارت ۱۹۰۳ دہ نہایت بولمن سنہ عائد غایت مفصل تخصیصات
 حسابلرینی احتوا ایدر .

[۳] قونسولیدہ خزینہ خدماتی ایلہ سائر خصوصات ایچوزدہ
 آیری حسابات تقدیم ایدر و بولنرہ برردہ راپور ربط ایلر .

اجتماعیه نك بدايتنده انتخاب ايديلش اون بر مبعوثدن تركب ايدر [۱]. خزينه ماليه نك محاسبه جيسى Financial Secretary of the Treasury ايله مخالفت موقع اقتدارده ايكن عيني وظيفه يي ايفا ايتش بر مبعوثي ومسئله نك علاقه دار ايتديكي سائر ذواتي ده احتوا ايدر .

بوانجمن حساباتي تدقيق ايدر وعمومي قونترولورك هر ماده ده نهدن دولاني صرفياتك بودجه تخميناتي فوقه چيقدیغنه يا خود اوکا بالغ اولمادیغنه دائر ويرديكي ايضاحاتي ، درميان ايتديكي مطالعاتي كوزدن كچيرير . انجمن ، دها فضله تنوير ايديلمكه محتاج كوردیكي ماده لر اوزرنده تحقيقات بايار ، بومقصدله دوائر محاسبه جيلرينك وسائر كيمسه لك افاده لرني آليز . صوكره ، عوام قماراسنه بر طاقم مضبطه لر ويرير . بونلرده پارلمتونك هانكي خصوصيات ايچون تخصیصات منضمه اعطا ايتمه سي لازم كلديكني ، عسكري دوائرده نه كي نقل معامله لرينه احتياج حس اولونديغني مفصلاً آكلاتير [۲] .

[۱] S. O. 75. لورد واپي نك مخرطه سنده اصول محاسبه نك و پارلمنتويه حسابانك طرز توديعنك تاريخچه سنه دائر معلومات واردر . اورابه بايكيكز . حسابات عموميه انجمنك راپوري . Com. Papers, Englishes Staatsrecht ك ذلك Hatschek 1902, VII 15. App. 13. ۴۹۵ - ۵۰۰ اثرنده اصول مضاعفه به كوره دفتر طوتمانك وفرانسز محاسبه سيسته منك انكلكتره به صورت ادخالنه دائر تفصيلات واردر . [۲] ۱۸۵۷ تاريخندن ۱۹۰۰ تاريخنه وارنجه به قدر عمومي حسابات انجمنك بوتون مضبطه لري زمان زمان طويلانش وماوي كتابلرده

عمومی حسابات انجمنی، مصارفاتك تام تخصیصات حدودلری داخلنده قلماسنی تأمین خصوصنده جدی بر نفوذ اجرا ایدر. زمان زمان، بوخصوصده کورولن اوفاق براهاله قارشی غایت شدید اخطاراتده بولونور. مأمورلر بونلری عقللرندن چیقارمازلر. فقط قامارلك، بودجه مذاکره سی ائناسنده حكومتك اداری خط حرکتی حقنده برچوق تنقیدات درمیان ایتمکه برابر مسئله نك مالی جهتنه همان هیچ علاقه دار اولماسندن بك چوق شکایت ایدیلشدر. بونك ایچون، یکی ملی مصارفات انجمنی Committee on National Expenditure، عمومی حسابات انجمنك راپورینك مذاکره سی ایچون هیچ اولمازسه برکون تخصیص ایدیله سی تکلیف ایله مشدر [۱].

هندستان
وارداتی
حساباتی

دها ایکی غیرطبیعی حال واردرکه بونلرده برادارلك بودجه سی، قانونه نظراً، پارلمنتو طرفندن قبول اولونماز، یالکز صوکره دن حسابات پارلمنتونك تصدیقه عرض ایدیلیر. مثلاً هندستان حقنده بویله در. بو، عاقلانه براصولدر. چونکه هندستانك اداره سی ایشك ایچنده بولونان وایشی تدویره یکانه معلوماتدار اولان محلی مأمورینك النده براقیر وعینی زمانده

نشر ایدیلشدر. بونلره مربوط خزیهء مالیه حساباتی ده برابر در .
 ۱۸۸۸، ۱۸۹۳، ۱۹۰۱ ده برر ماوی کتاب نشر اولوندی .
 صوکنجیسی اوچنك ده فهرسنی احتوا ایدر. Com. Pap. 1888. LXXIX
 331; 1893, LXX, 281; 1901, LVIII, 161
 [۱] ملی مصارفات انجمنك راپوری Com. Pap. , 1903, VII, V

عوام قاماراسنه نظارت و تنقید وظيفه سنك اجراسی ایچون بر
امكان تأمین ایدر . دورۀ اجتماعیەنك صوك كونلردن برنده ،
قامارانك بوحساباتی تدقیق ایچون هیئت عمومیە انجمنی حالنده
طوبلانماسنه دائر بر تقریر ویریلیر . نظامنامۀ داخلی اوزمان
هندستان ایشلری حقنده عمومی برمذا کرده مساع کوستیریر .
انجمن واردات و مصارفانك عمومی یكوتنی تنییت ایدن بر تقریری
قبول ایله اکتفا ایدر . مذاكرات هندستانك اقتصادی و مالی
وضعیتی اوزرنده تمرکز ایلر [۱] . كذلك ، غرینویچ خسته
خانه سنك مصارفاتی ده ، قانون موجبجه ، مؤسسه نك وارداتندن
آلنیر . فقط حسابات هر سنه قامارایه بونلرك قبول طابنی مشعر
بر قرار ایله تقدیم اولونور [۲] .

[۱] مای ، ۵۶۴ . ۱۹۰۶ سنه سی تموزینك ۲۰ سنده ،
قامارانك هیئت عمومیە انجمنی حالنده اجتماعی تقریرینه بر تعدیل تکلیفی
وقوعه کلدی . هندستان ناظرینك معاشی خزینۀ مایه نك عادی بودجه سنه
نقل ایدیلک ایسته نیوردی . بوندن ده مقصد قامارایه حکومتك هندستان
سیاستی تنقید ایچون دها ابی بر فرصت تأمین ایتمکدی . بوتکلیفه
قارشى درمیان ایدیلن باشلیجه اعتراضلردن بری هندستان حکومتی
ایشی بر فرزه مسئله سی حالنه کتیره جکی مطالعه سی ایدی . تعدیل
تکلیفی بونوك بر اکثریتله رد اولوندی . (Hans., 4 Ser. CLXI, 589-610)

[۲] مای ، ۴۶۵ .

اون بشنجى باب

عوام قاماراسنده اصول

كفايت مذاكره

كفايت
مذاكره
لزوئى

زمانمىزك بويوك مجالس تشريعيه سندن هان كافه سى ،
مذاكراتى سورونجه دن قورتارمق وموضوع مذاكره حقنده
رايه مراجعت ايديله سنى تأمين ايله مك ضرورتى حس ايتمشدر.
بو كا قسماً اقليتلىك منتظم بر اصول دائره سنده وقوع بولان
اوبستروكسيونلرينه قارشى كندىنى مدافعه ايتك قسماً ده
ايشلرني ايفا واكله موفق اولمق ايجون بر مجبوريث دويمشدر.
عوام قاماراسى ده ، مجبوريث ايجاباتى كمال تأسفله يرينه كتيرمكله
برابر ، بوقاعده دن كندىنى قورتاراماشدر. خلق حكومتك
كچيرديكى تكامل نتيجه سنده قامارا خلق ده اى تمثيل ايدر
بر مجلس حاله كئش واسكيسى قدر قابالى قالاماشدر. وقتيله ،
مهم بر لايحه قانونيه يالكىز بر بويوك مذاكره زمين تشكيل
ايدردى. بوكاده بالخاصه سياسى رؤسا اشتراك ايلردى مذاكره يى
تعقيب ايدن رأى نتيجه سنى مسئله يى صورت قطعيه ده حل
ايتمش اولماسى قبول ايديلردى . دعوا مدافعه ايدمش ، پارلمنتو

قراری ویرمیش ، مسئله نهایت بولمش صایبیلردی . فقط ،
 بوکون ، هرکس کوزلرینی قامارانک خارچنده مملکت چویرمشد.
 بر مبعوث آرتق بر مسئله نک کوزلجه مدافعه ایدیلدیکنی کورمکه
 اکتفا ایتمز . مذاکره کنیدیسه قاریشمق ایستر . خلقک
 و بالخاصه منتخبلرینک کنديسنک فعال ، مقتدر ، حتی ایجه
 کوزده اولدیغنی بيلمه لرینی آرزوایلر [۱] . بونک ایچوندرکه
 اصول مذاکره نک بر مرحله سنده کندي نقطه نظرینی افاده
 ایچون مناسب بر فرصت کوزتلر .
 بوندن باشقه ، مخالفت فرقه سی رؤسایسنک طرز تبعیه لری ده
 دیکشمشدر .

بونلر آرتق یالکیز قامارایی اقناع ایتمکه یاخود پروتستولرینی
 ضبطنامه لره درج ایتدیرمکه چالیشما یورلر . مملکت ایشیتسون دییه

[۱] لهق Lecky ، « پارلمنتو بلاغتک عظم و تهریدنک انکشافی »
 تسمیه ایندیکی حالی قسماً مجلسه قارشى حرمتی و بوش مناقشانه برحد
 چکن حس حجاب و احترازی تنفیص ایدن کورولتو باطیردی و
 اویستروکسیون صحنه لرینه عطف ایدییور . قسماً ده طشره غزته لرینک
 انکشافندن ایلری کلدیکی مطالعه سنده بولونیور ، ولایت غزته لری
 کندي دائره انتخابیه لرینه منسوب مبعوثلرک نطفه لرینی فصللاً نشر
 ایتمکده درلر . عمومی متینغلرک غایت چوغالماسی ده بوباده حائز تأثیر
 اولدیغنی سوبله یور . بومیتینغلر مبعوثلرک همان کافه سنه شایان اسف
 برسهولت بیان تأمین ایتمشدر . (Democracy and liberty, I, 146-47)
 اجنبیلر بوکون انکاترده رسمی بلاغتک مبدولیت عمومیه سندن
 وسریع الزوال بر وصفی حائز اولماسندن حیرتله دوشیورلر .

سوز سویلیورلر ومنتخبلی دعوالرینک دوغرولغنه وبودعوانی
مدافعه اوغورنده کوستردکلری غیرت ، ثبات وفدا کارلغه اقناع
ایتمکه چالشیورلر . بونک نتیجه سی اولارق ، نظامنامه داخلینک
کندیلرینه بخش ایتدیکی بوتون مقاومت فرصتارندن استفاده
ایدیورلر وهر آدیمده شدتلی مجادلانده بولونیورلر . ناصیل که
حربده بر سفرک عاقبتی تعیین ایدن بویوک بر محاربه یرینه
سپرلرک آرقه سنده معنده مجادلات سلسله سی قائم اولمشسه
بویوک پارلمنتو حربلرنده نتیجه یی قرارلاشدیران تک بر مجادله نک
یرینی نظامنامه داخلینک بر مقامت وسیله سی تأمین ایتدیکی
هر نقطه ده بر چوق کوچوک چارپیشمه لر طوتمشدر . بونک
اوبستروکسیون ویا تأخیر مقصدیله وقوعه کلمه سی ده قابلدر .
فقط تأخره سببیت ویریور . بوندن دولایي مذاکراتی
نهایتلندیرمک ورأی طوبلامغه کلک ایچون هر هانکی بر چاره نک
قبولی بر ضرورت قطعیه حاله کلشدر .

ایلك دفعه بوقییل بر اصولک تطبیقنه منظم صورتده وقوعه
کلن بر اوبستروکسیون اوزرینه ضرورت کورولمشدر .
اوبستروکسیون ، اون ایکی سنه دن بری بر تهلمکه کبی تلقی
اولونیوردی [۱] . ایرلاندا مبعوثلرینک ۱۸۸۱ ده تأدیب
قانوننک تودیغنه قارشی تعقیب ایتدکلری تعیه اوزرینه غیر قابل
تحمل بر حاله کلدی . بر چوق بهوده مناقشاتدن صوکره قامارا

ابتدا
ده ۱۸۸۱
استعمال
ایداشدر

بلا انقطاع قرق بر ساعت دوام ایتمش بر جلسه عقد ایله مشدی .
رئیس ، بر مدت کندیشنه وکالت ایتمش اولان وکیلنی متعاقب
تکرار موقع ریاسته کلدیکی زمان ، مذاکراته نهایت ویردی
وقامارانک شرف وحیثیتی ، اعتباری ، حکم ونفوذی تحت تهلکهده
بولوندیغی ایچون مسئلهنی درحال رایه قومقوله مجلسک آرزوسنه
اطاعت ایتمش اولاجنی حسنی بسله دیکنی بیان ایتدی [۱] .
نه نظامنامه داخلی نه امثال رئیسک بوخط حرکته مساع
ویرمزدی . فقط بوحرکت ایسترحق اولسون ایستراولماسون ،
پارلمنتو تاریخنده یکی بر دوره آچشد .

۱۸۸۱ ده کی
مستعجلیت
قراری

رئیس براند ، بوقراری اوزمان باش وکیل بولونان
غلاستون ایله استشاره ایتهدن ویرمه مشدی . بویله بر حرکته
بولونمق ایچون ده ، اوبستروکسیونه نهایت چکمک اوزره نظامنامه
داخلیه بعض احکام علاوه سنی شرط قومیشدی [۲] . غلاستون
درحال بر مستعجلیت قراری طلب ایتدی . ریاستک امرینه رغماً
مذاکره نی اخلال ایتمش اولان ایرلاندا مبعوثلرینک جلسه دن
اخراج ایدیله لری سایه سنده بوطلب چارچاق قبول اولوندی .
بوقرار موجبنجه بر ناظر موقع مذاکره ده کی هر لایحه
مناسبیله سکون و آسایش ملاحظه سنه مبنی بر مستعجلیت
تقریری ویره بیلیردی . بو تقریر درحال ، بلا مناقشه رایه

قومنق لازمدی . لا اقل اوچ یوز مبعوثدن ترکیب ایدن
برجلمسه ده بره قارشی اوچ اکثریتله قبول اولونورسه موقع
مذاکرده کی لایحه نك انتاجی ایچون بالذات قامارانك نظامنامه
داخلی به مستنداً حائر اولدینی بوتون حقوقی مجلس رئیسینه
ویریوردی [۱] .

افاده مهم، فقط مقصد صریح ایدی . مستعجلیت قراری،
ریاستك طاقندینی نفوذ و صلاحیتی استقبال ایچون تأیید و تصدیق
ایدیوردی . فقط رئیس، یکی نفوذ و صلاحیتی کیفی و عندی
کورونه سیله جك صورتده استعمال اتمه یی قطعاً ایسته مدیکسندن،
مجلسه کندیسنك خط حرکتی تعیین و تثبیت ایده جك برطاقم
قواعد تکلیف ایتدی [۲] . مؤخرأ ، مذاکراتك قیصالتمسی
ایچون قبول ایدیلن اصولك بویوك بر قسمك فکرلری ایشه
بوقاعده لردن آلمشدر [۳] . اك اساسلی قاعده لردن بری مجلس

Hans. , 3 Ser. CCLVIII, 155-156 [۱]

[۲] کذا ، ۴۳۵-۳۸ . ۱۰۷۰-۷۱ ، ۱۳۴۳-۴۴ ؛ CCLIX ،

۸۸۸ - ۹۰ ؛ بونلر Com. Paprs ده طبع اولونمشدر . ۱۸۸۱ ،

LXIV ، ۹-۱ .

[۳] مثلاً شوقاعده لر : مسئله نك اساسنه تعلق اتمه یی برسرورنجه
تقریری دولایسیله تحدت ایدن مذاکره آنجق تقریر حقنده جریان
ایده بیلیر . قامارا ، مسئله یی رایه قویمادن هیئت عمومیه انجمنی حالنه
کله بیلیر ، یاخود انجمن حائندن هیئت عمومیه حالنه کچه بیلیر . ریاست ،
مذاکراتك روشنه انکل اولق اوزره ویریلن تقریرلری وغریب غریب
رایه مراجعت تکلیفلرینی رد ایده بیلیر . بالخاصه شوقاعده : مذاکره نك

مستعجلیت
قاعده لری

رئیسنه یاخود تخصیصات (بودجه) انجمنی یاخود طرق ووسائط انجمنی رئیسنه، قامارا، مذاکره ایدیلکده اولان مسئله نك رایه قونولماسنی آرزوایدركی کورونديکی زمان مجلسه بوظنی بیلدیرمك صلاحیتنی ویریسوردی. او زمان، بویولده برتقریر ویريله جك اولورسه تقریر بلامناقشه رایه قونولاجقدی. بره قارشى اوچ اکثریتله قبول ایدیلدیکی تقدیرده اصل مسئله حقنده درحال رأی طویلانا جقدی. مستعجلیت تقریری درحال ایرلاندايه متعلق ایکی لایحه قانونیه نك قامارادن کچمه سی ایچون استعمال اولوندی. یالکز، بو قرار دوره اجتماعیه نك ختاميله نهایت بولیوردی. ایرته سی سنه قیصه بردوره ایچون تکرار موقع مرعیته قونولدقن صوکره ۱۸۸۲ صوکره بهارنده بونک یرینه رئیسك تکلیف ایتدیکی قواعد اوزرینه مؤسس برنظامنامه داخلی فقره سی اقامه اولوندی [۱].

یکی قاعده اصول مذاکره ده ایکی دکیشیکلک وجوده

۱۸۸۲ ده کی

برصفحه سنده رئیس، تثبیت ایدیلن ساعتده بوتون تعدیل تقریرلرینی ومذاکره سنه کیریشیلمه مش بوتون ماده لری رایه قویازق مذاکراتی صورت قطیعه ده دوردیرایلیر. بو، ایلریده قبول ایدیلن کیوتین اصولنك مژده جیسی دیمکدی. فعلیاتده بو اصول غلادستون طرفندن او دوره اجتماعیه ده ایرلاندايه دأثر ایکی لایحه قانونیه حقنده تطبیق ایدیلدی. [۱] بو دفعه بعض یکی قاعده لرده علاوه اولوندی ونظامنامه

کفایت
مذاکره
قاعده سی

داخلی فقره لر نك صیراسی دکیشدیریلهرک شیمدیکی صیرایه کوره ترتیبلری یاپیلدی. Com. Pap. 1882, LII, 139, 243. متنده کی قاعده

S. O. 14 ی تشکیل ایتدی.

کتیربیوردی . بر ناظرک معین بر لایحه مناسبیه ویردیکی
تقریر حقنده مستعجلیت قراری قبول ایدیلد کدن صوکره قابل
تطبیق اولاجق یرده هرزمان قابل تطبیق اولدی . بره قارشې
اوچ اکثریت یرینه آرتق ساده جه اکثریت کافی کلیوردی .
یالکز اکثریت یاایکی یوز رأیدن ترکب ایده جکدی . یاخود ،
مخالف قرق رأی بولونیورسه موافق رأیلرک مقدادی یوزه
چیقاجقدی . بناءً علیه ، کوچوک برزمره طرفندن استثنائی بر
اوبستروکسیون یاسیلدینی احوالده قابل استعمال اولابیله جک
برسلاح یرینه ، بوقاعده اقلیتک مناقشه سنی تحدیدایچون هرزمان
قابل تطبیق بر اصول تأمین ایتدی . فقط ظاهراً قامارانک
علی العاده اصول مذاکره سندن بر پارچه تشکیل ایتمکه برابر
مذاکراتی دوردیرمنه معطوف اولان تقریر آنحق رئیسک
تکلیفی اوزرینه تقدیم ایدیله بیلیردی . بوده رئیسه عندی وکیفی
برصلاحیت ویریور ، ریاست بونی استعمالدن خوشلائما یوزدی .
بوندن دولاییدرکه بو فقره آنحق ایکی وقعه ده ، ۲۴ شباط
۱۸۸۵ ده و ۱۷ شباط ۱۸۸۷ ده تطبیق ایدیلشد .

بواصولک تطبیقنه برمانعه تشکیل ایدن مشکلات ۱۸۸۷ ده
یکی بر نظامنامه داخلی فقره سنک قبولی ایله [۱] بر طرف ایدیلدی .
آرتق کفایت مذاکره تکلیفی عوام قاماراسی اعضالرنندن ده

۱۸۸۷ ده کی
کفایت
مذاکره

[۱] ۱۸۸۲ ده کی نظامنامه داخلی فقره سی آنحق ۱۸۸۸ ده الفا

اولونشدر .

کله بیلیردی . مع مافیه ، مجلس رئیسنه بر وه تو حق ویریلرک اقلیتک حقوقی تأمین اولوندی . بوقاعدهیه کوره ، هر مبعوث ، موقع مذاکره کی مسئله نك رایه قونولماسنی طلب ایچون بر تقریر ویرمک حقنه مالکدر . ریاست ، « بویله بر تقریرک مجلس نظامنامه داخلینسه قارشی بر سوء استعمال یا خود اقلیتک حقونه قارشی بر تجاوز تشکیل ایتمه دیکنی کورورسه » در حال اونی رایه وضع ایدردی . تقریر قبول اولوندینی تقدیرده موقع مذاکره کی مسئله وبونی تعقیباً مجلس حضورنده الآن معلقده دوران مسئله اصلیه ، کذلک بوکا مربوط ، سائر بالجمله مسائل آرتق هیچ بر تعدیل تقریری ویریله دن ، مذاکره جریان ایتمه دن رایه قونولمق لازم کلیردی [۱] . اوتاریخده ایلک دفعه اولارق کفایت مذاکره ویا ختام مذاکره Closure نامنی آلان بو اصول ۱۸۸۸ ده تعدیل ایدیلدی . یعنی ، اکثریت ایچون مطلوب اولان عددک مقداری لهده یوز رأیدن عبارت قالیوردی . اوزماندن بری نظامنامه داخلی بوشکلی محافظه

[۱] بعض کله لرك بر مادهیه علاوه سی یا خود بر لایحه قانونیه بر ماده علاوه سی مسئله سنکده در حال رایه وضعی حقنده ده عینی وجهله بر تقریر ویریله بیایر . بوضورتله اوکله لرك یا خود اوماده حقنده مذاکره جریان ایتمه سی احتمالک اوکی در حال آلمش اولور . بوقاعده یی حتوا ایدن نظامنامه داخلی فقره لری ۲۶ و ۲۷ نومرولرینی طاشیورلر .

ایتمشدر وبوشکلیله بول بول تطبیق اولونمشدر. هرسنه یکر می. سکسان کره تطبیق اولوندینی واقعدر [۱].

رئیسک موافقته احتیاج کوسترن شرط فعلیاتده صرف رئیسک موافقتی مراسم قیلندن قالمش برشی دکلدر. بالخاصه، کفایت مذاکره تکلیفک مسئولیتی مبعوثلرک شخصی حق تکلیفلرینه استناد ایتدیکی احوالده رئیسک موافقتی شرطی قورو برسوزدن عبارت اولمادینی کورولمشدر. چونکه تکلیفلرک اوچده برنده رئیسک یاخود هیئت عمومیه انجمنلری رئیسلرینک موافقتی انضمام ایتمه مشدر [۲]. ایشته شهه سز اک چوق بوندن دولاییدرکه مبعوثلر طرفدن شخصی صورتده کفایت مذاکره تقریری ویریلک عادتکی اسکینسه نسبتله آلامشدر. ۱۸۸۷ دن صوکره کی ایلک اون سنه ایچنده مبعوثلر طرفدن سنوی وسطی اولارق آنجق قرق دفعه تکلیف اولوندی. فقط او دوره دن صوکره،

[۱] کفایت مذاکره کک ایلریده ایضاح ایده جکمز میخانیک برشکلی سایه سنده بومقدار ۱۹۰۳ ده اون اوچه تنزل ایتمشدر.
[۲] ۱۸۸۷ دن ۱۹۰۵ سنه سی نهایتنه قدر کفایت مذاکره شخصی صورتده مبعوثلر طرفدن ۵۱۷ کره تکلیف اولوندی. بونلرک ۱۷۸ نده رئیس موافقت ایتدی. دیمک که رد نسبتی بوتون بودوره اثناسنده همان همان ثابت قالمشدر. صوکره سنه لرده برآز تزايد اثری کوسترمشدر.

صوکره اون سنه ده یز موافق رای بولونمادیغدن دولایی کفایت تقریری یالکیز بردفعه عقیم قالمشدر. بو حادثه ۱۹۰۵ ده وقوعه کلدی. انکاتره نک حاکمیتی : ۱۰

وسطی اون ایکی دفعه بیه دوشدی . تکلیف بر ناظر دن صادر اولدینی احوالده بیلر رئیسك موافقت ایتمه دیکی چوق کورولمشدر . بو ایلك سنه لرده صیق صیق واقع اولدی . فقط مؤخر زمانلرده دهآ آزالدی [۱] . بر مسئله نك نه زمان کافی درجه ده مذا کره وتعمیق ای دیلش صایله بیلر جکنی کس دیرمك ایچون حکومت صیراسنك و رئیسك همان همان یکدی کیرینك عینی بر نقطه نظر قبول ای تدکری آشکاردر . تربونلردن مذا کره نی دیکله یین بر سیرجی ایچون مذا کرات مجلسی یوراجق درجه ده فضله امتداد ای دییور کبی کله بیلرده کفایت مذا کره حالا رایه قونماز . قامارا ، کفایت مذا کره تقریرلری کندیسنه عرض اولونورسه بونلری نادراً رد ای دییور . بوده اثبات ای دییور که رئیس کفایت مذا کره تقریرینك رایه عرض ای دیله سنه ممانعت ایده بیلمك صلاحیتنی حائز اولماسه ای دی اکثریت قاماراده کی مذا کراته شیمدیکنه نسبتله دهآ بی رحمانه نهایت چکه جکدی . فقط مذا کرات قامارایه یورغونلق ویره جك درجه ده اوزادینی ، مبعوث صیرالری همان همان بوشال دینی ، نطقلر سویلنمش دیلارک دهآ ضعیف برشکلده تکررندن عبارت برشکلده کلدیکی حالده بیلرینه بر قاق لاقیردی سویله مک فرصتی بکله یین مبعوثلر

[۱] ۱۸۸۷ دن ۱۸۹۶ سنه سی نهایتنه قدر کفایت مذا کره حکومت طرفندن ۳۱۳ دفعه تکلیف اولوندی . بونلرک ۵۲ سنده ریاست موافقت ایتمدی . ۱۸۹۷ دن ۱۹۰۵ تاریخنه قدر ۳۳۸ دفعه تکلیف ای دیلادی . فقط ریاست آنجق ۲۳ دفعه سنده موافقت کوسترمه مشدر .

وارد. بويوك مذا كره لرده، هرايكي طرفده كي باشديجه خطيبرك
صيراسي عموميتله واپلر آراسنده قرارلاشديريلير وجلسه يه
رياست ايدن ذاته بيلديريلير. رئيس عموميتله بوصرايه رعايت
ايدر. فقط آراده بر استثنا ياپديغي ده وارد. بوندن صوكره،
كنديسنگ نظر دقتي جلبه چالیشان، مجلسجه سوزلري ديكله نن
وديكلمك زحمتنه دكهك برشي سويله مه لري محتمل اولان
مبعوثلره سوز ويرير. ايلك نطقني maiden speech ايراد
ايدنه ك مبعوثي اونوتماز. كوزده اولمايان بر مبعوث جلسه نك
قاماراده بك آز غلبه لتي بولونان سونوك و طاتسز بر ساعتني
انتخاب ايدرسه رئيسدن سوز آلمغه موفق اولاييلير. بوكا رنما،
ذكي بر سامعين كتله سي اوزرنده حائر تائير ظن ايتدكلري
بر كوچوك نطق حاضرلامش اولان برچوق مبعوثلر سوز
سويله مك فرصتك كنديلرينه نصيب اولما ديغي كورمكدن ياس
وكدره دوشرلر [۱]. بونلر احتمالكه قفا پاتلاته جق كيمسه لدره.
اونلر ايچون كفائيت مذا كره اصولي بر آفتدر. مبعوثلر ك فردی
حقليرينك الغاسندن آجي آجي شكائيت ايدرلر.

كفائيت مذا كره هر آن، حتي بر مبعوث سوز سويلر كن
بيله، تكليف اولونايلير. فقط احتمالكه بر جلسه نهايتنده
دها موفقيتله استعمال ايديله بيلير. ۱۸۸۸ ده قبول ايديلن

نظامنامه داخلی فقره سی موجب پنجه [۱] ، مذا کرانك انقطاعى
يعنى اصطلاح مخصوص پنجه ايشراك انقطاعى - ساعتى حلول ايتديكى
زمان - مذا كره نك موضوع اصليسى ايله بوكا مربوط سائر
بوتون مسائل حقننه كفايت مذا كره تكليف ايديله بياير .
بواصول ، مذا كراتى كفى وعندى برصورتده ياريم براقبور كى
كورونمهدن برايشى بتيير مك امكاننى تأمين ايدر . ۱۹۰۲ قاعده لرى
موجب پنجه هفته نك درت كوننده هرايكيسى ده بر « انقطاع » ايله
نهایت بولان ايكي جلسه عقد ايديلن دورده بالخاصه بك قيمتدار
بر خدمت ايفا ايله مشدر [۲] .

[۱] اليوم (4) S. O. 1 .

[۲] عموميتله ، كفايت مذا كره اصولك دائمى انجمنده مقبول
اولاندينى سويله نبور (ايلبرت Manual ، § ۸۰ ، نوط و ۱۳۵ ، نوط) .
مع مافيه ، مسائل حقوقيه به متعلق دائمى انجمنده ۱۹۰۱ تموزينك ۱۲ سنده
بوكا مراجعت ايديلشدر . بواصوله قربان اولانلر حادثه يي قانارايه عرض
ايدو جكلى مقام تهديدده سويله ديلر . فقط بونى يانغه بك حقلى اولديغنه
اعتماد ايدو مديلر . (تايس غزنه سنه باقكرز : ۱۷ تموز ، ۱۹۰۱
وبولتقال نوط ، ۱۳ تموز نومروسى . غريبدر كه حادثه دن عبنى
نومروده انشار ايدن انجمن ضبط نامه سنده هيچ بحث ايديله مشدر .)
كفايت مذا كره اصولك دائمى انجمنده قوللانديغنه دائر باشقه مثالار
انجمن ، عوام قاناراسنك انجمن مخصوصنك (اصول مذا كره يه دائر)
۲۵ ميس ۱۹۰۶ تاريخلى ۲ نجى مضبطه سنه باقكرز : Q. 418,420 .
بوسطرلرى يازديغمز تاريخدن صوكره ، دائمى انجمنده كفايت مذا كره
اصولك استمالى نظامنامه داخليده اجرا ايديلن تعديلات ايله تأييد
وقبول اولوندى . يالكرز ، لهنده يكرى رأى بولونق شرطدر .

صريح و واضح بر مسئله حقه ده کی مذا کراته نهایت ویریلک
یا خود بر لایحه قانونیه نک قطع ایتمکه مجبور اولدینی مرحله لرده
بالخاصه مشکل اولان کچیدلردن برینی آتلا تقی خصوصنده کفایت
مذا کره اصولی غایت مؤثر ایسه ده حکومتک ناقابل ازاله
بر مخالفت تولید ایدن بویوک وقاریشیق لایحه لرینک قبولی تأمین
خصوصنده قطعاً غیر کافیدر . بو احوالده اژدرهایه قارشی
هر کولک قیدیچی قدر بهوده در . هر ماده یه یکریمی قدر تعدیل
تکلیف لری طاقیدر یلیر . بری رد ایدیلده دن دیکری اورته یه
چیقار . بعض کله لرك « ماده یه ادخالی » یا خود « لایحه یه فلان
ماده نک علاوه سی » حقه ده کی تقریر لر قطعی بر چاره کبی تلتی
ایدیلش لردی . چونکه بویله بر تقریر قبول اولونورسه صو کره
بو کله لرك ویا ماده نک تعدیلی ایچون باشقه بر تقریر ویریلک امکانی
قالمازدی . فقط فعلیاتده بویله تقریر لره دائماً مراجعت قابل
دکلدره . حکومت ، ۱۸۸۷ ده کی نظامنامه داخلی فقره سنک احتوا
ایتدیکی کفایت مذا کره اصولنک حکمت وضعی اولان لایحه نک
مذا کره سی انناسمنده بو اصولک غیر کافی اولدینی آکلادی
و ۱۸۸۱ ده غلادستون طرفندن ایرلاندا ایچون یاپیلان ایکی تأدیب
قانونی مناسبتیه قولانیلان اصوله مراجعت ایتدی [۱] . قامارا

[۱] غلادستون ، اولجه نیتی قامارایه خبر ویردرک ، ۱۸۸۱

سنه سی شیطانک ۲۱ نده ، ایرلاندا ده حیات و مالک حمایه سی حقه ده کی
لایحه نک بوتون ماده لرینک و تعدیلان لرنینک او اقسام نصف الیلده رایه
قونولماسنی تکلیف ایتدی . بو ، موفقیتله نتیجه لندی . لایحه قانونیه نک

ایرلانداده کی جانیاتلره متعلق ۱۸۸۷ قانوننک ایملک قرائتنه بش کون، ایکنجی قرائتنه یدی کون، یکرمی ماده دن ترکب ایدن بوتون لایحه نك ایملک درت ماده سنه هیئت عمومیہ انجمنده اون بش کون حصر ایتشدی. ایشته اوزمان، حکومت، حزرانك ۱۷نجی کونی اقشام ساعت اوندہ یعنی کله جك هفته نك نهایتندہ رئیسك، آرتق باشقه مذا کره یه مساعدہ و برده دن انجمنده کی مذا کراتی نهایتندیرمک اوزره ایجاب ایدن بوتون مسئله لری رایہ قویماسنی تکلیف ایتدی [۱]. تکلیف قبول اولوندی و کسوب آتیجی اولماسدن دولایي «کیوتین» نامی آلدی. تکلیف مقصدی تأمین ایتدی. فقط پارلمنتو مذا کراتی نقطه نظرندن پك ناقص برآلت تشکیل ایدیوردی. چونکه آلتنجی ماده دن صوکره کی بوتون ماده لر تعدیل سر، مذا کره سر رایہ قونولمشدر [۲].

کیوتین اصولنه بولونان قصور، لایحه لرك ایملک ماده لری حقندہ، دیگرلرینک ضررینه اولارق، بهوده یه اوزون اوزون مناقشه لر تولید ایتمه سی ایدی. ۱۸۹۳ هوم رول قانون لایحه سی

بارچه بارچه
کفایت
مذا کره

مضبوط مرحله لرندہ ده عینی اصول تطبیق اولوندی. (Hans, 3 Ser. CCLVII, 1092, 1344, 1392, 1472, 1608, 1665, 1675) عینی اصول برقچ کون صوکره ایرلانداده محافظه آسایش لایحه قانونیه سنه ده تطبیق ایدیلشدر Hans, 3 Ser. CCLIX 657, 659, 691-95, 997, 740, 762-765.

Hans, 3 Ser. CCCXV, 1594 [۱]

[۲] کذا، ۸۸ - ۴۸۴, CCCXVI.

مناسبتيله بومحدوره چاره بولوندى . ايلك درت مادهيه انجمن
 حالنده يكرمى سكر اقسام تخصيص اولوندقن صوكره ۵-۸ نجى
 ماده لره ۶ تموزده ، ۹ - ۲۶ نجى ماده لره ۱۳ تموزده ، ۲۷ -
 ۴۰ نجى ماده لره ۲۰ تموزده وتفريق ايديلن ماده لره يكي ماده لره
 ۲۷ تموزده نهايت ويريله جكي حقهده حزيرانك اوتوزنده قرار
 ويريلدى [۱] . بعضاً پارچه پارچه كفایت مذا كره Closure
 by Compartments ناميله ياد ايديلن بواصول ، مذا كره ني
 بر لايحه نك مختلف قسملى اوزرينه داغيتمق وعمومى علاقه دار
 ايدن بر نقطه نك هيچ اولمازسه بر درجه يه قدر تدقيق ايديله سي
 احتمالى تأمين ايله مك كى محسنانى حائزدر . ۱۸۹۴ ، ده يرلرندن
 چيقاريلان اراضى مستأجرلى لايحه قانونيه سي [۲] ، ۱۹۰۲ ده ده
 معارف قانونى مناسبتيله [۳] تطبيق اولوندى . ارتق بونك منتظم
 بر اصول حالنه كمش اولدينى سويله نه بيلير . چونكه مشكل وشدتلى
 اعتراضاته معروض لايحه لرده ضروريدر . فقط ، بودجه مسئله سي
 استثنائى ايديليرسه بواصول ، استثنائى كى تلقى اولونان احواله
 ويريلن بر قرار اوزرينه تطبيق اولونمشدر . قامارانك دائمى
 نظامنامه داخليسى ميانه كيرمه مشدر [۴] .

Hans. , 4 Ser. XIV , 590 [۱]

Hans. , 4 Ser. XXVII 1410 - 1446 [۲] . بونده ، ايلك دفعه

اولارق ، تقرير ، مضبطه مرحله سنه تعلق ايديبوردى .

[۳] كذا ، CXIV ، ۷۳۵ - ۷۳۸

[۴] بواصولك الكسوك وتام برمثالى ۱۹۰۷ ده قواى مستحفظه

واحتياطيه قانونى مناسبتيله كورولدى .

تخصیصات
حقننده کفایت
مذاکره

کیوتین ، بودجهیه دهامتنظم صورتده تطبیق اولونمشدر .
وقتیه تخصیصات طلبلری صیرا ایله مذاکره ایدیلردی . نتیجه سی ده
دوره اجتماعیه ابتدالرنده ، برنجی صنفه داخل قرال سرایلرینک
تعمیری کبی اهمیتسز شیر ایچون برچوق زمان غائب ایتمکدن
عبارت اولوردی . حالبوکه مهم نظارتلرک مهم تخصیصاتلری نهایتیه
ایرمش بر دوره اجتماعیه صوکننده اوستون کوری چیقاریلردی [۱] .
فقط ، مستربالفورک اصراری اوزرینه ، ۱۸۹۶ ده قامارا دوره
اجتماعیه لره عائد بر اصول قبول ایتدی . بوکانظراً ، دوره اجتماعیه نک
یکرمی کونی تخصیصاتلرک مذاکره سنه حصر اولونا جقدر .
یکرمی کونک ختامنده هنوز مذاکره لری اکمال ایدیله مش اولان
تخصیصات آرتق هیچ مذاکره ایدیله دن رایه قونولا جقدر .
مستربالفور بونک قامارا طرفندن اولجه تخصیصات مذاکره
تخصیص ایدیلش زمانک وسطیسنه توافق ایندیکی مطالعه سنده
ایدی [۲] . تخصیصات قره دیلری ، بر لایحه قانونیه نک ماده لرینه
بکزه مه یه رک ناظرک انتخاب ایتدیکی صیرایه کوره موقع مذاکره
قونولابیله جکی ایچون ، پارچه پارچه کفایت مذاکره اصولنی
تطبیقه حاجت یوقدی . فقط ، مستربالفور حکومتک بعض
تخصیصاتلری بر طرفده مذاکره دن اوزاق طومتغه تشبث ایتمه سی
قورقوسنی ازاله ایتک ایسته یه رک مهم تخصیصاتلرک ومبعو ثلردن

مرکب بر زمره نك مذا كره سنی طلب ایندكاری تخصیصاتلرك
هپسینه تقدم ایده جكنی بیان ایله مشدر [۱]. بوقرار هر سینه تجدید
اولوندی [۲]. نهایت ۱۹۰۲ ده قبول ایدیلن یکی قاعده لر
موجبجه ، قامار انك دائمی نظامنامه داخلیسی میانه ادخال
ایدیلدی [۳].

شمدیکی قاعده موجبجه ، ۵ آغستوسه تقدم ایدن یکریمی
کون [۴] ، تخصیصاتلرك مذا كره سینه حصر اولونمشدر [۵].

[۱] کذا ، ۷۲۸ - ۷۳۰ .

[۲] هنوز تدقیق و مذا كره ایدیلهمش تخصیصاتی مجلسك رد
ایتمه سی وارد خاطر اولاماز . فقط رأى طولانیکن آیریله صورتیله
رایلر طولیلامه اصولنه لزومسزیره سراجعت ایدیله بیلیردی . بونخصیصاتلرك
عددی عمومیتله یوزه بالغ اولدیفنندن دهلیزلره چیقمق ایچون صوك
كونده اسراف ایدیله جك زمان پك فضلله اولانیلیردی . بو محذوردن
اجتناب ایچون ۱۹۰۱ ده بر قاعده قبول ایدیلدی . تثبیت ایدیلش
اولان زمان نهایت بولونجه هر هانکی بر صنفده قالمش بوتون تخصیصاتلر
هپ بردن رایه قونور . Haus. , 4 Ser. XCVIII , 1619 - 1620
S. O. 15 [۳]

[۴] خصوصی برقرار ایله بوکا ارچ کون علاوه ایدیله بیلیر .
[۵] بونلر موقت تخصیصاتلری احتوا ایدرلر . فقط موقت تخصیصاتلری
محتوی اوچ سلسله دن هر بری ایچون آنجق بر کون تخصیص ایدیله بیلیر .
هر سلسله نك مضبوطه سی ایچون ده یالکیز بر جلسه یعنی ، یاریم کون
آیریلیر . تخصیصات منضمه یه تخصیص ایدیلن کونلر بو یکریمی کون
ایچنده داخل دکلدرلر . « رئیسك ریاست قولتوغنی ترك ایتمه سی »
حقننده کی تقریر اوزرینه مجلسك رأى وبره جکی کونلرده خارجدر .
چونكه بو کونلر حقیقتده بودجه یه دائر رأى ویرمه دکل حکومت حقننده
عمومی تنقیدات اجرا سینه حصر اولونورلر . جمعه کونکی قیصه جلسه
بر یاریم کون دیبه حساب اولونور .

بوصورتله تشیت ایدیلش اولان کونلرده قامارا نصف الیدن اول باشقه هیچ بر مسئله یی تدقیق ایده مز [۱]. صوک کوندن بزکون اول ، اقشام ساعت اوده ، رئیس اوصیراده موقع مذاکرده بولنان تخصیصاتک تدقیقنی اکال ایچون ایجاب ایدن بوتون مسئله لری رایه قویتمه مجبوردر . صوکره متعاقباً ، صنف صنف ، متباقی بوتون تخصیصاتلری رایه وضع ایدر ، هر صنفده کی تخصیصاتی تک بر قلم اولارق مجلسه عرض ایلر . صوک کون آقشام ساعت اونده رئیس تخصیصاتلرک مضبطه مرحله سی اکال ایچون ده عینی اصولی تعقیب ایدر .

بوکون بودجه مذاکره سنک غایه حقیقیسی مسائل مالیه یی مناقشه ایتک دکلدر . تخصیصاتلری تدقیقه صیرا کلدجکه ، فعالیتلری کوزدن کچیریلن مختلف شعبات اداردی تنقید ایتمکدر [۲] . بونقطه نظر دن ، یکی اصول پک کوزل ایشله مشدر . حکومتک آرتق هانکی تخصیصات مناسبیله مذاکره جریان ایده جکی انتخاب ایتهدیکندن شکایت اولونیور . بونقطه نک تعیینی حکومت مخالفته بر اقصدر . مذاکره نک اوزاماسنه و بوتخصیصاتلرک قبولی حقنده بر رایه منجر اولوب اولماماسنه حکومتک لاقید قالماسی ده موضوع شکایت اولیور . چونکه حکومت ، بوتون بوتخصیصاتلرک

[۱] بو ، خصوصی قانون لایحه لرینه ، اصل روزنامه یه باشلانادن اول کچن مسائل و خصوصاته قابل تطبیق دکلدر .

[۲] ۱۸۹۶ ده قاعده حقنده جریان ایدن بر مذاکره ائاسنده مستر

يکرمنجي کون خنامنده کفایت مذاکره اصولک تطبیقی نتیجه سنده قبول ایدیله جککرینی پک اعلا بیلیر [۱]. بوشکایت پک دوغرودر. فقط بوکا مقابل، بواصول، اداره نی تنقید و حکومتی شکایتلرک تدقیق و مناقشه سینه مجبور ایلهمک خصوصنده بویوک بر امکان و فرصت تأمین ایله یور. منقدر موضوعلری انتخاب خصوصنده سربست بولونیورلر. مخالفت، وظیفه سی ایجابندن، بوقاعده نك بعض قسملرینک قبولنه قارشى مقاومت ایتمش اولمقله برابر قاعده نك استقباله هیچ بر حکومت طرفندن الغا ایدیله یه جکی بر صورت قطعیه ده تأمین اولونا بیلیر.



اوز آلتنجی باب

عوام قاماراسنده اصول

مجلسه لریه ایشلرک صیراسی

قانون وضع ایتمکده کی اصولی تعریف ایتد کدن صوکره، هر کونکی ایشک و بردوره اجتماعیه هاند بوتون ایشلرک صیراسی حقننده برقاچ لاقیردی سوبله مک لازم کلیور. الیوم، مجاس، بازار ایرته سی، صالی، چهارشنبه و پنجشنبه کونلری ساعت اوچه چاریک قاله طوپلانیر واون بر بوچوغه قدر دوام ایدر. اودقیقه حلول ایدنجه، بوقاعده دن صورت مخصوصه ده مستثنا طوتولمش بر مسئله موقع مناقشه ده دکلسه، کنیدیلکندن میخانیکی صورتده تعطیل ایدیلیر. فقط جلسه ساعت سکزی چاریک کچه فاصله نظریه سی ایله ایکی قسمه آیریلشدر. بونلر بعض کونلر بوتون بوتون باشقه جنس ایشلره تخصیص اولونمشدر. جمعه کونی، مجاس اوکله دن ساعت بش بوچوغه قدر انعقاد ایدر. جمعه ایرته سی کونی هیچ طوپلانماز. بو، آنجق غایت نادر احوالده برقرار مخصوص ایله وقوعه کلیر [۱].

قامارانک
جلسه لری

[۱] ۱۸۸۸ تاریخته قدر، بازار ایرته سی، صالی، پنجشنبه و جمعه جلسه لرینک معتاد انعقاد ساعتی درده چاریک قاله ایدی. فقط،

برآزدن بحث ایده جکمز استئنا خارج اولق اوزده ،
مجلسی اشغال ایده بیله جک هرايش، جمعه کونی اوکله دن صوکره
ایشلرک
انقطاع
اوغراماسی

معین بر ساعتده مجلسک قاپانماسی حقننده بر قاعده اولمادینی ایچون ،
بر مسئله نك مذاکره سی الی نهایه دوام ایده بیلیردی . فی الحقیقه ،
بوتون بر کیجه امتداد ایتمش جلسه لر صیق صیق کورولدی . ۱۸۷۹ ده
قبول ایدیلن بر نظامنامه داخلی فقره سی موجبجه ، اعتراضه اوغرایان
هیچ بر مسئله نك ، صورت مخصوصده استئنا ایدیله مش اولورسه ،
نصف اللیلی یاربم ساعت یکدکدن صوکره مذاکره سنه باشلانمازدی .
فقط بوقاعده ، اودقیقه ده دوام ایدن بر مذاکره نك انقطاعنی ایجاب
ایتمزدی . کچ وقتده قدر دوام ایدن جلسه لرک تولید ایتدیکی یورغونلق
دولایسیله (Life in Parliament, 184-85: Temple) ۱۸۸۸ ده بر
نظامنامه داخلی فقره سی قبول ایدیلدی . بودرت کون ایچون انعقاد
ساعتی اوچه قرارلاشیرلدی و نصف اللیلده ، مذاکره ایدیلکده
اولان مسئله نك، خصوصی بر استئنا قراری اولمادجقه ، تعطیل ایدیله سی
اصول اتخاذا اولوندی . او ساعتدن صوکره ، اعتراضی دیگر هیچ
بر مسئله نك مذاکره سنه باشلانما یققدی . مجلس نهایت صباح بردن
صوکره یه قالمایه یققدی . چارشنبه جلسه لرینک ساعتی ، اولکیسی کی،
اوکله دن آلتی نه قدر بر اقلدی .

بر مدتدن بری ، بالخاصه دوره انعقادیه لرک صوکلرینه دوغرو
بعضاً بر کونی ایکی جلسه یه آیرمق عادت اولمشدی . برنجیمی ساعت
ایکیده باشلاردی و صباح جلسه سی نامنی آلیردی . ۱۸۸۸ دن
صوکره بوایکی جلسه نك بالخاصه صالی وجعه کونلری ایکییدن یدییه ،
دوقوزدن نصف اللیله قدر دوام ایتمه سی قرارلاشدی (۷ مارت ۱۸۸۸
تاریخی S. O.) .

هر کون نك وقتنده اولدجقه اوزون بر فاصله ایله آیریش ایکی
جلسه یققدی اصولی ، ایلك اجتماعه اوکله دن صوکره کندی ایشلرله

ساعت بشده وسائر کونلر ساعت اون برده انقطاعه اوغرار . فقط اعتراضه اوغرامایان مسئلهلر تعطیل ساعتی حلول ایدنجهیه قدر موضوع بحث ایدیله بیلیرلر . بوفاصله ائناسنده روزنامه مذاکره قرائت اولونور . نوکاداخل موادک هربری مناقشه ، بوبابده

یاخود مسلککرینک ایجاباتیله مشغول کیمسهلر ایچون چرق مزعج بر ساعتده باشلامای ایجاب ایتمکله برابر پک آشکار بر طاقم محسنات عرض ایدیوردی . ۱۹۰۲ ده آرتق عمومی بر اصول حالنه کلدی . اوناریخده نظامنامه داخلی فقراتی اساسلی صورتده تعدیل ایدیلدی و بالخاصه جلسهلر و روزنامهلری مسئلهسی دکیشدیریلدی . مبعوثلرک « هفته صوکی » دنیلن زمانی شهر خارجنده کچیرمه لرینی تأمین ایچون ، قیصه جلسه چارشنبه دن جمعهیه نقل ایدیلدی . اوکون مجلس اون ایکیده طوپلانیوردی وساعت آلتیده کندیلککندن ، میخانیککی صورتده تطیل اولونیوردی (S. O. 2) . دیگر درت یوم مساعینک هربری اوکلدن صوکره جلسهسی ایله آقشام جلسه لرینه آیریلدی . برنجیسی ایکیدن یدی بوچوغه ، ایکنجیسی دو قوزدن صباحک ساعت برینه قدر دوام ایدردی (S. O. 1) . نهایت ، ۱۹۰۶ ده ساعتلرده یکیدن بردکیشکلک یاپیلدی . فقط طرز مساعیده هیچ تعدیلات وقوعه کلمه دی . مجلسه او قدر ارکن کلک محذورینی ازاله ایچون جلسه نک کشادی بازار ایرتهسی صالی ، چارشنبه و پنجشنبه کونلری ساعت اوچه چاریک قالدیه تثبیت اولوندی . غائب اولان زمانک بر قسمنی تلافی ایچون ، یمکه تخصیص ایدیلن بر بوچوق ساعتک فاصله نک قالدیرماسی تکلیف ایدیلدی . بناء علیه اوکونلر متادی نک بر جلسه واردر . فقط ایشلرک صبراسی ایکی جلسه وار ایش کبی تنظیم اولونمشدر . بر جلسه دن دیگرینه انتقال ساعت سکزی چاریک کچه وقوعه کلیر . جمعه کونکی تعطیل ساعتده عینی تاریخده بش بوچوغه قدر اوزاتیلدی .

رأیه مراجعت اولونمق قابلدرد. « آریله » طریقيله رأی طویلانماسی طلب ایدیلیرسه یاخود بر مبعوث طرفندن اعتراض درمیان اولونورسه بوکا کوره حرکت ایدیلیر [۱]. حاصلی ، مجلس انقطاع ساعتندن صوکره آنجق عمومک موافقتی ايله چالیشمقده دوام ایده بیلیر . تک بر مبعوثک بيله ، معارض بولوندیغی بر پروژهنک تدقیقه کیریشلمه سنی منع ایتمکه حق واردر . بویه اولمقله برابر ، ایشک بر مقداری اوصیراده کورولور . حقیقته مبعوثلر طرفندن صورت خصوصیه ده تکلیف ایدیلن لایحه لر ، بو دقیقه دن استفاده ايله مذاکره نک بعض صفحه لرینی آتلامق امکائی بولماسه لردي ، جدی بر مخالفت اولماسه بيله ، موافقته اقتران ایتمک امکائی زور الده ایدرلردی .

استثنای ساعته اون بردن صوکره ، مختلف فیه مسئله لره مذاکره سنه کیریشمه یی منع ایدن قاعده نک مهم بر استثناسی واردر . برناظر ، اوکله دن صوکره جلسه سنک بدایتده معین بر مذاکره نک اوساعته انقطاعه اوغرا ماماسنی تکلیف ایده بیلیر . بو تکلیف بلا تعدیل وبلا مناقشه رأیه قونولمق لازمدر . بو ، اکثریا بر دوره اجتماعیه نهایتلرینه دوغرو یاپیلیر . بونک نتیجه سی اولارق ، جلسه لر کیجه کیچ وقته قدر دوام ایدر . انقطاع ، ساعت

[۱] مای ، ۲۰۹ . صرف شکله عائ اولان مسئله لرله قامارانک اولکی مقرر اتندن صورت طبعیه ده نشئت ایدن سائر مسئله لره ، مانعته رغماً ، مذاکره لرینه باشلانابیلیر . مای ، ۲۱۰ .

اون بردن صوکره مختلف فیه مسئله لک مذا کرده سنه مباشرت ممنوعیتی و اون بر بوجوقده تعطیل لزومی [۱] حقنده کی قاعده لردن طرق و وسائط الحظنه مودوع لایحه لرله بر قانون یاخود بر نظامنامه داخلی فقره سی موجب بنجه موقع اجرا به قونولنس [۲] مذا کرات ده مستناد لرلر . انقطاع ساعتی حلول ایتد کدن صوکرده کفایت مذا کرده نک تمکلیف ایدیله بیله جکی اونو تمام لیدر [۳] .

هر کونک ایلک جلسه سی برده ایله آچیلیر . صوکره ، رئیس مقام ریاسته کچر . شکله یاخود کوره نکه عائد و پک آز بروقت اشغال ایدن بعض ایشلر آتیده کی صیرایه کوره رؤیت ایدیلیر .

بر کونده کی
ایشلرک
صیراسی

[۱] (۸)، (۷)، (۵)، (۳)، (۲) S. O 1 ایلبرت Manual § ۳۵-۳۹ .
عسکرلک حقنده کی قانون سنوی دائما بوقاعده دن مستثنا تلقی ایدیلیدر .
کذا ، § ۳۶ ، نوط .

[۲] نظامنامه لر Statutory orders حقنده کی مذا کرات بو نوعه داخلدر . تعلق ایتدیگی قانونده ، عمومیتله کورولدیگی اوزره ، نظامنامه نک پارلمنتویه تودیع ایدیله جکهنه وقامارلردن بری مخالف رأی ویریرسه موقع اجرا به قونولمایه جفته دائر صراحت واردر . قاعده نک بو استثناسی اولماسه ایدی مجلس ، بوقبیل برقرار اتخاذا ایلک فرصتی فعلیایده بولامازدی . یوقسه حکومتک ، مالک اولدینی زمانک برقسمی بواوغورده فدا ایتکه راضی اولماسی لازم کلیردی . ایلبرت ، Manual § ۳۶ ، نوط .

[۳] (۴) S. O. 1 باشلامش اولان « آیریله » معامله سی انقطاعه اوغرایاماز . ایلبرت ، § ۳۵ ، نوط .

۱. خصوصی ایش، یعنی شخصی ویا محلی منافعہ متعلق قانون لایجھلری. اولاً، هیچ اعتراض دعوت ایلمه‌ین و بناءً علیہ بر زمان اشغال ایتمه‌ین خصوصی ایشلرک تدقیقنه کیریشیلیر .
اعتراضی موجب اولان خصوصی ایشلر هیچ بر زمان جمعه کونی مذاکره ایدیلز . دیگر کونلر ساعت اوچده اتمام ایدیلزلرسه ، طرق و وسائط انجمنی طرفندن تعیین ایدیله‌جک برکونده ساعت سکیزی چاریک کچه‌یه تعلیق اولونورلر [۱] .

۲. عمومی استدعا و محضرلرک عرضی (رئیسک قولتوغنک آرقه‌سنه موضوع برطوربایه قوناجق یرده شفاهاً عرض ایدیلورلرسه) . قاعده‌ عمومی‌ه اولارق، بوبابده هیچ بر مناقشه‌یه مساعدده ایدیلز . بناءً علیہ بومعامله‌ده قیصه‌در [۲] وساعت اوچ بوچوقده بیتیریلش اولوق لازمدر [۳] .

[۱] بوسورتله تعلیق ایدیلش خصوصی ایش، حکومتہ تخصیص قلمش اولان کونلرله خصوصی مبعوثلره آیریلان کونلره ممکن اولدینی فدر مساوی صورتده تقسم ایدیلک لازمدر . S. O. 8 ؛ ایلبرت ، § ۵۰ . خصوصی قانونلرک اصول مذاکره‌سی آشاغیده ، ۲۰ نجی بابده ایضاح ایدیله‌جکدر .

[۲] ایلبرت ، § ۵۱-۵۲ ، ۴۷ نوط ؛ S. O. 76-80

[۳] بک نادر بعض احوالده خصوصی برشکایت مستعجله موضوع بحث اولورسه بر مذاکره جریانته مساعدده ایدیله‌بیلیر . ایلبرت ، § ۵۳ (۶) .

۳. اوکله دن صوکره کی جلسه لرك بو آننده ناظرلره ایراد ایدیلش سؤالر مسئله مهمه سی باشلار [۱] . بو سؤاللرک اوصافی و تأثیرات سیاسیہ سی اون سکرنجی بابدہ تدقیق ایدہ جکزه فقط ، پارلمتوده اشغال ایتدکلری زمان مناسبتیلہ شوراسنی سویله مک اقتضا ایلرکه اوتوز سنه دن بری بو سؤالر بعض تحدیداتی ایجاب ایدہ جک درجه ده انکشاف ایلہ مشلردر . ۱۹۰۱ ده ۷۱۸۰ سؤال ایراد اولوندی . بونلر ۱۱۹ ساعت اشغال ایتدی که هر بری سکز ساعتک اون بش پارلمتو جلسه سنه معادلدر [۲] . ۱۹۰۲ ده وضع اولونان یکی قاعده لر بو میلانی ایکی واسطه ایلہ ازاله یه چالیشیرلر : برطرفدن مبعوثلره شفاهی ویا تقریری جواب طرزندن برینی اختیار صلاحیتی ویریرلر . برنجی تقدیرده سؤالک اوزرینه لیسته ده ییلدیز اشارتی قونور . دیکر طرفدن سؤال ایرادی ایچون تخصیص ایدیلش زمانه قطعی بر حد قونولمشدر . سؤال ایرادی ایچون آیریلان زمان قرق دقیقه دن عبارتدر . ساعت درده چاریک قالدن اول کچه مهین سؤاللرک جوابلریله ییلدیز اشارتی حاوی اولمایان سؤاللرک جوابلری او کونکی رأیلرله برلکده طبع اولونورلر [۳] .

[۱] S.O.9 ؛ ایبارت ، § ۵۵-۶۰ . جمعه کونی شفاهی جواب ایسته یین سؤالار ایراد اتمک عادت دکلدر . ایبارت ، § ۵۶ ، نط .

Hans. 4 Ser. CI, 1353 [۲]

[۳] مکرکه ناظر حاضر بولونما یوبده جواب ویرمه مش اولسون . یاخود ماهیتی اعتباریلہ مستعجل بر مسئله لیسته یه قید ایدیلہ مش اولسون .

S. O. 9 (3)

۴. ساعت اوچدن اول ياخود سؤالرك ختاميله ساعت درده چاريك قاله آراسنده بوش بروقت قاليرسه بو، اعتراض اوغراماش اتخابله، ماذونيت طلبرينه ومختلف فيه اولمايان نوقيل سائر ايشلره تخصيص اولونا بيلير. يوقسه بونلر آنجق ايشلرك انقطاعه اوغراماسندن صوكره تسويه ايديله بيليرلر [۱].

۵. سؤالردن صوكره، هر مبعوث بولونديغي يرده آياغه قالقارق « مستعجل بر اهميت عموميه سي آشكار بولونان معين بر مسئله نك مناقشه سي ضمنتده قامارئك تعطيلي » تكليفني درميان ايده بيلير [۲]. بو، بر سؤاله ويريلن پك آز موجب اطمنان بر جوابك معتاد فقط غير ضروري بر نتيجه سيدر. مجلسك جدی ايشي باشلامدن تعطيل تكليف ايديله بيلمه سي غريب كوردونور. فقط يكرمي سنه يه ياقين بر زماندن بری بويولده كي تكليفلرك هيچ بری قبول ايديله ديكي ايچون تفرعاه عائد بو نقطه نك بر اهميتي يوقدر. ذاتا، ۱۸ نجی بابده بوتكليفك اصل غايه سي حكومتك بر حرركتي ياقين بر زمان ايچنده موضوع مناقشه ايتمكدن عبارت اولديغني ايضاح ايده جكز. وقتيله، تكليف حقتنده كي مذاكره در حال باشلاردی. فقط شيمدی مبعوث، قرق اعضانك مظاهرتيله ياخود قامارئك قبوليله تقرير تكليفني ويرمك حقني

[۱] فعلیاتده قسمی بر انتخاب بويورديسنك اصدارني طلب ايدن بر تقرير، سؤالره تقدم ايدر. يكي بر مبعوثك تقديمي سؤالردن صوكره

كلير. ايلبرت، § ۴۷، نوط.

اكتساب ايديور ومذا كره سكزي چاريك كچه يه تعلق اولونيور .
 ۶. صو كره ، «عمومي ايشلر ك بدايتنده مذا كره سنه باشلانان
 مسائل » ديدكلري شيلر كليور . بونلر قامارئك بر مساعده
 مخصوصه سي اولمادن ياخود اون دقيقه قاعده سنه توفيقاً بر طاقم
 لايحه قانونيه لرك توديعندن و بلا تعديل و بلا مذا كره اتخاذا
 ايدئك لازم كلن مقررات حقنده بر ناظر طرفندن وقوع بولان
 تكليفلردن عبارتدرلر .

۷. نهايت جلسه نك اصل ايشنه صيرا كلير . بوده تقريرلر
 ليستهي و روزنامه مذا كرات حالنده منظور اولور . بو ايكي
 نوع مذا كرات آرا-سنده كي فرقي واضح و قطعي بر صورتده
 ايضاح ايتك قولاي برشي دكلدر [۱] . فقط بونك بزم تدقيقات
 ايچون بر اهميتي يوقدر . يالكيز شوني سويله مك اقتضا ايدر كه
 بوصفيلردن بري ديكرينه تقدم ايدر . حكومت كندينه عائد
 ايشلر ك صيراسني كندي بيلديكي كي ترتيب ايتك حقنه مالكلدر [۲] .

[۱] ايلبرت ، § ۴۱ ، بوط . ته نيك لسان ايله ، بر روزنامه
 مذا كرات ، مجلسك قراريله معين بركون ايچون ترتيب ايديلش بر
 مذا كره در . تقريرلر ليستهي ، مجلسك قرارى اولمادن ، بر مبعوثك
 مراجعتي اوزرينه اوكون قيد ايديلن بر تقريردر . فقط شيمديكي
 نظامنامه موجبنه ، مجلسك روزنامه سي چوق كره رأى طوپلانمادن ،
 حتى رأى طوپلانماسنه وسيله چيقمادن ياپيليور . بو اصول ، حقيقتده
 تقريرلر ليسته سنه پك بكي زيور . مع مافيه ، آراده كي فرق ، مختلف
 جنسدن مذاكراتي بر تصنيف واسطه سي اولاق اوزره باقيدر .

فقط ، شخصی صورتده مبعوثله کلنجه ، روزنامه مذاکرات
قانون لایحه لرینی کوستیر . تقریر لر لیسته سی notices of
motion ایسه بر لایحه قانونیه اولمایان مقرراتی وسائر تکلیفاتی
بیلدیرر . فعلیاتده فرق شو اولور : شخصی صورتده مبعوثله
تخصیص اولونان جلسه لرایچنده جمعه کونی اونلرک لایحه قانونیه لرینه ،
صالی ایله چهارشنبه کونلری ساعت سکزی چاریک کچه دن
صوکرده اونلرک سائر تقریر لرینه آریلش دیمکدر [۱] .

ساعت سکزی چاریک کچه ایلک باشلانان ایش ، اوکله دن
صوکرده کی جلسه ده ، اقشام اوزری درمیان ایدیلک مساعده سی
اکتساب ایدیلش بعض نادر احوالده ، عمومی علاقه دار ایدن
مستعجل بر مسئله مناسبیه ویریان تعطیل تکلیفک مذاکره سیدر .
بوندن صوکرده ، تعلیق و او آقشامه تثبیت ایدیلش اولان خصوصی
ایش کلیر . نهایت تقریر لر لیسته سنه و روزنامه مذاکره باشلانیر .
بعض مذاکره معین بر زمان تخصیص ایدن یکی اصول
سایه سنده مجلسک ایشی بالنسبه ده ائی توزیع اولونمشدر .
وقتیله اولدینی کبی ، خصوصی بر لایحه قانونیه نک مناقشه سی
یاخود بر تعطیل تقریرینک مذاکره سی یاخود بیتوب توکنمک
بیلمز بر سورو مسئله لرک ، مجلسک اک غایه لوق اولدینی ، فرقه
رئیس لرینک مهم بر مسئله یی مذاکره حاضری اندقلری بر ساعتده
بردن بره ساعات مساعینک بویوک بر قسمنی اشغال ایتهلری

تهلکه سی آرتق موجود دکلدر . اوکله دن صوکره جلسه سنده
 کونک معتاد مشاغله درده چاریک قاله یاخود پک آز صوکره
 باشلانیر . ایش سکزه چاریک قاله یه قدر بلا انقطاع دوام ایدر .
 او ساعتدن صوکره ، چوق کره پک فضلہ بر وقته احتیاج
 کوسترمه ین و مختلف فیه اولمایان خصوصی بر لایحه قانونیه یاخود
 تصادفاً بر تعطیل تکلیفی بولونمازه ، معتاد ایشه تکرار باشلانیر .
 بونک اوکله دن صوکره کی ایشک مطلقاً عینی اولماسنه حاجت
 یوقدر . مذاکره اون بره قدر دوام ایدر . خصوصی بر شینه
 انتظار ایدیله یورسه جلسه لره پک سیرک دوام اعتیادی و حکومت
 صیراسنی علاقه دار ایده جک صورتده بر رأی طوبالاندینی زمان
 مبعوثلرک چوق مقدارده حاضر بولونمالری لزومی کوز اوکنه
 کتیریلیرسه بر جلسه نك پروغرامنی اولدن بیلیمک غایت مهم بر
 نقطه تشکیل ایتدیکی تسلیم اولونور .

ایشته ، مجلسک وقتنی اسرافدن وقایه ایتمک لزوم مبرمی ،
 هر جلسه نك ساعتلرینی معین بر نوع ایشه تخصیص ایتمک یولنده کی
 موشکافانه مساعیه احتیاج کوسترمشدر . عینی سبب دوره
 اجتماعیه نك هیئت عمومیه سنده ده ایشلری بالنسبه ده از قطعی
 بر صورتده فقط عینی صورتله توزیع لزومنی تولید ایله مشدر .

دوره اجتماعیه ده بارلمتونک دوره عادیة اجتماعیه سی شباط ابتدالرینه دوغرو
 ایشلرک صیرایی باشلار . ایلک ایش نطق افتتاحیه جواباً عریضه تشکریه تنظیم
 ایتکدر . بو ، وقتیه مفصل بر مذاکره نتیجه سنده وقوع

بولوردی . قراک نطقنك هر پارچه سنه بر برینی متعاقب مقابله ایدیلیردی . فقط ۱۸۹۰ تاریخندن بری ساده جه عوام قاماراسنك ذات حضرت حکمداری طرفندن ایراد بویوریلان نطق ملتفتانه یه قارشی تشکراتی افاده ایدن تك برقرار حالنه منقلب اولمشدر . مخالفتنك مختلف زمردلری قراره علاوه شکلی آلتنده تعدیل تکلیفلی ویریرلر . اجرا ایدیله مسی لازم کلن برطاقم شیرلی یایدیغندن و اجرایی ایجاب ایدن بعض شیرلی ده یامادیغندن دولایی حکومت مؤاخذه ده بولونورلر . حتی کندی ایسته دکلی شیرلی اهل ایتدیکندن دولایی حکومت علیهنده برحسب سله یین اکثریت اعضاسی بیله بوکا بکزر بروضیت طاقینیرلر . عریضه جوابیه مذاکراتی فعلیاده قاماراك ایلک ایکی اوج هفته سنی تماماً اشغال ایدر [۱] . بومذاکرات بیتنجه تخصیصات انجمنی تشکیل اولونور . انجمن هفته ده بر یاخود ایکی کون طوبلانیر . متباقی جلسه لر خصوصی صورتده مبعوثلر طرفندن تکلیف ایدیلن لایحه لره تخصیص اولونور .

واضع قانونلرده امید متصل یکیدن تازده لیر . هر مجلس

[۱] ردلیخك مطالعاتنه کوره ، (Recht und Technik ۳۱۵ - ۳۱۶) نطق ، عمومی بروصف سیاسی حائز اولدینی ایچون ، مذاکرات و تعدیلات هیچ برقاعده ایله تقیید ایدیله مشلدر . هر دورلو شکایاته یاخود تمایلات سیاسییه ، کدک حکومتک بوتون سیاست خارجییه و داخلییه سنه تعلق ایده بیلیرلر . ردلیخك بیاناتنه نظراً ، ۱۸۸۰ تاریخنه کلنجه به قدر مذاکرات نادراً ایکی کوندن فضلہ سورردی ؛ فقط اوتاریخندن سوکرمه بوکا تخصیص ایدیلن جلسه لرك عددی آلتی ایله اون آلتی آراسنده تحول ایشدر .

کمال اعتنا ایله یامقندن عاجز قاله جفی مقدارده ایشلره قالقار .
 بونک نتیجه سی اولارق بعض مجلسلرده ، دوره اجتماعیه صوکلرینه
 دوغرو برچوق قانونلر بلانماقشه ، قارما قاریشیق قبول ایدیلیر .
 بو کیفیت انکلترده پارچه پارچه کفایت مذاکره اصولی
 و تخصیصاتلرک مذاکره سی طریق سیایه سنده بعض قانون ماده لری
 و برچوق تخصیصات طلبلری حقنده وارد ایه ده قانونلرک هپسی
 حقنده عینی شی سویله نه مز . پارلمنتو ، قانون چیقاران برما کنه
 اولمقدن زیاده برنجی درجه ده برمذاکره مصارعه کاهیدر . اولدجه
 اطرافلی صورتده تدقیق ایده مه یه چکی لایحه لردن صرف نظر ایدر .
 هر سنه ، پانت قوت تعطیلندن صوکره ، مجلسک لیدری ، زمانک
 عدم مساعدنه سندن دولای حکومتک فلان ویا فلان لایحه یی
 ترک ایتک مجبوریتنی حس ایله دیکنی بیلدیرر . بوبیاناته « قتال
 معصومین » نامی ویریلیر . فقط ناظرلر یالکیز کندی لایحه لرینی
 اولدیرمک مجبوریتنده قالمازلر . چوقدن بری ، کندی یاریم ایشلرینی
 بیتیره بیلیمک ایچون ، پاسقالیه یورطیلرندن صوکره ، قامارانک
 برقرار مخصوصی موجبنه مبعوثلره شخصی صورتده تخصیص
 ایدیلن جلسه لرده تجاوز ایتیهی و پانت قوت یورطیسندن بر از
 صوکره بوتون بوجله لری کندیلرینه آلمایي عادت ایدنمشلردر .
 بواصول ، ۱۹۰۲ تاریخنده کی یکی قواعد ایله قانونی بر شکله
 صوقولدی و منتظم بر طرزده تثبیت اولوندی . بونقطه بزى قاینه نك
 و شخصی اولارق مبعوثلرک قامارانک ایشلری ایله مناسباندن بحثه
 سوق ایدیور . کله جک بابک موضوعنی بوتشکیل ایده جکدر .

اون یدنجی باب

عوام قاماراسی اوزرنده قابینهك حکم ونفوذی

مشترکاً حرکت خصوصنده ، هر هیئت ، « مونته قریستو » ده کوزلری مستثنا اولق اوزره هر طرفی فلجه اوغرامش اولان موسیو نوارتیو دو ویلفور وضعیتنده در. اونك کی بر مجاسك ده یالکز بر ملکه سی ، یعنی ، اوت یاخود خایر دیمك ملکه سی واردر. اعضا لر ، فردی صورتده ، غایت قاریشیق مطالعه لر ، غایت کرفت و مختلف حساباتلر افاده ایده بیلیر لر . فقط رأی ویرمه صیرا کلنجه بر مجلس یالکز اوت یاخود خایر دیمك صورتیه اعطای رأی ایده بیلیر . بریسی بر تقریر ویریر ، باشقه بریسی بر تقریرده تعدیلات یا پلماسنی تکلیف ایدر . احتمالکه بوبرنجی تعدیل تکلیفه باشقه لر ده انضمام ایلر . فقط مجلس بوتون بوتعدیلات حقنده برر برر ونهایت مسئله اصلییه حقنده ساده جه لهده یاخود علیهده اولق اوزره بر رأی ویرمکدن باشقه برشی یا پماز . بر مجلس کثرت آرا اساسنه (اکثریت اضافیه) استناداً مذاکره بولوندیغی زمان ، متعدد تکلیفات آراسندن هانکیسینی قبول ایده جکنی سچمه سی ، مثلاً متعدد اشخاص آراسندن

بر مجلس یالکز
اوت یاخود
خایر دیه بیلیر

هانكىسىنى انتخاب ايتىمك ايسىتەدىكىنى تفریق ایلەمەسى پك طبیعیدر [۱]. فقط بو ، مجلسك آنحق بر شخص طرفندن یاخود هپ بر اراده بر فرد کبی حرکت ایدن بر زمره اشخاص طرفندن فردی صورتده ویریلش تکلیفات اوزرینه مشترکاً بر حر کتمه بولونابیلە جکی قاعده عمومیه سندن اثبات ایدر. علی العاده ، مجلس بو صورتله کندیسنه عرض ایدیان مسئله لرده هر برینه آیری آیری اوت یاخود خایر دیهرك جواب ویره یلیر .

سؤالک ایرادی

بناء علیه ، سؤالی کیمک ایراد ایتمک حقنه مالک اولدیغنی تعیین ایتمک صوک درجه ده مهم بر کیفیت اولدیغنی آشکاردر . فی الحقیقه ، انسانلردن مرکب مجلسلرک سوق واداره سنده اک اک بویوک هنزلردن بری مساعد جواب آلمق احتمالی اک فضله تأمین ایده جک بر طرزده سؤال ایراد ایده بیلمکدن عبارتدر . وظیفه لری محدود ، وقتلری چوق اولان کوچوک مجلسلرده اعضالر جانلرینک ايسىتەدىکی هر دورلو سؤالى ایراد ایتمکده حردر لر . فقط تکمیل حر کتلى بالضروره بطی اولان بویوک مجلسلرده ، زمان فقداندن دولایى ، بوسر بستی ، بالخاصه [۱] عوام قاماراسنده بویله بر اصولک معلوم اولماسی و بوتعبیرک هیچده مألوف بولونعاماسی شایان حیرتدر . مثلاً اوراده بر انتخاب یا یلده بى زمان ، بر نامزد دیگرندن ده ا فضله رأى قازانجه موفقیتی تأمین ایتمش دیمکدر . حالبوکه اکثریتله انتخاب ایدیلک دیمک مناسی موجود رایلرک نصفندن فضله سنی قازانمق دیمکدر . پارلمنتو انتخاباتنده ایکنجی دفعه رأى مراجعت تکلیفی برنجی رأى طولاماده کافی کلن اکثریت اضافیه برینه اکثریت مطلقه لزومنی تضمن ایدر .

مجلسك ساحهٔ فعالیتی واسع اولدینی تقدیرده ، تقیید و تحدیده اوغرامشدر. بونك نتیجه سی اولارق ، بوتون بویوك دولترك تشریعی مجلسلری ، کندی اعضالریك لایحهٔ قانونیه لرینی برطرف ایتمك یاخود حادهٔ تدقیقدن کچیرمك ایچون بعض چاره لر قبول ایتمك مجبوریتنده قالمشدر. بو چاره لك اك منتشری اولایحه لری بر طاقم انجمنلره کوندرمکدن عبارتدر . فعلیاتده بوانجمنلر موفقیت امید ی هیج بولونمایان لایحه لری بر طرف ایده بیلیرلر و دیگرلرینه ده ا شایان قبول بر شکل ویره رك اونلری تعدیل و اصلاح ایله یه بیلیرلر. بوتقدیرده ، انجمنلر مجلس تشریعی کبی سؤال ایرادی امتیازینه دکل ایسه ده هر حالده مجلسه عرض ایدیله جك سؤاللرك شكلی تصریح ایتمك حقنه مالکدرلر. بوا یسه کندیلرینه مهم بر نفوذ و قدرت ویریور . انجمنلر حالنده شکل ، بوكا مانع اولاجق بر سبب یوقسه ، بر مجلس تشریعی ایچون اك طبعی بر تکاملدر . حالبوکه پارلمنتوده بوكا مانع اولش برشی واردر که اوده مسئول بر هیئت وکلا سیسته میدر .

قاینه نك بر انجمن حتی قامارانك اك مهم انجمنی اولدیغنی سوبله مشدك . فقط حقیقتده قاینه بوندن ده ده ا فضله برشیدر. علی العاده انجمنلردن فرقلی اولارق ، بوكا مبعوثلرك قانون لایحه لری حواله ایدیلز. بالعکس ، مجلسه عرض ایتدیکی امورك تکلیفی مسئولیتنی درعه ده ایتمك و بونلری قلمه آلق حقنه مالکدر. بو خصوصات فعلیاتده ، مؤخرأ قانون شكلی آلان هان

هان بوتون مهم لایحه‌لری احتوا ایدرلر. دیمک اولور که تشریحی ایشک اک بو بؤک قسمی منحصر آنظر لر طرفندن تکلیف اولونور. مسئول بر هیئت و کیله سیستمی انجمنلرک انکشافه مانع اولمشدور. بر کره ، بو انجمنلرک لایحه‌لری آیتلامقدن و اونلره موافق بر شکل و بر مکن عبارت اولان اک باشلی وظیفه‌لری حکومته حائد لایحه‌لرده بالذات قاینه طرفندن ایفا ایدیلدیکی ایچون ؛ ثانیاً ، ایلریده کوستریله چکی اوزره ، حکومت ایله مطلقاً هم فکر اولماسی ایجاب ایتمین باشقه بر زمرة حکومتک تکلیفاتنی تعدیل حقنه مالک اولورسه قاینه‌نک حکم و نفوذی ضعفه اوغرایه جنی ایچون. بو مناسبتله شوراسنی سویله مک ایجاب ایدر که هیئت و کیله‌نک مسئولیتک شامل اولمادیغی خصوصی و محلی قانون لایحه‌لرنده اوزون و تام بر انجمنلر سلسله‌سی انکشاف ایتشدور. بوقیل بوتون لایحه‌لر او انجمنلره حواله اولونمقده در.

قاینه‌نک عوام قاماراسی ایله مناسباتی اوچ نقطه نظرندن پیش ملاحظه آلنه بیلیر : مبعوثلره فردی صورتده بر اقلمش حق تکلیف نقطه نظرندن ؛ مساعی تشریعه اوزرنده قاینه‌نک دوغروندن دوغرویه حاکمیتی و بوندن متولدنتایج نقطه نظرندن ؛ قاماراک اداره و حکومتک سیاست عمومیه‌سی اوزرنده حائز اولدینی حاکمیت نقطه نظرندن .

مسئول بر هیئت و کیله‌نک موجودیتی ، مبعوثلر طرفندن عمومی علاقه‌دار ایده چک صورتده ویریلن لایحه‌لره مشغول

بو یابده بحث
ایدیله چک
مسائل

مبعوثلرک
لایحه‌لری

انجمنلرک انکشافنه برمانه تشکیل اتمه سی غریب کورونه بیلیر.
 مع مافیه بوسیسته مک تولید ایتدیکی نتیجه بودر . بو ، قسماً ،
 بوقیل لایحه لری ایکنجی درجه اهمیته اسقاط اتمه سندن نشئت
 ایدیور . انجمنلر حکومتک تحت حکمنده بولونورسه مبعوثک
 شخصی وضعیتی ده اضعیفلر . انجمنلر حکومتک تحت حکمنده
 بولونمازسه بعضاً قاینه ایچون مزعج بر رقیب حالنه کله بیلیرلر .
 ایشته بونک ده بحث ایتدی کمز نتیجه یی تولید خصوصنده قسماً
 تأثیری اولمشدر . بواسباب دولایسیله درکه عوام قاماراسنک
 تشکیلاتنه کوره ، انجمنلر ایکنجی درجه ده بر رول اوینارلر .
 عمومی علاقه دار ایدن قانون لایحه لرینک الک مهملری ناظرلردن
 صادر اولور ومنحصراً اونلرک سوق واداره سنه تابع بولونور .
 یالکیز آراده ، احوال استثنائیه ده برانجمنه حواله ایدیلدکلری
 واقعدر . مبعوثلر ، عمومی علاقه دار ایده جک صورتده کی لایحه لرینی
 بر انجمنک ایقاع ایده بیله جکی مشکلاتدن آزاده اولارق مجلسه
 عرض وتودیع ایده بیلمک حریتنه مالیکدرلر . یالکیز ، کندیلرینه
 بر ایلان پک قیصه زمان ایچنده بونک چاره سنی بولابیلمه لری
 شرطدر . عوام قاماراسی ، زمانک بویوک قسمنی حکومته تخصیص
 ایتک صورتیله مسئله یی حل ایتمشدر . حکومت بوزمانی کندی
 بیلدیکی کی استعمال ایدر . قامارا ، متباقی زمانی پایلاشمق
 ایچون مبعوثلری بر برلیله بوغوشمقده سربست بر ایتشدر .

مبعوثلره

تخصیص ایدیلن
زمان

۱۹۰۲ و ۱۹۰۶ تاریخلرنده وضع ایدیلن یکی قاعده لره کوره،
مجلسك كشادنن پاسقالیه قدر هر جلسه ده حكومتك لایحه لری
حق تقدمه مالکدر لر. یالکز صالی و چارشنبه کونلری سکزی
چاریک کچه دن صو کره و جمعه جلسه سنده بو حق تقدم موجود
دکلدر. پاسقالیه قدر دیمك اولیور که هفته نك بو اوچ پارچه سی
شخصی صورتده مبعوثلره ویریلشدر. پاسقالیه دن پانت قوت
یورطیسنه قدر حكومت صالی کوننی تماماً کندی ایستدیکی
کبی قوللانیر. پانت قوتدن صو کره، متعاقب اوچنجی و دردننجی
جمعه مستثنا اولق اوزره بوتون زمان حكومتکدر [۱]. عریضه
جوابیه حقه ده کی مذا کره نك ختامندن اول هیچ بر مبعوثه
شخصی اولارق بر زمان آیریلماش اولدینی ایچون بو ترتیب
اونلره طبعی برسنده آنجق دوره اجتماعیه نك ایکی یوزده تقریباً
اوتوز قسمنی بخش ایدیور دیمکدر. ساعت سکزی چاریک
کچه دن صو کره دوام ایدن جلسه نك دها اولکی پارچه یه نسبتله
دها قیصه اولدیغنی ده اونو تماماً لیدر. شخصی اولارق مبعوثلره
آیریلان آقشاملرده جلسه هیچ بروقت تعطیل مذا کره زمانندن
صو کره یه قدر دوام ایتمز. اعتراضه اوغرایان خصوصی قانون
لایحه لری و عمومی علاقه دار ایده جك مهم و مستعجل بر مسئله یه
[۱] 4 . S. O. . ردلیخ، عوام قاماراسنك اصول مذا کره سنك

تکاملی حقه ده کی ایضا حاتنده -Recht und Tech. des Engl. Parlamen-
tarismus، برنجی کتاب، ۲ نجی قسم، بعض کونلری صورت مخصوصه ده
حکومه آیریق اصولنك تاریخچه سنی یابار. بواصول ۱۸۱۱ ده باشلامشدر.

عائد تعطیل تقریر لری لهنه اولارق بوجلسه لرك قیصالتلماسی ده
قابلدرد [۱]. بناءً علیه ، خصوصی اولارق مبعوثلره تخصیص
ایدیلن زمانك آز اولدیغی آشکاردر. فقط ، کندی جلسه لرینك
حکومت طرفندن مصادره ایدیله سندن دولایي شکایتلری
کسیلمه مکه برابر ، اونلره بر اقیلان زمانك مدتی صوكتسه لرد
جدی صورتده قیصالتلمامشدر. پارلمنتو وثیقه لرینك تدقیقاتندن
آکلاشیلدور که ۱۸۷۸ دن ۱۸۸۷ یه قدر اون سنه طرفنده
حکومتك لایحه لری وسطی اولارق یوز جلسه نك سکسان اوچنده
خصوصی لایحه لره تقدم ایتشلردر . ایرته سی اون سنه ایچنده
تقریباً یوز بوجوق جلسه نك سکسان دردنده تقدم ایتشلردر [۲].
بوشیمدیکی نسبتدن بر آز نقصاندر . یکی قاعده لر ، چوقدن
[۱] خصوصی صورتده مبعوثلره آیریلان زمان ایله حکومت
تخصیص ایدیلن زمان آراسنده کی نسبتله پك فضلله بر اهمیت عطف ایتك
خطا اولور . چونکه هرایکی طرفه آیریلان زمانك بویوک بر قسمی
عینی شیئه صرف ایدیلیر . شخصی صورتده مبعوثلره آیریلان ایشاملره
سائر خصوصیات ایله برابر ، ناظرلرك حرکاتی تنقید ایچون استعمال
اولونور . عریضه جوابیه ، تخصیصات انجمننده تخصیصاتلر ، تعطیل
تقریرلری وسائر حقنده کی مذاکراتکده ذاتاً غایه اساسی بودر .
[۲] بورقذر ۱۸۸۸ ده اون سنه ایچون تنظیم اولونان ایستاتیسیتقندن
و ایرته سی سنه لرك ایستاتیسیتقندن آلمشدر . بر اوزون جلسه یرینه
عینی کونده ایکی قیصه جلسه عقدی ده حساب قالمشدر . بوحسابی ساعت
اعتباریه دوغرو اولارق یایق زوردر . اقشام جلسه لری ، جلسه لرك
وسطیسنه نسبتله ده قیصه در . فقط مبعوثلره تخصیص ایدیلش اولان
اسکی چارشنبه جلسه لری ده بویله ایدی .

بری ، قامارانك دوره اجتماعیه ائساننده قبول ایتدیكى مقررات
مخصوصه واسطه سیله غیر منتظم بر طرزده دوام ایدن بر طرأتك
نظامنامه داخلی احكامی شكلی آئنده قبول ایدیش اولمالرندن
باشقه برشی دكلدر .

هوبسك دیمش اولدینی کبی، برشی هر کسی نمون ایده جك
صورتده مبذول اولمادیغی و کیسه بونی پایلاشدر مق صلاحیتنه
مالك بولونمادیغی زمان، اونى داغیتانك البسيط چاره سی قرعه
چکمکدن عبارتدر . صورت خصوصیهده مبعوثلره تخصیص
ایدیلن زمانی مبعوثلر آراسنده داغیتاق ایچونده بو ابتدائی
اصول الآن مستعملدر . اونلرك جلسه لری ایکی مختلف شیئه
تخصیص اولونمشدر . صالى و چهارشنبه آقشاملری تقریر
لیسته لری حق تقدیمی حائزدر . جمعه، لایحه قانونیه لر کونیدر .
دوره اجتماعیه نك بدایتنده، قانون لایحه لری تقدیم ایتك ایستین
مبعوثلر ، اسملرینی تحریراً بیلدیریرلر . قرعه ایله تعین
ایدن صیرایه کوره ، لایحه لرینی بر جمعه کونی ایچون ایکنجی
قراشته قید ایتدیریرلر وبالطبع ایلك بوش کونی انتخاب ایلرلر .
بوصورتله، پانت قوت دن اولکی بوتون جمعه لر دولودر . بر کونده
بر لایحه قانونیه دن فضله سنك مذاکره ایديله مه مسی احتمالی پك
چوق اولقله برابر ، طالعك لطفه اوغرامایان مبعوثلر صیرا
کندیلرینه کلیر امیديله لایحه لرینی جدولده ایکنجی ، اوچنجی
اولارق قید ایتدیریرلر .

کونلر ایچون
قرعه

جدولده کی برنجی لایحه عمومیتله ایکنجی قرانته قبول
ایدیلک موفقیتنی احراز ایدر. فقط بویکجه آتلا دقن صوکره،
متعاقب معاملاتی ایفا واکمال فرصتی بولمق زوردر. دائمی برانجمنه
حواله بو خصوصده اک ای برچاره در چونکه قامارانک هیئت
عمومیه انجمنی حالده طویلانماسی مرحله سندن ایشی قورتاریر.
برانجمنه حواله ایدیله یین بر لایحه نك محواماسی همان همان محققدرد.
مکرکه ایشلرک تعطیلی ساعتدن صوکره، مخالفتک فقدانی
سایه سنده مرحله لردن بر قاجنی آتلا یه بیله. حقیقتده، مرحله -
لرندن هیچ دکلسه برنده بویولی طوتامایان بر لایحه قانونیه
ایچون هیچ موفقیت امید یوقدر دنیله بیلیر [۱]. پانت قوتدن
صوکره قالان ایکنجی جمعه ده حق تقدم اصول مذاکره طریقنده
قطع ایتش اولدقلری مسافیه کوره، مبعوثلرک لایحه لرینه
ویریلیر [۲]. مع مافیه، قامارانک لیدری هر هانکی بر لایحه
فانونیه نك اوزرینه بر ییلدیز اشارتی قویارسه حکومت هاند
زمانک بر پارچه سی اوکا ویریله بیلیر. فقط بوغایت نادراً وقوعه
کلیر و هیچ بروقت دوره اجتماعیه نك صوکی یا قلاشماندن یاپیلماز.

[۱] ردلیخک مطالعه سنه کوره (Recht und Technik، ۲۰۶)،
ایشلرک تعطیلی حقنده نصف الایل قاعده سنک قبولی بر لایحه یی، نطقلری
نصف الایله قدر اوزاتمق و نصف الایلدن صوکر قانون لایحه لری مذاکره سنه
راضی اولماق صورتیه عقیم بر اقدیرمق یولنک دوشونولمه سنه سببیت
ویرمشدرد. مبعوثلرک خصوصی صورتده ویردکاری لایحه لره قارشی
بونلرک بویوک ایکی مانعه در.

[۲] S. O. 6

مبعوثلرك
تکلیف ایتد-
کلری قانونلرك
عدم کفایه سی

بانت قوت دن اول آنجق بر دوزینه قدر جمعه کونی اولدیغی
ایچون، بر مبعوث طالک لطفه اوغرامامشسه یاخود دوستلرن دن
بر مقدارینک علاقه سنی جلب ایدمه مشسه بر لایحه قانونیه نک
نتیجه لیمک امیدى بر آز موجود اولاجق صورتده روزنامه
مذاکراته درج ایتدیر یله سنی تأمین ایله یه مز. بو تقدیرده بیله،
تک بر مبعوث هر نقطه ده کندیسنه عزم پرورانه بر مخالفت
کوستیرسه لایحه سنی کچیرته بیلیمک امیدى پک آزدرد. هر سینه
بو نوع اون، اون بش لایحه قبول ایدیلیر. فقط ایچلرنده
مذاکره لری اثناسندن مجلسک ایکی یه آریلما صورتیه رأی
ویر یله سنی ایجاب ایدمک درجه ده اختلاف افکار تولید
ایدنلری ایکیدن فضله دکلدرد [۱]. یالکیز، مبعوثلر بر چوقلرینک
آچیقدن آچیغه درمیان ایتدکلری شکایتلره رغماً، کندیلرینی
متقابلاً حمایه ایچون منظم بر اصول دائره سنده هیچ بر غیرت
صرف ایتدیر یورلر. فی الحقیقه، مبعوثلر، آری آری برر موجو-
دیتدیرلر. توحید حرکات اساسندن محرومدیرلر. حق، قانون
وضعی خصوصنده پک چوق فنائی کورولن مساحه کارانه
[۱] شخصی صورتده مبعوثلره آریلان زمانه صوک سینه لرده
پک چوق دکشمه مش اولقله برابر، مجلسجه قبول ایدیلش بولایجه لرك
وبالخاصه، تولید ایتدکاری مخالفته رغماً قبول ایدیلنلرك عددی محسوس
درجه ده آزامشدر. ۱۸۷۸ دن ۱۸۸۸ تاریخه قدر اون سنه ایچنده
هر سنه تقریباً بوقبیل یکری اوچ لایحه یه تصادف اولونور. ایچلرن دن
آنجق دردی یاخود بشی آریلما صورتیه رأی طویلانسانی ایجاب
ایتمشدر.

مساعده کارلق روحنه بيله مالک دکلدولر. برلرینک لایحه لرینی،
ضوکره کندیلری ده عینی لطفه نائل اولمق امیدیه، قبول ایتمه
سائق اولاجق مانوره سوق طبعیسی، اویصالق کندیلرنده
یوقدر. بوندن دولاییدرکه جهد و غیرتلی، انی یاخود فنا،
پک آز ثمره ویریور. حاصلی، مبعوثلرک شخصی حق تکلیفلرندن
نشئت ایدن عمومی علاقهدار ایده جک قانونلر مقدار اعتباریه
پک آز، شمولی اعتباریه پک اهمیتسزدر. بونلر آنجق جدی
برمخالفت بولونمادینی زمان موفق اولایلرلر. حتی بوشروط
زمان کچدکجه دهاقوت کسب ایدیور.

مبعوثلرک صالحی و چارشنبه آقشاملری شخصی صورته
تقریر ویره بیلیمک یولنده حائر اولدقلری امتیاز، برقرعه
کشیده سی صورتیه اونلره بخش ایدیلر. ناصل که جمعه کونی
لایحه لرک مذاکره سی ایچوند ده بویله یابیلر. یالکیز، آراده
شو فرق واردرکه تقریر لیسته سی تقریر کوننه دوت کون
قالمه دن ویره مز. بونک نتیجه سی اولارق، ایلک قرعه کشیده سی
صیرایی آنجق ایکی هفته ایچون تنظیم ایدر و پاسقالیه قدر
هر سنه یکی برقرعه چکیلر [۱].

سوز آلابیلیمک احتماللرینی تزید ایچون، عینی مسئله یه
علاقهدار اولان متعدد مبعوثلر چوق کره هپ بردن اسملرینی
قید ایتدیرلر و قرعه ده اسمی حقیقه اجق ذاتک تقریری

ویرمه‌سی خصوصنده اتفاق ایلرلر . بو اصولی ایرلاندالیرلر
 چیقاردیلر . فقط بر مسئله‌یه علاقه داراولان یاخود علاقه کوسترمک
 اداسنده بولونان مبعوثلرک هپسی ایچون عمومی بر اصول حاله
 کلشدر . بوکا بر «سندیه» یا یمنی syndicating نامنی ویریهورلر .
 تقریرلرک چوق کره مجلسک مهم بر قسمک نقطه نظرنی انعکاس
 ایتدیرمه‌لری کبی بر نتیجه‌سی اولمشدر .

ماهیتلری
 و تأثیرلری

بو آقشام جلسه لرنده ویریلن تقریرلر برر قرارشکانی آلیرلر .
 دورلو دورلودرلر . بعضیلری مجرد ماهیتده بر طاقم تمنیات افاده
 ایدرلر . مثلاً : حکومت انکیلز مستملکه لرنده پاموق زراعتنی
 تشویق ایتسون یاخود ایلمک مکیتلره خواجه بیتشدرن دارالمعلمینلر
 مصارفنک قسم اعظمی ملی بودجه دن تسویه اولونسون [۱] کبی
 شیرلر . بعضیلری ، فرقه لرک بر موضوع مجادله عدایمک ایسته مدکلری
 خصوصاتده دهـا معین بر طاقم قانونلرک وضعنی طلب ایلرلر .
 مثلاً ، ۱۹۰۴ ده قبول ایدیلن بر تقریر پارلمنتو انتخاباتنده اعطای
 رأی حقنک قادیلرده ویریه‌سی لازم کلدیکنی احتوا ایدیوردی .
 یالکنز ، حکومتک مخالفی اولقمسزین بو طرزده قبول ایدیلن
 قرارعلی العاده ساده جه بر تمایلات قیلندن تلقی اولونور و محسوس
 بر نتیجه حاصل ایتمز . بعض تقریرلر بر طاقم شخصی آمالدن
 ملهم اولورلر : بو تقریرلرده مبعوثلر جلسه دن چیقارلر . بوش
 بر مناقشه ایچنده کچن برایکی ساعتدن صوکره نصاب اکثریت
 [۱] آشاغیکي مثاللرک هپسی ۱۹۰۴ دوره اجتماعیه سندن آلمشدر .

قالما دیغندن دولایی جلسه قاپانیر . بو حادثه نك صیق صیق وقوعی
 بالطبع روزنامه مذاکراتده محرر تقریرلرک تحریک ایتدکلری
 حس علاقیه تابعدر [۱] . نهایت ، قابینه یاخود سیاسته هجوم
 ایدن تقریرلر وارددر . مثلاً ارزاق حقنده کی فرقلی تعرفه یی
 بکنمه ین یاخود ایرلانداده حکومت مرکزیه طرفندن ضابطه
 ایشلرینه قاریشیلماسنی تقییح ایدن تقریرلرکی . بو نوع تقریرلر
 بالطبع حکومت صیراسی طرفندن کمال شدتله رد اولونور .
 آشاغیده ، هیئت و کیله نك خط حرکتی تنقید واسطه لرینی تدقیق
 ایدرکن بونقطه یه عودت ایده جکز ، [۲] . بوصوک نوع استئنا
 ایدیایرسه ، مبعوثلرک شخصی تقریرلری لایحه لرندن ده ازر
 اهمیت عملیه یی حائزدرلر . آراده ، خلقت جدی و حقیقی بر
 شکایتی بو طریق ایله افاده ایدیله سی واقع اولایلیر . فقط بویک

[۱] مثلاً ۱۹۰۳ ده شخصی صورتده مبعوثلر تخیص ایدیلش
 اولان اونیدی اقسامده یدی کره جلسه ، نصاب اکثریتک فقدانندن
 دولایی تعطیل ایدیلشدر . فقط ، ۱۹۰۴ ده بویالکز برکره وقوعه
 کلدی و روزنامه مذاکراتده محرر برنجی تقریرک ردندن صوکره
 اولدی .

[۲] ۲۲ و ۲۸ مارت ۱۹۰۵ ده ناظرلر و طرفدارلری کندیلرینک
 مالی مسئله ده کی خط حرکتلرینی تقییح ایده جک بولده مبعوثلر طرفندن
 شخصی صورتده ویریلن تقریرلرک مذاکراتنه مداخله دن مجتنب بولوندیلر ،
 آیريله صورتيله طوبللمان رایه اشتراك ایتهدیلر . رأیله هیچ اهمیت
 ویرمدیلر . ماضیده برمثلی کورولمه مش اولان بو حادثه یی آشاغیده
 تدقیق ایده جکز .

نادر در . صالی و چارشنبه اقشاملری جلسہ لرینک الہ باشلی قیمتی پارلمنتو اعضاء لرینک حالاً مستقلاً حرکتمہ بویوک برامکان بولدقلری یولنده کی خیرلی ماصالی ادامہ ایتمکدن عبارتدر کبی کورونیور . شخصی صورتده مبعوثلره آیریلماش اولان بوتون جلسہ لر حکومتک آرزوسنه تابعدرلر . حکومت ، کندی ایشلرینک صیراسنی جاننک ایستہ دیکی کبی تنظیم ایدہ بیلیر [۱] . تشریعی خصوصاً صاندن دولایي ناظرلرک مسؤولیتی بالنسبہ ییکی بر مسئله در [۲] . ۱۸۳۲ اصلاحاتندن اول ناظرلرک وظیفہ لرلی بالخاصہ اداری ایدی . فقط ، ابتدا ، سوءاستعمالاته چاره ساز اولق ایچون بر طاقم مستعجل بویوک قانونلر وضع ایتمک ضرورتی ایله برتحول وقوعه کلدی . دها صوکره ، شعبات اداریه تودیع ایدیلن قونترول ونظارت وظیفہ لرینک توسیعی یوزندن قانونلرک گرفت و مغلق برحاله کیرمہ سی بوکالزوم کوستردی . نہایت ، بالخاصہ پارلمنتو ردئیمننک انکشافنک نتیجہ سی اولارق نفوذ وقدرتک قابینہ نک الندہ تمرکز ایتہ سی بونتیجہ بی تولید ایتدی . بوتحول ۱۹ نجی عصرک اورتہ لرینہ دوغرو تصدیق وتسليم ایدیلشدر . زمامزده کی ناظرلر کندی مهم لایحہ لرندن برینک ردین عدم اعتماد رأینہ معادل برحرکت کی تلقی ایدرلر [۳] .

وضع قوانین
کیفیتندہ
قابینہ نک
حاکمیتی

S. O. 5. [۱]

[۲] بافکر : تود : Parl. Govt. in England ، ایکنجی جلد ، ۳۶۸ ؛ ایابرٹ Legislature Methods and Forms ، ۸۲ ، ۲۱۶ .
[۳] یکرمی سنہ بی متجاوز برزماندن بری حکومتک برلایحہ سنک

بوندن باشقه ، حكومت يالكز برلايحه قانونيه يي توديع ايتديكندن دولاي دكل ، توديعني اهامل ايتديكندن دولاي ده مسئولدر . صوك بهار اجتماعلرندن برنده قاينه موقع مذاكره يه قويق نيتمده اولديغي لايحه لري قرارلاشديرر ، دورؤ اجتماعه نك بدايتنده نطق افتتاحيده بولر . اشارت ايدر . عريضه جوابيه مذاكره سنده تقديم ايديلن تعديل تقريرلرنده ذات حضرت حكمدارينك ايسته نيلن فلان مسئله يه دائر رايماده بولونما مسنه بيان اسف ايديلر . بويله بر تقرير قبول ايديله جك اولورسه هيئت و كيله نك سقوطني احجاب ايمه سي همان همان محققدر . ۱۸۸۶ ده بويله بر حال وقوعه كلدي . نطق حكمدارنده زراعت عمه سي ايچون اراضي اعطاسي حقنده بر قانوندن بحث ايديله مسنه اظهار اسف ايدن بر تعديل تقريرينك قبولي سالسبوري قاينه سنك چكيلمه سنه سييت و يرمشدي .

حكومتك
لايحه لرنده
تعديل
تسكيلفلي

بوتون مهم قانونلرك توديغي و قبولي مسئوليتي ناظرلره بو قانونلرك تفرعاتي اوزرنده كيندجه متزايد برحق حاكميت تايمين ايتمشدر . وقتيله قامارنك قانون لايحه لرني راحت راحت تعديل ايديله سيلمه سي بر پرنسيپ ايدى . بويله بر حرركت حكومه اعتماد

عوام قاماراسي طرفندن رد ايديله سي ، ۱۸۸۶ ده هومرول لايحه سنك موفيتسزلكه اوغراماسنده - كه بونك اوزرينه قاينه مجلسي داغيتمشدر - ومان آطه سنده كي كليسا مبانيسنه دائر اهميتسز بر لايحه حقنده كو - رولمشدر . بو صوك حادثه ۱۸۹۷ ده جلسه ده بك آز مبعوث بولونديني صيراده وقوعه كلشدي .

عمومینک فقدانہ دلالت ایتزدی [۱] . فقط ، دهاصو کرہ لری ،
حکومت صیراسنک مخالفتنہ رغماً قانون لایحہ لرنده تعدیلات قبول
ایدیلہ سی صوک درجہ دہ نادر بروقعہ حالہ کلمشدر [۲] . فی الحقیقہ ،

[۱] تودہ باقکز : Parl. Govt. in England ، ۲ نجی جلد ،

۳۷۰ - ۷۲ .

[۲] حکومت وایپرینک رأیلرہ نظارتہ مأمور ایدیلہ لری نہ رغماً ،
۱۸۵۰ سنہ سندن صو کرہ ، قبول ایدیلش تعدیلاتک (بودجہ لرمستثنادر)
ہر سنیہ نظرأ ، ایشته بقدار لری :

۲	۱۸۶۹	۹	۱۸۵۱
۲	۱۸۶	۲	۱۸۵۲
۴	۱۸۷۱	۶	۱۸۵۳
۸	۱۸۷۲	۷	۱۸۵۴
۴	۱۸۷۳	۵	۱۸۵۵
۰	۱۸۷۴	۷	۱۸۵۶
۰	۱۸۷۵	۴	۱۸۵۷
۰	۱۸۷۶	۲	۱۸۵۸
۰	۱۸۷۷	۱	۱۸۵۹
۰	۱۸۷۸	۴	۱۸۶۰
۱	۱۸۷۹	۶	۱۸۶۱
۰	۱۸۸۰	۶	۱۸۶۲
۰	۱۸۸۱	۴	۱۸۶۳
۱	۱۸۸۲	۲	۱۸۶۴
۳	۱۸۸۳	۴	۱۸۶۵
۳	۱۸۸۴	۲	۱۸۶۶
۴	۱۸۸۵	۸	۱۸۶۷
۲	۱۸۸۶	۷	۱۸۶۸

اون سنه دن بری بویه آنجق دوت حاده کورلمشدر. لایحه لرك
تقراتنك مذا کرده سی بوش بر مشغولیتدن عبارتدر دیمك ایسته میورز.
بالعکس ، مذا کرانك حکومت طرفدن دقت ایدیله مش برطاقم
قصورلره نظر دقتی جلب ایتمه سی ، بر ماده یه قارشی عمومی فقط
او وقته قدر کوزه چارپامش بر مخالفی میدان قویما سی چوق
کره واقع اولور . بوتقدیرده ، لایحه قانونیه یی مدافعه ایله
مکلف ناظر ، چوق کره ، تعدیلی قبول ایتدیکنی بیلدیرر
یاخود در میان ایدیلن اعتراضی ازاله وتطمین ایده جك صورتده
بر ماده حاضر لامای تعهد ایدر [۱] . بو ، لایحه لرنده یاپیلان

۰	۱۸۹۷	۱	۱۸۸۷
۰	۱۸۹۸	۱	۱۸۸۸
۰	۱۸۹۹	۰	۱۸۸۹
۰	۱۹۰۰	۰	۱۸۹۰
۱	۱۹۰۱	۱	۱۸۹۱
۰	۱۹۰۲	۰	۱۸۹۲
۰	۱۹۰۳	۱	۱۸۹۳
۲	۱۹۰۴	۰	۱۸۹۴
۱	۱۹۰۵	۰	۱۸۹۵
۰	۱۹۰۶	۱	۱۸۹۶

[۱] چوق کره ، ناظر اظهار ایدیلن آرزولری تطمین امکانشی
بولوب بولامایه جفتی تدقیق ایده جکنی سـویلر . صوکره ، مضبطه
مرحله سنده ایکی طرفی ممنون ایده جك صورتده بر ماده تکلیف ایدر.
۱۹۰۶ سنه سی عوزینك ۲۳ نده بونك شایان دقت بر مثالی کورولمشدر:
مخالفت ، غال الیکاسی ایچون تأسیس ایدیلن معارف مجلسی مذا کره یه

تعديلات، مذاکراتی ديکله د کډن صوکر بالذات ناظر لر طرفندن اجرا ايديلمشدر ديمک اولور . پک آز اهميتی اولان بر تعديل تکليفی بيله ، ناظر لر موافقت ايتمز لسه مجلسه مشکلات ايله قبول ايتدريله بيلير . بوده عمومی علاقه دار ايدن باشليجه خصوصاً ايدن قابينه نك تماماً مسئول اولاجنی و بناء عليه موقع اقتدارده قالدیغی مدتجه او ايشلرک بوتون تفرطانه حاکم بولونماسی لازم کله چکی برنسينک طبیعی بر نتیجه سيدر .

عینی نقطه نظر دن پيش ملاحظه يه آليرسه ، حکومتک قاماراده کی مختلف انجمنلرله مناسباتی بويوک بر اهميتی حائزدر . قابينه دولتك سياستندن مسئول اولمق لازم کليورسه ، مغلوب اولدیغی زمان چکيلمک مجبوريتنده بولونیورسه طبعيدر که بويک سياستک پروگرامی تنظيم حقنه ده مالک اولمق اقتضا ايدر . فقط ، حکومتک لایحه لری تدقیق و تعديل اولونمق اوزره کنديسنک تحت اداره سنده بولونمايان بر طاقم انجمنلره حواله ايديليرسه — که حکومتک پارلمنتويه مستند شکلنی قويه ايدن حکومتلرده وبالخاصه فرانسه ده بويله در — هیئت وکیلله یا اجرا ايديلن تعديلاتدن دولایي کندي لایحه لرینک علمينده بولونمق یا خود آرتق بکنمه ديکی

قابينه نك
انجمنلرله
مناسباتی

کاک درجه ده وقت بولاماديغندن شکایت ايتشدی . چونکه مجلس صوکر دفعه بوايشله مشغول اولدقن صوکره لایحه نك احکامی اساسی صورتده دکيشدیرلمش بولونیوردی . حکومت بودکيشکلک بالذات مخالفت طرفندن درميان ايديلن تنقيداتی ازاله مقصديله ياپلمش اولدیغی

بر لایحه‌نك مقدراتنه كندی مقدراتنی باغلامق شقی قارشیدسنده قالیر . قابینه كندی انتخاب ایتدیکی بر سیاست یرینه کندیسینه زورله قبول ایتدیریلن برسیاستی مدافعه ایتمك كبی مشکل بروضیته دوشور . بویله حاللر ، اروپا قطعه سنده کی برچوق ملتدرده هیئت وکیله نك حکم ونفوذینی بالطه لامش ، حکومتی ضعیفلاشمدر [۱] . انکلتزده ، عمومی علاقه دار ایدن قانون لایحه لرینك انجمنلره نادرأ حواله اولونماسی وموجود انجمنلر اوزرنده حکومت صیراسنك حائز تاثیر ونفوذ بولونماسی صورتیله بومحدوردن اجتناب تأمین ایدیلشدر .

حکومت لایحه لری ایچنده اك مهملری وبالخاصه غایت شدتلی مناقشات تولید ایده بیله جك ماهیتده اولانلری هیچده انجمنلره حواله ایدیلزلر . بونلر هیئت عمومی انجمنی حالنده

مخالفته اوغرا-
یان لایحه لر
انجمنلره
کوندزلز

[۱] فرانسه ایچون بافکز : Les ministres : Dupriez ، ۲نجی

جلد ، ۴۰۶-۴۰۸ ، ۴۱۰-۴۱۳ ؛ Governments and Parties : Lowll ، برنجی جلد ، ۱۱۱-۱۱۷ . ایتالیا ایچون بافکز : دوپریه ، برنجی جلد ، ۳۰۹ ، ۳۱۲ ؛ لول ، برنجی جلد ، ۲۰۷-۲۱۰ . بلجیه ده فئالق ، دها قطعی بر فرقه انضباطی وانجمن طرفندن تکلیف ایدیله جك تعدیلات حکومت لایحه سنه تعدیل شکلنده وقوعه کله سی مجبوری ایله تخفیف ایدیلشدر . بافکز : دوپریه ، برنجی جلد ، ۲۴۳-۲۴۵ . فرانسه ده ، برقاچ سنه دن بری معین لایحه لری تدقیق ایچون تشکیل ایدیلن موقت انجمنلرک یرینه دائمی انجمنلر اقامه اولونمشدر . بونك سائر جهتلرده پك اینی نتیجه لری اولابیلر . فقط بحث ایتدیكمز محذورك ازاله سنی بوندن بکلمه ملیدر .

طوپلانیان قاماراده مذا کره ایدیلیرلر . بوانجمن ایسه بر آرز
فرقلی بر اصول مذا کرهیه تبعاً طوپلانمش بالذات مجلس دیمکدر .
بویاده قوللاندیغمز خصوصی معناده بر انجمن دکلدر . عمومی
علاقه دار ایدن لایحه لردن پک آزی منتخب انجمنلره کوندریلیر .
بر قاعده عمومی اولارق دنیله بیلیر که بونلر ، شدتلی مناقشه
تولید ایدمک بر ماهیتی حائز اولمایان لایحه لردر [۱] . یکانه
مشکلات ، دائمی انجمنلر مناسبتیه تحدت ایدر . غلادستون ،
۱۸۸۲ ده ابتدا بونلرک تأسیسی تکلیف ایتدیکی وقت فرقه
منافعنی علاقهدار ایدن قانونلری تدقیقه قوللانیایه جقلرینی بیان
ایله مشدی [۲] . اوتارینخدن صوکره ، پک صو کورتورور بر
ماهیتده لایحه لرک بوانجمنلره حواله ایدیلیمیه جکی صورت عمومیده
قبول اولونمشدی [۳] . اخیراً ، ۱۹۰۴ ده بومناسبتیه اوزون
بر مذا کره جریان ایتدی . اجنیلرک انکلتیرهیه هجرتنی تحدید

[۱] مثلاً ، ۱۸۹۴ و ۱۸۹۹ سنه لرینک هجرته برنده - که بوسنه لرده
پارلمتوده آیریله صورتیه قاچ دفعه رأی طوپلانمش اولدینی حساب
ایتدم - حکومتک قبول ایتدیردیکی لایحه لردن یالکیز بری خصوصی
بر انجمنه حواله اولونمشدر . بولایحه لرک نه بری نه دیکری مجلسده
تحت مذا کره ده بولوندینی ائشاده فرقه پروگراملری نقطه نظرندن
آیریله اصولیه رأی طوپلانسنه سببیت ویرمه مشدر .

Hans. , 3 Ser, CCLXXV, 149 [۲]

[۳] مثلاً هانسارده باقکیز : ۴ نجی سه ری ، ۴ ، صحیفه ۱۴۶۱ ؛

۱۲ ، صحیفه ۱۱۵۱ ؛ ۲۳ ، صحیفه ۷۱۳-۱۴ ؛ ۳۳ ، ۸۵۱-۵۴ ؛

۱۰۲ ، صحیفه ۳۴۵ .

ایدن قانون لایحه لری مسائل حقوقیه انجمن دائمیسنه حواله اولونمشدی [۱] . مذا کره به اشتراك ایدن مبعوثلرك كافه سی ، مستر چپرله ن مستشا اولق اوزره [۲] ، عمومی پرنسپیی قبول و تسلیم ایتدی لر فقط قابل مناقشه اولان بو وصفك بر محك تمیز تشکیل ایدوب ایتدی کی نقطه سنده آكلاشامادی لر . مهاجرت لایحه سنك صو کورور بر مسئله یه تعلق ایدوب ایتدی کی تعیین خصوصنده اساسی صورتده بر لرلندن آیریلدی لر . مستر بالفور بر لایحه نك صو کورور بر ماهیتی حائز اولماسی بر درجه مسئله سی اولدیغنی و بولایحه نك بو حدوده پك یا قلاشمش اولدیغنی ادعا ایتدی . لایحه نك مذا کره سنه انكل تشکیل ایدن مانع لر اوقدر چوقدی که نهایت حکومت او دوره اجتماعیه ده لایحه دن واز کچمکه مجبور اولدی .

بر لایحه نك صو کورور بر ماهیتی حائز اولمادیغنی non-contentious سویله مك ، بالطبع هیچ بر مخالفته معروض قلمادیغنی ، حتی بوکا قارشی کوسستریلن مخالفتك فرقه سیاستی یله علاقه دار بولونمادیغنی ادعا ایتك معناسنی افاده ایتمز . مثلاً ، ۱۸۹۹ ده حکومتك دائمی انجمنلره حواله اولونان آلتی لایحه قانونیه سنك هر بری قامارا حضورنده کی مرحله لرك هر برنده فرقه

[۱] Hans., 4 Ser. CXXXV, 1086 . او تاریخدن صو کره ،

۱۹۰۷ سنه سی مارتك ۲۰ سنده باشقه بر مذا کره ده وقوعه کلدی .

[۲] او تاریخدن صو کره . مستر چپرله نك فکری بر آرز دکیشمش

کبدر . 1012 , Hans., 4 Ser XXIII; CXXXV , ۱۱۱۳-۱۱۱۴ .

پروگرامنه تماس ایدر صورتده رایه وضع ایدیلمشدر [۱].
 بوانجمنلر عمومی پرنسیپلری آرتق مناقشه اولونمایان یاخود هیچ
 دکلسه قامارا طرفندن حل ایدیلمش کی تاقی اولونابیلن لایحه لرده
 سیاسی پرنسیپ مسئله لرله دکل یا ته قنیک مهارته یاخود دقتلی
 بر تدریقه احتیاج کوسترن تفرعات ایله مشغول اولورلر. انجمن
 مرحله سنده مهم سیاست عمومی مسئله سی تولید ایده جک بر ماهیتده
 اولمایان قانونلر ایچون بوانجمنلردن استفاده ایدیلمک ایسته نیوردی.
 فقط بدایتده کی بونیته صوکره تمامیه رعایت اولونمادی. چوق کره،
 پک صو کوتورور بر ماهیتی حائز قانون لایحه لری، مسعتمل تعبیر
 موجبنه، «یوقارییه» حواله اولوندی [۲]. مع مافیه، حکومتک
 اک مهم لایحه لرینه هیچ بر زمان بواصول تطبیق اولونماشدر.
 بر چوق کشی بو بدعتدن متأسفدرلر. بوندن دولاییدر که ۱۹۰۷ ده
 دائمی انجمنلرک مقدارینی درده ابلاغ ایتمک و مجلس عکسنه بر
 قرار ویرمدکجه بوتون لایحه لری بونلره حواله ایله مک فکری
 اوقدر مخالفته معروض قالمشدر. بو حکمک پک صو کوتورور

[۱] فرقه مبعوثلرینک آیربله صورتیه و بریلن رایلره اشتراک
 ایدن اونده دوقوزندن فضلہ سی بر طرفده زمره حالنده رای ویررلر،
 رایه اشتراک ایدن مخالفت مبعوثلرینک اونده دوقوزی ده دیگر طرفده
 مشترکا رای ویررلرسه بوکا فرقه پروگرامی دائره سنده، فرقه جیلق
 روحیه ویریلش بر رای دیورم.

[۲] عوام قاماراسی (اصول مذاکره) حقیقده کی انجمنک ایکنجی
 راپوری. ۲۵ مایس، ۱۹۰۶، مسئله، ۹۶، ۱۱۲، ۱۴۲، ۳۸۱
 (صفیحه ۴۱). دائمی انجمنلرک اوطه لری یوقاری قاتده در.

مسائل عمومیه تماس ایدن لایحه لره تطبیق ایدیله مسی حقیقه
انجمنك مضبوطه سنه ویریلن بر تعدیل تکلیفی صرف فرقه جیلوق
نقطه نظرندن طوپلانمش آرا نتیجه سنده رد ایدیلدی [۱].
اصول مذاکره نك تعدیلی قامارادن آنجوق کفایت مذاکره
قرارینه مراجعت صورتیله کچیریله بیلدی [۲]. دائمی انجمنلر
اعتراضه اوغرامایان لایحه لره حصر ایدیلسه لردی حکومتك
قونترولندن آزاده بولونقلری حالده بیله هیئت وکیلیه بر
مشکلات چیقارامازلردی .

انجمنلرک
تشکیلاتنده
فرقه لر

فقط حقیقته انجمنلر حکومتك پک نفوذی آلتنده بولو .
تمقده درلر . بر کره ، حکومت فرقه سی دائما اکثریت آرایه
مالکدر . وقتیه ، منتخب انجمنلرده یالکیز بر رأی اکثریت
موجود اولوردی [۳] . فقط بوکون کرک منتخب انجمنلرک
کرک دائمی انجمنلرک بالذات قاماراده فرقه لر آراسنده کی نسبتی
ممکن اولدیغی صحنه تمثیل ایتسه سی عمومی بر قاعده اولمشدر .
مثلا ، ۱۸۹۴ ده فرقه لر قاماراده همان همان حال موازننده
بولونقلری ایچون حکومتك انجمنلرده کی اکثریتی پک ضعیف
ایدی . فقط محافظه کارلر چوق دها فضله بر اکثریتله تکرار
موقع اقتداره کلدکلری زمان ، انجمنلرده کی اعضاقلری ده بو

[۱] کذا ، ۸ نجی صحیفه .

Hans. , 4 Ser. CLXXII. 873-919 [۲]

Hans. , 3 Ser. CCLXXV, 306-307 [۳]

اکثریتله متناسب بر صورتده تزیید اولوندی [۱] . دائمی انجمنلر و چوق کره منتخب انجمنلر انتخاب انجمنی طرفدن تعیین ایدیلیرلر . انتخاب انجمننده علی العاده موقع اقتدارده کی فرقه یه منسوب اون اعضا ايله مخالفتدن بش اعضا موجوددر . یالکیز بونلر بویوک بر تجربه یه صاحب کیسه لردر . تطبیقیله مکلف اولدقلری پرئسیدیلری بیلیرلر . ناظرلرده بونلرک پک مدققانه

[۱] بو، بانطبع، خصوصی و علی قانون لایحه لرینک تعلق ایتدکلری انجمنلره شامل دکلدر . بونون منتخب انجمنلرده دائما قطعی صورتده تطبیق اولوناماز . فقط دائمی انجمنلرده آراده کی نسبت قطعی صورتده محافظه اولونور . فی الحقیقه ، بالخاصه اسقوجیا مبعوثلردن مرکب اسقوجیا انجمن دائمیسنه قارشى درمیان ایدیلن باشلیجه اعتراضلردن بری بو انجمنک قماراده کی فرقه لر آراسنده کی نسبتی دوغرو بر صورتده تمثیل ایتمه سی کیفیتی ایدی . مذاکره ائساننده مستر بالفور « بونک یالکیز عنعنیه مستند بر اصول اولفله قالمایوب نشری خصوصی صانده حکومتک مسئولیتی اساسی محافظه ایدیلک ایسته نیورسه همه حال لازم بر اصول اولدیفنی « سویله مش واحتمالکله اعتمادلرینی قازانامش اولدیفنی دائمی انجمنلر قارشیسینده حکومتک وضعیتی نه اولاجفنی صورشدی . انجمن ، بر لایحه قانونیه یی تعدیل ایدهرک اوکا کوره مضبطه تنظیم ایده بیلیردی . او زمان یا حکومت او لایحه قانونیه دن وز کچه جک یاخود اولدیفنی کی قبول ایده جک یاخود بوتعدیلاتی مضبطه مرحله سنده برطرف ایتدیرمکه چالیشه حق ایدی . بو ایسه ناقابل تحمل بروضیت احداث ایدر ، مسئول بر هیئت وکیلله طرفندن قانون وضعی کیفیتنی بی معنا برحاله صوقاردی (Hans., 4 Ser. XVII, 1132, 1135-6) . عوم قماراسی حقنده کی انجمنک ایکمنجی مضبطه سنه باقیکیز : ۲۵ مایس ،

پادقلمی انتخاباته مداخله ائمه مکه غیرت کوستری لر [۱].

حکومتک
انجمنلرده کی
نفوذی

انجمنده ساده جه اکثریته مالک اولق ، حکومت کندی طرفدارلری اوزرنده تضییقات اجرا ایدمه مزسه ، کافی عدایدله مزه . منتخب انجمنلر ایچون بونک بویوک براهیتی یوقدر . چونکه ، یوقاریده کورولدیکی اوزره ، بوانجمنلره مهم برچوق مختلف فیہ لایحه لرك کوندریله سی نادراً وقوعه کلیر . انکلز دولت آدملری ایچون شایان افتخاردرکه تحقیقات اجرایی ضمیمه تشکیل ایدن منتخب وخصوصی انجمنلرده تضییقات اجرا ایدیلدیکنه دائر بر سوز ایشیدیله یور . انکلترده بر تحقیقات انجمنک یاخود قومیسونک مضبطه سی چوق کره : « کیمسه فنا بر حرکته بولونماشدر فقط بردها تکرارندن اجتناب ایدیلیدر » طرزنده کی بر اساسک مختلف شکللرده افاده سندن عبارت قالمقه برابر رسمی اداره لر حقنده شدید تنقیداتی حاوی راپورلرده تصادف اولونور [۲] . دائمی انجمنلرده حکومتک نفوذ و تأثیری پک

[۱] Hans 3 Ser. CCCXXXIX, 126. دائمی انجمنلرك رئیسلی ،

مجلس رئیسلی کی ، قطعاً بیطرف بولونقی لازمدر . بونلر رئیسلی زمره سی طرفندن وکندی آرالرندن انتخاب ایدیلرلر . ایچلرنده مجلسک هر فرقه سنه مذبوب اوچر ذات واردر . اکثریا حکومتک بر لایحه قانونیه سنک اثنای مذاکره سنده مخالفته مذبوب بر ذاتک ریاست ایتدیکی واقعدر .

[۲] بالخاصه ۱۹۰۳ ده جنوبی آفریقا محاربه سی حقنده کی انجمن

مضبطه سی . Com. Pap. 1904, XL, 1 و ۱۹۰۴ ده بهق مسئله سی

حقنده کی مضبطه . Com. Pap. 1905, LXII, 465

انکلتره نک حاکمیتی : ۱۳

ظاهر در . فی الحقیقه ، بوانجمنلر حکومتک لایحه لریله اشتغال ایتدکلی زمان ، کرک منظره لری کرک تشکلی اعتباریله قامارانک برر مینیا توریدرلر . قارشی قارشی به عینی صیرالر موجود در . لایحه قانونیه بی مدافعه وظیفه سیله مکلف ناظر ایلك صیرانک اوجنده رئیسک صاغنده اوطورور . تعدیل تکلیفلرینی حکومت نامنه رد ویا قبول ایدر [۱] . سالونده حاضر بولونمیان مبعوثلر آریله صورتبله طوپلانان رایله اشتراک ایچون ، عینی وجهله چاغیریلیر [۲] . محافظه کارلر موقع اقتدارده بولوندقلی زمان ، اعضالره ایرته سی کون مهم بر مسئله حقنده رأی طوپلانامسی ملحوظ اولدیغندن انجمنده حاضر بولونمالری لزومنه دائر دعوتیه لر کوندریلیردی . لیبرالر بواصولی استعمال ایتیه یورلر ، وچوق کره ، طرفدارلرینک انجمنلرده حاضر بولونمالری تأمین خصوصنده مشکلاته اوغرایورلر . بوندن باشقه ، برلایحه قانونیه به اک چوق علاقه دار اولان وبناء علیه ناظرک حکم ونفوذینه اک آز منقاد بولونان مبعوثلرک — مثلاً منتخبلرینه تعلق ایدن مسئله لرده عمله مبعوثلریله ایرلاندا مبعوثلرینک — دیکرلرلندن دهها زیاده مداوم اولمالری یوزندن ده بعضاً مشکلات چیقیور . فقط ، حکومتک برانجمن اوزرنده کی نفوذی بالذات قامارا

[۱] « بویوک انجمنک طوپلاناجنی سالونک ترتیباتی، حتی مفروشاتی

بیله فرقه حکومتی فیکرینه کوره دوشونولشدیر » Hans, Ser., XXII,

. 1162

اوزرنده حائز اولدینی نفوذدن محسوس صورتده آزايسدهده
هرحالده ينه مهم بر درجه اولدینی غير قابل انكاردر [۱].

مع مافیه ، كرك منتخب كرك دائمی انجمنلرده ويريلن رایلر
فرقه جيلق روحنه هان همان هیچ تابع دكلدرلر . هر حالده
قاماراده كندن دها آذرر . ايستايستيقلريني ياديردينغمز ۱۸۹۴
و ۱۸۹۹ سنه لری تدقيق ايديليرسه كورولوركه ۱۸۹۴ ده منتخب
انجمنلرده آريله صورتيله طوپلاناں سكسان درت رآيدن يكرمی
اوچی فرقه اساساتنه استناد ايتشدی . مسائل حقوقيه وتجاريه
حقنده کی دائمی انجمنلرده [۲] جمعاً يدی كره آريله طريقه
رأی طوپلاناںش وبونلركده يالكرز ايکيسي فرقه جيلق نقطه نظرندن
وقوعه كلشدر . حالبوكه قاماراده آريله صورتيله طوپلاناں ايکی يوز
قرق آلتی رآيدن يوز سكسان دردی فرقه اساساتنه كوره جريان
ايله مشدر . بوندن باشقه انجمنلرده فرقه اساساتنه مستند رایلر
باشليجه برقاج مسئله يه انحصار ايدر . مثلاً ، منتخب انجمنلرده
طوپلاناں يكرمی اوچ رآيدن اون يدی دفعه سی امور خيريه
قوميسيونك مساعي انجمننده وقوعه كلدی . ديكر لر ينك
[۱] عوام قاماراسی انجمنك ايكنجی مضبطه سی . ۱۹۰۶ ،
مسئله ۱۰۰ ، ۲۸۰ ، ۳۴۱ .

[۲] اسقوجيا حقنده کی غير طبيعي انجمن دائمده وضعيت پك
فرقلی ایدی . بوانجمن يالكرز بر لايحه حقنده مضبطه تنظيم ايتدی .
اوده اسقوجيا حكومت بودجه سی لايحه سی ایدی . بومناسبتله آريله
صورتيله رأی طوپلامق طرزينه آلتش اوچ كره مراجعت ايدیلدی .
بونلرك يكرمی بری فرقه اساساتنه استناد ايتشدی .

انجمنلرده
فرقه اساساتنه
مستند رأی
طوپلامه لرك
آزانی

دردی اسقوچياده کی اوزون مدتله اراضی استيجاری و سائر
حقنه کی انجمنده جریان ايندی [۱] . بومقايسه ۱۸۹۹ سنه سی
ايچون ياپيليرسه دها کوزه چاربار . خصوصی انجمنلرده آريله
صورتيله طوپلاناں آلتش اوچ رآيدن بر دانه سی فرقه نقطه
نظرندن وقوع بولدی . دائمی انجمنلرده بونسبت الی اوچده
آلتيدر . بو آلتی وقعه ده هپ عینی لايحه يه تعلق ايدر [۲] .
حالبوکه قاماراده آريله صورتيله طوپلاناں اوچ يوز الی رآيدن
ايکی يوز قرق ايکی دفعه سی فرقه جياقی نقطه نظرندن جريان
ايتشدی [۳] .

[۱] ۱۸۹۴ ده مسائل حقوقيه و تجاريه دائمی انجمنلرنده فرقه
اساسانی دائر سنده طوپلاناں ايکی رأى کلياسيه متعلق بر لايحه قانونيه
مناسبتيله در و بوده حکومتدن تکليف ايديلهمشدر .

[۲] ايرلندا حقنه کی زراعت ، مسلك تدریساتی لايحه یی .

[۳] بو حسابك باپلاسای ايچون تعقيب اولونان اصول و فرقه
رابطه لرینك قونی « بابنده بحث ايتديكمز اصولك عينيدر . انجمنلرده کی
رأيلرك ايتسانيتیق سنه نك مختلف ماوی كتابلرنده طبع ايدیان
مضبطلرندن آلتشدر .

رقلر باشقه صورنلده اراثة ايديله بينير . فقط ينه عینی نتیجه چيقار .
يالکيز موقع اقتدارده کی فرقه نظر تدقيقه آلتهرق ، مخالفت فرقه سی
مپوئلرينك رأيلرينه هيچ باقلمادن ، بو فرقه نك نه نسبتده فرقه پروگرامنه
استناداً رأى ويرمش اولدينی آراشديريله جق اولورسه شو نتیجه يه
دسترس اولورز :

۱۸۹۴ ده : قاماراده % ۸۰ ؛ منتخب انجمنلرده % ۴۹ ؛

حقوق و تجارت انجمنلرنده % ۴۳ . ۱۸۹۹ ده قاماراده % ۹۱ ؛

انجمنلرده طوپلاناں رأیلرک فرقه اساساتنه قاماراده کی رأیلر قدر تابع اولماسنک سبیلری پک آشکاردر. بر کره ، اچوق اختلاف تولید ایدن، فرقه جیلحق حسنه اچوق دوقونان لایحه لرک هیچ بر زمان انجمنلره حواله ایدیلده دیکنی اونو تاممالیدر. بوندن دهآز حائز اهمیت اولمایان دیکر بر سببده شودر : دائمی بر انجمنده اولسه بیله حکومتک مغلوبیتی هیئت وکیلنه ک حیاتی دوعروندن دوعرویه تهدید ایده من . بناء علیه قوه تأییدیه سی یوقدر . فی الحقیقه ، بعضاً بر تعدیل تسکلیفی ، حکومتک مقاومتنه رغماً انجمنده قبول ایدیلدیکی واقعدر . بوتقدیرده ناظر یا اونی قبوله قرار ویریر ، یا خود مضبوطنه تنظیمندن صوکره قامارایه رد ایتدیرمه نی دوشونور . فقط ، ناظر ایچون مشکل اولدیغی غیر قابل انکار بولونان بو وضعیت قاینه نک حکم ونفوذی

منتخب انجمنلرده ۳۴ ؛ حقوق وتجارت انجمنلرده ۵۹ / ۱۹۰۰ ده قاماراده — ؛ منتخب انجمنلرده ۱۸ / ؛ حقوق وتجارت انجمنلرده ۴۳ . ایکی فرقه نکه ده فرقه اساساتی دوشونه دیکی رأیلرک نسبی بروجه آتیدر :

۱۸۹۴ ده : قاماراده ۱۳ / ۴ ؛ منتخب انجمنلرده ، ۲۵ / ؛ حقوق وتجارت انجمنلرده ۱۴ / ۱۸۹۹ ده قاماراده ۲۸ / ؛ منتخب انجمنلرده ۴۳ / ؛ حقوق وتجارت انجمنلرده ۲۶ / ۱۹۰۰ ده قاماراده — ؛ منتخب انجمنلرده ، ۵۰ / ؛ حقوق وتجارت انجمنلرده ۴۱ / .

فرقه اساساتنه مستند رأیلرک مقداری ۱۹۰۰ ده منتخب انجمنلر ایچون ۵۱ ده دوت ، دائمی انجمنلر ایچون ۷۴ ده ۶ در .

تهلكه يه قونمق ايسته نيمورسه انجمنلره توديع ايديله جك ايشلره
بر حد قبول ايتك لازم كلديكني كوستير .

حكومتك طلب ايتديكي تخصيصاتلري تدقيق ايجون انجمنلر
تأسيس ايديله سنده عيني تهلكه موجود اولابيلير . بو قيل
انجمنلرك تشكيلي چوق كره تكليف ايديلشدر [۱] بونك پك
اني بر سببي ده واردر . عوام قاماراسنده تخصيصاتلر مناسبيله
جريان ايدن مذا كره ، اداره نك خط حر كتنى تنقيد ايجون
بروسيله عدايديلمكده در . مسئله نك جهت ماليه سي ، تخصيصاتلرك
حددن فضله ، تنقيصه قابيلتي اولوب اولماديني نقطه سي كوزدن
اوزاق قالمشدر . قاماراك آرتق كنديسنده ايفايه استعداد
كورمديكي بو وظيفه نك منتخب ويا دائمي بر انجمن طرفندن
حسن صورته ياپيلايله جكي پك طبيعي عد اولومشدر . فقط
انجمن حقيقه تخصيصاتلري ديكشدرمكه قالقه جق اولسه ايدى ،
آروپا پارلمنتولرنده بودجه انجمنلرينك ياپدقلى كبي ، بودجه
تنظيمي كيفيتنده حكومتك حائز اولديني حقه تجاوز ايتش
اولوردى . ماليه خصوصاتنده بوتون تكليفاتك منحصر احكومتمدن
صادر اولماسي پرنسيپي تهلكه يه دوشردى . حالبوكه بو پرنسيپ
مسئول بر هيئت و كيله نك هم حكم ونفوذينك هم ماليه نك قبه

بر مصارفات
بودجه سي
انجمنى تشكيلي
حقنده تكليفلر

[۱] تود : Parl. govt. in Engl. برنجى جلد ، ۷۴۴-۴۶؛ ماي ،

۵۶۴ . بودجه لرك اصول مذا كره سي حقنده كي انجمنك مضبطه سي .

Com. Pap., 1888, XII, 27. مصارفات عموميه ومليه انجمنك راپورى .

Com. Pap., 1903, VII, 483.

طاشيدر. حسابات انجمنی، وقوع بولان مصارفی کمال اعتنا ایله
تدقیق ایدرک بونلرک قامارا طرفندن قبول اینیلن تخصیصاتلره
تقابل ایدوب ایتمه دیکنی میدانه قویماسندن خیرلی برشی اولاماز.
آراده صیراده، مصارفاتک هیئت مجموعه سنی کوزدن کچیرمه سی
وقابل ایسه مقتصدانه تکلیفلرده بولونماسی ده غایت اعلا در.
بو جرکتلرک هر ایکسی ده یاپیلوب بیتمش شیلرک تنقیدی
ساحه سنه کیرر؛ استقبال ایچون صورت عمومیه ده بر طاقم
اشارتلی احتوا ایدر و حکومتک کندی سیاسی پروگرامی
یایمق و کندی بودجه سنی حاضر لاق یولنده کی حریتنه دو قونماز.
مصارف عمومیه و ملیه حقنده کی صوک انجمن، ۱۹۰۳

سنه سنده کی مضبطه سنده، هر سنه تخصیصاتلرک رصنفی ویا بر قسمی
منتخب بر انجمن معرفیه تدقیق ایتدیرمک فکرینه طرفدار
بولونیور. فقط بو انجمنک ناظرلرک مسئولیتی تنقیص ایدوب
ایتمیه جکی نقطه سنده رأیلر تخلف ایتدی و بوفکر بشه قارشى
یدی رأى ایله قبول اولوندی [۱]. دیگر مملکتلرک تجربه سی
نظر دفته آلیرسه اقلیتک حقلى اولدیغنی تسلیم ایتمه مک الدن کگز.
موضوع بحث اولان انجمن بودجه نک هیئت مجموعه سنی تدقیق
ایده جک بر انجمنه نسبتله حکومت ایچون دها آاز مزعج اولاجنی
اشکار ایسه ده بو انجمن بر آاز حکم و نفوذ صاحبی اولاجق ایسه
و مضبطه سنده بعض تخصیصاتلردن تنقیصات اجراسنی توصیه

قاله جق ايسه بويوزدن ناظرلرله منافرت و رقابت وضعيته
دوشه جكي ده ميدانده در.

دائمی انجمنلرک تشکيلی تکلیف ایتدیکی وقت، غلادستونک
غایه لرندن بری قامارایه مساعیسنک بر قسمی عینی زمانده انعقاد
ایدن مختلف پارچه لر واسطه سیله اجرا ایتک امکانی ویره رک
قابلیت تشریعیه سنی آرتیرمقدن عبارت ایدی [۱]. صولیجانی
اورته سندن کسه رک ایکی یایمق چاره سی جمله عصبیه سی مکمل
صورته تمرکز ایتمه مش بر عضویتیه اویغون کله بیلیر. انکلتزده
بو اصول، مسئول بر هیئت وکلانک وجودیله قابل تألیف اولـ
بیله جک درجه اعظمی یه ایصال ایدیلشدر کی کورونیور. دائمی
انجمنلر بو غایه یی بر درجه یه قدر تأمین ایتشلردر، فقط الیوم
کندیلرینه حواله اولونان لایحه لره نسبتله ده مختلف فیه اولـ
بیله جک لایحه لرکده تودیعی پک موافق عقل و حکمت عد
ایدیله مز. مجلس تشریعینک محصولاتی آرتیرمق ایچون، دائمی
انجمنلرک عددی ۱۹۰۷ نیساننک ۱۶ سنده درده ابلاغ اولوندی.
مجلس عکسنه قرار ویرمدکجه لایحه لرک بونلره حواله ایدیله سی
تقرر ایتشدر. بواسلاحتک صو کو تورور ماهیتده کی لایحه لری
نه درجه ده بو انجمنلردن کچیره بیله جکی مجهولدر؛ قامارانک
قانون یایمق قدرتی نه نسبتده ارتیراجنی معلوم دکلدر. مع مافیه،
پارلمنتونک قابلیت تشریعیه سی محدود اولایغی شبهه دن آزاده در.

پارلمنتونک
قابلیت تشریعیه
سنک صو
حدینه، واصلت
ایدیلشدر

صوك حده آرتق مواصلت ايديلمشدور يا خود پك آز قالمشدر كې
 كورونبور . مبعوثلر كنديلرينه شخصى صورتده آريلان بر
 پارچه حق زمانى ده فدا ايتمزلرسه، مذا كره لمبعوثلره جانلرينك
 ايسته ديكى قدر مناقشه يه كيريشه بيلمه لرينه و كفايت مذا كره
 تكليف اولونجه يه قدر بويوك كوچوك بوتون تفرعات اوزرنده
 بيققنلىق ويره جك صورتده تكرر تكرر سوز سويلمه لرينه
 مساعده ايتمه يه جك طرزده قيصالتيلمازسه بو حدودى دها توسيع
 اتمكه امكان يوقدر . يالكلز عوام قاماراسنك موقعى بوتون بو
 شيرلك محافظه سنه وابسته اولديغنى ده اونوتما ماليدر .

بوكون قاينه نك پارلمنتونك انضمام راي و موافقتى ايله قانون
 وضع ايتديكى سويله نبرسه پك آز مبالغه ايديلمش اولور . وضع
 قانون كيفيتنك صرف ميخانيكى برا كثریت ايشى اولماسنى منع
 ايدن يكانه حال ، مبعوثلرك شخصاً تقريرلر ولايحه لر توديغنه ،
 حكومتك لايحه لر ن كمال حريته تنقيد و تعديله حقلى اولماسندن
 عبارتدر . مع مافيه بوندن دولاي قاينه نك غندى و كفى بر تائير اجرا
 ايمه سى و خلقتك يا خود پارلمنتونك فكرينه تبعيتدن تماماً آزاده
 بر مطالعه شخصيه استناد ايله مه سى لازم كلز . قاينه دائما عوام
 قاماراسنك و بالخاصه قاماراده كى اكثريت نك نبضه پارماغنى
 قويמש بر حالده در . مملكتده كى حسيات عموميه نك افادانه
 قارشى ده دائما حساسدر . وظيفه سنك بويوك بر قسمى طرفدار-
 لر نك آرزولرينى خلاصه و افاده ايتمكدن عبارتدر . فقط

اکثریت ده قاینه نك واصل اولدینی نتیجه لری قبول ایتمه لیدر .
بونیجه لرك ساحه فعله ایصالی خصوصنده اکثریت ، حقیقه ،
همان همان برما کنه حالنه دوشمشدر .



اون سکنزنجی باب

عوام قاماراسنك قاینه اوزرنده کی حاکمیتی

اداره اوزرنده
قامارانك
حاکمیتی

قاینه نك عوام قاماراسی ایله اولان مناسباتی قانون وضعی خصوصنده دكیشدیکی کی اجرائی خصوصاتده تعدیلاته معروض قالمشدر . بو کون قاینه ، قامارانك انضمام مطالعه سی و موافقتی ایله قانون وضع ایتدیکی کی قامارانك دائمی نظارتی و تنقیدی آلتندهده مملکتی اداره ایلر . هر ایکی تقدیرده ، مناسبت ، اساس اعتباریله هپ بردر . هر ایکسیندهده انکلز سیستمی اوپله بر وضعیت یاقلاشیور که بونده قاینه هر دورلو قوه تشبیه یی کندنده طوپلایور ، پروگرامی قرارلاشدیریور و بونی قامارانك نظر تنقیدینه عرض ایله یور ، الای تلیق ایتدیکی تکلیفاتی قبول ایدیور . فقط هر حالده قامارا حکومتك اجرا آتی و لایحه لرینی علی حاله قبول ایتك یا خود بر مؤاخذه قراری و برمك ، یا تبدل و کلا یا مجلسك فسخی شکلرندن برینی کوزه آلق مجبوریتندهدر .

قامارا اداره
حقنده نادراً
برخط حرکت
امزاید

عوام قاماراسنك حکومته اداره خصوصنده معین بر خط حرکت تعقیبی مجبوری قیلان برقرار اتخاذا یمه سنه مانع هیچ برشی یوقدر . قامارا آراده بونی یامشدر . فقط پك نادراً [۱] .

[۱] ۱۸۰۷ دن ۱۸۷۴ سنه سنه قدر کچن زمان ظرفنده بو

بو کونکی اصوله نظراً، دوغرودن دوغرویه بویه برقرار پک مشکلاته اتخاذ ایدیه بیلیر. چونکه بوکا یالکیز مبعوثلرک شخصی تقریرلرینک مذاکره ایدلیکی آقشام جلسهلرنده امکان تصور اولونابیلیر. بو وسیله لرله یاخود باشقه زمانلرده، حکومتک فلان صورتده حرکت ایتمه سنی طلب ایدن تقریرلر ویریلدیکی واقعدر [۱]. فقط حکومت مقاومت کوستردیکی زمان بوتقریرلر نادراً قبول اولونور. فی الحقیقه، صوک اون سنه ظرفنده بویه برشی وقوعه کله مش کبی کورونیور. ده اولکی اون سنه ایچنده ایسه کوزمن اوکنده آنجق درت مثال واردر. فقط بونلرک صوک اوچنده قاینه مجلسک تمیناتنه اطاعت ایتمه مشدر [۲]. استقبالده بوقیل

بابده کی مثاللر تودک Parl. Govt. in England نده واردر. برنجی جلد، ۴۲۲-۴۲۸، ۴۴۹-۴۵۰.

[۱] مثلاً ۱۹۰۴ ده آچقندن آچیه بو وصفی حائر دوت تقریر ویریلشدر. ایلک ایکنجیسی (که حکومت طرفندن استخدام ایدیلن عادی عمله لره طبیعی اجرتک ویریله سنی طاب و کوپکارده جانی جانی تشریح عملیه سی بایله اسنی منع ایدیوزلردی) رایه سراجعت صفحه سنه قدر واصل اولامادیلر. حکومتک آفریقاده توتون زراعتی تشویق ایتمه سنی ایسته ین اوچنجی تقریر آریله صورتیه رایه حاجت قالمادن قبول اولوندی.

[۲] بعضاً برامرواقه حقنده کی تقبیحی استقبال ایچون بر تعلیماتدن تفریق ایده بیلیمک زور اولور. فقط تخصیصاتدن بر مقدار تزیلات بایله ماسی یاخود مجلسک تعطیلی صورتیه بالواسطه بر تقبیحی تضمن ایدن قرارلر استثنای ایدیه کک اولورسه، ۱۸۸۶ تاریخندن صوکره بویکی مطالعه دن برینی صریح تعبیرات ایله محتوی اولوبده حکومتک مخالفتنه رغماً قبول اولونان تقریرلر شونلردر: ۱۲ حزیران ۱۸۸۸ ده

قرار لرك چو غلاماسی احتمالی پك آذر. چونكه عصری مسئولیت
پر نسیبی ناظر لرك سربستی حرکاته مالکین لرینی استلزام ایدر .
ناظر لر وظیفه لرینی اجر ایدر کن صریح تعلیمات و وجهه آمازلر،
افعال و حرکات لرندن حساب و بریرلر .

عوام قمارا سی استقباله حکومتك شو صورتله حرکت ایتمه سی
حقنده صیق صیق قرارلر ویرمز سده مبعوثرلر حکومتك ماضیده کی
حرکاتی حر بر صورتده و متصل تنقید ایدرلر . بونی یاپه ییلمك
ایچون متعدد وسیله لرواردر. ابتداء، دوره اجتماعیه ك باشلانغیچنده
نطق افتتاحیه یازیلان عریضه جوابیه کلیر . صوکره سؤال

قمارا حکومتك
حرکاتی سر-
بستجه تنقید
ایدر

قمارا ، لزوم سز مأمور لرك باشقه دائره لره نقل رینه دائر بر قرار اتخاذ
ایتدی . حالبوکه حکومتك تعیین ایتدیکی بر قوم یسیون ذاتاً بو ایشله
مشغول ایدی . ۳۰ نisan ۱۸۸۹ ده قمارا هندستانده آفون زراعتی
تشویق ایچون تطبیق ایدیلکده اولان ویرکوسیستمی تقبیح ایتدیکنی
بیان ایله دی . ۱۰ Nisan ۱۸۹۱ ده قمارا تخصیصات انجمنی حالنده
انقصاد ایدرکن عینی مآله دیگر بر قرار ده ویریلدی . حکومت
طرفندن تعیین ایدیلش بر قوم یسیون موقع صرعیتمده کی سیستم لهنده
بیان مطالعه ایتدی و صرکره سیستم بقا اولوندی . (Com. Pap. 1894, LX, 583, LXI; LXII. 1895, XLII, 31; 1892, LVIII, 1893
LXVI.) بو قرار ایله ۱۸۹۳ ده قمارا هندستان خدمات ملکیه سنه
قبول امتحان لرنك انکاترده اولدیفی قدر هندستانده ده بایلماسی
آرزوسنی اطهار ایتدی . یالکیز ، بو تبدله همان همان تماماً علیهدار
بولونان هندستان مأمور لرنك مطالعه سنی آلدندن صوکره حکومت
بو قراری موقع اجرا یه قوتنامه قرار ویردی , 1893 . (Com. Pap. 1894, LX 1
LXIV, 689; 1894, LX 1
Hans., 4 Ser, XXIV, 1537

ایرادی، حتی ناظرلری سربست صورتده تنقید دکلسه دهه حالده کندیلرندن افعال و حرکاتلرینک حسابی ضرورق امکاتی هر کون تأمین ایدر . صوکره ، تعطیل مذاکره تقریرلری واردر . مبعوثلر خصوصی صورتده تقریرده ویره بیلیرلر . تخصیصات ویا طرق وسائط انجمنی حالنده اجتماع ایدیله جکی زمانلر مذاکرات جریان ایدر . بالذات تخصیصات انجمننده کی مذاکره لده تنقیداته برفرست تشکیل ایلر . قرنسولیده خزینیه دائر مقررات ایله تخصیصات قانون لایحه لری ، بودجه ، تعطیل دوره سی ایچون مجلسک تعلیقی تقریرلری حقنده کی مذاکره لده حکومتی تنقید امکاتی بولونور . بولردن باشقه حکومتی قطعی صورتده عدم اعتماد بیان ایدن تقریرلر ویره بیلیر . ناظرلرک اجرا آتندن پارلمنتویه شکایت ایچون موجود بو مختلف فرستلردن ناصل استفاده ایدیله بیله جکی حقنده برآز ایضاحات ویرمهک لزووم واردر .

فردی صورتده
تنقیدات و
مشترک تقبیح

اولا ، مبعوثلرک فردی صورتده وقوعه کلن تنقیداتی ایله قامارا طرفندن مشترک صورتده ویریش بر تقبیح قرارینی یکدیگرندن آیرمق لازمدر . برنجی نوع تنقیدات ایسترسه حکومت صیراسنک آرقه سنده اخذ موقع ایتمش مبعوثلردن صادر اولسون ایسترسه سالونک دیگر طرفندن کلسون ، ماهیتی اعتباریله ناظرلره براخطاردن ، پارلمنتو خارجنده آزچوق برعکس صدا اوایندیر ایله جک بر مطالعه دن عبارتدر . حد ذاتنده اودقیقه ده حکومتک وضعیتی تهلهکیه دوشورمز . یالکز ، ناظرلرک بو

صورتله بحث ایدیلن خطاری صوکره عمومی بیلانچویه کیرر .
 ملت ده عمومی انتخاباتده قرارینی اوکا کوره ویرر . فقط ، قامارادن
 ویریلن برتقییح قراری قابینهك درحال استعفا سنی انتاج ایده بیلیر .
 مسئول بر هیئت وکیله سیسته می ایسه مسائل حاضره حقنده
 مختلف فکرلره مالک ایکی فرقهك موقع اقتدارده یکدیگریله
 مناوبه سنی استلزام ایدر . اکر بویله اولماسه ایدی ، بر قابینهك
 سقوطنی متعاقب عینی پروگرام ایله دیگر بر قابینه موقع اقتداره
 کله بیلیمه ایدی اوزمان رسمی حیات ، باشلیجه سیاستچیلرک
 شخصی حرص جاهلرینه وانتیقه لرینه آلت اولوردی . آوروپانک
 بعض مملکتلرنده بوکون پارلمنتو ره ژیمنی کوزدن دوشورمکه
 سبب اولان حال بودر . فقط بر تبدل وکلا ، موقع اقتداری
 بوتون بوتون باشقه بر پروگرام ایله مخالفه براقق ضرورتی
 استلزام ایدنجه ، ملت بویله بر نتیجه بی آرزو ایتدیکنی مجلس
 مبعوثانده کی ممثلری واسطه سیله یا انتخابات عمومیه رأیلری ایله
 بیان ایتدکجه بوتبدلک وقوعه کله میه جکی آشکاردر . بناء علیه
 ناظرلر سیاسی پروگراملری یاخود خط حرکتلرینک هیئت
 مجموعه سی یاخود نتایجی اعتباریله سائر مسائلک کافه سنه تقدم
 ایدن معین بر مسئله دولایسیله موقع اقتدارده قالیرلر یاخود
 دوشرلر . ایکنجی درجه ده حائر اهمیت بر حرکتدن دولای
 سقوط ایتزلر . بوندن باشقه ناظرلرک سقوطی قراری درین
 بر تاملدن صوکره وقوعه کلیدر . بردن بره قامارایه خبر ویریلش

سیاسی بر بجر کسزلك دولایسیله جریان ایدن بر مناقشه نك حرارتی
ایچنده اتخاذا ایدیلور مش اولمالیدر . فرانسرلرك استیضاح
سیسته منده ایسه بونك تماماً عکسی واقع اولور . بواصول ،
حکومتك منفرد بر حرکتی ، او حرکتك تقییح ویا تصویبی
متضمن تقریرلر ایله نهایت بولان بر مذاکره زمین تشکیل
ایتمك امکانی ویریور . بعضاً بو تقریرلری قایینه طرفدار
اولقله برابر موضوع بحث اولان حرکتی تصویب ایدمه
مبعوثلرك رأیلرینی قازانه حق صورتده تحریر خصوصنده بویوك
برمهارت کوستریلیور [۱] . آشایکی صحیفه لرده ناظرلرك خط
حرکتی قامارانك نظرتدقیق و تقدیرینه عرض ایتمك مختلف
واسطه لرینی ایضاح ایتدیكمز زمان بوقییل مانوره لره مراجعتك
عوام قاماراسنده کیتدکجه مردود برحاله کیردیکی کوروله جکدر .

عریضه
جوابه

عادی بر دوره اجتماعیه نك ایلك ایکی اوچ هفته سنی حکمدارك
نطقه خطاباً یازیلاچق عریضه جوابیه نك مذاکره سی اشغال
ایدر . عریضه جوابیه ، تکلیف ایدیلن تعدیلات اطرافنده
جریان ایدن سیاسی بر سلسله محاربات میدانی دیمکدر . هر سنه
اون ایکیدن فضله تعدیل تکلیفلری وقوعه کلیر . چوغی ، نطقه
بحث ایدیلن بر طاقم قانونلرك وضعی لزومنده اصرار ایدرلر .
بعضیلری صرف ادارهیه ، سیاست خارجهیه یا خود داخلیه

[۱] دوبره : ناظرلر ، ۲ نجی جلد ، ۴۴۰ - ۴۵۰ ؛ لول :

حکومتلر و فرقه لر ، برنجی جلد ۱۱۷ - ۲۶۰ .

حائد مسئله لره متعلق بولونور . بعضاً ، هندستان حدودينك
 توسيعي ياخود چينك تماميت ملكيه سنك محافظه سي كبي بويوك
 سياست عموميه مسائله تعلق ايتدكلري واقعدر . فقط هر زمان
 بويله دكلدر . مثلاً ، پوسته وتلغراف مأمورلرينك شكايترلندن
 باحث تقريرلر ويريلديكي كبي ، افلاس ايتمش برتسبث تجارينك
 مجالس اداره اعضالري حقنده تعقيبات يالماديغني مؤاخذه ايچون
 تعديلالت تكليف ايديلديكي ده كورولمشدر . ايرلاندا ده كي تحريكات
 سياسييه مائدجرملر ايچون محكوم اولمش كيمسه لرك تخليه ايديله لري
 ياخود تخليه لرندن استسكاف كوسترلمه سي حسييله مؤاخذه لرده
 وقوع بولور . بو كبي احوالك بعضيلرنده معين برطاقم حرركات
 مجلسك تقديرينه عرض اولونور . بونلرك دوعرودن دوعروهيه
 مجلسده رأى طويلانماسنه بر زمين تشكيل ايتمه لرينه مانع اولمق
 عموميتله غير قابلدو . يالكز ، بونلريكي وقعه لر دكلدرلر . كذلك ،
 پارلمنتونك على الغفله وقوف كسب ايتديكي وقعه لرده دكلدرلر .
 خلقك نظردقيني شدتله جلب ايتمش وبويوك مناقشاته زمين تشكيل
 ايله مشلر شيلردر . بناء عليه ، حكومت مدافعه سني حاضر لامغه ،
 طرفدارلرينك فكرلريني آكلامغه ، قوتلريني اوكا كوره ترتيب
 ايتمكه بول بول وقت بولمشدر . فعليانده ، بو صورتله اورته يه
 آتيلان اداري مسئله لردن دولايي مغلوبه لره اوغراماز . يكرمي
 سنه دن فضله برزمانده يالكز ايكي دفعه حكومتك راييله نظارت
 ايدن طرفدارلري عريضه جوابيه ته تكليف ايديلان تعديلالت

خصوصندہ اقلیتہ قالمشردرہ فقط بواحوالک ایکسیسی ده ادارى
برحرکتہ تعلق ایتہ یورلردی . ۱۸۸۶ ده وقوعه کلن برنجیسی ،
نطقده زراعت عملہ سنک تہوین معیشتی ایچون ہیچ برتدیردن بحث
ایدیلہ مسنہ اظهاراسفی متضمن ایدی . فرقہ لک وضعیت مخصوصہ سنی
نظر دقتہ آلاق لورد سالسبوری قابینہ سی بو مغلوبیتنی برعدم
اعتماد شکندہ تلقی ایتدی واستعفا سنی ویردی . دیگر وقعہ
۱۸۹۴ ده ظهور ایتدی . لوردلرک عوام قاماراسی طرفندن قبول
ایدیلن لایحہ قانونیہ لری رد ایتک حقلری علیہندہ کی برتقریر ،
حکومتک طرفدارلرندن بعضیلرینک تکلیفی اوزرینہ حکومتک
مخالفتنہ رغماً قبول ایدیلشدی . فقط بو ، برہیت وکیلہ نک
سقوطنی ایجاب ایدہ جک ماہیتدہ برقرار اولمادینی آشکار ایدی .
بوندن دولاییدرکہ عریضہ جواہیہ اساساً سیاست عمومیہ
مسائلنک مناقشہ سنہ مخصوص بر دورہ اولقلہ برابر یالکز معین
برطاقم حرکات واجرا آتی قامارانک نظر تقدیرینہ عرض ایتک
ومجاسی بو مناسبتلہ مسئلہ حقندہ دوعرودن دوعروہ رأینی
اظہارہ مجبور بولوندیرمق فرصتی تأمین ایدر . فقط بواعطای
رأی کیفیتی قابینہ یی صوک درجہدہ صیقاچق و مشکل موقعہ
صوقاچق طرزده وقوعه کلز .

ناظرلرہ سؤال ایراد ایدیلدیکنہ دائر ، ۱۸ نجی عصرده بیلہ
منفرد مثالرہ تصادف اولوبور . فقط بوعادتک پک جاری برشکلہ
کیرمہ سی آلتس سنہدن بریدر . اوتاریخده بر دورہ اجتماعیہ

ناظرلرہ
سؤالر

ظرفنده يوز قدر حقی ده‌ا فضله بر سؤال ایراد ایدیلیردی .
 بونلری ایراد ایتمه‌نک طرزی و زمانی حقنده‌کی ایلک احکام
 اووقت وضع اولونمشدی [۱] . بواصول مؤخرأ اوقدر سرعتله
 انکشاف ایتدی که ۱۸۷۰ دن سوکره دوره اجتماعیه باشنه بیک
 سؤال اصابت ایتمه‌ک باشلادی . اون دوقوزنجی عصر سوکلرینه
 دوغرو ، بر دوره اجتماعیه‌ده صورولان سؤال‌لرک مقداری
 تقریباً بش بیکه بالغ اولدی . شکلاً ، سؤال‌لر ساده‌جه برطاقم
 معلومات طلبندن عبارتدرلر . ایچلرنده هیچ دلیل و محاکمه بولوناماز .
 معنالرینی ایضاح ایچون لزومسن تفصیلاته کیریشیله مز . سؤال‌لر ،
 قامارلنک اعضاسندن بولونان ناظرلره توجیه ایدیلک لازمدر .
 سؤال ، اونلرک دائرة وظائفنه داخل بولونان خصوصاته تعلق
 ایتلیر [۲] . سؤال‌لر عقل و خیاله کله‌بیله جک بوتون خصوصاته
 شامل اولابیلیرلر . قامارلنک مساعیسنی سوق و اداره خصوصنده
 ناظرک نه‌دوشوندیکی ، بوتون شعبات اداره‌ده هر درجه‌ده‌کی
 مأمورینک یابدقلری حرکات ، حکومتک مداخله‌سنی ایجاب
 ایده‌بیله‌جک حادثات بر سؤال موضوعی تشکیل ایده‌بیلیر . سؤال‌لره
 ویریلن جوابلرتوالی ایتدجکه حکومت صیراسی هرشیته واقفدر

[۱] مای ، ۲۰۶ ، نوط ۱ ؛ تود ، ۲ نجی جلد ، ۴۲۱-۴۲۲

[۲] مای ، ۲۳۷-۳۸ . مجلس ریئسنه یاخود مدافعه‌سیله مکلف

بولوندقلری لایحه‌لر ویا تقریرلر مناسبیله شخصی صورتده مبعوثلره‌ده
 سؤال ایراد ایدیه‌بیلیر . فقط بوجنس سؤال‌لر پک آزدر . شوصیراده
 بزى علاقه‌دار ایتزلر .

ظن اولونابيلير . حالبوکه بوطن تماماً دوغرو دکلدرد . چونکه نه سؤال ایراد ایديله چکی بر ایکی کون اول بیلدیر یلک و دائمی مأمورلره تحریات اجراسی و طب اولونان معلوماتی آمرلرینه احضار امکائی بر اقلیمق اقتضا ایدر .

سؤال ایراد ایتمه نک سبیلری سؤاللر مختلف سبیلردن دولایی ایراد اولونور . بعضاً صرف ایتمه نک سبیلری استحصال معلومات ایچوندر ؛ بعضاً منتخبلره مبعوثلرینک مداوملکنی اثبات ایتمک یا خود فکرلرینی علناً بیلدیرمک ایچوندر . بعضاً موجب شکایت بر نقطه یه افکار عمومییه نک نظر دقتی جلب ایتمک آرزو ایدیلیر . بعضاً حکومتی مشکل بر موقعه صوqqق یا خود احراز تفوق ایتمک مقصدی تعقیب اولونور . بر ناظرک دوستی طرفندن ناظره بروقه یی بالخاصه میدان اهمیتیه حیقارمق وسیله یی احضار ایتمک ایچونده سؤال ایراد ایدیلدیکی واقعدر . سؤال ایراد ایتمکده کی شخصی سبب نه اولورسه اولسون ، بواسول شعبات اداره طرفندن یاپیلان هر حرکت ونسیانی قامارانک حضورینه عرض ایتمک و خدمات عمومییه نک انک عجرری گوشه ارینه قدر آیدینلق سریمک ایچون بر چاره تأمین ایدر . بو حق قولایلقله سوء استعمال ایديله بیلیر . فقط مملکتک اداره نی مقیقظ طومغه یک چوق خدمت ایدر . اهماله ، عندی و کیفی معاملات ، یا خود قلملرده کی عظمت کستاخانه حسنک انکشافنه قارشق قوتلی بر تأمیناتدر . بویله بر حس انکلترده معلوم دکلدرد . بالطبع ناظر هر سؤاله جواب ویرمه که مجبور اولاماز . فقط سیاست

خارجيه ه هاند سؤالرده اكرثيا اولديني كي سكوتني محق
كوسترمك ايچون منفعت عموميه متعلق بر سبب ارئه ايتزمه
جوابدن استنكاف ايتك ايشي صاقلامق آرزوسنه حمل اولونور
وقنا بر تاثير حصوله كتير .

سؤالار ، اداره نك خطالريني قامارايه بيلديرمك ايچون
غايث ابي بر واسطه تشكيل ايدرلر سده بووقايع حقنده بر حكم
ويرمك فرصتي تايمين ايتمز لر وبوصورتله ، فرانسده اولديني كي ،
استيضاح تهلكه سندن اوزاق قايلر لر . حق ، انكلترده برسؤال
دولايسيله مذا كره بيله جريان ايتزمه شه سز كه مبعوث چوق
كره سؤاله تام صورتده جواب ويريله ديكني ادعا ايدر ياخود
بر مطالعه ، بر اعتراض ياخود دها مبرم بر سؤال ايله اصرار
كوستير . فقط بونك بر مناقشه ومذا كرده منقلب اولماسنه
هيچ بر زمان مساعده كوستيرلر . متعم سؤالار ايرادي عادي
بك صيقلاشيرسه ناظرلر بونلره جواب ويرمكدن قطعياً مجتنب
بولونورلر . بوده بر آن ايچون مخالفتي بك جوشديرير ياخود
مجلس رئيسي ، سؤالرك ايچنه مناقشه ومحا كه عناصرى ادخالى
منع ايدن قاعديه استناداً سؤالرك آرقه سنى كسديرير . سؤال
دولايسيله مذا كره جريان ايدمه ديكي كي رآى ده طويلانه ماز .
بوندن دولايدر كه سؤالار بر مسئله اوزرينه افكار عموميه نك
نظردقتني جاب ايتك واسطه سى تشكيل ايدرلر . فقط او حر كتنك
قاماراجه مشتركاً تقبيح ايديله سى امكانى حاضرلايه مازلر .

سؤالدن صوكره
مذا كره جريان
ايتزمه ، رآى
طويلانماز

بر سؤال دوغرودن دوغرویه بر مذاکره زمینی
حاضر لایه ماز و رأیه مراجعت ایدیله سی امکاتی تأمین ایده مز
ایسه ده مذاکره و نتیجه سنده آریله اصولیه رأی طویلانماسنه
سمبیت ویره بیلجک بر تقریر ویریله سی ایچون فرصت
عرض ایده بیلیر . بو ، عمومی علاقه دار ایده جک صورتده
مستعجل و معین بر مسئله مهمه نک مذاکره سی ایچون تعطیل
مذاکره تقریریدر . بو تقریر ، علی العاده ، بر سؤاله ویریلن
جواب اوزرینه تقدیم اولونور . مع مافیه هر زمان جوابک بر
نتیجه سی دکلدور . بو تقریر اصولنک تاریخچه سی ایجه غریبدر .
عوام قاماراسنده ، مذاکره نک مجلسه تقدیم ایدیش تقریرک
موضوعنه انحصار ایده جکنه دائر صورت عمومیده قابل تطبیق
بر پرنسیپ موجود دکلدور . وقتیه ، تعطیل مذاکره تقریرلرینک
مذاکره سنده بویوک بر سربستی قبول اولونوردی [۱] . بو
سایه ده ، نظامنامه داخلییه نظراً مجلسه عرض ایدیه مهین بر
مسئله یی مذاکره فرصتی احضار ایچون ، روزنامه مذاکره اته
کچیلمه دن اول ، تعطیل مذاکره یی تکلیف ایتک عادت و وجود
بولدی . مقصد ساده جه بر مذاکره تولید ایتمکدن عبارت
اولدینی ایچون ، تقریر ، صاحبنک املنی تأمین ایتد کدن صوکره ،
کری آلینوردی . ۱۸۷۷ ده ، بر سؤاله ویریلن جواب ، موجب
ممنونیت اولمادی زمان ، بر مذاکره تولید ایتک املیه بنوع

تقریرلردن ، مجلس ریسنک فکرینه رغماً ، استفاده ایدیلکه باشلاندی . عینی تاریخلرده بونلری صورت منتظمه ده کری المق اصولندن ده واز کچیلدی [۱] . حتی برقاچ سنه صوکره ، بو تقریرلری رأی طوپلانمایه لزوم کوستره جک درجه یه قدر تأیید ایتک معتاد بر حاله کلدی . ۱۸۸۱ دن اول یالکز ایکی دفعه بویله برشی یاپیلمشدرکی کورونیور [۲] . فقط ۱۸۸۱ ده یدی دفعه وقوعه کلدی . تقریرلرک مقداری ایسه اون دو قوزه بالغ اولدی که اولجه بویله برشی هیچ کورولمه مشدی . مبعوثر تعطیل مذاکره تقریرینی بر امتیاز کی تلقی ایتکه باشلادیلر . بونک قولایجه قابل استعمال اولماسی برسوء استعماله قاپی آچوردی . فقط حکومت مختلف نوع تعطیل مذاکره قرارلری حقنده مختلف احکامی محتوی اصوللرله بوکا چارچاق برحد چکدی .

[۱] ۱۸۷۳ دن ۱۸۷۷ یه قدر بش سنه ایچنده بونوع اوتوز بر تقریر کورولدی . اوچی استئنا ایدیلیرسه کافه سی کری آلدی . بو اوچ تقریر ایسه آیریله اصولی طلب ایدیله دن ، شفاهی رأی ایله رد اولوندی . متعاقب بش سنه ده ، ۱۸۸۲ ده کی نظامنامه داخلی فقره سی قبول ایدیلنجه یه قدر ، آتمش درت تقریر ویریلدی . بونلرک یالکز ۱۸ ی کری آلدی . اون ایکیدی آیریله صورتیه رأی طوپلانمایی ایجاب ایدیلنجه یه قدر تأیید اولوندی (بری ۱۸۷۸ ده ، یدیی ۱۸۸۱ ده ، دردی ۱۸۸۲ ده) . بوتفصیلاتی و تعطیل مذاکره تقریرلری حقنده کی ده ها سائر معلوماتی (هاروارد) ده کی طلبه لرم دن مستر ویکرسون ایله ناقاسوجی یه مدیونم .

باسقاليه وپانت قوت يورطيلري ايجون تعطيل مذاكره تقريرى
هيچ دكشمه دى . الا آن مختلف خصوصاتك مذاكره سنه
بر زمين حاضر لاديني آشاغمده كوره جكنز . ۱۸۸۲ ده قبول
ايديلن بر قاعده ، قامارا روزنامه مذاكراته تبعاً مشغول اولور كن
تقديم ايديلن تعطيل مذاكره تقريردن متولد مذاكره يي يالكنز
تعطيل مذاكره مسئله سنه حصر ايتدى [۱] . نهايت ، روزنامه
مذاكراته باشلامدن اول ويريان تعطيل مذاكره تقريرلرى ده
بر طاقم تحديدات مخصوصه يه تابع طو تولديلر .

۱۸۸۱ ده غلادستونك تكليف اوزرينه قبول ايديلش اولان
مستعجلت قرارى اصولى ، مستعجلت اعلان اولونان مسئله
موقع مذاكره ده بولوندينى مدتجه ، مجلس رئيسه قاماراك
مساعيسنى اداره خصوصنده بر نفوذ تام بخش ايتدى . مجلس
رئيسى ، بونفوذ و قدرتك استعمالنه دائر قاعده لر عرض ايدر كن
اويله بر پرنسپ درميان ايتدى كه ۱۸۸۲ صوك بهارنده دائمى
نظامنامه داخل احكامى مياننه ادخال اولوندى [۲] . اليوم

مستعجل بر مسئله
عموميه يي
مذاكره ايجون
تعطيل مذاكره
تقريرى

[۱] البوم ۲۲ نوصولى نظامنامه داخل ققره سى .

[۲] ۱۸۸۱ شباطك ۹ نده مجلس رئيسى طرفندن قولان قاعده لر
تعطيل مذاكره تقريرلرى مناسبيله شو احكامى احتوا ايدى بورلردى :
تثيت ايديلش روزنامه مذاكره يه كچيلمه دن اول يالكنز مجلسك مسا-
عبده سيله تعطيل مذاكره تقريرى ويريله بيلير . روزنامه مذاكره يه
باشلانقدن صوكره ويريله جاك بر تعطيل مذاكره تقريرى حقنده كي
مذاكره صرف تعطيل مسئله سنه انحصار ايدر . , Com. Pap. 1881 , LXXIV, 1

مرعی اولان بوماده موجبجه، قرارلاشمش اولان روز نامه
مذاکراته کیریشلمه دن اول ، قامارانک مساعده سی اولمان
تعطیل مذاکره تقریری ویریه مز. قرق مبعوث تقریری تأیید
ایچون آیاغه قالدقارلرسه یاخود قامارا اعضاسندن اوننک تکلیفی
اوزرینه، قامارا آریله اصولیه رأی طوپلایارق تقریرک تقدیمه
قرار ویررسه اوزمان بویله برتقریراعطا اولونابیلیر. کذلک بو
ماده موجبجه تقریر آنجق « عمومی علاقه داریدن مستعجل،
معین و مهم بر مسئله نك مذاکره سینه سبب اولق » ایچون
ویریه بیلیر [۱]. ۱۸۸۲ تاریخنده کی نظامنامه داخلی فقره سی
دکرسز، مناسبتسز برتعطیل مذاکره تقریری دولایسیله زمان
اسرافتی منع ایدیوردی. فقط مخالفلردن مرکب ایجه مهم بر
کومه نك ناظرلری حساب ویرمک مجبور اتمک ایچون بواسوله
مراجعت ایتمه لرینه مانع اولمایوردی . بو قاعده نك قبولندن
صوکره کچن یکرمی سینه ایچنده یوز قرق آلتی دفعه بویله برتقریر
ویریلش و بونلرک نصفنده مذاکره بررأیه اقتران ایتدیریه جک
درجه یه قدر ایلری کوتورولش اولماسی بونک بر دلیلی تشکیل
ایدر .

تقریرک
هدفی

تقریر همان دائماً مخالف مبعوثلردن بری طرفندن تقدیم

[۱] الیم ۱۰ نجی نظامنامه داخلی فقره سی. ۱۹۰۲ ده بایلان
تعدیلات بو احکامه شامل دکلدی. یالکیز تقریر حقنده جریان ایده جک
مذاکره نك زمانته تعلق ایدیورلردی .

ایدیلکله برابر هدفی هر زمان ، مجلسدن برتقییح قرار یی استحصال ایتک دکلدر . بعضاً بر سؤاله جواباً آلمان معلوماتدن دهافضله معلومات استحصالی ایچون استعمال اولونیور . بعضاًده بر مسئله یی بالخاصه نظردقته عرض ایچون بویولده تقریر ویریلکدهدر . یوقاریده سویلندیکی اوزره ، چوق کرده رایه مراجعت ایدیلهدن تقریر کری آلیر و یارد ایدیلیر . مع مافیه ، بردن بره ، اولدن خبر ویریلهدن ، حکومتک معین بر حرکتی ویا نسیانی حقنده برمذا کره جریان ایتمه سنی ورأی طوپلانماسنی تأمین واسطه سی تشکیل ایدر . اک بویوک اهمیتیه بوندهدر . دیمک که بوتقریر ، فرانسزلرک استیضاح اصولیه بر درجه یه قدر حائز مشابهدر . فقط شکللرده کی فرقك صوكد درجه ده براهیتی واردر . انکلترده تقریری مقصوده کی اینجه لکلری افاده ایدجک صورتده قلمه آلمانک هیچ چارده سی یوقدر . تقریری ، حکومت علیهنده بر حکمی تضمن ایتمکله برابر اکثریتک وظیفه شناس مبعوثلرینی قبول رأی ویرمکه وجداناً مجبور ایدجک صورتده یازمق قابل اولاماز . فی الحقیقه ، تعطیل مذا کره تقریری مسئله نک اساسی حقنده قطعی بر حکم افاده ایتمز . قایینه نک طرفدارلرندن بر مبعوث ، تضاده دوشمکسزین ، کندی فیکرنجه ناظرلرک بر خطاده بولوندقلرینی سویله یه بیلیر و صوکره تعطیل مذا کره تکلیفی علیهنده رأی ویره بیلیر . فعلیاتده ، بویله بر تقریر آنجق ایکی دفعه قبول ایدیلشدر : برنجیسی ۱۸۸۱ سنه سی مایسنک

۱۰ نده در ، ۱۸۸۲ روزنامه داخلی فقره سنك قبولدن اولدر .
مجلسده حاضر اعضا لرك مقداری پك آزدی . حكومت ، تقریره
مخالفت كوستر مه مشدی [۱] . ایكنجیسی ، ۱۸۸۷ سنه سی
تموزینك بشنده در . میس قاسك توفیق حقه ده کی مذا کرده دن
صوكره وقوعه ككشدر . ایكیسنده ده هیئت وکیله استعفا سی
ویرمشی .

تہلکہ سی بوکا رغماً ، تعطیل مذا کره تقریری قاینه ایچون دائماً بر
تہلکہ منبعیدر . انکلیز سیاسی آدمارینك سكونتترینه و فرقه
رابطه لرینك کسب ایتدکاری قوته رغماً ، عوام قاماراسنك ،
میس قاس وقعه نده اولدینی کبی استقبالده سورو کله نوب
کیتمه یه جکی وقاینه نك بر تعطیل مذا کره قرارینی عدم اعتمادی
تضمن ایدن بر تقبیح کبی تلقی ایتمه یه جکی ادعا اولونورسه پك
جرتکارانه برشی سویلنمش اولور . بوتہلکہ ، ۱۹۰۲ ده کی
قواعد ایله خفیفجه تنقیص ایدیلشدر .

۱۹۰۲ ده نظامنامه داخلی فقره لرنده اجرا ایدیلن و ۱۹۰۶ ده
و خفیفجه دیکشدریلن بعض تعدیلاته کوره تعطیل مذا کره
۹۰۶ تقریری آرتق ، سؤالر بیتد کدن صوکره ، ساعت درده چاریک
قاعده لری

[۱] مذا کره ، پارلمنتو اعضا سندن مستردیلونك توفیق حقه ده
جریان ایدیوردی . غلادستون ، مسئله یی مجلسه عرض ایچون بونك
موافق بر اصول اولمادیقنی دوشونهرک تقریره مخالفت ایتمکدن امتناع
كوستردی و تقریر آیریه صورتیله رایه مراجعت ایدیلده دن قبول اولوندی .

قاله ویريله بیلیر . مذا کره سی عینی کون ساعت سکزی چاریک کچه تعلیق اولونور . بوسایده حکومت آکسزین برهجومه اوغرامق تهلهکه سندن قورتولبور . مذا کره نک جریان ایده جکی تبلیغ اولوندقدن صوکره ، مدافعه سی حاضر لامق ، طرفدارلرینک فکرلرینی آماق ، تردد ایدنلری قاندرمق ، صادقلرینی اطرافنه طوپلامق ایچون حکومتک بش ساعتک برزمانی قالیر . صوکره مذا کره اوילה بر ساعتده وقوعه کلیرکه مجلسده حاضر بولونان مبعوثلرک مقداری ، عمومیتله ، پک آزدر . حالبوکه اولجه مجلس هپ دونو اولدینی زمان مذا کره جریان ایدردی [۱] .

احکام مانعه

بوندن باشقه ، لزوم حس ایدیلدیکی زمان ، بالخاصه معین بر مسئله حقنده ، عمومی علاقه دار ایده جک مستعجل ومهم بر مسئله یی مذا کره ایچون بر تعطیل مذا کره تقریرینک اعطاسی

[۱] ۱۸۸۲ نظام نامه داخلی قهره سنک بلاتعدیل موقع مرعیتده قالدیغی یکریمی سنه ظرفنده قامارانک عمومی علاقه دار ایدن ایشلرینه باشلامدن اول ویریلن تعطیل مذا کره تقریرلرینک عددی وسطی اولارق سنه ده یدیه بالغ اولیوردی . ۱۹۰۳ ده آنجی اوچ ، ۱۹۰۴ ده یدی تقریر ویریلشدی . فقط ، ۱۹۰۵ ده متر بالفور قاینه سی مملکت اوزرنده کی نفوذ واعتباریخی آچیقندن آچیغه غائب ایتکه باشلادیغی صیرالرده ، تقریرلرک عددی دو قوزه چیقدی . نظام نامه نک تعدیلی بوتقریرلر حقنده کی مذا کره یی شخصی صورتده مبعوثلره تخصیص ایدیلش اولان ساعتلره تعلیق ایتش اولیور . چونکه بو مذا کره بر اقشام جلسه سنده وقوعه کلک لازمدر . دوره اجتماعیه نک ایلک قسمنده اقشام جلسه لرینک دورته ایکیمی شخصی صورتده مبعوثلره ایریلشدر .

منع ایتمک اوزره پک بسیط بر چاره واردر. انکلیز پارلمنتو حقوقک عمومی بر پرنسپیی موجبنجه ، مجلسک قرار ویرمش اولدینی مسئله لردن هیچ ری عینی دوره اجتماعیه ده تکرار مجلسه عرض اولونا ماز. لوردلر قاماراسنده دکلسه ده عوام قاماراسنده رئیس لک مقرر اتی بو پرنسپیی اولجه خبر ویریلنس سؤال لک تقدیمه مانع اولاجق صورتده تشمیل ایتشلردر. حتی مسئله نک تدقیق ایچون بر تاریخ تثبیت ایدیلنس اولماسنه بیله لزوم یوقدر [۱]. بر تقریر اولدن اخبار ایدیلنس اولمق کافیدر. بونی یابان مبعوثک، تقریری قامارایه عرضه امکان بولمق احتمالی غایت آز اولسه ده اهمیتی یوقدر. بر مبعوث ، مجلسه حقیقه تقدیم ایتمه بی احتمالی که عقلنه بیله کتیر مدیکی بر تقریری تقدیم ایده حکم دیه اولدن خبر ویرمکه کرک بر تعطیل مذاکره تقریری واسطه سیله کرک صو کرده دن مخصوص بر تقریر ایلد، کرک پاسقالیه و پانت قوت یورطیلری مناسبه بیله تعطیل مذاکرات ایچون جریان ایدن مذاکره اشناسنده باشقه بر مبعوثک معین بر مسئله بی موضوع بحث ایده بیلمه سنه سدچکه بیلیر. بناء علیه بو قبیل « بر تقریر مانع » ، حکومتی فنا بر وضعیه دوشورده جک بر تعطیل مذاکره تقریرینه قارشى مؤثر بر حائلدر. ۱۹۰۴ ده بویله تقریر مانع لک استعمالی عامهنده چوق شکایتلر وقوعه کلدی. بویوزدن بر خیلی مناقشه لر ظهور ایتدی [۲].

[۱] مای ، ۲۶۲ - ۲۶۵ ، ۲۸۶ .

[۲] مثلاً : هانسارد ، ۴ نجی سه ری ، ۱۲۶ ، صحیفه ۳۷۹ - ۳۸۰ ،

تقديم ايديله جك تقريرلره دائر ويريلن اخبار ليستهلزنده ،
مذاكره لری ایچون برکون بيله تعین ایدیلهدن، ویرکو اصلا-
حاتنه، ماکدونیا به ، قونغو حکومتنه ، تیته ، حربیه نظارتک
یکیدن اجرای تشکیلاتنه ، آفریقای جنوبیده چین عملیه سی
استخدامنه ، حفظ صحت عمومیه به ، عسکرلرک تعلیمنه ، محلی
ویرکولره وسائره به وبالذات تقریر مانع لر سیستمه دائر اوتوز
دورت تقریر خبری موجود اولدییی ادعا ایدیلیوردی [۱] .
بو قبیل تقریرلرک هیئت وکیل به دوست مبعوثلر طرفندن ،
حکومتک وایی ایله استشاره دن سوکره ویریلدیکی تأمین اولو-
نیوردی . مستر بالفور وقعه یی انکار ایتمه دی ، فقط بو قبیل
مذاکرات ایله هیچ اشتغال ایتمه مش اولدیغنی تأمین ایله دی [۲] .
فکرنجه « قامارانک تعطیللر مناسبتیه ویریلن بر تعطیل مذاکرات

۳۸۲-۳۸۳ ، ۳۸۶-۳۸۷ ، ۳۹۷-۳۹۸ ، ۴۱۵ ، ۶۲۹-۶۳۰ ،
۱۴۲۹-۱۴۳۲ ؛ کذا ، ۱۳۶ ، صحیفه ۸۳۶-۸۴۰ . ۱۹۰۶ ده
مستر سویت ماق نه لک مطالعاتنه باقکیز . کذا ، ۱۵۲ ، صحیفه
۷۹-۱۱۷۸ .

[۱] هانسارد ، ۴ نجی سهری ، ۱۳۵ ، صحیفه ۱۲۲۹ . بز بوسطرلری
یازدقن سوکره ، مخصوص بر انجمن طرفندن مسئله حقننده بر راپور
تنظیم ایدیلشدر . بونده سر قورتنه ی ایلبرتک بر تقریر حقننده اخبار نامه
وبرن بر مبعوثن ده اول عینی مسئله به دائر تقریر ویرمک ممنوعیتک
تاریخچه سنه دائر بر خطر ه سی واردر .

[۲] کذا ، صحیفه ۱۲۳۲ ؛ ۱۳۶ ، صحیفه ۸۴۰ .

تقریرینه استناد ایدرک هر شئی مذا کره ایده بیلمه سی حقنه قارشى هیچ بر تقید بولونماق « لازم ایدی. فقط عمومه تعلق ایدن مستعجل و معین بر مسئله مهمه نك مذا کره سی ضمننده ویریلن تعطیل مذا کره تقریرلری حقنه کی فکریخی درمیان ایدرکن ده ا احتیاط کار داوراندی. حکومت، بو تقریرلردن هیچ خوشلانماوردی. چونکه قیمتدار بر زمانك ضیاعنه سبب اولیورلردی. قاینه نك بیاناده بولونمق یا خود حقنه معلومات ویرمك ایسته مدیکی مسئله لره دأثر مزعج سؤالر تولید ایچون هرآن بو اصوله مراجعت ایدیله بیلردی. معافیله بو تقریرلره قارشى باشقه جدی بر اعتراض ده ا واردر. شبهه یوق که قامارا ناظرلری سر بسته جه تنقید حقنه مالک اولمالیدر. فقط مذا کره نك نه قدر بالواسطه اولورسه اولسون، مسئله نك اساسی حقنه بر حکمی تضمن ایده جك صورتده بر رأی طوپلانماسی ایله نتیجه لمه سی ایجاب ایدر سه بو، حکومتك پارلمنتویه مستند شکلی ایچون بر تهلمکه تشکیل ایده بیلیر.

ناظرلرک افعال و حرکاتی پارلمنتونك نظر مذا کره سه ورائنه عرض ایتمه نك اک دوغرودن دوغرویه چاره سی مبعوثلرک شخصی صورتده تقریر ویرمه لیدر. بو تقریرلر حکومتك سیاستنده یا خود اداری خط حرکتنده بعض نقطه لره دأثر صریح بر تقییحی احتوا ایده بیلیرلر و چوق کرده احتوا ایتکده درلر. فقط حکومت صیراسی (یعنی قاینه) حقنه بر حکم ویرمك

مبعوثلرک
شخصی صورتده
تقریرلری

واسطه سی اولمق اعتباریله درجه مؤثریتلری حقیقتده پک بویوک
 دکلدر. بونکده متعدد سببلری وارددر. بواش ایچون تخصیص
 ایدیلش آقشام جلسهلرینک یکونی تقریباً اونیدییه بالغ اولور.
 هر آقشام بردن فضله تقریرک رایه اقتران ایتمه سی نادردر.
 بوفرستلرک کافه سندن ده حکومتی صارصمق خصوصنده استفاده
 ایدیله میور. بر تقریر ویرمک حتی قرعه ایله تقرر ایدیور.
 طالعک لطفه مظهر اولان مبعوث جانک ایسته دیکی مسئله یی
 اورتهیه آتمده حرردر. بو، فردلرک کندی قوه تشبیه لرینی
 استعمال ایچون ظهور ایدن نادر فرصتلردن بری اولدینی جهته،
 کندیسنه قرعه اصابت ایدن مبعوث، بالخاصه ترجیح ایتدیکی
 لایحه لردن برینی ایلرییه سورمک خصوصنده بوندن استفاده
 ایدر. هر سینه، متعدد آقشاملر بویله فرقه مسئله لرینه
 بیکانه، قابینه نک وضعیتی اوزرنده تأثیردن آزاده برطاقم تمایلاتک
 مناقشه سینه تخصیص اولونور. بناء علیه، هیئت وکیله علیهنده کی
 تقریرلرک عددی پک چوق دکلدر. مهم بر مبعوثلر زمره سی
 عینی نقطه یی تنقیده بر منفعت کورمز لر سه، موضوع بحث
 اولان مسئله یی صرف تصادف تعیین ایدر. بوندن باشقه،
 شخصی صورتده مبعوثلره تخصیص ایدیلش اولان آقشاملرک
 کافه سی سنه نک ایلك قسمنده درلر. تقریر اخباریه لری درت
 آقشام اولندن ویریلک لازمدر. بونک نتیجه سی اولارق،
 تقریرلر دوره اجتماعیه اولدجه ایلریلدیکی زمان تحدث ایدن

مسائل جاریه همان همان هیچ تعلق اید مزار. بو، تقریر لرک،
ناظر لرک تنقید واسطه سی اولق اعتبارله اهمیتلرینی جدی
صورتده تقید ایدن بر کیفیت تشکیل ایلر.

ذاتاً، ایجابی تقدیر نده، بر مبعوثك شخصی صورتده ویردیکی
تقریر واسطه سیله حکومت عاینده بر رأی اعطاسندن اجتناب
ایدیله بیلیمک امکانی ده یوق دکلدر. مبعوثك النده یالکیز بر آقسام
جاسه سی واردر. ناظر لر شبهه یوق که تعطیل زمانه قدر
مذاکره یی اوزاته بیلر لر و اوزمان کفایت مذاکره اصوله مراجعت
تشبثی عقیم بر اقدیر ایلر لر. فقط، نتیجه دن قورقدقلری ظنی
ویره بیله جک بو چاره یه توسل ایتدکلری پک کوروله میور. بعضاً بر
مبعوثك تقریری، اولدن بر تقریر مانع ایله حکمدن ساقط بر اقیلا بیلر.
فقط بواصول، تعطیل مذاکره تقریر لر نده اولدیغی قدر قولای
قابل تطبیق دکلدر. چونکه بویله بر تقریر ویره جک مبعوث ده،
تقریرینی اخبار خصوصنده کندی معارضندن اوکن داورا نایلر.
مع مافیه، باشقه مدافعه واسطه لری اکیسک دکلدر. فعلیاتده،
بر مبعوثك شخصی صورتده ویردیکی بر تقریر مناسبتیله قامارانک
فلاکت انکیز بر قرارندن قور تولق امکانی موجود اولدیغی
ویرکو مسئله سی مناسبتیله اخیراً پارلاق بر صورتده اثبات ایدیلشدر.
۱۹۰۴ و ۱۹۰۵ دوره اجتماعیه لری انساننده بومسئله حقیقه
قطعی بر فکر درمیان ایتدیره بیلیمک مقصدیله بوقیل تقریر لر
بویوک بر اصرار ایله تقدیم اولوندی. فقط هیچ بر فائده ویرمدی.

۱۸ مایس ۱۹۰۴ ده بیه جک شیلردن حمایه کارانه رسوم آلمانی
 علیهنده بر تقرر تقدیم ایدلمشدر . حکومت بوکا ، مسئله نك
 مذا کره سی بی لزوم اولدیغنه دائر بر تعدیل تکلیف ایتدی .
 بیه جک مواد حقنده بر تعرفه تنظیمنه مخالف فقط حکومتی
 ده ویر مکدن مجتنب اونو نیست لر موجود اولدینی ایچون حکومتك
 بو تعدیل تکلیفی قبول اولوندی . ایرته سی دوره اجتماعیه ده ،
 ارکندن ، عینی جنسندن مزعج بر تقرر ، مسئله مستأخره
 سایه سنده بر طرف ایدیلدی . نهایت ، مستر بالفور مذا کردی
 رد ایتك صورتیله بر مصارعه نك نتایج محتمله سندن اجتناب
 ایتمکه قرار ویردی . ۱۹۰۵ سنه می مایسك ۲۲ سنده و ۲۸ نده
 بومسئله یه تعلق ایدن تقرر لر ك مذا کره سنده و آیریله صورتیله
 طویلانان رأیلرنده حاضر بولونمقدن بر چوق دوستلریله برلکده
 امتناع کوستردی . حالبوکه ۲۸ مایسده کی تقرر حکومتك
 سیاستنی صریح تبیرات ایله تقبیح ایدیوردی . ناظر ، بومسئله
 بر فرقه جیلوق روحیه دوشونولمه مك لازم کله چکی ، موجود
 پارلمنتونك اونی حل ایده مه یه چکی ملاحظه سیله بویله بر حرکنده
 بولونمش اولدیغنی آکلادتدی . چونکه موجود پارلمنتو ماتندن
 بوخصوصده هیچ بر صلاحیت ووکالت آلاماشدی . قامارایه ،
 مبعوثلر ك شخصی لایحه لرینی مذا کره یه تخصیص ایتدیکی اقشاملرنده
 فرقه لر ك سوق و اداره سی مقانیزمه سندن آزاده قالمق ایچون
 مساعدده کوستریلر سه واصل اولاییله چکی نتایج سیاست اوزرنده

تأثیرسنز برر تظاهر افکار کبی تلقی ایدیلجکینی ده علاوهٔ
سویله دی [۱]. تعبیر دیگرله ناظرلرک، مبعوثلر طرفندن شخصی
صورته ویریلن تقریرلر حقنده کی مذاکراته اشتراکدن امتناع
ایده بیلجکلرینی، وبومذاکرات نتیجه سنده ویریلجک رأیلری
نظراهمال ایله کوره بیلجکلرینی آکلاتمق ایسته دی. بونقطه نظر
شدنله مؤاخذه اولوندی، احتمالکه افکار عمومیه ده هیئت وکیله
علیهنده بر تأثیر یادی. فقط بویله برحر کتده بولونلش اولماسی،
مبعوثلرک شخصی تقریرلرینک عجزینی اثبات ایدر.

دها یکر می سنه اولنه کلنجیه قدر، مبعوثلرک شخصی
صورته ویردکاری تقریرلر، حکومتک مخالفتنه رغماً قامار
طرفندن صیق صیق قبول اولونورلردی. بویله بر حال، وسطی
صورته سنوی بر کره وقوعه کلیردی. اوزماندن صوکره،
ناظرلر ایچون غیر مساعد سائر بوتون رأیلر کبی، بوتقریرلرک
نبولی کیفیتیه کیتدجکه دها نادر بر شکل آلدی. بویوله
تصادف ایدیلن صوک مثال ۱۸۹۳ تاریخنده در. فقط مبعوثلرک
شخصی تقریرلری بوصوک زمانلرده حکومتک خط حر کتده
معین بر نقطه یی قامارانک نظر حکمنه عرض ایتک وبوموضوعه
دائر قطعی بر رأی اظهارینه سببیت ویرمک واسطه سی اواق
اوزره بویوک بر تأثیر اجرا ایتشلر سده استقبالده کافه
احوالده بویله اولماسی قابلدر. عوام قاماراسنک، حکومت

ایله اولان مناسباتنده ، یالکز ناظرلرک سیاستلرینک واداری
حرکتلرینک هیئت مجموعه سی ایچندن مناسب کوردکاری شیلر
حقنده حکم ویرمه سی پرنسپنده بر استئنا وجوده کتیرلمک
ایسته نلدیکی زمن بونک چاره سی شخصی تقریر اصولنه مراجعتدن
عبارت اولاجنی آشکاردر.

تخصیصات

حقنده

مذاکرات

عریضه جوابیه تعدیل تکلیفلری ، تعطیل مذاکره
تقریرلری و مبعوثلرک شخصی تقریرلری بونکون حکومتک خط
حرکتی حقنده کی تنقیداتک ، مؤاخذیه موضوع تشکیل ایدن
نقطه مناسبتیه ، قامارادن بر رأی طوپلانماسنه امکان تأمین
ایده بیله جکی هان هان یکانه فرصه در. اولجه ، بونلر قدر مساعد
ودواملی بر فرصت دهه موجود ایدی . بوسویه ، قاماراهیت
عمومیه انجمن حالنده طوپلانندینی زمان ظهور ایدردی . هرکون ،
بودجه مذاکره سنه کیریشمزدن اول ، مجلس رئیسک ریاست
کرسیسی ترک ایتمه سی تکلیف ایچون بر تقریر ویرلمک لازمدی .
قدیم نظریه ایجاباتندن اولمق اوزره ، تخصیصات مذاکره سنه
کچمه دن اول ، شکایتلرک ازاله وتصحیحی کیفیتی تدقیق اولونمق
ایجاب ایدر دنیلوردی . بناء علیه ، اصل تقریر مناسبتیه یاخود
بومتصدله تقدیم ایدیلان بر تعدیل تکلیفی مناسبتیه ، خصوصی
بر تقریره احتیاج کوسترمه یین یاخود بالذات انجمنک مشغول
اولاجنی برقرعات مسئله سی تشکیل ایتمه یین هرشی موقع مذاکره

قونولا بيايردى [۱]. ايشته بوصورتله، دوره اجتماعيه نك بويوك برقسى ائناسنده يالكز حكومتك خط حركتنى تنقيد دكل، رئيسك كرسى يي ترك ايمه سى حقنده كى تقريره تعديل تكليف ايمك سايه سنده بو تنقيدات حقنده مجلسك نه دوشونديكى آكلامق ايجون ده صيق صيق فرصتار موجود بولونوردى .

۱۸۸۲ ده
ناصل تحديد
ايدلى

بواصول پك فنا براسراف زمانه سبب اوليوردى. ۱۸۸۲ ده
برنظامنامه داخلى فقره سيله تحديد ايدىلىدى. بازار ايرته سى ياخود
صالى كونلرى مجلس رئيسك تقريرى رايه قويمادن (بناء عليه
مذاكره جريان ايمه دن وتعديل تكليفى ويريله دن) رياست
كرسي سنى ترك ايمه سى بر قاعده اولدى . قامارا ، ايلك دفعه
اولارق اردونك، دونامانك ياخود خدمات ملكيه نك مصارفاتى
تديق ايمك ياخود طلب ايدىلار بر تخصيصات حقنده راي
ويرمك ايجون انجمن حالنده طويلاندينى زمان بر مبعوث بر
تعديل تقريرى ويريرسه ياخود انجمن حالنده تدقيقه مباشرت
ايديله جك تخصيصاتلر حقنده بر مسئله يي موضوع بحث ايدرسه
اوزمان مذاكره جريان ايدىليوردى ونتيجه ده رايه مراجعت

[۱] Law and Custom of the Constitution: Anzon برنجى جلد،

۲۷۰ (فرانسزجه طبعك برنجى جلدى ، صفحه ۳۲۳) ؛ ماى ،

۵۷۱-۷۲ . ردليخ (Recht und Technick, 116-17) بو تعديل

تكليفلرينك ۱۸۸۱ ده ، حكومت ايجون خصوصى جلسه لر آيبرلغه

باشلاندينى صيرالده ، ميدانه چيقدىنى سويله يور .

اولونوردی [۱]. اوتاریخده صالی و چهارشنبه کونلری شخصی صورتده مبعوثلره تخصیص اولونمشدی . حکومت بو کونلری کندیزی آلبده تخصیصات مذاکره سی ایچون قوللانیرسه برقرار مخصوص ایله نظامنامه داخلی اجکامنی بونلرده تشمیل ایتک حادث اولمشدی [۲]. بوندن دولایی رئیسک کرسی یی ترک ایتمه سنی تکلیف ایدن تقریرک تعدیل تکلیفنه معروض قایل بیله سی و برمذاکره اساس تشکیل ایته سی یالکز جمعه کونلری قابل اولابیلوردی [۳]. نهایت ، ۱۸۹۶ ده بودجه ایچون ثابت ر طاقم کونلر تخصیص ایدیلدیکی زمان ، نظامنامه داخلینک بو حکمی جمعه ده تشمیل اولوندی . بو ، ابتدا بر دورۀ اجتماعیه مخصوص بر قاعده اولارق یاپلدی . فقط هر سنه تجدید ایدیلدی . نهایت ۱۹۰۲ ده قبول اولونان قواعد موجب نتیجه دائمی برحاله کیردی [۴].

ده ۱۸۹۶

ده ۱۹۰۲

بو کون رئیس ، هیچ بر مسئله یی رایه قویمادن کرسی یی ترک ایدر . یالکز قامارا اردونک ، دونانمک و خدمات ملکینک تخصیصاتلری تدقیق ایچون ایلک دفعه اوله رق انجمن حالنده

شیمدیکی اصولک

نتیجه لری

[۱] اسکی ۵۶ نومرولی نظامنامه داخلی فقره سی

[۲] مای ، ۵۷۳-۵۷۴

[۳] اسکی ۱۱ نومرولی نظامنامه داخلی فقره سیله جمعه کونلری

بالخاصه بوکا آریلمشدی . اسکی ۵۱ نومرولی فقره یه باقکز .

[۴] ۱۷ نومرولی نظامنامه داخلی فقره سی

طوبلاندیغی زمان مستنادر . بو اوج وسیله ده ، مذا کراتک و تعدیلاتک تدقیق ایدیه جک بودجه قسمنده کی تخصیصاتلره تعلق ایتمه سی لازم کله جکی قاعدوسنه کمال قعطیت ایله رعایت اولونور [۱]. بوندن باشقه رئیسک کرسی بی ترک ایتمه سی تقریرینه یالکز بر تعدیل تقریری ویریه بیلیر . چونکه تعدیل متنی تقریردن بعض کله لرك چیز یله سنی ویرلرینه دیکر لرینک اقامه ایدیه سنی احتوا ایتمک لازمدر . رأیه قونولان شی بو کله لرك چیز یله سنی می یوقسه ابقاسیمی مناسب اولاجنی سؤالندن عبارتدر . بناءً علیه ، تعدیل تکلیفی رد اولونور سه قامارا ، متنده او کله لرك ابقاسنه قرار ویرمش دیمکدر . آرتق اونلرك حیقارماسی ایچون هیچ بر تعدیل تکلیفی ویریه مز [۲] . مع مافیه ، مسئله اصلییه حقنده مذا کره دواه ایده بیلیر . عمومیتله ذاتاً بویله اولیور . فقط قامارا ، رئیسک کرسی بی ترک ایتمه سی تقریرینی همان همان رد ایده مز کیدر . حقیقتده ، بو برقرار ، برچوق مسائل حقنده متنوع برمذا کره دن صو کره ویریلن برقرار کی ، عمومی تعبیرات ایله حکومته قارشی برتقییح معناسنده تلقی ایدیلیر سه ده معین بر نقطه حقنده بر تظاهر افکار عد ایدلمک قابل دکلدر . بونک نتیجه سی اولارق (بر تخصیصات حقند . رأی ویریه سی کی فوق العاده احوال مستثنا اولق اوزره) ،

[۱] مای ، ۵۷۳

[۲] مای ، ۵۷۴ ، ایلبرت ، Manual ، § ۲۳۱ .

هرسنة تخصیصاتلرک اوچ بویوک قسمنه متعلق بوتون مسائلک
مذا کرده سنه تخصیص ایدیلش اوچ فرصت وارددر . بونلرک
هر برنده بر شکایت یاخود معین بر مسئله سیاسیة مناسبتیه
یالکیز بر کره مراجعت اولونابیلیر . وقتیه بر تعدیل تکلیفک
دیگرلرینه تقدم ایتمه سی بر مبعونک رئیسک نظر دقنی جلبه
موفق اولابیلیمک یولنده بر لطف طالعه مظهر اولماسنه پک
وابسته ایدی [۱] . فقط بو کون تقریرلرک صیراسی ، شخصی
صورته مبعونلره آریلان جلسهلرده کی تقریرلر کی ، قرعه
اصولیه تقرر ایدیور [۲] . تعدیل تکلیفلری ، اخذ عسکر
اصولی ، طوچی بارکیرلرینک مقداری ، دوناما تجهیزاتنک
عدم کفایه سی ، انشات بحریه نک تنقیصی ایچون بین الملل بر
اوزلاشمه نک مناسب اولماسی ، پوسته ناظرینک بلدیله ره تلفون
امتیازی ویرمکدن امتناع کوسترمه سی ، اسقوچیاده ویرکولرک
حقسزانی ، ایرلانداده ایلمک تحصیلک نقصان بر حالده بولونماسی
کی دورلو دورلو موضوعلره تعلق ایده یلیر .

قامارانک تخصیصاتلری تدقیق ایچون تخصیصات انجمنی حالنده
تشکل ایتمه سی تکلیف ایدن تقریر مناسبتیه جریان ایدن اوچ بویوک
مذا کره ، حکومتی تنقید ایچون ده اعلا بر فرصت تشکیل ایدر .
فقط تعدیل تکلیفلرینه قونولان تحدیدات و بونلرک تودیمی

[۱] مای ، ۵۷۴ .

[۲] ایابرت ، § ۴۵ .

ایچون موجود شرائط حکومتک خط حرکتنده معین بر نقطه‌ی
قطعی صورتده تقییح احتمالی‌نی همان همان صفره ایندیرمشدر .
یکرمی سنه اولنه کلنجیه قدر ، همان همان هر دورهٔ اجتماعیه
ناظرلر تخصیصات انجمنی حالنده تشکّل آنده ویریلن تعدیل
تکلیف‌لری ایله مغلوب ایدیایلرلردی . فقط ۱۸۸۱دن بری بو آنجق
بر کره واقع اولمشدر .

تخصیصات انجمنی حالنده تشکّل تقریری اوزرینه مذاکره
جریان اتمه‌سنی و تعدیل تکلیف ایدیله‌سنی منع ایدن قاعدهٔ عمومیه
جمعه جلسه‌سنده تشمیل ایدیلد کدن صوکره ، حکومتک جرئتکار
بر عقل خواجه‌سی اولان مستر جیسنون بولهر ، قامارانی
طرق و سائط انجمنی حالنده تشکله دعوت ایدن تقریردن عینی
صورتله استفاده‌ی دوشوندی . بناء علیه ، ۱۹۰۰ دورهٔ اجتماعیه
عادیه‌سی وعینی سنه‌ک کانون اولده‌کی اجماع مخصوص ائناسنده
بو تقریره تعدیل تکلیف‌لری ویردی . فقط بویکیلاک حکومتک
هیچ خوشنه کیتمدی . ۱۹۰۱ ده نظامنامهٔ داخلیده یاپیلان
تعدیلات ایله اوکنه کچیلدی [۱] .

[۱] دیکشاک شوندن عبارتدی : ۵۱ نجی نظامنامهٔ داخلی فیره‌سی
موجبنجه قاماراک سؤالی رایه قویمدن انجمن حالنده تشکّل ایده‌جکی
حقنדה‌کی قاعدهٔ عمومیه یاپلش استثنالردن طرق و سائط انجمنی خارج
طوتق .

شرقی هندستان حساباتی تدقیق ایچون انجمن حالنده تشکّل ایدیله‌سنه
دائر ویریلن تقریر مناسبتیلده مذاکره جواز واردر . بو حسابانک

حکومتی تنقید
واسطه سی
اولق اوزره
تخصیصات
انجمنده
مذاکرات

مستر بالفور ، ۱۹۸۶ ده بودجه حقنده کی یکی اصولی
تکلیف ایدرکن ، تخصیصاتلرک مذاکره و مناقشه سنده غایه ادا کرده
تصرف و اقتصادی تأمیندن عبارت اولدینی قناعتنی آرتق هیج
بر حقیقته تقابل ایتمین قدیم ر اعتقاد باطل دیه تاقی ایتدی .
مبعوثلر بو کون تنزیلات تکلیف ایدیورلر سه بو ، ناظرلردن
ایلریده تزیید ایدیله جکی وعدینی قویارمق ایچوندن ؛ نهلمکه ،
قامارامک مصارفی پک فضلّه تزییده سائق اولماسنده در ، دیوردی .
مستر بالفور ، تخصیصات انجمنک اصل غایه سی مبعوثلره حکومتک
سیاسی واداری حرکاتی تنقید فرصتی تأمین ایتدکن عبارت
اولدینی نقطه سنده اصرار ایتشدن . انجمن ، عموم مبعوثلر ایچون
آچیق بر کرسی ایدی . ناظرلر ، طلب ایتدکلری تخصیصاتک
قبول ایدیله سنی تأمین ایچون مجلسده کافی مقدار مبعوث بولوندرمق
مجبوریتنده ایدیلر [۱] . ذاتاً ، تخصیصات حقنده کی مذاکره لرله

تعلق ایدیه بیله جکلری مسئله لرله دائر عمومی بر مذاکره قایمسی آچق
فرصتی موجوددر (S. O. 51 ؛ ایلمرت ، § ۶۴) . بر تعدیل تکلیفی ده
ویریه بیلیر (کنذا ، § ۱۱۷) فقط فعلیلانده بونک جدی بر نتیجه سی
کورولمز .

[۱] هانسارد ، ۴ نجی سه هری ، ۳۷ ، صحیفه ۷۲۴ - ۲۶ .
بودجه نك اصول مذاکره سی حقنده ۱۸۸۸ ده انجمن مخصوصک
ویردیکی مضبطه ایله مقایسه ایدیکن (Com. Pap. , 1888 , XII , 27)
مضبطه ، تخصیصاتلر حقنده کی مذاکره پی هم اداره پی تنقید ایتک هم
مصارفاتی فیصق ایچون مؤثر بر واسطه تلقی ایدیوردی . مضبطه یه
کوره ، حقیقته تخصیصاتلرک تنقیصی صیق صیق وقوعه کلش برشی

الفت کسب ایتمش کیمسه لر ایچون بو پک بدیهی برشیدر. بونلر مسائل مالیه یه تعلق ایدن مناقشات دکلدرلر. ملتک نه صرف ایتمه سی یاخود ایتمه سی لازم کله جکی ایله همان هیج علاقه دار اولمازلر. بونلر، ناظرلرک سیاستی وسوق واداره ایتدکلری پارلمنتونک خط حرکتی حقنده اوزون برسلسله تنقیداتدر. ایشته مستر بالفور بو نقطه نظر دن حرکت ایدهرک مذاکراتی ده اثمره بخش بر حاله صو قق ایچون برچاره توصیه ایتدی. تخصیصاتلری، صیرا نومرولرینه توفیقاً تدقیق ایتمکدن عبارت اولان اسکی سیسته مک بوشلغنی آکلاتدی وهرسنه برنجی صنفک حکمدار سرایلرینک تعمیر یی وسائره کبی موادی ایچون نه قدر وقت غائب ایدیلدیکنی نظر دقته عرض ایتدی. حالبوکه الک یوکسک تخصیصاتلردن بعضیلری، دوره اجتماعیه نک صوکلرینه دوغرو علی العجله، عادتا هیج مناقشه سنز قبول اولونیوردی. بعدما الک مهم جهتلری سنه نک ایلمک قسمنده رایه عرض ایتیه یی، حتی مبعوثلردن بر زمهره نک موقع مناقشه یه قویق ایسته یه جکلری تخصیصاتلرک مذاکره سنی کافه سنه تقدیم ایله مه یی وعد ایتدی [۱].

نظامنامه داخلی فقراتی موجبجه منتظماً تخصیصاتلرک مذاکره سنه تخصیص ایدیلش کونلرله بواش ایچون قوللانیلان

اولماقله برابر مناقشات، استقبالده چیلغینلقلره مانع اولیوردی. بوکون ایچون مصارفات ملیه انجمننک مضبطه سنه و مربوطات حالنده کی افادات و شهاداته با فکزن (Com. Pap., 1903, VII, 488)

منظم جلسه‌لر و تخصیصات منضمه‌لره آیریلان جلسه‌لر [۱]
 یکون ایدیه‌لرک اولورسه تخصیصاتلرک انجمن حائده تدقیق
 هر سنه اوتوز کوندن فصله برزمانک اک بویوک قسمی اشغال
 ایتدیکی کورولور. اداره‌نک مختلف شعباتنک درین درین تدقیق
 ایچون بو کافی کلیور کیدر. مستر بالفورک مستقبل قابینه‌لر
 طرفندن ده شه‌سز تعقیب ایدیه‌لرک اولان سیستمه‌منه نظراً
 برتدقیقه معروض طوتولاجق دواړک انتخابی تنقیداتده بولونمق
 ایسته‌ین مبعوثلرک آرزوسنه براقیلمشدر.

تخصیصات انجمنده‌کی مذاکرات موقع مناقشه‌ده بولونان
 تخصیصاتلره تعلق ایتک یعنی اوآنده قامارانک تدقیق ایتدیکی
 خصوصی فصله وبوکا عاڈ ایشلرده حکومتک اجراآنه منحصر
 قالمق لازم کلیر. دیمک که زمانک قسم اعظمی کوچوک اداری
 تفرعاتک مناقشه‌سیله کچر. فقط بعض فصللر بویوک مسائل
 سیاسی‌نی کوزدن کچر دک وسیله‌سنی عرض ایدرلر. برشی ایچون
 اردویه و دونامایه ویریان تخصیصاتلر، مالیه‌نک موافقتیه باشقه
 خصوصاته‌ده صرف ایدیه‌یلرکلرندن عسکرلرک معاشاتنه تعلق
 ایدن بویوک فصللر حقنده‌کی مذاکره‌نک سیاست عمومی‌یه
 و موضوع بحث اولان خدمتک بوتون اداره‌سنه تشمیل
 ایدیه‌سنه مساعدده کوستریلیر [۲]. ناظرلرک معاشاتی ماده‌سی‌ده

[۱] تخصیصات منضمه‌ک و تجاوزایدیلان تخصیصاتلرک مذاکره‌سی
 یالکز اونلره انحصار ایدر. مای، ۵۸۵-۸۶.
 [۲] مای، ۵۸۴-۸۵.

هر برينك كندى دائره سنده تعقيب ايتديكى سياستى تدقيق اچون
 بوكا مشابه بر فرصت تشكيل ايدرسده بواوقدر واسع دكلدر .
 بوقيل بر مذاكره قايسى آچق اچون برناظر ك معاشدن يوز
 انكليز ليراسى تنقيضى تكليف ايتك عادت اولمشر . بر طاقم
 كوچوك كوچوك شكاياتك بسط و تمهيدى تخصيصاتلر مذاكره سنده
 آريلان زمانك بك فضلّه بر قسمى اشغال ايدىيورسده بونك
 سببى تنقيداتك بر تشكيلاته تابع مخالفت طرفندن دكل بالخاصه
 شخصى صورتده حركت ايدن مبعوثلر طرفندن يالماسيدر .
 فقط هيچ اولمازسه بونك اداره يي افكار عموميه قارشى غايت
 حساس بولوندير مق كى بر مزيتى واردر .

تخصيصات انجمنده كى مذاكرات حكومتك اجراآتى
 تنقيد اچون غايت اعلا بر فرصت عرض ايدرسده انجمنده
 آريله اصوليه طويلان رايلى قامارانك بو اجراآت حقنده كى
 فكرينى افاده اچون مؤثر برواسطه تشكيل ايله مزلر . تخصيصات
 ماده لرى « فصل » لر حالنده بر آرايه طويلانمشر . فصللر
 اچون آرى آرى راي طويلانير . هر فصلده اوقدر چوق ماده
 واردر كه قامارا بر فصلى تماماً رد ايدمز . بوندن باشقه ،
 نظامنامه داخلك جواز و رد يكي يكانه تعديل تكليفلى ،
 معين بر ماده يي طى ايتك كى ويا بوكا بجزر بر طريق ايله فصل
 يكوننده تزييلات يالماسى حقنده كى تقريرلر انحصار ايدر .
 تزييلات ايسه ياقامارانك حقيقه او تخصيصاته معارض اولماسى

تخصيصات
 انجمنده
 تعديلاتلر بر
 تظاهرافكار
 ماهيقنده در

یاخود اومعین ماده‌نك تعلق ایتدیكى ایشده حكومتك حرکاتی مؤاخذه واسطه‌سی تشکیل ایتمه‌سی حسبیه تکلیف اولونور . زمانم‌نك شوغرابت و افراطی ایچنده بيله قامارانك بره مصرفه اونی لزومسز یاخود چوق فضله بولماسی یاخود اوکا هیچ لزوم کورمه‌سی یوزندن ممانعت کوستردیکی واقعدر . بو تقدیرده شانس‌لور ، علی‌العاده ، تخصیصات طلبندن واز کچر یاخود تخصیصاتك تنقیصنه موافقت کوستریر . حقیقته، یکریمی‌سنه‌ده بویه برسبیدن دولایي حكومتك موافقتی اولمقسزین تخصیصاتك تنقیص ایدیله‌سنه ایکی دفعه تصادف ایدیلش، بر دفعه‌ده حكومتك اصرار و مقاومتنه رغماً تخصیصاتك تزیینه قاماراجه قرار ویرلمشدر [۱] .

[۱] ۱۸۸۶ مارتك اون برنده حکمدار پارلی قلمی حقنده‌کی تخصیصاتك تنقیصندن بری کورولن ایکی مثال شونلردر : ۱۸۹۳ ده لوردلر قاماراسنك مأمورلرینك معاشاتی پك فضله اولدینی بهانه‌سیله حکومتك مخالفتنه رغماً بومعاشات تنقیص ایدلمشدر . ۱۸۹۵ ده قروموه‌لک هیکلی ایچون ایسته‌ن تخصیصات رد اولونمشدر . ۱۸۶۸ دن ۱۸۸۷ تاریخنه قدر تخصیصاتلرده پالیش اولان بوتون تزیلاتك ایسته‌سی تخصیصاتك اصول مذاکره‌سی حقنده‌کی انجمنك مضبوطه‌سنك بشنجی ذیلده موجوددر (Com. pap. , 1888, XII, 21) ۱۸۸۶ دن ۱۹۰۱ قدر یاپیلان تزیلات برنجی مصارفات ملیه‌انجمن مضبوطه‌سنك برنجی ذیلنده مندرجدر . (تخصیصات انجمنده آیريله صورتيله طولیلانان (Com. pap. , 1902, VII, 15) (رأیلرک ایستایسته‌یقنه باقیلر ۱۸۹۱-۱۹۰۱ . 1902, LXXXII, 139) (برنجی مضبوطه‌نك تعلق ایتدیکی یکریمی‌سنه ایچنده ۱۸ تزیلات وقوعه کلدی .

پروتستو
مناسنده
تنزیلات
یاپلاسی

جوق کره برشکایت اوزرنده یاخود شکایات تولید ایدن
اجراآت حقنده اصرار ایتک ایچون تنزیلات تکلیف ایدلیدیکی
واقعدر . فقط بویله برتقریر مسئله نك اساسی حقنده قامارانك
فکرینی آکلامق ایچون مؤثر بر چاره تشکیل ایتمز . مثلاً
دائرهنده وقوعه کلن مناسبتسز بر حرکته نظر دقتی جلب
ایچون بر ناظرک معاشی تنقیص ایدیله سی تکلیف اولوندیغی
زمان ، قابینه نك طرفدارلری موضوع بحث اولان مناسبتسز
حرکت حقنده نه فکر بسلر لر سه بسله سونلر همان دایماً بونك علمهنده
رأی ویریرلر . بوصورتله حرکت ایتکده ده تماماً حقلیدرلر .
شکایت ایدیلن حرکتک بردها تکرر ایتمه سی لازم بر خطا
تشکیل ایتدیگیکی تسلیم ایله برابر معاشك تنزیلی تکلیفی رد

متعاقب اون درت سنه ظرفنده ده اون بر تنزیلات یاپلیدی . بو اون بر
تنزیلاتدن دردنده حکومت تخصیصات طلبلرینی کری آلدی (بونلرک
ایکیسی تخصیصات منضمه ایدیلر . قامارا ، مؤخرأ ، ایرته سی سنه نك
مصارف عادیه سی میاننده بونلری قبول ایتدی) . اوچی ، حکومت
طرفندن تکلیف ایدیلشدی . چونکه مصارف بی لزوم حاله کله شدی ،
بوتنزیلاتی حکومت قبول ایتدی . دیگر ایکی تنزیلاتدن یوقاریده
متنده بحث ایتدک . صوکنجه سی ده بر شکایت حقنده قامارانك نظر
دقتی جلب ایچون تکلیف ایدیلیدی . بوشکایت پارلمنتو سراینده قامارا
مأمرلری طرفندن اشغال ایدیلن اوطه لرك چوقلفندن انبعاث ایدیوردی .
آشاغیده حربیه ناظرینك معاشندن یاپیلان تنزیلاتدن بحث ایدرکن
متن ایچنده بو صوکنه حاده یه تکرار عودت ایده جکز . بوتنزیلات
۱۸۹۵ ده وقوع بولمشدی . فقط لیسته ده داخل دکادر .

ایتمه لری اونلرک حسابنه تمامیه منطقیدر . بونک ایچوندرکه بر
 تنزیل معاش تقریری نادرأ قبول اولونور . قبول اولونماسی ده
 بر قضا قیلندندر . بوحال ، یکر می سنه ده آنجق درت کره واقع
 اولدی . ۱۸۹۵ سنه سی حزیرانک ۱۴ نده ، لورد روزبری
 قابینه سی حیاتی قورنارمغه اوغراشدینی و عوام قاماراسنده
 آنجق اون ایکی رأی اکثریته مالک اولدینی صراده ، پارلمنتو
 سرایی ایچون ویریلن تخصصاتدن ، قامارا مأمورلرینک فضله
 اوطه اشغال ایتمه لرینه قارشی بر پروتستو اولمق اوزره بش یوز
 انکلیز لیراسی تنزیلات اجراسی تکلیف ایدیلنجه قابینه مغلوبیته
 اوغرادی ، بو تعدیل تکلیفی قبول اولوندی . رأیه اشتراک ایدن
 مبعوثلرک مقداری اوقدر آزایدی که — قرق اوچه قارشی آلتش درت —
 بونتیجه قامارانک بر فکر و مطالعه سنک بر تظاهری اولمقدن زیاده
 بر طالع سزلک اثری دییه تلقی اولونمق ایجاب ایدر . ایرته سی
 هفته ، حکومت ، قوردیت مقدارینک آزلغنه قارشی اعتراض
 مقامنده حربیه ناظرینک معاشندن یوز انکلیز لیراسی تنزیل
 ایدیله سی حقنده کی تعدیل تکلیفی اوزرینه یکیدن مغلوبیته
 اوغرادی . بونتیجه ماهرانه بر مانوره سایه سنده تأمین ایدیلشدی .
 قامارایه تراسه دن ، هرایکی طرفک وایپلرینک خبری اولمادن ،
 ترازونک کفه سنی مخالفت طرفه آغیر باصدیرمغه کفایت ایده جک
 مقدارده محافظه کار مبعوث سوقشیلردی . علی العاده احوالده
 ناظرلر بوقیل بر رأیه هیچ اهمیت عطف ایتمه یه بیلیرلردی .

فقط بومسئله ده وضعیتلری اوقدر چوروك و ناخوش ایدی که بونی فرصت اتخاذ ایدمك استعفالری ویردیلمر. اوچنچی مثال ۱۹۰۴ ده وقوعه کلدی. ایرلانداده معارف ملیه قومیسرلرینک تخصیصاتی، مکتبلرده ایرلاندای لساننک تحصیلی تحدید ایدن امرنامهیه قارشى پروتستو مقامنده یوز انکلیز لیراسی تنزیل ایدیلدی. بو، قامارادن علی المغضله استحصال ایدیلش بر رأی ایدی. غایت قیصه برمذا کرمدن صوکره بردن بره رأیه مراجعت اولونیورمشدی. ناظرلر بویله برمسئله حقنده رأی طوپالانه جنئی اولدن تخمین ایتش اولسه لردی اکثریتی دکیشدیرمکه کافی کله جك مقدارده دوست مبعوث چاغیرابیلیرلردی [۱]. قامارانک قرارینه هیچ اهمیت ویرمیورکی کوروندیلر. یالکیز، ایرلانداده معارف ایچون کندی تکلیفلرندن یوز انکلیز لیراسی ده آزمصرف اختیار ایتمکه قالدیلر. صوك مثال ۱۹۰۵ دن تحدث ایتدی. ایرلاندای زراعت قومیسریننک تخصیصاتی ۱۹۰۳ زراعت قانوننک تطبیقنه قارشى پروتستو مقامنده یوز انکلیز لیراسی تنزیل اولوندی. بو، جدی برحر کتدی. حکومت ایکی کون دوشوندی. فقط اوصیراده نه چکیلمه یی مناسب کوردی نه ده مجلسی داغیتما یی [۲].

[۱] ۱۳۰ ه قارشى ۱۴۱ رأی ایله قرار ویریلشدی، Hans.

4 Ser., CXXXI, 4141-50

[۲] ۱۹۶ یه قارشى ۱۹۹ رأی ایله قرار ویریلشدی، Hans.

4 Ser., CIL, 1486. مستر بالفور قابینه سی اوچ آی صوکره، پارلانتو

منعقد اولمادینی صیراده، استعفا ایتدی.

هر حالده، تخصیصات انجمنده کی مذاکرات مبعوثلرک شخصی صورتده وقوعه کله جک تنقیداته واسع بر ساحة تأمین ایدرلر؛ فقط بو شکایاته زمین تشکیل ایلهین! وقایع حقنده مشترک بر تقبیح رأی ویرمک خصوصنده پک آز احتمال عرض ایلرلر . شیمدی تدقیق ایده جکمز سائر بعض اصول مذاکره شکلرندنده بونقطه ده آشکار صورتده کوزه چاربار .

مالیه قانوننه
دائر مذاکرات
بودجه تکلیفاتی احتوا ایدن مقررات و بونلری ساحة فعله ایصال ایدن لایحه قانونیه حقنده کی مذاکرات قانونلرک مذاکره سنی تنظیم ایدن قواعد عادییه تابعدرلر . بومذاکرات ، قاماراده دوغروندن دوغروییه تحت تدقیقه بولونان خصوصاته انحصار ایدرلر [۱] .

بودجه
مذاکره سی
شانسلور ، بودجه سنی عرض ایدرکن سنه جاریه نك وکله جک سنه نك واردات و مصارفاته دائر ایضاحات ویریر و بواراده مملکتک شرائط اقتصادیه سنی و تجاری ایشلرک حالنی استطراداً کوزدن کچیریر . بونی تعقیب ایدن مذاکراتده شانسلورک ایضاحاتی قدر عمومی اولابیلیر، نظریه ده بوايضاحاته تمیل خدمتی کورن معین تکلیف ایله هیچ بر مناسبتی بولونمایابیلیر . بو ، حکومتمک سیاست مالیه سنی - فقط یالکیز سیاست مالیه سنی - اساسلی صورتده تدقیق ایچون بر فرصتدر . یالکیز ، بوبابده قامارانک فکر و مطالعه سنی ، حکمنی افاده ایتک واسطه سی یوقدر .

سرتوماس ارسکین مای Sir Thomas Erskine May
 پارلمنتو اصولنه دائر باز دینی ائرده قونسولیده خزینه یه هاند لایحه
 قانونیه لرك مختلف مرحله لرنده کی مذاکرات و تعدیلات « لایحه یه
 تعلق ایتک و لایحه قانونیه ده مصرح تخصیصاتلری آلان یا خود
 اداره ایدن کیسه لرك خط حر کتنه و یا اجرا آتسه انحصار ایله مک
 لازم کلدیکنی » سویلیور [۱] . بوبیاناک برنجی قسمی انجمن
 مرحله سی ایچون دوغرودر . بودوره ده ، مذاکرات و تعدیلات ،
 موضوع بحث اولان خصوصاته صیقی بر صورتده تعلق ایتک
 اقتضا ایلر . بولایحه لرك غایه سی ساده جه ذاتاً قبول ایدیلش
 تخصیصاتلری تدارک ایچون ایجاب ایدن مبالغک قونسولیده
 خزینه دن تأدیه سنه مساعده ویرمکدن و بو تخصیصاتلرك یالکز
 مایوضع لهرینه صرفی لازم کلدیکنی تصریح ایتمکدن عبارت
 اولدینی جهته نظامنامه داخلی اداری حرکات حقنده بومناسبتله
 هیچ بر تنقیده جواز کوسترمز [۲] . بوندن دولای ، انجمن
 حالنده ایکن مذاکره پک کسدرمه کیدر . مایک سوزلرینک
 ایکنجی قسمی ایکنجی و اوچنجی قراسته هانددرلر . فقط لایحه

[۱] مای ، ۵۶۱ . بوراده یالکز تخصیصات لایحه قانونیه لرندن
 بحث ایدر . فقط سویله دیکی شیلر قونسولیده خزینه حقنده ده دوغرودر .
 تخصیصات لایحه لری اولرك صوکنجیسیدر ، سنه جاریه عاقد معاملیه یی
 اکال و اتام ایدرلر .

[۲] کذا ، ۵۶۲ .

قانونیه‌لر، هندستان نظارتی مستثنا اولق اوزره [۱] همان بوتون خدمات حکومت تخصیصاتی احتوا ایتدکلی جهته ، همان همان بوتون دوائر اجرا آتی بومرحله‌لرده تنقید ایتمک قابل اولور . برقاعده عمومیه اولارق ، مبعوثلر بوفرصلردن راحت راحت استفاده ایدرلر . بعضاً جریان ایدن بومذاکرات برتنوع عرض ایدر ، کوچوک تفرعات ایچنده بوغولور . فقط ، چوق کره ، بوتون مملکتده برحس علاقه اوایندیروش اولان بویوک بعضی داخلی سیاست مسئله‌لرینه ، مستملکه سیاستنه ، سیاست خارجییه تعلق ایدرلر [۲] . تعدیل تکلیفی ویریله‌سنده مساعدده واردر . بوتعدیلات ساحه‌سی‌ده مذاکرات ساحه‌سی قدر واسعدر . یکنظرده بو اصول ، تخصیصات انجمنی حالنده تشکل ایدیلدیکی زمان تعقیب اولونان اصوله بکزره . فقط ، قامارا بوقانونلری قبول مجبوریتنده اولدیغنی بیلیر . بولایجه‌لرک

[۱] هندستان نظارتک معارفاتی هندستان وارداتندن تسویه ایدیلیر . فقط ، یوقاریده ایضاح ایدیلدیکی وجهله ، هرسنه هندستان حسابانک پارلمنتویه تودییی مناسبته بومملکتک اداره‌سنی تنقیدوسيله‌سی چیقار .

[۲] مذاکرات ، تخصیصاتلری ایسته‌ینلرک اداری خطحرکتلرینه تعقی ایتمه‌لیدر . (مای ، ۵۶۱-۶۲) . بوندن دولاییدرکه ۱۹۰۳ده مجلس رئیسی ویرکو مسئله‌سنک مذاکره‌سنه مساعدده ایتمه‌دی . چونکه بوبابده قابینه هیچ برقرار اتخاذ ایتهمش ، حتی برسیاست درمیانندن بیله مجتنب بولونمشدی (هانسارد ، ۴ نجی سه‌ری ، ۱۲۷ ، صحیفه ۸۶۰-۸۷۰) .

قراستی چوق کره آریله اصولیه رأی طوپالانماسنه احتیاج کوسترسده منفی رأیلر یالکیز ایرلاند مبعوثلری طرفندن ویریلیر. اونلر پارلمنتو اصولنی استعمال ایتمکدن زیاده اوبسترو-کسیون یانمغه اهمیت عطف ایتمکده درلر. نادراً تعدیل تکلیفلی تودیغ اولوندیغی زمان، بونلرک غایه سی مذاکراتی معین بر مسئله اوزرینه تمرکز ایتدیرمکدن عبارتدی [۱]. بو تکلیفلر همان هیچ قبول ایدیه مشلردر.

حکومتک خط حرکتی حقننده تقبیح قراری ویرمکه امکان اولمادن حکومتی تنقید فرصته دائر الک کوزه چاربان مثال پاسقالیه وپانت قوت یورطیلری مناسبتیه ویریلن تعطیل مذاکرات تقریرلریدر. تعطیل مذاکراته دائر قدیم اصوله کوره صدد قاعده سی بو ایکی حاله قابل تطبیق دکلدر. بناء علیه مناقشه، مبعوثلرک جانلرینک ایسته دیکی وادیلره دو کوله بیلیر. حقیقته ده بویه اولیور. مناقشه عادتاً غیر متجانس بر شکل آلیر و بر چوق مسئله لره تماس ایدر. فقط مجلس رئیس لری نظامناه داخلینک، تعطیل مدتنه تعلق ایدن تعدیل تکلیفلرندن باشقه لرینک قبولنه

[۱] جنوبی آفریقاده یرلی اهالینک عملیه کی تعدیل تکلیفی بونک الکصوک مثالیدر. ۱۹۰۳ سنه سنده قونولیه خزینک بر نومرولی لایحه نک ایکنجی قرائتنده تکلف ایدیلشدی. مقصد تأمین اولوندقن صوکره تقریر کری آلندی (هانسارد، ۴ نجی سهری، ۱۲۰، صحیفه ۷۲)

مساعدا اولمادیغنه قرار ویردکلری ایچون [۱] مذاکراته وسیله تشکیل ایدن تقریر دائما بلا تعدیل قبول اولونور .

عدم اعتماد
تقریری

شیمدی یه قدر سوبله دیکمز شیر حکومتک خط حرکتی تنقید ایچون موجود وسائط عادیه یی ایضاح ایدرلر . مخالفت رئیسک النده باشقه برواسطه دها واردرد . او هر زمان برعدم اعتماد تقریری ویره بیلیر . مجلسده کی اکثریت رئیسده ، امکان مساعدا اولدینی درجه ده ، دائما بوتقریرک مذاکره سی ایچون بر جلسه تخصیصنه موافقت کوستیر . فقط بو ، موضوع بحث اولمش بعض حرکات واجرا آنک تنقیدندن بوتون بوتون باشقه بر شیدر . تقریر نه شکلده اولورسه اولسون ، غایه سی هیئت وکیله یی ده ویرمکدر . هر مبعوث قاینه نک دوامنی یاخود سقوطنی آرزو ایتدیکنه کوره ، دهلیزلرک برینه چکیلرک رأی ویریر . قامارانک حکمی خصوصی بر حرکتیه یاخود مسئله سیاسییه تعلق ایتمز ، قاینه نک هیئت مجموعه اجرا آتیه ابتنا ایدر . قاینه نک مغلوبیتنی درحال استعفا سی یاخود مجلسک فسحنی تعقیب ایتمک لازمدر .

حریت تنقید

قاینه یی عوام قاماراسنه قارشى حساب ویرمکه مجبورایله ملک ایچون موجود مختلف واسطه لره دائر ویردیکمز بواضا حاتدن پک آشکار صورتده آکلا شیلورکه شکایتلری اورته یه دوکمک ، اصلاحات تکلیف ایتمک ، بویوک کوچوک ایشلر مناسبتیه له ، اک

اوافق اجرا آت اداره ایچون اولدینی کبی سیاست عمومییه مناسبتیلده حکومتی تنقید ایله مک وسیله لری پک چوقدر . بو وسیله لر ماضی به نسبتله شیمدی دهآ از ایسه لرده ، فعلیاتده اسکیندن دهآ از مؤثر دکدر لر . خادم اولدق لری غایه — که حکومتک اوزرینه بر حزمه ضیا سرپمکدن و خلقی حکومتک خط حرکته واقف بولوندیرمقدن عبارتدر — نظر ملاحظیه آلینیرسه بو وسیله لری کافی درجه ده مبذول اولدق لری تسلیم ایدیلر . فقط بوکا مقابل ، ناظر لری منفرد اجرا آت لری دولایسیله بر حکم ویرمک فرستلری پک آزالمشدر . بو خصوصده قماراده رأی طوبایه رقی قطعی صورتده بیان فکر ایدیله سنی کیتدکجه دهآ زور بر حاله صوqq ایچون بارز بر تمایل موجوددر . بو تمایل ایسه پارلمنتو حکومتک حقیقی پرنسیپلرینه غایت مطابقدر . تام بر حریت تنقیدک موجود اولماسی لازمدر . فقط قاینه یالکز تعقیب ایده جکی سیاستی قرارلاشدیرمقده دکل اجراده ده حریتنی محافظه ایتمک ایستر . امور عمومییه نی طرز تمشیقی نتیجه اعتباریله مملکتی نمون ایتمیکی مدتجه قاینه یه مشکلات چیقا . رلاماسی ، قاینه نک اسقاط ایدیله می مقتضیدر .

حکم ویرمک
مشکلاتی

مسائل مالیه
حفنده کی
مذاکره لردن
مثال

بورایه قدر بالخاصه قمارانک اداره مسئله لری مناسبتیله ایفا ایتمیکی وظیفه لردن بحث ایتمک . فقط ، حکومت طرفندن تودیع ایدیلن قانون لایحه لرینه عائد خصوصات استثنا ایدیلرسه ، سوبله دیکمز شیلر قاینه نک عمومی سیاستی اوزرنده قمارانک

اجرا ایتدیکی قونترولهده عینی صورتده قابل تطبیقدر. چونکه قامارآنک تنقید ایتمک و تقبیح قرار ی ویرمک ایچون مالک اولدینی وسائط بربرینک عینی در . فی الحقیقه ویرکو مسئله سی حقنده اخیراً جریان ایتمش اولان مذاکراتک تاریخچه سینه باقیلنجه ناظرلرک کندی مقدراتلرینی باغلادقلری پروغرامی تعینده نه قدر حراولدقلری وکندیلرینی کیریشمک ایسته مدکلری بر مسئله یه کرهأ صوqq نه قدر مشکل اولدینی در حال تسلیم ایدیلیر . اونیونیسترلر دن مرکب مهم بر زمرة ، هانکی شکلده اولورسه اولسون رسوم حامیه نک تکرار تأسیس نه و بالخاصه مواد غذائی دن کومروک رسومی آلتاسنه شدنه معارض ایدی . بونلر ترازینک کفه سی بر طرفه میل ایتدیرمکه کفایت ایده بیله جک ر مقدارده ایدیلیر . اوصورتده که ، بر آراق ، یالکز باشنه ویرکو مسئله سی حقنده مجلسده آریله اصولیله رایه مراجعت ایدیلسه ایدی قامارا اغلب احتماله کوره موجود اصولک ادامه سینه قرار ویره جکدی . دیگر طرفدن ، مواد غذائی حقنده سربستی مبادلله اصولنک تطبیقنه طرفدار اولان اونیونیسترلرک اکثریتی سائر نقطه لر حقنده قاینه ایله تماماً هم فکر ایدیلیر . کندی پرنسپلرینه مغایر بر سیاست اقتصادی تعقیب نه قالمادینی مدتجه قاینه نک موقع اقتدارده قالماسی ایسته یورلردی . ایشته بونک ایچوندرکه وجداناً بر مجبوریته حس ایتدیکجه حکومت عاینده رای ویرمه ملک آرزوسنده ایدیلیر . ایشته بو شرائط

داخلنده ، لیبرالرد دوغروندن دوغرویہ ویرکو مسئلهسنه دائر
رأیه مراجعت چارهسنی آریوب دوردیله . مستر بالفور ایسه
کندیلکندن سیاست حقنده قطعی بیاناتده بولونمقدن کمال
احتیاط ایله اجتناب اییدیور وقامارانک بونقطهده قطعی برفکر
درمیان ایتمهسنه مانع اولمغه چالیشیوردی . قابینه بر ویرکو
یروغرامی اعلان ایدنجیه قدر بومسئله حقنده ناظرلرک وضعیتنی
پارلمنتونک حکمنه عرض ایده بیللمه نك یکانه شکلی حقلرنده
برعدم اعتماد تقریر عمومیسوی ویرمکدن عبارت اولماسنی پرنسیپ
اولارق قبول ایتدی .

مستر چمبرلین ، ۱۹۰۳ سنهسی مایسنک ۱۵ نده بیرینقامده ۱۹۰۳ ده
ایراد ایتدیکی نطقده کنديسنک ترجیحلی کومروک تعرفهسی
حقنده کی تصوراتنی ایضاح ایتدی . اوصیراده ، موسم ، برمبعونک
بومناسبتله خصوصی برتقریر ویرمهسنه امکان بر اقایه جق درجهده
ایلریله مشدی . بناء علیه ، بونطق مناسبتیله ایلك مناقشه
پانتقوت یورطیسی ایچون تعطیل مذاکره تقریری ویریلدیکی
وقت وقوعه کلدی [۱] . نظامنامه داخلی ، نهتعديل تکلیفی
ویرلمهسنه مساعد ایدی نهده قامارانک اظهار فکر بولنده
برقرار اعطا ایتمهسنه . بو ، ۲۸ مایسنده جریان ایتدی . بوندن
صوکره ، اطرافلی بر مذاکره ایچون اک یاقین فرصت مالیه
قانون لایحهسی مناسبتیله ۹ حزیرانده چیقدی . فقط رئیس ،

حکومت طرفندن سیاست اقتصادیه یی تعدیله سائق هیچ بر تکلیف تودیع ایدیلهدیکی جهته بولایحه قانونیه نك مذا کرانه بوقیل تعدیلات بحثرینك قاریشدریلامایه جغنی بیلدیردی [۱]. بونك اوزرینه ، مخالفت تعطیل مذا کره تقریری ویرمئ اصوله مراجعت ایتدی. یالکز، بومسئله ده بر مستعجلیت قراری قبول ایتدیرمك قولای برایش دکلدی. چونکه قبول ایتدیر- یلك ایسته نیلن سیاست حقنده ناظرلر شیمدیکی پارلمنتونك ، ماتدن بروجهه آلامش اولمق دولایسیله رأی ویرمكه صلاحیتدار اولمادیغنی ادعا ایدیورلردی. مخالفت ایسه بویله بر سیاستك هیچ بر زمان قبول ایدیله مسنی ایسته یوردی. لبرالر صوك زمانده وقوعه کلن بر حادثه دن استفاده ایده رك مشكلاتدن قورتولدیلر. تعرفه حقنده مستر بالفور ایله مستر چمبرلنك نطقلرینك تفسیرنده نیوسوت وال مستملکه سی باش وکیلنك یاپدیغنی خطایی مناقشه ایتك اوزره ۷ حزیرانده بر تعطیل مذا کره قراری ویردیلر. فقط ، رئیس ، اقتصادی مسئله نك عمومی بر مناقشه سی تقریرك دائره شمولنه کیرمه دیکی مطالعه سنده بولوندی. حالبوکه دهاشمولای بر تقریر ویریله بیلیردی. بناء علیه ، تعطیل مذا کره تکلیفی رد اولوندی. حتی ۱۳۲ رأیه قارشى ۲۴۳ رأی ایله [۲]. كرك بو وقعه ده كرك متعاقب وقعه لرده مستر

[۱] كذا ، ۳۲۷ .

[۲] كذا ، ۱۲۷۴، ۱۲۴۵، ۱۴۴۱ .

بالفور حکومتہ تخصیص ایدیلن زمانک بر قسمنک اقتصادی مسئلہنک مناقشہ قطعہ سندن تفریقنی قبولدن امتناع ایتمکه برابر قطعی بر عدم اعتماد تقریرنی مذاکرہ ایچون بر جلسہ تفریق ایدہ بیلہ جکنی بیلدیردی [۱] . فقط لیبرالر اونک بو تکلیفی قبول ایتہ دیلر . بر مؤاخذه قرارینک بوبابده مجلسک فکر و مطالعه سنی افاده ایدہ مہیہ جکنی حقی اولارق سہویله دیلر . ذاتاً ، ہر نقطہ دہ مغلوب اولاجق لرینی بیلورلردی . نہایت ، ۱۱ آغستوسدہ ، رئیس ناظرلردن ہیچ برینک رسمی بر حرکتی موضوع بحث اولمادیغی جہتلہ ، مسئلہنک تخصیصاتلر لایحہ قانونیہ سنک ایکسجی قرائتندہ موقع مناقشہ قونولامایہ جغہ قرار ویردی [۲] . ایشہ بوصورتلہ ، ۱۹۰۳ دورہ اجتماعیہ سی ، سیاست اقتصادیہ حقندہ مجلسدہ ہیچ رأی طویلانمادن نہایت ایردی . حالبوکہ بو مناسبتلہ ایراد ایدیلش بر چوق سؤالر واردی وحتی سائر خصوصاتہ دائر مذاکرات جریان ایدرکن بومسئلہ حقندہ استطراد قیلندن بعض مذاکرات جریان ایتمشدی .

قامارا یکیدن طویلاندیغی زمان ، ہیئت وکیلہ دہ بویوک تبدلات وقوعہ کلمشدی . مستر چمبرلین کی باشلیجہ معارضلری دہ استعفالرینی ویرمشلردی . پارلمنتونک دوامی مدتجہ قابینہنک مسئلہ اقتصادیہ حقندہ قطعی برقرار اتحاد ایتہ جکی محقق ایدی .

[۱] کذا ، ۱۲۵۰ ، ۱۳۲۳ ، ۱۲۵۴ ، ۵۷۱ ، ۵۷۴ .

[۲] کذا ، ۱۲۷ ، صحیفہ ۸۶۷ .

مع مافیه ، لبرالر بوباده مجلسدن بر قرار آلق ایچون متعدد
وسائطه مالکدیلر . اولکی دوره اجتماعیه نك ایکنجی نصفنده
بونلری استعمال ایدمه مشلردی . عریضه جوابیه مذا کرمسی
باشلار باشلاماز ، لبرالر رسوم حامیه نك خلقلق رفاهنی آرتیردیغنی
وبونك عکسی استقامتده وقوعه کله جك هر دورلو تعدیلاتك خلق
ایچون مشوم بر نتیجه ویره جکنی بیان ایتمه سنی قامارایه تکلیف
ایتدیلر . تقریر ، اکثریت فرقه سنی صارصمق و پارچالایه بيلمك ایچون
ایجاب ایدن شکلده قلمه آلمانمشدی . چونکه ناظرلر ، حمایه
اصولانی اعاده یولنده کندیلرینه عطف اولونان نیتی رد ایتدیلر .
تعدیل لهنده یالکز یکرمی بر اونیونیست رأی ویردی . تقریر ،
۲۷۶ یه قارشی ۳۲۷ رأی ایله رد اولوندی [۱] . صوکره ،
۹ مارتده ، حمایه کارانه بر تعرفه لهنده ناظرلرک تشویق ایتدکلری
تحریکاتی قامارالك تقییح ایتمه سی ایچون بر مبعوث شخصی صورتده
بر تقریر ویردی . بوده پك ایی دوشونولمش برشی دکلدی .
تقریر ، ۲۴۳ رأیه قارشی ۲۸۹ رأی ایله رد اولوندی . مخالفلر
آراسنده اونیونیستلرک اون دو قوز رأیی واردی . بونلر حکومت
عایهنده رأی ویر مشلردی . ۱۸ مایسده باشقه بر مبعوث شخصی

[۱] هانسارد ، ۴ بجی سهری ، ۱۲۹ ، ۶۲۳ ، ۱۴۴۶ .

مارنك یا یسنده ، مستر بالفورك کچن صرک بهارده چکیمش اولان
ناظرلرک استعفالرینی ایضاحدن امتناع ایتمه سنه قارشی پروتستو ایچون
بر تعطیل مذا کره تقریری ویریلدی . بوتقریر اقتصادی مسئلهیه آنجق
بالواسطه تماس ایدیوردی . ۱۷۲ یه قارشی ۲۳۷ رأی ایله رد اولوندی .

بر تقرير ويردى . قامارانك ، مواد غذائيه حقنده حمايه كارانه
بر كومروك تعرفه سنك خلق ايچون بر يوك تشكيل ايده جكنى
دوشونهر ك حكومتك بوكا طرفدار اولمادىنى يولنده كى بياناتى
ممنونيتله قارشىلايه جغنى بيلديرمه سنى تسكليف ايدييوردى . بو ،
دها تهلكه لى بر هجوم ايدي . ناظرلر ، بومسئله حقنده مناقشه نك
بپهوده اولديغنه دائر بر تعديل تكليفى ويرمك صورتيله تهلكه دن
كنديلر ينى قوروديلر . همان همان اولسكى ايكى وقعه ده اولدينى قدر
اكثريت بولديلر . چونكه تقريرلرى ۲۵۱ رايه قارشى ۳۰۶
راى ايله قبول اولوندى . مخالفلر آراسنده ۱۷ اونيو نيست ده
داخلدى [۱] .

نهایت ، ليبراللر بر مؤاخذه مذا كره سى ايچون بر جلسه
تثيت ايديلمه سنى طلب ايله ديلر . بونك ايچون ۱ اغستوس تاريخى
انتخاب اولوندى . تقرير ، مواد غذائيه اوزرينه بر وير كويى
محتوى ترجيحلى كومروك رسومى سياستنى قبول ايتديكنى اعلان
ايدن ليبرال-اونيو نيست جمعيتنده بعض ناظرلر ك رسمى بروظيفه
قبول ايتمه لر دن دولاي اظهار اسف ايدييوردى . تقريرك شكلى
اهميتسزدى . فقط نتيجه ، بر عدم اعتماد قرارينك ماهيتى نه
اولديغنى ، معين بومسئله سياسيه حقنده قامارايى قطعى برقرار
ويرمكه سوق ايچون بوكا مراجعتك نه قدر بپهوده بولونديغنى
كوستير . قاينه يى ده ويرمك ايسته مەينلر ايچنده هيچ كيمسه

حکومت علیهنده رأی ویرمدی؛ تقریر ۲۱۰ رأیه قارشی ۲۸۸ رأی ایله رد اولوندی [۱]. اونیونست لرمیاننده تعداد اولونان تک برمبعوث تقریر لهنده رأی ویردی. اولکی دفعه لرده مخالفت ایله برلکده رأی ویرمش اولانلردن برنجیسی حکومت لهنده رأی ویردی، دیکرلری مستکف داورانیدلر. اقتصاد مسئله سی دفعات ایله موقع مناقشه یه قونولمش اولقله برابر [۲]، مخالفت، بوتون دوره اجتماعیه ده مسئله نک اساسی حقنده رأیه مراجعت ایدیله سنی تأمین ایچون صرف ایتدیکی جهد و غیرتک عقیم قالدیغنی کوریوردی.

ایرتیه سی سنه ده نتیجه عینی اولدی. فقط تعقیب اولونان تعبیه باشقه ایدی. عینی مسئله یه دائر برمبعوثک شخصی صورته ویردیکی ایلک تقریر مسئله مستأخره طریقله برطرف ایدیلدی. بوندن صوکره کی تقریرلره کلنجه، حکومت یوقاریده تعریف ایتدیکمز یکی اصولی بونلره تطبیق ایتدی. بو اصول ده رأیه اشتراك اتمه مکدن عبارتدر. مستر بالفور، حکومتک هیچ قاریشمق ایسته مه دیکی بررأی وقرار قامارانک فکر و مطالعه سنک صحیح بر افاده سی کبی تاقی اولونا مایه جنی و بناء علیه حکومت طرفندن نظر اهامال ایله کوروله بیله جکی پرنسیپنی قبول ایتمش

۱۹۰۵ ده

[۱] کذا، ۱۳۹، صحیفه ۲۸۴ و متعاقب.

[۲] پاسقالیه تعطیلی ایچون تعطیل مذاکره تقریری مناسبتیه ده

مذاکره ایدیلشدی.

اولیوردی. بو، صورت عمومیهده قبول ایدیلش اولان تشکیلات اساسیه جیلک مسدکنک پک کنیش برتفسیریدر. فقط هیچده منطقسز دکلدر.

پارلمنتو ملتک
برپوک بر
تحقیقات
انجمنیدر

مسئول بر هیئت وکیله سیستمی، مجلس تشریعی آنجق ایکی فرقیه منقسم اولدینی زمان طبیعی وسلیم بر صورتده انکشاف ایده بیلیر. بوشراطدا خلندهده ره ژیمک غیر قابل اجتناب نتیجه سی پارلمنتو ایچون بر مسئلهده قاینهیه مظاهرت کوسترمک و دیگرنده قاینه نك علیهنده بولونمق محال اولماسنی ایجاب ایدر. ناظرلرک پروغرامی هیئت مجموعه سیله قبول ویا رد ایدیلک لازمدر. بناء علیه، کرک تشریعی کرک اداری خصوصاتده حق تکلیف منحصرأ اونلره عائد اولمق اقتضا ایدر. پارلمنتونک بو کونکی تمایلی بویله اولدینی آشکاردر [۱]. عوام قاماراسی، تقبیح قراری مستقنا اولمق اوزره، مؤثر و مشر صورتده بر رأی ویرمکده کیتدکجه مشکلات چکیور. قامارا بوتون نفوذ و قدرتی غائب ایتمکه میالدر. یالکنز تنقید ایتمک و اعدامه محکوم ایلمک قدرتی محافظه ایتمکدهدر. پارلمنتویه، ملتک بویوک تحقیقات انجمنی نامی ویریلشدر. بوجهته کی وظائفی زمانمزده تحدیددن زیاده

[۱] ردلیخ، عوام قاماراسنک اصول مذاکره سنه دائر اولان اثرینک صوکننده، بر مجلس تشریعینک نظامنامه داخلیسی، پارلمنتو مقانیزمه سننده و بناء علیه، دولتک بوتون مقانیزمه سننده قوتلرک تضییقی اشعار ایدن سیاسی برمانوترو اولدینی سویلیور (صحیفه ۸۰۰)

توسیع ایدیلشدر. مع مافیه، تحقیقات و وظیفه سی منحصر آقامارانك
برزمره سنه ویريله مشدر. چونكه بورول بالخاصه مخالفت طرفندن
ایضا ایدیلیرسه ده چوق کره، حکومتك، کندی طرفدارلری
طرفندن ده اخطارات تلقی ایتیه سی واقعدر. پارلمنتو ره ژیمی
الیوم قاینه یه اوتوقراتیک برنقوذ و قدرت بخش ایتمشه ده بو،
غایت بویوک بر علانیت ایچنده چالیشان براوتوقراسیدر؛ حرکات
واجرا آتی متصل تنقیده معروضدر؛ افکار عمومیه نك قوتی،
بر عدم اعتماد رأی تهلکه سی و یکی انتخابات احتمالی ایله تعدیل
اولونمقده در.



اون دو قوزنجى باب

قانونلر كى شكللى ومحتوياتلى

عوام قاماراسنىك وضع قانون خصوصنده كى قابلىتى صوك قانون وضع
حديثه واصل اولديغى يوقايدى كورمىشدىك . اصل فناسى ، ايتىمىك مشكالى
بك واسيع اولمايان بوقابلىتىك ماضى يەنسبتله شايان دقت برصورتىدە
آزالمش اولماسيدىر . ۱۸۶۸ تارىخندن اعتباراً كچن اون سنه
ظرفنده ، حكومتك لايحه لرندن هر سنه وسطى اوله رىق دو قسان
درت دانەسى قانون حاله منقلب اوليوردى . فقط اوزماندن
صوكرە بومقدار نصفندن زياده اكسىلمىشدر . مبعوثلر كى شخصى
صورتىدە تكليف ايتدىكلرى لايحه لر حقنەدەدە هان هان عىنىشى
سويلەنە بىلير . مذاكراته اشتراك ايتىمىك ايستەين مبعوثلر كى
مقدارينىك كيتدىكجە آرتماسى ، تنقيداتك دها موشكاف بر شكل
آماسى ، مخالفتك دها منتظم بر اصول دائرە سنده ابرازى
قامارانك بر لايحه قانونيه يى قبول ايتەسى ايچون ايجاب ايدن
معاملات ومراسمك ايفاسنى كيتدىكجە دها مشكل بر حاله صوقىشدر .
اوزون ياخود قارىشيق اولان قانونلر حقنەدە بوسوز بالخاصه
دوغرودر . چونكه بر متن نە قدر اوزون اولورسە بوكا تعديل

تکلیف ایتک وسیله سیده اوقدر چوق ظهور ایدر [۱].
ایشته ، قانون چیقار مقدمه کی بو مشکلات قانونلرک شکلری
و محتویاتلری اوزرنده برطاقم تأثیرات حصوله کتیرمشدر .

لایحه لرک قلمه
آلتماسی

بر مبعوث طرفندن شخصی صورتده تودیع ایدیلن عمومی
علاقه دار ایده جک بر لایحه قانونیه یا کنیدیسی طرفندن قلمه
آلتمس یا خود بواش ایچون استخدام ایتدیکی بر قانون شناس
طرفندن یازلمش اولایلیر . بونوع لایحه لر حقنده منتظم بر اصول
دائرة سنده بر قونترول یوقدر [۲] . عباره لرینک تصحیحی
ایچون هیچ بر مرحله آیریلماشدر . ایسترای دوشونولمش
اولسونلر ایسترا اولماسونلر ، یارلمنتوده کچیره جکلری مذاکرات
صفحه لرنده مهم صورتده اصلاح ایدیلملری احتمالی بک یوق
کییدر . فقط ، انکلتیره تعلق ایدن و صرف شکلی بروصفی و یا کوره نک
ماهیتنی حائر اولمایان [۳] حکومت لایحه لری بو کون خزینه مالیه نک
پارلمنتو آوو قاتی یا خود معیتده کی معاونلر طرفندن حاضر لایر [۴] .

[۱] ایلبرت : Legislative Methods and Forms ، ۲۱۷

[۲] ایلبرت ، کذا : خصوصی لایحه لر بالطبع مستدعیلرک حقوق
شناسلری طرفندن وموقت قرارنامه لایحه لری تعلق ایتدکلری دائرة لر
طرفندن قلمه آلیر .

[۳] ایلبرت ، کذا ، ۸۶ ، نوط . ایرلاندايه و اسقوچیا به عائد
قانون لایحه لری و هندستانک همان تکمیل مهم لایحه لری او مملکتلرک
نظار تلبینه مربوط متخصصلر طرفندن قلمه آلیر .

[۴] اثرینی یازدینی صراده بو وظیفه یی ایفا ایتکده اولان

بولايچهلر دوائر حائدهسى طرفدن ويريلن تعليماته كوره قلمه آليرلر. بومناستله اودائرلرک مطالعه لری صورولور. بعضاً، لايحه لر پارلمنتويه توديع ايديله دن اول دفعات ايله نظر تصحيح دن كچر. پارلمنتويه توديع اولونجه كرك ايكي مجلسك داخلنده كرك خارجنده بر چوق ارباب تنقيدك هجومه اوغرارلر. بعض كيمسه لر، عقيم براقدير مق ايسته دكلری بر تدبيرك نقصانلرینی بولمق ایچون ذهنلرینی یورارلر. لايحه نك عمومی پرنسپنه معارض اولمايان بعضیلری ایسه لايحه نك ایچنده، احتمالکه محلی بر امتیاز ویا عرفه استناد ایدن منفعتلرینی مخل بر طاقم ماده لر بولورلر. درمیان ایدیلن اعتراضاتك كافه سنك اولدن عقله كلمه مش اولماسی ده قابلدر. یاخود بعض اعتراضاتك، ظن و تخمین اولونديغندن زیاده اهمیت سیاسیه لری اولدینی صو کره دن آکلاشیلیر. ایسته انجمن حالنده کی مذا کره لرده تعدیللر ویکی ماده لر بوصورته قبول ایدیلیر. بوتعدیلات، عمومیتله، لايحه یی مدافعه یه مأمور ناظرک موافقتیه وقوعه کلیر. پارلمنتو آووقاتی ايله لايحه نك تعلق ایتدیکی دائره نك دائمی آمری، مطالعه لرینی بیلدیرمك ایچون چوق کره غاله ریده بکلرلر. فقط، هر شیئه رغماً، تعدیلات، لايحه یی یازان ذاتك اوکا ویردیکی کوزللكی و تناسبی اخلال

سرقورتنه ی ایلبرت کتایبنده بو وظیفه نك پک کوزل بر تازیخچه سنی باعش (۶۷-۶۹، ۸۰-۸۵) و صلاحیتلرینی ایضاح ایتشدیر.

(۸۵-۹۷، ۲۱۸-۱۹، ۲۱۷-۳۱)

ایدر . یا مضبطه مرحله سنده یا لوردلر قاماراسنده متنی تصحیح
ایچون ینه چالیشمه یه احتیاج واردر .

شکل قصورلری سر قورتنه ی ایلبرت ، زمانمژده انکلیز قانونلرینک شکللرنده
کورولن قصورلری بر لایحه نك عوام قاماراسندن کچر کن بالضروره
معروض قاله جنی تغیراته و پارلمنتودن چیقان برقرارک اساس اعتباریله
بر تالیف بین معامله سندن عبارت اولماسی کیفیته عطف ایدیور [۱] .
مع مافیہ ، تشریع ایشنی احاطه ایدن احوال و شرائطدن متولد
باشقه مشکلات ده موجوددر کبی کورونیور .

شبهه یوق که پارلمنتو آوو قاتنک مداخله سی ، قانونلرده دها
زیاده و جازت ، اطراد و انتظام تأمین ایتک صورتیله اونلرک
اصلاحنه چوق یاردیم ایتشدرد . بر قانون قلمه آلیرکن ایکی
شیئی نظر دقنده طومتق لازمدر . اولاً ، قانونه رعایت مجبوریتمده
بولوناجق کیمسه لر ایچون قابل ادراک اولمالیدر ؛ ثانیاً ، اوقانونی
تفسیر ایده جک محکمه لر ومتنی حقنده فکرلری صورولاجق
آوو قاتلر معناسی غایت صریح صورته آکلایه بیلمیدرلر .
حالبوکه حقوق ایله مشغول اولمایانلر ایچون ، حتی اجنبی بر
حقوق شناس ایچون بر انکلیز قانونی چوق کره غایت زور
آکلایشیلیر برشیدر ، بعضاً ده ایکی معنایه ده کله بیلیر . قانونک
روحنه نفوذ ایتک ایچون چوق کره بر ماده یه دائر اولجه یاپلش
بوتون قانونلره واقف اولق اقتضا ایدر . « هیج بر قانون

یوقدر که منفرد بر حالده نظر ملاحظه آلتنجه تماماً قابل ادراك اولسون . هر قانون ، بر هیئت مجموعه حقوق آیری بر بابی یا خود بر بابک بر پارچه سیدر » [۱] سوزی پک دوغرودر . بویله اولمقله برابر ، انکلینز قانوننرینک ، چوق کره واقع اولدینی اوزره ، او قدر مظلم ومعقد اولمالری ایچون هیچ بر مجبوریت یوقدر کبی کورونیور . تفسیرلرینک تولید ایتدیکی بر چوق دعوالره باقیلیرسه بوقصورک بویوک بر قطعیت حقوقیه ایله تلافی ایدیلدیکنده احتمال ویریله مز . بوبابده اک مشهور مثال ۱۹۰۲ ده کی معارف قانونی Education Act در . دینی مکتبلرده تربیه دینییه مصارفک محلی ویرکولر واسطه سیله تدارک ایدیله جکی حقنده کی ماده معندان بر مقاومت مصادف اولدی ؛ ایکی سنه ، صلح حاکملری بوماده یی ویرکو ویرمه مک خصوصنده اصرار کوسترن مکلفینه قارشی جبراً تطبیق ایتک ضرورتنده قالدیلر . صوکره ، یورقشایر غرب حوالینک قاوتی مجلسی موضوع بحث اولان پاره یی تادیه دن امتناع ایدنجه مسئله ده یوکسک مقامک حق قضا سنه عرض ایدیلدی . استیناف محکمه سنک اکثریتی ، قانونک قاوتی مجلسنی ویرکو تادیه سنه اجبار ایتدیکی مطالعه سنده بولوندی [۲] . لوردلر قاماراسی بوقراری نقض ایتدی [۳] . فقط پارلمنتونک هر کسک قانونک اک باشلی احکامندن

[۱] کذا ، ۲۵۴

عدايتديكى برشيى غيروارد تلقى ايديله بيله جك صورتده برقانون
ياپمىش اولماسى كىفئىتى هيچ شېه يوق كه فنا كتابتك اك شايدان
حيرت مثاللرندن برىنى تشكيل ايلر. هم بو حال، عوام قاماراسنده
قبول ايدىلىش بر تعديل تكليفنك نتيجه سى دكلدى . چونكه
موضوع بحث اولان ماده قامارادن بلاتعديل كچمىشدى. قصوره
پارلمنتو اووقاته قابل عطف اولماقوله برابر، سيسته مك نقصانى
ميدانه اورمقندن خالى قالماز .

پارلمنتونك تشريعى مساعى ايچون محدود بر قابليت مالك
اولماسى قانونلرك شكلى ومحتوياتى اوزرنده اجراى تاثير ايتديكى
يوقايدده سويله مشدك . بو، قاريشيق بر مسئله نك متعدد
عنصرلرندن آنجق بريدر . هرشيى محييط برقانون تنظيم ايتك
ايچون ايجاب ايدن زمانك فقدانى ، ملتك مزاج سياسيسى
ومسؤوليت وكلائك ايجاباتى قانونلرك شكل ومحتوياتى اوزرنده
آيرى آيرى اجراى تاثير ايدرلر . بوتون بو عواملك بربرلينه
قارشى ده تاثيرلرى وعكس تاثيرلرى مشهود اولور .

اوزون وقاريشيق قانونلرى پارلمنتويه قبول ايتديرمكده كى
مشكلات ، ناظرلرى ويژه جكلرى لايحه يى ممكن اولدينى قدر
قيسه برحاله صوقعنه [۱]، مقصد ايچون همه حال لازم اولمايان
ماده لرى برطرف ايتكه سوق ايدر. بوندن دولاييدر كه، لايحه
قانونيه يى قلمه آلانلر موجود قانونلره، كرك تصحيح صورتيله

قصورلر
شونلردن
ايلرى كليور

قانون وضع
ايتكده كى
مشكلاتدن

کړک يکي لایحه نکه ایچنه ادخال صورتیله، دو قونمقدن ممکن اولدینی درجه ده مجتنب داورانیرلر . اسکی قانونلرک احکامندن یکی لایحه یه داخل اولاجقار وارسه بو احکام عیناً یازلق و تکرار ایدیلک صورتیله دکل بختلری چکمک صورتیله ادخال ایدیلرلر [۱]. متن ایچنده، تطبیقاتده پک بویوک صیقینتی تولید ایدن بو فلان و فلان قانونه مراجعت توصیه لری پک افراطه واردیرلشدر . فعلیاتده، مختلف موضوعلره دائر بر چوق « ماده قانونلری » Clauses Acts واردرکه بونلرک کندیلرینه خاص و مستقل بر قوت تشریعیه لری یوقدر . بونلر، قانوننامه لره، مؤخرآ یایلاجق قانونلره ضمنی ویا صریح بر مراجعت توصیه سیله ادخال ایدیله جک نمونه احکام صفتیله قید ایدیلشدر [۲]. قانون لایحه لرینی مختصر یایمق آرزوسی، قانونک ایچندن تفرعاتی آیرارق ذیل شکنده قانونه ربط ایدیلن جدوللره ادخال ایتک اصولی اورتیه چیقارمشدر [۳]. بو، بر لایحه یی مدافعه یه مأمور برناظر ایچون بر فائده در . چونکه بو اصول، جدوللر محتویاتی پارلمنتونک قونترولندن خارج بر اقامق ایله برابر او

[۱] کذا، ۲۱۷-۲۱۸؛ ۲۵۴-۲۶۶.

[۲] بو، بالخاصه محلی وخصوصی قانون لایحه لری حقنده دوغرودر. بونلره یا قانونک صراحتی موجبجه یاخود خصوصی لایحه لر حقنده کی اصول مذاکره یی تعیین ایدن نظامنامه داخلی احکامنجه « ماده قانونلری » نکه احکامی چوق کره منضم اولق ایجاب ایدر. کذا، ۲۶۱.

[۳] کذا، ۲۶۶-۲۸۶.

محتویاتی ده‌ا نظر کریز بر شکله سوقار و مبعوثلرک دقتی الک
اساسلی مسائل سیاسیه اوزرنده تمرکز ایتدیرر .

سیاسی مزاجدن وضع ایدیلن قانونلرک محافظه کارانه برتمایلی احتوا ایتملری ده
عینی نتیجه‌یی تولید ایدن برهامل تشکیل ایدر . مع مافیه ، بونک
قانونلرک شکلی اوزرنده دکل ده‌ا زیاده محتویاتلری اوزرنده
بر تاثیر اولیور . عمومیتله سویلندیکنه کوره ، انکلیزلر صنایع
ساحه‌سنده اسکی شیلری تماماً بر طرفه آتمانک محسناتی تقدیر
ایتمزلر ، موداسی کچمش ماکنه‌لری چوروکلکه آتمق ده‌ا مناسب
اولورکن بونلری استعمالده دوام ایدرلر . برماکنه‌یی بیله ترک
ایتمکدن خوشلانمایان انکلیزلر پارلمنتودن کچمش بر قانونی الفا
ایتمکدن هیچ خوشلانمازلر . هر انکلیز ، بر مملکتک مؤسسه‌لرینی
اورته‌یه یکی برشی چیقارمق ایچون ییقمقدن ایسه یاواش یاواش
دوزلمک ده‌ا ایی اولاجنی اعتقاد مسعودی ایچنده یاشار .
اساسلی و الزم اولان مؤسسه‌لرله بویله اولمایانلر آراسنده
بر خط فاصل موجود اولمادیغی ایچون ، انکلیز تشکیلات
اساسیه‌سنه قارشى کوستریلن حس حرمت و تعظیم ،
قانونلرک هر برینه ، حتی هیچ شبهه یوق که عرف و عاده‌ده
شامل اولیور . ایشته واضع قانونی غایت احتیاطکار یابان ،
مساعیسنی تجربه‌یه . استناد ایتدیرمکه سوق ایدن سبب بودر .
بوندن باشقه ، انکلیزلر حقوق مکتسبه‌یه پک درین بر حرمت
بسلرلر . زمان ایله تأید ایتمش اعتیادلره و ، بعضاً ، زمان ایله

تأید ایتش سوء استعمالله قارشی ده عینی درجه ده رعایتکار داورانرلر . سر قورته ی ایلبرت اوقله ی قوم وایتبول دائره روحانیه سنک وضعیت خصوصیه وغریبه سی یاخود لیتل پدلینغتون کلیسا خدمتچیسنک آیلغی حقنده کی بر لایحه قانونیه نك تولید ایتمه سی محتمل نتایجنه نه قدر اهمیت ویریلدیکنی بزه ایضاح ایتشدرد [۱] . بعض کره ، بوقیل منافعك منافع عمومیه ایله تصادمه نك فضله بر اهمیت عطف اولونیور کیدر . بو حال ، بزى مسئله نك اوچنچی عاملی ایله اشتغاله سوق ایدیورکه اوده مسئولیت وكلا کیفیتدر . بو، قانونلرك هم شكللری هم محتویاتلری اوزرنده بارز بر نفوذ وتأثیر اجرا ایتمکده در .

وکیللرك
مسئولیتندن

انکلترده انکشاف ایتدیکی طرزده پارلمنتورده ژیمی ، مساعی تشریعیه نك واداره نك حقیقی مدیرلکنی موقع اقتداری اشغال ایدن هیئت وکیلیه تودیع ایدیور و بویوزدن بر قاچ کشینك النده عظیم بر قدرت سیاسیه طوپلانماسنه سببیت ویریورسه ده بونی صوك درجه ده فردیتجی بر قوم ایچنده یاپیور . ناظرلر او بویوك نفوذ و قدرتلرینی ایکی شرط آلتنده اجرا ایدرلر . بونلرك بریسی اکثریتلرینه صورت مطلقه ده حاکم قالمالری ، دیکری ده بو حاکمیتلرینك حریت تنقید سایه سنده تعدیل و تخفیف ایدیله سیدر . ناظرلر بوتون یابدقلرینی ایضاح ایتمکه ، بوتون قمارانك هجوملرینه قارشی مدافعه ایله مکّه وهمان هان بوتون

طرفدارلرینی تطمین ایدە جک صورتە محق کوسترمەکه مجبوردرلر.
 بونک نتیجه سی اولارق، ناظرلر ترتیب ایتدکلری لایحه قانونیه لردە
 تنقیداته بیهوده یرە بر هدف تشکیل ایدە جک یاخود بعض
 دوستلرینی دلکیر ایدە بیلە جک نقطه لر بولونیدر مامغه چالیشیورلر.
 بعض اشکال آلتندە اعتدال، موقع اقتدارده قالمق ایچون
 تأدیه ایدیلن بر بدلدیر. فلان استقامتده بویوک بر قوت آلتندە
 بعضاً فلان استقامتده بر ضعف صاقلیدر. صاغلام بر اکثریت
 اوزرینه مستند برانکلیر هیئت و کیله سی بر قدرت مطلقه مالک
 کبی کورونور. پروغرامی اعلان ایدر، مخالفتک اعتراضلرینه،
 حتی، کندیلرینه قارشى تضییق اجرا ایتمه مسنی استرحام ایلەین
 دوستلرینک صیریلکلیرینه رغماً لایحه قانونیه لرینی قبول ایتدیرر.
 فقط بونفوذ و قدرتک بویوک بر قسمی بودرجه آچیق صورتە
 کندیسینی کوسترمەین باشقه قوتلرک محصولیدر. موقع اقتدارده کی
 فرقەنک علی العاده اعضالری، خیانت ایلە اتهام ایدیلک و حکومتک
 معارضلرە کچمە سنە سبب اولمق اندیشه سی آلتندە، مهم و مشکل
 مسئله لردە وایپلرک امرلرینه کوره رأی ویرمک مجبوریتندە ایسه لر
 ناظرلردە بعضاً، دوستلردن مرکب بر زمرەنک اصراری اوزرینه
 فلان فلان احکام و موادی قبول ایتک، فلان فلان احکام
 و موادده تعدیلات یا بمق یاخود اونلردن تماماً وازکچمک مجبوریتندە
 قالیرلر. ناظرلر، کندی طرفدارلردن مهم بر پارچه نک جدی
 اعتراضلرینی اھال ایدە مزلر. پارلمنتو رە ژیمنک تعاملی نتیجه سنده

بوجبورت کیتدکجه دها قطعی برحاله کیرمشدر . یاریم عصر اول ، مجلسک کندی طرفلرنده . بولونان پارچه سندن غائب ایتدکلی رأیلری ، مجلسک دیگر طرفنده قولایجه قازانایلیرلردی . فقط بوکون بوکا همان هیچ امکان یوقدر . شیمدی هر مسئله ده کندی فرقه لرینی تماماً سوروکله یه بیلملری لازمدر [۱] . بناء علیه ، ناظرلرک قدرت مطلقه لری غایت محدود وغایت احتیاطه احتیاج حس ایتدیرر بر قوتدن عبارتدر . بالخاصه صوک محافظه کار قاینه زماننده هر سنه مجلسدن چیقان قانونلرک آزلی بوسوزلرک نه قدر دوغرو اولدیغنی اثبات ایتمشدر .

قانونلرک تعدیلی و بر آرایه جی
بر مملکتک قانون وضع ایتمکده کی اصولی ، بر موضوعی تام بر صورتده نظر ملاحظه آلا بویوک عمومی قانونلر قبول ایتک اولمایوبده موجود قانونلری تعدیل وتصحیح ایله تدریجی تبدلات یا بمقدن عبارت اولمق لازم ایسه آراده صیراده بوقانونلری دها طویلو ، دها قابل ادراک بر شکل آلتنده بر آرایه طویلامق ایچون یکی طبعلر وجوده کتیر مکده آشکار بر فائده موجود اولاجنی طبعیدر . معین بر موضوعه تعلق ایدن مختلف قانونلری ،

[۱] « فرقه رابطه لرینک قوتی » باینده درج ایتدیکمز ایستاتستیکلر بونده نه درجه به قدر موفق اولدقلرینی کوستبر . بوموفقیتلری کیتدکجه آرتقمده در . بوکون مشکلات مبعوثلرک شخصی فکرلرندن یا خود منفعتلرندن دکل عمومی بر منفعت کوزده تهرک یا خود ، هیچ دکاسه ، منتخبلرندن بویوک بر قسمنه تعلق ایدن بر منفعتی مدافعه ایده رک حرکت ایدن مبعوثین زمره لرندن تولد ایدیور .

اساسده هيچ برد كيشيكلك يامادن، صرف شكللريني ساده لشدن بىر مك
ايچون صيق صيق تعديلات اجرا اتمك يا خود بر آرايه كتىرمك غايت
حائز محسنيات اولور. يالكر، بوتحكيم وتقويه اصولى انكلترده
صورت عموميه ده استعمال ايديله مشدر. اون دو قوزنجى عصر
انساننده متعدد انجمنلر بوايش ايچون بك چوق چالشمشلردر.
فقط الله ايديلن يكانه مثبت نتايج سادده جه تعديل وتصحيح
ايديش بر طاقم قانونلر وجوده كتىرمكدن عبارت قالمشدر.
بونلر، آرتق موقع مرعيتدن ساقط اولمش قسملرى مسكوت
بر اهرق بر آرايه طوپلامش قانونلر ماهيتنى كچه ميورلردى. بعض
خصوصاته متعلق قانونلرى تك بر قانون حالنه كتيره جك صورتده ده
بر قاچ قانون يالشمشدر [۱]. بونوع قانونلر قولايجه قبول ايتديريله مز.
چونكه، سر قورتنه ي ايلبرتك شوسوزلرى بك دوغرودر: مبعوثلرك
وسطيسنى، مختلف قانونلرى بر آرايه طوپلايان بر لايحه قانونيه نك
تودينى، تعديلات تكليف اتمك ايچون ابى فرصت تشكيل ايدى جكى
فكرندن اوزاقلاشدير مق وطوپلامه كيفيتك موجود قانونلرى
نه تصويب نه ادامه معناسنى افاده اتمه ديكنى اونلره آكلاتمق
و كنديلرينه طوپلامه تشبثى اوزرينه بر طاقم تعديلات اشلامق
تشبثلرينك بوايشلرك هرايكيسنى ده عقيم بر اقا سنه سبب اولاجنى
قناعتنى ويرمك مشكلدر، [۲]. بواصول، شاين تمنى اولدينى
درجه ده قيصه فاصله لرله، مختلف موضوعلره تطبيق ايديله مشدر.

[۱] ايلبرت: Leg. Methods and Forms، ۴ نجى و ۷ نجى بابلر.

قانون یا مقدمه کی مشکلاتک دیگر غریب بر نتیجه سی ده موقت قانونلر وعده دن وعده به تمديد ايدیلن ، بعضاً سنه لرجه بویله اوزانوب کیدن بر چوق موقت قانونلرک موجودیتی صورتنده تجلی ایدیور . بوقانونلردن بعضیلری موقت بر استیخاله ماهیتنی حائزدرلر . مستعجل بر مسئله یی حل ایتک یاخود سریع الزوال بروضعیتی تنظیم ایله مک ایچون یاپلشلردر . بوقانونلر ، کندیلرینی ایجاب ایتدیرن احوال و شرائط ایله برلکده اورتهدن قالقارلر . فقط انکلترونک موقت قانونلری چوق کره دائمی خصوصاته تعلق ایدرلر . بر تجربه قانونتی ، بدایتده ، آنجق محدود بردوره ایچون قبول ایتک پک طبعیدر . فقط بودوره بیتدیکی و تجربه موفقیت ایله نتیجه لندیکی زمان نهدن قانونه دائمی بر شکل ویرمه ملی ؟ حالبوکه انکلترونده هر سنه « مدتلی ختام بولان قانونلرک تمیدی » قانونی قبول اولونور . بو ، بر جدوله خلاصه ایدیلن و ایچلرنده چوغی اسکی اولان بر طاقم قانونلر لیسته سنه اون ایکی آیلق یکی بر حیات بخش ایدر . بونلرک آراسنده برایکی دانه سی واردر که یتش یاشنه کیرمشلردر . لیسته ایچنده حالا ۱۸۷۲ انتخابات قانونی ایله انتخابات اصوله دائر ۱۹ نجی عصرک صوک نصفنک قانونلردن چوغی ده موجوددر . بوموقت قانونلرک الی نهایه دواملرینک حکمتی هیچ شبهه یوق که بو شکل آلتنده کندیلرینی بلا مخالفت تمديد قابل اولماسندن عبارتدر . حالبوکه اونلری دائمی قانون حالنده قبول ایتدیرمک تشبثی بر چوق

تعدیل تکلیف‌لری مناسب‌تیله بویوک مذاکرات تولید ایدیه بیلیر
وهیئت وکیله نك هیچ برزمان کافی کله یین زماننك بویوک برقسمنی
اشغال ایدر .

تشریع قوتنك
بالکاله تودی

پارلمنتونك قانون قبول ایتك خصوصنده کی قابلیتك محدود
اولماسی پك بارز بر محذور کی منظور اولمایورسه بونك سببی
مستعجلاً بویوک اصلاحات اجرایی لزومنك آزماسیدر .
اون سکنجی عصرک سیاسی و صناعی احوال و شرائطن صوکره
برانتقال و استحاله دوره سی کچمشد . او احوالک قانونلرده
اجراسنه لزوم کوستردیکی اصلاحاتك قسم اعظمی ساحه فعله
چیقارلمشدر . مع مافیه حکومته عائد ساحه بوقدر عظیم صورته
توسع ایتدیکی ایچون، تشریع قدرتنك بالوکاله اظهار و اجرایی
دائی بر صورتده انکشاف ایتمه مش اولسه ایدی پارلمنتوی کندی
کیدیشنده سربست براقه جقلری شهه لی ایدی . چوق کره ،
پارلمنتویه عائد قدرتلك ایکنجی درجه ده بر طاقم تمثیلی مجلسلره
تودیع و حواله سی لزومندن بحث ایدیلیور . فقط عمومی تمایل
بواستقامنده دکلدر . یکی قانونلرله قانونی مجلسلرینه تودیع
ایدیلن بوقیل تشریعی قدرت و صلاحیتلر پك کوچو کدر ،
آزدر . اونك ایچون بوراده تدقیق ایدیلرینه محل یوقدر .
اصل تودیع و حواله کیفیتی حکومت مرکزیه نك دواثراداره سی
لهنده وقوعه کلشدر . بو آنغلو ساقسون غنه لرندن پك کوزه

چارپان بر انحراف وجوده کتیر مکده ، اوروپا مملکتلرینک اصوللرینه بر تقرب تضمن ایتمکده در [۱].

وقتیه انکلز قانونلری بر چوق تفرقاتی احتوا ایدرلردی . نظامنامه لر چونکه تحدث ایدم بیله جک بوتون مسئله لر اولدن حل ایدیلک ایسته نیردی . قانونلرک تفسیری یاخود خصوصی بر وقعه یه قابلیت تطبیقه لری آنجق محکمه لر طرفندن تعیین اولونا بیلیردی . بر قانونک قصورلرینی آنجق باشقه بر قانون تصحیح ایدم بیلیر ، نقصانلرینی آنجق باشقه بر قانون دولدورابیلیردی . قانون ، اراده تشریعه نیک تام بر افاده سنی محتوی بولونوردی . فقط ، اخیراً پارلمنتو ، قانونه آنجق عمومی احکامی قویمایی ، تفرقاتی اکمال وقانونی خصوصی احواله تطبیق ایتک ایچون نظامنامه لر یامق قدرتی نظارتلردن برینه ویرمه یی اعتیاد ایدیندی . statutory orders نامی آلتنده معروف اولان بو نظامنامه لر غایت مختلف موضوعلره تعلق ایدرلر . یالکیز مأمورلرک وظیفه و صلاحیتلرندن ، کرک محلی کرک عمومی و ملی امور رسمیه نیک رؤیت و تمشیتدن دکل فردلرک ، کندی منفعتلرینه عائد خصوصاتده تعقیب ایدم جکلری حرکتدن ده باحث بولونورلر . مثلاً قانال واپورلری اوزرنده قاچ کشینک یاشامه سنه مساعدده ایدیلدیکنی ، فابریقه لرده قاچ قدم مکعبی هوایه احتیاج بولوندیغنی ، سوتخانه لرده

[۱] ابایرته بافکیز : Leg. Methods and Forms ۳ نجی باب ،

نه کي نظامت تدبير لړينه لزوم اولديغني ، خالص تره ياغڼک يوزده قاچ نسبتنده صوبي احتوا ايده بيله جگني تعيين ايدرلر . ايشته بو قيل بر صلاحيت و قدرت اوزرينه درکه ۱۹۰۰ تاريخي بر نظامنامه بوتون مملکتده کوپکلره آغيزلق طاقلماسني تحت مجبوريته المشدرد .

پارلمنتو ، نظارتلرک کنديلرينه بو صورته توديع و حواله ايديلن بر صلاحيت و قدرت دولاييسيله يادقلري نظامنامه لر اوزرنده بر قونترول ، هيچ دکلسه بر نظارت حق محافظه ايتمه عموميتله چاليشير . بعضاً ، نظامنامه آنجق موقت بر قدرت و صلاحيت موجبنه تنظيم اولونور و آنجق بر قانون طرفدن تصديق ايديله کدن صوکره موقع مرعيته کيرر . صو وهوا غازي توزيعاتي ، ترامواي انشاسي وساثره کي امور نافعويه طائد تشبثاتي اجرا ايچون محلي حکومتلره ياخود خصوصي شرکتلره ويريلن مساعده لرده صورت عموميه ده احوال بومرکزده ايسه ده [۱] دائماً عيني شکله جريان ايتمز [۲] . بو قيل موقت نظامنامه لر

موقت
نظامنامه لر
اوزرنده
پارلمنتونک
قونترولي

[۱] مثلاً ، حقوقاً تراموايدن فرقلي اولان ، فقط فعلياته تفريق غيرقابل بولونان دار خطلي شمدوفر انشاسنه مساعده ايتک ايچون پارلمنتونک قبول و تصديقه لزوم يوقدر : 59-60 Vic., 48, § 4. [۲] برقاوتونک ياخود بارونک حدودلرينک تعديلي پارلمنتو طرفدن بو صورته قبول و تصديق ايديلک لازمدر . فقط بر شهر ياخود کوي داثره سنک ويا بر پاريشک حدودلريني دکيشديرن نظامنامه هر ايکي قامارانک يالکزن موقع رياسته تقديم ايديلک ايجاب ايلر . (اوچنجي قسم) 51-52 Vic., c, 41

هیچ بروجله تشریع قدرتنك بر تودیع و حواله‌سی کیفیتنی متضمن دكلدرلر . چونكه قوتلرینی نظارتك بر حرکتشدن دكل اونلری تأیید ایدن بر قانوندن آیلرلر . اوندن دولایی پارلمنتو قوانین و اوراقی میاننده اخذ موقع ایدرلر ؛ اوسنه‌نك نظامنامه‌لری میاننده اراءه ایدیلزلر . مع‌مافیة ، حقیقتده ، دائماً بلا تعدیل قبول و تصدیق اولونمقده‌درلر .

نظامنامه‌لر
اوزرنده
پارلمنتونك
قونترولی

تشریعی قدرتنك حقیقةً بر تودیع و حواله‌سی تضمن ایدن اصل نظامنامه‌لر اوزرنده پارلمنتونك قونترولی ، بو نظامنامه‌لرك هر ایکی قامارابه‌ده تودیعی مجبوری قیلمق اصولی سایه‌سنده اجرا ایدیلكدده‌در . قبل الوقوع برطاقم تنقیدات سرد ایديله- بیلمه‌سنه امکان بر اقلق ایچون نظامنامه یاخود برفن لایحه‌سی بعضاً ، موقع مرعیه کیرمه‌دن اول بر مدت مقام ریاسته تقدیم ایدیلش اریلق لازمدر [۱] . بوندن باشقه ، چوق کره ، پارلمنتونك قونترولی تأمین مقصدیله وضع اولونان احکامه نظراً ، قرق کون ظرفنده قامارالردن بری مقام حکمداری‌یه بر لایحه

[۱] موقع مرعیه قونولمالری ایچون پارلمنتویه تودیعی ایديله‌لری مجبوری اولمایان نظامنامه لایحه‌لری ، قانون موجبجه (1, § 46, c. 57-56) صورت قطعی‌ده قامه آلمانان و موقع مرعیه قونولمادن اول ، قرق کون ، تعلق ایستدکاری عمومی هیئتلك تنقیداتنه معروض بولوندریلق لازمدر . فقط بو مجبورییت حکومت محلیه نظارتی ، تجارت نظارتی و سائر بر ایکی نظارت طرفندن یاپیلان تعلیماتنامه‌لره شامل دكلدر . (۱) § (۱۴) .

یاخود نظامنامه علیهنده معروضاتده بولونورسه او نظامنامه
موقع مرعیه قونولماز، موقع مرعیه کیرمش اولسه بیله اوآندن
اعتباراً ملغا عد اولونور [۱] . بوقیل احکامه استناداً مقام
حکمداری به تقدیم ایدیلک اوزره مجلسه تکلیف ایدیلن
معروضات عوام قاماراسنده ایشلرک رؤیته فیصل ویریله سی
قاعدہ سنه تابع دکلدر . بناءً علیه ، هر مبعوث ، هر آقشام ،
جلسه نك صوکلرینه دوغرو بویله بر تکلیفده بولونابیلیر .
قرعه به تابع اولماز و حکومتك ، کندیسنه آیریلش زماندن بر
قسمنی بوایش ایچون تخصیصه موافقت کوسترمه سنی طلب مجبوریتنده
قالماز [۲] . حقیقتده بوقیل تقریرلر پك آز کورولور . قامارا
طرفندن نادراً قبول اولونور . حتی همان هیچ قبول ایدیلز بیله
دنیه بیلیر . بوکارغما ، نظارتلرک نظامنامه لری صیق صیق
تعديل ایتمه لری بونلری حاضر لایان مأمورلرک افکار عمومی
تظاهراته پك حساس بولوندقلرینی کوستیریر .

۱۸۹۳ تاریخندن بری هر سنه نك نظامنامه لری ، پارلمنتونك
قانونلری کی منتظماً نشر ایدیلکده در [۳] . بونلرک دائماً
بر وجوق کره ایکی جلد اشغال ایتدکلری و جلدلرک هر بری
شیمدیکی اوقیصه عمومی قانونلرک جلدندن پك قوجامان اولدیغی

[۱] ایلبرته بائیکز: Leg. Methods and Forms, ۴۱، ۳۱۰-۳۱۴

[۲] ایلبرت: Manual, § ۲۶

[۳] 56-57 Vic., c. 60, § 3.

دوشونولورسه مقدارلری حقنده بر فکر ایدنیله بیلیر [۱] .
 نظامنامه لر حقنده قامارانك بالقوه حائز اولدینی قونتروله رغماً
 بو نظامنامه لری یاقمق حقنی نظارتلره تودیع و حواله یولنده
 کیتدجه قوت بولان عادت ، پارلمتونك صلاحیتی حکومتك
 اجرائی عنصرینه اساس اعتباریله انتقال ایتدیرمك معناسنی
 تضمن ایتکده در . بونكده سببی تشریع وظیفه سنك کیتدجه
 کسب مشکلات ایتسیدر .

قاینه ایله عوام قاماراسی آراسنده موجود اولان مناسبات ،
 دیمك كه ، برندن آری ویکنظرده ضد برسلسله نتایج تولید
 ایتسدر . مهم قانونلرك همان کافه سنك تکلیفی حقنی ناظرلرك
 الیه ویرن بوسیستم ، ناظرلرك قامارایه قبول ایتدیره بیله جکلیری
 قانونلرك مقدارینی و وسعتی تحدید ایتسدر . بوکا مقابل
 ناظرلره ایکنجی درجه ده رقدرت تشریعیه ویرمشدرکه بو ،
 انکلین عنعناتی ایچون تماماً یابانجی برشیدر . بو ، عمومی
 علاقه دار ایدن مسائله پك دوعرو بر سوزدر . فقط محلی
 وخصوصی منافعه عائد قانوندرده قاینه نك پارلمتو ایله مناسباتی
 وبومناسباتك نتایجی تماماً باشقه دورلودر .

[۱] مع مافیه ، عمومی قانونلر جلدنده محلی وخصوصی منافعه
 متعلق قانونلرك متنی دکل یالکیز فصللرینك لیسته سی مندرجدر .
 حالبوکه بو قانونلرك ایچنده چوغی حقوقاً عمومی علاقه دار ایده جك
 قانونلردر . دیگر طرفدن ، هرسته نشر اولونان نظامنامه لر ایچنده
 مویت برماهیتی حائز اولانلرك کافه سی موجود دکلدیر .

يكر منجى باب

خصوصى قانون لايحه لرى

عمومى علاقه دار ايدن مساعى تشرىعه نك سوق واداره سى
همان همان تماماً ناظر لرك الئده بولونيورسده شخسى ياخود محلى
خصوصى قانونلرك
طبيعت وماهيتى
منافعه تعلق ايدن خصوصى قانونلر اونلرك دائره نفوذ و صلاحيتلرندن
تماماً خارج قالبرلر .

پارلمانتونك خصوصى قانونلرى Private Acts ، صوك
درجه ده اسكى زمانلردن قالمه درلر . فقط آنجى اون سكرنجى
عصر ك ايكى نى نصفندە مروريه ويريلن يوللرك انشاسى ، ناحيه لره
ماند عمومجه مشترك اراضينك اطرافلر ينه چيت چه ويريله سى مناسبيله
عددلرى بك آرتمش كى كورونمكدە در [۱] . قاناللر ومؤخرأ
شمندوفرلر انشاسنه مساعده ويرمك چاره سنى ده بوقانونلر تامين
ايدرلردى . حتى ۱۸۴۴ و ۱۸۴۵ سنه لرنده بك چوق شمندوفر
امتيازى طلب اولونماسيدر كه عوام قاماراسنى شيميديكى خصوصى
قانون لايحه لرى اصولى قبوله سوق ايتشدر .

[۱] مسئله نك تاريخى ايجون باقكز: History of Privat: Clifford

Bill Legislation.

شمندوفر پروژہ لرندن باشقہ ، دہایاقین بردورده خصوصی قانون لایحہ لری بالخاصہ ضابطہ محایہ یہ ، حفظ صحیہ عائد امورک قاعدہ آلتہ آلتاسی یاخود صو ، هواغازی ، الکتریک تراموای کبی خدمات عمومیہ دن معدود ایشلر امتیازاتنک خصوصی شرکتلرہ یاخود بلدیہ لره ویریلہ سی ایچون قوللا تیشلردرہ . چونکہ خصوصی قانون لایحہ لری اصولی یالکز اشخاص ویا خصوصی شرکتلری علاقہ دار ایدن قانون لایحہ لری نہ تطبیق ایدیلہ یور ، معین بر محلدہ حکومت محلیہ اقسامنک حقوقی ووظائفی تعیین ایدن لایحہ لردہ بواصولک دائرہ شمولی داخلندہ قالبور [۱] . مع مافیہ ، عمومی وخصوصی قانون لایحہ لری آراسندہ چیزیلن حد فاصل تماماً منطقی دکلدرہ . مثلاً ، لوندرده نفوسک

[۱] عمومی وخصوصی قانون لایحہ لری (bill) ایله عمومی وخصوصی قانونلر (private Acts) آراسندہ کی فرق بربرینک عینی دکلدرہ . قانون لایحہ لری آراسندہ کی فرق پارلمنتودہ کی اصول مذاکرہ نک مایہ تہ تابعدرہ . قانونلر ایسہ ، بالعکس ، اوچ صنفہ آیریلیر : (۱) عمومی علاقہ دار ایدن عمومی قانونلر (Public General Acts) (۲) محلی قانونلر کہ عمومی قانونلرک عینی نتایج حقوقیہ مالکدرلر ، فقط یالکز معین برمحله قابل تطبیقدرلر ویا حکومتک دواثرندن برینہ یاخود برشرکتہ تعلق ایدہ بیلیرلر ؛ (۳) خصوصی قانونلر - کہ شیمدی مقدارلری پک آزدر - . بونلرک وصف ممیزی شخصی اولمالریدر . بالخاصہ ایلری یہ سورولمز لرسہ محکمہ لر بونلری تطبیق ایتزلر . متندہ کافی درجہ ده وضوح ایله کورولہ جک بعض استثنالردن صرف نظر ایدیلیرسہ ، ۲ تجی و ۳ نجی صنفہ داخل اولان قانونلر خصوصی قانون لایحہ لری اصولنہ توفیقاً مذاکرہ ایدیلیرلر حالبوکہ برنجی صنفہ کیلر بر اصولہ تابع دکلدرلر .

يك زياده چو غلاماسنه تعلق ايدن و عمومي علاقه دار ايله ين قانونلر
عمومي قانون صفتيله قبول اولونمشلردر . باشقه محملر ايچون بر
درجه يه قدر بويه حركت ايديلمشدر . فقط عيني يرلر كدها آز
مهم ايشلريني تنظيم ايدن قانونلر خصوصي قوانين كبي تلقى
اولونمشلردر . حقيقتده ، عيني مسئله مختلف زمانلرده عمومي ويا
خصوصي بر قانونه موضوع تشكيل ايله مشدر . چونكه تعقيب
ايديله جك اصول ، مسئله نك توليد ايتديكي علاقه عموميه نك
درجه سي كبي مشكوك بر معياره نظراً تعيين اولونمقده در [۱] .
ايشته بو استئنارله دنيله بيلير كه بر شخصك ، بر شر كتك يا خود بر
محلك منفعتي ايچون تقديم ايديلن هر لايحه قانونيه ، اصول
مذاكره نقطه نظرندن بر لايحه خصوصيه در .

[۱] باقكر : مای ۶۳۴ - ۴۳ . ايلبرت : Leg. Methods and

Forms ۲۹ - ۳۲ . بوندن باشقه ، ابتدا خصوصي محملاره تعلق ايدن
پروژه لر ، مهم نتيجه لري مناسبتيه عمومي قانون لايحه لري كبي تلقى
ايديله بيلير . كذلك ، عمومي علاقه دار ايدن پروژه لر بر نقطه ده
خصوصي منافع تماس ايديله بيلير . بو ايكي نوع قانون لايحه لرينه بعضاً
ملز قانون لايحه لري Hybrid Bills ديرلر . بونلر ، عمومي قانون لايحه سي
صفتيله مجلسه توديع اولونور . صوكره بر خصوصي قانون لايحه لري
انجمنه كوندريلير . معافيه بوانجمن معتاددن ده غلبه لدر . اعضا لري
قسماً قامارا قسماً ده انتخاب انجمنى طرفندن تعيين ايديلير . لوندريه
قانونيسي مجلسنه استقراض عقدينه مساعده ويرمك ايچون قبول اولونان
اصول بودر (S. O. P. B. 194) .

خصوصی قانون لایحہ لری حقنہ کی نظامنامہ داخلی فقراتی
 عمومی قانون لایحہ لرینہ تعلق ایدنلرہ نسبتہ۔ دهاچوق قاریشیق
 و واسعدرلر . بونلرک مطبوع متنی بش دفعہ دها فضله صحیفہ
 طوتار. عرف و عادتک ، اولیاتک بوبادہ ایفا ایتدیکی مهم روله
 رغماً بو مطبوع نظامنامہ بر خصوصی قانون لایحہ لری اصول
 مذا کرہ سی قانوننامہ سنہ پک یا قلاشیر [۱] .

خصوصی بر قانون لایحہ سی تقدیم ایدیلہ دن اول بوکا دائر عرضحال و اعلان
 بر عرضحال و یریلک لازمدر . بوتون علاقہ دارلرک ، اعتراض لرینی
 حاضر لامغہ وقت بولمالری ایچون ده تشرین اول یاخود تشرین
 ثانی آیلرنده بو عرضحالہ دائر رسمی غزته ده ، ایشک تعلق
 ایتدکلری محللرک غزته لرنده بر اعلان نشر ایدیلکہ لزوم وارددر .
 حتی بعض احوالہ بو اعلان عمومی محللرہ یاپیشدیریلیر . قانون

[۱] پارلمنتو وثیہ لرنده ایکی نوع نظامنامہ داخلی فقرات و احکامی
 standing orders آراسنده کی فرق ، مسائل عمومیہ تعلق ایدنلرک
 نومرولرینک قالین حرفلرہ طبع ایدیلہ سی صورتیہ بللی ایدیلیر . اثرمنک
 نوظلرنده بز خصوصی قانونلرہ عائد فقراتی S. O. P. B. حرفلرہ اشارت
 ایدہ جکر . مراجعتی توصیه ایتدیکہ نظامنامہ داخلی فقراتی، ۱۹۰۲ ده
 انجمن مخصوصک توصیه سی اوزرینہ یاپیلان برچوق تعدیلات اوزرینہ
 ۱۹۰۳ ده تقرر ایتیش اولانلردر . بز بورادہ یالکز عوام قاماراسنک
 اصول مذا کرہ سندن بحث ایدیورز . چونکہ لوردلر قاماراسنک اصولی
 اساسی نقطہ لرک همان کافہ سنده اوکا اوقدر بکزر کہ اک مهم فرق لری
 متندہ یاخود نوظلرہ اشارت ایلہ یکیشدیر . کافیدر . بوفرلر حقنہ
 مفصل بر مخطره خصوصی ایشلر انجمنک راپورندہ موجوددر . (Com.)
 (Pap. , 1902 , VII , 321 , app. 15)

اول آئنده ، پروژہ نك دوغرودن دوغرويه تعلق ايتديكى اراضينك صاحبلربنه شخصى براخبارنامه توديع ايديك اقتضا ايلر . عرضحالك غايه سى برترامواى انشاسندن عبارت ايسه حكومت محليه بك موافقتنى آلمق ده لازمدر [۱] . تكليف ايديلن انشا آلك پلانى ، نظر تدقيق و تفتيشدن كچيريلك اوزره هم وه ستمينستره هم محلى برماموره توديع اولونور [۲] . عرضحال ولايحه قانونيه نهايت ۱۷ كانون اوله قدر قامارانك خصوصى قانون لايحه لرى قلمنه قيد ايتديريك و بر نسيخه سى خزينه ماليه يه ، حكومت محليه نظارتنه ، پوسته نظارتنه و موضوع بحث ايشك تعلق ايتديكى سائر بوتون دواژه تبليغ اولونمق مجبوريدر [۳] عرضحاله ، تشبثك ايجاب ايدجكي مصارفه دائر تخمينى بر كشف درج ايديلير . انشا آته باشلاندقن صوكره ايش يارى يرده براقيلاجق اولورسه بويوزدن ضرر كوره بيله جك كيمسه لر لهنده برتأمينات اولمق اوزره كشفنامه ده كى مبالغه يوزده دردى ياخود بشى درجه سنده بر مبلغ تسويه سى ده مقتضيدر [۴] .

[۱] اعلان حقنده كى قاعده نر ۳-۲۲ نجى S. O. P. B. احكامنى

تشكيل ايدر. مابه باقكز : ۶۸۰-۸۱ .

[۲] S. O. P. B. ۲۳-۳۱ .

[۳] كذا ، ۳۲-۳۴ .

[۴] كذا ، ۳۵-۳۷ ، ۵۶-۵۹ . Wharncliffe Order دنيلن

قاعده موجبنجه برخصوصى قانون لايحه سى عرضحاله مساعده ايتك ياخود بو عرضحالى تصديق ايله مك ايجون بوتون شركتلك اعضالردن

مراكب خصوصى بر مجلس عقد اولونمق لازمدر. كذا ، ۶۲-۶۸ .

عرضحاللرك
تدقيقى

صوكره بوقواعد اوليه به رعايت ايديلوب ايديله مش اولديغنى
تدقيق صيراسى كلير. بونى قامارانك ايلقلى مأمورلى يابارلر .
كنديلرينه خصوصى قانون لايحه لرى عرضحاللرينك مميزلى
نامى ويريلير [۱] . ۱۸۵۵ تاريخندن برى ايكي قامارا عيى
وظيفه به عيى آدملى تعيين ايتمشلردر . او صورتده كه بوكا
آرتق يالكز بر كره لزوم حس اولونور [۲] . مستدعى ،
عرضحالى تدقيق ايدن مميزه نظامنامه داخل فقراتك احكامنه
رعايت ايتمش اولديغنى اثباته مجبوردر . علاقه دار هر شخص ،
بالذات مراجعت ايتك نيتنده بولونديغنى مشعر بر مخطره تقديم
ايتمش اولق شرطيله ، بونقطه به دائر اعتراضاتى درميان ايتك
حقنه مالكدر . مميز ، نظامنامه داخل فقراتى احكامنه رعايت
ايديش اولديغنى تصديق ايدر ياخود هانكى خصوصانده بوكا
رعايت ايديله ديكنى بيلديرير [۳] .

اصول
مذاكره نك
تشرى و حقوق
صفحه لرى

خصوصى قانون لايحه لرينك اصول مذاكره سى هم تشرى
هم حقوق بر صفحه عرض ايدر . غايه بر قانون قبول ايتمكدن
عبارت اولدينى ايجون ، بر خصوصى قانون لايحه سى على العاده
بر قانونك كچيرديكى بوتون مرحله لردن كچر . يورومه سنك
مختلف مرحله لرى قامارانك ضبطنامه لرينه قيد ايديلير . فقط

[۱] S. O. P. B. ، كذا ، ۷۸-۶۹ .

[۲] ماى ، ۶۸۵ . باقكز : Clifford ، ۷۸۸-۷۹۵ .

[۳] S. O. P. B. ، ۷۸-۶۹ ، ۲۳۰-۲۳۲ ، ماى ، ۶۸۳-۶۹۱ .

مذاکره، لایحه‌نک صاحب‌ری ایلہ علیہ‌دارلری آراسنده بردعوا
کبی‌ده تالق اولوندینی ایچون حقوقی ماهیتده برطاقم مراسمہ
دها تابعدر . بوندن دولاییدرکه خصوصی قانون لایحه‌لری
قلمنده مفصل ضبطنامہ‌لر حفظ اولونور . هرکس کلوب بو
ضبطنامہ‌لره وقوف پیدا ایدہ‌بیلیر . تعریف ایتدیکمز ابتدائی
مراسم ومعاملاتک باشلیجه غایه‌سی مسئله‌ینی حقوقی نقطه نظر دن
قابل تدقیق برحاله قویمقدن ومعارضلره مدافعہ‌لرینی حاضر لاق
امکانی ویرمکدن عبارتدر . بونلر ، برمحکمہ قلمنه مطالعات
تودیی قیلندندر . علی‌العاده بردعواده برآوونہ‌نک solicitor
in a law suit ایفا ایتدیکی وظیفه‌ینی کورن برپارلمتو ماموری
بوایشلری یاپار [۱] .

لایحه قانونیه‌نک
تقدیمی

بومراسم ابتدائیہ ایفا ایدیلدکن صوکره، قانون لایحه‌سی
آرتق تقدیمه مهیا بر حاله کلیر . ایلک قرارلاشدیر یلاق شی
هانکی قامارادن ایشه باشلانہ جغنی تعیین ایتمکدر . ایکی قامارانک
انجمنلرینک رئیس‌لری آراسنده بوکا قرارویریلیر . دهادوغروسی،

[۱] قاماراده تشریعی اصول S. O, P. B. (۱۹۳ - ۲۲۶)

فقراتنک دردنجی قسمی ایلہ تعیین ایدیلشددر . خصوصی قانون لایحه‌لری
قلمنک اداره‌سی بشنجی قسمک موضوعنی تشکیل ایلر . (۲۳۷-۲۴۹) .
اوچنجی قسم (۶۹-۱۶۲) خصوصی قانون لایحه‌لری انجمنلری خصوص
صنده کی حقوق اصول مذاکره‌ینی ، قامارا مأورلرینک بوراده ایفا
ایتدکاری تدقیقاتی اراثة ایدر ولایحه قانونیه‌لره نه کی احکامک درجی
نه کیلرینک عدم درجی اقتضا ایتدیکنی کوستریر .

فعلیاتده بواشی اونلرک حقوق مشاورلری کسدير لرلر. بوذاتلر عوام قاماراسی رئیس ایله انجمنلر رئیس لوردک حقوق مشا- وریدرلر [۱]. بوتون بو معاملات پارلمنتونک معناد اولان اجتماعی تاریخندن مقدم اکال اولونور. او صورتده که پارلمنتو طوبلاندیغی زمان، قانون لایحه لری در حال تقدیم ایدیلر بیلیرلر [۲]. اکر میز نظامنامه داخلی فقراتنک احکامنه رعایت ایدیلش اولدیغنه دأثر بر مضبطه تنظیم ایدرسه لایحه قانونیه قامارانک مقام ریاستنه تودیع ایدیلک صورتیه مجلسه عرض اولونور. میزک مضبطه سی علییده اولورسه بومضبطه، دوره اجتماعیه نك بدایتنده قامارا طرفندن انتخاب ایدیلش اون ایکی اعضادن مرکب اولان نظامنامه داخلی انجمنته حواله ایدیلر [۳].

[۱] خصوصی ایشر انجمن مخصوصنک مضبطه سی. Com. Pap. 1888, XV, 1 Q. 340؛ عینی انجمنک مضبطه سی کذا، 1902. VII, 321, Q. 1, 193, 1955-57. وقتیه، ابتدا عوام قاماراسنه ویریلن لایحه لریک مقداری لوردلر ویریلن لایحه لره نسبتله پک چوقدی. فقط بوگون آراده همان هان پک آز فرق قالمشدر. کذا، 8 app. Q. 337, [۲] ۱۹۰۳ تاریخنه کلنجه به قدر قانون لایحه لرنک ایکی قامارا آراسنده تقسیمی پارلمنتونک اجتماعندن صوکره یاپیلردی. کذا، 197, 166-69, Q. فقط، ۱۹۰۲ انجمنی بونک دیکشدر بله سنی توصیه ایتدی و بوتوصیه قبول اولوندی. (کذا، S. O. P. B. Sect. 18, Report) [۳] S. O. P, B. ۹۱-۹۷. لوردلر قاماراسنده عینی صلاحیتی حائز بر انجمن واردر. درت لورددن مرکبدر، برده انجمنلر رئیس احتوا ایدر. بوریش سائر ایکی اعضا ایله برلکده نصاب اکثریتی وجوده کتیریر. مای، ۷۹۹

انجمن، وقوعه کلن نسیان وعدم رعایتک ایجاب حاله کوره معذور کورولوب کورولمیه چکنه دائر بر قرار ویرر. انجمنک ویردیکی مضطه بی مجلس هان دأما قبول ایدر. نسیان معذور طوتولورسه لایحه قانونیه دیوان ریاسته تقدیم صورتیه مجلسه عرض ایدیلیر. هر لایحه قانونیه بو تودیع کیفیتی ایله برنجی قرائنده قبول ایدیلش کی تلقی اولونور [۱].

ایکنجی قرائندن عبارت اولان ایکنجی مرحله اثناسنده لایحه نك عمومی اساسی حقنده بر مذاکره وقوعه کله بیلیر. بر لایحه قانونیه نك، یا آسایش ملاحظه سیله یا منافعی اخلاص ایتدیکی معارضلینک اکثریت مبعوثانی کندی لهلرینه امالهیه موفقیتلری نتیجه سنده بو صفحه ده رد ایدیله سی قابلدر. لایحه یه درجی مناسب اولاجق احکامی مشعر اوله رق انجمنه خطاباً بر طاقم تعلیمات قبول ایدیله سی ده کذلک بو صفحه ده وقوعه کله بیلیر.

ایکنجی قرائت

لایحه قانونیه لر احکامنک درین بر تدقیق تضمن ایدن لایحه قانونیه انجمنی مرحله سی بر خصوصی لایحه لر انجمنه تودیع ایدیلشدر. حقوقی صفحه اشته بوراسیدر. یعنی، بوانکلین اصولنک صفت کاشفه سنی تشکیل ایدن منافع متضاده منازعه سی حقنده اعطای قرار کیفیتی بو صفحه ده وقوعه کلیر. اون

خصوصی لایحه
قانونیه لر
انجمنلری

[۱] S. O. P. B. ۱۹۷۰. بوده ۱۹۰۲ ده کی انجمن مخصوصک

توصیه سی اوزرینه قبول ایدیلش اصلاحاتدن بریدر. ارلجه برنجی قرائت حقنده، یا لکن شکلا رأی ویریلیدی.

دوقوزنجی عصرک اورته لرینه کلنجیه قدر ، خصوصی قانون لایحه لری انجمنلری سائر ایشلره دائر انجمن مخصوصلر کی تشکیل ایدیلرلردی . باشلیجه ، هرايشك موافق و مخالفلردن ترکب ایدرلردی . فقط ، ۱۸۳۷ ده لوردلر، کندی خصوصی قانون لایحه لری انجمنلرینی تماماً بیطرف قلیل المقدار اعضالردن ترکیب ایتکه باشلادیلر . بواصول ۱۸۴۴ ده شمندوفر پروژه لری و ۱۸۵۵ دهده سائر بوتون خصوصی قانون لایحه لری حقنده عوام قاماراسی طرفندن ده قبول اولوندی [۱] . الیوم انجمنلر سیستمی هرايکی قامارادهده همان همان بربرینک عیندر [۲] . عوام قاماراسنده بو سیستم شو صورتله ایشله یور : مخالفته معروض قالان بوتون خصوصی قانون لایحه لری ، شمندوفرلره ، قانالار ، طلاق مسئله لرینه ، ضابطه یه یاخود حفظ الصحه یه تعلق ایدنلر مستثنا اولق اوزره ، نضامنمه موجبنجه ، انتخاب انجمننه حواله اولونور . بوانجمن اونلری کومه کومه آیریر

[۱] کلیفورد ، برنجی جلد ، ۷۰-۷۱ ، ۲ نجی جلد ، ۸۲۱-

۸۴۳ ، خصوصی قانون لایحه لری حقنده کی انجمنک مضبطه سی .

Com. Pap., XV, 1888 1, 19

[۲] لوردلر قاماراسنده ، اعتراضه اوغرایان خصوصی قانون

لایحه لری انجمنی بش اعضادن ترکب ایدرلر . رئیسک رأیی غالب دکدر . عوام قاماراسنده رئیس علی العاده اعطای رأی حقنه مالک

اولدینی کی رأیی ده ، مساوات تقدیرنده غالب کلیر . S. O. P. B.

۱۲۴ . لوردلر قاماراسنده شمندوفرلر ویا قانالار ایچون خصوصی

قانون لایحه لری انجمنی موجود دکدر .

وهر کومه یی آری بر انجمنه کوندریر . بو انجمن پروژه ایله شخصی یا خودمخلی هیچ بر علاقه سی بولونمایان مبعوثلر آراسندن صورت مخصوصه ده انتخاب ایدیلش اوج اعضا ایله بر رئیسدن ترکیب ایدر [۱] .

شمندوفرلره تعلق ایدن خصوصی قانون لایحه لرنده دها بویوک براطراد تأمین ایتک غایه سیله ۱۸۵۴ ده، شمندوفرلر و قاناللر حقنده کی خصوصی قانون لایحه لرینی تدقیق ایتک اوزره عمومی بر انجمن تشکیل اولوندی [۲] . بو هر سینه انتخاب انجمنی طرفندن تعیین ایدیلیر . بوقبیل بوتون پروژهلر بوانجمنه کوندریلیر . فقط انجمن بو قانون لایحه لرینه عائد مساعی یی بالذات اجرا ایتز . اونلری کومه لره تفریق ایله اکتفا ایلر . صوکره ، بر ریاست نامزدلری لیسته سی وظیفه سنی کورور . یعنی، قانون لایحه لرینی آری آری انجمنلره کونده ویر وهر برینک رئیسینی کندی آراسندن سیچر . دیگر اوج اعضایی ایسه انتخاب قومیته سی تعیین ایلر [۳] .

[۱] S. O. P. B ۹۸ ، ۱۰۳ ، ۱۰۵ ، ۱۰۶ ، ۱۰۸ ،

۱۱۰-۱۱۳ ، ۱۱۶ ، ۱۱۷ ، ۲۰۸ . بوصوک سنه لره کانه یه قدر اهل خبره دن اجرتلی بری موجود ایدی که انتشاری رأیه مالک اولوق اوزره انجمنه اشتراك ایده بیلیردی . فقط رأی ویره مزدی . مای، ۷۲۸ بونلرک مقداری ابتدا ایکی ابدی . مؤخرأ بره ایندیریلشدی .

[۲] قلیفورد ، برنجی جلد ، ۱۱۷ .

[۳] S. O. P. B. ۹۸-۱۰۱ ، ۱۱۵ ، ۲۰۸

حکومات محلیه طرفدن ضابطه‌یه و حفظ‌الصحه امورینه
دائر تودیع و تقدیم ایدیلن قانون لایحه‌لرینک کافه‌سی بینه تأمین
اطراد غایه‌سیله ۱۸۸۱ تاریخندن بری بوانجمنه کوندورلمکده در .
فقط بوقبیل لایحه‌لر بالذات انجمن طرفدن تدقیق ایدیله‌میه جک
درجه‌ده کثیر ایدیلر . انجمنک ایشلرینی تحفیف ایچون، ۱۸۹۲ ده
اعضالرینک عددینی اون بره چیقاردیلر و ایشلری ده‌ها سرعتله
رؤیت ایده بیلیمه‌سی مقصدیله ایکی به انقسام ایتمه‌سنه مساعدله ایتدیلر .
غریبدرکه بوانجمن بر قاج‌سنه‌الغا اولوندی . صوکره، خصوصی
قانونلرک بخش ایتدکلری پک استثنائی و عظیم قدرت و صلاحیتلر
علیمنده کی شدید شکایتلر اوزرینه ۱۹۰۳ ده دوره اجتماعیه
منحصر بر قاعده اولارق تکرار تأسیس ایدیلدی . « قوانین
عمومیه ایله تصادم ایدن ، قوانین عمومیه‌یه استثنا تشکیل ایله
ین ویا اولرک فوقه چیقان » بر طاقم اقتدار و صلاحیت ویره جک
بوتون ضابطه و حفظ‌الصحه لایحه‌لری بوانجمنه کوندریلدی [۱]
نظامنامه‌ده طلاق لایحه قانونیه‌لری حقنده‌ده بر انجمندن
بحث ایدیلکده در . فقط ، انکلترده واسقوچیاده تطلیق حق
تماماً محکمه‌لره انتقال ایتدیکی تاریخندن اعتباراً بوقبیل قانون
لایحه‌لری ندرت کسب ایتشلردر . حاصلی ، مختلف خصوصی
قانون لایحه‌لری انجمنلری بر آز فرقلی بر صورتده متشکلدرلر .

[۱] مای ، ۷۶۷ . ایلبرت Manual, § 92, p. 294 بوانجمنی

انتخاب انجمنی تعیین ایدر .

فقط کندیلرینه حواله ایدیلن لایحه لره تطبیق ایتدکاری اصول
مذاکره مطرددر .

لوقوس ستاندی بو انجمنلره کوندربان لایحه قانونیه لره مخالفته معروض
قالان لایحه لر اولدیغنی سویله مشدک . بو ، لایحه قانونیه یه قارشی
بر معارض بولوندیغنی معناسنی افاده ایدر . بو معارض قاماراده
دکدر ، قامارا خارجنده در ومنفعت اساسانه استناد ایده رک
لایحه قانونیه علمینده بولونمقده در . چونکه بوانجمنلرک
برنجی غایه لری مخالف طرفده کیلرک مدعیاتی ده حقوق نقطه
نظرندن دیکله مکدر . مخالفت اولمادیغنی زمان ، بوتون ایش ،
طلب ایدیلن امتیازک منفعت عمومیه یه موافق اولوب اولمادیغنی
تحریری انحصار ایدر . اوزمان ، لایحه قانونیه نک اعتراضدن
مصون اولدیغنی سویله نیر ولایحه ، ایلریده تعریف ایده جکمز
بوتون بوتون فرقلی بر اصول مذاکره یه تابع طوتولور .
کورولیورکه بر لایحه قانونیه یه کیمک ونه کی سبیلردن دولایی
مخالفت ایده بیله جکنی تعیین مسئله سی پک بویوک بر اهمیتی
حائزدر . بو حقه مالک اولان آدم ، لوقوس ستاندی
Locus Standi نامی ویریلن بر شیشه مالک دیمکدر . اک اول
تعیینی ایجاب ایدن شی ، بر معترضک بووصفی حائز اولوب اولمادیغنی
نقطه سیدر .

کیم بر لایحه قانونیه یه مخالفت ایتک ایسته یورسه نهایت
۱۲ شباطه قدر خصوصی قانون لایحه لری قلمنه اعتراضک

اسبانی مشعر بر عرض حال تودیع ایتمه مجبوردر [۱]. لایحه قانونیه طرفدارلری، اونك انجمن حضورینه چیقماق حق اولمادیغنی ادعا ایدرلرسه [۲] لوقوس ستاندی مسئلهسی طرق و وسائط انجمنی رئیس ایله عینی انجمنك رئیس وکیلدن و مجلس رئیسك انتخاب ایتدیکی لاقول یدی مبعوثدن مرکب بر حکم محکمهسی طرفندن حل اولونور. قامارا رئیسك حقوق مشاوری محکمهیه معاونتده بولونور، فقط محکمهده آنجق معاون صفیله اخذموقع ایدر [۳]. ایکی قامارانك اصول مذاکره سنده کی اک باشلی فرق بونقصده کنیدیسی کوستیریر. چونکه لوردلر قاماراسنده لوقوس ستاندی مسئلهسی، لایحه قانونیه بی تدقیق ایدن انجمن طرفندن حل اولونور. بواکی سیستمک مزیتلری حقنده افکار مختلفدر [۴]. هر ایکی قامارادهده مقرراته قسماً دائمی نظامنامهك احکام

[۱] S. O. P. B. ۱۲۷-۱۲۸. لایحه قانونیه لوردلر قاماراسندن

کلپورسه یا خود هر هانکی برسبدن دولانی تأخره اوغرامشه عرض حال برنجی قرائتی متعاقب اون کون ظرفنده تقدیم ایدیلک اقتضا ایلر .

[۲] مای ، ۷۳۳

[۳] S. O. P. B. ۸۷-۸۹ . ۱۹۰۲ تاریخنه کلنجهیه قدر ،

رئیسك حقوق مشاوری واجرتلی اهل خبره بو محکمهیه داخل ایلر واوراده مهم اعضالر موقعی جائز ایدیلر .

[۴] خصوصی قانون لایحه لرینك اصول مذاکره سی حقنده کی

انجمنك راپوری Com. Pap., 1888, XVI, 1 صحیفه ۴ ؛ خصوصی ایشلر

انجمنی حضورنده کی افادات Com. Pap., 1902, VII, 321

انکلتره نك حاکمیتی : ۱۹

صريحه سی حا کمدر [۱] ، قسماً ثابت قواعد حاله کچمش امثاله تبعیت اولونور .

برلوقوس ستاندی یه مالک اولایلیمک ایچون، قاعدۀ عمومیه اولارق دینیه بیلیر که مخالفتده بولونان کیمسه لایحه قانونیه نک کند ی املا کنه یا خود ایشلرینه ضرر ویره جکنی اثبات ایتلیدر . جماعتک منفعتدن آری بر منفعت شخصیه سی بولوندیغنی اثباته مجبوردر . بوندن باشقه ، عمومی بر پرنسیپ اولارق قبول ایدیلدیکنه کوره ، کندیلرینه دوعرودن دوعرویه دوقونان ضرر مخصوصک موجودیتنه استناد کیفیتی مستنا اولوق اوزره کرک افراد کرک شعبات اداره ، کندیلرینک تمثیل ایدیلش اولدقلری بر مؤسسۀ عمومیه نک یابدیغنی پروژهلره قارشی خصوصی قانون لایحه لری انجمنی حضورنده اعتراضاتده بولونامازلر . مثلاً ، بر بارو بر تراموای یایمق یا خود ایشلتمک ایسته دیکی زمان بر اومنیوس قومانیاسی مخالف صفیله سوز سویله یه بیله جک موقعده در . حالبوکه تشبث واقعک مالی نقطه نظر دن پک فلاکت انکیز اولاجنی ادعاسیله مکلفیندن برینک مخالفتیه قیام ایتمکه حق یوقدر [۲] .

[۱] ۱۲۹-۱۳۵ S. O. P. B. . بوامثال ، ریقارد وسوندرس ، سوندرس و اوستن طرفندن طبع ایدیلن حکملر محکمه سی مقرراتی مجموعه سنده بر آرایه طوبلانمشدر .

[۲] بارولرک امور مالیه سی حفته کی ۱۸۷۲ قانونی مکلفین مجلسنک موافقتی اولفسرین خصوصی بر قانون لایحه سی لهنده مذاکرات اجرایی ایچون ایجاب ایدن مصارفاته کیریشمکدن محلی حکومتلری منع ایدر .

لوقوس
ستاندینک
استناد کاهلری

برلوقوس ستاندى وجوده كٲيره بيله جك اولان هر نوع خصوصى منفعتلى بوراده تعداده قىام ايتك بالطبع موضوع بحث اولاماز [۱]. فقط صورت عموميه ده دنيله بيلير كه اراضيسى استعمالكه معروض قالان ، بر ترامواى ايجون تصور ايديلن كذرگاهده املاكى بولونان ويا بويله املاكى اشغال ايدن كيمسهر ، وضع ايدىلك ايسٲته نيلن حق مروره ، تعرفه يه ياخود رسومه معروض قالا جق تاجرلر [۲] ، لايحه قانونيه نك تعلق ايتديكى ياخود ايديه بيلديكى بر قاوتى ، بر شهر ياخود بر سنجاق حسابنه حركت ايدن مأمورين رسميه و بعضاده سكنه مملكت بو حقه مالكدرلر . رقابت ده كذلك برلوقوس ستاندى يه تمل تشكيل ايديه بيلير . مع مافيه ، انجمنه مراجعت حقى على العاده بر تجارتي هيئت مجموعه سيله تمل ايدن تشكيلاتلره ، انحصارلره ياخود ايشارى بوتجارتى تمل ايديه بيله جك درجه ده

Law of Public Health: Glen ۱۲ نجى طبع ، ۴۸۳ ، ۹۶۷ - ۹۶۸ . فقط بو ، حقنده موقت بر نظامنامه استحصال ايديله بيله جك خصوصاته شامل دكلدر . كذا ، ۹۷۰ . خصوصى ايشلر انجمنتك راپورينه باقكز : 92, 2329-31 بارولرك امور ماليه سى حقنده كى ۱۹۰۳ قانونه كوره ، خصوصى بر لايحه قانونيه يه قارشى مخالفت ايديه بيلمك ايجون بويله بر موافقه لزوم يوقدر ،

[۱] مای ، ۷۳۴-۷۵۲ .

[۲] فقط ، على العاده ، يالكز هب بردن مراجعت ايتدكلرى

زمان S. O. P. B. ۱۳۳ ؛ مای ، ۷۳۵ .

مهم اولان کیمسه لره حائدر [۱] . بوندن باشقه ، نظامنامه داخلی فقراتی بو امتیازی زراعت ، تجارت یاخود سیر سفائن او طه لرینده تشمیل ایتشدرد [۲] . حاصلی ، لوقوس ستاندی قاعده لری صورت مطلقه منطقی دکلدرد . فقط هر حالده فردی یاخود جماعتیجه مشترک بر منفعت خصوصیه استناد ایدر لر ، منفعت عمومییه استناد ایتزلر .

انجمن
حضورنده
استماع

انجمنده طرفینک استماعی بر حقوق دعواسی نمونه سنه کوره وقوعه کلیر . حتی طرفینه یار دیم ایدن حقوق مشاورلرینک اوصافنده ده بو حال نمایان اولور . بونقطه یه کلتجه یه قدر طرفینی پارلمنتو مأمورلری تمثیل ایلر . همه حال آتورنه attorney یاخود سولیسیتور solicitor اولما مقبله برابر بوکا بکزر بر موقع اشغال ایدر لر . خصوصی قانون لایحه لری قلمنه قید ایدیلش بولونمالری لازمدر [۳] . فقط جلسده اصل تحقیقات ، محکمه لرده اولدینی کی آووقا تیر طرفندن اداره اولونور . آووقات اجر تیرینک پک مهم اولماسی بو یوک اقتدار صاحبی کیمسه لری جاب ایدر . فی الحقیقه ، خصوصی قانون لایحه لری انجمنلری حضورنده آووقا تلیق ، مسالکک خصوصی بر شعبه سی حاله کچمشدر .

[۱] تشبثات بلدییه انجمننک راپوری . Com. Pap., 1900 VII, 183.

Q. 576, 582, 2377

[۲] حکمدر محکمه سی مناسب کورورسه . S. O. P. B. 133 a.

بوصلاحیت ، رقابت احواله منحصر دکلدرد .

[۳] مای ، ۶۹۱-۶۹۳ .

بوکا حصر مشغولیت ایدن حقوق شناسلر پارلمنتو باروسی
 دنیلن هیئت وجوده کتیر لر [۱]. اصول مذاکره ، شکلا
 تمامیه حقوقیدر . آوقاتلر شاهدلرک افاداتی تدقیق ایدر لر .
 بو تدقیقاتی تکرار تدقیق ایلر و علی العاده دعوالده اولدینی کبی
 مدافعانده بولونور لر . بوندن باشقه ، بر طرف دیگر طرفی
 عندی اولارق مصارفه دوچار ایتمشه انجمن ، بر محکمه کبی
 اوکا مصارفی تحمیل ایده بیلیر . بوکا دائر آراده صیراده مثاللر
 کوستریله بیلیر [۲] .

انجمنک ایلک تدقیق ایتدیکی نقطه ، لایحه قانونیه نك
 مقدمه سیدر . بو ، پروژهنك هیئت عمومیه سیله قیمتی حقنده
 تدقیقانده بولونمق ایچون بر فرصتدر . اوصورتده که ، انجمن
 لایحه یی یاپانلرک ، دعوالرینک بوایلک عنصرینی مدافعه یه قادر
 اولاماش اولدیغنه قناعت کتیر رسه در حال لایحه قانونیه علمینده
 قرارینی ویریر . عکسی تقدیرده صیرا ایله ماده لره کچیلیر .
 انجمن ، لایحه قانونیه یی تعدیل ایدرک یاخود ایتیه رک
 مضبوطه سنی تنظیم ایلر .

انجمنک وظیفه مخصوصه سی ، کندی حضورینه چیقان
 طرفین آراسنده کی منافع منازعه سی حقنده قرار ویرمکدن
 عمومیه

[۱] پارلمنتو آوقاتلرینک حکام صنفه هیچ ترفیع ایدیلرملری
 عنه اقتضاسنددر . خصوصی مشتریلرینی ترک ایتهدن پارلمنتویه
 کبره میه جکلی ایچون عمومیه سی سیاسی حیاندن اوزاق قالیر لر .

عبارت اولمله برابر، لایحه قانونیه قبول ایدلسکله منفعت عمومیه به خدمت ایدیلش اولوب اولمایه جنیده نظر دفته آلمغه لایق بر مسئله تشکیل ایدر. آشکاردرکه لایحه قانونیه بی وجوده کتیرنلرک اثباته مجبور اولدقلری الک باشلی نقطه لردن بری ده بودر. فقط انجمن بوباده رأساً هیچ بر تحقیقاته قیام ایتمز و بونقطه ده لوقوس ستاندی دن محروم برفردک کندیسنه مراجعتده بولونماسنه مساعده کوسترمز. مع مافیه، منفعت عمومیه لهنده ده بعض تأمینات موجوددر. اول امرده، نظامنامه داخلی فقراتی، بعض نوع خصوصی قانون لایحه لرینه بعض ماده لرک درجی مجبوری قیلمشلردر. بوا حکام، یوللرک سویه سنه، کچیدلره، رهنه قونا جق املاک مقدارینه، انشا آتک مدت ختامه، تأمینات آچه لرینه، تسویه ایدیله جک مروریه لرک حداصغریسنه، شمندوفرلرده عمومی قانونلرک تطبیقنه و کویلره عا ئداراضینک اطرافی چه وریلیر کن تنزه ایچون سربست محللر تفریق ایدیله سنه، لوندرده هدم ایدیلن عمله اولرینک یرینه یکیدن اولر یاپلاماسنه دائردرلر. بعض احوالده، انجمن، حکومات محلیه و یریلن استقراض صلاحیتنه دائر بر لایحه نک احتوا ایتمه سی لازم کله جک احکامی صراحة کوسترمکه مجبوردر.

بوندن باشقه، بعض مسئله لرده انجمنه مأمورین رسمیه ده معاوننده بولونورلر. یوقاریده، خصوصی قانون لایحه لرینک تدقیق ایدیلک اوزره بعض نظارتلره تودیع ایدیلدیکندن بحث

ایله مشدك. بعض نادر احوالده بودائرله اولایحه قانونیه حقنده پارلمنتویه قارشی بر مضبطه تنظیم ایتمکله مکفدرلر [۱]. بو مضبطه بی تنظیمه هر زمان دائرلهك حق واردر . نظامنامهیه نظراً، بومضبطه انجمنلره حواله اولونور [۲]. انجمنلر کندی مضبطه لرنده نظارتلرک مطالعاتی تکرار ایتمکله وایجاب ایستیکی تقدیرده، نهدن دولایي بونلری قبول ایتمه مش اولدقلرینی تصریح ایله مکله مجبوردرلر [۳]. بعضاً، نظارتلر، انجمنلره مأمورلرده کوندرلر [۴]. دهامهمی، قامارانک مأمورلری خصوصی قانون لایحه لرینک طرز مذاکره سی اوزرنده عمومی بر حق نظارته مالکدرلر. بوبابده سرد مطالعه یه صلاحیتلری واردر [۵]. بوسوز بالخاصه مقام ریاست مشاوروی ایله انجمنلر رئیس و عوام قاماراسنده کی مشاوروی حقنده دوغرودر . فقط بوقونترولک نه درجه یه قدر مؤثر و مشمر اولدینی مسئله سنی، سیسته مک نتیجه لرینک تدقیقندن صوکره یه تعلیق ایدیوروز.

[۱] باقکیر: S. O. P. B. ۱۵۱، ۱۵۵، ۱۵۷، (۱) ۱۵۸

(ب)، ۱۷۳، ۱۹۴ (ج).

[۲] S. O. P. B. ۲۱۲.

[۳] کذا، ۱۵۰، ۱۵۷، ۱۵۷، (۱) ۱۷۳، (۱) ۱۹۴

(ج)، ۱۹۴ (د).

[۴] تشبثات بلدییه حقنده کی انجمنک راپوری. Com. Pap., 1900,

VII, 1 Q. 569, 585

[۵] باقکیر: S. O. P. B. ۷۹، ۸۶.

مخالفتہ معروض
اولمائی لایحہ
قانونیہ لڑ

مخالفتہ معروض اولمائی یعنی علیہ لرنده استدعا ویریلہین
و مخالفی طرفندن اعتراض سردینه حتی اولدینی اثبات ایدیلہ مہین
لایحہ قانونیہ لڑ ایچون طرفین آراسنده حقوقی مرافعه جریان
ایتمز. بونلریالکیز منفعت عمومیہ نقطہ نظرندن تدقیق ایدیلیر [۱].
بناءً علیہ، بوقیل لایحہ لڑ بوتون بوتون باشقه برانجمنہ کوندریلیر.
بوانجمن، ۱۹۰۳ تاریخنه کلنجہ یه قدر طرق ووسائط انجمنک
رئسی یاخود رئیس وکیلی ایله مجلس رئیسک حقوق مشاورندن
ترکب ایدردی وهر زمان دکلسه ده، علی العاده، کندیلیرینه
قامازا اعضاسندن ر ذات ده یاردیم ایلردی [۲]. ۱۹۰۲ ده،

[۱] عوام قاماراسنه تودیع ایدیلن خصوصی قانون لایحہ لرینک
مجموع یکونی سنوی ۱۵۰ ایله ۲۵۰ آراسنده تحول ایدر. بولرک
تقریباً نصفی قاماراده هیچ بر مخالفته معروض اولمادن کچر. کذلک
اللی قدر نظامنامه واردرکه هیچ مخالفته معروض قالمالزلر.

[۲] باقکیز: S. O. P. B. (۱۹۰۲)، ۱۰۹، ۱۳۷. عوام
قاماراسنه تودیع ایدیلن لایحہ لرده، اوچنجی اعضا لایحہ یی تأیید ایدن
مبعوث ایدی. یالکیز، بومبعوثک لایحہ ایله محلی یاخود شخصی بر
علاقه سی موجود ایسه رایہ اشتراک ایده مزدی. مع مافیه
مذاکره یه باشقه صورتله اشتراک ایده بیلیردی. S. O. P. B. (۷۹۰۲)
۱۳۹ که S. O. P. B. ۱۳۸ اولمشدر. لوردلر قاماراسندن کلن لایحہ
قانونیہ لڑ ایچون اوچنجی اعضا مستر پارکر، سمیت م. پ. ایدی.
خصوصی ابشلا انجمنک مضبوطه سی، Com. Pap., 1902, VII, 321, Q. 23.
68, 69, 368. پارانتو وثیقه لرنده مخالفتہ اوغرامامش هر لایحہ قانونیہ
ایچون انجمنه اشتراک ایتمش اولان ذواتک جدولنه باقکیز.
لوردلر قاماراسنده، مخالفتہ اوغرامامش لایحہ قانونیہ لڑ انجمنی،

خصوصی ایشلر انجمن مخصوصی بو قدر مهم صلاحیتی حائز
بر انجمنك قامارا حضورنده دوغروندن دوغرویه مسئول برچوق
اعضائك علاوه سیه تقویه اولونماسی رأینده بولوندی [۱].
ایشته بو توصیه یی قسماً قبول و اجرا ایتمك صورتیله دركه
نظامنامه داخلی فقراتنده ایرته سی سنه ، مخالفت اوغرامایان
لایحه قانونیه لر انجمنك، طرق و وسائط انجمنی رئیس ایله رئیس
وکیلنی، انتخاب انجمنی طرفندن تعیین ایدیلر ایکی مبعوثی
وریاست مشاورینی محتوی اوله جنی تصریح ایدیلدی [۲].

لایحه قانونیه لر ریاست مشاوری طرفندن اساسلی صورتده
تدقیق ایدیلد کدن و طرق و وسائط انجمنی رئیس طرفندن ده
کوزدن کچیریلد کدن صوکره، انجمن بونلری لایحه نك طرفدارلری
ایله برلکده سریعاً مذاکره ایدر و بالخاصه ریاست مشاورینك
یاخود دوائر رسمیه مضبطه لرینك ایلشیمش اولدقلری نقطه لر
اوزرنده توقف ایلر [۳]. یکی و مهم بر منفعت عمومیه مسئله سنه
تماس ایدن دیگر مشکلات تحدت ایتدیکی زمان، اساساً یورغون

انجمنلر رئیس ایله داخل اولق ایسته بن بوتون لوردلری احتوا ایدر.
فقط فعلیاتده ایشلر رئیس ایله حقوق مشاورلری طرفندن کورولور.
مای، ۱۸۱. خصوصی ایشلر انجمنك مضبطه سی، Com. Pap. 1902,
VII, 321, Q. 1961, 1984, 1985, 2096, 2099, 2104.
[۱] Com. Pap. 1902. VII, 321، صحیفه ۸-۹.
[۲] S. O. P. B. ۱۰۹.

[۳] خصوصی ایشلر انجمنك راپوری، Com. Pap. 1902, VII,
321, Q. 25, 27, 72, 73, 1393, 1406-8

بولونان رئیس بونی بالذات حل ایتک مسئولیتی درعهده
ایله مکن مجتنب داورانیر و لایحه قانونیه بی مخالفته اوغرایان
لایحه لر میانسه ادخال ایدیلک اوزره [۱] مجلسه یوللاردی .
الآن بوحقی موجوددر [۲] . حالوکه مجلسده لایحه یه اعتراض
ایدن هیچ کیمسه بولونمازدی [۳] . انجمن اعضاسنک تزید
ایدیله سنک نتیجه لرندن بری بوقیل بوتون مسائلک انجمن
طرفندن حل ایدیله سنی تأمین ایلک اواشدره . فعلیاتده ، انجمن
لایحه قانونیه لرده اکثریا تعدیلات یاپار . فقط لایحه نك عدم
قبوله قرار ویرمه سی نادردر .

مخالفته اوغرایان و اوغرامایان بر لایحه قانونیه حقدده
مضبطه یاپلدقدن صوکره ، قاماراء ، اونی تصویب ایتهدیکی تقدیرده ،
هیئت عمومیه سیله یاخود معین بعض ماده لرینی ، بیان مطالعه
ایتک صورتیله ویا هیچ بر مطالعه درمیان ایتهدن تکرار انجمنه
اعاده ایده بیلیر . بو ، استثنائی برحالدیر . بویله استثنائی برحال
وقوعه کلزسه ، لایحه قانونیه بالاتعدیل مضبطلی بولوندیغی
و بر شمندوفر ویا تراموای انشاسی موضوع بحث اولمادیغی
صورتهده ، اوچنجی قراسته حاضر برحاله واصل اولمش دیمکدره .
فقط انجمن لایحه ده تعدیلات یاپمشه یاخود بر شمندوفر ویا

مضبطه
ومذاکره

[۱] S. O. P. B. ، ۸۳ ، ۲۰۹ .

[۲] خصوصی ایشر انجمننک مضبطلی ، Com. Pap. 1902, VII, 321, Q. 75, 76, 1410-12 .

[۳] کذا ، 1391 Q. .

تراموای انشاسی موضوع بحث اولیورسه نظامنامه داخلی ، مضبطه نك مذا كره سی ایچون مقام ریاسته تودیع اولونماسنه لزوم کوستیر [۱] . او زمان تعدیلات تکلیف اولونابیلیر ، تکرار انجمنه حواله سی طلب ایدیله بیلیر . فقط كرك خصوصی لایحه قانونیه لر انجمنی كرك بوتون قامارا طرفدن نظامنامه داخلی احكامنه رماتی تأمین ایچون لایحه قانونیه نك مذا كره سی طرق ووسائط انجمنی رئیس بوتقطه یی قامارایه خاطر لاتمادن اول باشلا یاماز . ویریلن تعدیل تکلیفلی حقننده مقام ریاستدن براسفسار وقوع بولورسه نظامنامه داخلی انجمنی بوتقریرلرك شایان قبول اولدقلرینه دأر بیان مطالعه ایتهدن تعدیل تکلیفلی مجلسه عرض ایدیله مز [۲] .

صوك مرحله ، اوچنجی قرائتی احتوا ایدر . نظامنامه داخلی بو مرحله ده آرتق یالکیز شكه عائد تعدیل تکلیفلیرینه مساغ کوستیر [۳] .

[۱] S. V. P. B. ، ۲۱۳ .

[۲] S. O. P. B. ، ۸۱ ، ۸۴ ، ۸۵ ، ۲۱۵ ، ۲۱۶ . لوردلر قاماراسی طرفندن اجرا ایدیلش اولان تعدیلات ده طرق ووسائط انجمنی رئیس نك نظر تصویبده عرض ایدیلک لازمه در . کذا ، ۸۶ . مذا كره به کیریشلمه دن اول ، لایحه قانونیه لر ، پارلمنتویه تودیعلرندن اول کوندرله کلری دواثره ده تکرار کوندرلك ایجاب ایدر . کذا ، ۸۴ . [۳] S. O. P. B. ، ۲۱۹ . لوردلر قاماراسنده مضبطه مرحله سی

اولادینی ایچون ، اوچنجی قرائت اثناسنده ده اساسه عائد تعدیل تکلیفلی ویرله بیلیر . خصوصی ایشلر انجمننك مضبطه سی . Com. Pap., 1902, VII, 321, app. 15.

لوردلر قامارا-
سندہ خصوصی
قانون لایحہ لری

خصوصی قانون لایحہ سی قامارالرك برنده قبول اولوندقدن
صوكره ديكر قامارادن ده كچمك لازمدر . تعديلاتلر حقنده
اتلاف ايتمك ايچون معناد اولان اصوله مراجعت ايديلير .
بوراده برخصوصی قانون لایحہ سنك لوردلر قاماراسنده قطع
ايتديكي يولي تعريفه قالقيشمق لزومسزدر [۱] . تعقيب ايديلان
اصول، اساس اعتباريله هرايكي قامارادهده بربرينك عيني در .
بوتون مهم فرقلى اثرمرك متنبده ياخود نوطلرده كوستردك .
ايكي مجلسك خصوصى قانون لایحہ لری انجمنلری حضورنده
آرى آرى ايكي تدقيقات يانيلماسنك موافق اولوب اولماديئي
مسئله سی پك مناقشه ايديلشدر [۲] . ايكنجى تدقيقاته لزوم
اولماديئي، محتاط برانجمن حضورنده تك برمعامله اساسى قبول
ايديلهك اولورسه زمان و مصرف اعتباريله بويوك برتصرف
تأمين ايديلهك ادا اولوندى . فقط بوكا جواباً دينيلوركه
خصوصى برقانون لایحہ سی مضر اولديئي ياخود ابي دوشونو-
لمه مش بولونديئي تقديرده بولايحهك ردی ويا اصلاحی ايچون
ايكنجى تدقيقات ده بويوك براحتمال تأمين ايدر . حقيقتده ،
طرفين برنجى انجمنك مقرراتى چوق كره قبول ايديلورلر
ياخود آرارلندهكى اختلافى اوزلاشمه صورتيله ازاله ايله يورلر .
چونكه قامارالرك برنده مخالفته اوغرايان قانون لایحه لرندن

[۱] باقكرن : ماى ، ۲۹ نجى باب .

[۲] باقكرن : ۱۸۸۸ و ۱۹۰۲ دهكى انجمن مخصوصلك مضبطه لری .

یالکز اوچده بری دیگر قاماراده مخالفتہ مصادف اولیور [۱].
 لوندردہ برانجمن حضورندہ جریان ایدہ جک مذاکرہ نک
 محذورلری و مصرفلری اسقوجیا قرالغنہ تعلق ایدن قانون
 لایحہ لری ایچون اسقوجیادہ تدقیقات یاسیلماسی لہندہ شدتلی
 مطالبات درمیان ایدیلہ سنہ بادی اولدی . ۱۸۹۹ دہ بوبادہ
 بر قانون قبول ایدیلدی [۲]. موقع فعلہ قونولان قانون
 و نظامنامہ عمومی موجبنجہ ، اسقوجیایہ عائد خصوصی قانون
 لایحہ لری صاحب لری معتاد اولان اصولی تعقیب ایدہ جک یردہ
 نیسان یاخود کانون اول آیندہ اسقوجیا ناظرینہ موقت بر
 نظامنامہ استحصالی ضمانتہ بر استدعا ویرمکہ مجبوردرلر . بو
 نظامنامہ نک لایحہ سنہ عینی زماندہ کندیلری یاپارلر و تقدیم
 ایدرلر . خصوصی قانون لایحہ لرینک اعلان ایدیلہ سنی آمر
 بولونان قواعد مشابہ قاعدہ لرہدہ رعایت مجبوریتندہ درلر .
 دوائر رسمیہ پلانلرک و اوراقک برر نسخہ لرینی ویرمہ لری دہ

[۱] خصوصی ایشلر انجمنک مضبطہ سی . Com. Pap. 1903, VII.

321, . app. 8, 12.

[۲] 62-63 Vic, c. 47 . بوقانونک ۱۶نجی مادہ سی انجمنلر رئیس

لوردہ وطرق و وسائط انجمنی رئیسہ ، اسقوجیا ناظریلہ متفقاً وقامارا-
 لردن برینک درمیان ایدہ جکی مطالعہ محفوظ قالمق شرطیلہ ، بوقانونک
 اجراسنی تأمین ایچون بر نظامنامہ عمومی یایمق حقنی ویریر . غایت مفصل
 اولان بو نظامنامہ Com. Pap. 1900 دہ مندرجدر . اسقوجیا قانون
 لایحہ لرینہ تعلق ایدن نظامنامہ داخلی فقراتندن بهضیلری خصوصی قانون
 لایحہ لرینہ متعلق دائمی نظامنامہ نک دردنجی قسمنی تشکیلی ایدر .

اسقوجیایہ
 مخصوص اصولہ

لازمدر. نظامنامه پروژه لری ایکی قامارنك رئیس لرینه عرض ایدیلک ایجاب ایلر. رئیس لر دن بری پروژه نك اسقوجیایه بیکانه بعض منافعہ تعلق ایتدیکنه یاخود ماهیتی مقتضاسی اولارق ویا تولید ایتدیکی مشکلات سیاسیہ دولایسیله بو پروژه نك یکی اصوله توفیقاً مذاکره ایدیللمسی لازم کلدیکنه حکم ایلر سه پروژه، انکلز خصوصی قانون لایحه لرینك تابع اولدینی اصول دائره سنده نظر تدقیقه آلیر. عکسی تقدیر ده، نظامنامه اسقوجیایه مخصوص یکی اصوله توفیقاً مذاکره و قبول ایدیلیر. هرایکی رئیس، اعلان مجبوریتنه وسائر خصوصاته دائر اولان احکامه رعایت ایدیلوب ایدیللمش اولدیغنی تدقیق ایچون بر میز تعیین ایدر لر. عدم رعایتی معذور کورمك حتی بو رئیس لره عائددر. بو معاملات اولیه اجمال ایدیلد کدن صوکره، عرض حال آرتق فعال بر صفحه یه کیرمکه مهیا بولونور.

اسقوجیایه عائد
خصوصی
لایحه لر انجمنی

عرض حال، مخالفتہ معروض قالمادیغنی زمان، اسقوجیا ناظری، دوائر رسمیه نك مطالعه لرینی استعراج ایتد کدن صوکره، موقت نظامنامه یی طلب اولونان شکله یاخود بعض تعدیلات ایله قبول ایده بیلیر. حاصلی، اعتراضه اوغرامامش قانون لایحه لر انجمنی وظیفه سنی کورور. فقط تحقیقاته لزوم اولدینی فکر نده بولونور سه یاخود عرض حاله قارشى اعتراضات درمیان ایدیلیر سه بونی غریب بر صورتده تشکل ایتش بر قومیسونه کوندریر. بو قومیسون، ایشی ممکن اولدینی قدر

پارلمنتونك النده طوتمق مقصديله بو يولده تشكيل ايديلمشدر .
 بر طرفدن پارلمنتو اعضايريني بوايشي قبوله اقناع ايتك زورلني
 ديكر طرفدن قامارالره صميمي صيقي بر تماس محافظه ايتك
 مجبوري اورتيره اويله بر ترتيب چيقاردى كه بر پارلمنتو انجمنى
 ايله دائمي قوميسيون آراسنده برشيدر [۱] . قامارالردن هر
 برى كندى اعضالردن مركب بر جدول تنظيم ايدر . عوام
 قاماراسنك جدولنده ، انتخاب انجمنى طرفندن تعيين ايديلمش
 اعظمى اون بش مبعوث واردر [۲] . يكرمى كشيدن مركب
 پارلمنتو خارجنده برليستهده واردر كه بونلر بش سنه مدته
 انجمنلرك ايكي رئيسى ايله اسقوجيا ناظرى طرفندن تعيين
 اولونورلر . هر استدعا ايچون تشكىل ايدن انجمن بو جدوللر
 مياندن انتخاب ايديلمش دوت ذاتى احتوا ايلر . انجمنلر رئيسلرى
 ايكي قامارانك جدولدن ايكيشر كشي آيرمغه ممكن اولدينى
 قدر اعتنا كوستيرلر . اكر بوكا امكان يوقسه بودرت اعضانك
 امكان مساعده ايتديكى درجهده اكرثيتنى بلا تفريق قامارالرك
 جدولدن آيريرلر . متباقيسنى ده اسقوجيا ناظرى پارلمنتو
 خارجنده كي جدولدن سچر [۳] . بو صورته تشكىل ايدن

[۱] اسقوجيايه عائد خصوصى قانون لايحه لرينك اصول مذاكره سى
 حقهده كي انجمنك مضبوطه سى Com. Pap. 1898 .

[۲] S. O. P. B. ، ۲۵۳ .

[۳] ايستايستيقلره نظراً ، طاقم طاقم آيريلان عرضحاللر ايچون
 انجاب ايدن اوچ قوميسيونك تشكىلى تامين ايدم بيلك اوزره هر سنه

قومیسون بالطبع اسقوچیاده طوپلانیر . اعتراضه اوغراماش
بر خصوصی قانون لایحه‌اری انجمنی کی حرکت ایدر . لو قوس
ستاندی‌یه هاند بوتون مسائلی حل خصوصنده بوقومیسون حائر
صلاحیتدر . اسقوچیا ناظرینه خطاباً تنظیم ایتدیکی مضبوطه
طلب ایدیلن نظامنامه‌ك قبول ایدیلوب ایدیلنه‌سی لازم‌کله‌جکنی
ونه‌شکلده قبولی مناسب‌اولاجنی کوستیریر . ناظر ، قومیسون‌ك
مطالعهنی قبول ایلر [۱] .

پارلمنتو طرفندن ناظر ك یادیغی نظامنامه ، اعتراضه‌اوغرامسون اوغراماسون ،
تصدیق
قطعی بر نظامنامه دکلدر ، موقدر ؛ پارلمنتو طرفندن تصدیق
ایدیلکه محتاجدر . ناظر بونی تصدیق ایچون بر لایحه‌ قانونیه
تقدیم ایلر . نظامنامه اسقوچیاده اعتراضه اوغرامامشه ،
پارلمنتوده‌ده کیسه‌ علمنده بولونمازسه لایحه‌ قانونیه ، انجمن
مرحله‌سی‌ده داخل اولق اوزره بوتون مرحله‌لری کچمش کی
تلقی ایدیلیر و قامارنك انجمنلرندن بری طرفندن مضبوطه‌سی
یاپلش لایحه‌ قانونیه‌لر میانه‌کچر . فقط طرفینك ، کندی‌لری ایچون
یوکسك بر استیناف محکمه‌سی تشکیل ایدن پارلمنتو حضورنده
بیاناتده بولونایلمه‌لری حق بر درجه‌یه قدر محافظه و تأمین
ایدیلشدور . چونکه طرفین ، اعتراضه‌اوغراماش یا خود اسقوچیاده

لازم‌کلن اون ایکی کشیدن یالکز بر چیفتی پارلمنتو خارجنده‌کی
لیسته‌دن تفریقه مجبوریت کورولشدور .

[۱] فقط سکرینجی فقره موجبجه قومیسون نظامنامه‌ك قبولی
لهنده قرار ویربرسه ناظر پروژه‌ده تعدیلات یابایلیر .

تحقیقاته زمین تشکیل ایتش بوتون نظامنامه لر علمنده بر استدما
تقدیم ایده بیلیر لر. بوتقدیرده، لایحه قانونیه نك مختلط بر انجمنه
حواله ایدیله سی ایچون برتقریر ویریله بیلیر. بوانجمن علی العاده
بر خصوصی لایحه قانونیه ده اولدینی کبی، طرفینی استماع ایدر،
فقط ایکی قامارایده مضبطه ویریر. لوندرده برپارلمتو انجمنه
ایشی استیناف ایده بیلیمك تکلیفی بدایتده پك شدتلی مذاکراته
سببیت ویرمشدی. نهایت قبول ایدیلن لایحه بوحقی ابقا ایتدی.
فقط بر مختلط انجمن حضورنده نك بر معامله شکله ایندیردی.
سائر خصوصی قانون لایحه لری حقنده اولدینی کبی هر ایکی
قامارانك انجمنلری حضورنده ایکی کره تحقیقات وتدقیقاته محل
براقادی. بوندن باشقه، کرک مستدعی کرک معارض مسئله یی
پارلمتوده استیناف ایده بیلیر لر. نظامنامه پروژه سی رد اولونمشسه،
بونك صاحبی، هیچ بر مراسم اولیه حاجت اولادن، اونی
معاون بر لایحه قانونیه صقیله، مقام مخصوصه تقدیم وتودیع
ایده بیلیر و خصوصی بر لایحه قانونیه نك تابع اولدینی معناد
اصوله تابع طوتدیرا بیلیر [۱].

حاصلی، اسقوجیایه مخصوص اصول وه ستمینسترده مؤخرآ
جریان اتمه سی محتمل بر اصول مذاکره دن مقدم مجبوری بر
حکم اصولی تاثیرینی یاپار. مع مافیه اسقوجیا ایچون ویریلش

براستدعایی تصدیق ایتمک اوزره تقدیم اولونان قانون لایحه‌سی
لوندرده پک نادراً مخالفته معروض قالیور کیدر .

اسقوجیایه مخصوص قانونک قبولدن ایکی سنه صوکره ،
ایرلاندایله غال الکاسی ایچون ده عینی قانونلر تکلیف ایدیلدی .

ایرلاندای
وغال الکاسی

فقط هیچ بری قبول اولونمادی . ۱۹۰۴ تاریخنده ، بونوع
برلایحه حقنده مضبطه تنظیم ایتمکه مأمور بر انجمن مخصوص

اسقوجیایچون موجود اولان اصولک غال الکاسنه قابل تطبیق
اولمادیغنه و انکلتزده بو ایشلره عائد معاملهنک ایجاب ایتدیکی

مصارفی تنقیص ایتمک اوزره موجود آرزوینی ساحه فعله
چیقارمانک اکی ای چاره‌سی موقت نظامنالر اصولنی انکشاف

ایتدیرمکدن عبارت بولوندیغنه قرار ویردی . انجمن ، دیکله‌مش
اولدینی شاهدلردن قسم اعظمی اسقوجیایچون موجود قانونک

ای صورتده ایشله‌دیکنی سویله‌یورلر سده بعضیلرینک ، بویوک
تشبثاتک لزوم کوستردیکی مصرفلر آزمالمش اولدیغنی تأمین

ایتدکلرینی نظر دقته عرض ایدیوردی . شاهدلر نتیجه‌یی
بالخاصه لوندردن کلن آوو قاتلرک و اهل خبرهنک سیاحت

مصرفلرینه عطف ایتمکه ایدیلر . فی الحقیقه ، آلتان فکرلر
یکی اصولدن برچوق خصوصاتده بکله‌نه بیله‌جک فوائد و محسنات

حقنده یکدیگرندن پک فرقلی ایدیلر [۱] . ایرلانداده اسقوجیای
قانوننک قبولنه بر مانعه واردی . سنت جورج قاتالنک اوته

طرفنده خصوصی قانون لایحه لری حقنده محلی تدقیقات و تحقیقاتک
عرض ایده بیله جکی فائده مخصوصه به رغماً ، ملتپرور لر حکومت
حقوقنک ایرلاند ایشلرینه عائد صوک سوزی انکلز پارلمنتوسنک
النه براقجق صورتده انتقاله قطعياً معارض ایدیلر .

انکلترده هر سنه چوق مقدارده خصوصی قانونلر قبول
ایدیله سی ، قسماً ، آرتق بر اصول وقاعده آلنه آلمغه قابیلنی بر حاله
کلش کبی کورونن بر طاقم مسائل حقنده عمومی قانونلرک
موجود اولماسندن نشئت ایتکده در . هر سنه ، عینی موضوعه
دائر خصوصی قانون لایحه لری قبول اولونور . نهایت عمومی
بر قانون حالده تیلر ایده بیله جک بر عننه تأسس ایدر .
بونک تطبیقندن تولد ایده بیله جک منازعات تام معناسیله
بر هیئت عدلیه به براقیلر . یاخود ، أوروبا قطعه سنده اولدینی
کبی ، بو اختلافاتی صورت قطعه ده حل وفصل ایتک صلاحیتی ،
قانون طرفندن تعیین ایدیلش قواعد رعایت شرطیله دوائر
رسمیه ویریه بیلیر . ایجاب ایدن قانونلرک قبولی بو مصرفلی
لایحه قانونیه لرک چوغندن قورتولمق امکانتی بخش ایده جکی
تأمین اولونمشدر [۱] . فقط بو اصلاحات پک بطیدر .
تشبث اولوندینی قدری ده بک ناتمامدر . الی سندن بری محلی
ایشلرده وسائر خصوصاتده حکومت مرکزیه نك حکم ونفوذی

[۱] مثلاً ضابطه وحفظ محله لایحه قانونیه لری انجمننک مضبطه سی

Com. Pap., 1898, XI, 555. ایشلر انجمننک مضبطه سی

Com. Pap., 1902, VII, 321, p. 7

عظیم نسبتده آرتمشدر . فقط ، پارلمنتو ، خصوصی احوالده .
 دوائر رسمیه عائد اولان صوك سوز حقنى بودوائر بخش
 ایتمکدن متوحش بولونمقده بردوامدر . منفعت عمومیه نامنه
 یاپیلان استملا کرده بسوز بالخاصه دوعرودر . چونکه اراضی به
 مالکیت انکلترده الان بالخاصه مقدس بروصفی حائزدر [۱] .
 شهسز که بر چوق احوالده پارلمنتو ، محلی هیئتله یاخود
 شرکتله خصوصی صلاحیتلر بخش ایدیه بیلیمک یاخود هیچ
 دکلسه بوسالاحتیلرک اجراسنه مساعده کوسترمک حقنى دولتک
 ادارى شعبه لرینه ویرمشدر [۲] . فقط باشقه احوالده ، بومساعده
 قامارالره تبلیغ ایدیلک لازمدر . مجلسلردن بری علیه قرار
 ویره جک اولورسه حکومتک مساعده سی حکمسنز قالیر [۳] .

[۱] پارلمنتونک تصدیق اولادن اراضینک استملاک ایدیه بیلیمه سی .
 پک نادردر . بوده بالخاصه بویوک یوللرک ، مبانی رسمیه نک توسیسی ،
 مدافعه ملییه عائد انشآت ، زراعت عمله سنه تارلا تفریق ، ناحیه
 احتیاجاتی ایچون اراضی تأمین مقصدیلر وقوعه کلیر . قاعده نک اک
 شایان دقت استثناسی دار یوالی شمندوفرلرک انشاسنه دائر ۱۸۹۶
 قانوننده موجوددر . باقکز : ایلبرت Leg. Methods and Forms ،
 ۳۲۰ .

[۲] بو ، حکومت محلییه متعلق برچوق خصوصاته قابل تطبیقدر .
 دار خطلی شمندوفرلر ایچونده بویله در . 59-60 Vic., c. 48 § 9
 [۳] مثلاً ، تجارت نظارتنک شمندوفرلره سرمایه اخراج ایتله لی ،
 مشترک ایشلمه مقاوله نامه سی عقد ایله لی صلاحیتنى بخش ایتک اوزره
 ویردیکی تصدیق نامه لر بویله در .

بعضاً ، مخالفته معروض قالدقلىرى زمان [۱] و ، دها زياده ، مخالفته معروض قالدقلىرىنه ياخود قالمادقلىرىنه باقلمادن ، بوصلا-
 حيتلىرى ويرن نظامنامه لر پارلمنتونك نظر تصويبنه عرض ايدىلك
 مجبوريتنده درلر . ايشته موقت نظامنامه لر سيستمى بو سبيله
 تولد ايتشدر . بو نظامنامه لرى دوائر رسميه دن برى قانون
 موجبنجه ياپارلر . فقط پارلمنتو تصديق ايدىنجيه قدر موقترلر .
 خزينه مالیه ، بحريه ايله محلى ايشلره همان هيچ تماس ايتلىرى
 قابل اولمايان هندستان و مستملكات نظارتلى مستثنا اولمق
 اوزره ، مهم دوائرك همان كافه سى ، حتى قاوتى مجلسلىرى
 بو قبيل صلاحيتلره مالك اولمشلردر . بو صلاحيتلر برچوق
 خصوصاته شاملدرلر . بويلا اولماسه ايدى اولنلى خصوصى
 قانون لايحه لرى واسطه سيله حل ايتك لازم كله جكدى [۲] .
 بو نظامنامه لرى ياپوب ويرمك حقنه مالك اولان دائره
 رسميه ابتدا راستدا ايله مراجعت ايتك لازمدر . مجلس
 مبعوثانك نظامنامه داخليسى احكامى ، عموميتله ، بو استدعاره

[۱] عمله اولرى انشاسنى مجبورى قيلان ، بلدى بارولره مكلفيت
 تحمیل ايدن ، آيريلش پاريشلرك حدودلرينى دكيشيرن ، ايرلاندا
 ترامواى انشاسنه مأذونيت ويرن نظامنامه لر بويلا در .

[۲] قليفوردك ۱۸ نجى بابنده و مايك ۲۹ نجى بابنده موقت
 نظامنامه لر يايقى حقنى وزن مختلف قانونلرك ليسته سنه باقكز .
 حكومت محليه نظارتنه متعلق قانونلرك دها تام برليسته سى خصوصى ايشلر
 انجمنك مضبطه سنده موجوددر . Com. Pap., 1902, VII, 321, app. 10

موقت نظامنامه لر
 حقنده كى اصول

قابل تطبیق اولما مقوله برابر [۱] ، بو صلاحیتلری بخش ایدن قانونلر یا خود بالذات دوائر رسمیه طرفندن تنظیم ایدیلن تعلیماتلر اعلان، پلانلرک تودییی، محلی حکومتلرک موافقتی واج. حقنده اونلره مشابه احکام وضع ایتشلردر. دائره رسمیه، استدعایی آنجه، علی العاده، برمقتس طرفندن محلنده بر تحقیقات یابدیریر. پروژه نك معارضلری ایشته بو صورتله ، یا خود باشقه بر طریق ایله کندی دعوالرینی مدافعه ایده بیلیرلر. دائره رسمیه، مقتشک راپورینه و آلدینی سائر معلوماته کوره ، نظامنامه نی یاپوب یامامغه دائر برقرار ویرر.

نظامنامه لر صوکره ، موضوعلرینه کوره ، کومه کومه طوبلانیر . هر طاقم ، پارلمنتویه تودیع ایدیلن بر تصدیق لایحه قانونیه سنه جدول حالنده ربط اولونور. بو تصدیق لایحه قانونیه سی سائر قانونلر کبی ، اودائره نی تمثیل ایدن ناظر طرفندن مجلسه ویریلیر . یالکیز ، بو لایحه یه ، عمومی علاقه دار ایدن قانون لایحه لرینک اصولی تطبیق ایدیلز. حکومت پروژه لرینک اصولی هیچ تطبیق اولونماز. ناظر اونی مطلقا قبول ایتدیرمکه اوغراشماز. حکومتک و ایپلرینه رأیلری صایدیرمق صورتیله طرفدارلر اوزرنده اجرای تاثیر ایتمه قالمماز . لایحه، خصوصی قانون

[۱] بوکا قابل تطبیق اولان نظامنامه داخلی فقراتی عمله اولرینک برینه یکیلرینک یاپیلماسنه و پلانلرک تودیعه دائر اولان S. O. P. B. ۳۸ و ۳۹ در .

لایحه لرندن مرکب بر کومه کبی تلقی اولونور. یالکز، دائره نك مأمور لرندن بری، اعتراضه اوغرامایان نظامنامه لر انجمنی حضورینه چیقار. لایحه، بردفعه اوقونور، میزه ویریلیر؛ ایکنجی دفعه اوقونور، انتخاب انجمنه یاخود شمندوفرلر و قاناللر انجمنه کوندریلیر. لایحه نك احتوا ایتدیکی نظامنامه لردن هیچ بری علیهنده بر استدما ویریله مشسه اعتراضه اوغرامامش لایحه لر انجمنه کچر. عکسی تقدیرده لایحه قانونیه و محتوی اولدیفی بوتون نظامنامه لر خصوصی قانون لایحه لری حقنده کی معتاد انجمنه کیدر. بوانجمن، طرفدارلری و علیهدارلری معتاد شکله دیکلر [۱]. نهایت لایحه قاماراده نظامنامه نك کوستردیکی بوتون مرحله لری کچر [۲]. فعلیاتده، نظامنامه داخلی فقراتی [۳] موقت نظامنامه لر لایحه قانونیه سنك، مضبطه دن صوکره، خصوصی قانون لایحه لری حقنده کی قواعد تابع اولمالرینی آمردر. یالکز، بوراده نظامنامه بی ایسته ینلر خرج تأدیه سنه مجبوردرلر.

[۱] S. O. P. B. ، ۲۰۸ (۱) .

[۲] لوردلر قاماراسنده، اعتراضه اوغرامامش بر لایحه قانونیه، عمومی علاقه دار ایدن بر لایحه کبی ایکنجی قرائتدن صوکره هیئت عمومی انجمنه کوندریلیر. مخالفت اوغرایان بر نظامنامه ب خصوصی لایحه لر انجمنه و صوکره، لایحه نك اقسام سائره سیله برلکده هیئت عمومی انجمنه حواله اولونور.

[۳] S. O. P. B. ، ۱۵۱

موقت
نظامنامه لرك
محسنانى

بوخرج مسئله سى پك مهمدر. موقت بر نظامنامه يه مراجعت
ايديله سنك اك باشلى سبيلرندن برى بودر. چونكه خصوصى
قانون لايحه لرى طلب ايدنلردن قامارلك اخذينه لزوم كوستر-
دكارى خرچلر آغيردر. اعتراضه اوغرامايان لايحه قانونيه لرده،
قانونك قبولنى تأمين ايچون ايجاب ايدن مصارفك اك بويوك
قسمنى بوخرچلر تشكيل ايدرلر. بناء عليه مخالفته اوغرامامش
بر موقت نظامنامه مخالفته اوغرامامش بر خصوصى قانون لايحه.
سندن دها اوجوزه مال اولور. آوو قاتلرك و اهل خبره لرك
آلدقلى يوكسك اجرتلر حسابيه قاتيلنجيه، مخالفته اوغرايان
بر نظامنامه مخالفته اوغرامامش بر لايحه قانونيه قدر بلكه ده دها
زياده بهالى اولسه بيله بردأره رسميه نك اجرا آتته استناد
ايتك كيفيتندن مستفيد اولور. بوندن باشقه، موقت نظامنامه-
لردن دولايى بر دائره رسميه يه شكاييت اولونسده صورت
عموميه ده بونلر ايچون قامارايه مراجعت ايديلز. ۱۸۹۸ دن
۱۹۰۱ . قدر كچن درت سنه ظرفنده موقت نظامنامه لرك اونده
برندن آز مقدارى ايچون پارلمنتويه مراجعت وقوعه ككشدر .
موقت نظامنامه لردن يالكيز برى پارلمنتوده رد اولونمشدر [۱].
۱۸۷۲ دن ۱۹۰۲ تاريخه قدر حكومت محليه نظارتى طرفندن
ياپيلان ۲۵۲۰ عدد موقت نظامنامه دن پارلمنتونك رد ايتدكلرى

آنحقی یکرمی اوچه بالغ اولور [۱].

خصوصی قانون لایحه‌لری واسطه‌سیله وضع قانون سیستهمی، خصوصی قانون بوتون انسان ایشلری کبی قصوردرن سالم دکلدر . بوقصورلرک برنجیسی بو اصولک باعث اولدینی عظیم مصارفدر . یکی بریول آچق یاخود بر مکتب عرصه‌سی تدارک ایتک اوزره استملاک لزومی شدتله حس ایدن ، مطلقا لازم امور نافعهدن برینی یامق ایسته‌ین بر محلی حکومت، موقت بر نظامنامه ایچون ایجاب ایدن مصارفی تسویه ایتمه‌لیدر . موضوع بحث اولان ایش موقت نظامنامه‌لر حقنده کی احکام میاننه کیرمه‌یه‌جک اولورسه خصوصی قانون لایحه‌سی اصوله مراجعت اقتضا ایدرکه بودها بهالیدر . هر ایکی تقدیرده ، مقاومتده اصرار کوسرتن بر مال صاحبی ، مصارفی عظیم مقداره چیقارته‌بیلیر . خصوصی بر قانون لایحه‌سی ایسته‌ینلرک یاپدقلری همان هر معامله ایچون عوام قاماراسنده بر خرج تسویه ایتک لازمدر . یالکز عوام قاماراسنده بو اصول مذاکره‌نک مختلف صفحاتی ایچون تسویه‌سی اقتضا ایدن خرچلرک حد اصغریسی هیچ بر زمان اوتوز بش انکلیر لیراسندن آشاغی دکلدر . بومقدار ، کشفنامه‌لرک اهمیتته کوره ، درت مثلی قدر آرتابیلیر . بوندن باشقه ، لایحه قانونیه‌ی ایسته‌ینلرکنیدیلرینی بر حقوق مشاوری ایله تمثیل ایتدیریرلرسه انجمنک جلسه‌کونی ایچون اون لیرا ، کلیرلرسه بش لیرا تأدیه‌یه مجبوردرلر . مخالفدرده

خرج تسويه سی ايله مكفدرلر . فقط بو دها آذرر . عوام قاماراسنده خصوصی قانون لایحه لرندن آلتان حاصلات، جمعاً، وسطی اولارق قرق بیک انکلز لیراسنی کچر . حالبوکه بو یوزدن قامارانک مصرفی اون ایکی بیک لیرایی بولماز [۱] . لوردلر قاماراسنده کی خرجلر بر ازدها باشقه دورلو وضع اولونمشدر . فقط نتیجه ده اونلرده همان همان عینی درجده ده یوکسکدرلر [۲] . اوصورتده که اعتراضه اوغرامامش الک کوچوک بر خصوصی قانون لایحه سنک مصارفی یوز دو قسان انکلز لیراسنی کچر . بوندن باشقه، پارلمنتو مأمورلرینک، محلی مأمورلرک مصرفلری، طبعیه و اعلان اجرتلری، اعتراضه اوغرایان لایحه لر ایچون آووقات، شاهد و اهل خبره مصارفی ده واردر . بو بعضاً غایت عظیم بر مقداره بالغ اولور . مثلاً بیرمینغام شهری، ۱۸۹۲ ده یالکیز بر لایحه قانونیه یی قبول ایتدیره بیلیمک ایچون ۴۴۷۵۰ انکلز لیراسی صرف ایتمشدر [۳] .

بوتون انکلتره قراللی حکومات محلیه سنک ۱۸۹۲ دن ۱۸۹۸ ه قدر یدی سنه ظرفنده خصوصی قانون لایحه لری قبول ایتدیریمک یاخود بونلره قارشی اعتراضه بولونمق ایچون

[۱] کذا، 6 app.

[۲] کذا، 15 app. نظامنامه داخلی فقراتنه مربوط جدوللره بافکیز .

[۳] خصوصی لایحه لرله وضع قانون اصولانک مصارفاتی^۷ خفنده کی ایستاتستیکلر؛ ۱۸۹۲-۱۸۹۸، 7 p. LXVII, 1900, Com. Pap.

صرف ايتدكلرى مبالغك يگون عمومىسى ۱,۳۹۶,۴۰۷ انگليز ليراسنه بالغ اولمشدر . خصوصى شرکتر عینی مقصد ایچون ۲,۸۰۶,۸۱۳ لیرا صرف ایتدیلر . بوکا موقت نظامنامه لره تخصیص ایدیلن بالنسبه دهآ از مصارف ایله لیانلر و دوقلر اداره سی طرفندن صرف اولونان مبالغ ده علاوه اولونورسه خصوصى قانونلر وضعی اصولنك ایجاب ایتدیكى مصارف یگون عمومىسى ۴,۴۹۶,۳۸۴ لیرایی بولور [۱] . بوگونكى اصول موقع مرعیتده قالدجه اعتراضه اوغرایان لایحه قانونیه لرك مصارفنی پارلمنتو جدی صورتده تنزیل ایده مز . اعتراضه اوغرامایان قانون لایحه لری ایچون بویله اولماقله برابر ، ادا اولوندیغنه کوره ، خرچلرك یوکسك اولماسی برحسن نیت دلیلی مقامنه کچور و امتیازلر حقنده خصوصى سپه کولاسیون یاپیلماسنه مانع اولور .

سیستمه مك ایکنجی برقصوری خلقك منافعه کافی درجدهده منفعت اهمیت عطف ایدیله مسنده در . ۱۸۶۵ تاریخنده برطاقم مدققلر، عمومیه نك اعمالی بعض قسمی تأمیناتلر استثنا ایدیلرسه ، بوجنس قانونلرك خلقه مفید اولما دقلرینی سویله مشاردی [۲] .

فی الحقیقه ، خصوصى لوايح قانونیه انجمنلری بالخاصه بر

[۱] کذا ، ۱۶۷ ، صحیفه ، ۶۶ . اولکی سنه لرك ایستاتستیکلرینه

باقکرن . Com. Pap. 1892. LXIII, 151 .

[۲] قلیفورد : ۲ نجی جلد ، ۸۰۰ .

منافع منازعه سی حقنده حکم ویرمکه مشغول اولورلر . یالکز
منفعت عمومیه نامنه مدعیانده بولوناجق بر و طنداش ایچون
بویله بر دعواده لوقوس ستاندی یوقدر [۱] . بوندن باشقه بو
انجمنلر ثابت و مقرر مأمورینی بولونمایان بر محکمه درلر . قرارلری
مشکو کدر . مقررانک ماهیتی بیله ثابت بر تعامل عدلی تأسسینی
مشکل قیلار . فعلیاندۀ ، برطاقم کیمسه لری خصوصی بر قانون
لایحه سنک تهله کسنی کوزه آلمغه سوق ایدن شی ایشته بو
مشکو کیقدر . بونلر عینی ایش ایچون بردائرة رسمیه دن موقت
بر نظامنامه استحصاله قیام ایتمکدن ایسه لایحه قانونیه شکافی
ترجیح ایدرلر . چونکه بردائرة رسمیه معین بر سیاست تعقیب
ایده رک بوسیله قی تطبیق ایتمکه چالیشیر و بوده بعض متشبشارک
استحصاله چالیشدقلری صلاحیت ایله غیر قابل تألیف بولونور .
انجمنلر بعضاً ، احداث ایده جکلری مثلاً استقبالیده کی تأثیراتی
دوشونمۀ دن ، یکی و استثنائی صلاحیتلر بخش ایتمکه میالدرلر .
بارو مجلسلری حقنده ایشته بویله اولدی . ۱۹۰۰ ده تشبثات
بلدیۀ انجمنده بویوزدن پک شدتلی شکایات درمیان ایدیلدی .
مع مافیه مطرد بر خط حرکت تأمین و محافظه ایتک ایچون
آز چوق مؤثر بعض چاره لر واردر . بونلرک برنجیسی انجمنلره

نظامنامه داخلی
ققراتنک تأثیراتی

[۱] دوائر رسمیه طرفدن موقت نظامنامه لر یا مق ایچون محملارنده
اجرا یلن تحقیقاتلرده اوقضا سکینه سنک کافه سی ، بعض احوالده ،
بیان فکرم و مطالعه ایتک حقنه مالکدرلر . Macassey: Private Bills
and Provisional Orders, 388, 418

معین بر خط حرکت تعیین ایدن و بعض نوع قانون لایحه لرینه
معین بعض احکامک درجی مجبوری قیلان نظامنامه داخلی
فقراتیدر. فقط بو پک ایلری به کیده میور .

برده، جنس جنس ماده قانونلری Clauses Acts واردرکه،
تعلق ایتدکلری خصوصاته دائر یاپیلان خصوصی قانون لایحه لرینک
ایچنه بوماده لر قیدایدیلرلر، فقط علاوه لرله یاخود بعض تشبثات
ایله. كذلك نمونه لایحه قانونیه لرده واردرکه انجمنلر طرفندن
رأیت ایدیلرک برر نمونه اولمق اوزره کمال اعتنا ایله حاضر-
لانمشدر. مع مافیه انجمنلر چوق کره بونلره رأیته مجبور
دکلدرلر. فقط بوتون بونلر معین بر جنسدن قانونلرده،
غنغوی فکرلری تعقیب صورتیه اطراد تأمیننه ساعیدرلر.
بونلر یکی یاخود استثنائی صلاحیتلر طلب ایدن عرخیالر موضوع
بحث اولدینی زمان همان هیچ بر فائده تأمین ایده مزلر. مع مافیه،
اوزمان هیچ بر قوت و نترول یوقدر دیمک ایسته میورز. ضابطه یاخود
حفظ الصحه مسئله لرینه تماس ایدن لایحه قانونیه لر ضابطه
و حفظ الصحه انجمنه حواله ایدیلرلر. عوام قماراسی بوانجمنی
بو مسئله ده دائمی و مطرد بر تعامل عدلی تأمین وادامه ایتک
مقصدیه تأسیس ایتمشدر. بو خصوصده انجمنک بویوک خدمتی
کورولیور [۱]. فقط بو آنجق محدود بر صنف قوانینه قابل
تطبیقدر.

یکانه عمومی قونترولی دوائر رسمیه ایله پارلمنتونک مأمورلری ایفا ایدرلر . بوتون خصوصی قانون لایحه لرینک بر ویا متعدد نظارتلره تبلیغ ایدیلک لازم کلدیکنی ، بو دائرلرک بو بایده مضبطه تنظیمه حقاری اولدیغنی ، حتی بعضاً بوکامجبور بولونقلرینی یوقاریده سوبله مشدک . بومضبطه لر خصوصی قانون لایحه لری انجمنلرینه کوندربیلر . انجمنلر ، قامارایه خطاباً قلمه آلدقلری مضبطه لرده بونلرک وصایاسندن بحثه مجبوردرلر . بناءً علیه ، دائره لرک تکلیفلری تماماً اھمال ایدیله مز . فقط دوائرک بووصایایی مطلقاً قبول ایتدیرمکه اقتدارلری یوقدر . داخلیه نظارتی طرفندن ضابطه و حفظ الصحه لایحه لری انجمنده دائماً بر مأمور بولو . ندیریلیر [۱] . فقط بومأموری باشقه انجمنلرک نادراآچاغیریلر [۲] صورت عمومی ده دنیله بیلیرک بر دائره نک انجمنلرله مناسبتی ، مضبطه سنی تحریراً تبلیغ ایتمه سینه انحصار ایدر . باشقه دورلو مناسبت بر استثنای وجوده کتیریر [۳] . بوندن باشقه ، یکی اصول وعادت مسئله لرده دوائر رسمیه انجمنلرک حرکاتنه رهبراولاجق

[۱] تشبثات بلدییه انجمننک مضبطه سی . کذا ، Q. 987 خصوصی ایشلر انجمننک مضبطه سی . کذا ، ۱۹۰۲ ، VII ، ۳۲۱ ، مسئله ۲۳۶۸ ، ۲۳۶۹ ، ۲۴۰۳ ، ۲۴۰۴ .

[۲] خصوصی ایشلر انجمننک مضبطه سی . کذا ، 1902, VII, 321 ، Q. 2378, 2401, 2402 .

[۳] تشبثات بلدییه انجمننک مضبطه سی . کذا ، 1900, VII, 183 ، Q. 233 - 34

طرق و وسائط
انجمنی رئیس

یرده بالعکس انجمنلرک حرکاتی تعقیب ایتمکه میال کورونیورلر [۱].
پارلمنتو قامارالینک مأمورلری دهها مؤثر بر نفوذ اجرا
ایدرلر . عوام قاماراسنک نظامنامه داخلیسی فقرانه نظراً ،
بوتون خصوصی قانون لایحه لری ، کرک بر انجمن طرفندن
تدقیق ایدیلنه دن اول کرک کندیلرنده تعدیلات اجرا سندن
صوکره طرق و وسائط انجمنک رئیسنه تقدیم ایدیلک لازمدر [۲].
اعتراضه اوغرامامش لایحه قانونیه لر انجمنک جلسه سنده بو
ذات ، چوق کره لایحه طرفدارلرینک آدمندن فلان ماده نک
طینی یاخود فلان طرزده بر ماده علاوه سنی طلب ایدر [۳] .
بعضاً ، استثنائی بعض احکام حقنده ، خصوصی قانون لایحه لری
انجمنلرندن برینک رئیسنک نظر دقتی جلب ایلر . فقط ، خصوصی
قانون لایحه لرنده عمومی بر اطراد تأمیننه چالیشمائی کندی وظائفی
جمله سندن عدا یتمز [۴] . ذاتاً فعلیاتده ، اودر جهده مشغولدر که
قانون لایحه لرندن آنجق پک آزینی شخصاً تدقیق ایده بیلیر [۵].
بر رئیس وکیلی تعیینی بو خصوصده پک ابی اولمشدر [۶] . فقط

[۱] کذا ، Q. 3, 103, 145, 1063

S. O. P. B. [۲]

[۳] خصوصی ایشلر انجمنک مضبوطه سی . کذا ، 1902, VII,

304 - 305, Q. 321, ۸۰

[۴] کذا ، Q. 391 - 394

[۵] کذا ، Q. 2327

[۶] کذا ، Q. 85 - 87

تدقیق ایشنی بالخاصه مجلس رئیسینک مشاوری یاپار. او، بوتون قانون لایحه لرینی اوقور، دوائر رسمیه نك مضبطه لرینی نظر دقده طوتارق لایحه لری کال اعتنا ایله تحلیل ایدر، تکلیف ایتدیکی تعدیلات حقنده مأمورلرله مذاکره ده بولونور، ایجاب ایدن بوتون نقطه لرده طرق و وسائط انجمنی رئیسینک نظر دقتنی جلب ایلر [۱]. بعضاً، خصوصی قانون لایحه لری انجمنلرندن برینک رئیس کندیسنک رأینی آلیر [۲]. وقتیه، اجر تلی اهل خبره حائر اولایینی تجربه دن دولایی انجمنلر اوزرنده بدرجه یه قدر حائر تأثیر ونفوذ اولوردی [۳].

رئیس لورد

فقط بو خصوصده پارلمنتونک اک مهم مأموری لوردلر قاماراسنده انجمنلر رئیس Chairman of Committees درکه کندیسنه رئیس لورد Lord Chairman دیرلر. رسمی ایشلرله عوام قاماراسنده کی رفیقی قدر مشغول اولمادیغندن خصوصی قانون لایحه لرینک تدقیقه ده افضله بر زمان تخصیص ایده بیلیر. بوتون قانون لایحه لرینی کوزدن کچیریر. حتی، عوام قاماراسنه تودیع ایدیلنلری عوام قاماراسی رئیسینک مشاورندن اول

[۱] خصوصی قانون لایحه لری تنظیمی حقنده کی انجمنک مضبطه سی.

کذا، 1888, XVI, 1 ; Q. 340 - 42

[۲] کذا، Q. 348 تشبثات بلدییه انجمنک مضبطه سی، کذا

1900, VII, 183, Q 545

[۳] تشبثات بلدییه انجمنی مضبطه سی. کذا، Q. 2372, 2393

کورور [۱]. طرق و وسائط انجمنی رئیس دوائر رسمیه ایلہ دائمی صورتہ مناسبہ در [۲]. قاعدہ عمومیه اولارق، خصوصی قانون لایحہ لری انجمنلری اوزرنده دوغرودن دوغریه اجرای تاثیر ایتمز [۳]. فقط لایحہ صاحبلری ایلہ یاخود اونلرک آدملری ایلہ مذا کرانده بولونورو اونلره اجراسنی توصیه ایتدیکی تعدیلات حقنده ایضاحات ویریر. لایحہ نک صاحبلری، علی العاده، اونک فکرنی قبول ایدرلر. حتی، فعلیاتده یابونی قبوله یاخود لایحہ لرینی کری آلمغه مجبوردرلر. چونکه لوردلر قماراسنده خصوصی قانون لایحہ لرینک ایکنجی و اوچنجی قرائت تکلیفلری دائما رئیس لوردن صادر اولور. وصایاسنه رعایت ایدیلزسه رئیس لورد اونلرک قرائتنی تکلیفدن استنکاف ایدہ بیلیر. بالطبع لوردلردن دیگر بری بو تکلیفی کندی حسابنه یابابیلیر و لایحہ قانونیه یی قبول ایتدیرمه سی ممکن اولور. فقط بویله بر شینک یالکنز بر کره واقع اولدینی تخطر ایدیلکده در [۴]. رئیس لورد، موقت نظامنامه لری دها اوستون کوری صورتہ تدقیق ایدر.

[۱] خصوصی ایشلر انجمنی مضبطه سی، کذا. 1902, VII, 321.

Q. 548

[۲] تشبثات بلدیہ انجمنی مضبطه سی، کذا، 1900, VII, 183,

Q. 3915

[۳] کذا، 290, 291, 3923, 3924 Q.

[۴] کذا 284, 285, 390, 3912, 3920, 3922 Q.؛ خصوصی ایشلر

انجمننک مضبطه سی. کذا، 1902, VII, 32, 1, Q. 77-80, 214,

ایچلرنده داعی شهبه احکام وارسه ، علاقه دارلره مراجعتدن
زیاده اونلری یاپمش اولان رسمی دواثر ایله مذاکراتده
بولونور [۱] .

رئیس لوردك تصادف ایتدیكى اك بویوك مانعه لر ، « تقریر
ایتمش ماده لر » agreed clauses دنیلن شیلردن کلیر . بونلر
برطاقم احکامدرکه لایحه قانونیه صاحبلى ایله مخالفلىر بیتمده
متفق فیهدر . بوماده لر ، اکثر احوالده ، خصوصی قانون
لایحه لری انجمنلری طرفندن بلاتدیق قبول اولونورلر . رئیس
لورد ، منفعت عمومیه یه مغایر اولدقلرینه حکم ایدجك اولورسه
اونلری برطرف ایتمکه جالی شیر . فقط بو هر زمان قولای
برشی دکلدر . چونکه ، بوماده لر یوزندن باشقه ماده لر تکلیف
ایتمه مکه یاخود بعض ماده لره اعتراض ایتمه مکه رضا کوسترمش
اولان طرفیندن برینی اضرار ایدجك حقسزلق یاپمش اولور .
بوندن باشقه ، بوماده لر لایحه قانونیه دن چیقارلسه لر بيله
فعلیاتده حکملرینی محافظه ایدیه ییلرلر . چونکه علاقه دارلر ،
چوق کره ، بونلره رعایتی بر ناموس وجیهه سی تلقی ایلرلر .
تشبثات بلدیده [۲] یاخود شرکتلر یاخود رسمی مأمورین طرفندن
خدمات عمومیه یه حائد لوازمك تدارکی مسئله سنده بونقطه غایت

[۱] تشبثات بلدییه حقنده کی انجمن مضبطه سی . کذا ، ۱۹۰۰

VII, 183, Q. 454, 455, 3917, 3918

[۲] کذا ، Q. 298, 341-344, 347, 3930-3941

مهمدر. آشاغیده بونی ایضاح ایدرکن بحثه عودت ایده جکز .
 خصوصی قانون لایحه لرینی قانون حالته افراغ ایدرکن منفعت
 عمومیه نك محافظه سی نك برکشی به مودوع اولدیفنی کورمک
 حقیقه غریبدر . حالبوکه بو ذاتک هیچ بر صفت تمثیلیه سی
 اولمادیفی کبی خلق قارشیدسنده بر مسئولیتی ده یوقدر . ارث
 اساس اوزرینه استناد ایدن بر مجلسک اعضاسنددر . فعلیاتده
 بو وظیفه یی جانتک ایسته دیکی مدتجه ایفا ایدر .

سیسته مک
 فائده لری

انکلیزلرک خصوصی قانون لایحه لری سیسته می برطاقم
 محاذیری حائز ایسه سیسته مک محسناتی بونلری بول بول تلافی
 ایتمکده در . بوکون تمثیلی مجلسلردن قسم اعضمنک دردی
 مبعوثلرک کندی یرلرینک و کندی منتخبلرینک منافی ایله
 مشغول اولمغه تمایل کوسترمه لیدر . واضع قانونلری سائر
 هرشیدن زیاده کوزدن دوشورن سبب بودر . بو حال مبعوثلری
 منفعت عمومیه ایله اشغال ایتمکدن زیاده قارماقایشیق برطاقم
 منافع خصوصیه پیشنده دولاشیر کیمسه لرکی کوسترمکده در [۱] .
 آمریقادا بوس boss وجوده کلمه سی بو سایه ده قابل اولمشدر .
 بوس لر ، خصوصی قانون لایحه لری سمسارلنی یابارق استفاده

[۱] Atlantic Monthly مجموعه سنک ۱۸۹۷ سنه سی مارت نسخه -

سنده ، LXXIX ، صحیفه ۳۶۶-۳۷۷ فرانسیس لوه لاک بر مقاله سنه
 باقکز . وسط درجه ده ایی بر مجلس مبعوثانک ، غایت ایی بر شاهد
 موقعنده بولونان بر مبعوث طرفندن بو نقطه نظرندن یابلمش اعتنالی
 بر تدقیق نامه سیدر .

ایتمکده درلر . انکلیز سیسته منک اساسلی نقطه سی خصوصی و محلی قانون لایحه لری حقنדה هر دورلو سیاسی مذاکرانی برطرف ایدرک پارلمنتونک دقتی مسائل عمومییه اوزرنده طوبلامقده در . هیئت وکیللر قانون و اداره خصوصاتنده عمومی خدمت لرینک حالنه کوره یرلرنده قالیر ویا دوشرلر . قوتلی بر شرکتک مطالباتنه مقاومت ایدرک فلان مبعوثی ویا بر بارو مجلسنک آرزوسنی اسعاف ایتمه یرک فلان مبعوثی دلکیر ایتدکلرندن دولایی سقوط ایتزلر .

مجلسک انجمنلره
مظاهرات
کوسترمسینه
تابعدر

اگر پارلمنتو ، خصوصی قانون لایحه لری ایچون باشلیجه بیطرف کوچوک انجمنلره ایشی براتسه و اونلرک ویردکلری قرارلری تعقیب ایتمه ایدی بووضعیه امکان کوروله مزدی . اکر بویله اولماسه ایدی - سائر مجلس مبعوثانلرک چوغنده اولامازدی ده - بر لایحه قانونیه نک هم طرفدار هم علیه دارلری انجمنلرک مقرراتنه مجلسده مانع اولمغه یا خود اونلری دیکشدرتمک چالیشیرلر و مبعوثلرک رایلرینی جلبه اوغراشیرلردی . ناصل که بعضاً بویله اولمش وپک شدتلی اعتراضات دعوت ایتشدر . احتمالکه بو صوک سنه لرده اک کوزه چاربان وقعه دورهامده وغال الکاسنک جنوبنده الکتریک استحصال ایتک تکلیفنده بولونان شرکتلر حقنדה کی قانون لایحه لری اولمشدر . بو تکلیفلره منفعت عمومییه و منفعت محلیه نامنه مخالفت ایدیلدی . بلدییه ایشلری جمعیتک قوتلی نفوذ و تأثیری سایه سنده ۱۸۹۹ ده

بو پروژہ لر عوام قاماراسی طرفندن رد اولوندی . فقط خالق
 حسیاتی غلیانه کلدی . ۱۹۱۱ ده ایکی پروژده قبول ایدیلدی .
 پارلمنتونک ، خصوصی قانون لایحه لرلی انجمنلری طرفندن
 اتخاذ ایدیان مقرراتی تعدیل ایده بیللمک حقنه مالک اولماسی
 طبیعی و ضروریدر . فقط سیستمک دوام اید بیللمه سی بوتعدیل
 و تصحیح کیفیتک صیق و صیق وقوعه کلمه مسنه وابسته در .
 بوندن دولاییدر که انجمنلرک مطالعاتی تعدیل جهتنه دوغرو
 بر تمایل موجود اولوب اولمادیغی مسئله سی مهم برحس علاقہ تولید
 ایدر . طوبلانیان آز مقدارده ایستاتستیکلر ایکنجی و اوچنجی
 قراستلرده اعتراضه اوغرایان لایحه قانونیه لرک و انجمنلره بعض
 وصایای متضمن تقررلرک عددی خفیف نسبتده آرتدیغی [۱]
 کوستریور . کذلک قامارانک بو مسائلی مذاکره ایچون
 تخصیص ایتدیکی زمانده برآز چوغالمشدر [۲] . خصوصی
 قانون لایحه لرلی ایله یاقیندن مشغول اولانلرک فکولرینه کوره

[۱] ۱۸۹۱ دن ۱۸۹۵ ه قدر بش سنه ده ، ایکنجی قراشته
 مخالفته اوغرایان لایحه قانونیه لرک مقدار وسطیمی سنوی ۱۷۳/۵ در .
 ۱۸۹۷-۱۹۰۱ سنه لرنده سنوی ۳۲ یه چیمشدر . خصوصی ایشلر

انجمننک مضبطه سی . Com. Pap. 1902, VII, 321, Q. 218

[۲] کذا ، 2 app. . فقط بو دوره لرک قیصه اولدیغندن
 قطعیتله برشی سوبله نه من . مخالفت آنجق یوزده ۹،۸ نسبتنده موفق
 اولش کی کورونیور . کذا ، Q. 219, 220 .

انجمنلرک مقرر اتی تعدیل عادتی بر قاچ سنه دن بری توسع ایتمدر.
فقط جوق تشکر که بوتزاید اندیشه بخش برنسبتده دکلدر [۱].



[۱] خصوصی قانون وضعی حقنده کی انجمنک مضبطه سنه باقیکر.
Com. Pap. 1888, 1, Q. 346, 347, 487, 488, 553, 1244. تشبثات بلدیبه
انجمنک مضبطه سی، کذا، 519, 523-26, 529, Q. 183, VII, 1900؛
خصوصی ایشلر انجمنک راپوری، کذا، 42, 43, Q. 321, VII, 1902.
محرر، بعض ذوات ایله قونوشورکن تزیاید وقوعنه عمومیتله احتمال
ویریلدیکنی کورمدر.

عوام قلماراسی رئیسک حقوق مشاوری قلماراده مخالفت احتمالی
بولوندیغنی خبر آلبرسه بعضا، برلایحه مک طرفدارلری ایله علمدارلرینی
طارق و وسائط انجمنی رئیس حضورنده مذاکره ایچون طویلایه رق
بومخالفتک اوکنی آلمغه چالیشیر. خصوصی قانون وضعی حقنده کی انجمنک
مضبطه سی، کذا، 346, Q. 1, XVI, 1888.

يکرمی برنجی باب

لوردلر قاماراسی

منشائی قدیم قرالغك اشراف مجلسنه Council of the magnates چیقان لوردلر قاماراسی مرور زمان ایله پك چوق تبدلاته معروض قالمشدر [۱]. ابتدا قرالک بویوک بر مجلس مشورتی ایکن صوکره ایلری کلن و اسال لرینک مجلسی حالنه کلدی. بونلرده مملکتک روحانی و غیر روحانی بویوک اراضی صاحبی ایدیله. نهایت شرف و اعتبارلرینه، مقام حکمدا ریدن صادر اولان بر فرمان سایه سنده مالک اولان ارثی لوردلردن مرکب بر قامارا حالنه منقلب اولدی. بو صفحه لردن هر بری قامارانک تشکلاتنده، وظائفده یا خود اعضالرینک امتیازاتنده کندی ایزلرینی بر اقصا شدور.

ره فورمادن اول، abbots لرله priors لری احتوا ایدن قامارانک تشکلی روحانی اعضالر [۲] لوردلر قاماراسنده غیر روحانی اعضا مقدارینی

[۱] مسئله نك اك ای تاریخچه سی Pike ك Constitutional History

of the House of Lords اثرنده در.

[۲] بونلرک لوردلر قاماراسنده، مالک اولدقلری اراضی یوزندن می

تجاوز ایدرلردی. فقط، مناسترلک الغاسی و پاپاسلغک اورتهدن
قالقماچی نتیجه سنده بو نسبت برعکس اولدی، غیر روحانیلر
غالب کلدیلر. بوکون، قامارا مختلف نوع اعضایی احتوا ایدر.
چونکه اونوتمالیدرکه لوردلر قاماراسنه داخل اولق حقی
بوتون لوردلرده یوقدر. اعضانک کافه سی ده هر خصوصده
لورد دکلدرلر.

ارثی لوردلر اولاً، ارثی مقاملری اشغال ایدن لوردلر واردر. بونلر :
۱۷۰۷ تاریخنده استوجیا ایله برلشمه دن اول احداث ایدیش
انکلتره لوردلری ؛ او تاریخدن صوکره ۱۸۰۱ ده ایرلندا ایله
برلشمیه قسز احداث ایدیش بویوک بریتانیا لوردلری ؛ ودها
صوکره احداث ایدیش متحد قرالیت لوردلری در دوق،
مارکی، قونت، ویقونت، بارون دیه برلرندن آریلرلر.
بونلرک وزوجه لرینک اولادلرینک حق تقدملری بوکی
مسائلدن خوشلانا کیمسه لر ایچون پک شایان مراقدر. مقام
حکمداری، — یعنی دها دوعروسی، موقع اقتدارده کی هیئت
وکیله، — ملکیت ارضیه نک انتقال حقنک میراثه طائد بوتون
قاعدلریله برلکده غیر محدود مقدارده ارثی لوردلر احداث
ایتمک صلاحیتنه مالکدر [۱]. ۳. نجی جورجک تخته جلوسندن

یوقسه موقع روحانیلرندن دولایی می اخذ موقع ایتدکاری مختلف فیهدر.

باقسکز: پایق، ۱۵۱، آنسون، برنجی جلد، ۲۶۳-۲۶۵.

[۱] احتمالکه باشقه صلاحیتلری بیله واردر. آنسون، برنجی

جلد، ۱۹۷-۲۰۰.

صوکره بو صلاحیت بول بول استعمال ایدلمشدر . قامارانک
محموی اولدنی تقریباً آلتی یوز صاندالیه دن، یتیم دوردی مستمن
اولق اوزره، کافه سی بوصفه عاندر . اعضا مقداری آتیرمانک
آرتق یکاه چاردسی بوصفک عددی تریید ایتمکدن عبارتدر .
۱۷۰۷ ده اسقوجیا ایله اتحاد ایدیلدیکی زمان ، اسقوجیا
لوردلری، نفوسه نسبتله انکلیزلردن دهافضله ایدیلر . بوندن
دولاییدرکه بونلرک هپسینی لوردلر قاماراسنه قبول ایده جک
یرده هر پارلمنتونک دوامی مدتجه، کندی صنفلری تمثیل ایتک
اوزره ، ایلرندن اون آلتیسینی انتخاب ایتهلری قرارلاشدی .
یکی اسقوجیا لوردلری احدائی ایچون هیچ برقرار اتحاد
اولومادی . اوصورتده که لوردلقلرک سونمه سی وارنی صاندالیهلرک
متحد قرالیت لوردی یاپیلان اصل اسقوجیا لیره ویریلمه سی
نتیجه سنده [۱] ، لوردلر قاماراسنده بر صاندالیه حق اولمایان
اسقوجیا لوردلرینک عددی یوز آلتیش بشدن اوتوز اوچه

[۱] دهاسکی بر دوردهده ، لوردلر قاماراسی بر اسقوجیا
لوردینک اثری بر بونلرک بریتانیا لوردانی صاندالیه سنه کچمه یه جکهنه
حکم ایتدی . فقط بوقرار مؤخرأ دکیشدیریلدی . باقی ، ۳۶۱-۶۲ .
بوصورتله لورد اولان برذات ، اسقوجیایی تمثیل ایدن لوردلرک انتخابی
ایچون اسقوجیا لوردی صفتیه رأی ویره ییلیر . کذا ، ۳۶۲-۶۳ .
بویله بر لوردلرک احداث ایدیلدیکی زمان ، اسقوجیایی تمثیل ایدن بر
لوردک اووصفی درحال غائب ایدوب ایتیه جکی جای سؤال کورولمشدن .
کذا ، ۳۶۲ ؛ مای ، ۱۳ .

اسقوجیایی
تمثیل ایدن
لوردلر

دوشدی. بر بطن دها کچرسه عددلری، اون آلتی ممثلی انتخاب ایدمهیه جک قدر آزالاجقدر.

ایرلاندای
لوردلری

یوز سنه صوکره ایرالاندایله برلشدیکی زمانده عینی مسئله تحدث ایتشدی. فقط اسقوجیانک مثالنه تماماً تبعیت ایدیلهدی. چونکه، قانون، ایرلاندای لوردلرینک کندی صنفلری میانندن قید حیات شرطیله سکیز ممثل انتخاب ایدم جککرینی تصریح ایتدی. ایرلاندای اصیلزاده لرینی بر حد معین داخلنده ادامه ایچون بعض قرارلر اتخاذا اولوندی. ایرلاندای لوردلرینک مقداری. باشقه جهات استحقاقدن دولایی لوردلر قاماراسنده ارثی بر صاندالییه مالک اولانلر مستتنا اولمق اوزره. یوزه تنزل ایدنجهیه قدر اوچ وفاته مقابل بردن فضله ایرلاندای لوردلنی احداث ایدیلهمزدی. ایرلاندای لوردلرینک مقداری یوز عددینی کچه مز [۱]. ایرلاندای لوردلری ایله اسقوجیا لوردلری آراسنده مهم برفرق دها واردر. اسقوجیا لوردلری عوام قاماراسنه قطعاً کیره مزلر. فقط ایرلاندای لوردلری، ایرلاندانک دکل، فقط بویوک بریتانیانک هر هانکی بر دائرة انتخابیه سنی عوام قاماراسنده تمثیل ایدم بیلیرلر. بوسایه ده درکه ایرلاندای لوردلری، وبالخاصه لورد پالمستون، چوق کره عوام قاماراسنده مبعوثلق ایدم بیلملردر. بناء علیه، ایرلاندای لوردلنی

بردولت آدمی، عوام مجلسنده حیات سیاسیه سنی قیصا لتمان
اصلی شدیره بیلیمک امکاتی تأمین ایله مکه در .

پسپوسلر مناسترلرک الغاسی لوردلر قاماراسندن abbot لری
و priors لری چیقاردی . بوسبیلهر روحانی لوردلر یالکز پسقبو .
سلردن عبارت قالدیله . زمانمزه قدر بوصفت ایله صاندالیه لری
محافظه ایتکده درلر . اسقوجیا ایله برلشمه دوره سنده ،
اسقوجیا روحانیلردن هیچ بری لوردلر قاماراسنه ادخال اولونمادی .
فقط ایرلاندانک رسمی کلیساسی پسقبوسلق اساسنه مستنددی
و پروتستان (آنغلیقان) ایدی . بونک ایچوندرکه ۱۸۰۱ ده
ایرلاندایله اتحاد ایدیلدیکی زمان ، ایرلاندایله پسقبوسلرینه
درت صاندالیه ویریلدی . هربری بر دوره اجتماعیه ائناسنده
بونلری مناوبه ایله اشغال ایدرلردی . ۱۸۶۹ ده ایرلاندایله
کلیساسی « آتابلی » عد ایدیله نیجه ، ممثللری ده پارلمنتودن
چیقیدیلر . انکلین کلیسارؤساسی لوردلر قاماراسنده یکانه روحانی
اعضا اولارق قالدیله [۱] . اوتاریخدن موکره ، کلیسا
ایشلرینه کوستریلن علاقه ، انکلتره ده یکی پسقبوسلقلر احداثه
باعث اولدی . فقط ، روحانی لوردلرک مقدارینی آرتیرق
ایچون ، قانتوربری ، یورق باش پسقبوسلرینک ولوندره ،
دورهام ، وینچستر پسقبوسلرینک دائما لوردلر قاماراسنده بر

[۱] سودور ومان پسقبوسلری برر صاندالیه اشغال ایدرلر سه ده
رأی ویرمزلر .

صاندااليه لری اولاجغنه ، فقط متباقيسی ايچندن يالکيز يکرمی
برينک تعين قدملرينه نظراً اغضالق ايده جکلرينه قرار
ويريلدی [۱] . بناءً عليه بش بويوک صاندااليه استشنا ايديليزسه ،
يسقپوسلر آنجق وظيفه لرنده کی قدملری دولاييسيله لوردلر
قاماراسی اعضاسندن اولاييلرلر . نون قونفور ميست مذهبنه
سالک اولانلر بعضاً بونلری لوردلر قاماراسندن بوتون بوتون
خارج براقغه چاليشمشلردر . فقط غير روحانی لوردلر عددینک
ترايدی حسبيله روحانی لوردلرک اهميتلری آزالديغندن اعضالقلرينک
الغاسی محتمل دکلدو . مکرکه لوردلر قاماراسنی اصلاح ايتمک ياخود
کليساينی آتابلی عدايته مک يولنده کی اصلاحات حرکتی بومقصدي
اهميتله تعقيب ايدور .

قيدحيات
شرطيله اعضالر
لوردلر قاماراسی ، يالکيز تشريعی بر مجلسدن عبارت اولمايوب
انکلتزه آطه لری ايچون الک يوکسک استيناف محکمه سی وظيفه سی ده
کورديکسندن دائما بوروله اويغون کله جک عدلی اقتدار و صلاحيت
صاحبلرينی ده احتوا ايتمه سی لازمدر . اعضايی دائمی صورتده تزيب
ايتمه دن ولوردلق وقار و شرفنی محافظه ايدمه بيله جک ثروته مالک
اولما مالری ممکن بولونان وارثلرک حيات مسلکيه لرینی مشکلاته
اوغراتمادن بو نتيجه يه واصل اولمانک اعلا بر چاره سی بعض
ممتاز حاکملره قيد حيات شرطيله اعضالق ويرمکدن عبارتدر .

بارون
و نسله يدا
مسئله سی

[۱] اليوم لوردلر قاماراسنده اعضا اولمايان اون انکليز
يسقپوسی واردور .

بوسبیدن دولاییدرکه ، ۱۸۵۶ ده ، Exchequer محکمه سنک ممتاز بر حاکمی اولان سرجه یس پارق ، بارون ونسله یدال عنوانه قید حیات شرطیله نائل اولدی . لوردلر قاماراسنده اعضاقل ایله برابر قید حیات شرطیله بر لوردلق احداث ایتمه مقام حکمدارینک صلاحیتی اولوب اولمادیفی مسئله سی اوزون اوزادی یه مناقشه ایدیلدی [۱] . بوسلاحیت وارسه بیله عجباً موقع اعتباردن ساقط برحاله کله مشمیدی ؟ فقط قامارانک برقراری بوشه بهی ازاله ایتدی . قامارا ، بوفرمانلرک پارلمنتویه اعضا اولمق و پارلمنتوده رأی ویرمک حققی بخش ایده میه جکی مطالعه سنده بولوندی . بونک اوزرینه سرجه یس پارق ارثی صورته بارون یاپیلدی . حقوق مشاوری لوردلرک قید حیات شرطیله لوردلر قاماراسی اعضاسی اولملری یکر می سنه تأخره اوغرادی .

نهایت ، قاماراده حقوق شناسلرک عددینی چوغالتمق استیناف لوردلری احتیاجی اوقدر بداعت کسب ایتدی که ۱۸۷۶ ده بر قانون قبول ایدیلدی . بوقانونه نظراً قید حیات شرطیله ایکی ، مؤخرأ درت استیناف لوردی تعیین ایتک دائرة امکانه کیردی [۲] . بونلر ، سائر حاکملر کی عینی شرائط دائرة سنده موقعلرینی

[۱] باقکز : باق ۶۹-۳۷۶ Const. Hist.: Stubbs بشنجی

طبع ، اوچنجی جلد ، ۴۵۴ .

[۲] بونلرک تعیین شرطلرندن بری ایکی سنه یوکسک بر وظیفه عدلیه ایفا یاخود انکاتره ، اسقوجیا یاخود ایرلندا باروسنده اون بش سنه آوقاتلق اجرا ایتمش اولملریدر .

اشغال ایدرلر و سنوی آلتی بیک انکلیز لیراسی معاش آلیرلر .
 ۱۸۸۷ دن صوکره ، عدلی وظیفه لرندن مستقل اولارق ،
 عمرلرینک صوکره قدر قاماراده اعضا اولمق حقنه ده مالکدرلر .
 بو اعضاقلرک احداثده کی غایه لوردلر قاماراسنی بر استیناف
 محکمه سی صفتیه تقویه ایتمکدن عبارتدر . لوردلر قاماراسنی
 پارلمنتونک بر پارچه سی صفتیه اصلاح ایتمک موضوع بحث اولدینی
 زمان ، قید حیات شرطیه اولان اعضاقلرک مقدارینی آرتیرمقده
 ایلری یه سورولمشددر . فقط شیمدی یه قدر بو پروژه لر بر نتیجه یه
 اقراران ایدمه مشرلدر . بونلرک تعقیب ایدیلن غایه یی تأمین ایتمه لری ده
 محقق اولمادیغنی ، تأمین ایتسه لر بیله ماقلا نه بر حرکت اولمایا جقلرینی
 آشاغیده کوره جکزر .

لوردلر قاماراسنک ، توجیه ایدیلن یکی لوردلرک موافق
 اصول و قانون اولوب اولمادیغنه قرار ویرمه حتی اولدینی
 ونسله یدال مسئله سی مناسبتیه سویله مشدک . قامارا ، اسقوچیان
 و ایرلاندا یی تمثیل ایدن لوردلرک انتخابی حقنه قرار ویرمک
 حقنه ده قانوناً مالکدر . مقام حکمداری ایسه ارثی لوردلرک
 وراثت دعوالرینی بالذات حل وفصل ایده بیلیر . فقط بودعوالرکده
 لوردلرک رأینه حواله ایدیلمه سی عادت اولمشددر [۱] .

قامارا ، کندی
 اعضاسنک
 اعضاقله لیاقتی
 حقنه حکم
 ویریر

کوچوکلر ، اجنبیلر ، مفلسلر ، جنایتله متهم کیمسه لر

لوردلغه
 عدم قابلیت

[۱] پایق ۲۸۵-۲۸۷ ؛ آنسون ، برنجی جلد ۲۲۷-۲۸ .

بو وقایع امتیازات انجمننه حواله اولونور .

لوردلر قاماراسنه اعضا اولامازلر [۱] . اون سکزنجی عصرده قامارانک اعضالقدن اخراج حقنده خصوصی قرارلر ویردیکنه دائر مثاللر کورولمشدر. فقط سیاسی نقطه نظردن لوردلغه عدم قابلیتدن دهـا زیاده حائر اهمیت اولان نقطه لوردلر قاماراسی اعضاسندن برینک اعضالقدن واز کچهمه مسیدر . بعضاً ، عوام قاماراسنده تمیز ایتمش اولان بر ذات پدرینک نابموسم صورته وفاتی یوزندن لوردلر قاماراسنه اعضا اولمق مجبوریتده قالیر ، قارا کلک بر عظمت ایچنده یاشار . بو ، پک شایان تأسفدر . چونکه سیاسیاتک اک بویوک مبارزه لرینه میدان تشکیل ایدن مبعوثلغنی صورت قطعیده غائب ایدر . بو ، لوردلر قاماراسنده اخذ موقع ایدمه یین بر اسقوجیا لوردی اولسه ده بویله در . ۱۸۹۵ ده لورد سلبورن ، لوردلر قاماراسی اعضالغه کنديسنک دعوتی متضمن بویورلدی یی طلبدن استتکاف ایدره رک عوام قاماراسنده کی موقعی محافظه یه چالیشدیغی زمان بومسئله اوزون اوزون مناقشه ایدیلدی . فقط عوام قاماراسی بویله برشینک قانونی اولمادیغه قرار ویردی [۲] .

[۱] ۱۸۷۰ قانونی ، قانک بوزولماسی تلفیسنی الفا ایتمشدر . بناءً علیه ، محکومیت ، وارثلرک لوردلقدن محرومیتنی ایجاب ایتز .

[۲] هانسارد ، ۴نجی سه ری ، ۲۲ ، صحیفه ۱۰۵۸ و متعاقب ، ۱۸۷۴ و متعاقب ، ۱۷۲۸ و متعاقب . منحل اعضالقرانجمنک مضبطه سنه

لوردلرک
شخصی
امتیازلری

لوردلر ، عوام قاماراسی اعضاسیله مشترکاً مالک اولدقلری حریت کلام و مصونیت شخصیهدن باشقه شخصی بر طاقم امتیازلردن ده مستفید اولورلر . بونلرک اهمیت سیاسیه سی پک آردر . فقط ، بعضاً ، شخصی بر نقطه نظر دن شایان دقتدرلر . بوامتیازلر قسمماً لوردلرک وقتيله مقام حکمدارینک مساوری اولمالرینک خاطره سی ، قسمماً دره بکلرک ره ژیمنک بر بقیه سی درلر . مثلاً ، امور رسمیه دن بحث ایتک اوزره حکمدارک حضورینه کیره بیلیمک حق بو قیلدندر . ساخته کارلق کبی جرملر ده لوردلردن مرکب محکمه حضورینه چقمقده بو میانده ارائه ایدیله بیلیر [۱] . پارلمنتو حال انعقادده بولوندیغی زمان ، حکمی ، مقام حکمداری طرفندن منصوب Lord High Steward ده ریاست ایتدیکی لوردلر قاماراسی ویریر . پارلمنتو منعقد کلسه محاکمه لورد های ستواردک محکمه سنسده جریان ایدر ، بو محکمه یه بوتون لوردلر دعوت اولونور [۲] . بوامتیاز اسقوجیا و ایرلاندا لوردلرینه ده ، ایستر عوام قاماراسنده اعضالق حقنه مالک اولسونلر ایستراولماسونلر ، شاملدر . قید حیات شرطيله لوردلر قاماراسنده اعضا بولونانلر ، بحق لوردلر قاماراسنه اعضا اولان قادینلر ، بر بورژا ایله ایکنجی دفعه تأهل نتیجه سنده حقلرینی غائب ایتمه مش بولوندلری تقدیرده ،

- [۱] عادی جرملر ارتکاب ایدرلر سه لوردلر حقنده ده ، سائر وطنداشیر کبی علی العاده بر هیئت عدول حکم ویریر .
[۲] بوکون ، محکومیت تقدیرنده برلورد سائر مجرملر کبی عینی جزایه اوغرار .

لوردلر قاماراسی اعضالرينك زوجه لری و طول زوجه لری ده عینی امتیازادن مستفیددرلر . فقط بوا امتیازلر عوام قاراسنده اعضا اولدقلری مدتیجه یسقیوسلره و ایرلاند اولدیرینه شامل دکلدر [۱].

لوردلر قاماراسی هم پارلمنتونك قامارالردن بریدر ، هم بر قامارانك وظائفی محكمه عدالتدر . استیناف محكمه سی صفتیله حائز اولدیغی صلاحیتلری ، انكلتره نك عدلیه سیستمه نك اقسام متبایقه سیله بر لکده دیگر بر باده تعریف ایده جکز . لوردلرک محاکمه سنده کی حق قضای ، عوام قاماراسنك تحت محاکمه یه آلتق یولنده کی قراری اوزرینه اجرا ایتدیکی حق قضا او قدر مهم برشی دکلدر . ناظرلرک مسئولیت سیاسیهرلینك تکاملی ، تحت محاکمه یه آلتق کیفیتنی آرتق بر مأموردن قورتولمق ایچون مزعج و بی لزوم بر چاره حاله دوشوردی . قانون جزانك کیتدکجه ده مؤثر بر حاله کلمه سی ده بر مجرمك تأدیبی ایچون بویله بر حرکتی پک فضلّه کوسترمکه باشلادی . فعلیاتده ، بونك صوک مثالی یوزسنه اول مه لویل دعواسنده کوریپورز . مع مافیه ، بومناستله شوراسنی سوبیله مك اقتضا ایدرکه قامارا ، یالکز محكمه عدالت صفتیله انعقاد ایتدیکی زمان دکل ، حاکم لرک رأی و مطالعه سنه احتیاج حس ایتدیکی کافه احوالده ده حاکم لرک کله لرینی طلب ایتمک حقنه مالکدر .

[۱] پایقک اثرنده مسئله نك عمومی تاریخنه باقکز . ۱۰ و ۱۱ نجی

بابلر . یسقیوسلر ایچون ده عینی اثره باقکز . ۱۵۱-۱۶۸ ، ۱۶۹-۱۹۴ ،

۲۱۹ - ۲۲۳ .

انكلتره نك حاکمیتی : ۲۲

قامارا ، قوه تشریعیه نك اقسامندن بری اولدیغی ایچون هر قانون کندیسنك موافقته لزوم کوستیریر . فعلیاتده ، عوام قاماراسندن دها آز صاحب نفوذ و اقتدار اولقله برابر ، نفوذ و صلاحیتده هانکی نقطه لرده حد چکیلمش اولدیغی صریح صورتده کوسترمك ایچون مالیه ساحه سندن باشقه بر مثال بولوناماز . دها ۱۶۷۱ تاریخنده عوام قاماراسی شوقراری ویرمشدی : « عوام قاماراسنك قرا له ویریلک اوزره قبول ایتدیکی بوتون ویرکولرده ، مکلفیتك مقداری لورد لر طرفدن د کیشدیر یله مز ، [۱] . ۱۶۷۸ ده عوام قاماراسنك اتخا ذ ایتدیکی دیگر بر قراره نظراً تخصیصات اعطاسنه موافقتی تضمن ایدن قانون لایحه لری « ابتدا عوام قاماراسنده مذا کره ایدیلک لازمدر . بو لایحه قانونیه لرده ، مذکور ویرکولرک غایه لرینی ، موضوع لرینی ، حکمت وجود لرینی ، شرط لرینی ، و صف لرینی تنظیم ، تحدید و تعیین ایتک حق غیر قابل اعتراض صورتده و منحصر آ عوام قاماراسنه عائددر . لور لر قاماراسی بونلری هیچ بروجله تعدیل و تغیر ایده مز ، [۲] . عوام قاماراسی اوتاریخندن بری بو پرئسیدلری تطبیق ایتمش ، لورد لرک ، ایچنه مالیه احکامی علاوه ایتمش و یا ایچنده مالیه احکامنی د کیشدیر مش اولدقلری قانون لایحه لرینی تدقیقدن امتناع کوستره رک بو پرئسیدلری محافظه

وادامه ایله مشدر. لوردلر بوا دعای صریح صورتده قبول ایتمه مش
اولمقله برابر فعلیاتده اوکا بویون اکمشلردر [۱].

لوردلر قاماراسی بالطبع هر مالیه قانونتی رد ایده بیلیر .
فقط صوگ یابدینی رد حرکتک تاریخچه سی حد ذاتنده بواقترار
وصلاحیتک غیر مؤثر و غیر مشمر اولدیغنی کوستریور. ۱۸۶۰ ده
هیئت وکیله کاغددن آلان رسومی الغا ایچون بر پروژه تقدیم
ایتدی . چونکه بورسوم اوجوز مطبوعاتک انکشافنه مانع
اولیوردی . لوردلر ، قبول ایدیلش اولان بودجهده بورسومک
الغاسنی تلافی ایده جک صورتده ویر کولرک تزید ایدیلش اولماسنه
رغمآ ، بولایحه قانونیه یی رد ایتدیلر . ایرته سی سنه ، کاغددن
آلان رسومک الغاسی سنوی ویر کولر لایحه قانونیه سی ایچنه
ادخال ایدیلدی وبوصورتله کچیریلدی . بوتون ویر کولری بر
لایحه نک ایچنه طوبلامق عادت اولمشدر. لوردلر ، هیئت عمومیه سی
ایله نه بولایحه یی نه تخصیصاته موافقتی تضمن ایدن بویوک قانونلردن
برینی رده جسارت ایده مدکلرندن لوردلر قاماراسنک هیچ برمالیه
قانونی حقنده تعدیلات یاپامادیغنی ، بوحق استعمال ایده مدیکی
وفعلیاتده هیچ برمالیه قانونتی رد ایده مدیکی پک دوغرو اولارق
ادعا ایدیه بیلیر . بوپرنسیپ یالکز دولتک واردات ومصارفاتنه
دکل ، محلی ویر کولرده قابل تطبیقدر [۲] . فقط مقام حکمدارینک

[۱] مایه باقکز : Const. Hist. : برنجی جلد ، ۸ نجی باب ، ۱۴۴ .

[۲] مای ، Parl. Pra. ، ۵۴۲ .

۱۸۶۰ ده
کاغدرسومی
لایحه قانونیه سی

یا خود کلیسایک وار داتنه نه ده ، شیمدیکی حالده ، خزینه عمومییه
تأدیه سی ایجاب ایتمین جزای نقدیلره و رسومه شامل دکلدر [۱].
عوام قاماراسنک هر هانکی بر قانونی بر مالیه قانونه ربط
ایتمک صورتیه مجلسدن کچیرمک یولنی بولا جفی ظن اولونا بیلیر .
فقط لوردلر چوقدن بری بر نظامنامه داخلی فقره سی قبول ایتمشدر که
بومانورهیه بر مانعه تشکیل ایدر . بوصوک زمانلرده بومانورهیه
تکراره تشبث ایتمه مشلدر [۲] . ذاتاً ، مالیه قانون لایحه لری
حقنمه کی قاعده ، عمومی بر قانونه نسبتله تماماً طاری برشی
قیلندن اولان مالی احکام موضوع بحث اولدینی زمان ، پک
صیقی صورتده تطبیق ایدیلر . لوردلر بوماده یی تماماً اونوتایلیمک
حقنه مالکلدرلر [۳] . بر پروژیه ، اوندن تفریق قابل اولمایه جق
درجه ده صیقی بر حالده قاریشمش بولوندینی زمان ، عوام قاماراسی
حقوقندن واز کچمش ولوردلرک یابدقاری تعدیللری نظر ملاحظه یه
آلغمه موافقت کوستر مشدر [۴] . حتی استلاف پرورلیکده ده ایلری یه
کیتمشدر . چونکه ، کندی امتیازلرینی قبول وتسایم ایتمکه
برابر او امتیازلره رطایتسزک کوسترن بعض طرز حرکتلری
نظر مسامحه ایله کورمشدر . بعضاً لوردلر قاماراسنه مالی احکامی

[۱] کذا ، ۵۴۷ ، ۵۴۹ - ۵۰ .

[۲] کذا ، ۵۵۲ - ۵۳ .

[۳] کذا ، ۵۵۱ - ۵۲ .

[۴] کذا ، ۵۴۴ - ۵۴۶ .

محتوی قانون لایحه لری تودیع ایدیلدیکی واقع اولیور. بوا حکام، اوچنچی قرآنده لایحه دن چیقاریلیور. عوام قاماراسنه تودیع اولونان لایحه ده بوا حکام خصوصی حروف ایله طبع اولونور، آلتلری چیزیلر یاخود معترضه ایچنه آلتیر. بوندن مقصد آرتق اوصیراده لایحه ده داخل اولما دقلرینی کوسترمکدر. فقط انجمنده برتقریر بونلرک اعاده سنی تکلیف ایده جکدر [۱]. بوندن باشقه، عوام قاماراسی، قبول ایتدیکی بر نظامنامه داخلی فقره سنده، مروریه وضع ایده جک یاخود منافع محلیه متعلق خصوصات ایچون حکومات محلیه بر ویر کو قویق حقی ویره جک موقت نظامنامه لرده یاخود خصوصی قانون لایحه لرنده امتیازاتی ایلریه سورهرک اصرار ایتیه جکنی بیان ایتشدیر [۲].

مالیه قانونلری حقنده کی قاعده یالکیز پارلمنتونک حقیقه موقع مناقشه یه قویدینی احکامه شاملدر. لوردلر قاماراسنک بر مذاکره یاخود بر قرارده مسائل مالیه حقنده بیان فکر ومطالعه ایتیه سنه ونخصوص انجمنلر واسطه سیله بوبابده تحقیقات

[۱] عینی مقصدله درکه لوردلر بعضاً بر لایحه قانونیه یاخود بر تعدیل تقریرینه، پروژه لرینک جداً اساسی بر قسمی اولان فلان مواد مالیه نک هیچ برحکمی اولمایه جفته دایر بر ماده علاوه ایدرلر. صوکره، عوام قاماراسی بومنی ماده بی اورادن چیقاریر. می، ۵۴۷-۵۴۹.

[۲] S. O. P. B، ۲۲۶. بر لایحه قانونیه بی مدافعه ایله مکلف مبعوثک ظلی اوزرینه عوام قاماراسنک، مصرانه محافظه ایده بیله جکی بر امتیازدن واز کچدیکی ده واقعدر.

یابماسنه مانع دکلدر [۱] . مثلاً ۱۹۰۳ ده شوغریب منظره کورولدی : لوردلر قاماراسی مستر چبرله ینک ویرکو سیاستی حر بر صورتده مناقشه ایتدیکی حالدۀ عوام قاماراسنده مخالفت عینی شیئی یابه بیلیمک چاره سنی آرایور، فقط موفق اولامایوردی .

لوردلر قامارا-
سنگ مأمورلری قامارا یه لورد شانسلور ریاست ایدر . فعلیاتده ، کندیسنه دائماً لوردلق پایه سی توجیه اولونور . فقط بوکا بهمه حال لزوم یوقدر . فی الحقیقه ، عمومیتله سـویـلندیکنه کوره ، رئیسک اوتوردی قـولـتـوق woolsock قامارانک داخلنده عدایدلنز . احتمال بوندن دولاییدرکه ، سکون وانتظام مسئله لرنده عوام قاماراسی رئیسک حائز اولدیغی صلاحیت کندیسنده یوقدر . حتی لوردلرک سوز صیراسنی بیلۀ تنظیم ایتمز . لوردلردن بر قاجی عینی زمانده آیاغه قالقارلرده سوز صیراسنی بر برلرینه براقق ایسته مزلسه بو صیرایی بالذات قامارا تعین ایدر . حتی بو بایده ایجاب ایدرسه رأی بیلۀ طویلانیز [۲] .

مذاکراتک انتظامی رئیس دکل بالذات لوردلر محافظه ایدرلر . بوندن باشقه ، رأی غالبده مالک دکلدر . وظیفه سی حقنده صوک بر فکر ویره جک دیگر بر نقطه ده لوردلرک کندیسنه توجیه خطاب ایتیه رکه My Lords لره خطابده بولونمالریدر . حاصلی ، لوردلر قاماراسی رئیسک وظیفه سی ، شکل مسئله لرینه

[۱] مای ، ۵۴۱ .

[۲] کذا ، ۲۹۶ ، ۲۹۷ .

انحصار ایدر. حتی بوقت قطعه بیله قامارا اونك مقرراتی تعدیل ایدم بیلیر [۱]. اگر لوردلق پایه سنی احراز ایتشمه ، بالطبع بوصفقه مذاکراته اشتراك ایدم بیلیر. لورد دكلسه مذاکراته اشتراك ایدم مز . غیبوتی انناسنده ، یرینی مقام حکمداری طرفندن منصوب رئیس وکیللرندن بری اشغال ایدر. بونلردن بری ده یوق ایسه قامارا موقت بررئیس تعیین ایلر [۲].

قامارانك دیگر ایلری کلن مأمورلری شونلردر : بالذات مجلس طرفندن منتخب انجمنلر رئیس لورد که هیئت عمومیه انجمنه ریاست ایدر. و، یوقاریده کورولدیکی اوزره، خصوصی قانون لایحه لرینك قانونیت کسب ایتهمی کیفیتده بویوک بر دول اجرا ایلر ؛ پارلمنتورل قلرق Clerk ی که قامارانك ضبط کاتبی خدمتی کورور ؛ سیاه باستون شووالیه سی Gentleman Usher of the Black Rod که بویوک مراسمه قامارانك تشریفاتخیلغنی یاپار ؛ ضابطه مأموری Sergeant - at - Arms . بو صوك اوچ ذاتی مقام حکمداری تعیین ایتکده در .

قامارانك نصاب اکثریتی پك بی معنا صورته اوچ اعضا نصاب اکثریت

[۱] کذا ، ۱۸۶ ، ۳۰۷ .

[۲] بویوک مهورك محافظی اولان لورده لورد شانسلور کبی عینی صورته ریاست حقنه مالکدر. مهور بر قومیسونه تودیع اولوندی زمان ، مقام حکمداری بر رئیس لورد Lord Speaker تعیین ایدر .
مای ، ۱۸۴-۱۸۶ .

اولارق قبول ایدیلشدر . فقط بوکا آلدانمامالیدر . چونکه ،
برقانون لایحه سنك صفحات مذا کرد سنك كافه سنكده مؤثر بر
رأی طوپالانه بیلمك ایچون اوتوز لوردك حاضر بولونماسنه لزوم
وارددر . وقیله قامارا ناموجود اعضالرینه بر جزای نقدی تحمیل
ایدردی . بومادت آرتق قالمشدر . بالوکاله رأی ویرمك حقیده
زائل اولمشدر . بونی ۱۸۶۸ ده بر نظامنامه داخلی فقره سی
الغا ایتدی [۱] .

اصول مذاکره قانون وضعنده تعقیب ایدیلن اصول ، عوام قاماراسنده کی
اصوله بکزه در . ایکی قرائت وارددر . صوکره هیئت عمومیه
انجمنی طوپالانیر . بونی اوچنجی قرائت تعقیب ایدر . بر اعضا سنك ،
هیئت عمومیه انجمنی مستشنا اولق اوزره ، عینی موضوعه دائر
بردفعه دن فضله لاقیردی سویله مسنه مساعده ایتمین قاعده ده
تطبیق اولونمقده در . عوام قاماراسنه نسبتله اک اساسلی فرق ،
یاقین بردوره ده قبول ایدیلش بر قاعده در که بوکا نظراً بر لایحه
قانونیه انجمن مرحله سنكدن صوکره مضبطه دن اول ، انتخاب
انجمنی طرفندن منتخب دائمی بر انجمنه کوندریلیر [۲] . بو ،
پارلمنتودن کچرکن ماهیتی تغیر وتبديل ایدیلن بر لایحه قانونیه یی
یکی باشدن تنظیمه خدمت ایدر . مع مافیله ، فعلیاتده ، دائمی بر

[۱] بوقاعده نك تعطیلی تکلیف ایدن بر تقریر و بریله جکی زمان
ایکی کون اولندن کیفیتی اخبار ایتك لازمدر . مای ، ۳۵۰ ، ۳۵۱ .

[۲] مای ، ۳۷۶ ، ۳۷۷ .

انجمنه حواله کيفيتي ، على العاده ، اھمال ايديليور . چونکہ لوردلر ، کندی قامارالينك خصوصى بر قرارى ايله اصول مذاکره قیصاत्मق اعتیادنده درلر . انجمن مرحله سی اکثریا بوتون بوتون قالدریلیر . مالیه قانونلرنده ایسه بو مرحله هر زمان برطرف ایدیلمکده در . حتی تخصیصات قانونلری حقنده نادراً مذاکره جریان ایدر . بوتون مرحله لک تک بر کون ایچنده قطع ایدیلمه سی استثنائی بر حال دکدر .

لوردلر منتخبلرینی دوشونمکه مجبور دکدرلر . بناءً عليه لوردلر قاماراسنده مبعوثانده اولدیغی قدر ، سوز سویله مک هوسلیسی اعضا یوقدر . بوندن باشقه ، زمانلرینک قسم اعظانی تخصیصاتلره و بودجه یه تخصیص ایتمک مجبوریتینده حس ایتزلر . قامارالری بویوک سیاسی مبارزات میدانی اولمادیغی ایچون ، مخالفت اوراده هر آیدمه مقاومت کوسـترمز . بناءً عليه ، لوردلر ایشلرینی راحت راحت کوزه بیلیرلر . عوام قاماراسنده اولدیغی کبی اولنلکده انجمن مخصوصلری ، دوره اجتماعیه یه مخصوص انجمنلری وارددر . فقط هر لایحه قانونیه یی هیئت عمومیه انجمنی حالنده تدقیق ایچون وقتلری بولوندیغندن ، زمان قازانمق ایچون مسائل حقوقیه و تجاریه انجمن دائمیلری کبی وسائطه مراجعت ایتمکه احتیاجلری یوقدر . عینی سبیدن دولای ، کذلک قصدی براوبسترو کسیونه تمایل موجود اولمادیغندن دولای ، مذاکراتی قیصه کسمک اوزره کفایت مذاکره قرارى ویرمکده احتیاج

لوردلرک وقتى
چوقدر

کورمز لر. بویه بر اصول لورد لر قاماراسنده وضع اولونما مشدر. جلسه لری قیصه در. چارشنبه و جمعه ایرته سی کونلری نادراً طوبلانیرلر. دیگر کونلر علی العاده ساعت دوت بوچوقده جلسه یی آچارلر ونادراً یمکدن صوکره یه قدر قالیرلر.

دیگر طرفدن، ناظرلرک مقدراتی اونلرک ویره جکلری قرارلره تابع اولماماسی کیفیتی، کندیلرینه عوام قاماراسنده کندن فضله بر سر بستۂ حرکت بخش ایدر. لورد لر قاماراسنده، نایموسم یاخود ملاحظه سزجه بر طاقم تقریرلر ویریله سنک اوکنه کچمکی دوشونمک مجبوریتی یوقدر. حقیقی بر عدم اعتماد تضمن ایتمه مکله برابر حکومتی مشکلاته دوشوره بیله جک صورته رأی ویریله سنه مانع اولمق احتیاجی ده حس ایدیلز. بوندن دولاییدرکه ویریله بیله جک تقریرلر قیدآلته آلمانما مشدر. یالکز اولجه بونلری اخبار ایتک مجبوریتی واردر [۱]. بر ناظره ایراد ایدیلن هر سؤال اوزرینه برمذا کره جریان ایده بیلیر. مع مافیه سؤال ایراد ایدیله جکی روزنامه لرده اولجه اخبار ایدیلش اولمق شرطدر [۲].

فعلیتلری
قاعده لرک آز
اشکال ایدرلر

[۱] مای، ۲۰۴، ۲۰۵.

[۲] کذا، ۵۰۶.

يکرمی ايکنجی باب

قايينه ولوردلر قاماراسی

۱۸۳۲ ده کی اصلاحات قانونی Reform Act ، مندرس اولمش بارولری الغا ایتک ویکی صنایع مرکز لینه مبعوثلر چیقارمق حقنی ویرمک صورتیله لوردلر قاماراسنک وضعیتمنده بویوک برتحول حصوله کتیردی . بوقانون لوردلر قاماراسنک صلاحیتلرینی آزالتمش دکلدر . چونکه بویوک عصیان زمانندن بری لوردلر ، بر مجلس تشریعی صفتیله بویوک برنفوذ و صلاحیتیه مالک بولونمایورلودی . قانون ، عوام قاماراسنک ترکبنده ایکی مجلسک منازعه ایتمه سنه قانی آچاقق برتحول یاپیوردی . بواصلاحاتندن اول ، لوردلرایله مبعوثلرک صورت عمومیهده بربرلریله آکلاشمالری هرایکی طرفکده اراضیه صاحب براصالت هیئتک تحت حکمنده بولونمالرندن ایلری کلیوردی . بواصالت عالمنده هائله رئیسلری لوردلر قاماراسنده اعضا ایدیلر . شبهه سزکه ۱۸۳۲ قانونندن صوکردهده بوغنصر عوام قاماراسنده یینه حائز قوت اولارق قالدی . فقط آرتق حاکم وغالب موقعنده دکلدی . حائز اولدینی نفوذ و اعتباری خلقجیلق استقامتمنده استعماله مجبور اولدی . اوصورتده که ایکی قامارا عینی روحک تحت حکم و تاثیرنده

۱۸۳۲ اصله

حات قانوننک

نتیجه لری

قالمقدن چیقیدیلر . اصلاحات قانونی بونیجهنی تولید ایتمکه ، ارثی بر مجلسک ، اعضالرنده کی شخصی نفوذ و تأثیر نه قدر بویوک اولورسه اولسون ، ۱۹ نجی عصر انکلتزه سنده تمثیلی بر مجلس ایله نفوذ و اعتبار مسابقه سنه کیریشه مه یه جکی کیفیتنه نظر دقتی جلب ایتدی . لوردلر قاماراسنک مهم مسئله لرده عوام قاماراسندن آیری افکار و مطالعات بسله یه بیله جکی و بوتقدیرده ، ملتک ، تمثیلی مجلس طرفندن افاده ایدیلدیکی شکنده ، دواملی آرزوسی غلبه چالمق لازم کله جکی بداهت مرتبه سنه واردی .

مؤخر آلوردلرک نفوذ و صلاحیتی نه اولدی

لوردلر قاماراسنک ، عوام قاماراسی طرفندن امر ایدیله سی تنسیب اولونا جق هر شیئه رضا کو سترمه سی لازم کلدیکنی ، آرا به نك بشنجی تکرار کی حاله دوشدیکنی سوبله مک ایسته میورزه بالعکس ، ایکنجی درجه اهمیتده کی مسئله لرده یا خود عوام قاماراسنک پک قطعی بر فکر بسله مدیکی مسئله لرده لوردلر کندی فکر و مطالعه لرینه کوره حرکت ایتدیلر . بویوزدن ایکی مجلس آراسنده مهم بر کر کینلک حصوله کلدی . مثلاً ، ۱۸۶۰ ده کاغد رسومی الغا ایدن قانون لایحه سنی رد ایتدیلر . ۱۸۷۱ ده اردوده رتبه لرک اشترا سنی الغا ایتمه بی تصویب دن استنکاف کو ستر دیلر . ۱۸۸۰ ده ایرلان داده یرلرندن چیقاریلان مستأجر لره تضمینات و یریله سی لایحه سنه شدتله مخالفتده بولوندیلر . بوتون بو وقایعه ده نهایت عوام قاماراسنک سیاستی غلبه چالدی . لوردلر ، بومسئله لرده تعقیب ایتدکلری خط حرکتک پک ایلری یه واردیرلما ماسی ایجاب

ایده جک برشی اولدیغنی تسلیم ایتدیلر. دواملی برافکار عمومیه قارشیمسند نهایت الامر سرفرو ایتمه لری لازم کله جکینی تقدیر ایله دیلر. سیدنهی لووک پک ایی بولدیغنی بر تعبیر ایله « لوردلر قاماراسی، بویوک اصلاحات قانونی حقننده کی محاربه دن صوکره، موجودیتی یالکیز بر اثر مسامحه دن ایلری کلدیکی شبهه سی ایچنده مضطربدر » [۱].

لوردلر قاماراسی، نهایت الامر، حق ملکیتک و بالخاصه ملکیت ارضیه نک منافعی تمثیل ایتدیکی ایچون بالطبع محافظه کار اولمقه میالدر. شو معناجه که بونوع منافع ایچون حتی موجود وضعیت واحوال ایچون تهلکه لی کورونن عوام خلق مطالباتنه معارضدر. فقط، بوندن باشقه، لوردلیق، هیئت مجموعه سیله، ملت ایچنده کی وضعیت اجتماعیه سی حسبله، عالم اصالتی و کلیسایی دولتک تملی اولمق اوزره تاقی ایدن فرقه سیاسییه منجذب بولونور. ایلک اصلاحات قانونی تعقیب ایدن یاریم عصر ظرفنده الکچوق لیبرالر موقع اقتدارده قالدیلر. لوردلرک قسم اعظمی اونلر تعیین ایتدیلر [۲]. بویله اولمقله برابر، لوردلر قاماراسی دائما

[۱] The Governance of England، ۲۱۸.

[۲] ۱۸۳۰ ده لوردلر قاماراسنده ۳۲۶ ارثی اعضا واردی.

اوتاریخدن غلادستون قاید سنک ۱۸۸۵ ده سقوطنه قدر لیبرالر بونلره ۱۹۸ اعضا علاوه ایتدیلر. محافظه کارلر عینی دوره ده ۷۰ اعضا تعیین ایله دیلر. ۱۸۸۵ دن صوکره، زمانک قسم اعظمنده موقع اقتداری محافظه کارلر اشغال ایتشلردر. لوردلر قاماراسنه تعیین ایتدکاری اعضالرک عددلری ده آرتمشدر.

قوتلی صورتده محافظه کار اولدی. چونکه لیبرال لوردلر - حتی کندیلرندن زیاده ذریتلری - بیله دائمی بر جریان ایله اونه کی ساحله دوغرو سوروکلنمشلردر. بوجریانی هوم رول لایحه سی تسریع ایتدیسه ده سبب تولدی اودکلدر .

حقیقته ، لوردلر قاماراسی بویوک برا کثریته محافظه کاردر. ارثی لوردلرک بشده دردندن زیاده سی اونیونیست فرقه سینه منسوبدرلر . اسقوچیانک و ایرلاندانک ممثلرینک موجودیتی بونستسزلکی بوتون بوتون آرتیریور . ایرلاندایچون بو ، لوردلر قاماراسی اعضاسی اولمق طرزینک بر نتیجه ضروریه سیدر. چونکه انتخابات ، مثل برلوردک حین وفاتنده یالکز برصاندا لیه ایچون یاپیلیر. وفات ایدن لوردک خلفی دائماً حاکم فرقه میانندن آریلیر ، بناءً علیه اونیونیست اولور. اسقوچیا ده اقلیتک تمثیلی ایچون هیچ تأمینات موجود اولمادیغندن، نتیجه عینیدر. چونکه اکثریت، پارلمنتویه کیره جک اون آلتی لوردی کندی آراسندن انتخاب ایدر. ایشه بوصورته، ایکی قرالنی تمثیل ایدن ومقدارلری قرق درده بالغ اولان لوردلر تماماً اونیونیستدرلر .

محافظه کار علی العاده، لوردلر قاماراسنک محافظه کار بر مجلس اولدینی،
تعبیرینک معناسی پک کاله ایرمه مش بر حرکت تشریعیه قارشى فرن خدمتی
کوردیکی، ملت اراده قطعیه سنی آشکار صورتده اظهار ایدنجه یه
قدر بوکا ممانعت ایتدیکی سویله نیر . بونک دوغرو اولدینی
غیر قابل انکاردر. اگر بوتون حقیقت بوندن عبارت اولسه

ایدی قامارانك الان مالك اولدينى محدود نفوذ وصلاحيت
 هيچ برطرفدن شدتلى برخصومت توليد ايتمزدى . فقط بو
 ادعا ، حقيقتك يالكىز برقسمنى احتوا ايدىيور . «محافظة كار»
 تعبيرى انكلىترده ، برصفت ياخود بر اسم اولارق قوللانلديغه
 كوره ، بربرندن آرى ايكي معنای افاده ايدر . صفت اولدينى
 زمان ، نچولدن نفرتى كوستير . اسم اولدينى زمان ، دولتك
 ايكي بويوك سياسى فرقه سندن برينه دلالت ايلر . ۱۸۳۲
 اصلاحاتندن صوكره برنسلدن فضله برمدت ظرفنده كلمه نك
 ايكي معناسى بربرندن پك اوزاق دكلدى . محافظة كارلر فرقه سى ،
 تحوله قارشى مقاومت فرقه سى نامنه اودرجه مستحق ايدى كه
 ماقوله يك ملتى ايكيه آيران ايكي فرقه يى بركيكك اوك و آرد
 آياقلىرینه بكمتمه سنى ، تماماً دوغرو دكلسه ده ، قابل قبول برحاله
 صوقيوردى . ليبرالر دائما اوكله كيديورلر ، محافظة كارلرده
 بر آرز اوزاقدن آرقه لرى صيرا يورييورلردى . بو تشبيه ، مى
 سياستك اداره سى ، طيبى اولارق ، ليبرالره هاند بولوندينى ،
 فقط لزومندن فضله حيزلى يورودكلرى زمان محافظة كارلرك
 بر مدت ايچون موقع اقتداره كلكلرى ، بو صيراده مملكتك
 يكي وضعيته تطابق ايله ديكي يولنده كي ايجه عمومى حسك بر
 صفحه سنه ترجمان اوليوردى . بو شرائط داخلنده لوردلر
 قاماراسنك محافظة كارلر فرقه سيله اشتراك ايتمه سى و ، زمان زمان ،
 بر يوقوشدن اينيليركن ، آرابه يى دورديرمق ايچون دكل ،

یا لکز یا و اشلاتق ایچون فردن روانی ایضا خصوصنده اوکا یاردیمده بولونماسی بک طبیعی ایدی ، جدی بر اعتراضه سبیت ویره مزدی . فقط دیزرائیل نك صرف منفی برسیاست عاپهنده کی معنده مجادله لری ، ۱۸۶۷ اصلاحاتندن صوکره عمله صنفنك مظاهرتی تأمین مجبوریتی ایله برله شنبجه ، محافظه کارلری (توری) تحولاته قارشی مقاومت مسلیکنی ترکه سوق ایله دی . یکی توری ده موقراسیسی ، نهایت الامر ، لیبرال فرقه سی قدر ترقی پرور دکلسه بیله هر دورلو ترقییه مخالف اولمادینی ده محققدر . حتی برچوق خصوصاتده تحوله بالنسبه ده طرفداردر . کییک ایکنجی برقفا قازانما مشسه ده هیچ اولمازسه بر طرفی ایله اولدینی کبی دیگر طرفی ایله ده ایلری به دوغرو یورومه نی اوکرنمشدر . توری فرقه سنده کی بو دیکشکلک لوردلر قاماراسنك وضعیتده بارز بر تاثیر حصوله کتیرمشدر .

محافظه کارلر ، تحوله قارشی مقاومت کبی منفی بر وضعیتدن واز کچمش ومثبت برسیاست ایله مسلح مجادله کار بر فرقه حالنه کلش اولمقله برابر لوردلر قاماراسنده کی حاکمیتلرینی اوزون مدت محافظه ، حتی تقویه ایله مشلدر . لوردلر قاماراسی ، بالطبع اونیونست رؤسانك امرلرینی قبول وتسجیل ایتمکدن باشقه برشی یایما به حق درجه ده هر دورلو اراده قوتی غائب ایتمش دکلدر . بر درجه به قدر ، کندیسنه مخصوص فکرلری الآن واردر . بوفکرلر ، اونیونست رؤسانك فکرلرینه نسبتله ده محافظه -

نامارا محافظه کار
فرقه نك بر آلتی
حالنه کلشدر

کارانه درلر . بورؤسا موقع اقتدارده بولونقلری زمان بيله
لوردلر قاماراسی ، اونلرک پروژهلرینک ایکنجی درجهده کی
تفرماتی سربست صورتده تعدیل ایدر و بعضاً کندی نقطه نظرینی
غلبه ایتدیریر . مثلاً ، ۱۸۸۹ ده لوندره حکومت محلیه سی لایحه
قانونیه سندن قادینلرک بارو مجلسلرینه اعضا اولابيله جکلرینی
کوسترن ماده یی چیقاردی که بوتعدیلدن عوام قاماراسی هیچ
ممنون اولما مشدی . ۱۹۰۲ ده ایلک تحصیل لایحه قانونیه سی
دینی مکاتب بنالرینک محافظه سی مصارفی مکلفینه تحمیل
ایده جک و پسقبوسلره او مکتبلرده ویریلن دینی تحصیل اوزونده
بر درجه یه قدر حکم ونفوذ براقه جق صورتده تعدیل ایتمه
موفق اولدی .

فقط ، لوردلر قاماراسی کوچوک مسئله لرده کنديسنه خاص
براراده اثری اظهار ایدرسده مملکتی پارچه لایان بویوک فرقه
مجادله لرنده بوتون آغیرلغیه توری لر طرفه متبایل بولونور و اونلرک
النده بر آلت اولور . مثلاً ، ۱۸۹۲ دن ۱۸۹۵ تاریخنه قدر ،
صوکره ، ۱۹۰۶ ده - یکریمی سنه دن بری لیبراللرک موقع
اقتدارده بولونقلری ایکی زمانده - لوردلر قاماراسی نفوذ
وقدرتی هیئت و کیله یی مشکلاته صوqq ایچون آچیقدن آچینه
استعمال ایله مشدر . ۱۹۰۶ سنه سنک اک باشلی قانونلرینه قارشی
کوستردیکی معامله ایله آکلاشلدی که مقصدی ساده جه هر دورلو
تحولاته قارشی محافظه کارانه بر مخالفت ابراز ایتکدن عبارت
انکلتونه ک حاکمیتی : ۲۳

اولمایوب اونیونیست فرقه‌یه یارديم ايله مكدرد. افكار آراسنده پك درين بر اختلافه ميدان آچان معارف قانونندن باشقه ، عوام قاماراسی لوردلره فرقه‌لر بېندنده بويوك بر استلافه سببیت ویرن ایکی حكومت پروژه سی ده ا كوندردی . بونلرك برنجیسی ، مساعی اختلافاتی لایحه قانونیه سی ، برتراد اونیونك غره وزماننده پایه بيله جکی شیلردن محكمه حضورنده مسئول اولماماسنی تضمن ایدیوردی . شبهه یوق كه بويك جذری بر قانون ایدی . محافظه كار بر مزاجه مالك بر قامارانك بوكا مخالفت ایتمه سنه عقل ایره بیلیردی . فقط لوردلر بونی هیچ تعدیلات یا پامادن قبول ایتدیلر . ایكنجیسی ، متعدد حق رأیه مالکیت لایحه قانونیه سی ایدی . منتخبك بردن فضله یرده رأی ویره بيلمه سنی منع مقصدینی تعقیب ایدیوردی . هیچ بر بويوك پرنسیپه تماس ایتزدی ، انكیز مؤسسه لرنده هیچ بر مهم تحول وجوده کنیرمیوردی . یالکز ، مملکتك ، فرقه‌لر آراسنده موازنت و مساوات بولونان یرلرنده انتخاباته موفقیت احتماللربنه اجرای تأثیر ایتدیکی ایچون فرقه‌لر آراسنده باعث اختلاف اولیوردی . لوردلر قاماراسی بولایحه نی همان بلا تدقیق رد ایتدی .

۱۸۳۲ اصلاحاتندن صوكره ، فرقه حكومتك پك عظیم صورتده انكشاف ایتش اولدینی آرتق بر حقیقتدر . ایکی فرقه‌ك پرنسیپلری آراسنده کی فرقلر ماضیه نسبتله شیمدی احتمالكه اودرجهده اساسلی بولونماقلا برابر ، پارلمنتوده ویرلن رأیلر

فرقه سیاسته اسکیسندن زیاده بابدردر [۱]. سیاسی حیات شیمدی
دها تام صورتده بر فرقه مجادلدهسی حاله کلشدر . بوجدالده
بیطرف قالمق اسکیسندن پک زوردردر . محاربدر اللرینه کچن
هرسلاحی قوللانمغه قالمقمقدهدرلر . ایشته فرقهلرک بویله دها
بارز وقوی بر حال کسب ایتمه لری لوردلر قاماراسی اعضا لری
ایچون لیبرال بر هیئت وکیلده قارشى مقاومت اظهارینی دها
قولایلاشدیرمشدر . چونکه ، بو وضعیتی طاقینمقله تکمیل
خلقه قارشى دکل ، خلقلک یالکز بر قسمنه قارشى مخالفتده
بولونمش اولدقلری آشکاردردر . هم بوقسمدر دیگر قسمه خفیف
بر اکثریت ایله فائقدردر . ایشته بوصورتله ، لوردلر قاماراسی
دیگر مسئلهلر حقنده کندیسنه خاص بر فکره مالک اولمقدن
فارغ اولمادن ، بر فرقه غایه سنه مبنی ، توریلرک رؤسایى الزده
بر آلت اولایلمشدر . تورى رؤسایى فرقه شطرنج تحتەسی
اوزرنده لوردلر قاماراسنی کندی بیلدکلری کبی قوللانه بیللمشلدردر .

بر هیئت وکیلده هیچ بر زمان لوردلر قاماراسنک خصومتی
قارشیسندنه موقع اقتداردنن چکیلمکه کندیسنی مجبور کورمز .
لوردلرک رایلری قاینه نك وضعیتی اوزرنده دوغرودن دوغرویه
بر تأثیر یاماز . فقط ، لوردلر ، حکومتنک افکار عمومیه ایله
جدا هم آهنگ اولمادیغی بهانه سیله ، پارلمنتونک فسخنه سبیت
ویرمک ایچون مهم لایحه قاینه لری رد ایدرلرسه قاینه نك وضعیتی

[۱] فرقه رابطهلرینک قوتی حقنده کی بابیه باقکزر .

رده فرندوم
خصوصنده
قامارانک
ارینادیغی رول

بالواسطه اہمیتی صورتہ مشکلاہ شہیلیر . لوردلر بویله حرکت ایتمکله، مجلسی فسخه اقتدارى اولمیان برقابینهی کرک فعلیاتده کرک ملتک نظرندہ برعجز سیاسى ایچنه دوشوره بیلیرلر. ۱۸۹۳- ۱۸۹۴ تاریخندہ، لوردلر هوم رول لایحه قانونیه سنی رد ایتدکلری وپاریش شورالری قانونی ایله پاترونلرک مسئولیتی قانونی اساسلی صورتده دیکشیدیره جک تعدیلات یاپدکلری و حکومتی بوصوک قانونی تماماً کری آلمغه مجبور ایتدکلری زمان، لیبرال حکومتی ایشته بویله بر وضعیتده قالمشدی . لیبرالر ، لوردلر قاماراسنک اراده ملتی طانیامش اولدیغنی ، قامارانک الغا ویا اصلاح endormend ایدیلیمکه مستحق بولوندیغنی سویله دیلر . کله لرک مسجع دوشمه سی بوجمله نك بر شعار حالنه کچمه سنه سبب اولدی . فقط بو آرزو خلق آراسنده پک آز طرفدار بولدی . ۱۸۸۵ ده مملکت، لوردلر قاماراسنک طوتدیغنی فرقه یه مظاهرت کوستردی . وپارلمنتویه بویوک براونیونیست اکثریتی کوندردی .

خلق کندى طرفلرندہ اولدیغنی زمان لوردلرک خلقه مراجعت ایتهلری بالطبع خلقک خوشنه کیتمه یه جک بر تشبث اولامازدی . لورد روزبری حکومتک سقوطندن صوکره ، برمدت، لوردلر خلقک توجهنی غائب ایتک دکل بالعکس قازاندیلر . حتی ، محافظه کارلر ، لوردلر قاماراسنک تکرار کنجملک قازاندیغنی ، قاپینه دن و عوام قاماراسنک اکثریتدن بالذات ملتہ شکایت و مراجعت ایتمکه حق اولدیغنی ادعاسنی ایلری یه سورمکله

دولتک مهم برعضوی حالنه کلدیکی سویله دیلر . صولک درجه ده
 مهم بعض خصوصاتده لوردلرک برنوع ره فیه رندوم یا پلاسنی طلب
 ایده بيلمک حتنی کندیلرنده کورمش اولدقلری ادعا ایدیلدی .
 فقط ، وضعیت وطبیعت اشیا بوکا امکان ویریورسه ، لوردلر
 قاماراسی طرفندن بویله بروظیفه ایفا ایدیه بيلمه سی غایت مفید
 اولسه ده بونی شمديکی لوردلر قاماراسی یا پاماز . چونکه بویله
 حرکت ایتمکه تعقیب ایتدیکی غایه ، اساس اعتباریله ، بر فرقه
 غایه سیدر . لوردلر منتخبلر هیئته مراجعت ایتمکه یالکز بر
 فرقه نك امرلینه رعایت ایتمش اولورلر . مثلاً ، ۱۸۹۳ ده هیئت
 وکیلہی مملکتدن اعتماد رأی طلب ایچون زورلامغه حاضر
 ایدیلر . فقط ۱۹۰۵ ده پارلمنتوی فسخ ایتدیرمک فکری
 کندیلرندن يك اوزاق ایدی . چونکه وقوعه کلمکده اولان
 قسمی بر طاقم انتخابلر محافظه کاران حکومتک خلق نزدنده کی
 توجهی غائب ایتمش اولدیغی اندیشه سنی جدی صورته ویریورلردی .
 حالبوکه یالکز بر فرقه نك لهنده و دیگرینک علپهنده اولمق
 اوزره استعمال ایدیلن ره فیه رندوم باخود خلقه مراجعت حق
 اوندن متضرر اولان طرف ایچون نهایت الامر صولک درجه ده
 ناخوش برشی اولور . بو مؤسسه بر آن معینده خلقجه نه قدر
 خوش کورولسه ولهنه خدمت ایتدیکی فرقه اوندن متصل
 مستفید اولسه بيله تولید ایتدیکی بو تأثیر دیکشمز . اکثریت
 خلقک بونی محق و تام سیاسی بر حرکت کی تلقی ایتمه سی پک

محمل دکلدر. لوردلر قاماراسی توری لرلهنه دائمی بر سلاحدرد. توریلرک، عوام قاماراسی انتخابانده بیله بوندن مستفید اولدقلری ادعا ایدیلشدر. محافظه کارلر، عمله لره سویله دکلری سوزلرده کندیلری دهآ آز وعدلرده بولونیورلر سده بونلری لبرال لره نسبتله دهآ اینی انجاز ایده بیله جک بر موقعده بولوندقلرینی، چونکه لبرال لرک لوردلر قاماراسنه حاکم اولامادقلرینی تأمین ایله مشلردرد. لوردلر قاماراسنک محمل بر اصلاحاتی موضوع بحث ومذاکره اولدینی زمان بونلر نظر اهمیته آله جق بر طاقم عنصرلردرد. فقط بومسئله به کیریشمه دن اول، لوردلری باشقه بر نقطه نظر دن پیش ملاحظه یه آلمق ایجاب ایدرد. فرقه لر خارجنده کی فعالیتلرینی، مبعوثلرک شخصی قانون لایحه لری ایله خصوصی قانون لایحه لرینه تطبیق ایتدکلری اصول مذاکره یی ولوردلر آراسنده کی رؤسانک شخصی نفوذ و تأثیرلرینی کوزدن کچیرمک ایسته یوروز.

بورایه قدر یالکیز مسئول بر هیئت وکیله نک نفوذ و قدرتی ایله تأیید ایدیلش حکومت پروژه لرندن بحث ایتدک. لوردلر قاماراسی بو لایحه لره قارشی بصیرت و احتیاط ایله حرکته مجبور ایدی. فقط لوردلر، مبعوثلرک شخصی صورته ویردکلری وعوام قاماراسنک کندیلرینه کوندردیکی قانون لایحه لرینه قارشی عینی صورته حرکته هیچ بر مجبوریّت حس ایتزلر. بولایحه لر سیاسی مسائل میاننه کیرمدکلرندن، بعضاً مهم مسئله لره تعلق ایتمکه برابر، نه قایینه نه فرقه لر بوباده رسماً

غیر سیاسی
قانونلر

بر وضعیت آمازلر . بناء عليه ، لوردلر اونلری بی پروا تعدیل ویا رد ایده بیلیرلر . فقط عوام قاماراسنک بو صلاحیتی آرتق بویوک برایشه یارامایور . چونکه بر مبعوث ایچون بر آاز جدی بر مقاومت تصادف ایدن بر لایحه بی عوام قاماراسندن کچیرمک غایت زور برشی اولمشر . لوردلر قاماراسنک حق تکلیفی ایسه بوندن ده اهمیتسز بر حاله دوشمشر . حکومت عوام قاماراسنک زمانی زیانه اوغرامقدن قورتارمق ایچون ایکنجی درجه ده کی لایحه نردن بعضیلرینی اول لوردلر قاماراسنه تودیع ایدر [۱] . فقط لوردلرک شخصی صورته ویردکلری پروژهلرک مجلسدن کچمه سی احتمالی پک آازدر . عادی بر مبعوث ایچون کندی لایحه سنه عوام قاماراسنده بوتون مراحل قطع ایتدیرمک ، دوره اجتماعیه نك بدایتنده بو مقصدله تخصیص ایدیلش جلسه لر بولونماسنه رغماً ، پک مشکل برایشدر . فقط ، موسم بر آاز ایلریله دیکی زمان ، لوردلر قاماراسندن کلش بر پروژهی عوام قاماراسندن کچیره بیلیمک بوندن زوردر . ایشته ، بونک نتیجه سی اولارق ، هر دوره اجتماعیه ده پارلمنتو اعضالری طرفندن ویریلن پک آزمقدارده کی قانون لایحه لرندن یالکز آلتیده بری لوردلردن صادر اولور .

[۱] ایبرالر موقع اقتدارده اولدقلری زمان ، لوردلرک جدی صورته تعدله میال اولدقلری لایحه قانونیه لر ایچون بو حرکت بویوک بر فائده عرض اتمز . چونکه عوام قاماراسی بو تعدیلاتی تصحیح ایچون بر چوق زمان صرف ایتکه مجبور اولاجقدر .

خصوصی قانون
لایحہ لریٹک
قبولی

لوردلر قاماراسنك خصوصى قانون لایحہ لریٹہ قارشى وضعیتی
بوتون بوتون باشقه در . چونكه بونوع پروژہ لری سیاسى مسئلہ لر
ساحه سندن تمامیلہ خارجدہ درلر . بونلرہ قارشى لوردلرک تأثیراتى،
یوقاریده سویلندیکی وجهلہ، عوام قاماراسى اعضاسنك تأثیراتندن
چوق مهمدر . فعلیاتده لوردلر قاماراسنك خصوصى قانون
لایحہ لری وانجمنلری عمومیتلہ دها زیاده اعتماد تلقین ایدرلر .
چونكه اعضالری دها تجربہ لى کیمسہ لردر [۱] . بناءً علیہ
لوردلر قاماراسى عمومى علاقہ دار ایدن ہر نوع قانونلرہ قارشى
ایکنجی درجہ دہ بر رول وحکومتک پروژہ لریٹہ قارشى غایت
سونوک بر رول ایفا ایدرسدہ خصوصى ومحلی منافعہ متعلق
قانونلرک وضعى خصوصندہ بالعکس دائمی وصوک درجہ دہ مفید
برفعالیت اظہار ایدر . انکلتزدہ بونوع قانونلرک اہمیتی ایسہ
پک عظیمدر .

لوردلرک
شخصى نفوذ
و تأثیرلری

لوردلرک شخصى نفوذ و تأثیرلری، مجتمعاً حائز اولدقلری
نفوذ واعتبارہ نسبتلہ پک چوقدر . بویوک اصحاب اراضى صنفک
آزالماسى نتیجہ سندہ، قدیم اراضى اصالتنہ کوستریلین حرمتک
یرینہ عنوانلرہ قارشى حرمت قائم اولمشدر . بودہ لوردلق
لہندہ بویوک برقوت تشکیل ایتکدہ در . لوردلر، ہیئت عمومیہ لریلہ،
تجاری نوعدن ایشارلہ اشتغال ایدہ جک تجربہ دن محروم بولونمقلہ

[۱] خصوصى قانون لایحہ لری حقندہ کی انجمنک مضبوطی .

برابر ، تجارت خصوصاً تنده بوحال مشاهده اولونیور . دها
 یاقین زمانلره کلنجهیه قدر اصلزاده لر، غننه اقتضاسی اولارق،
 تجاری حیاتدن اوزاق دورورلردی . مشهور اسپه کولاتورلردن
 هولیهک ، کیریشدیکي سرگذشتلرده خلقی کندی آرقه سندن
 سوروکلهمه بیلیمک ایچون قوللانیدینی چاره لردن بری ، مجلس
 اداره لرینه بعض لوردلرک اسملرینی قید ایتمک اولمشدر . اونلره
 لیرا اعضالری [۱] دیرلردی . چونکه اک باشلی ایشلری حق
 حضور اولارق برلیرا درجیب ایتمکدن عبارت ایدی . هولیهک
 پایدینی ایشلرک میدانه اوردینی حقیقتلر برقاچ سنه اول بو عاده
 نهایت ویردیلر . فقط بویله بر مادتک وجود بولمش اولماسی
 اصالت عنوانلرینک برچوق تحویلات اصحابنه نه بویوک بر اعتماد
 تلقین ایتمش اولدیغنی کوستیری .

طبقات اجتماعیه ده آشانی به دوغرو اینیلدیکجه ، عنوان ورتبه
 شعشعه سنک دها بویوک بر جاذبه سی اولیور کبیدر . اصل طائله دن
 کلن بر آدم ، اراضی به مائد منافع طرفدن مظاهرت کورمه بیلله
 اکثریتی عمله لردن مرکب بر دائره انتخابیه ده ، عمومیتله ، پک
 ایی بر نامزد موقعنی احراز ایده بیللیور . بناء علیه ، حق رأیک
 توسیع و تشمیلی اصالتک نفوذ و تأثیرینی تنقیص دکل تزید
 ایتمشدر . شبهه سزکه عوام قاماراسی ، لوردلرک انتخابات عمومیه به

[۱] Guinea-pig directors که حرفیاً ترجمه ایدیلیرسه « هند

هیچ اشتراك ایتمه دكلى یولنده كى ادهاسندن رسماً وازچمه بور.
 مع مافیه ، لوردلر ، سیاسى مجادله لره فعال صورته قاریشیرلر ،
 حتی بویوک انتخابات تشکیلاتلرینه و بالخاصه پریمروز لیغ
 Primrose League کبی فرقه لرك منتظم مقانیزمه لرندن برآز
 اوزاق دوران تشکیلاتلره داخل اولورلر . عمومی انتخابات
 دوره سنك خارچنده ، لوردلر قاماراسی رؤسası متصل خلقه
 نطقلر ویریرلر . زمامزده سیاسی اجتماعلرك نطقلری یومی
 غزته لره عوام قاماراسنك مذاکراتی قدر کچر واک آشاغی
 اونلر قدر اوقونور . اجنبیلر ، کندیلرینه سیاساتك برنجی
 صفده بر موقع تأمین ایتیش اولان لوردلرك نطقلرینه خلقلک
 کوستردیکی اعتماددن حیرتلره دوشیرلر . بو لوردلر حیات
 سیاسیه نك مجادله لری فوقنده بروضعیت اشغال ایدرکبی کورو-
 نمکده درلر . صانکه مالک اولدقلری موقع ، ثروت ، شهرت
 اونلرك حرص جاهلرینی تطمین ایدیور وعلی العاده فانیلره
 مسلط اولان اغواآت فوقه کندیلرینی چیقاریور .

لوردلر قامارا- سنك اصلاحی
 لوردلر ۱۹۰۶ سنه سی صوک بهارنده معارف لایحه سنده
 بوقانونك روحنه اودرجه مغایر تعدیلات یابدیلرکه عوام
 قاماراسی هیچ بر ائتلاف تشبثاته کیریشمهدن بونلری بویوک
 براکثریت ایله رد ایتدی . ایشته بوحرکتلریله لوردلر ، قامارا-
 لرینك اصلاحی لزومنی مملکتك نظرنده یکیدن پک بدیهی بر
 حاله صوقش اولیورلردی . بوکون هیچ کیمسه ، شیمدیکی

موجود شکلیله لوردلر قاماراسنی یکی باشدن تشکیل ایتیمی عقله
 کتیرمز. فقط مستر (شمدی لورد) قورتنه یک سویله دیکی کی:
 « افکار عمومی بی لزوم دلاک و تماسلر اولمادن ایشله یی بر مقا-
 نیزمه یی اوزون مدت نظر مساحه ایله کوره بیلیر. حالوکه اونک
 ایلك پلانی یا یق لاز-کله ایدی شهبه سز که عینی طرزده انشا
 ایتزدی » [۱]. هله یرینه دها ایی ایشله یی باشقه بر مقانیزمه
 اقامه سی قابل اولمازسه بو سوز بوتون بوتون دوغرو اولور .
 بونک ایچوندرکه، لوردلر قاماراسنک اصلاحاتی مناقشه ایدیلدیکی
 زمان ، الده ایدیلک ایسته نیان غایه لری صریح صورتده تعیین
 ایتک حائر اهمیت بر مسئله در . ایسته ، بو اصلاحاتده درت غایه
 موجود اولابیلیر : قامارانک نفوذ و قدرتی آزالتمق ؛ بونی
 تقویه ایتک ؛ ماهیتی دکشیرمک ؛ یاخود بو نفوذ و قدرتی
 دولتک خلق عنصرلریله دها هم آهنگ بر حاله کتیرمک . بو
 غایه لردن هر برینی صیرا ایله تدقیق ایتک اهمیتدن خالی اولماز .

ملی لیبرال فده دهراسیون ، لوردلر قاماراسنک وه تو حقی
 دینلن اقتدارک تحدیدی ایچون اظهار تمنیات ایدیور . بو پک
 طبعیدر . چونکه ارثی قوه تشریعییه قارشى برنسب مخالفتک
 یانی صیرا لوردلر قاماراسنک لیبرال فرقه سینه دائما معارض
 بولونماسی کی حدت و یریحی بر کیفیتده موجوددر . لوردلر
 قاماراسنک موجودیتی قبول اولوندقدن سوکرده، عوام قامارا-

اصلاحاتک
 غایه لری

قامارانک نفوذ
 و اقتدارینک
 تنقیصی

سندن کندیسنه کلن قانون لایحه لری نی رد و یا تعدیل ایتمک حقنه هیچ مالک اولماماسنی کیمسه عقلدن کچیرمز . فقط ، بو وه تونک بر فاصله دن صو کره قابل تجدد اولماماسنی تکلیف ایدیلور . اک مهم مسئله بو فاصله نك مدت دوامیدر . لوردلرک ، عوام قاماراسی طرفندن بر برینی متعاقب ایکی پارلمنتوده قبول ایدیلن بر لایحه قانونیه نی رد ایده مه یه جکلرینه قرار ویریلیرسه شه یوق که شیمدیکی تشکیلات اساسیه مقانین مه سنده ایفا ایتدکلری رول بر قانون ایله تأیید ایدلمش اولمقدن باشقه برشی یالپایا جقدرد . چونکه ، لوردلر بر قاینه نك پروژه سنی ، عمومی بر انتخابات قاینه نك مملکتک اعتمادینی محافظه ایتمکده اولدیغنی کوسترد کدن صو کره ، ایکنجی دفعه ینه رد ایده بیلیرلر سده هیچ بر زمان بویله برشی یالمامش لردر و ایشی بو راده یه واردیره جکلرینه دائر میدانده هیچ بر علامت یوقدر . دیگر طرفدن ، لوردلرک ، عینی پارلمنتونک بر برینی متعاقب ایکی دوره اجتماعیه سنده عوام قاماراسنده قبول ایدیلن بر لایحه قانونیه نی رد و یا تعدیل ایده مه . جکلرینی قرار لاشدیر مق حکومتک بر پروژه سنی ، بو باده مملکتک بسله دیکی حسیاته دائر دوشوندکلری نه اولورسه اولسون ، نه رد نه ده جدی صورتده تعدیل ایده مه جکلری معناسنی افاده ایدر . یالکز قدرت و صلاحیتی خنامه ایرن بر پارلمنتونک صوک دوره اجتماعیه سنده رد و یا تعدیل حقنه مالک اولابیله جکلردر [۹] .

[۱] بو اصلاحاتک طرفداربری ، اغلب احتماله کوره ، خصوصی قانون لایحه لری نه بونی تطبیق ایتمه جکلردر .

بوده ، حکومت پروژه لرنده لوردلر قاماراسنك تماماً الغاسنه معادل كله جكدر . چونكه لوردلرده قالاچق نفوذ و اقتدار كولكه سی ناظرلردن تبدیل فكر ائمه لرینی طلب ائتمكه انحصار ائده جكدر . ناظرلر ائسه كنديلرینی كولونچ برحاله دوشورمه دن بونی یاپامازلر . فرانسه رئیس جمهوری مجلسلره قارشى بوكا بکزر برحقه مالکدر . فقط هیچ برزمان بوحقنى استعمال ائتمز . بو استقامتده بر اصلاحات یاپیلا بیلیر . لکن ، بو اصلاحاتك عاقلانه بر حرکت اولوب اولما یاجنی آری بر مسئله در .

بوندن باشقه ، لوردلرک ، بر برینی متعاقب ایکی دوره اجتماعیه ده عوام قاماراسی طرفندن تعدیل ایدیلش بر لایحه قانونیه یی رد یاخود تعدیل ائده میه جکلری قاعده سی لوردلر قاماراسندن هر دورلو نفوذ و اقتدارى بالفعل ازاله ائمه سه بيله لیبراللرک تعقیب ائتدکلری غایه یی تأمین ائده مز . بوقاعده ، لیبراللری محافظه کارلرله مساوی بر موقعه چیقاراماز . چونكه نتیجه سی لیبراللری مهمجه بر قانونی قبول ائتدیرمک ایچون ایکی دوره اجتماعیه محتاج بر اقمقدن عبارت اولاجقدر . محافظه کارلر ائسه بر دوره اجتماعیه ده بونی یاپیله جکلردر .

بز بوراده ، لوردلر قاماراسنه ارثی اعضالرک یرینه باشقه لرینی ادخال صورتيله اونلرک نفوذ و اقتدارلرینی تنقیص مسئله سنی تدقیق ائمه یوروز . لوردلر قاماراسنك بر مجلس صفتيله حائز اولدینی نفوذ و اقتدارك تنقیصی مسئله سی ایله مشغول اولیوروز .

بوقامارانك طرز تشكلى اصلاح ايله جدى صورتده مشغول اولانلر ، عموميتله ، لوردلر مجلسنك نفوذ و صلاحيتنى تنقيص دكل تزديد ايتمه ي دوشونيورلر . لوردلر قاماراسندن مسائل سياسيه ده بقايى نفوذ و اقتدارى ده آلدني صيراده قامارايى مملكتي دها زياده تمثيل ايدر ، خلقه دها زياده استناد ايلر برحاله سوقايى آرزو ايتمك پك غريب اولور .

لوردلر قاماراسنك نفوذ و تاثيريني تزديد ساعى اولان اصلاحات تكميلفلاينى تكمليف ايدر كن ، پارلمنته رده ژيمده يعنى انكلترده ايشله ديكي طرزده انكشاف ايتمش بر فرقه حكومتده دها ذى قدرت بر يو كسك مجلسه بر وارميدر سؤالى تدقيق مجبورتى قارشيسنده قاليورز . اللى سنه اوليور ، لوردلر قاماراسنى قوه تشريعه نك جذرى تمايلاتنه قارشى بر فردن خدمتى كوريور ديه مدافعه ايتمكده ايديلر . فقط ، يوقا ريده ايضاح ايديلديكي وجهله لوردلر قاماراسى آرتق حقيقتده بو وظيفه ي ايفا ايتمه يور . فرقه لر دن برينك ياقمق ايسته ديكي قانونلره ممانعته چاليشدينى يوقدر . ديكر فرقه يده آسجق استثنائى احوال و شرائطك اعانه سى سايه سنده جدى صورتده ايضاح مشكلات ايدمه بيلير . ذاتاً هيچ بر يو كسك قامارا انكلترده بو كين بو خدمتى كوره مز . حقيقتده ، تاريخى نقطه نظر دن ، لوردلر قاماراسنك وضعيتى كنديسنك تمثيلى دكل ارثى وصفنك بر نتيجه سى اولسه ده بر سياسى سيستمك غير قابل تغير منطقى ارثى آرتق بو كونى

نفوذ و
اقتدارينك
تقريره -

رولی داخلنده قالمغه محکوم ایدیور . حکومتک لایحه لرینه قارشی نفوذ و اقتدارینک تحدیدی قوتلی صورتده متشکل فرقه لر اوزرینه مستند برهیئت و کیله نك خلق مجلسی حضورنده مسئولیتی برنسیپی طرفندن امر ایدیلش بر کیفیتدر . منافع عمومییه تعلق ایدن سائر قانونلر اوزرنده مهم بر تاثیر اجرا ایتمه که غیر قادر اولماسی کندینسنده مکنوزضعفدن دکل، عوام قاماراسنک حالندن ایلری کلیوردی. سیاسی مسئله لر ساحه سنه داخل اولمایان خصوصی قانون لایحه لرینه کمنجه، لوردلر قاماراسی، پارلمنتونک مجلسلرندن برینه عائد اولان نفوذ و صلاحیت حصه سنی بونلرده تماماً حائز بولونمقده در .

عینی ملاحظات ، لوردلر طرفندن اجرا ایدیان نفوذ و اقتدارک اوصافی دیکشدریمک اوزره وقوعه کله جک بوتون تکلیفله ده قابل تطبیقدر. انکلتزده ایکنجی بر مجلسک فعالیت محتمله سنک استقامت لرینی بالذات ره ژیم تعیین و تثبیت ایدر . بونلر ، الیوم لوردلر قاماراسی طرفندن تعقیب ایدیلکده اولان استقامتلردن پک فرقلی دکادرلر . هیچ شبهه یوق که قامارادن الیوم مالک اولدیفی سیاسی نفوذ و صلاحیت بقایاسی ده آله بیلیر . خصوصی قانون لایحه لرینک قانونیت کسب ایتمه سنه اشتراک ایتمه سی تأمین اولونابیلیر . فقط نفوذ و اقتدارینک ماهیتی ، مهم صورتده دیکشدریله مزکی کورونیور . یالکز وسعتی تحدید ایدیلش اولور .

نفوذ و
اقتدارینک
ماهیتی تبدیل

ملت ايله هم
آهنك حاله
كتيريله سي

۱۸۳۲ اصلاحاتی تعقیب ایدن بطن اثناسنده ، یوکسک
مجلس طرفندن کوستریلن عناده قارشى یکی لوردلق احداثی
کافی برتأمینات دییه تلقی اولونیوردی. ملت طرفندن مظاهرت
کوردن بر هیئت وکیلک، ایجاب ایدرسه، موازنه یی ایسته نیلن طرفه
میل ایتدیره جک مقدارده لوردلقلر احداثی مقام حکمداری یه
توصیه ایتک صورتیله لوردلری سرفرو ایتمکه مجبور ایدیه بیله جکی
سویله نیوردی. لورد غره ی حکومتی، ۱۸۳۲ اصلاحات قانونی
قبول ایتدیرمک ایچون صوک چاره اولق اوزره بو تدبیره
مراجعت فکرنده ایدی. دردنجی ویلیامک موافقتی ده استحصال
ایتشدی. فقط یالکز تهید کافى کلدی. لوردلر باش اکدیلمر.
احتمالک بو کون بودرجه شدتلی بر حرکت لزوم یوقدر. بویله
بر معامله یالکز موقت بر علاج خدمتی کوره جکدر. حقیقتده،
لوردلر قاماراسی شیمدی مهم اختلافاتی عوام قاماراسی ايله
چیقارما یور. ملت، یاخود، دها دوغروسى، ملتک بویوک
بر قسمی تمثیل ایدن یاخود تمثیل ایتک ادعاسنده بولونان هیئت
وکیلک ايله حال اختلافه کیریور. موقع اقتدارده کی فرقه بر
قانونی قبول ایتدیرمک اوزره ملتن بروکالت اخذ ایتدیکجه،
اونی لوردلر قاماراسندن کچیرمک ایچون یکیدن لوردلقلر
احداث ایده مز. لوردلر قاماراسنک، مخالفت ایتدیکی بر قانون
مناسبتیله برره فهرندومه یعنی خلقه مراجعته سبب اولابیله جکی
سوزی حقیقتده ایشته بونی افاده ایدر. بناء علیه، قامارایی

اکثریتہ بوغفق ایچون لوردقلر احدائی ، یکی بر انتخابات عمومیه موضوع بحث اولان قانون لهنده متخبلر هیئتک آرزوسی بردوام بولوندیغنی اثبات ایتمه دن تشبث ایدیله جک بر حرکت دکلدرد. ملتک آرزوسی ظاهر اولدقدن صوکره لوردلر سرفرو ایتمکدن کری قالمایه جقلردرد. بالطبع ، ملتک اراده سنک تظاهری پک صریح و واضح اولوب اولمادیغنی تعیین مسئله سنده فکرلر دکیسه بیلیر . مثلاً ۱۸۹۳ ده ، لیبرالر اولکی انتخابات عمومیه مک هوم رول مسئله سی اوزرینه وقوعه کلدیکنی ادعا ایتدیلر . حالبوکه محافظه کارلر باشقه مسئله لر اوزرنده جریان ایتدیکی ادعا سنده بولوندیلر . ۱۹۰۶ ده معارف قانونی مناسبتیه ده بویله اختلاف افکار تحدت ایتدی . بعضاً مناقشه قیزیشیر . فقط ، ملاحظه سزجه برحرکنده بولونلماسی تهلمکسی پک آزدرد . بالخاصه ، لوردلر قاماراسنده کی اکثریتی ییقمق ایچون لزوم کوروله جک یکی لوردقلرک مقداری پک عظیم اولماسی بوکا میدان بر اقایه جق سبیلردن بریدر . بو ، تشکیلات اساسیه اصول و آدابنک تهلمکیه دوشدیکی مثالردن بریدر . فقط هیچ بر زمان بونلرک اخلال ایدیله یه جکنه امنیت اولونابیلیر [۱] .

[۱] قامارایی اکثریتہ غرق ایتک اوزره چوق مقداره لوردلق احداث ایده بیلیمک اقتداری ، بر قوت مکنتیه یی حائزدر . بو ، لوردلر قاماراسنی قالدیرمی یاخود دکیشدیرمک مقصدیه بر دفعه یاییلا بیلیر . بو امکان ، هیچ شبهه سز ، لوردلرک وضعیت عمومیه لری اوزرنده بر تأثیر اجرا ایتمکدن خالی دکلدرد . فقط ، بو اقتدارک ، ایکی قامارا آراسنده آهنگی محافظه ایتک چاره سی اولق اوزره بر فائده سی اولمادینی مطالعه سی بونکله جرح ایدیلش اولمایور .

مع مافیه، بوکون لوردلقلر احداثی فعلیات ساحه سنه انتقال
ایتمش فرض اولونسه بیله، بوحال، موجود شکایتلره آنجق
موقت برعلاج تأمین ایده بیلیر. منتشر اولان فکره مخالف
اولارق، لورد جون روسل، ۱۸۳۲ ده لوردلر قاماراسنک
نفوذ و اعتباری قامارا اعضالرینک معروض قالدقلری تهدید
قارشیسنده مستکف داورانمالرندن ضرر کورمش اولدیغی
مطالعهنده ایدی. حالبوکه یکی لوردلقلر احداث ایدیلسه ایدی
قامارا ملت ایله هم آهنگ برحاله کله رک بویله ضرردیده اولمایه.
جقدی. لورد جون روسلک مطالعه سنه کوره، لورد غریه یک
حکومتنه معارض اولان سکسان محافظه کار اکثریتی وه لینغتون
طرفندن ضبط و توقیف ایدیلدی. فقط لیند هورست، دها
اهمیتسز فقط مفید بر طاقم پروژهلری عقیم بر اقدیرمق ایچون
بو اکثریتی استعمال ایتدی [۱]. صوکره کی وقایع، یالکیز
بردفعه لوردلقلر احداثی صورتیه قامارالر آراسنده آهنگی
محافظه ایتک غیر قابل اولدیغی اثبات ایله دیلر. چونکه،
۱۸۳۲ ده لورد غریه یک طرفدارلرینه لوردلقلر توجیه ایدیلش
اولسه ایدی، بر بطن کچنجه قاماراده ینه بویوک بر محافظه کار
اکثریت وجوده کلکدن خالی قالمایه جقدی.

شوساعنده مشکلات، لوردلرک ملت ایله دائمی بر صورتده
حال اختلافده اولمالری کیفیتنده دکل، مملکتی ایکی یه آیران
ایکی فرقه دن بریه باغلی بولونمالری مسئله سنه در. محافظه کار

اکثریتك اهمیتنی ساده جه تنقیص ایتمک بر فائده تأمین ایتمه .
 جکدر . هر حالده ، تأمین ایده جکی فائده پک آز اولاجقدر .
 اکثریت دیگر فرقیه کچرسه حتی وقت بر فرقه دن دیگر
 فرقیه انتقال ایتسه بیله مشکلات ینه حل ایدیلش صایلاماز .
 زمانمزده انکلتزه کبی فرقه لر طرفندن اوقدر قطعیت ایله اداره
 اولونان بر مملکتده لوردلر قاماراسنده کی اکثریت بر آن معینده
 بر یاخود دیگر فرقیه عائد اولق ضروریدر . اگر بو اکثریت
 تبدیل موقع ایتسه ایدی عینی طرفده دائمی بر حدت وعدم خشنودی
 ینه دوام ایدردی . فقط ، لوردلرک اراده ملته مشکلات چیقار .
 مارلندن کاه بر فرقه کاه دیگر فرقه شکایت ایده جکدی . بناء علیه
 بر آراق کرک ارثی کرک قید حبات شرطیله بر چوق لوردلق
 احداثی پارلمنتونک ایکی شعبه سی آراسنده موقتاً دها بویوک بر
 آهنگ تولید ایده جکی امید اولونسه ده دائمی بر ائتلاف سیاسی
 آنجق ، قامارانی کندی النده ساده جه بر آلت حاله کتیرمک
 ایستیه جک هر یکی هیئت وکیل ایله یکی یکی لوردلر احداثی صورتیله
 قابل تأمیندر . حاصلی ، حقیقی بر پارلمنتو ره زمینده ، یوکسک
 بر قامارا ، بر آن معینده حاکم اولان فرقه ایله دائمی صورتده هم
 آهنگ یاپیلاماز . بونک ایچون ، یوکسک قامارانک استقلالنی
 تماماً فدا ایتمک لازم کلیر . لوردلر قاماراسنی هر هیئت وکیلنک
 آئنده صرف بر آلت حاله کتیرمکه کلنجه ، بوهمان همان محال برشیدر
 وذاتاً سیاسی نقطه نظر دن پک بی معنا بر حرکتدر .

قامارانك طرز
تشكلنده
اصلاحات

لوردلقلر احداثی حقنده سویله ن مطالعه لر ، قامارانك
ترکیبنده بردیشکلک حصوله کتیرمه نك سائر طرز لری حقنده ده
وارددر . قامارانك طرز تشکله تعلق ایدن اصلاحات پروژه لری
بالخاصه ارثی عنصری آزالتمق و بوشلخی باشقه اصولره کوره
انتخاب ایدیلش تمثیلی اعضالره دولدورمق آرزوسندن ملهم
اولشلردر . قاماراده بالطبع بر چوق ایشه یارامایان اعضالر
واردر که بونلر رسمی بروظیفه ایفا ایتمک حقنی بالارث قازانمشلردر .
فقط بو وظیفه نی ایفا ایتمک آرزوسی کندیلرنده یوقدر . بونلر
یاهیچ مجلسه گلزلر یا خود ، بک عمومی صورتده بر علاقه تولید
ایدن بر پروژه حقنده ذاتاً تأمین ایدیلش براکثریتک صفرینی
قبارتمق ایچون کلیرلر . بونلر قامارانك مساعیسنه نه ذهنلرینی
تخصیص ایدرلر ، نه زمانلرین . نادراً رأی ویردکلری وقت
رأیلری معارضلرینی صوکه درجه ده حد تلندیرمکدن باشقه بر
تأثیر حاصل ایتمز . مداوملرک مقداری آز اولدینی ایچون ،
انکلیز اصلتک ده اسقوجیا و ایرلاندا اصیلزاده لری کبی کندی
ایچندن مثللر انتخاب ایتمه سی و بونلردن غیریسنک حق رأیه مالک
اولماسی تکلیف ایدیلشدر . حالبوکه اسقوجیا و ایرلاندا یی
تمثیل ایدن لوردلر صاغلام صورتده اونیونست اولدقلری کبی
بو یولده یاپیلاجق بر دیکشکلک ده قاماراده محافظه کار اکثریتی
ترزیددن باشقه بر نتیجه ویرمه یه جکدر . مکرکه اقلیتی تمثیل
ایچون ده بر پرنسب قبول ایدیله . بو تقدیرده اکثریت عددجه

آزالمقه برابر ، ینه فرقه‌نك امرلرینه دائمی ، هم دهافضله بر
صورتده منقاد اولمقدن خالی قالمایه‌جقدر .

دیگر طرفدن ، احتمالکه بر قسمی متحد قرالیت داخلنده
مختلف مقامات طرفدن تعین ایدیله‌بیله‌جك قید حیات
شرطیله آز چوق مهم مقداره لوردلقلر احداث ایدیله‌سی
صورتیله قامارانك ملتی دهافزایده تمثیل ایدن برحاله‌کتیریله‌سی
تکلیف اولونمشدر . مع‌ما فیه قید حیات شرطیله لوردلقلر قامارانك
نفوذ واعتبارینی وبر معناه تمثیلی وصفی تزئید ایده‌بیلمه‌لری
بك مشکو کدر . لوردلقل هر زمان مختلف ساحه‌لرده کی ارباب
اقداره بك کنیش بر صورتده آچیق بولونمشدر . ثروتدن محروم
بر چوق کشینك ، اولادلری ایچون بریوك تشکیل ایده‌جك بر
شرفدن محروم بر اقلدقلری دوغروایسه‌ده بر چوقلری ده بوشرفه
نائل اولمشلردر . قامارانك ارثی اعضالرینك مقداری نفوس
مقداریله تمامیله متناسب دکلسمه‌ده بونسبته یاقین بر صورتده
چوغالمشدر . شیمدیکی اعضالرك یالکزر تقریباً درتده بری ۱۸۰۰
تاریخندن مقدمکی برحقه استناداً مجلسه کلکیده درلر . لوردلقلرك
بویوك بر قسمی سیاسی خدمتله مکافاة بخش ایدیلمشدر . فقط
بعضیلری ده تجاری و صناعی تشبثانده اکتساب ایدیلن ثروت
دولاییمیه توجیه اولونمشدر . بویوك حقوق شناسلر ، ممتاز
عسکرلر دائماً مکافاة لوردلغه نائل اولدیلر . دهاف مؤخر بر
دوره‌ده علوم و ادبیاتده تمیز ایتمش بعض ذاتلر حقنده عینی معامله

ابراز ایدیلدی . صوڭ زمانلرده تهنسون ، آفتون ، کلون ، لیستر ، رایلهغ و امثالی کبی اسملری احتوا ایتمش اولان بر مجلس ، اشخاصک تمایزی نقطه نظرندن دنیاده کی تشریعی مجلسلرک هر هانکی بریسیله اولورسه اولسون مقایسه یه کیریشه بیلیر . بوندن دولاییدر که قید حیات شرطیله لوردلقلر احداث ایدیلک صورتیله چاره سی بولونمق ایسته نیلن قصورک ، قاماراده قابلیت فکریه نقصانی اولمقدن زیاده اعضالرینک درین حیات محلیه جریانلرینی تمثیل ایدمه ملری اولماسی بحق خاطره کله بیلیر .

یالکز ، سیاسی مسائله یابانجی ساحه لرده اعضالرک شخصی مختاریتلری بر مجلسک سیاسی نفوذ و اقتداری ایله پک آاز حائر مناسبتر . لوردلر قاماراسی بونقطه ده غایت پارلاق بر مثال تشکیل ایدر . شیمدی اسملرینی ذکر ایتدی کمز ذاتلر قامارانک مساعیسنه هیچ اشتراک ایتمه مشلردر . اونلر کی آدملر بومساعی یه نادر آقاریشیرلر . ذاتاً قاریشه لر بیله بونی نادر آقاریشیله یاپارلر . زمان زمان بونوع ذواتدن بری کندی مسلکله تعلق ایدن خصوصاتده حائر قیمت بر طاقم سوزلر سویله مک فرصتی بولور . مثلاً ، لورد روبرتسک ۱۹۰۵ سنه سی تموزنده انکلیزاردوسنک عدم کفایه سی حقنده ایراد ایتدی کی نطقک پک بویوک بر تأثیر حصوله کتیردیکنده هر کس منفقدر . فقط سائر موقعده رسمی مأمور اولمق دولایسیله آغزی قابالی دورمنه مجبور اولمایوبده بونطقی سویلسه ایدی عینی تأثیر حصوله کلیردی . باشقه

اصلاحاتک
قامارایی تقویه
ایتمه سی پک
محمل دکلد

ساحه لوده کی تمیزلری دولایسیله لوردلق پایه سنه نائل اولمای.
 آرزو ایدنلره کنگجه ، بونلر ، یاسیاسیاته هیچ علاقه دار اولما .
 مقده در یاخوداویله بریاشده علاقه دار اولاجقلردر که آرتق خلق
 اوزرنده هیچ بر تأثیر یا پامایه جقلردر . بو کون لوردلر قاماراسنک
 حائر اولدینی نفوذ و شهرت اعضالرینک معروفیت شخصیله لرندن
 انبعات ایتمز؛ لوردلنک اجتماعی اعتبارندن ایلری کلیر . قید حیات
 شرطیله احداث ایدیله جک لوردلقلر بوکا هیچ برشی علاوه
 ایده مز . رسمی بر مجلسک نفوذ و اعتباری اعضالرینک ممتازیتلرینه
 تابع دکلدر ، اونلرک سیاسی مرغوبیتلرینه تابعدر . هیچ بر
 انکلکز دولت آدمک غایت قوی وزنده بر حالده ایکن ، خلقجه
 سه ویلمکده ایکن عوام قاماراسنده کی بر صاندالیه یی دیگر قاماراده
 قید حیات شرطیله اعضالق ایله دکیشمکه راضی اولمایه جفی پک
 آشکار بولوندینی ایچون ، بو طرزده وجوده کتیریلش بر لوردلر
 قاماراسنک قسم اعظمی اعتباریله معلولین سیاسییه بر ملجأ تشکیل
 ایده جکی بدیهیدر .

عینی جنسندن دیگر بر پروژه قامارانک شورای خاص
 نمونه سنه کوره یکی باشند تشکیلنی توصیه ایدیوردی . یالکز ،
 زمانمزده ، شورای خاص ، فعالیتنه باقلیرسه هیئت و کیله دن باشقه
 برشی دکلدر . اعضالرینک قسم متبایسی یالکز مراسم مناسبتیله
 اثبات وجود ایدر لر . شورای خاص ، قابینه نك النده بر آلت
 حکومتن عبارتدر . انکلزله مخصوص سیاسی مسئله لوده ناصل

اولوبده باشقه دورلو برماهیت اکتساب ایدہ جکنہ عقل ایرہ مزہ .
 لوردلر قاماراسنہ مستملکلر ممثلرینی اعضا یامق فکری باشقه
 نقطہ نظرلردن شایان دقتدر . فقط ، داخلی قوانین وضع ایدیلیر کن
 بونک تطبیق ایدیلہ مہ یه جکی میداندہ در . صرف انکترہ یه
 مخصوص ایشلردہ عوام قاماراسنک ارادہ سنی ایمپراطورلغک
 باشقه قسملرینک ممثلری طرفندن اشکال ایتک ارثی انکیز
 لوردلری طرفندن مشکلاتہ اوغرا تمقدن دہا شایان اسف بر
 حرکت اولور .

باشقه محتمل
 نتیجہ لر

مع مافیہ ، لوردلر قاماراسنک ترکبندہ وقوعہ کلہ جک برتحول ،
 سیاسی برہیت صفتیلہ حائز اولدینی رولک اہمیتنی تزیدہ خدمت
 ایدہ مزکی کورونیورسہ دہ لوردلرک شخصی صورتدہ نفوذ
 واقتدارلرینی تنقیص ایدہ بیلیر . قامارا آرتق قید حیات شرطیلہ
 بر صاندالیہ اشغال ایدن اشخاص قولکسیونندن عبارت کی
 تلقی اولونمغہ باشلارسہ اعضالرینک وضعیت اجتماعیلری ارنی
 برصائلک وضعیتندن غایت فرقلی اولابیلیر . قامارانک ترکبندہ
 جذری بر اصلاحات شہہ یوق کہ باشقه استقامتدہ دہ برتبدل
 وجودہ کتیرہ جکدر . دورمزده لوردلر قاماراسنک اک بویوک
 رولی واغلب احتمالہ کورہ اعضالرینک اک مہم امتیازلری مبذول بر
 ناظر فدانلغی وجودہ کتیرہ مسیدر . منتشر اولان غعنہ یه کورہ ناظرلرک
 کافہ سی قامارالرک برندن آلتق ایجاب ایدر . ایچلرندن برچوغی
 ذاتاً لوردلر میانندن تفریق ایدیلیر . بوطادت ، حیات عمومیه یه

صمیمی صورتده علاقه دار اولان اسیلزاده لره، ایکنجی درجه ده
بر اهلیت و اقتدار صاحبی اولسه لر بیله، خدمت ایفا ایتک
صورتیه موقع شان و شرفه کلمک امیدنی ویریر. حالبوکه قید
حیات شرطیه بر طاقم لوردلر تعیین ایتک اصولی قبول اولونورسه،
بر آدمی ناظر یا همق مقصدیه کندیسنه بر عنوان ویرمک شبهه سزکه
قابلدر. بو عادت تعمم ایدرسه یالکیز موجود لوردلرک وضعیتنی
بوزمق ایله قالماز، عوام قاماراسنک وضعیتنه ده دوقونور.
چونکه عنوانسز دوغمش بر آدمک، عوام قاماراسنده اعضالق
ایتمه دن دولتک الک یوکسک مناصبه واصل اولابیلیمه سی دائره
امکانه کیره جکدر. بو صورتله قاینه ایله ملتک سیاسی قوتلری
آراسنده، عوام قاماراسنک توسطی اولمادن بر اشتراک قانالی
آچلمش اولاجقدر. بو تبدل، پارلمنتونک نفوذ و اعتبارینک
تناقصنه دوغرو بر آدیم تشکیل ایده جکدر. چونکه قاینه لر
آشایکی بایده ایضاح ایدیه جکی وجهله حقیقتده عمومی انتخاباتده
ملتک افاده ایتدیکی آرزو اوزرینه موقع اقتداره کلدکلری
ودوشدکلری جهته عموام قاماراسنک نفوذ و اعتبارینک بویوک
بر قسمی ارثی لورد اولمایان بوتون ناظرلرک تدارک ایدیلدکلری
ساحه کندیمی اولماسندن نشئت ایلر.

بناءً علیه انکلترده بر چوق ذوات لوردلر قاماراسنک
وضعیت حاضره سنی پک آز شایان ممنونیت بولسه لرده بواصلاحات
مسئله سنک محاط بولوندینی مشکلات غایت عظیمدر. بو صوک

سنه لرده قامارانك اصلاحی ایچون سیاسی افکارك هر دورلو
آنانته صاحب رؤسا طرفندن تکلیف ایدیلن اصلاحات لایحه-
لرندن هیچ برینك برثمره ویرمهسی، خلقك توجهنی اهمیتلی
صورته کندیسنه جلب ایده جك صریح برپلان شکلنی آلاماسی
بو مشکلاتك نیم مشعور صورته ادراك ایدیلش اولماسی ایله
ایضاح ایدیله بیلیر . لوردلر قاماراسنك اصلاحی یاخود جالب
ممنونیت بر صورته باشقه بر ایکنجی مجلسك احداثی احتمالکه
محال برایش دکلدر . فقط یاپیلماسی بر فکر سیاسی یه احتیاج
کوسترن ایشلردن بریدر . بو تشبه بویوک بر احتمال موفقیت
تأمین ایتک ایچون ، مسئلهنك دوشونولمهسی پک آز محتمل
اولان بر آنده، هیچ محترصانه برعلاقه تولیدایتمه دیکی برزمانده
باشلانماسی اقتضا ایدر.



يکرمی ايکنجی باب (مکرر) [*]

لوردلر قاماراسی و ۱۹۱۱ قانونی

ليبرالرك ۱۸۹۲ دن ۱۸۹۵ تاريخه قدر موقع اقتدارده
قالدقلى قيصه برمدت ظرفنده لوردلر قاماراسی عوام قاماراسندن،
حكم و نفوذك اك يوكسك و اك صوك منبعى صفتيله متخبلره
شكايت و مراجعت ايده بيلمكه حق اولديغنى ادعا ايده رك ظاهرى
نفوذ و اقتدارى تزييد ايتمىدر. او تاريخده، عوام قاماراسنده
ليبرال اكثريتى او قدر ضعيف ايدى وليبرالرك عمومى بر انتخابات
يا بمقدن قورقولرى او قدر زياده ايدى كه لوردلرك ادعا ايتدكلرى
بو حقت تطبيقه اساسلى بروسيله احضار ايتمه ديلىر. فى الحقيقه،
۱۸۹۵ ده اونيونيستلره بويوك بر اكثريت تأمين ايتمش اولان
عمومى انتخابات لوردلرك حركاتنك خلقجه تصويبي ديه تفسير
اولونابيلير. ۱۹۰۶ پارلمنتوسى بوتون بوتون باشقه بر وضعيتده
ايدى. ليبرالرك، متفقلى اولان مساعى فرقهسى اعضالىرى
ومليتپروورلرله برلكده عوام قاماراسنده كى اعضالقلرك درتده
اوچندن فضله سنه صاحب بولونيورلردى. هيچ دكلسه اودقيقه ده

[*] فرانسزجه نسخه سنده بو باب يوقدر.

مملکتک کندیلرینه مظاهر اولدیغنده شبهه ایدیه مزدی . بویه
اولمقله برابر ، لوردلر قاماراسی حکم و نفوذنی سربستجه
اجر ایتدی . ۱۹۰۶ ده معارف قانونی پارچه پارچه بر حاله
صوقدی . پارلمنتو انتخاباتنده متعدد حق رأیه مالکیتی الغایله یین
لایحه قانونیه یی رد ایلهدی . ۱۹۰۷ ده اسقوجیا اراضیسینک
متحمل اولدینی صوک ویر کو نقطه نظرندن قیمتنی تقدیر ایچون
حاضر لائمش قیمت اراضی (اسقوجیا) لایحه سنی ده قبول اتمهدی .
محافظه کار لوردلر ، کوچوک اصحاب اراضی (اسقوجیا) لایحه
قانونیه سنی او یولده تعدیل نیتنی اظهار ایتدیلر که حکومت
بوندن وازچمکه مجبور اولدی . ۱۹۰۸ ده بقانون کندیلرینه
تکرار کلدیکی زمان لوردلر اونی رد ایلهدیلر . کذلک مشروبات
کئولیه صایلان دکانلرک مقدارینی تحدید ایدن ویکیدن مساعده
اعطاسنی محللرینه ترک ایله یین لایحه قانونیه ده لوردلر طرفندن
رد اولوندی . بوندن باشقه ، ایکنجی بر قیمت اراضی (اسقوجیا)
لایحه قانونیه سنی بر طاقم تعدیلات ایله چوروتدیلر . عوام
قاماراسی بوتعدیلاتی قبول اتمه یوردی . ۱۹۰۹ ده ینه اسقوجیا یه
هاند کوچوک اقامتگاهلر لایحه قانونیه سنک باشنه عینی حال کلدی .
لوردلر اراضی صاحبلی طرفندن مجبوری بر کیرا ویر یلمه سی
یولنده کی احکامه معارض بولونیورلردی . ینه اوسنه ، لوندره
بارولرنده رأی متعدده مانع اولان لوندره انتخاباتی لایحه قانونی .

نیه‌سنی ده رد ایتدیلر [۱]. عوام قاماراسی لوردلرک بورایلرندن متأثر اولدی . ۱۹۰۷ سنه‌سی حزراننک ۲۸ نده باش وکیلک تقریری اوزرینه : « ملتک منتخب ممثلری طرفندن افاده ایدیلدیکی شکلده آرزوسنی یرینه کتیرمک ایچون ، دیگر قامارانک مجلسدن کچن قانون لایحه‌لرینی تغیر یاخود رد ایتمک یولنده کی صلاحیت واقتداری ، بر دورۀ تشریعه حدودلری ایچنده عوام قاماراسنک صوک قرارینک غالب عد ایدیله‌سنی تأمین ایده‌جک بر قانون ایله تحدید ایدیله‌سی الزم بولوندیغنه » قرار ویردی . مع‌افیہ ، لوردلر قاماراسی ، ۱۹۰۹ مالیه لایحه قانونیه‌سی ایچنده تزید تکلیفاته دائر حکومتنک تکلیفاتنی رد ایتمه‌مش اولسه ایدی نفوذ واقتداری ده اوزون مدت آزالتمازدی .

۱۹۰۸ ده ، یتیمش یاشنی کچمش ، صوک یکرمی سنه ظرفنده هپ متحد قراللق داخلنده اقامت ایتمش بوتون انکلز تبعه‌سی ایچون بر تقاعد معاشی قانونی یاپیلمشدی . بو معاشه مستحق اولق ایچون وقیله فقیر صفتیله معاونت کورولمه‌مش اولاجقدی .

قابلیت واقتدارینه کوره چالیشمقدن ده استنکاف ایدیله‌یه‌جکدی . کذلک سنوی اوتوز لیرا (کینه) دن فضلہ بر کلیره‌ده مالک اولماق ایجاب ایدردی . بویله بر قانون لزومنی هرایکی فرقه

[۱] مایک V, III, 343) Constit. Hist. of England اثرینک یکی طبعنده فرانسیس هولاند دیورکه : « ۱۹۰۶ پارلمنتوسنک مدت دوامی اولان درت سنه ظرفنده ، اوچنچی قراشته قارشى رسمی مخالفتک عوام قاماراسنده علییده رأی ویردیکی حکومت لایحه‌لرندن هیچ‌بری قانونیت کسب ایتمه‌مشدر . »

اعضای ده اوزون مدتدن بری مدافعه ایدوب دوریورلردی .
عوام قاماراسنده کی محافظه کارلر بولایحه قانونیه بی تصویب
ایتمه دیلر سده پرنسپنه طرفدار اولدقلرینی سویله دیلر . اوچنجی
قرائنده آیریله صورتیله رایه اشتراکدن مستنکف بولوندیلر .
اوچنجی قرائنده یالکیز اون کشی علمیده و ۳۱ کشی لهده
رای ویردی . لایحه قانونیه لوردلر قاماراسنده ده جدی بر
مقاومته مصادف اولمادی . اوراده ایکنجی قرائت نتیجه سنده
۱۶ رای مخالفه قارشی ۱۲۳ موافق رای ویریلدی . آلمانیا ده
بویوک بر قسمی عمله استخدام ایدنلرله عمللر اوزرینه قونولش
تکالیفدن تحصیل ایدن تقاعد معاشی قانوننه مغایر اولارق
انکلیز تقاعد قانونی تخصیص ایتدیکی معاشاتی تماماً خزینه
ملیه دن آلیر . متقاعد کلیرینه کوره بومعاش هفته ده برشیلیندن
بش شیلینه قدر تحول ایدر . ایجاب ایتدیکی مصارف غایت
عظیمدر . حتی تخمین اولونان مقدارک بیله فوقه چیقمشدر .
برسنه تجربه دن صوکره ، ۱۹۰۹-۱۹۱۰ بودجه سنده بوقانونک
لزوم کوستردیکی صرفیات ۸,۷۵۰,۰۰۰ لیرا اولارق تخمین
ایتیلدی . مصارف بحریه ده وقوع بولان ترایدایله بو برله شنبه
حکومتی متمم واردات طلب ایتمکه مجبور براقدی .
شانسلور ، ایجاب ایدن مبالغی قسم اعظمی بلا واسطه یکی
برجنس ویرکو ایله تدارک ایتمه بی تکلیف ایله یوردی . تکلیفاتی
احتوا ایدن ۱۹۰۹ مالیه قانونی اراضینک اساسلی تقدیر قیمتی
واراضی ساتلیدیغی زمان یاخود ساتمازسه معین دوره لرده یوزده

یگر می فضله بر ویر کو تأدیه سنی تضمن ایله یوردی . یعنی صوک
تقدیر قیمتدن بری وقوعه کلن تزیادک بشده بری او تاریخنده
ویر کو اولارق تأدیه ایذیله جگدی . تقدیر قیمت، قیمتی یالکز
زراعی اولمایان بوتون اراضیه شامل اولیوردی . یالکز
صاحبلری طرفدن مسکون کوچوک اقامتگاهلرک اراضیسی
بوندن مستنا ایدی . غیر زراعی اراضینک اوزون فاصله لرله
تزیاد فیئاتندن دولایی یوزده اون بر ویر کو آله جگدی . بویاکی
ویر کو الیوم یاخود بالقوه شهرلره عائد اولان اراضینک « استحقاق
کسب ایذیله مش تزیاد فیئاتی » دنیلن قیمتی اوزرینه موضوع
تکالیف ایدی . اوزرنده بنا بولونمایان اراضینک (عرصه لرك)
فیئات حالیه سی اوزرندن لیرا باشنه سنوی یاریم ینی مقدارنده
برده انکشاف ایتمه مش اراضی ویر کوسی آلینیوردی . او آنه قدر
ارضی اوزرنده کی ویر کولر یالکز شرائط حاضره لری داخلنده کی
رانت قیمتلرینه کوره طرح ایذیلمشدی . هانکی فیآنه صاتیلا بیله جکلری
دوشونوله رك وجوده کتیر دکلری سرمایه قیمتی حسابه قاتلایوردی .
انکشاف ایتمه مش اراضیده یاخود بویوک شهرلره یاقین اراضیده
آراده بویوک برفرق وجود ایدی [۱] . برده یوزده بش
[۱] بو ویرکو صرف زراعی مقصده قوئالایلاق اراضینک
تزیاد قیمتی فضله سی اوزرینه تقدیر ایذیله جگدی . بر آقری الی لیرادن
آشاغی قیمتده کی اراضیدن هیچ آلمایه جگدی . کینلک اراضینک قیمتی
تماماً زراعی اولماسده زراعی مقاصد اوغورنده مجموع قیمتی ۵۰۰
لیرایی تجاوز ایتمه ی اراضیده بو ویرکودن معاف ایدی . بوسوک
قره کوچوک اراضی صاحبلرینی ویرکودن معاف بولوندیرمق سیاستنک
مقتضیاتندن ایدی .

معادن حقوقی ویرکوسی واردی . معدن اوجاقلرینی ایشله مک
حق رانت قیمتی اوزرندن آلینیوردی . بوندن باشقه مالیه
قانونی کلیرله تدریجی برفضله تکلیفده علاوه ایدیوردی .
دیگر طرفدن بالواسطه تکالیف دتتامماً اونوتولماشدی . چونکه
اسپرطولی موادك اعمال وفروختی ایچون ، رخصتیه رسملری
قونولش ، پول رسومی تزید اولونمش ایدی .

حکومتك تکلیفاتی پك قوتلی مخالفتلر تولید ایتدی .
محافظه کارلر بوتشبی حق ملکیت اوزرینه سوسیالیستجه سنه
بر هجوم شکلنده کوستردیلر . سیتی تاجرلرندن بر چوغیده
بو حسه اشتراك ایدیورلردی . اونلر بو ویرکولرک سرماییه یی
ممالک اجنبیه چکیلیمکه مجبور ایده جکنی سویله دیلر . فقط ،
قابینه بوتون فرقه لرك پرنسپ اعتباریه قبول ایتدکلی احکام
یوزندن مصرفک آرتدیغنی ، بویوک نسبتده بر واردات تأمین
ایدیلک لازم ایه وئوتدن ویرکو آلماسی تنسیب ایدیلله بورسه
یکانه یاپیلاجق شی فقرادن آلمقدن عبارت قالاغنی جواباً
بیلدیردی . محافظه کارلرك بویوک برقسیمی ، منبع واردات
اولق اوزره ترجیحی بر تعرفه اساسنی ایلریه سوردیلر .
بوکا ناظرلر بالطبع مخالف ایدیلر . یاپدقلری تکلیفک یالکز
بر ضرورت مالیه اولمادیغنی ، اقتصادی واجتماعی نقطه نظرندن ده
حق بولوندیغنی ادما ایلله دیلر مع مافیه ، متفقارینک بر قسمی
بودجه دن ممنون دکلدیلر . چونکه ملیتپرورلر مسکرات رخصتیه سنه

طرفدار بولونمايورلردى . ايرلاندا اوزرينه نسبتدن بك فضله
بر آغيرلقله يوكلهنه جكنى دوشونيورلردى . بوسبیدن دولايى ،
ايچلرندن برچوغى لايحه قانونيهك ايكنجى قرائنده عليهنده
رأى ويرديلر . مع مافيه ، لايحه قانونيه ۲۰۹ . قارشى ۳۶۶
رأى ايله قبول اولوندى [۱] . فقط ، دها صوكرهكى صفحهده
لايحه قانونيه اوچنجى قرائت ايچون كلديكى زمان ، ليدرلى
حكومه قارشى مخالفتك ماقلاانه برحركت اولماديغنه قناعت پيدا
ايتشلردى . اونك ايچون ، يالكز ناسيوناليستر مخالفتده قالدیلر .
يالكز بر كشى رد تقيري لهنده رأى ويردى . تقيير ، ۱۴۹
رأيه قارشى ۳۷۹ رأى ايله رد اولونمشدى .

لوردلر قاماراسنك برماليه قانوننى تعديل ايتمكه تشكيلات
اساسيه اعتباريله حقلى اولاجنى ادطاسى عوام قاماراسى طرفندن
شدته رد ايدلىكى حالده بويله بر لايحه قانونيه يي تعديلله حقلى
اولايله جكى پرنسيپ اعتباريله صورت عموميهده قبول اولونيوردى .
فقط ، بر دوره اجتماعيه عائد بوتون مالى احكامى تك بر
لايحه قانونيه ايچنده طويلامق عادتى وجود بولدقن صوكره
هر كس ، لوردلرك بوتك لايحه قانونيه يي رد ايتك صورتيله
حكومتى هر سنه قبول اولونان ويركولرك كافه سندن محروم
براقغه و بناء عليه اوسنهك خدمات عموميهسى ايچون غير كافى .

[۱] دها دوغروسى ، بو ، لايحه قانونيهك اوچ آى صوكره
قراثنى تكليف ايدن تقيير عليهنده طويلانش بر رأى ايدى .
الكترهك حاكمى : ۲۵

واردات ايله اداره امور موقعه سوقغه جسارت ايدمه يه جكلريني
 ظن ايديلورلردى [۱]. مع مافيه ، ۱۹۰۹ مالىه قانونى صوك
 بهارده لوردلر قاماراسنه كلديكى زمان ، كرك تجارى واجتماعى
 تاثيرات ملحوظه سى كرك مالى مطالعات دولاييسيله بويوك
 برخالقت فيرطنه سى ايله قارشىلاشدى . بونك برماليه قانونندن
 فضله برشى اولديغى ، دائره شمولى على العاده بودجه دن چوق
 واسع بولونديغى سويله نيوردى . بناء عليه ، منتخبلك رآينه
 مراجعت ايدىلك اوزره ، ردى بك مناسب اولاجق بر لايحه
 ديهه تلقى ايديليوردى . اوزون برمذا كره دن صوكره ، لوردلر
 ۷۵۰ قارشى ۳۵۰ رآى ايله محافظه كارلر ليدرى لوردلانسدانوك
 تقريرى قبول ايتديلر : « مملكته حكيم و تقديرينه عرض
 ايديله دن اول لوردلر قاماراسى بولايحه قانونيه يه اظهار موافقت
 ايدمه مز » قرارى ويريلدى . لوردلر ك بوحر كتى بر بحران توليد
 ايتدى . حكومت محتاج اولديغى واردات اولمادن دوام ايدمه مزدى .
 باشقه قانون لايحه لرى كى بودجه ي آتى يه تعليق ايتمك قابل
 دكلدى . لوردلرى ممنون ايدمه جك صورتده يكي بر بودجه تنظيم
 ايدمه رك سياست دكيشدير مك بالطبع هيچ موضوع بحث اولامازدى .
 بناء عليه ، حكومت تكليف ايديلن مبارزه يي قبولدن باشقه
 [۱] ۱۹۰۹ ده حكومت ، بودجه ، قانونى موحينجه باره
 استقراض ايتمك صلاحيتنه مالكدى . فعلياتده ، سنوى وبركولر
 قسم اعظمى اختيارى صورتده تأديه ايديليوردى . چونكه صوكره
 بونلرك اخذى ايچون بر قانون قبول اولوناچنى محقق ايدى .

برشی یا پامازدی . کانون اولك ايکيسنده عوام قاماراسی شوقراری قبول ایتدی : «لوردلر قاماراسنك ، اوسنه خدمات عمومیه سی ایچون عوام قاماراسی طرفندن تنظیم ایدیلن احکام مالیه یی قانون حاله کچیر مکدن امتناع کو سترمه سی تشکیلات اساسیه یه قارشی برضربه وعوام قاماراسنك حقوقنه بر تجاوز تشکیل ایتمکده در . » بونک اوزرینه پارلمنتو فسخ اولوندی .

۱۹۱۰ کانون ثانیسنده وقوعه کلن انتخابات عمومیه ده حکومت یوزدن فضله صاندالیه غائب ایتدی . تقریباً بر دوزینه قدرینی مساعی فرقه سی غائب ایتشدی . متباقیسنی ده لیبرال لر . مع مافیه ، مظفریت ینه حکومت طرفنده ایدی . چونکه یکی پارلمنتوده طرفدارلرینك مقداری تناقص ایتمش اولمقله برابر ، هیئت وکیله ، متفقریلره برلکده ، ۱۲۴ اکثریته مالک ایدی . فقط خصوصی بروصیت تحدث ایتشدی که انکاتر ده فرقه حکومتک نتایجنه پک کوزل بر مثال تشکیل ایدر ، لیبرال لرله اونینویستلر یکی پارلمنتویه همان همان مساوی مقدارده صاندالیه ایله عودت ایله مشلردی . اکثریت مساعی فرقه سنه منسوب قرق معوث ایله ۸۲ ناسیو- نالیسته تابع ایدی . میزان قوتی اللرنده طوتانلر ناسیونالیستلر ایدیلر . حالبوکه بو فرقه نك اعضا لری ، مالیه قانوننه صوک صفحه سنده ایچارندن بر چوغی مظاهرت کو سترمش اولمقله برابر ، رخصتییه رسمنك علپهنده ایدیلر . بناء علیه بومسئله حقنده خلقتک فکر ومطالعہ سی کبی تلقی اولوبان انتخابات ، لایحه قانونیه نك

اساسلی بر قسمنه معارض کبی عداید یله بیلیردی . فقط ، ناسیونالیستلر ویرکو مسئله سندن زیاده هوم رول مسئله سنه علاقه دار ایدیلر . بونی تأمین ایتک و لوردلر قاماراسنک بوباده چیقاراجنی مشکلاتی بر طرف ایله مک ایچون ، مالی احکامده لیبرال حکومت مظاهرت ایتک ایسته یورلردی . چونکه لیبرال حکومت آنجق بوسایه ده موقع اقتدارده قالایله جکدی . بناءً علیه ۱۹۰۹ مالیه قانونی بک خفیف تعدیلات ایله تکرار مجلسه کلدی ، عوام قاماراسندن کچدی . لوردلر ، اولجه وقوع بولان بیاناتلرینه توفیقاً ، ملتک قرارینه سرفرو ایتدیلر ، آریله صورتیله رأی طوپلامغه حاجت قالمادن لایحه یی قبول ایله دیلر .

بو آرا ده ، حکومت ، روایتیه نظراً ناسیونالیستلرک طلبی اوزرینه ، ده مالیه قانونی چیقمدان اول ، عوام قاماراسنه بر تکلیفده بولونمشدی . حکومتک تکلیفنه نظراً «لوردلر قاماراسی بر مالیه قانونی لایحه سنی رد ویا تعدیل ایتمکدن قانوناً منع» ایدیه جکدی . «لوردلر قاماراسنک مالیه قانونلرندن غیری لوائج قانونیه اوزرنده کی صلاحیتی قانوناً اوصورتده تحدید اولونا جکدی که بر برینی متعاقب اوچ دوره اجتماعیه ده عوام قاماراسندن کچن لایحه لر لوردلر قاماراسنک موافقتی اولمادن قرالک تصدیقیله قانونیت کسب ایده بیله جککردی . لایحه قانونیه نک عوام قاماراسنه ایلك تودییی ایله اوچنچی دفعه اولارق عوام قاماراسندن چیقماسی آراسنده لا اقل ایکی سنه مرور ایله یه جکدی» . صوک بر تکلیفده

دوره تشریعی بی ش سنهیه ایندیرمک مناسب اولاجنی
 بیان ایدیوردی . عوام قاماراسی ۱۹۱۰ سنهسی نیساننک ۱۴ نده
 بوتکلیفاتی قبول ایتدی . بونک اوزرینه ، بومقرراته استناداً
 برپارلمتوقانونی مجلسه تودیعی اولوندی . مستر آسکوئیت بوقانوندن
 بحث ایدرکن لوردلر بوتکلیفی قبولدن استسکاف ایده جک اولورلرسه
 حکومتک یا استعفا یا مجلسی فسخ ایلهیه جکنی بیان ایتدی . فقط
 حکومت مجلسی اوصورتده فسخ ایده جکدی که ملنک انتخاباده
 بومسئلهیه دائر ویره جکی قرار، یکی پارلمنتوده قانون حاله افراغ
 اولونا جقدی . نهایت ، قرالده ایجاب ایدرسه یکی برطاقم لوردلر
 تعیین ایدرک لوردلر قاماراسنک مقاومتی کسر ایده جکدی .
 ایلك بهار تعطیلنی متعاقب لوردلرک بوبابده همان بر قرار
 ویره جککری ظن اولونیوردی . فقط ، بو نهایت بولمادن ،
 قرال یدنجی ادوارد مایسک آلیسنده وفات ایتدی . اونک
 اولومی ، بشنجی جورجک تخته چیقماسی سیاسی مجادلانده بر
 متارکه وجوده کتیردی . لیدرلری آراسنده جریان ایده جک
 خصوصی بر مذا کره نتیجه سنده فرقه لرک تأمین ائتلافی ایچون
 بر تشبث وقوعه کلدی . یاز و صوک بهار موسملری ائناسنده یکرمی
 بر اجتماع عقد اولوندی . تشبثک جدی اولدیغنه بو ، کافی بر
 دلیل تشکیل ایدر . فقط مذا کرات ثمره سز قالدی . تشرین
 نانینک ۱۰ نده مذا کرات منقطع اولدی . بر ائتلاف تأمین
 ایدیه میوردی . بونک اوزرینه حکومت ، اوسنه ایچون مالیه

قانونی ودها سائر لزومی بعض لایحه‌ری کچیرد کدن صوکره .
۲۸ تشرین ثانیده پارلمنتونک فسخ ایدیله‌جکنی اعلان ایتدی .
لوردلرک رد ایده‌جکاری محقق اولان پارلمنتو قانونی اونلره
کوندرمکده هیچ بر فائده متصور اولمادیغی ده علاوه اولونیوردی .
لوردلر ده اول تلاشه دوشمشلردی . ۱۹۰۷ تاریخنده ،
کندی قامارالینک صورت ترکبنده اصلاحات اجراسنی تذکر
ایچون بر انجمن تشکیل ایتشلردی . فقط بو انجمنک راپوری
اوزرینه هیچ برشی یاپیلماشدی . شیمدی مسئله مستعجل ایدی .
۱۹۱۰ سنه‌سی مارتنده لورد روزبرینک تقریری اوزرینه بعض
مقررات اتخاذ ایتدیلر . بونلره نظراً قوتلی بر ایکسجی مجلس
لازم ایدی ؛ بو مجلسی تشکیل ایتمه‌نک ال ای طرزی موجود
هیئت اصلاح ایتمک ایدی ؛ بر لوردلغه صاحب اولق آرتق
لوردلر قاماراسنه اعضا اولق واوراده رأی ویرمک حقنی تأمینه
کافی کلمه‌لی ایدی . تشرین ثانیده بردن بره عمومی انتخابات
یاپیلاجنی خبری ، کونک حیاتی مسئله‌سی حقنده معین برسیاست
دستوری تنظیمنه وقت بر اقامادی . فسخک عرفه‌سنده ، محافظه‌کار
لوردلرک لیدری اولان لورد لانسداون ، پارلمنتو قانوننک
حکومت طرفندن لوردلر قاماراسنه تودیع ایدیله‌سنی ایسته‌دی .
عینی زمانده لورد روزبری دیگر بر تکلیف دها درمیان ایتدی .
بویله برشی یاپه‌جغنی اولجه خبر ویرمشدی . لورد روزبرینک
تکلیفنه نظراً ، بعدما لوردلر قاماراسی ارثی لوردلر طرفندن

انتخاب ایدیلش ارثی لوردلردن ، مقام حکمداری طرفندن منصوب اعضاءدن ، ایضا ایتدکاری خدمات ویا سائر جهات لیاقتدن دولایی مجلسه اشتراك ایده جك لوردلردن و نهایت خارجدن منتخب اعضاءدن ترکیب ایده جکدی . بو تکلیف آریله صورتیله رأی طوبیلامغه حاجت قالمادن قبول ایدیلدی . چونکه حکومت مسئلهیه پك آز علاقه دار اولدی . چونکه تشکیلاتده اصلاحات یاپیلمادن اول ، نفوذ و اقتدارك تنقیص ایدیله سی لازم کله جکنی حس ایدیوردی . فعلیاتده ، پارلمنتو قانوننك مقدمه سنده یکی برنوع مجلس احداثی موضوع بحث اولمقله برابر ایکنجی مجلسك استقبالده کی طرز تشکلی حقننده ناظرلر آراسنده اتفاق افکار موجود دکلدی .

اصل مهم مسئله قامارانك نفوذ و اقتداری مسئله سی ایدی . لوردلر ، ایکی قامارا آراسنده اختلاف حاصل اولدینی زمان تحدث ایدن وضعیتی حل ایده جك برپلان عرض ایتك ایچون پارلمنتو قانونی حقننده کی مذاکره لرینی تعطیل ایده رک بو بایده لورد لانسداون طرفندن تکلیف ایدیلن مقرراتی مذاکره یه کیریشدیله . بومقرراته کوره اکر باشقه شیلری مالیه قانونلرینه ربط ایتك تشبثاتنه قارشی جدی تدبیرلر اتخاذ ایدیلیرسه — مثلا بر لایحه نك صرف بر مالیه قانونی اولوب اولمادینی عوام قاماراسی رئیس نك تحت ریاستنده مختلط بر انجمن طرفندن قرارلاشدیرلوق اصولی قبول اولونورسه — لوردلر مالیه قانونلرینی

رد ویا تعدیل حقندن واز چمکه مهیا ایدیلر . کذلک ، مالیه قانونلرینک غیرى لایحهلر حقنده ایکی مجلس آراسنده چیقاجق اختلافلرک مشترک برجلسه عقدی صورتیله حل ایدیله بیله جکی بیان اولونیوردی . اگر مسئله پک بویوک براهیتی حائز ایسه وخلقک حکم و رأینه کافی درجده عرض ایدیله مشسه بر رده رهنوم یاپیلارق افکار عمومیه نک تجلیسنه باقیلاجقدی . لیبرالر ، رده رهنوم اصولنک غیرقابل تطبیق و غایت مصرفی اولدیغی سویله یه رک اعتراض ایتدیلر . چونکه لوردلر قاماراسی بونی یالکزر لیبراللرک قانون لایحه لرینه قارشى استعمال ایده . جکدی . بوندن باشقه ، مسئولیت حسنی محوایدجک و تمثیل حکومتک ممثلرینی ییقا جقدی . مع مافیه ، لورد لانسداونک تکلیفاری لوردلر طرفندن قبول اولوندی . آرتق مسئله انتخاباته عرض ایدیله جک درجده کاله ایرمشدی .

۱۹۱۰ کانون اولنده یاپیلان انتخاباتک اک باشلی مسئله سی بالطبع لوردلر قاماراسنک « وەتو » دنیلن حق ایدی . فقط تعرفه اصلاحاتی ، رده رهنوم ، هوم رول ده عینی درجده مهم شیلردی . مستر بالفورک بر تعرفه اصلاحات لایحه سنی خلقک رأینه عرض ایتکه قارشى هیچ بر اعتراضی اولمادیغی یواننده کی بیاناتی و مستر آسکوئیٹ ک فرقه سنی هوم رول لهنه طرفدار کوسترمه سی دولایسیله صوک ایکی مسئله بر اهمیت مخصوصه اکتساب ایدیوردی . انتخابات فرقه لرک قوتنده همان همان هیچ

برد کیشکلک حصوله کتیرمدی . لیبرال هیئت وکیلہ ، لوردلر قاماراسنک نفوذ و اقتدارینی تنقیص یولنده کی سیاستنی موقع اجرایہ قویق ایچون ملتن وکالت و مآذونیت آئش برحالده تکرار موقع اقتداره کلدی . بونک اوزرینه ، پارلمنتو قانونی عوام قاماراسندن چیقاریلارق دیگر مجلسه کوندریلدی . بو آراده ، لوردلر ره فہرہ ندوم ایچون وقامارالینک تشکلاتندہده قطعی بر اصلاحات اجرایی ایچون قانونلر مذاکرہ ایدیسورلردی . بو اصلاحات نتیجہ سنده لوردلر قاماراسی دولت داخلندہ بر فرقہ ننگ اندہ بر آلت اولمقدن قورتولا جقدی . فقط آرتق مقابل پلانلر یایمق زمانی کچمشدی . یکانہ جدی مسئلہ لوردلرک، صوک انتخابات قارشیسندہ حکومتک لایحہ قانونیہ سنہ قارشی اتخاذ ایدہ جکلری خط حرکتدن عبارتدی . لوردلر بولایحہ یی رده قالقیشمادیلر . فقط تشکیلاتدہ وسائر مهم نقطہ لرده اساسی تحولاتی بو قانونک دائرہ احکامندن چیقارمق صورتیلہ اونی کندی لایحہ لریلہ تألیفہ جالیشدیلر . بومقصده ، مقام حکمدارینک یاخود پروتستان طرز توارشک موجودیتی اخلال ایدن ، ایرلاندا دہ ، اسقوچیادہ ، غال الکاسندہ ، انکلترة دہ ملی برپارلمنتو یاخود مجلس تأسیس ایلہ یں ، خلکک آرزوسی نہ اولدینی آکلا- شلما مش غایت مهم بر مسئلہ یی ایلری یہ سورن ہر ہانکی بر لایحہ قانونیہ ننگ بر رده فہرہ ندوم یاپیلما دن لوردلر قاماراسندن کچہ مہ یہ جکنہ دائر بر تعدیلات یاپدیلر . عوام قاماراسی رئیسک

تحت ریاستنده، رئیس رأی غالبه مالک اولمق اوزره، تشکل ایده جك مختلط برانجمن بر لایحه قانونیه نك بو نوعه داخل اولوب اولمادیغی، كذلك بر مالیه قانونی تشکیل ایدوب ایتمه دیکنی تعیین ایده جكدی . باش وکیل، ایجابی تقدیرنده یکی لوردلقلر احداث ایدیله سنه دائر انتخابدن اول قرالک اظهار ایتدیکی موافقی شیمدی علناً هرکسه بیلدیردی . بو صورتله قوت بولمش اولان عوام قاماراسی لوردلرک یاپدقلری مهم تعدیلاتک کافه سنی رد ایتدی . یالکز بونلرک بردانه سنی قبول ایله دی که اوده دوره تشریعیه یی تمید ایدن لایحه قانونیه نك ردینه دائر ایدی . پارلمنتو لایحه قانونیه سی تکرار لوردلر قاماراسنه کلدیکی زمان ، لورد لانسداون، طرفدارلرینه رأیه اشتراک ایتمه ملرینی، قانونک علی حاله کچمه سنه سس چیقارما ملرینی توصیه ایله دی . فقط حائر نفوذ لوردلردن بعضیلری ، سابق شانسلور لورد هالسبور ی باشلرنده اولمق اوزره ، عرض انقیاد ایتمکدن ایسه صوک نقطه یه قدر مجادله یه قرار ویردیلر . بونلر « اوزلاشمه بیلمز » دیه معروف اولدیلر . مقدارلری ده نتیجه یی شبهه یه دوشوره جك درجه ده زیاده ایدی . مع مافیه ، اونینو نیست لردن بعضیلری یکیدن بر قاج یوز لورد تعیین ایدیله سندن قورقارق، لایحه قانونیه یه مظاهرت کوسترمکه قرار ویردیلر . اونلرک رأیلری لیبراللرک ، ایکی باش پسقپوسک و اون بر پسقپوسک رأیلری ایله برلکده ۱۱۴ . قارش ۱۳۱ اکثریت تأمین ایتدی . ۱۸۳۲ سنه سی تکرر

ایدیور دیمکدی . او زمان لوردلر قاماراسی غیر قابل اجتناب وضعیتی قبول ایتمش اولدینی کبی شیمدی ده پارلمنتو لایحه قانونیه سی ۱۹۱۱ سنه سی آغستوسنک ۱۸ نده قانون حاله کیردی [۱] .

قانون ، بوندن بویله ایکسجی قامارانک ارثی اساس یرینه بر خلق اساسنه کوره یکی باشند تنظیم اولونا جغنی بیان ایتد کدن صوکره [۲] ، عوام قاماراسندن کچهرک دوره اجتماعیه نک ختامندن لاقلا بر آی اول لوردلر قاماراسنه کوندریلش اولان برماليه قانونی بر آی ایچنده قامارا طرفندن تعدیلاتسز قبول ایدیلویه جک اولورسه قرالک تصدیقیله قانون حاله کیره جکنی سویله یوردی . مالیه قانونی شو صورتله تعریف اولونیوردی :

عوام قاماراسی رئیسنک فیکرینه کوره یالکیزویر کویه، ویر کولرک الغا و یا تنظیمنه ؛ قونسولیده خزینه ایچون مکلفیته یاخود او خزینه نک بعض مجبوریتلرینک رفعنه ؛ تخصیصاته ، حاصلاته ، مالیه عائد پارانک صرفه یاخود تدقیق حسابنه ؛ براستقراض عقدینه ، تأمیننه یاخود تأدیه سنه ؛ یاخود بو موضوعلره عائد اموره تعلق ایدن عمومی بر لایحه قانونیه . محلی حکومتلرک محلی ایشلر ایچون عقدایده جکلری استقراضلره ، پاره لره ، قویا جکلری ویر کولره تعلق ایدن احکامک بوندن خارج اولدینی صریح

[۱] پارلمنتو قانونی حقنده کی مجادله نک غایت ابی بر تاریخچه سی فرانسیس هولاندک مای ک Constitut. Hist. of England اثرینک یکی طبعنک صوک باندنه مندرجدر .

صورتده کوستریلیوردی. دیگر قانون لایحه لرینه کلنجه، (مالیه قانونندن یاخود دوره تشریعییه بی بش سنه دن فضله یه تمدید ایدن بر لایحه قانونیه دن غیر) عمومی بر قانون لایحه سی عوام قاماراسنده بر برینی متعاقب اوج دوره اجتماعیه ده ده (ایستر عینی پارلمنتو اولسون ایستر پارلمنتو دیکشمش اولسون) قبول ایدیه جک اولورسه ولوردلر قاماراسی طرفندن تعدیلاتسز یاخود عوام قاماراسنک قبول ایده بیله جکی تعدیلات ایله کچیریلزسه قرالک تصویبیه قانون حالی اکتساب ایده جکی ده ینه قانونک جمله احکامندن ایدی. یالکیز برنجی دوره اجتماعیه ده عوام قاماراسنده وقوعه کلن ایکنجی قرائت ایله اوچنجی دوره اجتماعیه ده قامارادن صوک کچیش آراسنده ایکی سنه مرورایتمک لازم ایدی. بوندن باشقه، لایحه قانونیه عوام قاماراسندن هر دفعه عینی شکله کچمک اقضا ایدردی. بالطبع مرور زمان یوزندن یاپیلان دیکشکلک لک لک یاخود ایکی مجلسک موافقتیه یاپیلان تعدیلاتک بوکا شمولی اولمازدی. قانونک احکامنه رعایت ایدیلدیکنه داثر عوام قاماراسی رئیسینک شهادتی قطعی بر نتیجه حصوله کتیرردی. خصوصی قانون لایحه لری یاخود موقت نظامنامه لر وضعنه مانع اولمایان قانون، انتهایت دوره تشریعییه نک یدی سنه یرینه بش سنه اولاجغنی سویله یوردی.

بوقانون، یاپیلدیغی زمانده کی احوال و شرائطک نشانه لرینی شامل بولونمقده در. بو، ملت داخلنده حاکم فرقه طرفندن

سیاسی بر شکایتی ازاله ایچون یاپیلیمش برشیدر . انکلتزه نك پارلمنته ر حکومتده ایکنجی بر مجلسه یاقیشه حق نفوذ و اقتداری اوکا ویرمک اوزره وقوعه کلش بر تثبث دکلدر . لیبرال اکثریت ، مهم مسئله لرده تعقیب ایتدیکی سیاستک ، دائمی صورتده کندی مخالفلرینک تحت حکمنده بولونان بر مجلس طرفدن مشکلاته اوغراتیلماسنه تحمل ایده مزدی . هر ایکی طرفک قانون لایحه لرینه ده عینی وجهله قابل تطبیق اولاجق برره فوره ندوم اصولی قبول اولونمادی ایسه ده لوردلر قاماراسنک نفوذ و اقتدارینی معقول بر زمان ظرفنده لایحه لرینک قانون حالی کله سنی تأمین ایچون الزم اولان مقداردن زیاده تنقیص ایتدیلر . حقیقتده ، قامارانک قانونی حقوقی ، ۱۸۹۲ دن اول حائر اولدینی نفوذ و قدرتدن برآز آشاغییه ایندیریلمشدی . طرز ترکیب جذری صورتده دیکشیدیریلده دیکجه بو ، بر درجه یه قدر محافظه کارلرک آئنده سیاسی بر آلت اولارق قالا جقدی .

مالیه قانون لایحه لری اوزرنده لوردلر قاماراسنک نفوذ و اقتداری تماماً قالدیریلمشدر . فقط بو لایحه لر کمال اعتنا ایله تعریف ایدیلش اولمقله برابر ، غایه لری ، انکلتزه تشکیلات اساسیه سندده کی هر خصوص کبی ، حقیقتده غننه نك تمادیسنه و درستی حركات حسنه مربوط قالا جقدر . ویرکو و تخصیصات شکلی آئنده همان هرشی یاپیلایلیر . ناصل که آمریقاده دولت بانقه لرینک بانقنوط چیقارمغه حق لری قالدیریلارق یکنسق ملی

بانتقوٹ اخراجی کیفیتی فہدہ رال ویر کولرلہ تآمین ایدیلشدور .
 پارلمنتو اعضالرینہ تخصیصات ویریلہسی دہ شہہ سز تشکیلات
 اساسیہ دہ مهم بر دیکشکلک دیمکدر . بویلہ اولدینی حالہ
 ۱۹۱۱ سنہسی آغستوسندہ عوام قاماراسنک بر قراری ایلہ
 یاپلشمش وصوکرہ بونی بر تخصیصات قراری تعقیب ایلہ مشدر .
 بو بابدہ آیربجہ ہیچ بر قانون تنظیم ایدیلہ دی . مخالفت
 بوحرکتی شدتلہ تنقید ایتدی . کذلک شونی دہ خاطر لانتق
 ایجاب ایدرکہ انکلتزہ دہ ولایتلر دہ کی محلی ضابطہ وایلیک مکتبلر
 ۱۸۷۰ دن اول بالکز خزینہ مالیدن ویریلن پارہ ایلہ اداره
 اولونوردی . عوام قاماراسی رئیسک شکل آلتندہ روحہ باقق
 ایستہ جکی ۱۹۱۱ مالیه قانوننک روح قانون دائرہ سندہ بر
 پارہ قانونی اولمادیی یولندہ کی قراری ایلہ آکلاشیلیور .
 دہ موقراسینک ترقیسی وپارلمنتو اعضالرینہ تخصیصات ویریلہسی
 عوام قاماراسنک ، عنعناتہ قارشی حرمتی یاخود وضع قانون
 خصوصندہ مصادف اولدینی مشکلاتلرہ قارشی بسلہ دیکی صبر و تحملی
 تنقیص صورتیلہ ، حالی بک چوق دیکشدر مزسہ پارہ قانونلرینک
 منحصرأ کندیسینک تحت نفوذ وحا کیتندہ قالماسنک سوء استعمال
 ایدیلہسی احتمالی بک آذرر .

سائر قانون لایحہ لرندہ دها زیادہ مشکلات حس ایدیلہ جکدر
 کبی کورونیور . پارلمنتونک ختامندن اول ، غیر ملحوظ بر
 وقعہ دن دولایی موقع اقتداردن دوشہ بیلمک تہلکہسی قالہ

آلماسهده ، هیچ بر هیئت وکیلله کلهجک انتخابات عمومیهده اکثریتی قازانه جغنه قطعیت ایله امین اولاماز . بناءً علیه ، بش سنه ایله تحدید ایدیلش برپارلمتوده برلیبرال قاینه ، عوام قاماراسندن ایکنجی ودها زیاده اوچنجی دورهٔ اجتماعیهدن صوکره کچمش بر لایحهٔ قانونیه بی لوردلر قاماراسنک مخالفته رغماً قانون حالنه کتیره بیله جکینی امید ایده مز . شمدیکی اصول ایله ، مهم لایحه لردن پک آزینی بر دورهٔ اجتماعیهده چیقارمغه امکان فعلی واردر . بوندن باشقه ، بر لایحهٔ قانونیه ، لوردلرک موافقتی اولمادن قانونیت کسب ایتک ایچون عوام قاماراسنده اوچ دورهٔ اجتماعیهدهده عینی تعییرات ایله قبول ایدیلک لازمدر . یالکزر جریان ایدن زمانک ایجاب ایتدیکی یاخود ایکی مجلسکده قبول ایله دیکی تعدیلات یاپیلا بیلیر . حالبوکه کورولتو چیقاران عمومی قانون لایحه لردن چوغنده متضاد نقطهٔ نظرلر تألیف ایدیلهرک اوکا کوره بعض احکام قونولمشدر . اکر ایکی سنه دن صوکره قاینه نك تشکلاتنده بعض دیکشککلر اولمشسه اغلب احتمالله کوره او احکامی بر آز باشقه دورلو تنظیم ایتک ایسته ین یکی ناظرلر بولونا جقدر . فقط بونی یاپامایه جقلری ایچون قانون لایحه سنی یا علی حاله قبوله یاخود اوندن واز کچمکه مجبوردرلر . قانون لایحه لردن برچوغی ده آرادن ایکی سنه کچدکدن صوکره ، قصورلی کورونمشلدر . زمان اورته یه برطاقم نقصانلر وقصورلر چیقاریر . یکی نقطهٔ نظرلر انکشاف ایدر . شکایتلر دیکشیر .

خلق يادها چوق جذرى يا دها آز جذرى احكام ايستر. لوردلر ،
 بالطبع ، تعديلاتى قبول ايده بيليرلر. فقط لايحه قانونيه هيت
 عموميه سى اعتباريله معارض ايسلر اونك قانونيت كسب ايتمه سنه
 قارشى موجود موانى رفع وازالده هيچ ايسته كلى داوراناميه .
 جقدردر . بناء عليه ، ناظرلر ك يا قصورلى اولدينى تسليم ايديلن
 بر لايحه قانونيه نك على حاله قبولنى طلب ايتك يا خود ، ماقلا نه
 اولدينى آشكار بولونان بر تعديلاتى لوردلر ك قبول ايتمه جكي
 مطالعه سيله ايسته مه مك صورتيله موقعلرينى تهلكيه دوشورمك
 كې عجائب بروضعيته قالمالرى هيچ ده غير محتمل دكلدر . هم
 بوده احتمالكه اويله بر زمانده اولاجقدر كه بدايته لايحه قانونيه نك
 تنظيمى ايجاب ايدن احتياج ، خلك كوسترديكى علاقه زائل
 اولمش ، باشقه نقطه توجّه ايتمش بولوناجقدر . مثلاً ، شيمديكى
 دوره اجتماعيه ده هوم رول لايحه سنه باقكر . بولايحه ، اساس
 اعتباريله براوزلاشمه سلسله سندن عبارتدر . هر ماده سنده بر چوق
 ضد نقطه لر دولودر . بر طرفدن ويرديكى ديكر طرفدن ده رفع
 ايتديكى نفوذ واقدارلر دولاييسيله احتمالكه هيچ كيمه ينى
 نمون ايده مه مكده در . بويله بر قانون لايحه سنى صيغاعى صيغاعنه
 كچيرمك ايله ايكي سنه صوكره سرت ، صوغوق بر حاله كلكش ايكن
 كچيرمك آراسنده بويوك برفرق واردر .

لوردلر قاماراسنك ، النده قالان متباق نفوذ واقدارلر
 طرز استعمالى بويوك براهيتى حائر اولاجقدر . اكر لوردلر

قاماراسى مغلوبىتىدىن يىلماز سە بونفوزداقتدارىنى سىر بىست وفاقلا نە
استعمال ايدە بىلەر و ايشلر اوزرنده مؤثر اولور . شېھ سز كە
بوقانون، لوردلر قاماراسنك جىزى صورتە يېكى باشدن تشكىلنە
وقامارانك نفوز و قدرتنك دە تعدىلنە دوغرو آتېلمىش ايلك آدىم
اولا بىلەر . بو تقدىردە ، ايلرىدە نە كېى تعدىلات ياپىلە جىغنى
شىمدىدن تخمىنە قالىقىش مق بېھودە در . دېكر طرفدن ، اكر
قانون استىقبال قىرىدە دھا باشقە نىتايچ توليد اتمە يە جك برادارە
مصلحت تدبىرى قىلىندىن قالە جق ايسە — كە انكلىز تشكىلات
اساسى سەندە بو كېى شىلر كورولمىشدر — لوردلر قاماراسى يە بر
درجە يە قدر بىر فرقه آلتى وجودە كىترە بىلەر وقانونر اوزرنده دە
اجراى تاثير اتمە كىدن خالى قالماز . فقط عوام قاماراسندن خاقە
شكايت و مراجمە حقى اولدىنى يولندە كى ادعاسى تمامىلە ازالە
ايدىلە مشە دە هر حال دە پك صار صىلمىشدر . قانونك قبول ايدىلدىكى
صىرالردە محافظە كارلر ، موقع اقتدارە تىكرار كليرلرسە لوردلر ك
حكىم و نفوزىنى اعادە ايدە جىكلرىنى سويلە مشىردى . فقط بعضاً ،
بىر سقو طك تاثيرىنى قرال ك بوتون بار كىرلرى و بوتون آدملىرى
ازالە ايدە مىزلر .

يکرمی اوچنچی باب

قاینه و مملکت

قوتک پارلمنتودن خاقه انتقالی مجلس مبعوثانک فائیتی، نفوذ و اقتدارینک قاینه به انتقالی یوزندن خللدار اولدینی کبی، نفوذ و قدرتک دوغروندن دوغرویه منتخبلر هیئته کچمه سی ده اهمیتنی آزالتمشدر. ذاتاً بویاکی تمایل بربرلرینه مربوط بولونمقدن خالی دکلدرلر. نفوذ و قدرتک منتخبلر هیئته انتقالی قسماً ناظرلرک نفوذنده کورولن تزايددن، سیاسیاتک پارلمنتو طرفندن دکل بالخاصه ناظرلر طرفندن اداره ایدیلدیکنک میدان چیقما سندن ایلری کلشدر.

سبیلری : (۱) قاینه شیمدی، پارلمنتونک موافقتی و انضمام رأی ایله ملتی اداره ایدر. ایشته بوندن دولاییدرکه ملت کندیسنی اداره ایده جک قاینه نك انتخابنده کندیسنی قرار ویرمک ایسته یور. شبهه سزکه هیئت وکیله نك حیاتی عوام قاماراسنک کیفه تابعدر. فقط حقیقتده هیئت وکیله صفت وکالتنی، براتخابات عمومیه نك نتیجه سی شکلیده ممالکندن آلمشدر. عوام قاماراسنی هیئت وکیله نك حیاته خاتم چکسه بیله یرینه کله جک قاینه بو پارلمنتوده کندیسنه استنادکاه آراماز. درحال مجلسی داغیتیر و منتخبلردن یکی برا کثريت ایستر. قرق سنه اول هیچده بویه دکلدی.

۱۸۵۲ ده انتخاب ایدیلن ودرت سنه دن بر آفضله امتداد ایدن قامارا ، بودوره نك ايلك قسمی ائناسنده لبرال لرله پیل جیلردن مرکب بر اتحاد قاینه سنه ، ایکنجی قسمی ائناسنده ده یالکز لبرال لردن مرکب بر هیئت وکیلله مظاهرت کوستر دی . اونی تعقیب ایدن پارلمنتو ده ائی بر مثال عرض ایدر . ۱۸۵۷ ده طوبیلان دی . لورد پالمستونك لبرال قاینه سی لهنده بویوک بر اکثریت موجود ایدی . فقط ، بر سنه کچمهن قاینه مغلوب اولدی وچکیلرک یرینی محافظه کارلره بر اقدی . اونلر ، لورد دربی نك باش وکالتی آئنده ، مجلسی فسخ ایتهدن ، بر سنه حکومت ایتدیلر . بوندن سوکره کی محافظه کار هیئت وکیللرک مثالی ایسه ده زیاده کوزه چاربه جق بروقه در . بو قاینه ، قوتلی صورتده لبرال ، مخاصم بر اکثریت قارشیسنده موقع اقتداره کلمشدی . فقط علمدارلری اصلاحات مسئله لرنده تعقیب ایدیلر جک خط حرکتی تعیین نقطه سنده بر لرلندن پک آریلیور . لردی . ایشته بو محافظه کار هیئت وکیلله ایکی سنه موقع اقتدارده قلدی . پارلمنتوی داغیتادن اول حق انتخابک مهم صورتده توسیعی تکلیفی قبول ایتدیردی . او تاریخدن سوکره ، بوکا بکزر برشی جریان ایتهدمشدر . سوکره لری ، هر قاینه تبدیلی در حال انتخابات عمومیه اجراسنه سبیت ویرمشدر . یاخود ، یکی قاینه اسکی پارلمنتوی یالکز مسائل جاریه یی تسویه ایچون الزم اولان برمدت ظرفنده آلیقویمش ، سوکره خلقه مراجعت

ایله مشدر. دیمك كه ، فعلیاتده، بوكون برتبدل وكلا ، انتخابات
عمومیه نك نتیجه سیدر . یاخود درحال اجرا اولونان انتخابات
عمومیه ایله تصدیق اولونمقده در .

(۲) منتخبلر عوام قاماراسنك نفوذ واقتدارینك آزماسی قسماده حق
هیئت نك تزیادی رأیك تشمیلندن و بونك نتیجه سی اولارق منتخبلر هیئت نك
چوغلما سندن ایلری کلیور . منتخبلر هیئت اوقدر بویومشدر كه
آرتق منتخبلرله دوغرودن دوغرویه ، شخصی تماسه کیرمك
قابل دكلدر . اونلرله یالکیز مطبوعات واسطه سیله مناسبتده
بولونیلا بیلیر . انسان بر آ ز صیقیلما یه حق اولورسه ، اولیغارشی نك
انتزیه تولید ایتمه سنه مقابل ده موقراسینك ده ره قلام اوزرینه
مؤسس اولدیغی ادعا ایده بیلیر . چونكه منتخبلر هیئته حاكم
اولق ایچون آرتق یوز سنه اولکی کبی بعض صاحب نفوذ
ذوات طرفندن حمایه ایدیلک یاخود پارلمنتو اعضاءلرینك مظاهرتنه
نائل اولق کافی کله یور . منتخبلرک او عظیم غلبه لغنه مراجعت
لازمدر . بونك نتیجه سی اولارق مسائل سیاسییه یالکیز پارلمنتوده
دكل بوتون خلقك آکلایه بیله جکی بر ساحه ده مناقشه ایدیلک
مجبوریتی حاصل اولمشدر .

(۳) افکار عوام قاماراسندن نفوذ واعتبارك اوزاقلاشما سنك اوچنچی
سبی ، افکار عمومیه نك جریان ایدن وقایی چارچاق او کرمك ،
بر فکر ایدنمك و ویردیکی حکمی بیلدیرمك ایچون مالک اولدیغی
واسطه لر سایه سنده مسائل سیاسییه اوزرنده احراز ایتدیکی

(۳) افکار
عمومیه نك
حاکمیتی

حا کیتدن عبارتدر . یومی غزته لرك باش مقاله لرینك حسیات
عمومیه یی تولید و یا افاده خصوصنده حائز اولدقلری اهمیت نه اولورسه
اولسون- بو کون بویکی نقطه نظر دن بومقاله لرك اهمیتی اسکینسه
نسبتله آزامش اولدیغنی ظن ایتك ایچون هیچ بر سبب یوقدر - ،
آشکاردر که اوجوز غزته لرك چوغالماسی جریان یدن وقایع دن
خبردار اولابیله جك کیمسه لرك مقدارینی صوك درجه ده
آرتیر مشدر . دیگر طرف دن ، پوسته ، تلغراف و تشکیلات
اعتیادی ده کندی نقطه نظر لرینی بیلدیرمك خصوصنده اونلره
بویوك قولایلقلر تأمین ایتکده در . پارلمنتوده کیجه نك کیچ
وقتنده جریان ایدن بر مذاکره ، طو بلانان بر رأی ، وقوعه کلن
بر حادثه ، ایرته سی صباح قهوه آلتی زماننده بوتون مملکت
یاییار . صاحب نفوذ منتخبلر ، قلوبلر ، قومیتلر وسائر بونلره
مشابه تشکیلاتلر ، ویردیکی رأیدن دولای قمارانك کله جك
جلسه سندن اول کندی مبعوثلرینی تقدیر و یا تخطئه ایده بیلیرلر ،
اونی تشجیع ایلرلر ، یا خود کندیسنه اخطاراتده بولونورلر .
ژان ژاق روسو ، انکلیز لرك آنجق پارلمنتو انتخاباتی زماننده
حر اولدقلرینی ، اوندن صوکره ، پارلمنتونك بوتون دوامی
مدتجه اسارت ایچنده قالدقلرینی ادعا ایدردی . بو مؤاخذه
اونك زماننده بیله آرتق دوغرو دکلدی . بو کون بوتون
بوتون یا کله مشدر . بوسبیدن دولاییدر که انکلیزلر پارلمنتونك
برسنه امتدادینی ایسته مکدن واز چمشلردر . خلقك فرمانك

آلتی اصلاحاتندن همان همان یالکیز بودر که موقع اجرایه قو-
نولما مشدر [۱]. بالعکس، ۱۸۳۲ د ۱۸۵۲ یه قدر کچن یکر می
سنه ظرفنده، فرمانجیلرک آوازلی هر طرفده ایشیدیلدیکی
صیرالرده، دوره تشریعیه لک وسطی مدت دوامی دوت سنه
سوردی. ۱۸۶۸ ده حق رأیک تشمیلندن صوکره پارلمنتورلوسطی
اولارق دوت سنه دونوز آی یاشادیلر.

بووقعه نك
تظاهراتی

عوام قاماراسندن نفوذ و اقتدارك خلقه انتقال ایتدیکی
هیچ آدانیلمایه حق علامتلردن بللیدر. بونی، حتی پارلمنتوده
بیله «سوقاقده کی آدم لک فکری» نه وقوع بولان ایملرک
صیق صیق تکرار ایتمه سی قدر کوستره جک بر شی یوقدر.
بونلرک فلان شیدن قورقدقلری، فلان شیئک اونلره دوقوندینی،
فلان شیئی ایسته دکلری ادعا اولونوب دورور. مجلسک اونلرک
مطالعاتی نظر اعتباره آلدینی تسلیم ایدیلور. بو، «سوقاقده کی
آدم لک» علم و عرفان ایله، تجربه و یا حکمت ایله صورت
مخصوصه ده، مبعوثلردن ده فضلده مقدارده مجهز بولونمالرندن
ایلری کله یور. بالعکس بو درجه کمالدن پک اوزا قدرلر!
«سوقاقده کی آدم» تعبیری وسطی بر بشریت نمونه سی اولارق

[۱] بو آلتی طلب شونلردن عبارتدی: رأی عام، دوره تشریعیه نك
برسنه دوام ایتمه سی، انتخابات دائره لریک مساواتی، وبرکو تأدیسه سی
شرطنک القاسی، رأی خفی اصولی، مبعوثلره تخصیصات وبریله سی.
بوتون بونلردن یالکیز پارلمنتونک بر سنه دوامی ومبعوثلره تخصیصات
اعطاسی طای ساحة فعله ایصال ایدیلده مشدر.

قوللا نیل مقده در. قسم اعظمی بودا لردن مرکب اولق اوزره
۲۷ میلیون سامعلریله عصری پارلمنتولری تعریف ایتدیکی وقت
قارلایلك بحث ایتدیکی آدم کبی بر شیر [۱]. عوام قاماراسی
اعضاسنک «سوقاقده کی آدم لر» ی نظر اعتباره آنلاری اونلرک
ممثلری اولمالرندن و اونلری علی العاده ذکا صاحبی بر منتخب
نمونه سی کبی تلقی ایتمه لرندن نشئت ایتدیکی تخمین اولونیور .
حقیقته ، پارلمنتو خارجنده کی افکار عمومیه نک مثال مشخصی
اولدقلری ظن ایدیلدیکننددر .

بوکون اک بویوک مقام طرفندن قبول و تأیید ایدیلن وکالت مسلکی
بر مسلک ده زمانک افکار وحسیاته بر نشانه تشکیل ایدر . بو
مسئله کوره، پارلمنتو، ملتدن بروکالت آلمان، غایت مهم یکی
بر مسئله حقنده قانون یاباماز . شخصی صورتده نظر اعتباره
آنان مبعوثی منتخبلرینک ساده جه بر دلککسی (مرخصی)
دیه تلقی ایدن نظریه اوزون مدت مناقشه ایدیلشددر . بونظریه
کوره بر مبعوث، نقطه نظرینی دکیشدیره جک اولورسه استعفا سی
ویرمک و تکرار انتخابی ایسته مک مجبوریته قالمق اقتضایدردی .
فقط بوتون پارلمنتونک بر وکالت ایضا ایتدیکی یعنی انتخابات
عمومیه ده خلقه بحث و عرض ایدیلشمس مسئله لرله اشتغالدن
اخلاقاً ممنوع بولوندینی فکری و قتیله تهلکلی بر الحاد سیاسی
کبی تلقی اولونوردی . مع مافیه اقتصادی مسئله نک اخیراً تولید

ایتدیکی هیجان و کورولتوایچنده مستر بالفور اوزمانك پارلمنتوسی
یالکیز جنوبی آفریقا محاربه سی مسئله سی دولایسیله انتخاب
ایدیلدیکندن دولای صلیحك عقدندن صوکره فسخ ایدیلک
لازم کله جکی ادعاسنی رد ایتمکله برابر [١] مواد غدائیه نك
سربستجه مملکته ادخالی حقنده بر مذاکره ایچون لازم کلن
زمانك تخصیصنه مانعت کوستردی . بونك ایچون کوستردیکی
سببده پارلمنتونك بر انتخابات عمومیه ده خلقه عرض ایتندن
اول [٢] بو مسئله حقنده قرار ویره می تشکیلات اساسیه یه
مغایر اولدیغندن ، مجلس ایچون حل ایده میه جکی بر مسئله
مذاکره سیله اوغراشمقده هیچ بر مناسبت تصور ایده مدیکندن
عبارتدی [٣] .

ینه بوکا بکزر بر پرنسپه استناد ایده رک ، مخالفت ، مستر
بالفورك قاینه - نك صوکر زمانلرنده ، عوام قاماراسنده استناد
ایتدیکی اکثریته رغماً مستر بالفورك چکیلمه سی ایجاب ایتدیکنی
دفعات ایله ادعا ایتشدر . چونکه وقوعه کلن قسمی بر طاقم
انتخابات مستر بالفورك مملکتک امنیتی غائب ایتدیکنی کوستردیکنی
سویله یورلردی . بواحوال وشرائطه رغماً موقع اقتداری محافظه

[١] مثلاً، هانسارد، ٤ نجی سه ری CXXXII ، صفحه ١٠١٣-١٥؛

CXII ، ١٦٢ .

[٢] کذا ، CXXXI ، ٦٧٩ ؛ CXLVI ، ٩٨٧-٩٨٩ .

[٣] کذا ، CXLI ، ١٦٣ ؛ CXLV ، ٦٢٢ ، ٦٢٧ ؛ CXLVI ،

ایتمکله تشکیلات اساسیه نك روحنی اخلال ایستدیکي ادعا اولو .
نیوردی [۱] . ۱۹۰۵ سنه سی نهایتده ، پارلمنتونك منعقد
اولمادینی بر زمانده مستر بالفورك استعفا سی ، بو وضعیتده موقع
اقتداری ترك ایتك بهمه حال لازم دكلسده هر حالده مناسب
اولاجنك اعترافی معناسنه کلیوردی . دها اولکی قاینه لر بعضاً
اعضای آرسانده کی اختلاف افکاردن یا خود قوتلی بر حکومت
یا بمانك مشكلاتندن دولای چکیلیمشوردی . فقط ، پارلمنتوده
اکثریتی غائب ایتهدن ، حسیات خلقده وقوعه گلش بر تحول
نتیجه سنده کی کوزوکه جك صورتده بر قاینه نك استعفا ایستدیکنه
دائر دها اول بر مثال یوقدر .

فقط ، قامارانك نفوذ و اقتدارینك ضیاغنه دلالت ایدن
احتمالکله اك مهم اماره خلقك پارلمنتو مذا کره لرینه کوستردیکی
علاقه نك ضعیفله مه سیدر . اون سکزنجی عصرده ، قامارا ،
مذا کراتك نشرینه مانع اولمغه چالیشوردی . بو کون ، حکومت
ایله منعقد بر مقاوله موجبنجه بو مذا کرات طبع ایدیلکده دره .
مقاوله یه نظراً هیچ بر نطق ، ضبطنامه ده اوزونلغك اوچده
برندن زیاده قیصا تیلما یه جقدر [۲] . اونك ایچون مبعوثلردن

[۱] کذا ، CXXXII ، ۱۰۱۵ ، ۱۰۱۹ ؛ CXLI ، ۱۲۲ ،

۱۲۳ ، ۱۸۰-۸۲ .

[۲] قاینه یه داخل ناظرلرك و مخالفت رؤسا سنك نطقلری

Parliamentary Debates ده عیناً نشر اولونور . باشقه مبعوثلرك

مذا کرات
ضبطلرینه
کوسترلین
علاقه نك
آزالماسی

قسم اعظمی غزته لرده کندیلرینی ممکن اولدیغی قدر کوسترمکه چالیشیرلر . فقط ، مبعوثلر ، کندی سویله دکلرینک غزته لره کچدیکنی کورمکه دائمی برآرزو حس ایدیورلر سده خلق اولری اوقومغه بو قدر خواهشکر داورانمایور . پارلمنتو مطبوعاتنی لایقيله بیلن کیمسه لر پارلمنتو نطقلرینک اوزون اوزون نشری طلبی آزادلیغنی ، غزته مدیرلرینک بونلری قیصالتمای حتی بعضاً مبعوثلرک سوزلری یرینه جلسده کچن احوالی مشعر بر مقاله تصویریه اقامه ایتیمی موافق منفعت تلقی ایتدکلرینی سویلیورلر [۱] . بونک ایکی سببی واردر : برنجیسی ، شهبه سز ، مذاکراتک اوزونلغی و بوکا اشتراک ایدن ایکنجی درجه ده کی خطیلرک چوقلغیدر . بالطبع ، بو حال ، خلقلک مذاکراتی اوقومق آرزوسنی کورله تیور . ایکنجیسی ، فرقه رئیسلی طرفدن مهم نطقلرک ایراد ایدیلدیکی یکانه محلاک پارلمنتودن عبارت اولماماسیدر . حاصلی ، عوام قاماراسنک مسائل عمومیه عائد مناقشاتک بویوک میداننی اولمق اعتباریله فائقتی خلق کرسیسینک Platform ظهوری وانکشافی ایله خللدار اولمشدر .

نطقلری عمومیتله تقریباً ثلثان نسبتند درج ایدیلر . مق دونالد (Book of Parliament) مطبوعات کرسیسی حقنده شایان دقت برباب یازمشدر .

[۱] مافدونالد ، ۳۱۵ . آفره د کینه رک مقاله سنه ونیقولسونک ویردیکی جوابده بافکرن Contemporary Rewiew ، ۱۹۰۰ سنه سی مارت ونسان نسخه لری LXXXVII ، ۲۶۹ ، ۵۷۷ .

عمومی اجتماعلرده سوز سویله مك عادتى، اوزون بر اویقودن خلق کر سیسنگ تاریخی
 صوکره، اون سکزنجی عصر اورتیلرنده بر درجه یه قدر تکرار
 جانلانشدر [۱]. بر آزدها صوکره، ایلك سیاسی جمعیتلر،
 پارلمنتو اوزرنده رتائیر و تضییق اجرا ایتمک امیدیه، بونی منتظم
 بر تحریک واسطه سی اولارق قبول ایتدیلر. بدایتده، مخالف
 فرقه رئیس لری حاضر بولونورلردی. فقط، فرانسز اختلافک
 انفلاقندن صوکره، عمومی اجتماعلر بالخاصه عمله صنفی طرفندن
 قوللانیلدی و بونلر اغتشاشکار بر ماهیتده تلقی اولوندی. بو
 اجتماعلره اشتراك ایدنلر علیهنده تعقیبات یاپیلیوردی. الغا
 ایدیلر لری ایچون قانونلر قبول اولوندی. بو قانونلر او قدر
 مؤثر اولدیلر که ایرته سی عصر باشلانغجده آرتق هیچ عمومی
 اجتماع عقد اولونمایوردی. یالکیز، انتخابات زماننده، بعض
 نامزدلر منتخبلرینه نطق سویله دککری وقت عمومی اجتماع
 یاپیلیوردی. فقط بوجزا قانونلری موقت ایدیلر. دفعات ایله
 موقع مرعیته قونولاش اولمالرینه رغماً، حریت فاصله لرنده اجتماعلر
 ینه وقوعه کلیوردی. بو قانون مخصوصلرک ال صوکنجیسی
 واک مشهوری اولان ۱۸۱۹ ده کی Six Acts، ۱۸۲۵ ده
 نهایته ایردی. او تاریخن صوکره، عمومی کرسی نك یکی
 مقدراتی کورولدی که اوچ وصف میزی واردر: بوتون صنفلرک

[۱] بومسئله حقنده الك ای اثر Jephson ک Platform : its Rise and

اشتراکی؛ مشروع برافکار عمومی وجوده کثیره رک معین بر
اصلاحات سیاسیه پایه بیامک املیه منتظم وتشکیلات آلتنه آلتش
بر جهد وغیرت؛ پارلمنتو رؤساسنک عمومی نطقری فرقه لر
آراسنده کی مجادله نك منتظم مرمیلری کبی استعمال ایتمه لری
عادت نك تعممی . بوندن باشقه ، او تاریخدن برآز اول، ولایت
غزته لرنده اجتماع لری و عمومی نطقری مفصلاً نشر ایتمک مادتنک
تأسیسی سایه سنده کرسینک اهمیتی محسوس صورته آرتمشدی .
کرسینک مهم واساسلی بررول اوینادینی بودوره نك ایلک
حرکتی ایرلانداده قاتولیک جمعیتی طرفندن اداره ایدیلدی
و ۱۸۲۹ قانونیه قاتولیکلرک عدم اهلیت نك الغاسنه منجر اولدی .
فقط ، انکترده عمومی اجتماعلرک استمالی حقنده دهامهم
مثالر موجوددر . ۱۸۳۲ اصلاحات نك مناقشانه مترافق بولونان
هیجان و کورولتو ائسانسده حدسنر حسابسنر عمومی اجتماعلر
عقد ایدیلدی . خلق کرسیسی، او آنه قدر هیچ کورولمه مش
درجه ده شرف و تأثیره نائل اولدی . او آندن اعتبار آدرکه
کرسی به ، انکترده حیات عمومی ده حساب به قاتیلماسی لازم
بر قوت معامله سی کوسترلرکه باشلانمشدر . اصلاحات مجادله سی
ائسانسده بالخاصه ناظرلرک موقعی تقویه خدمت ایتمش اولماسی
سایه سنده کرسینک قیمت و اهمیتی چارچاق تقدیر ایدیلدی .
فقط الک باشلی صفت کاشفه سی هنوز بو خدمتدن عبارت دکلدی .
متعاقب یکرمی بش سنه ظرفده بالخاصه ، خلق تحریک واسطه سیله

کرسی و
اصلاحات لهنده
خلق حرکاتی

بر طاقم لایحه لری پارلمنتونك نظر دقتنه صو قق ایچون بواجتماعلردن استفاده ایدیلدی. بویه یاپیلماسه ایدی تکلیف اولونان خصوصات هیچده نظراهمیتہ آلمانیه جقدی. بومقصدله یاپیلان ایکی غیرت بالخاصه پک شایان دقتدر. برنجیسی اولان « بوغدا ی قانونی علیهدارلر برلکی » تحریکاتی، تشکیلاتنك مکملیتی، رئیس لرینك تجانسی و بلاغتی سایه سنده موفقیتہ اقتران ایتدی. بوتون غیرت هپ بر نقطه اوزرنده تمرکز ایتدیریلدی وعینی زمانده طالعده یاردیم ایلدی. ایکنجیسی فرمانچیلرک Chartists صرف ایتدکلری غیرتدر. بو، بحث ایتدی کمز اوصافی حائر اولمادیغندن دولای عقیم قالمشدر. فرمانچیلرک شکایتلردن برچوخی مؤخرأ تطمین ایدیلش لرسده بو، اولرک محصول غیرتی دکلدر، باشقه سبیلرک نتیجه سیدر.

بو صیراده، پارلمنتو رؤسای کرسی یی کیتدکجه ده افضله کرسی وناظرلر نسبتده استعمال ایدیورلردی. فقط، بو عادتک انکشافی تدریجی بر صورتده وقوعه کلدی. پیت، یالکز عوام قاماراسنده نطق سویلردی. فعلیاتده، اصلاحات قانونی Reform Bill ندن برقاچ سنه صو کره یه قدر، ناظرلردن همان هیچ بری خارجه سیاسی برنطق ایراد ایتمه مشدر. بوندن یالکز قانینغ مستشاردر. اوده طرفدارلرینه ومنتخب لرینه ایراد نطق ایدیوردی. معافیه، پلیموتده برنطق ویردی. بونده ایلک دفعه اولارق برناظرک خارجی سیاست حقنده خلق ایچنده بیاناده بولوندینی کورولدی.

بش سنه صوکره ، حکومتک قاتولیکلرک عدم اهلیتی مسئله سنده
تبدیل مسالک ایتدیکی بر ضیافتده اعلان اولوندی . اصلاحات
ایله دی . ۱۸۳۱ انتخابات عمومیه سی اناسنده لورد جون روسل ،
برلشمه پروگرامنه خدمت ایتمه مخصوص ایلک عمومی نطقنی
سویله دی [۱] . بوتون مملکتده عقد ایدیلن متینغر بو نطقه
بر معکس تشکیل ایتدیلر . عینی سنه ، لورد غره ی شهر امینک
ضیافتده اصلاحات لایحه قانونیه سندن بحث ایتدی . فقط بو
ضیافتک حکومت ایچون کندی سیاستی حقنده بیاناتده بولونماسی
حقنده عنعنوی برو-سیله تشکیل ایتمه سی دها صوکره در . او
تاریخدن اعتباراً ، عمومی کرسی اصولی قاینه نك قولایلقله
مظهر رغبتی اولدی . ۱۸۳۴ ده ، لورد بروغام اسقوچیاده
بر طاقم موفقیتسز نطقلر ایراد ایتدی و حیات سیاسیه سی بر باد
ایله دی . بر آردها صوکره ، لورد ملبورن کندی سبب انفصالی
علنی بر نطقده ایضاحه قالدیشدی . پیل ، موقع اقتداره کلنجه ،
پروگرامنی متنبخلرینه ایراد ایتدیکی بر نطقده ایضاح ایتدی .
حتی ، خلق کرسیسی حیات عمومیه ده او قدر اهمیت کسب
ایتدی که لورد ملبورن ، بروغامک و او قولک حرکاتنه ایماده
بولونارک زماننک پک یوروچی بر موسم اولدیغنی سویله یوردی [۲] .

[۱] Jephson : ۲ نجی - لید ، ۶۵ .

[۲] والپول : لورد جون روسلک حیات ، برنجی جلد ، ۲۴۸ .

اوتاربخدن صوکره ، هم ناظرلر هم مخالفت رؤسای ، افکار عمومی بی کندی دعوالرینه جلب ایچون خلق کرسیسندن دائمی صورتده استفاده ایتشلردر .

انکله سیاستده معتاد اولدینی اوزره ، بورادهده تطبیقات نظریاته قدم ایتدی . چونکه ، ۱۸۸۶ده غلادستون قرالجهنک بر اخطارینه جواباً ، کندی دائرة انتخابیه سی خارجنده نطقلر ویردیکندن دولای بیان معذرته کنیدیسی مجبور کوردی و محافظه کارلر طرفندن کوستریلن مثالی ساده جه تعقیدن باشقه بر شی یاپماش اولدینی بیان ایتدی [۱] . فقط ، ۱۸۷۹ده میدلوتیانده آج دینی جدال ایله بوتون مملکتی آتیه ویرمشی . بونطقلرینی آنجی اورانک مبعوثلغنه برنامزد صفتیله ایراد ایتش اولقله رابر ، بوتون مملکتک غزته لرینک اونلری نشر ایده . جکلرینی شه سز امید ایدیوردی . ناصل که غزته لر فی الحقیقه بونلری نشر ایتدیلر [۲] . تام اوصیراده درکه لورد هارتینگتون ، عمومی نطقلرک پارلمنتو مذاکره لرندن زیاده خلقک علاقه و مراقفی

[۱] مورله ی : غلاد-تونک حیاتی ، ۳ نجی جلد ، ۲۴۴ .

[۲] لهی Lecky ، ده موقراسی و حریت Democracy and Liberty

(۵۳ نجی صیفه) اثرینک ایکنجی طبعنده غلادستون دن « سیاستی بویوک متینغلرده دوغروندن دوغروییه خلقه ایضاح ایتک عادتیی پک چوق تعقیب ایتش انکلیز ناظرلرینک برنجیسی » دییه بحث ایتدیکی زمان پک منتشر بر مطالعه بی افاده ایتش اولیوردی . شوسوزلری ده علاوه ایدیوردی : « بویوک بر ناظرک یاخود اسکی بر ناظرک منحصرأ

تحريك ايتديكنى تقدير وتبيين ايديوردی [۱]. خلق كرسيسنك
فرقه رؤسای ایچون بردن بره بر قیمت مخصوصه اکتساب
ايتديكنى سويله مك ایسته میورز . بالعکس بوغداى قانونی
علیه دارلری برلیکی، فرمانجیلر وسائرہ بدایتده بو کرسی به دها
چوق مراجعت ایتشلردی. فقط، همان همان عمومی حق رأیک قبولندن
صوکره، ۱۸۶۸ دن اعتباراً، بویوک خلق حرکتلری، فرقه
سیاستنه مربوط بولونمادجه همان همان غیر ممکن برحاله کلشلردی.
حقیقی برده موقراسیده حکومتی مادی قوتک تظاهراتیله تأثیر
آلنده بر افاق بویوک بر فائده تأمین ایتمز. بناء علیه، تحریکاتک
طبیعی غایه سی رأى جلب ایتمهک معطوفدر. فقط، عوام قاماراسی
خلق کتله لرله اوقدر صیقى صورتده هم آهنگ برحاله کتیرلشدرکه
خلقک قوتلی صورتده میدانہ چیقان هر حسنک در حال قاماراده
بر معکس بولاجنی محققدر. بو حس بر کره قامارایه داخل
اولورسه بر اوچورومک کنارینه کلش دیمکدر. چونکه موجود
فرقه نرک خارچنده وجود بولمش اولسه و بدایتده یکی بر فرقه نرک
تشککنه سببیت ویرسه بیله، انکشاف ایتدکجه، بویوک فرقه لردن
برینک جریاننه قاپیلماقدن و اونلرک پروغرامی آراسنده بر

بارلنئوده ایراد نطق ایتمه سنه و آنجق پک نادر وسیله لرله خارچده
خالقه توجیه خطاب ایله سنه لزوم کوسترن قدیم عنعنه بی تماماً بر طرف
ایتشدی. « غلادستونک نفوذ و قدرتی حقیقته عوام قاماراسی اوزرنده
اجرا ایتدیکی تأثیر قدر عمومی نطقلرنندنده انبعاث ایديوردی.

بولمقدن خالی قالاماز . فرقه سیاستنه تماس ایدن هر مسئلهده ایسه الک بویوک علاقه فرقه رئیسلیرینک نطقلرینه قارشی کوستریلیر . چونکه اونلر محاربه نك علمدارلریدرلر ، چونکه نفوذ و اقتدار صاحبی کیمسه لدر . رقاص یاقینده اهتزازه کلنجه شیمدیکی مطالعلرینی ، یارین ساحه فعله چیقارمق اقتدارینه اونلر مالک اولاجقلردو .

ایشته بوصولته ، کرسی خطابت اصولی پک طبیعی برتکامله مظهر اولمشدر . عوام قاماراسنک انتخاباتی ، مقداری آز برطاقم کیمسه لرك الله بولوندجه عمومه سوز سوبله مک آنجق تصادفی صورتده حائز تأثیر اولابیلردی . شوویا بوشکایت حقنده خلقک حسیاتی درین صورتده تحریک ایتمک قابل اولدینی زمانلرده بوندن بر فائده بکله نه بیلردی . اوزمانلر بواصولی ، پارلمنتوی برشی یامغه زورلامق ایچون پارلمنتو خارجنده کی کیمسه لر استعمال ایتدیلر . ۱۸۳۲ دن سوکره بودیدیکمز قسماً بر حقیقت اولارق دوام ایتشدر . فقط ، ۱۸۶۸ ده حق رأی ، انتخابات خلقک توجهنه تابع قالاجق صورتده توسیع و تشمیل ایدیلنجه سیاسی امللری اولان بر کیمسه ایچون بویوک خلق کتله سی ایله تماسه کیرمک ضروری اولدی . بونک ایچونده الک ای چاره خلق کرسیدینه مراجعت ایتمکدن عبارتدی . انتخابات مجادله لری انناسنده نطق سوبله مک اصولی نامزدلر ایچون عمومی بر حال اولدی . فرقیه صداقت آلهوینک سونمه سنه میدان بر اقامق

خلقه ایراد

نطق عادتی

شمی

عمومیشمشدر

ایچون ، مبعوثلر باشقه زمانلرده ده بونلری جانلاندرمق حادثی کیمدکجه ده ا زیاده تعقیب ایتمکه باشلادیلر . منتخبیلرله ملاقات اصولنه مراجعت ایله دیلر و بالخاصه ، مملکتک هر طرفده مشهور رؤسا بوتون مملکته خطاباً بویوک نطقلر ایراد ایتمک چاره سنی استعمال ایله دیلر . بناءً علیه خلقه توجیه خطاب ایتمک ، دائمی برعادت شکله کیردی . استثنائی برعلاقه و مراق تحریک ایدن بر مسئله حاضره موجود اولماسه بیله یه بو عاده رعایت اولونور . جهیمس روسل لوول ، بوندن برخیلی اول ، برکون ، ده موقرا - سینک خطاب واسطه سیله اجرای حکومتدن عبارت اولدیغی سویله مشدی . حق رأیک تشمیلی سیاسی آدملرک چکک سنی که و شتمکه هیچ شبهه سز که بویوک نسبتده سبب اولمشدر . بو کونکی برمدق و مشاهد انکیزلرک قولای سوز سویله مه لرندن و وقتیه صنعت خطابت دینلن مطمئن جمله لریرینه اقناع واسطه سی اولمق اوزره ظرافت و نکسته یه مراجعت ایتمه لرندن حیرته دوشیر .

ایچون ، صوک بهار نهایتلرینه دوغرو و ایلك بهار تعطیلی ائناسنده برنطق سلسله سی ایراد ایتمک عمومی برعادت حالنه کلمشدر . بو عادت اونلرک نفوذ و قدرتی تزئیده خدمت ایدیور . چونکه خلقلک توجهنه تام صورتده نائل اولان یکانه کیمسه لر اونلردر . بعض مهم بیانات استئنا ایدیلیرسه ، پارلمنتوده کی مذاکراتی خلقلک کافه سی اوقوماز . غزته لرده کی باش مقاله لری آنجق عینی خلق کرسیسی ، فرقه رئیس لرینک نفوذ و تأثیرینی تقویه ایتمشدر

فكرده كى قارلر كوزدن كچير . مبعوثلرك منتخبلرى ايله ملاقاتلرندن آنجق محلى غزتهلرده بحث اولونور . فقط باشليجه ناظرلرك عمومى نطقلى و بالنسبه دهآ آز بروسعتده اولمق اوزره مخالفلك باشليجه رؤساسنك نطقلى ايكي فرقه نك غزتهلى طرفندن ده مفضلاً نشر ايديلير و هر طرفده اوقونور . [۱]

بوندن باشقه ، خلق كرسيينده ، عوام قاماراسنه نسبتله دهآ سربست برلسان قوللاقمق قابلدرد . ناظرلر در حال ساحه فعله ايصال ائتمه چكلى بر سياستدن عوام قاماراسنده بحث ائتمه يي پك ايسته مزلر . ذاتاً ، بدوره اجتماعيه نك ازدخامى ايچنده بونى يامغه قولاي قولاي فرصتده بولامازلر . مستر چمبرلئينك ترجيحي تعرفه پلاننى پارلمنتوده دكلده بيرمينغامده عمومى بر اجتماعده بسط و ايضاح ائتمه سنى سـاده جه بر تصادف ديه تلقى ائتمه مليدر . بودها زياده زمانك بر ايجاباتيدر . حتى ، ناظرلر مسئله نك عوام قاماراسنده تذكرينه مانع اولمغه چاليشير كن صوك درجه ده مهم موضوعك عمومى اجتماعلرده كمال شوق و حرارتله مناقشه ايديلمه سى غريب بر منظره تشكيل ايدىوردى . بو ، جريان حادثاتك پارلمنتويه چيزديكي حدودك نشانه لرني اواثايلر . خلق

[۱] مستر كينه ر Contemporary Review Kinnear ك ۱۹۰۵

سـنـه سى مارت نسخه سينده غزتهلرك باشليجه ذوات سياسيه نك عمومى نطقلرينه قارشى اسكيسى قدر اهميت ويرمـدكاريني سويله يور . بونطقلر بوقدر اوزون و بوقدر چوق اولماسه لردي احتمالكه دهآ زياده قاره بولاجقلردى ، فقط سامعلر آزالاجقدى .

کرسیمی ناظرلری خلق ایله قارشى قارشى به کتیرمشدر. بوندن، هرايکی طرفك ده اهمیتی آرتمشدر. چونکه سیاسى مسئلهلرده یالکز منتخبلر هیئتى الك یوکسك بر حاکم دکلدر. خلق کرسى خطابتی ده مسائل عمومیه نك میدان مذاکره سی صقیله، بر درجه یه قدر، مجلس مبعوثانك یرینه قائم اولمشدر.

فوائدی

ملی ایشلرک سوق واداره سنك بوتون مسئولیتلرینی کندی نفسلرنده طوبالایان وکله جک تبدل وکلاده بومسئولیتی درعهده ایده جک اولان کیمسه لر طرفندن علناً ایراد ایدیلن نطقلرک کثرتی منتخبلرک تربیه سنی و حیات سیاسیه نك مسائل حاضره سنه قارنئى کوستردکلری حس علاقه نك انکشافنی تأمیندن خالی قالاماز. بوندن باشقه، بو اصول یالکز انتخابات مجادله لرینک حکم سوردیکی موقوت دوره لرده جاری دکلدر. ناٹما استعمال ایدیلیر. عمومی اجتماعلرده بوغداى قانونی علمیدارلری برلکنک مودا حالنه کتیردیکی قارشى یقلی یعنی طرفدارلرله علمیدارلرک برآراده بر مسئله نی مناقشه ایتمه لری اصولی انکلترده دائمی بر موفقیت قازانمامشده باشقه بر واسطه ایله عینی نتیجه تأمین ایدیله یلیور. چونکه فرقه رئیسلى، مختلف اجتماعلرده برلرینه جواب ویریورلر. سامعلری عینی دکلدر. فقط خلق هرايکی مدافعه یی ده اوقویور. سرهاری مه ن، سیاستى « غایت مراقلى براویون، ماویلرله صاریلر آراسنده دائمی برقریکت پارتمسى » کبی تلقی ایتمک یولنده کی بوتما یلی نظر دفته عرض ایتمشدر [۱]. مجادله نك، دنیانك هریرندن زیاده انکلترده بارز بر حال کسب ایدن بووصفی

انکلیز سیاستنی بوتون دنیا سیاستلرینک اک مراقیسی و تعقیبی
اک قولای حاله کتیر مکده در . مملکتی اداره ایدنلر و مملکتی
ماضیده اداره ایتمش اولوبده استقبالد ینه اداره ایده جک
اولانلر سنه نك آلتی آینه برماصه نك ایکی طرفنده قارشیلقلی
مجادله ایدرلر . سنه نك قسم متباقیسندهده مجادله لرینه بلا فاصله
عمومی نظقلرله دوام ایلرلر . آتیه ده موقراسیسنده اولدینی کبی
انکلتردهده وطنداشلر رقیب دولت آدملی آراسنده دائمی بر احرار
تفوق مجادله سنده سیرجی بولونورلر . فقط ، انکلتردهده عمومی
بر انتخابات کنیدیلرینی حکم ویرمه دعوت ایدنجهیه قدر ساده جه
بر سیرجی حالنده قالیرلر . حکومتک استقرارینی تهلمکجه
قویمدان سیاسی ایشله علاقه دارلق حسنی تحریک و تنبیه ایتمکجه
بوندن ده قایلیتی برسیستم پک زور تصور اولونا بیلیر .

فقط ، خلقی کرسیسی منتخبک تربیه سنی تأمین خدمت
تهلمکله لی
ایدرسهده تهلمکله سی ده یوق دکدر . روایتله نظراً ، بیسمارق
بر خطیب ایچون لازم اولان اوصاف دولت آدمی مزیا تندن فرقلی
اولدینی کبی بو ایکی نوع اوصافک یکدیگر یله غیر قابل تألیف
اولدینی ده سوبلردی . دوغروسی آرانیرسه ، دائمی صورته
خلقه تودیع تصورات ایتمک مجبوریتنی اوزون بر زمانه متوقف
ملی بر سیاستی موقع اجرایه قویمق کیفیتی ایله تألیف ایده بیلیمک
پک زوردر . چونکه نتایج کورولمک باشلامدن عوام خلق
بو تصورات و آمالی آکلایه ماز . انکلتردهده بر دولت آدمی
هر دقیقه مقصدینی آچیقجه بیلدیرمه مجبوردر . بونی پامایه جق

اولورسه عدم صمیمیت ایله ، اسرار آلود بر آدم اولمقله اتهام
ایدیلک تهلهکه سنه دوشر . بر دولت آدمک بوتون سییاستی
تحلیل و تنقید اولونور . ا کدیکی تخمیر ، فیلیزه نوب فیلیز لنده دیک
آ کلاشیلحق ایچون وقتندن اول طوپراقدن چیقاریلیر . بناءً علیه
خلق طرفندن در حال تصویب ایدیه جک بر حرکت اختیار
ایتمکه قوتلی بر میلان حس ایدر . حاصلی ، بلوردن بر او ایچنده
یاشار . بو ، اغلب احتماله کوره ، پک شایان دقت بر حیات
دیمک اولورسه ده هر حالده سطحی بر حیاتدر .

بوندن باشقه ، خلق کرسیسنده ایراد نطق ایتک مادت
قابینه حکومتی سیستمی ایچون کیزلی بر تهدیدی احتوا ایدر . چونکه
بوسیستم ، ملی سیاستده قوه تشبیه ناظرلره عائد اولدینی ،
انتخابات عمومیه ده تقرر ایدن مسئله اساسیه قابینه نك موقع
اقتدارده قالب قالمایه جغندن عبارت بولوندینی بر نسیپی اوزرینه
استناد ایتکده در . حالبوکه ناظرلر خلقه نه لر سویله یه جکلرینی ،
پارلمنتویه تودیع ایده جکلری لایحه لره قارشی تطبیق ایتکلری
عتنا ودقت ایله قرار لاشدیر مق مادتتی دایما تعقیب ایتمه مشلدر .
حالبوکه ، خلق کرسیسنگ زما نمزده کسب ایتدیک اهمیت
میدانده اولدینی ایچون ، قابینه حکومتی دوام ایتدیر یلک ایسته .
نیورسه ناظرلرک پارلمنتو حضورنده اولدینی کی خلق حضورنده ده
متحد الافکار کورونمه لری لزومی پک بدیهیدر . ایسته بو ملاحظه بزی
انکلتره نك سیاسی سیستمه منده فرقه لرک وظائفنی تدقیقه سوق ایدیور .
ایکنجی جلدک صوکی

فهرس

اوننجی باب

عوام قاماراسی - انتخاب اصولی ۵

اون برنجی باب

عوام قاماراسی - کیملراعضا اولاماز - امتیازلر - دوره اجتماعیله ۴۱

اون ایکنجی باب

عوام قاماراسنده اصول - مجلس ، قاعده لری و مأمورلری . ۵۷

اون اوچنجی باب

عوام قاماراسنده اصول - انجمنلر و عمومی قانون لایحه لری . ۸۶

اون دردنجی باب

عوام قاماراسنده اصول - مالیه قانونلری و حسابات . . ۱۱۴

اون بیشنجی باب

عوام قاماراسنده اصول - کفایت مذاکره ۱۳۷

اون آتمنجی باب

عوام قاماراسنده اصول - جلسه لرده ایشلرک صیراسی . . ۱۵۶

اون یدنجی باب

عوام قاماراسی اوزرنده قایینه نك حکم و نفوذی . . . ۱۶۹

اون سکزنجی باب

عوام قاماراسنك قايینه اوزرنده کی حاکمیتی ۲۰۳

اون دو قوزنجی باب

قانونلرک شکلری و محتویاتلری ۲۵۷

یکرمنجی باب

خصوصی قانون لایهلری ۲۷۶

یکرمی برنجی باب

لوردلر قاماراسی ۳۲۷

یکرمی ایکنجی باب

قایینه ولوردلر قاماراسی ۳۴۷

یکرمی ایکنجی باب (مکرر)

لوردلر قاماراسی و ۱۹۱۱ قانونی ۳۷۹

یکرمی اوچنجی باب

قایینه و ممالک ۴۰۲

۲ نجی جلدک صوکی

انگلېزانه نړۍ حکومت

محرری :

آ. لورنس لويل

A. Lawrence Lowell

هاروارد دارالفنونى رئيسى

مترجى :

مسيح ماهر

(انگليزجه اصلندن ترجمه ايدلشد)

استانبول

آقشام مطبعه سى — ۱۹۲۷

مقدمه

اوزون مدت دوام ، شدتلی صارصنیلردن مصونیت ، قانونك وسكون وانتظامك محافظه‌سی ، خلقك رفاه و ممنونیتی ، سائر مملكتلرك مؤسسه‌لری و سیاسی دوشونجه‌لری اوزرنده‌کی تأثیر کی نقطه نظرلردن باقیلنجه انكلتره‌ك حكومتی دنیاده شیمدی‌یه قدر كورولمش حكومتلرك اك شایان دقتیدر . بناء علیه بونی اك كوزه چارپان بردوره‌سنده تدقیق وتبع ایتك ایچون صرف ایدیله‌جك بر همت قیمتسز عد اولوناماز . بوكونکی وضعیت ایسه اك كوزه چارپان بردوره تشکیل ایدر . چونكه بارو borough [*] لرده تقریباً قرق وبوتون مملكتده یكرمی سنه‌دن بری انكلیز ماتی همان همان رأى عام اصولنی تطبیق ایتكده‌در . بو ، ده‌موقراسیتك اك صوك نتیجه‌لری تأمین وارانئه ایتمه‌سی ایچون دكلسه‌ده هر خالده ایلك نتیجه‌لرینی كوستر-مه‌سی ایچون کافی بردوره‌در . بوندن باشقه انكلتره‌ده خلق

[*] فرانسزلر بوكله‌ینی bourg ریه ترجمه ایدیورلرکه بویوك برکوی دیمکدر . انكلیزجه‌ده‌کی مختلف معنالردن بری پارلمنتویه مبعوث کوندرمك حقنه مالک برقصه‌در . بزم تشکیلاتمزه نظراً بومعنائی موجود کله‌لرمزدن هیچ بری ایله افاده قابل اولامایه‌جنی ایچون انكلیزجه‌سنی عیناً قوللانمغه مجبور اولدم .

حکومتلرینک اڤ شایان دقت برشکلی موجوددر . چونکه بو حکومت اوراده حر بر صورتده انکشاف ایتشددر و قطعی ، لایتغیر تشکیلات اساسیه احکامی ایله تعارض ایتمکدن مصون قالمشدر . انکلترونک حکومتی محیطنه لاینقطع توافق و تطابق ایدن برعضویتدر . بناءً علیه ، ملی احوال و شرائط ایله تماماً هم آهنگدر . بو ائرده ایشته بو عضویتک شیمدیکی حالی تصویر ایتک و موازنتنی تأمین ایدن قوتلری آکلاتمق ایسته یورز .

بویولده برتدقیقاته کیریشیر کن انسان ، چرچوه سنی تحدید ایتک ، آرتور هلپک دیدیکی کبی ، مخرجنی کوچولمک لزومی حس ایدیور . بونک ایچوندرکه اثرمن یالکز بو کونکی شکلنده انکلترونک حکومتدن باحثدر . حتی یالکز عمومی بر اهمیت وشمولی حائز اولان ملی و محلی مؤسسهلرله اشتغال ایده جکزه . انکلیر تشکیلات اساسیه سی استئالرله ، محلی عرف و عادتلرله و بلدیله کاتبلرینک پک اعلا بیله جکلری خصوصی قانونلرله دولودر . بونلر بو مأمورلرک یوللری اوزرینه داغیلمش برر طوزاق کیدرلر . فقط حکومتک عمومی پرنسیپلرینی جدی صورتده اخلاص ایتزلر . اونلری بو ائرده تعریفه هیچ قیام ایتیه جکزه . حتی اسقوچیانک و ایرلاندانک مؤسسهلری حد ذاتلرنده شایان دقت و اهمیت اولمقله برابر اونلر یالکز ملی حکومتی ایضاحه یاخود بو حکومتک فعالیتنی تنویره خدمتلی درجه سنده موضوع بحث ایدیلشدر .

موضوع بقدر تحدید ایدیلکله برابرینه مشکلاتدن عاری
دکدر . تدقیق و تتبع ایده جکمز قوتلر میدانده ، سطحده
دکدرلر . حتی ایچلرندن بعضیلری هیچ بروشفده تعریف
اولونمامشدر . هیچ بر ائرده بونلری کورمک قابل اولاماز .
بونلری آنجق حیات عمومیه ماکنه سنه قاریشمش آدملردن
او کورمک ممکندر . بناء علیه بر صاحب تتبع مقام استشهادده
ارائه ایدمه به جکی بعض محاوره لردن استعانه ایتک مجبوریتنده در .
بوصورتله ویرله جک حکملرک اصابتی، اثره نوط حالنده علاوه
ایدیلن مستشهداتدن دکل محررک بحث ایتدیکی خصوصاتی
یقیندن ، دوغرودن دوغروه بیلن کوچوک بر قسم ذواتک
شهادتلردن آکلاشیلابیلیر . اجرای تأثیر ایدن بو مختلف
قوتلرک نه نتیجه حاصل ایتدکلری تقدیره قالمش بر مسئله در .
بونقطه ده پک صاحب وقوف ذوات بیله اختلاف ایده بیلیرلر .
بز بونتیجه یی بزه کوروندیکی شکله تصویر وارائه ایتدک .

باشقه لرینک معاونتنه عرض احتیاج ایتمکسزین بویولده
برتشنه قیام ایتک غیر ممکن برایش اولوردی . محرر کندیسنه
یادیم ایدن ، معلومات ویرن مختلف ذواته حسیات متدارانه سی
اظهار ایچون بو وسیله دن استفاده ایدر . مختلف فرقه لره منسوب
سیاسیلر ، دولت خدمتنده و محلی اداره لرده چالیشان مأمورلر ،
سیاسی تشکیلاتلره منسوب کیمسه لر ، حقوقیلر ، غزته جیلر
ودها خیلی ذاتلر محرره یادیم ایتملردر . محرر ، بالخاصه محلی

اداره لر مأمورلرینک هیچ بردگری اولمادیغی حالده کندیسنه قارشى دائمى صورتده ابراز ایتیش اولدقلری نزاکت و حسن معامله یه پک متشکردر . متدارلغی عرض ایتک ایسته دیکی ذوات آراسنده بالخاصه ژوزف چبراهین ، لورد فیچ موریس ، جون مورله ، متوفی سیر ویلیام هارلور ، لورد رهی ، مستر فره دریق هریسون ، سیر ویلیام جهیمس فارر ، سیر آلکساندر هارغه یوس براون ، سیر فره دریق پوللاق ، سیر لوقاس ، سیر هورای پلونکت ، مستر سیدنه ی وب ، مستر غراماهام والاس ، دوقتور ویلیام قونیغام ، مستر فرالیس و . هیرست ، متوفی یوزیاشی میدلتون ، محافظه کار جمعیتلر ملی رلکندن مستر سوتال ولیبرال مطبوعات اداره سندن مستر چارلس جیقک اسملرینی ذکر ایدر .

هاله پروفیسور آ. و. دیسه یه ، سرقورتنه ی ایلبرته ، قالیفورنیا دارالفنونندن پروفیسور مورس سته فنس ، هاروارد دارالفنونندن پروفیسور مونزویه بالخاصه عرض تشکرایلم . پروفیسور مونزو محرره برطاقم معلومات ویرد کدن باشقه مسوداتک و طبع پرووالرینک بر قسمی لطفاً کوزدن کپیرمش و بر چوق قیمتدار مطالعات سردایتمشدر . هرشیثک فوقنده ، محرر بوکون مجتمعه آمریقاده انکلیز سفیری بولونان و صوک دورلرک سیاسی سیسته ملرینی تدقیق و تتبع ایدن بوتون محررلرک استادی ورهبری اولان پک محترم جهیمس برایسه درین متدارلقلرینی عرض ایتک

ایستر. اونك يورولق بيلمز معاوتی، نصیحتلری، تشویقلری
بو اترك احضارنده دائمی بر یاردمچی وظیفه سنی کورمشدر.
انکلیزایمپراطورلغندن باحث اولان باب مستثنا اولق اوزره بوتون
پرووالر اونك نظر تدقیقندن کچمشدر. بودوستلر بو کتابک
تحریرینی دائره امکانه صوقدیلر و محرری بر چوق خطادن
صیانت ایتدیلر. بو صحیفه لرده مدافعه ایدیلن فکرلرک هیچ
برندن اونلرک مسئول اولمادقلرینی سویله مکه حاجت یوقدر ظن
ایدهرم. حقیقته، محرر فرقه سیاستلرینک مسائل جاریه سی
حقنده هیچ بر فکر درمیان اتمه مکه، حتی قابل اولدینی قدر،
هیچ بر فکر پیدا ایله مه مکه صرف غیرت ایتمشدر.

محرر مختلف موضوعلره دائر تحریرات و تدقیقاتده بولونمش
اولان هارواردده کی طلبه سندن بر چوغه قارشیده مدیون
تشکر در. بومعاونتلرک اهمیتلرندن بعضیلری نوطلرده کوسترلمش
ایسه ده عینی اصولی کافه سنه تطبیق قابل اولامامشدر. نهایت،
محرر، یاپدینی تدقیقات و تفحصانده اوچ آغره ژنه ک کوستردکلری
معاوتی ده ذکر ایتمک ایستر. بونلر الیوم یهیل دارالفنوننه
منسوب مستر امرسون داوید ایله الیوم هاروارد قانون مکتبه
منسوب مستر توماس هووهردر. مستر توماس سائر محررلردن
نقل ایدیلن فقره لری نظر معاینه دن کچیرمش و حروف هجا
جدولنی ترتیب ایله مشدر.

نيسان - ۱۹۰۸

اثر ك نظر تصحيح دن چك كدن صوكره كى طبعنه

مقدمه

بوكتاب موقع انتشاره قونولقدن صوكره محرر كرك دوستلردن كرك طائىداينى بعض ذاتلردن بر طاقم مكتوبلر آلدى . بونلرده دورلو دورلو ياكشلقلردن بحث ايديلوردى . بومكتوبلردن دولايي محرر پك متداردر . ايجلرنده بحث ايديلن فكرلر محرر ك اثرده برچوق تصحيحات يانماسنى دائره امكانه صوقشدر . قليشه لرده تصحيحات اجرا ايديليركن كتاب يازلقدن صوكره جريان ايتمش اولان وقايعك مناقشه سى ايجون ايجاب ايدن اساسلى تعديلاتى يانمغه امكان كوروله مدي . فقط بووقايع اثرده قطعى بر نقطه يه تعلق ايتديكى يرلرده يابرونط حالنده مسئله دن بحث ايديلدى ياخود مننده تصحيحات ياپلدى .

مساعى فرقه سنك اهميت مستقبليه سنى محرر ك حقيقه تقدير ايمه ديكنه دائر آراده صره ده مطبوعاتده ، عمومى بر ماهيته ، بر تنقيد كورولدى . فى الحقيقه ، عمله صنفه منسوب باشقه مبعوثلرك ده اخيراً بوفرقيه انتسابلرى پك معيندار بر كيفيتدر . شو صيراده مساعى فرقه سنك قوتى شهبه سز كه بويو كدر ، شيمدى يه

قدر هیچ بر دورده کورولمه مش بر درجه ده بویو کدر . نفوذ
وقدر تنك واستقلالنك مهم صورتده تزايدی هیچ شبهه یوق ،
پارلمنتور ره ژیمنك شیمدیكى اصوللرنده قطعی بر تعدیلاتی انتاج
ایده جکدر . فقط بر مدقق و مشاهد ایچون کهانته قالمقدن
ایسه ساده جه تدقیق و مشاهده ایله اکتفا ایتمك احتمالکه دها
دوغرودر .

تشرین ثانی - ۱۹۰۸

۱۹۱۲ طبعنك مقدمه سی [*]

بر مملكتك حكومتك تعريف و تصويرى آنچق او تعريف و تصوير ايديلن زمان ايچون دوغرو اولاييلير . ارادن قيصة بر وقت كچد كدن صوكره بيله بونى تصحيحه قالمق ، بر فوطوغراف جامنه ايكنجى بر رسم آلق كى ، اولكى تصويرى بوزمق اولور . مع مافيه ، بوصول سئلرده انكلترده كى تحولات اوقدر عظيمدر كه انكليز قراللغك حكومتى حقد كى بر كتابك يكي بر طبعى بونلردن بحث ايديلمكسز ين موقع انتشاره چيقاريلاماز . بوتحولاتك اك بويوكلردن واك كوزه چارپانلردن برى لوردلر قاماراسنك نفوذ و قدرتنك آزالماسيدر . بناء عليه لوردلر قاماراسندن باحث اولكى بابلردن صوكره يكي بر باب علاوه ايديلمشدر . لوردلر قاماراسنى اصلاح مشكلاتك مناقشه سى اسكى حاليه بر اقلمشدر . چونكه ياپيلان قانونلرله شرائط دكيشديكى حالده مسئله تماميله هنوز حل ايديلمه مشدر . قامارانك طرز تشكى هنوز تغيره اوغرامامشدر . حتى ، نفوذ و قدرتى نقطه سنده بولونان صورت

[*] اثر فرانسزجه يه ۱۹۱۰ تاريخنده ترجمه ايديلش و صوكره تكرار باصلامش اولدينى ايچون بومقدمه فرانسزجه سنده يوقدر .

حل پك غنيف اولمشدر . ماليه قانوننك ردی اوزرينه بر حدت اثری
اولارق قبول ايديلمشدر . بو، كوردو كومك بر پارچه لائماسيدر كه
ايلرك اوجلى الا آن يكديكرينه ربط ايديله مش بر حالده در .
مؤسسه ماهيتنى حائز باشقه معيندار تحولات ده وقوعه كلدى .
بونلك ايچنده سياسى نقطه نظر دن اك مهملى احتمالكه پارلمنتو
مدتنك بش سنه يه تزيلى [۱] وعوام قاماره سى اعضا لرينه تخصيصات
ويريله سيدر . تخصيصات اعطاسى بر قانون ايله دكل ۱۹۱۱
سنه سى آغستوسنك اوننده ويريلن برقرار ايله تأمين ايديلدى .
« قامارانك فكرينه كوره ، قامارا اعضاسندن هر برينه ، مجلسك
بر مأمورى صفتيله ياخود ناظر صفتيله ياخود ذات حضرت
قراينك معيتى افرادندن برى صفتيله معاش آلانلر مستثنا اولوق
اوزره ، سنوى درت يوز ليرا مقدارنده بر اجرت اعطاسى
ايچون معامله لازمه اجرا ايديلك لازم كلير » . بونى متعاقب ،
آغستوسك اون دردنده ، ايحاب ايدن تخصيصاتك اعطاسى
ايچون بودجه قوميسيوننده برقرار ويريلدى . بوقرارى احتوا
ايدن تخصيصات قانوننى لوردلر بلا تعديل قبول ايتديلر .
آغستوسك ۱۸ ندهده قرالك تصديقه اقتران ايتدى . محافظه كارلر
مبعوثلره تخصيصات ويريله سنه ، بونك طرز قبولنه و مبعوثلرك
اوسنه ، كنديلرى ايچون ، تخصيصات احداث ايتمه لرينه پرنسيپ
اعتباريله اعتراضده بولونديلر .

سیاسی، ماهیتی حائز باشقه تحولات ، جنوبی آفریقا ایچون
 فهده راسیون اساسنه مستند بر تشکیلات اساسیه نك قبول
 ایدیله سندن [۱] ، بارولرده اولدرمنلرک [*] اولدرمنلر ایچون
 یاخود مدتلری منقضى اولمش اولدرمنلرک بلدییه رئیسلى
 ایچون رأى ویره مه ملرندن [۲] ، قادینلرک قانونی یاخود بارو
 مجلسلرینه اعضا انتخاب ایدیله بیلمه لرندن [۳] عبارتدر . مهم
 بر مسئله اولارق ، ۱۹۰۹ ده ، عوام قاره سنك لوردلرک
 (peers) انتخاباته عدم اشتراکلى حقنده کی قراری الغا
 ایتمه سندن بحث ایدیله بیلیر . کذلک ، بشنجی جورجک حین
 جلوسنده قاتولیکلر علیهنده حقارتی تضمن ایدن اسکی تنوج
 یمینی یرینه یکی بریمین شکلی قبول اولونمشدر [۴] .

اجتماعی ایکی بویوک قانونده یاپلدى . بونلرک بریسی اختیارلق
 تقاعد تخصیصاتی قانونیدر [۵] . انکترده او توزسته دن بری مقیم
 انکلز تبعه سندن یتمش یاشنه کلوبده او توزلیرادن آشاغی کلیری
 اولان کیمسه لره بوقانون موجبجه هفته ده برشیلیدن بش شیلینه
 قدر تخصیصات ویریلیر . بومبلغ تماماً ملی خزینه دن چیقمقده در .

[۱] 9 Edw. VII, c. q.

[*] بلدییه رئیس لرندن صوکره کان مأمورلر .

[۲] 10 Edw. VII and 1 Geo. v., c. 19

[۳] 7 Edw. VII, c. 33.

[۴] 10 Edw. VII, and 1 Geo. v. c. 29

[۵] 8 Edw. VII, c. 40

ایده مز لر . بعضاً بوقیل شرائط بر درجه یه قدر کندی کندیلرینی
ادامه یه ساعی اولور لر ، بعضاً بر عکس العمل تولید ایدر لر .

حرب ، جدی صورتده اداره ایدیلدیکی زمان ، بالطبع
نفوذ و قدرتك تمرکز ایتمه سنی انتاج ایلر . چونکه باشقه هیچ
بر صورتله بر ملت صوگ جهد و غیرتی ابرازامکانی بولاماز . فقط
انکلترده وقوعه کلن تحولات یالکز نفوذ و قدرتك تمرکزندن
عبارت دکدر . پارلمنتو سیسته می ایکی فرقه آراسنده کی مناسبت
و مناوبه اساسی اوزرینه مؤسسدی و سیسته مک ماهیتی بومناسبتک
محصول ایجابی ایدی . قاینه ، عوام قاماراسنده اکثریتی حائر
اولان فرقه یی تمثیل و سوق و اداره ایدردی . ذات حضرت
قرالینک مخالفتنی تشکیل ایدن دیگر فرقه ایسه موقع اقتدارده کی
فرقه یی دائمی صورتده تنقید ایتک ، اونی کوزدن دوشوره رک
یرینه کلکه چالیشمق ایله مشغول اولوردی . فقط ، حرب
ظهور ایدنجه محافظه کارلر ، عمومیت اعتباریله ، حربه طرفدار
بولونیورلردی . حربه شدتله دوام ایچون قاینه یه مظاهرت ایتکه
عوام قاماراسنده کی حکومت طرفدارلری قدر عزم ایتشلردی .
تشکیلاته تابع مخالفت چارچاق اورتدن قالقدی . اکثریت ایله
مخالفت آراسنده کی مجادله سوندی . بونتیجه چوق کچمه دن
بوتون فرقه لری تمثیل ایدن بر قوآلیسیون قاینه سنک تشکلی
صورتنده تجلی ایتدی . فعلیاتده قاینه ایرلانده لیلر و ناسیونالیستلر
مستنا اولمق اوزره پارلمنتوده کی بوتون سیاسی فکرلری تمثیل

ایدیوردی. اونلر قابینه ده برنظارت قبولی تکلیفی ردایتشلردی .
ایشته بو احوال دولایسیله انکلیر پارلمنتو مؤسسهرلینک
فعالیتی ، وصف طبعیسنی غائب ایتدی . فرقه تجانسی اهمیتدن
دوشدی ، بونک یرینه ملی تساند قائم اولدی . بونده شخصی اقتدار
واهلیت ده زیاده حائز قیمت اولدی . قوآلیسیون قابینه سنه
قبول ایدیلن یاخود پک زیاده کنیشتدیر دکلری اداری خدمتله
آلنان کیمسه لره مقدار ی و تنوعی چوق آرتدی . دیگر طرفدن
عسکری سیاستک اداره می حکومتک یالکز بش ناظرندن
مرکب حرب قابینه سنک النده تمرکز ایتدی . هیچ شه یوق که
بوتون بونلر او مدهش حرب دردینه موفقیتله چاره ساز اولمق
ایچون دوشونولمش تدبیرلر در حرب بیتد کدن صوکره دوام
ایده مزلر . اوزمان ، سیاسی حیات ، تماماً مجاذله دن اولکی
شرائطه دکلسه ده هر حالده تکرار طبعی تمللره استناد ایده جکدر .
احتمالکه بو عودت در حال وقوع بولمیه جقدر . چونکه حرب ،
آرقه ده بر چوق مالی ، اقتصادی واجتماعی مسائل بر اقه جغندن
بونلر حل ایدیه یلمک ایچون تمرکز ایتش نفوذ و قدرتله
احتیاج کو ستره بیلرلر .

ایکی نقطه ده بویوک تحولات نمایان اولاجنی بو کوندن قوتلی
بر صورتده تخمین ایدیه بیلیر : ایرلاندانک انکلتره ایله مناسبتنده
و مختاریت اداره یه مالک مستملکه لره ایمپراطورلق مسائلی ایله
اولان مناسبتلرنده . یابانچی و بیطرف بر مدقق و مشاهد ایچون

ایرلاند مسئله سی غایت استفاده بخش بر کیفیت در، خلق حکومتی
حقنه قیمت دار بر در سدر . ایرلاند ناسیونالیستری انکلتره
قرالغنت کوچوک براقلیتی تشکیل ایتمکه برابر ، پارنلک اولدن
تخمین ایتدیکی کبی ، انکلتره یی کندی طلبلرینی قبوله اجبار
ایده بیلیمکه موفق اولمشا دردر . اراضینک اشتراسی حقنه کی
قانونلر نتیجه سنده ایرلاندالی املاک صاحبارینک اراضیسی
صاتون آلمشدر . بوصورتله مخالفلرک بر صنفی اورته دن قالدی .
فقط ایرلاند الیلرک ایچنده براقلیت اولان اولسترمنلرک خصومتی
بر دورلو ازاله ایدیه مدی . ناسیونالیستلرک بوتون آطهی
ایرلاند حکومتی اداره سنه آلمق یولنده کی آرزولرینه و ایرلاندانک
اک زنکین قسمی ایرلاند حکومتدن خارجه براققدن حس
ایتدکلری تدهشه رغماً ، اولستراحتوا ایتدیکی ایرلاند قاتولیک
اقلیتی اولماسه ایدی ایرلاندان تفریق ایدیه بیله جک وانکلتره یه
مربوط قاله جقدی . صوک زمانلرده مسئله ، اورانترمنلرک اقلیتده
بولوندکلری اولستراک بعض حدود قاوتیلکلرنده تکرار تازهلندی .
انکلیز پارلمنتوسنده تمیل ایدیلن بر خلقک اقلیتنک اقلیتنک اقلیتنک
کوره جکی معامله اسیاسنه منجر اولدی . دهموقراسی هیچ بر زمان
اکثریتلرک عندی وکیفی بر صورتده اجرای حکومت ایتهلری
دکلدر . انکلیز حکومتی ، حرب عمومینک انفلاقدن بر آزاو ،
فنا اصوللریله ایرلاندایی همان همان بر حرب داخلی ایچنده
براقشدی . انکلترونک حربیه اشتراک ایتیه جکله آلمانیانی

ایناندران احوال دن بری ده بوایدی . هم شمالی هم جنوبی
ایرلاندالیرک قبول ایده بیله جکلری بر صورت تسویه بی بوتون
انکلز دولت آدملرینک حسن صورتله تلقی ایده جکلری
شبهه سزدر . فقط بی طرف مدقق و مشاهد لر نظر ندیده مسئله
جداً مشکدر . سرورژه قانه منتک و دو بیلین اختلا لک آلمان
طرفدار قلری قارشیسند اولستر منلرک آتشین وطن پرور لکلری
ایشی بوتون بوتون کو چلشدیر مشدر .

حرب نتیجه سنده انکلز ایمپراطور لقی تشکیلاتنک ده اصبق
بر شکل آلا جغنده کیمسه شبهه ایتمه یور . مختاریت اداره یه مالک
مستملک لر انکلتره نک یانی صیرا او قدر قهرمانانه حرب ایتدیلر که
اونلرک مستقبل خارجی سیاستلرنده کندیلرینه بر حق کلام
ویر یله بیلیر . احتمال که اقتصاد ی ایشلرده ده بدرجه یه قدر صلاحیتلری
آرتیر یلا بیلیر . نه یاپیلاجق ، نه کی تشکیلات ایله یاپیلاجق ،
بوتون بونلر حرب دن صو کره انکشاف ایده جک اولان انکلز
سیاسی سیستمه نه تابعدر لر و بوسیستمه اوررنده حائز تاثیر اولابیلر لر .
فقط بونلر ساده جه تصور آدن عبارت شیلردر . بوجلد لرده
تأمینه چالیشدیغمز موجود شرائطک تعریف و تصویر ی دکلد لر لر .
بحثک بو وادی یه صاپاماسی ، هنوز تکون حالی بر دوام ایکن
غیرطبیعی شرائطی تعریف و تصویره قالقمانک دوغرو اولمادیغنی
بزه کوستیریر .

تشکيلات اساسيه حقنده مدخل

دوتوق ويل، انكليز تشکيلات اساسيه سنك حقيقتده موجود تشکيلات اساسيه اولماديغنى سويله يوردى [۱]. چونكه اونك فكر نجه «تشکيلات اساسيه» تعبيرى تماماً معين برشي افاده ايدردى. انكلترده ايسه بوكا اويان هيچ برشي يوقدى. مع مافيه، عصرى حكومتلر حقنده بايلاجق برتديق، تشکيلات اساسيه نك هيچ برزمان اونك ظن ايتديكى كي معين برشي اولماديغنى كوستير.

تشکيلات اساسيه «تشکيلات اساسيه» تعبيرى، على العاده بر دولتك الك اساسلى سياسى مؤسسه لرني تك بر معنا وثيقهده ياخود بر قاچ وثيقهده مركب بر كوچوك كومدهده طولامق يولنده صرف ايديلن مساعيه اطلاق اولونور. فقط بويه بر تشبثك تماماً موفقيته اقتران ايتمه سي نادرر، محتى محالدر. وجوده كتيريلن تشکيلات اساسيه، حكومتك استناد ايتديكى باشليجه پرنسيپلر كافه سنى احتوا ايتسه بيله چوق كره بو پرنسيپلر تطبيقده تعديلاته اوغرا لر. ياخود اورته يه باشقه پرنسيپلر چيقار. اوصورتده كه تشکيلات اساسيه آرتق مملكتك حكومت حاضر سته

تماماً توافق ایتمز. مثلاً، فرانسه ده قاینه نك آنجق مجلس مبعوثانك اعتمادینی حائز اولدجه موقع اقتدارده قالا بیلیم سی پرئسیپی، یعنی قیصه جه، پارلمنتوده کی معناسیله مسئول برهیت و کیله پرئسیپی ۱۸۱۴ یا خود ۱۸۳۰ فرمانلرنده یوتدی. بویله اولمله برابر لویی فیلیپ دورنده صاعلام بر صورتده تأسس ایتشدی. شایان دقتدركه انكلتره نك مختاریت اداره یه مالك مستملكه لرینك سیاسی سیستمه ملرینك استناد ایتدیکی بو پرئسیپ نه انكلیز شمالی آمریقاسی قانوننده نه آوسترالیا فده راسیوننده موجودد كلدر. بوقانونلرك برنجیسی، انكلیز عنعنه سنه توفیقاً، قانادا ایچون برشورای خاصدن بحث ایدر [۱]. فقط قاینه یه یا خود ناظره دائر برحرف بیله یوقدر. آوسترالیا قانونی ایسه برآدیم ایلری کیده رك قرالیچه نك دولت ناظرلرینی موضوع بحث ایلر [۲]؛ فقط پارلمنتویه قارشی مسئولیتلرندن بی خبر قالیر [۳]. بونك کبی، مجتمعه آمریقاده، انتخاب هیئتك رئیس جمهوری انتخاب ایتیه سی حقنده کی احکام فعلیاتده اودرجه دیکشمشدرکه منتخبلر کندی انتخابلرینی مدیون اولدقلری فرقه طرفندن تعیین

[۱] 30-31 Vic., c. 3, § 11.

[۲] 63-64 Vic., c. 12, Const., §§ 64-65.

[۳] ناظرلرك مسئولیتنه متعلق احکام، بلچقاده (۶۳، ۶۴، ۶۵، ۸۸، ۸۹، ۹۰ نجی مادهلر) و پروسیاده (۴۴، ۴۵، ۶۰، ۶۱ نجی مادهلر) همان همان بربرینك عیندر. بلچقاده قاینه مجلسه قارشی سیاست مسئول اولدینی حالده روسیاده مسئول دكلدر.

ایدیلن نامزدلره رأی ویررلر . انکلترده حکمدار ناصل پارلمتونك ايكي قاماراسی طرفندن قبول ایدیلش قانۇنلری تصدیق و قبول ایدرکن ساده جه برماکنه چرخى حاله ارجاع ایدیلشسه بونلرده رئیس جمهوری انتخاب ایدرکن عینی وضعيته دوشمشلردر . قرالك وه تو حقى کي اونلرک حریت انتخابلری ده حکمدن ساقط اولمشدر . بناءً عليه ، تشکيلات اساسيه تعبيرينك مناسبه نقطه سنده ، انکلتره ديكر مملکتلردن ماهيت اعتباريله دکل کمیت اعتباريله بر فرق عرض ایدر . اونلردن فرقى تشکيلات اساسيه يي وجوده کتيرن وثيقه لرك غایت متعدد اولماسنده وعرف وعادتک حصه سی پک عظیم بولونماسنده در .

دوتوق ويل دهاز ياده « تشکيلات اساسيه » تعبيرينه على العاده مربوط اولان باشقه بر معنایي کوز اوکنده بولوندير يوردی . بوتلقیه کوره تشکيلات اساسيه ، خصوصى بر قدرتی حائز ، ماهيت اعتباريله سائر بوتون قانۇنلردن فرقى بر وثيقه درکه آنحق خصوصى بر اصول دائره سنده تعديل اولونابيلير . بواصول على العاده وضع قانون شکللرندن آز چوق فرقلیدر . خصوصى قدسیت ، بالطبع بر حس مسئله سیدر . دوغرو صورتده تعریفی غیر قابلدیر . فقط سائر بعض تشکيلات اساسيه لرده اولدینی کي انکلز تشکيلات اساسيه سنده ده موجودیتی ادعا اولونابيلير . مستر برايسک تشکيلات اساسيه لری قطعی و قابل انحاء ديه

تشکيلات اساسيه
على العاده بر قانون
ایله قابل تعديل
دکلدر .

ایکی به آیر ماسنه [۱] اساس تشکیل ایدن خصوصی طرز تعدیلہ یعنی مؤسسان ہیئت ایلہ علی العاده قانونلری یاپان مقاملرک بر بردن آیری اولماسی کیفیتہ - کلنجہ ، بو اوزون بر تاریخہ مالکدر وپک جوق مناقشاتنی دعوت ایتشدرد . فقط ایکی شکل آراسندہ کی فرق پک مهم اولقلہ برابر ، بر طاقم متوسط شکللرک احداث ایدیلہ سی بو فرقی دوغرو بر تصنیف اساسی اولقدن چیقارمشدرد . صوک تشکیلات اساسیلر واک صوک تطبیقات آرادہ کی فرقی آکلاشلماز بر حالہ کتیر مکہ ساعیدر . تشکیلات اساسیہ یاپان مقام ایلہ قانون یاپان مقام آراسندہ فرق بولوندیغی مکتوب قانون اساسیلردہ دائماً موجود دکلدرد . مثلاً ، تعدیلاتک طرز اجراسی حقندہ هیچ احکامی محتوی اولمایان ایتالیان تشکیلات اساسیلر « ستاتوتو » سی علی العاده وضع قانون اصوللری ایلہ تعدیل اولونابیلیر . ناصلکہ اولونمشدردہ [۲] . عینی شی ۱۸۳۰ فرانسیز شارقی (فرمانی) حقندہ دوغرو در [۳] . صوک اسپانیول تشکیلات اساسیہ سی ، تعدیل حقندہ کی احکامی مسکوت کچر . فقط تعدیلہ احتیاج کوستردہ جک قدر دوام ایدہ جک اولورسہ

« Studies in History and Jurisprudence », [۱]

Essay III

Brusa, Italien, in Marquardsen's Handbuch [۲]

des Offentlichen Rechts, 12-16, 181-182

[۳] پروفوسور دیسہ ، توق ویلک بو سکوت سببیلہ شارقی

لایتغیر تلقی ایتدیکنی ، فقط فعلیاتدہ علی العاده بر قانون کی دیکشدر بیلدیکنی سوبله یور .

تعديلاتك على العاده وضع قانون اصوللريه ياپيلاجنى تخمين
ايديله بيلير .

تشكيلات اساسه لرني على العاده قانون وضع ايدر كن تعقيب
ايديلن اصوللره توفيقاً تعديل ايد بيلن مملكتلردن ، هان هان
غير محسوس تدريجي فرقلايه ، تشكيلات اساسيه يى وعلى العاده
قانونلرى يامق اقتدارينك اساس وماهيت اعتباريله برلرندن
فرقلى اللرده بولوندينى مملكتلره كچورز . مثلاً ، پروسياده
تشكيلات اساسيه قانونى ايله سائر قانونلرى تعديل اصوللرى
آراسنده قانونى بر فرق قابل مشاهده در . فقط شاين دقتدر كه
تشكيلات اساسيه قانوننده بوتون قانونلرك يكرمى بركون فاصله
ايله ايكي كره قرائت ايديله جكلرينه دائر احكام بولونماسى تشكيلات
اساسيه قانوننك ماهيتنى اساسلى صورتده تغير ايتزدى . فقط
نظرياتده اوت تشكيلات اساسيه يى « قطعى » اولمقدن چيقارارق
« قابل انحناء » صنفه صوقاردى . حقيقتده ، تشكيلات اساسيه قانونى
پروسياده ده انكلترده ده اولدينى كى قوه تشريعيه نك تحت حكم
ونفوذنده در [۱] . فرانسه حقنده ده هان هان عيني شى سويله نه بيلير .
چونكه تشكيلات اساسيه سنده تعديلات ، ايكي مجلسك مجلسى مى
(قونغره) حالنده بر آراده عقد اجتماع ايتمه سى صورتيله ياپيلورسه ده
مجلسى مى (قونغره) آنجق ايكي مجلسك بومقصدله آيرى آيرى
[۱] پروسيانك حق حاكميتى حائز بر دولت اولماسنك بونقطه
نظردن هيچ اهميتى يوقدر . ذاتاً بوت تشكيلات اساسيه قانونى آلتنده
اون آلتى سنه در مستقل وحق حاكميتى حائز بر دولت كى پايدار اولمشدر .

قرار ویرمه لری نتیجه سنده طوپلانه بیلیر. فعلیاتده مجلسلر قونغرهمه عرض ایدیلجه جک تعدیلاتی دها اول آیری قرارلر نتیجه سنده تثبیت ایتهمی عادت ایدنمشلردر. بناءً علیه، فرانسه دهده تشکیلات اساسیه حقیقته قوه تشریعیه نك کیفه تابع بولونمقدهدر.

آزاده کی فرق
عملی اهمیت
غائب اولمشر .

بعض مملکتلرده تشکیلات اساسیه یی وعادی قانونلری یایان مقاملر آراسنده کی فرق یالکرت تشکیلات اساسیه یی تعدیل اصوللرینی دها ساده لشدیرمک یوزندن دکل قانون وضعی دها مشکل برحاله قویمقندن دولاییده آزمالمشر. مثلاً، سویچرده ۱۸۴۸ تشکیلات اساسیه قانوننک تعدیلاتی خلقک رأی ویرمه سنه لزوم کوستریوردی. حالبوکه علی العاده قانونلرک تعدیلی ایچون بوکا لزوم یوقدی . فقط، ۱۸۷۴ ده علی العاده قانونلر حقتده ره فہرندوم اصولی قبول ایدیلد کدن صوکره بوفرقت بویوک برنسبتده اورته دن قالدی. الیوم تشکیلات اساسیه ده وعادی قانونلرده تعدیلات یایمق اصوللری آراسنده کی فرقلر پک خفیفدر . علی العاده قانونلرده خلقک رأینه مراجعت ایدیله سی یالکرت اوتوز بیک کشینک یاخود سکرت قانتونک محضری اوزرینه وقوعه کلیر . خلقندن طوپلانان رأی نتیجه سنده تعین ایدن اکثریت قطعی صورتده مطاع اولور . حالبوکه تشکیلات اساسیه تعدیلاتی، خلقک محضری اولسون اولماسون خلقک رأینه عرض ایدیلک لازمدر . بوتعدیلات معتبر اولمق ایچون ده قانتونلرک نصفندن زیاده سی اونی قبول ایتک اقتضا ایتدیکی کبی بوتون قونفه.

ده راسيون نفوسنك اكرثيتنك ده تصويبه احتياج واردر [۱].

تشكيلات اساسيه ايله سائر قانونلري تعديل اصوللري آراسنده بارز فرقلر كورولن آوروپا مملكتلرنده ، تشكيلات اساسيه ي دكيشديرمك ايچون تعقيبى ايجاب ايدن خصوصى اصوللر ياقوه تشريعيه ده دهافضله براكثريته احتياج كوسترلمه سندن ياخود تعديلات صورت قطعيه ده قبول ايديله دن اول عمومى انتخابات ياپيلماسندن عبارتدر . ياخود بوايكي طرزك هرايكيسى ده تطبيق اولونمقده در . بو اصوللردن صوكنجيسى انكلتره ده فعليانده مجهول برشى دكلدر . معين بر مسئله اوزرنده جريان ايدن انتخابات مجادله سى نتيجه سنده پارلمنتو ملتن او مسئله ده نه صورته حركت ايدم جكنه دائر بر وجهه وتعليات المفسرين اساسلى ويا مهم تعديلات ياپلاماسى لازم كله جكي فكري كيتدجه تعمم ايتمكده در . بوفكر ومسلك ، قانون احكامنه دوقونماز . فقط انكليز تشكيلات اساسيه سنك عيني درجه ده حياتى برپارچه سى اولان عرف وعاداتك هيئت مجموعه سنى دكيشديرر .

مجلس مؤسسان ايله على العاده قانون ياپان هيئت وبناء عليه قطعى وقابل انخنا تشكيلات اساسيه لر آراسنده كى قلاسيك فرق ، بعض جنس قوانين عاديهنك قبولى ايچون خصوصى بر اصول

[۱] تشكيلات اساسيه ده تعديل تكليف ايتمكه خلقك ده حق

واردر . خصوصى قانونلر ايچون خلقده بويله برحق تكليف موجود دكلدر .

تعقيب ايديلمه سی نتیجه سنده ده بر درجه یه قدر زائل اولمشدر .
مثلا ، آلمان ایمپراطورلغنده تشکیلات اساسیه تعدیلاتنه خاص
یکانه اصول ، تعدیل تکلیفلرینک بوندسراتده یالکز اون درت
رأی ایله رد ایدیله بيلمه سنه انحصار ایدیور [۱] . بو ، اون
یدی رأیه مالک اولان پروسیایه تعدیل تکلیفلرینه قارشی بر
وده تو حقی تأمین ایتمکده در . فقط ازدویه ، بحریه یه ، کومروک
یاخود استهلاکات رسومنه عائد هر هانکی برشیده ده بوندسراتده
پروسیاینه وده تو حقه مالکدر [۲] .

صوك عسرك اورته لرنده آوروپاده مکتوب تشکیلات
اساسیه لرك قسم اعظمی عینی نمونه کوره ترتیب ایدیشلردی
و بربرلرینه پک بکزرلردی . او درجه ده که یازی ایله تثبیت
ایدیش بر تشکیلات اساسیه قانونی ، علی العاده ، معین بر محدود
حکمدارلق اداره سی تضمن ایدردی . بونده عینی صنفه داخل
بر طاقم مسائل پارلمنتوک دوعرودن دوعرویه تأثیر ونفوذی
آلندن چیقاریلارق هیچ دکلسه نظریه ده خصوصی برحمایه آلتنه
آلنشلردی . فقط بوکون بوتون دنیانک مکتوب تشکیلات
اساسیه لری بربرلرندن بویوک بر فرق عرض ایددجک حاله
کلشلردر . بعضیلری ده ساده درلر . بعضیلری اسکیلرندن ده
مفصلدرلر . مثلا فرانسه نک تشکیلات اساسیه قانونلری یالکز

مکتوب تشکیلات
اساسیه لرك انواعنک
ترایدی

رسمی مقاملرک تشکیلاتی حقدنه بر طاقم عناصر و مبادی بی محتویدر لر .
 و فعلیاتده قوه تشریعیه نك کیفنه کوره قابل تعدیلدر لر . حالبوکه
 اسویجره نك ، آلمانیا نك و مجتمعه آمریقانك تشکیلات اساسیه لری
 بر جوق تفصیلاته کیریشیر لر . مجتمعه آمریقانك تشکیلات اساسیه سی
 آنجق بویوک مشکلات ایله تعدیل اولونا بیلیر . بونك نتیجه سی
 شو اولیور که فرانسز تشکیلات اساسیه سی یازی ایله صورت
 قطعیده تثبیت ایدیلش اولقله برابر ، قطعیت نقطه نظرندن ،
 آمریقانك تشکیلات اساسیه سنه دکل انکلترونککنه بکزیور .
 بناء علیه ، قابل انخا اولان تشکیلات اساسیه لرله هیچ
 اکیلوب بوکولمك قابلیتنی عرض ایتمین تشکیلات اساسیه لر
 آراسنده کی فرق الا آن موجود اولقله برابر ، بر بردن اساسلی
 صورتده آیریلش ایکی مختلف کومه آراسنده بر تضاد ماهیتنی
 حائز اولمقدن جوق اوزا قدر . بونی بر ماهیت فرقی دکل بر درجه
 فرقی کبی تلقی ایتمك لازمدر . بو نقطه نظرندن دنیله بیلیر که
 صوکسنه لرک تشکیلات اساسیه لری ، هیئت مجموعه لری اعتباریله ،
 دها قابل انخا اولمنه میل ایتشلر در . عینی زمانده ، قابلیت انخاده
 بویوک بر تنوعده نمایان اولمقده در . انکلترونك و ماجارستانك
 تشکیلات اساسیه لری اولچونك بر اوجنده ، مجتمعه آمریقانك
 تشکیلات اساسیه سی ده دیگر اوجنده دوریور لر .

« تشکیلات اساسیه » تعبیری مطلقا تشکیلات اساسیه قانونی تشکیلات اساسیه
 یامق قدرتی ایله قانون وضع ایتمك قدرتنك آیری آیری اللرده بر قانون قسوامیدر ؟

بولوندىنى معناسى تۈمەن ايتىمىز سە قوۋە تىمىرىيە نىك افعال وحر تىنە
 قانوناً حاكم يوكىك بىر قانون قىسوا فكىرىنى هېچ تۈمەن ايتىمىز .
 بومىسئە نىك مىناقشە سەنە كىرىشمە دن اول « قانون » تىمىرىيە نە قىسدا
 ايدىلدىكىنى صرىح سورتىدە بىلمەكە احتىياج واردر . انىكلترىدە
 وانىكلز - نورمان حقوق سىستەمىنى آلمىش اولان مىلكىتلردە
 « قانون » قوۋە تايىدىيە سى مىلكەلردن عبارت اولان بىر قاعدا دىيە
 تىرىف اولونابىلىر . بو ، حكومت مأمورلىرىنىك دە افراد كېى ،
 تىقىيات عدلىيە مەروۇز قالا بىلمەلرنى وفعال وحر كاتلىرىنىك
 قانونە درجە توافىقلىرى محاكم عادىيە طرفىدن تىقىق اولونابىلمە سى
 كىفىتىك بىر نىتىجە سىدىر . بىنەئ علىه ، مىلكەلرك بىر قانون دىيە
 قبول ايتىدكلىرى بىر قاعدا هم مأمورلر حقتە هم وطنداشلىرى
 حقتە تطبىق اولونور . مىلكەلرك قبول ايتىمە دكلىرى بىر قاعدا
 هېچ بىر زمان بىر قوۋە تايىدىيە بىي حائز اولاماز . چونىكە مىلكەلر
 بونى تطبىقە تىبىت ايدە جىك مأمورىن علىمىندە كى شكايات و تىقىياتى
 حسن تلقى ايدە جىكلر و كىندىلرىنە مقاومت كوستىرن وطنداشلىرى
 حمايە ايله يە جىكلردر [۱] . قانونىك بونى تىرىفى قبول ايدىلنچە ،
 شەف زوستىس Chief-Justice مارشاللىك ، مىجتمە آمىرىقا

عرف وعادات
 حقوقى جارى
 اولان مىلكىتلردە
 قانونىك معناسى

[۱] بومىسئە پروفىسور دىسە نىك Law of the Constitution

اىرنە نىك اى بىر سورتە اىضاح ايدىلىشدر . آشاغىدە ۲۰ : نىجى بابدە
 مىسئە بىي . دىھا مفصل سورتە تىقىق ايدىيورز (پروفىسور دىسە نىك
 بواثرى فرانسىزچە يە Introduction à l'Etude du droit cons-

titutionnel نامى آلتىدە ترجمە ايدىلىشدر - مترجم) .

تشکیلات اساسیه سیاه تعارض ایدن بر قانونک کاڻ لم یکن تلقی ایدیلہ سی حقندہ کی مشہور قراری بر ضرورت منطقہ تشکیل ایدر [۱] . هیچ شبہ سز کہ «تشکیلات اساسیه»، واضعلرینک ذہندہ بر قانون دیہ تلقی اولونیوردی . بر قانون اولقی حیثیتلہ محاکم طرفندن تطبیق ایدیلہ جکدی . فقط بو قانون دیگر بر قانون ایله ، فرضا قونغرہ نک بر آقت ۱۰۱ ، ایله تعارض ایدرسہ محکمہ ، سائر قانون اختلافاتندہ اولدیغی کبی ، هانکی قانونک دها یوکسک بر سلطہ بی حائر اولدیغی نظر ملاحظہ الہفہ مجبوردر ؟ تشکیلات اساسیه قانونک دیگرندن دها یوکسک اولدیغندہ ایسہ شہہ یوقدر . مستملکہ قانونلری مستملکہ حکومتی احداث ایدن انکلیز پارلمنتوسی قانونیلہ تعارض ایتدیگی زمان انکلیز مستملکہ لرنده عینی پرنسیپ تطبیق اولونمقده در [۲] . اسپانیا آمریقاسی جمهوریتلرینک تشکیلات اساسیه لرینہ بو پرنسیپ صراحتہ ادخال ایدیلشدر .

فقط ، بوی مجتمعه آمریقادن عیناً آلان بولاتین مملکتلری استننا ایدیلیرسہ بو فکر و مطالعہ همان همان یالکز عرف و عادات حقوقک حکمران اولدیغی یرلرده قبول اولونمقده در [۳] .

[۱] Marbury vs. Madison, 1 Cranch 1137

[۲] آوسترالیا فہدہ راسیونی قانونی ، بوقبیل اختلافاتی شورای خاصک عدلیہ انجمنی حضورندہ استیناف ایتک حقی تحدید ایدہ رک بالخاصہ بونلرک صورت حلی اراثہ ایدر (§ ۷۴) .

[۳] بعض استثنالر وارددر . اسویجرہ نک کوچوک اوری (۵۱ نجی

چونکه باشقه يرلرده قانون عینی صورتده تعریف ایدیلر .
تفریق قوا حقنده کی نظریه نك فرانسلر طرفدن طرز تفسیرینه
توفیقاً آوروپا قطعهنده عمومی بقاعده حالنده قبول ایدیلشد که
محاکم عادیه یالکز خصوصی فردلر آراسنده خصوصی قانونی
تطبیق ایدرلر ؛ رسمی مأمورلرک حقوق ووظائفه متعلق وظائف
بونلرک صلاحیتلری خارجنده بر اقلمشدر . بوقیل مسائل
شیمدی هر طرفده دکلسهده علی العاده محاکم اداریه نامیله معروف
اولان محکمه لره تودیع ایدیلشد . بومحکمه لرک تطبیق ایتدکلری
قاعده لر قانوندرلر . فقط عادی محکمه لرک تطبیق ایتدکلری

ماده) و آشاغی اونتروالدن (ماده ۴۳) فانتونرینت تشکیلات
اساسیه لرنده محکمه لره بوصلاحیتی بخش ایدن احکامه تعادف ایدیلر .
ملی اسویجره تشکیلات اساسیه سی (۱۱۳ نجی ماده) ملی پارلمنتو
طرفندن قبول ایدیلش بوتون قانونلری تطبیق صلاحیتی فهده رال
محکمه سنه ویریر . عینی مسئله آلمانیا دده مناشه ایدیلشد . (باقکز :
Brinton Coxه Judicial Power and uncons : اثری :
titutional legislation ، ۹ نجی باب و بنم
Parties in Continental Europe اثرم ، برنجی جلد ، ۲۸۲-
۲۸۴) . ترانسوالدهده انکلز - آفریقا محاربه سندن برآز اول
موضوع مناقشه اولشدی (باقکز : برایس :
Studies in History and jurisprudence ، صیفه ۳۷۸ ؛ و قروکرک خا-راتی ،
۲۵۴-۲۵۷) . بونی متعاقب رئیس جمهور قروکر ، ایراد ایتدیکی
کشاد نظرلرنده قانونلرک تشکیلات اساسیه درجه توافقلرینی تدقیق
نظریه سی شیطان طرفندن ایجاد ایدیلدیکنی اثبات ایچون توراتندن
استشهاد ایتشد (قروکر ، ۳۵۴-۳۵۵) .

قانوندن آیری بر شعبه قانون تشکیل ایتمکده درلر . بونک ایچوندرکه آوروپاده بر تشکیلات اساسیه قانونی تام بر قانون کی تلقی ایدیله بیلیر . یاخود ایدیله به بیلیر سه ده تلقی اولوندیغی تقدیر ده ده مطلقا بر محکمه طرفندن تطبیق اولونماز . حتی بونک عکسی وقوعه کلیر . علی العاده بر محکمه به بر پولیس مأمورینک افعال وحرکاتنک قانونه درجه توافقی تدقیق حق ویریلز سه ملی قوه تشریعیه دن صادر اولمش بر قانونک درجه مرعیتی تدقیق حق حائز اولابیله چکی پک زورقله تسلیم ایدیلیر . حکومتک اجرائی شعبه سنک تحت نفوذنده اولان اداری محاکمه بویله بر صلاحیت تودیعی ایسه دها غیر معقول بر حرکت تشکیل ایدر [۱] .

«تشکیلات اساسیه» نک قوه تشریعیه نک افعال وحرکاتی تشریع قوتنک تحدید ایدن یوکسک بر قانون کی تلقی ایدیله سی حقیقته آنجق بر قاچ مملکته و بالخاصه آمریقا ایله مختار انکلیز مستملکه لرینه انحصار ایدر [۲] . آوروپاده بویله بر تلقی هیچ بر یرده جای

[۱] أسمن (Eléments de droit constitutionnel) ، ۴ نجی طبع ، ۵۰۰ - ۵۰۲) تشکیلات اساسیه به توافق ایتمین قانونلرک الغاسی ایچون فرانسه ده تکلیف ایدیلن مختلف طرز لری تحلیل ایدر . بونلردن بری ، سیه سک تشکیلات اساسیه هیئت عدولی ، غایه سی بوکا بر درجه به قدر مشابه ولان قدیم آتنده کی بر اصوله شایان حیرت بر مشابهت عرض ایدر (Demos: Goodwin thenes on the Crown, Essay ۲ نجی جلد ۳۱۶-۳۲۷) .

[۲] انکلیز مستملکه لری حقوقاً مستقل یاخود حق حاکمیتی حائز برر دولت دکلددرلر . بناء علیه پارلمنتولری حقوق نقطه نظرندن مادون

قبول بولماشدر . چونکه آوروپا دولتری تشکیلات اساسیه قانونی بر قانون قصوا کی تلقی ایتسهلرده ایتسهلرده بونک احکامی قوه تشریعیه قارشی تطبیق صلاحیت قانونیه سنی حائز هیچ بر هیئت تشکیل ایتمه مشلدر . انکلهلرده پارلمتونک بر قانونه فائق قوتده هیچ بر قانون یوقدر . شبهه سز که اسقوجیا وایرلاند ایلله اتحاد قانونلری، هیچ دکلسه قسماً، ابدی صورتده مرعی ذیه قبول اولونمشلدر . فقط بوقانونلر کندیلمی تطبیق یا خود تعدیل ایچون آریجه صاحب صلاحیت بر مقام احداث ایتمه مش اولدقلرندن ، متحد پارلمتوده ، سلفلری کی، غیر محدود بر حق حاکمیتی حائز اولدیغی قاعنتی بسله مشدر . فی الحقیقه بوقانونلرک هر برنده بر طاقم مادی احکامی تعدیل ده ایلله مشدر [۱] .

دیملک انکلیز تشکیلات اساسیه سی - بالطبع محتویاتندن دکل شکلرندن بحث ایدیورز - آوروپا ملتارندن بر چونک تشکیلات اساسیه قانونلرینه نسبتله ماهیت اساسیه سی وشمول

بر موقعه بر قوه تشریعیه درلر . بو مناسبتله شونی سوبله بیلیرز که اسویچره فده رال محکمه سی کرک فده رال تشکیلات اساسیه سنه کرک قانتون تشکیلات اساسیه سنه مخالف اولان قانتون قانونلرینی تشکیلات اساسیه غیر موافق دییه رد ایده بیلیر .

[۱] پروفور دیسه ایلک « هم رول » لایحه سی پارلمتونک حق حاکمیت قانونیه قارشی بر تحدید تشکیل ایده جکی ادعا سنه در (England's Case against Home Rule, 138) . فقط دیگر فرقه بونی رد ایتمشدر . برایشه باقکز: Stud. in Hist. and Jurisp.

حقوقی خصوصی دکل، طرز افاده سی اعتباریله بویوک برفرق
عرض ایدر. اوتشکیلات اساسیه قانونلری، عمومیتله، برملکتک
سیاسی مؤسسهرینی جذری صورتده دکیشدیرمک یولنده وقوعه
کلمش برتحریکاتک نتیجه سیدرلر. بالطبع یکی اساس بروثقه ده
تثیت ایدیلشدر. انکلتره ایسه هیچ برزمان شکل حکومتی
هیئت مجموعه سیله دکیشدیرمه مشدر. بناء علیه بونی تقنین ایتک
احتیاجینی ده هیچ برزمان دویمامشدر. ملی سیاسی مؤسسهرلر:
statutees قانونلرده [۱]، عرف و عاداته مستند حقوقک برقسمی
تشکیل ایدن و محکمه لر طرفندن تطبیق و توسیع ایدیلن عادتلرده،
هیچ برقیمت حقوقیه سی اولمایان و قانونی قوه تأییدیه سی بولونمایان
اصوللرده تثیت و تعیین اولونمشدر. بوصوک قسم اصول و عادتله
پروف سور دیسه پک دوغرو اولارق تشکیلات اساسیه نك آدابی
Convention نامنی ویرمکده در. انکلیر تشکیلات اساسیه سنک
الک باشلی ایکی خصوصیتی شونلردر: اولاهیچ برقانون تشکیلات
اساسیه وصف میزینی حائر دکلدرد. قانونلرک هپسی پارلمنتو
طرفندن دکیشدیریه بیلیر. بناء علیه تشکیلات اساسیه نك برپارچه -
سنی تشکیل ایدن قانونلرله تشکیل ایتمین قانونلر آراسنده
قطعی بر خط فاصل چیزمکه قالقیشمق معاسز اولور. ثانیاً،

[۱] بوتی. Etudes de droit constitut. (برنجی طبع، ۹) ده
معاهده لری، نیم معاهده لری (اتحاد act لری) و حقوق قانونی
Bill of rights کی مطمئن میثاقلری ده علاوه ایدر. فقط حقوق
نقطه نظرندن بونلر ساده جه برر قانون statutes درلر.

انکلیر تشکیلات
سیاسیه سنک
منبع لری

عاده مستند قاعده لر بویوک بررول اوینارلر . بونلره کال اعتنا ایله رعایت اولونور . مع مافیه بونلرک هیچ برقانونی قوه تأییدیه لر ی یوقدر . هر حکومتده بو قیل عادات یاخود آداب موجوددر وطیعت اشیا موجود اولمالرینی ایجاب ایدر . مجتمعه آمریقاده وجودلرینه احتمالکه هیچ انتظار ایدیلهمک لازم کلدیکی حالده ، یوقاریدهده سویله دیکمز وجهله ، بو عادات و آداب رئیس جمهور منتخبلرینی مختلف دولترده خلقک رایلرینی قید وتسجیله خادم برر ماکنه حالته کتیرمشلردر . بو ، ذکر ایدیله بیله جنک پک بارز مثاللرک یالکز بریدر [۱] . انکلترونک خصوصیتی بو قیل عادات و آدابه مالکیتنده دکل ، بو عادات و آدابک سائر یرلره نسبتله چوق دها مبذول ومنشور اولماسندهدر . بونلرک ایچنده اک معروفی ، قرالک ، ناظرلرینک فکر ومطالعهلرینه کوره حرکت ایتهمسنی و ناظرلرک عوام قاماره سنده اکثریتک اعتمادینی غائب ایتدکلری زمان یا استعفا یا پارلمنتوی فسخ ایله ملرینی ایجاب ایدن قاعدهدر .

بناءً علیه ، تشکیلات اساسیه نک آدابنی تماماً تعداد ایتمک غیر قابلدر . چونکه بونلر نشوونما وانحطاط عملیه طبیعیه سنه تبعیتله متصل دیکشمکدهدرلر . بعضیلری عموم طرفندن قبول اولوندیغی حالده بعضیلری مشکوکیت ایچندهدرلر . بوندن دولاییدرکه آراده صیراده مخالفت فرقه سندن برینک حکومتک

فلان حرکتی تشکیلات اساسیه مغایر اولدینی یولنده برادعا
درمیان ایتدیکی ایشیدیلیر . بونک معناسی او ذاتک فکرنبه
غیر قابل تجاوز کی تلقی ایدیلک لازم کلن بر پرنسپ خلاف
معتاد اخلال ایدیور دیمکدر . مثلاً ، ۱۹۰۰ ده کی پارلمنتو
جنوبی آفریقا محاربه سی مناسبتیه انتخاب ایدیلش اولدیغدن
دولای سائر مسائلده مهم مقررات اتخاذ ایدیه جکی ، انتخابات
عمومیه یاپیلار ق ملتدن یکی بر صلاحیت آلق لازم کله جکی ادعا
اولونمشدر . بوقیل مناقشه لی واختلافی ادعایر موجود اولدینی
ایچون ، یالکیز حیات جاریه سیاسیه نک مناقشات ساحه سی
خارجنده تلقی ایدیلن اصول وعادت لر تشکیلات اساسیه نک بر قسمی
تشکیل ایدر لر دیمک ایجاب ایلر .

انکلیز حکومتده قانون ایله اصول وعادت آراسنده کی
مناسبت پک شایان دقتدر . « قانون » ک محکمه لر طرفندن
تطبیق ایدیلن قاعده لر دن عبارت بولونماسی یولنده کی تلقینک
نتیجه سی اولق اوزره ، قانون — که بونده هم اصل قانون لر
statute هم عرف وعادته ده مستند حقوق داخلدر — تشکیلات
اساسیه آدابندن تمامیه آری برشیدر . قانون ، بو آداب دن تماماً
مستقلدر و صورت قطعیده تطبیق اولونمقده در . آداب ، قانونی
حقلری یا خود امتیازلری ابطال ایتمز . یالکیز بونلرک ناصل
استعمال ایدیه جکلرینی تعیین ایلر . قانونی شکلره موشکافانه
رعایت اولونور . اصول وعادت بونلرک استعمالنه هیچ اجرای

قانون ایله اصول
وعادت آراسنده کی
مناسبت

تأثیر اتمه مش کی ، بر فعل و حرکتک مرعی ایچون بوشکلرک موجودیتنه لزوم کوستریلیر [۱]. مثلاً ، پارلمنتونک ایکی قاماراسندن کچمش قانون لایحه لرینی حکمدارک تصدیق اتمه مک صلاحیتی حکمدن ساقط اولدینی حالدده بوحق قانوناً هیچ بوزولمامس برشکلده موجوددر . قرال بولایحه لری صانکه حالا رد ایده - بیلیرمش کی کمال جدیدته تصدیق ایدر . بومعامله نقصان اولاجق اولورسه بر قانون هیچ بر زمان مرعی اولاماز . محاکم عادیه طرفندن تطبیق ایدیله یرک یالکز قوه اجرائیه یاخود اداره نک مأمورلرندن مرکب ذوات طرفندن تطبیق اولونان مملکتلرده حقوق عمومییه دائماً برکیف و تقدیر غنصرینی احتوا ایدر . بوعنصری دائماً سیاسی اصول وعادتلر تعیین ایلرلر . بناء علیه قانون ایله اصول وعادت آراسنده یی فرقک آزالاجنی تخمین

[۱] عوام قاماراسندن کچرکچمز یکی رسوم تحصیل ایتک یاخود کومروک واستهلاکات رسملرینی متراید بر صورتده تحصیله باشلامق بوپرنسپیه ظاهراً مغایر کی کورونور . چونکه ویرکو آنجق برقانون ایله مجبوری برحاله کلدیکی زمان حقوقاً واجب التادیبه در . بوعادتک حکمتی یکی ویرکو لایحه لری هرکسجه معلوم اولونجه بونلرک موقع مرعیته کیرمه لرینه قدر انتظار ایدیلیرسه پایلاجق ادخالاتدن آنه جق بر چوق رسومک غائب ایدیله جکی اندیشه سنده در . بالطبع قانونک متذده عوام قاماراسنک قبول ایتدیکی کوندن اعتباراً رسوم تحصیلنه باشلانجه قه دثر برماده موجوددر . بوضورتله ، تحصیل کیفیتی قانونی اولور . قانون لایحه سی قطعیت کسب ایده مزسه ، تحصیل ایدیلش رسوم اعاده اولونور .

ایدیله بیلیر . فقط آنکلترده بویله دکلدر . آنکلترده قانون و تشکیلات اساسیه اصول و آدابی کندیلرینه خاص بر طرزده انکشاف ایدرلر ، آرالرنده کی خط فاصل دائماً صریح صورتده کورولور . اصول و آداب قانونه منضم اولورلر ، سیاسی مناسبتلری تعدیل ایدرلر ، فقط قانونی مناسباتی ذره قدر اخلاص ایده مزلر . فی الحقیقه ، فریمان غیر مکتوب اصول و آدابک انکشافی آنجق ۱۶۸۸ اختلالیه قانونک فائقتی قطعی صورتده تأسیس ایدیلد کدن صوکره باشلادیغنی و بوشرط موجود اولماسه ایدی تکامللرینی اجرادن عاجز قاله جققلرینی سویله مشدر [۱] .

قانونی بر قوتی حائز اولمادقلری حالده تشکیلات اساسیه اصولی وعاداتک اصول و آدابه نهدن رعایت ایدیلدیکی مسئله سی پک بسیط برشی دکلدر . عنعناته تأمین رعایت ایچون تحت اتهامه آلق چاره سی بالطبع اوزون بر زماندن بری استعمالدن ساقط اولمشدر . پروفیسور دیسه بو آدابک اک صوکه قوه تأییدیه لری بونلری اخلاص ایدن هر هانکی بر ناظر ویامامورک چوق کچمه دن محکمه لر طرفدن تطبیق ایدیلن قانونلر ایله تعارض وضعیتنه دوشمه سی کیفیتنه اولدیغنی سویله یور [۲] . مثال اولارق پارلمنتونک سنوی اجتماعه دعوت ایدیله سنک اونوتولماسنی ، عوام قاماراسنک آرزوسنه رغماً ، قامارا داغیدلادن بر ناظرک موقع اقتدارده قلماسنی ، [۱] Growth of the Engl. Constitution ۱۰۷ ،

۱۱۲-۱۱۳ ، ۱۱۹ .

[۲] Law of the Constitution ۱۵ نجی باب

کوستریور . بومثالرده هیئت وکیلانک عسکر جمعه عائد
قانون سنوی بی اجرادن عاجز قالمق ، بودجهنک قبولنی تأمین
ایدهمه مک صورتیه قانونه مخالف برحرکنده بولونمق وضعیته
دوشه جکنی آکلاتیور . بوقیل احوالده حکومت چرخلرینک
قانونک طبیعی بر ایجابی نتیجه سنده توقفه اوغرایه جغنی ، عوام
قاماراسی جانی ایسترسه بووضعیتی قولایجه احداث ایده بیله جکنی
اثبات ایدیور [۱] .

مع مافیه ، باشقه بر مسئله دها واردر : مبعوثان مجلسی
عجبا نیچون تشکیلات اساسیه اصول وآدابی الیوم موجود
اولدینی شکلده محافظه ایچون استعمال نفوذ ایدیور ؟ چوقدن
بری مجلس بوصلاحیته مالکدی . حالوکه اصول وآداب بطی
صورته تکامل ایتشلردر . واشتغوننده مجلس مبعوثان طلب
اولونان تخصیصاتی رد ایتک صلاحیتی حائزدر . فقط بوندن
استفاده ایده رک رئیس جمهوره مجلسه قارشی مسئول بر قابینه
تشکیل ایتدیرمکه قالمایور . حالوکه فرانسه دهده ، انکلتزدهده
اولدینی کبی ، بو نتیجه موصلت ایدیلشدر و بوده حکومت
ایله محکمه لر آراسنده بر اختلاف ظهوری تهلهک سندن متولد
قوة تأییدیه موجود اولمان استحصال اولونمشدر . هر پارلمنتو ،

[۱] بوتون بونلر عوام قاماره سنک اکثریتک آرزوسنی تقویه
ایدن اصول وآداب حتنده دوغرودر . اقلیتک حقوقنی تأمین ایدن
وحقیقته دها آز مهم اولمیان دیگر اصول وآداب حتنده بوسوزلر
وارد دکلدیر .

بر هیئت و کله یی مسئول بروضیته صوقابیلدیکی کبی اکر ایسترسه
اونی الی نهایته موقعنده طوتمق ایچونده استعمال نفوذ ایده بیلیر.
مثلاً دائمی براخذ عسکر قانونی قبول ایلر ؛ چای وکلیر ایچون
سنه لرحه بر ویر کو قویار ؛ بوتون مصارف عادی یی بو تأمین
ایدیلش تخصیصا تدن تسویه ایدر و اوزمانده کی هیئت و کله یی
ایلریده کله جک پارلمنتلوردن عادتاً مستقل برحاله صوقابیلیر .

مسئله ایکی قسمه آیریلیور کبی کورونمکده در . اولاً ،
بر اصول بر کره تأسس ایدرسه نهدن دولای اوکا انکلترده
اوقدر ثبات ایله رعایت ایدیلیور ؟ ثانیاً نهدن بواصول و آداب
انکلترده شکل حاضر لرینی اکتساب ایتشلردر ؟ مسئله نك
برنجی قسمی حقدده دنیه بیلیر که پروفیسور دیسنه نك بحث ایتدیکی
نتیجه لر هیچ شهسز تشکیلات اساسیه آداب نك الك مهملرینك
قوة تأییدیه سنی تشکیل ایتدکلی حالدده بواصول آداب رعایت
ایدیلنه سنك حقیقتده اصل سبیلری بونلر دکلدیر . ناصل که ،
علی العاده ، اخلاق قواعدینه رعایت اولونماسنك عمومی سائقنی ده
جزا قورقوسی تشکیل ایتمز . فی الحقیقه ، بر حبس تهله کسه
ناموسکار آدملرک ذهنته هیچ بر زمان وارد اولماز . بونك کبی ،
انکلترده سیاسی حیاته قاریشمش بولونان کیمسه لرک عقلنده
قانونك بوصوك قوة تأییدیه لری هیچ بر زمان کلز . اصول
و آداب رعایت اولونور ، چونکه بو برناموس و حیثیت مسئله سیدر .
عادتاً بونلره اویون قاعده لری دنیه بیلیر . شیمدی یه قدر

انکلتريده حیات رسمیه مملکتی اللرنده طوتان و اداره ایدن صنف ایسه بوقیل مجوریتلره اک رعایتکار داورانمش اولان صنفدر . بوندن باشقه ، بوتون ملتک تصویبیه یالکز برصنفک خلق نامه «معمد» trustees صفتیه اجرای حکومت ایتهمسی کیفیتی ، اوصنی بو اعتمادی اخلاص ایتهمک خصوصنده غایت اعتناکار داورانمغه سوق ایدینیور .

اصول و آدابک بو کونکی شکلرینی نه دن دولایی اکتساب ایتدکلری مسئله سنه کلنجه ، بو ایشک آناختارینی پروفیسور دیسهنک مطالعه سنده آرا مالیدر . پروفیسور دیسیه کوره [۱] بوتون بواصول و آداب عوام قاماراسنک و نهایت الامر ملتک صریح و واضح صورتده اظهار ایتدیکی آرزویه تأمین اطاعت غایه سی ایچون موجوددرلر . بونلرک تأثیریه ، مقام حکمدارینک امتیازاتی کیتدکجه متراید بر صورتده قابینه نک ، قابینه ده عوام قاماراسنک تحت حکم و نفوذینه کیرمشدر ؛ ملت طرفندن تأیید ایدیلن عوام قاماراسنک هر هانکی بر سیاسته قارشی لوردلرک مخالفی آزمیشدر ؛ نهایت ، فسخ صلاحیتی سایه سنده بالذات عوام قاماراسی منتخبلرک نقطه نظرینی ممکن اولدیغی قدر صحت ایله تمثیل ایده بیله جک برحاله کلشدر . انکلتريده خلقک آرزوسنی قطعی و مسکت بر صورتده اظهار ایتهمک یالکز بر چاره سی واردر ، اوده عوام قاماراسی ایچون بر انتخاب

یامقدر . احوال عادیده بو آرزوی تفسیر صلاحیتی حائز یکانه
هیئتده قاینه، بوضو رتله انتخاب ایدیش قامار انک موقع اقتداره
کتیدیکی قاینه در .

پروفسور دیسه ، بواصول و آدابک غریب بر نتیجه سنی ده اصول و آدابک
نظر دفته وضع ایتشد . عوام قامار اسنک کیتدکجه آرتان نفوذ
وقدرتی ، مقام حکمداری طرفدن استعمال ایدیلن نفوذ و قدرته
عرف و عاده مستند تقیدات وضع ایتک خصوصنده قوللائلیوبده
حکمدارک نفوذی قانون واسطه سیله تحدید ایدیلک ایسته نلسه
ایدی مقام حکمداری ایله لوردلر قاماراسی کندیلرنده بر اقلمش
اولان نفوذ و قدرتی ایسته دکلری کبی استعمال خصوصنده دها
سربست قالیرلردی و بناء علیه عوام قاماراسی بو کونکی قدرت
مطلقه سنی احراز ایده مزدی . عوام قاماراسی بوامتیا زاتی اساس
اعتباریله قانوناً هیچ دیکش دیرمه مک ، فقط اونلرک یالکز
کندیسنه قارشی مسئول ناظرلر طرفدن استعمال ایدیله سنه
لزوم کوسترمک صورتیله زمانک تماماً حکمدن اسقاط ایتهمش
اولدینی بوتون حکمدارلق حقوقی ده کندی تحت حکمنه
کچیر مشدر .

اصول و عاداتک ایفا ایتدیکی بویوک رول انکلتزده رسمی
و عمومی حیات اوزرنده باشقه بر تأثیرده حاصل ایتشد . محافظه -
کارانه بر مزاج و استعداد تولیدنه سائق اولمشدر . قانون دیکشیرسه
یکی قانونلر اسکیلری کبی عینی اهمیت و اعتباری حائز اولورلر .

فقط اصول و آداب سرعته دكيشيرسه بونلر هپ بردن قوتلريني غائب ايدرلر . اصول و آدابه مستند بر حيات ايچون استقرار الزمدر . اوليات و امثاله قارشى حرمت حسى موجود اولمادن تشكيلات اساسيه آدابی موجود اولماز . نرده بر مملكتك مؤسسه لرى و حريتى مكتوب بر قانوننامه يه دكل ده عرف و عاده استناد ايدرسه اوراده غننهك و اولياتك اهميتنى اعظام اتمكه طبيعى بر تمثيل بولونور . بناء عليه ، انكلترده اصول و عاداته قارشى خصوصى بر حس حرمت و تعظيم واردر . زمانك تحولى نه يي همه حال ايجاب ايدييورسه بو غنناتده آنجق او نسبتده تعديلات ياعمق استعدادى يرلشمشدر . بونك نتيجه سى اولارق ، بعض مؤسسه لرك موداسى كنججه يكي باشدن بر طاقم شير ياپيلاجق يرده او مؤسسه لر متصل تعمير و اصلاحه چاليشيلور . انكلتره نك بوتون حيات عموميه و رسميه سنه بوروح بك قوتلى بر صورتده ايشله مشدر .

انكليز سيسته مى
منطقى دكل علميدر

كرك علميدارلر كرك پرستشكارلر انكليز سياسى سيسته منك منطقى اولماديغنى ادعاده متفقدلر . بو سيسته مك بروجه پشين *a priori* بر تأمل و ملاحظه نتيجه سى اولماديغنى معناسنده قبول ايديليرسه بو ادعا دوغرودر . فقط ، ديكر طرفدن ، انكليز سياسى سيسته منك موجود احتياجاه دائمى صورتده بر توافق سلسله سى تعقيب ايدرك انكشاف ايمه سى اونى كنديسنه كوره دهها منطقى برحاله صوقش و بوتون اقسامى ايله هيئت عموميه سى

آراسنده باشقه هيچ بر حكومته كوروله مين بر آهنگ تامين ايله مشدر . بونقطه ده طبقى جانلى بر عضوته بگزير . هيچ شبهه يوق كه انگليز سياسى سيسته مئى تعريف ايتك ايسته ديكمز وقت اونك وحدتى اخلال ايدجك بر چوق كوچوك غير طبعيلكلره وماضيدن قالمش غرابتلره تصادف ايدجكز . ففط بوتون بونلر ، حيواناتك بنه سنده كى پس زنده تشكلات كى ، فرضا بار كيرك آياغنده كى زائد بر كميك كى ، هيئت مجموعه نك حركتنى جدى صورتده اخلال ايدجك بر ماهيتى حائز دكلدرلر . دنيله بيلير كه ماضيده فرانسزلر سياسياتده منطقى حكملردن دوغرو مقدمه لر استحصال ايتمه كه اوغراشديلر وچوق كره فنا نتايج الده ايتديلر . حالو كه انگليزلر دوغرو اولمايان مقدمه لردين غير منطقى نتيجه لر چيقارديلر و صورت عموميه ده اينى نتيجه لره واصل اولديلر . بونك حكمتى سياسياتده بوتون مجرد قضيه لك آنجق تقريي صورتده دوغرو اولمالرندن عبارتدر . بونلره استناد ايدجك محاكمه يوروتمك ، على العاده ، ياكشلفنى تشديده خدمت ايدر . فقط انگلتره ده سياسى مؤسسه لر تجربه دن دوغمشلردر . انسانلر چوق كره اونلرى صوكره دن صنعى و انسجامدن محروم بر محاكمه ايله ايضاحه چالشمشلردر . بومعناجه ، فرانسز سياسى پرنسيپلرى ده ا منطقى ، انگلتره نك حكومت حقنده كى نظريه لرى دكل بالذات حكومتى ده ا علمى دز دنيله بيلير . بناء عليه ، انگليز سيسته منه تملى تشكيل ايتديكى ظن اولونان عنغوى پرنسيپلرى

نظر تدقیقه آلمقدن ایسه انکلتره حکومتک عضولرینی وبربرلریله
مناسبتلرینی تعریف وتصور ایتک دها زیاده حائز اهمیتدر .
فقط انکلتره حکومتک طبیعت وماهیتی بو تعریفی پک مشکل
برحاله صوقیور . حکومتک بنیه سنی تنظیم ایدن قانونلر اونلرک
تأثیرینی مهم صورتده تعدیل ایدن فقط معنالرینی و مرعیتلرینی
هیچ دیکشدرمه یں برچوق اصول وعاداته مستغرق بولوندقلری
ایچون تشکیلات اساسیه ک قانونی وعرفی صفحه لرینی آیری
آیری تعریف وایضاحه لزوم واردر . هر مؤسسه ک ابتدا
قانونی تشکیلاتی کوزدن کچیرمک ، صوکره شیمدیکی حالده
ناصل ایشله دیکنی آکلاتمق همان همان غیز قابل اجتناب بر
ضرورتدر . بویله بر اصول ایسه ، بالخاصه بو موضوع ایله
مشتغل ذوات ایچون بعضاً جان صیقیجی برشیدر . فقط آشاغیکی
صحیفه لرده اومزعج قانونی تفصیلاتی حال فعالیتده کی قوتلرک
تدقیق و مناقشه سندن ممکن اولدیغی قدر آیرمغه چالیشدق .
بو صورتله ، ذاتاً مسئله یه واقف اولان قارئلر اونلری اهمال
ایده بیلیرلر .

برنجی قسم - حکومت مرکزیہ

برنجی باب

مقام حکمداری

انکلتزہ تاریخندہ، حریت سیاسیہ ایلہ ماجرا پرستلک روحی مقام حکمدارینک متحول طالغہ مربوط بولونمقدہ درلر. نورمان و آنزودن قرالترینک قوتلی اللری بوتون مملکتی برملت حالہ کتیردیلر. ملی برعرف وعادات حقوقی، ملی برپارلمتو واوزون، ملی برسلسلہ قوانین ہپ بوتمل اوزرنده تأسس ایتدی. زمانلر کچوبده مقام حکمداری بوتوحید وظیفہ سنی ایفا واکمال ایدنجه پارلمتو ایلہ حال اختلافہ کیردی. برقرالہ حیاتی، دیکرینہده تاجی بہاسنہ مال اولان برطاقم اختلاجادن صوکرہ، سیاسی تکامل جریان طبعیسنی بولدی. عوام قماراسی، قرالک حکم ونفوذینی تدریجاً کندی تحت حکمنہ آلدی. فقط بونی مقام حکمدارینک قانونی نفوذ و قدرتی جدی صورتده اخلاص ایتہدن یاپدی. بوصورتلہ، قرال، سلفلرینہ عائد بولونان صلاحیتلردن پک چوغنہ قانوناً صاحبدر. مع مافیہ صلاحیتلرینی استعمال حقی باشقہ اللرہ کچمشدر. حکمدارک شخصی نفوذ و قدرتی اسکی

عظمت وقطعیتنه نسبتله برکولکه حاله کلمشسه ده حکومت آلان
قرال نامه اداره ایدیلر و بونک ایچونده قرالغه مربوط قانونی
حقوقدن استفاده اولونور . بناءً علیه انکلترنک حکومتک
تعریفنه مقام حکمدارینک تدقیقه باشلامق پک مناسب اولور .

حکمدارلغه حق ۱۶۸۸ تاریخنده ، ایکنجی جهیمس جانندن قورقارق
قاجدینی ، « قرالیت حدودندن خارجه چکیلرک بوصورتله
حکومتدن فراغت ایتدیکی » دقیقه دن بری قرالغه حق تماماً
پارلمنتونک قرارینه استناد اتمکده در . الیوم بو حقت استنادکاهی
۱۷۰۱ تاریخنده کی تثبیت قانونیدر . Act of Settlement [۱]
بوقانونه نظراً ، ویلیام ایله آنک وارثلری اولمادیغی تقدیرده تاج
حکمداری منتخب صوفیایه واونک وارثلرینه کچه جکدی . فقط
بونلرک پروتستان اولملری شرطدی . والده طرفندن برنجی
جهیمسک طورونی ، منتخب پالاتینک زوجه سی ایدی . اونک
اک یاقین وارثی اولماقله برابر پروتستان وارثلر آراسنده اک
یاقینی بولونیوردی .

توارث قاعده لری اساس اعتباریله ، توارث قاعده لری عرف وعاداته مستند
حقوقده اراضیه توارث قاعده لرینک عیندر [۲] . یعنی عنوان
بویوک اوغله انتقال ایدر . بو بر حیات دکلسه کنیدیسی تخندمه

[۱] 12-13 Will. III, c. 2

[۲] یالکز شوفرک ایله که متعدد همشیره لر مشترک وارث صفیله
مساوی حقوقه مالک اولمازلر ، ایچلرندن اک بویوک تحت کچر .

وفات ایتمش کی ارکک یاخود قادین وارثلرینه کچر . بویوک اوغل وارث بر اقامدن وفات ایتدیکی تقدیرده بر حیات بولونان اک بویوک اوغله یاخود اونک وارثلرینه انتقال ایدر . بر حیات هیچ بر اوغل یاخود اونلرک وارثلری بولونمایه جق اولورسه اوزمان اک بویوک قیز تخته وارث اولور . مع مافیه بوقاعده نك بر شرطی واردر . قاتولیک بولونانلر یاخود قاتولیکلکی قبول ایدنلر بوقاعده دن استفاده ایده مزلر ، حکمدارلق حقلرینی غائب ایلرلر . تاج اوزمان اک یاقین وارثه کچر . بوسوک شرطک حکمنی قطعی صورتده تأمین ایچون حکمدار قاتولیک مذهبنی رد ایتدیکنه دائر بریمین ایتکه مجبوردر . حتی بومینک تعبیراتی قاتولیکلره حقارت آمیز بیله کورونمشدر . بناء علیه ، یدنجی ادواردک جلوسندن صوکره ، فقط تتویجنندن اول ، یمینک شکلنی تبدیل ایچون صرف غیرت ایدیلدی وبو مقصدله لوردلر قاماراسنه بر لایحه قانونیه ویریلدی ایسه ده اوزمان هرایکی طرفی ممنون ایده جک بر جمله بولمق قابل اولامادی ، لایحه قانونیه قبول ایدیلده دی .

باشقه حکمدارقلرده حکمدارک کوچوکلک یاخود دلیلک حکمدارک حبسیله عدم اهلیتی احتماله قارشى قانوناً ثابت ودائمی بعض عدم اهلیتی تدبیرلر اتخاذ ایدیلمشدر . فقط انکلترده هیچ بر زمان بویله بر شی یا پلاماشدر . بر مسئله ظهور ایتدجکه ، وعلى العاده ، ظهورندن صوکره حل اولونمشدر . مثلاً ، لایحه قانونیه لری

تصدیقه صلاحیتدار کیمسه بولونمايخه ، پارلمنتو اولاً بویله بر قدرتی بر نائب حکومت ویرمک اوزره بر لایحه قانونیه قبول ایتمک و شانسیلیه ده بولایحه بی تصویب ایچون بویوک مهر دولتی استعمال امرینی ویرمک کبی قانونی بر معناسزلغه دوشمشدر . صوک زمانلره کلنجهیه قدر ، قرال مملکت حدودلرندن خارجه چیقدیغی تقدیرده ، قراللق صلاحیتلرینی استعمال ایچون لورد ژوستیس Lord justice و سائر کبی بعض ذوات تعیینی الزم اولدیغی فکری جاری ایدی . فقط زمانمزده سیاحتلرک و مخبرات و مناقلاتک سرعتی آرتجه بوکا حاجت قالمادی . قرالیچه و یقتوریانک جلوسندن صوکره بویله برشی یاپلمادی .

مقام حکمدارینک
نفوذ و صلاحیتی
انکلز حکمدارینک نفوذ و صلاحیتی مختلف نقطه نظرندن پیش تدقیقه آله بیلیر . بونلری یکدیگرینی متعاقب کوزدن کچیرمک لازمدر . ایلك مسئله شودر : قانوناً مقام حکمدارییه نه کبی صلاحیتلر ویریلشدر ؟ ثانیاً ، بو صلاحیتلرک نه مقداری فعلی صورتده قابل استعمالدر ؟ ثالثاً ، حکمدارلنک نفوذ و صلاحیتندن نه مقداری الیوم قرالک شخصی آرزوسنه کوره استعمال ایدیلمکدهدر یا خود قابل استعمالدر و نه مقداری ناظرلرینک الندهدر ؟ رابعاً ، ناظرلرک افعال و حرکاتی ده نه درجهیه قدر پارلمنتونک تحت نفوذ و حکمندهدر ؟ بوبایک موضوعنی تشکیل ایدن ایلك ایکی مسئله هر زمان بر برندن آیری صورتده تدقیق ایدیله مز . چونکه فعلیاتده استعمال ایدیله مهین بر حقک

حکمدارلق مقامنده قانوناً موجود اولوب اولمادیغنی کسديرمك
 بعضاً قابل دكلدر . مشكوك بر صلاحیتی استعماله قالقیشمق
 اغلب احتماله كوره نمانعت و مقاومت كورولمه سنه سبیت
 ویره بیلیر . بویله بر حرکات قانونه درجه توافقی پارلمتوده
 مناقشه ایدیلک یاخود محکمه لرده قرارلاشدیرلق قابلدر . فقط
 زمانمزده بویله بر تشبثك وقوعی غایت نادر در . بر طاقم نفوذ
 و صلاحیتلر وارددر که اعتراضه اوغرامشدر در یاخود حکمدن
 ساقط اولمشدر در . هیچ بر حکومت بونلری احیا ایتمه بی عقلنه
 کتیره مز . ایشه بوصورتله قانون مسئله سی هیچ بر زمان حل
 ایدیله مش اولدیغدن مقام حکمدارینك اونلری استعماله خقی
 اولوب اولمادیغنی مشكوك قالمشدر .

امتیاز مقام حکمدارینك حائر اولدیغنی نفوذ و صلاحیت ایکی
 مختلف منبعدن کلیر . بونلرك بری قانونیدر ، پارلمتودن کچمش
 قانونلره مقام حکمداری یه ویریلش مختلف حقوق و صلاحیتلری
 احتوا ایدر . دیگر ی ، ده ا خصوصی بر نام ایله امتیاز دنیلن
 شیء تشکیل ایلر . پروفیسور دیسه بونی وقتيله قرالرك حائر
 اولدقلى مطلق حکم و نفوذدن بر زمان معینده باقی قالش
 پارچه دییه تعریف ایدر [۱] . تعبیر دیگرله ، قدیم عرف
 وعاداته كوره مقام حکمداریده موجود اولان نفوذ و صلاحیتك
 بونلرك بقایاسیدر . آراده کی فرقی تعیین ایده بیلمك هر زمان

قولای برایش دکلدر . چونکه امتیازک بر چوق قسملری قانون ایله تنظیم یاخود تعدیل ایدیلشدر . بوکی احوالده ، الیوم حکمدارک استعمال ایتدیکی نفوذ و صلاحیتک بر قانوندن می یوقسه امتیازدن می نشئت ایتدیکنی تعیین ایده بیلیمک پک ممکن اولاماز . مع مافیه ، آراده کی فرق چوق کره مهمدر . چونکه نفوذ و صلاحیت پارلمنتو طرفندن ویریلش اولدینی یرلرده مقام حکمداری تماماً قانونک ایچنده مندیج و کندیسنه مودوع بر نفوذ و صلاحیته استناداً حرکت ایدر و حکمدارک بوصلاحیتی قانونک ایچنده صراحةً موجود اولدجه معتبر اولور . حالبوکه امتیاز هیچ بر وثیقه ایله تثبیت ایدیلشمش اولدینی جهتله دها غیر معیندر و مرور زمان ایله انکشاف ایتیمکه یاخود کوچولمکه دها مستعددر .

تشریعی صلاحیت بوتون تشریعی صلاحیت پارلمنتوده قراله یعنی ایکی قامارا ایله متفقاً حرکت ایدن قراله ویریلشدر . حقوقاً هر قانون قرالک تصدیقه محتاجدر . شبه یوق که مجلسلر آنجق قرالک کبی اولدینی مدتیجه چالیشه بیلیرلر . چونکه مجلسی اجتماعه دعوت ایدن ، تعطیل ایله ین قرالدر . عوام قاماراسنی هر آن فسخ ایده بیلیر . فقط شوراسنی سویله مک ایجاب ایدر که مقام حکمداری کندی کندیکنندن ، پارلمنتونک اشتراکی اولمادن ، بوکون هیچ دکلسه نفس انکلترده هیچ بر قوه تشریعیه یه مالک دکلدر [۱] .

[۱] هیچ دکلسه نفس انکلتره ایچون دیوروز . چونکه مقام

هر زمان بویله اولمامشدر. چونکه، بعض دوره لرده یالکزباشنه حکمدار اراده یاخود نظامنامه شکلنده قانون یامشدر. فقط لورد قوق: « اولجه بر جرم اولمایان حرکتی قرالک بر بیاننامه ایله بر جرم حالنه قلب ایده میه جکی، چونکه اوتقیدرده مملکتک قانونی دیکشدر مش اولاجنی» یولنده کی مشهور قراری ویرمکه بواصول مهلك برضربه آلاق صورت قطعیده اوتهدن قالمشدر دنیله بیلیر [۱]. بناءً علیه، انکلترده مقام حکمداری، فرانسه ده یاخود آوروپانک سائر مملکتلرنده قوه اجرائیه رئیسک حائز اولدینی کبی، قانونلری اتمام ایچون نظامنامه لر یامغه صلاحیتدار دکلدر. بوندن، مأمورلرینک ایشلری ناصل تمشیت ایده جکلرینه دائر تعلیماتنامه لر یاپامایه جنی معناسی پیقیمق لازم کلز. مثلاً اردونک اداره سنی تنظیم ایچون تعلیماتنامه لر یاپار، دولت خدمتلرینه آانه جق کیمسه لک امتحانه تابع طو تومالرینی آمر تعلیماتنامه لر تنظیم ایدر. فقط بونلر، برایش باشنه کچن هر خصوصی فردک کندی مؤسسه سنده یاپایله جکی ایشلر قیلندندرلر؛ قانون قوتی

حکمداری، فتوحات صورتیله الهه ایدیلن «مقام حکمداری مستملکه لری» ایچون دوغروندن دوغرویه قانون یایمق حقنی هر زمان حائز اولمشدر. فقط حکمدار، بومملکتلردن برینه تشریعی صلاحیتی مصون بولوندی راجق برقید اولمفسرین تمثیلی برپارلمتو بخش ایدنجه بوصلاحیتی اومستملکه یه مؤبداً ترک ایتش اولیور. باقکز: British Rule a. Jurisd beyond the Seas: Jenkyus Campbbell؛ ۹۵، ۶-۴، ۲۰۴ vs Hall, Cowp.

حائز اولان وهر دورلو استخدام مقاوله نامه سی خار چنده بر مأموری باغلايان نظامنامه لردن تماماً فرقلیدر لر .

مع مافیه ، قانون قوتی حائز اولاجق و بوتون ملت ایچون مجبوری الاجرا عد ایدیه جک نظامنامه لر یایمق صلاحیتی بالخاصه صحت عمومیه ، معارف الخ . مسائلمده مقام حکمداری یه یاخود دهها دوعروسی شورا حالنده تجلی ایدن مقام حکمداری یه قانوناً ویریلک معتاددر . بواسطه کیتدکجه تعمیم ایدیور . اودر جهده که بوکون مجلسدن آلمش مساعده اوزرینه یاپیلان و قانونی اوامر « Statutory ordre » نامی طاشیدیان بونظامنامه لر هر سنه قانون مجموعه لری کبی برجلدهده طبع اولونمقدهدر . بونظامنامه لردن بعضیلری پارلمنتویه عرض ایدیلک لازمدر . فقط قامارلردن برنده معین بر زمان ظرفنده علیه لرنده برقرار ویریلزسه مرعی الاجرا اولمق وصفی حائزدر لر . قبول ایدیلدکلرینی رسمی صورتده خبر ویرمش اولمق ایچون بونلر قامارلرک کتابتترینه تودیع اولونور لر . بناءً علیه بونلرکدهها مفصل صورتده تعریفی پارلمنتودن باحث اولان بابه تعلیق ایدیلک لازم کلیر . یالکز بوراده شوراسنی سوبله مک ایجاب ایدر که مقام حکمداری بو قبیل نظامنامه لر یایمقله صرف وکالته مستند بر صلاحیت استعمال ایتمش اولور و بر شهرک بلدیة مجلسی وضعیتده بولونور . نظامنامه لر ایکنجی درجهده بر نوع قانوندر لر ، قوت الدقلری قانونلره درجه توافقلری نسبتنده قابل تطبیق بولونور لر . مقام حکمداریده

موجود اولمایان ، صرف بر وکالتدن نشئت ایدن بوقیل بر
صلاحیت ال دار واک خاص معناسیله آکلاشیلان « امتیاز »
میاننه داخل اولاماز .

قرال ، حکومت مرکزیه نك اجرائی قسمتك باشنده در . قوهٔ اجرائیه
قانونلرك اجرایی ملی بر مقام رسمینك مداخله سنه لزوم کوستردیکی
نسبتده قانونلری تطبیق ایدر . حقیقتده ، ملتک بوتون قوهٔ
اجرائیه سی ، کرك قانونلره تعیین ایدیلن کرك منحصرأ امتیازه
عائد بولونان قوهٔ اجرائیه حکمدار نامه واونك نفوذ وصلاحیتی
دولایسیله استعمال اولونور . یالکز ، قانون واسطه سیله
دوغرودن دوغرویه حکمدارلغك بعض مأمورلرینه تودیع
ایدیلشسه اوزمان ، ایلریده کوروله جکی وجهله ، او مأمور
مقام حکمدارینك خدمتکاری صفتیله و مقام حکمدارینك
اداره سی وقوتورولی آلتنده اونی استعمال ایدر . حقوقاً شورا
حالنده تجلی ایدن — یعنی شورای خاصك درمیان ایتدیکی رایه
توفیقاً حرکت ایله ی — قراله عائد بعض اجرائی وظیفه لر
وارسده شورای خاصك مستقل بر نفوذ وصلاحیتی اولمادیغندن
وفعلیاتده حکمدار طرفندن منصوب بعض ناظرلردن ترکیب
ایتدیکندن بووظائفک بیه یالکز مقام حکمداری به عائد اولدیغنی
سویله نه بیلیر .

پارلمتو قامارالینك بعض مأموریتلری ووظیفه لری صرف
تشریفاته انحصار ایدن بعض ارثی مقامات مستثنا اولوق اوزره [۱]
مأموریتلره تعیین

[۱] Grand Falconer و Earl Marshal کی .

بوتون اوملی مأمورین رسمیه یا دوغرودن دوغرویه حکمدار
 ظرفندن یاخود اونک نصب ایتدیکی یوکسک مأمورین دولت
 طرفندن تعیین ایدیلرلر . وظیفه لری ، حسن حال و حرکتلری
 مشهود اولدینی مدتجه (during good behavior) دوام
 ایدن قلیل المقدار بعض مأمورلر مستثنا اولمق اوزره ، دیکرلرینی
 عزل ایتک حقه ده مقام حکمداری مالکدر . حسن حال
 و حرکتلری مشهود اولدینی مدتجه عزل ایدیله مهن مأمورلر
 آراسنده اک مهملری حاکم ، هندستان شوراسی اعضالری
 وقوتورلور Contröller و باش اودیتور Auditor General در .
 بونلرک هیچ بری قراللغک اجرائی حکومتنه هیچ بر وجهله
 اشتراک ایتملر [۱] . عزل و نصب حق ایسه سوق و اداره
 حقنی ده تضمن ایدر . بونک ایچوندرکه ، انکلترده صورت
 عمومیه ده ، مرکزی حکومتک بوتون اجرائی مقانیزمه سی
 مقام حکمدارینک سوق و اداره سنه تابعدر دنیه بیلیر .

بوندن باشقه ، مقام حکمداری پارلمنتو طرفندن قبول ایدیلن

[۱] حسن حال و حرکت مشهود اولدینی مدتجه دوام ایدن
 مأموریتک نزع و پارلمنتونک ایکی قاماراسی طرفندن ویریلن برقرار
 اوزرینه بو اوچ صنف مأمورینک عزل ایدیله بیله جکنی آمر اولان
 قاعده نک تأثیراتی حقنده آنسون ک Law and Custom of the
 Constitution اثرینه باقیکنز . ۲ نجی جلد ، ۱۵-۲۱۳ . آنسوندن
 ذکر ایتدیکنز فقره لر برنجی جلدک ۳ نجی طبعنه (۱۸۹۷) ، ۲ نجی
 جلدک ایکنجی طبعنه (۱۸۹۶) عائددر (اثر Loi et pratique
 Constitutionnelles نامیله فرانسزجه یه ده ترجمه ایدیلشددر - مترجم) .

تخصیصات لره توفیقاً واردات عمومیه نك صرفه امضاسی تحتند
 مأذونیت ویریر و بونك نتیجه سنده مصارفاتی اجرا ایدر. بر قانون
 ایله حتی تحدید ایدیله مش اولدینی تقدیرده ، مملكتك قانونه
 مغایر اولماق شرطیله ، بعض صلاحیت لره شرکت عقدی فرمانی
 charters of incorporation اصدار ایده بیلیر. فقط انتخابات
 اصلاحاتنه ، بلدیله ره و محلی حکومت لره متعلق مختلف قانونلر
 نتیجه سنده آرتق سیاسی حقوق بخش ایدن فرمانلر اعطاسی
 آنجق بر قانونه استناد ایتك شرطیله قابلدیر. حتی تجارت شرکتلری
 بیله ، علی العاده ، بر طاقم امتیازاته احتیاج کوستیرلر که بونلر
 آنجق بر قانون موجبجه بخش اولونا بیلیر [۱] . خصوصی
 عقولری مقام حکمداری بخش ایدر. لوردلغی مقام حکمداری
 توجیه ایلر. رتبه و عنوانلری مقام حکمداری ویریر. انکلترونك
 رسمی کلیساسنك رئیس صفتیله حکمدار قونووقاسیون
 Convocation مجلسنی طویلار ، اولجه تقرر ایتمش مسائلک
 مذاکره سی مساعده سنی اوکا ویریر. باش پسقوسلری ، پسقو-
 سلری ، باش راهب و سائر لرك بر چوغنی حقیقته تعیین ایدن مقام
 حکمدار ایدر . بر چوق رقتورلغی و سائر منافی ایستدیکی کی
 بخش ایده بیلیر [۲] . حکمدار ، اردونك ودونانمك رئیس
 Parl. Govt. in England: Todd [۱] ۲ نجی طبع
 Le gouvernement par (اثر - ۱۸۸۷) ، ۱۴ نجی باب (اثر -
 lementaire en Angl نامیله فرانسجه یه ده ترجمه ایدیلشدیر - مترجم
 [۲] آشاغیده کلیسایه دائر اولان بابه باقکز .

صفیله ملئك قوه عسكریه سنی طویلار ، بونلره قوماندایدر ، اداره لری ایچون تعلیماتنامہ یاپار . طبعیدر که قانونلره وهرسنه کی اخذ عسکر قانوننك Annual Army Act احکامنه رعایت ایدیله سی شرطدر . بوتون خارجی مناسباتده واجبی دولترلره بالعموم مذاکرانده ایمپراطورلنی حکمدار تمثیل ایدر . حکمدار حرب اعلان ایتك ، صلح یامق ، معاهده لر عقد ایله مك صلاحیتنه مالکدر . یالکزر ، پارلمنتو تصدیق ایتمه دیکه بر معاهده نامه ملته هیچ بر مکلفیت مالیه تحمیل ایده مز و مملکتك قانوننی تعدیل ایله یه مز . بر معاهده نامه نك پارلمنتونك تصدیق اولمادن افراد خصوصیه نك حقوقنی نه درجه یه قدر اخلاص یا خود بر مقدار اراضی بی یابانچی بر دولته ترك ایدیه بیله جکی مشكوك بر نقطه در [۱] .

قانون ایله
بخش اولونان
صلاحیت اجرائیه

پارلمنتو مقام حکمداری یه چوق کره تشریعی صلاحیتلر بخش ایتدیکی کی امتیاز دولایسیله حائز اولدیغی صلاحیتلردن باشقه برطاق اجرائی صلاحیتلرده تودیع ایله مشدر . بوراده بر قانونك یکی مأموریتلر احداث ایتمه سندن ، بونك دوغروندن دوغرویه مقام حکمداری طرفندن تحت تأمینہ آلمان سندن ، ایجاب ایدن صلاحیتك قانون طرفندن حکمداره ویریله سندن بحث ایتمه یورم . بوصلاحیتلر ، قانونه مستنداً احداث ایدیش اولقله برابر ،

[۱] آنسون Law and Custom ۲ نجی جلد ، ۲۹۷-۹۹ ؛ دیسه Law of Constitution ۳۹۳ ؛ هلیغولاند ۱۸۹۰ ده آلمانیا به ترك ایدیلشدی . معاهده نامه پارلمنتونك تصدیقنه تعلیقاً عقد اولونمشدی . پارلمنتو 3 Vic; c 53-54 قانونی ایله بونی تصدیق ایتدی .

امتیازدن متولد صلاحیتار کبی استعمال اولونور . بحث ایتک ایسته دیکم شی محلی هیئتارک و سائره نک و طائفه و امتیازاته تعلق ایدن و مقام حکمداری یه قانونی دوغرودن دوغرویه اجر احقی دکل یالکز نظارت و قونترول صلاحیتی و یرن قانونلردر . بنوع قانونلر حکومت محلیه ، صحت عمومیه ، معاونت خیریه ، عمله اولری ، معارف ، تراموای ، الکتریک تنویراتی ایشلرنده ودها سائر برچوق خصوصاتده یاریم عصردن بری پک مبذول برحاله کیشلردر . حتی ، قانون صریح صورتده برنفوذ و صلاحیت اعطاسنی قاله آمادینی حالده بیه منافع محلیه یه متعلق مسئله لرده حکومتک بیلدیکی کبی توزیع ایده بیه جکی نقدی معاونتلقبول ایتک صورتیه مقام حکمداری یه چوق کره بر نظارت حق و یرمشدر . بناء علیه مقام حکمداری بو توزیعاتی یاپارکن تنسیب ایتدیکی اصول وقاعدہ یی وضع ایده بیلیر . ضابطه و معارف تشکیلاتی ایچون و یریلن معاونت نقدیه لرده ایشته بویه اولدی . بواسول نتیجه سنده در که محلی حکومتلر و بالخاصه کوچوک برلرک حکومتلری ماضیده هیچ کورولمه مش بر درجده مقام حکمدارینک تحت نفوذینه کیرمشلردر .

هرشی حسابہ قاتیلنجه ، مقام حکمدارینک صلاحیت اجراییه یی ، حقوق نقطه نظرندن ، غایت واسعدر . برچوق مملکتلرده کی قوه اجراییه رئیسارینک صلاحیتندن دها واسعدر پک زیاده توسعی و تماماً مستبدانه اولمایان بر حکومتک حکمدارینک صلاحیتی قدر

واسعدر. مقام حکمداری کنديسنه خاص هيچ بر صلاحيت تشريعيه به مالک اولماق، يالکز پارلمتو ايله مشترکاً بويله بر صلاحيتي حائر بولونمق ايله برابر قانون کنديسنه ايکنجی درجه ده وضع قوانین ایچون مهم حقلر ویرمشدیر. بازهو، کنديسنه خاص، چاريجی برلسان ايله شو مطالعه يي سرد ایتشدی : « قرالیچه نك پارلمتويه صورمادن ياپاييله چکی شيلری آکلایجه هر کس حیرتله دوشه. جکدر. باشقه شیلردن بحث ایتهدن دیه بیلیرزکه قرالیچه اردويي ترخيص ایده بیلیر. قانوناً آنحق معین مقدارده اشخاصی عسکره آلابیلیرسه ده بر کیمسه يي بيله عسکره آلمغه مجبور دکلدیر. قرالیچه، باش قوماندانن باشلايه رق بوتون ضابطلری عزل ایده بیلیر. بوتون بحریه افرادین ده ترخيص ایتک اونک النده در. بوتون حرب کیمیریمزی، بوتون بحری لوازمزی صا تابیلیر. قورنوآی فدا ایددرک صلح ياپاييله چکی کبی بره تانیایي فتح ایچون بر حرب ده کیریشه بیلیر. نفس انکلتره نك قادین ارکک بوتون وطنداشترینه لوردلق پایه سی ویره بیلیر. نفس انکلتره نك بوتون ناحیه لرینی « اونیورسیتته » حاله چیقاراییلیر. مأمورین ملکيه نك برچوغنی عزل ایتکه صلاحیتداردر. بوتون جانیلری عفو ایده بیلیر. حاصلی، قرالیچه امتیازندن استفاده ایددرک، حکومتک ایچنده مملکتک حکومتک بوتون فعالیتنی فلجه اوغراتمغه قادردر » [۱]. بز بوکا علاوه مقام حکمدارینک

پسپوسلر تعین ایدیه بیله جگنی و بر چوق یرلره دینلری دائرة روحانیه لرنده کی کیمسه لری رنجیده ایدیه جگ مذاهب رؤسای کوندوره بیله جگنی ، بوتون کوپکلره آغیزلق طاقیدیر ایله جگنی ، هرقیره پراصه یدیره بیله جگنی ، رسمی ایلک مکتبلرده کی بوتون چوجوقلری غال لسانی اوکرنمکه اجبار ایله یه بیله جگنی ، تراموای والکتریق تنویراتی کبی محلی ماهیتی حائر بوتون تر قیلری هان هان غیر ممکن بر حاله صوقا بیله جگنی علاوه ایدیه جکر .

مقام حکمدارینک حائر اولدینی امتیاز بوکون نه قدر مهم اولورسه اولسون ، بعض خصوصاتده اسکیدن ده اواسع ایدی .
اولان صلاحیتلر .
مغلرینی غائب ایتدکن صوکره ماضیدن کندیلرینه انتقال ایتمش اولان جمله لری تکرار ایتک انسانلرک عادتیدر .
مقام حکمدارینک الیوم حائر اولدینی حقوقی صلاحیت ونفوذ حقدده خطایه دوشدکلری اصلا ادعا ایدیه مهیه جگ بعض محررلر ایشته بویله یاپیورلر . مثلاً ، مقام حکمداریدن « منبع عدالت » دینه بحث ایدیلک عادت اولمشدر . تود قدر عالم و موثوق بر محرر بیله بلاقستونک شوسوزلرینی تکرار ایدیور : « بومنع عدالت تعیریله قانون اوعدالتک صانعی یاخود منشائی قصد ایتمز ، یالکز عدالتی کیمک توزیع ایتدیکنی آکلاتیر . عدالت ، قرالک برلطف واحسانی حالنده قرالدن صادر اولماز . قرال ، عائد اولان کیمسه لره عدالتی ویرمک ایچون خلقلک وکیل

اموریدر . قرال بر منبع دکل بر صهرنجدر . حق ونصفت اورادن بیک قانال ایله فردلره دوعرو آقار » [۱] . حالبوکه انکلتزده سائر مملکتلره نسبتله دهانادر اولان حقوق عمومی نامنه دولت طرفندن تعقیبات ایله اصول محاکمه لرده قرال نامنک استعمالی استثناییده جک اولورسه بوکون مقام حکمدارینک توزیع عدالت کیفیتی ایله حائز اولدینی یکانه مناسبت حاکم لک تعیننه انحصار ایدر . بوندن دولایی قراله « عدالت صهرنجی » دیمک پک کیفی برشی اولور . وقتیه اوایله بر زمان اولدی که حکمدار حقیقه عدالتک منبعی یاخود صهرنجی ایدی . اوزمان ، عدالتی توکیل طریقله تطبیق ایتدیکی سویله نه یلیردی . حکمدار ، عرف وعادات حقوقه کوره حکم ویره جک محکمه لر احداث ایتدی . مدینتک انکشافی دهانکرفت ، دهانجه بر طاقم عدالت فکرلری تولید ایدنجه اولجه بر حقسزلق تلقی ایدیله یین برطاقم تجاوزاتی ازاله طلبنی محتوی عرضحاللر آلدی وبونلری تدقیق ایچون یکی محکمه لر آچدی . ستوبس Stubbs بواصولی کونشک کشف اجسام حالنده طویلانان ومتعاقب تشعشعاته رغماً اسکی نوۀ ضیادارک قابلیت حیاتیه سنی اظهار ایتمه سنه مساعد بولونان کهکشان طرزنده برسلسله ظروفی طرد ایتمه سنه تشبیه ایدیوردی [۲] . نصفت محکمه لری ایشته بوسورتله وجوده

[۱] Parl. Govt. in England: Todd برنجی جلد ، ۷۵۰۰ .

[۲] Const. Hist. of England دردنچی طبع ، برنجی

کلیدلر . بونلر صرف عرف وعادات حقوقنه مستند قاعدهلره
 نظراً هیچ برشی یاپیلامایان فناقلره چاره ساز اولمق ایچوندی .
 جزا ایشلرنده ییلدیزلی محکمه Star Chamber عینی وظیفه یی
 کوریوردی . ستورآتلر دوزنده بو محکمه سیاسی برآلت اتخاذا
 ایدیلدی . برنجی شارل علیهنده کی مجادله باشلار باشلاماز برقانون
 ایله بو محکمه الغا اولوندی [۱] . ستوآرتلرک سقوطی حکمدارک
 یکی محکمه لر احداث ایتمه سی حقنه نهایت ویردی . ۱۶۸۹ ده
 حقوق قانونی « کلیسا مسائلی ایچون قومیسرلر محکمه سنی
 وعینی ماهیتده کی سائر بوتون قومیسون و محکمه لری » غیرقانونی
 عد ایتدی . اوتاریخدن سوکره انکلترده یکی بر محکمه عدالت
 احداثی ایچون بهمه حال پارلمنتونک برقرارینه احتیاج واردر .
 مقام حکمداری مالک اولدیغی یاخود امتیازی موجبجه
 حق ادعاسنده بولوندیغی باشقه صلاحیتلری ده عینی وجهله غائب
 ایتشدیر . مثلاً ، حقوق قانونی پارلمنتونک مساعدده سی اولقمسزین
 صلح زماننده دائمی براردو بولوندرلماسنی ، کذلک قانونلرک تعلیق
 وتعطیلی غیرقانونی عد ایدر . بعض صلاحیتلر اوزون براهال
 نتیجه سنده حکمدن ساقط اولشلر واورتدن قالمشلردر .
 بارولره عوام قاماراسی ایچون مبعوث انتخاب ایتک امتیازینک
 بخش ایدیله بیلمه سی حق کی [۱] . لوردلر قاماراسنده حق رأیه

16 Car. I; c. 10 [۱]

[۲] بو حق ده اول اورتدن قالمش ایسه ، متنده صراحت
 بولونماقله برابر ۱۸۳۲ ، ۱۸۶۷ و ۱۸۸۵ اصلاحات قانونلری

مالك و قید حیات شرطیله اعضا تعیین ایدہ بیلیمک حق کی [۱]۔
 باشقہ صلاحیتلر دہ حقوقاً تام بر حالده قالمقلہ برابر فعلیاتدہ
 قوتلرینی غائب ایتمشلردر . آرتق بونلرک استعمالنه امکان یوقدر .
 علی العاده ذکر ایدیلن مثال، مقام حکمدارینک پارلمنتو طرفندن
 قبون ایدیلش بر لایحه قانونیه یی رد ایتمک یولنده کی حقیدر .
 بو حقه عوام لساننده ، یا کلش اولارق وه تو دنیلمکده در .
 قرالیچه آن زمانندن بری بو حق استعمال ایدیلمه مشدر . فقط
 صورت عمومیه ده ظن اولوندیغی قدر اورته دن قالمقماش اولماسی ده
 قابلدر . شهبه سز که حکمدار بو حق آنحق موقع اقتدارده بولونان
 هیئت وکیلہ نک رأیی نتیجه سندہ استعمال ایدہ بیلہ جکدر .
 طبیعی زمانلرده ، بر لایحه قانونیه نک قرال طرفندن تصدیقی
 رد ایدہ جک بر قابینه ، عوام قاماراسی طرفندن بولایحه نک
 قبولنی استعفا یا خود فسخ ایچون بر سبب کی تلقی ایلہ یه جکدر .
 مع مافیہ ، اولہ بر مثال تصور اولونابیلیر که عوام قاماراسندن
 بر لایحه قانونیه کچوبده قابینه استعفا ایتدیکی حالده لوردلر
 قاماراسی یکی قابینه نک مقاومتنه رغماً اولایحه قانونیه یی قبولده .
 اصرار کوستره بیلیر . بویله بر حال وقوعنده قرالک لایحه یی تصدیق
 اجتناب ایتمه یه جکنی ادعا ایتمک پک جرئتکارانه برشی اولور .

طرفندن ضمناً رفع ایدیلدیکی ادعا اولونابیلیر . بو قانونلر یکی بزورلر
 احداث ایتدیلر واسکیلرینک مبعوث کوند رملرینی الفا ایلہ دیلر .

[۱] لوردلر قاماراسنده ونسایه دال مسئله سی مناسبتیله جریان ایدن

مذاکره یه باقکز : Hans., 3 Ser., CXI passim.

۱۸۵۸ دە قاينە لوردلر قانۇنى نافعە نظارتى مۇسۇسە مەسئۇلىيە
نەدەن دولايى مەخالفەت كۆستەردىكىنى اىضاح ايجۇن مەسئۇلىيە
قانۇنلار ئىجىمىيە مەسئۇلىيە چىقىم قىلىش مەنەسىدە جەك اولور سە مەسئۇلىيە
قانۇنىيە تەسدىق ايتىمە مەسئۇلىيە قىرالىچە مەسئۇلىيە تەسدىق مەسئۇلىيە
سۈيە دىكى زامان بۈيە بىر ھادىسە آزا قىلىش مەسئۇلىيە چىقىم قىلىش مەنەسىدە [۱].

ھانۇر خاندا نەك مەسئۇلىيە مەسئۇلىيە مەسئۇلىيە مەسئۇلىيە، قانۇنە
مەسئۇلىيە مەسئۇلىيە مەسئۇلىيە مەسئۇلىيە مەسئۇلىيە، قانۇنە
اىلە تەسدىق ايتىمە مەسئۇلىيە مەسئۇلىيە مەسئۇلىيە مەسئۇلىيە
اولان مەسئۇلىيە مەسئۇلىيە مەسئۇلىيە مەسئۇلىيە مەسئۇلىيە
تەسدىق ايتىمە مەسئۇلىيە مەسئۇلىيە مەسئۇلىيە مەسئۇلىيە
قانۇنىيە مەسئۇلىيە مەسئۇلىيە مەسئۇلىيە مەسئۇلىيە
فەقەت آرتق مەسئۇلىيە مەسئۇلىيە مەسئۇلىيە مەسئۇلىيە
اولۇن مەسئۇلىيە مەسئۇلىيە مەسئۇلىيە مەسئۇلىيە مەسئۇلىيە
كەمەشە مەسئۇلىيە مەسئۇلىيە مەسئۇلىيە مەسئۇلىيە مەسئۇلىيە
يارلىق مەسئۇلىيە مەسئۇلىيە مەسئۇلىيە مەسئۇلىيە مەسئۇلىيە
انتقال ايتىمە مەسئۇلىيە مەسئۇلىيە مەسئۇلىيە مەسئۇلىيە
اە باشلى زەبە كە مەسئۇلىيە مەسئۇلىيە مەسئۇلىيە مەسئۇلىيە
مەسئۇلىيە مەسئۇلىيە مەسئۇلىيە مەسئۇلىيە مەسئۇلىيە
بىر بىر مەسئۇلىيە مەسئۇلىيە مەسئۇلىيە مەسئۇلىيە مەسئۇلىيە

[۱] ويقتوريا استاسيونىك ويلىقوشمەندوفرىنك انشاسى ھەندەكى

لايىھە قانۇنىيە مەسئۇلىيە مەسئۇلىيە مەسئۇلىيە مەسئۇلىيە : Hans., 3 Ser., C L I : 586-89, 691-93, 797 98
۲۰ نەچچە جەلد ، ۳۹۲ .

ایکنجی باب

مقام حکمداری وقابینه

کړک حقوق کړک سیاسیات نقطه نظرندن قرالک نه کې
احوال وشرائط سوقيه غیرمسئول برحاله کلدیکنی ومسئولیتک
ناظرلره کچدیکنی ایضاح ایتک بوکتابک موضوعی داخلنه کیرمز.
بوتاریخی باشقه لری بزم یابه بیه جکمزدن پک ای بر صورتده
یازمشلردر. بزم یکانه آرزومز تشکیلات اساسیه نک حال حاضرند
بوتکاملک نتیجه لری قید وشارت ایتکدن عبارتدر.

«قرال فنا برشی یابه ماز» نظریه سنک باشلانفجری اوچنجی

قرال

فانون نقطه نظرندن فنا برشی یابه ماز.

هارینک چوجوقلق دورمه سنه قدر چیقار. صوکره بونظریه
تدریجاً آنکشاف ایدرک تشکیلات اساسیه نک الک مهم پرنسیپلرندن
بری حالنه کلشدر. حقوق نقطه نظرندن بر نک معناسی شودر: قرال
فنا برحرکتدن دولایي متهم تلقی ایدیلهمز. بناء علیه، علمینده
هیچ برتعقیباته کیریشیله مز. جزا نقطه نظرندن علمینده تعقیبات
یایلامادیغی کې موافقی اولمادن علمینده مملکتک محکمه لرندن
برنده برمقاوله نامه یه یاخود ضرر وزیران طلبنه مستند برحقوق

دعواسی ده اقامه ایدیله من [۱]. فقط، آشکاردر که ا. کر حکومت بر قانون حکومتی اولاجق ایسه ، خلق حکومت نفوذینک کیفی حرکاتنه قارشی حمایه ایدیله جک ایسه مقام حکمداری نامه برحقسزلق ارتکاب ایدن مأمورک، نتیجه لری بالذات قراله قدر تشمیل ایدیله مهین غیرقانونی برحرکتدن دولایی مسئول طوتولماسی اقتضا ایدر. قرالک امری برقباحتی معذور کوسترمز یولنده کی دیگرپرنسیپده ایشته بوندن چیقمشدر. بو، کرک حقوق کرک جزا دعوالرنده عرف وعاداته مستند حقوقک غایت اساسلی برپرنسیپدر [۲]. مع مافیله ، آمر دوغروندن دوغرویله قانونه

[۱] برمقاله نامه نك اخلاندن یاخود مالنه وضع ید ایدیله سنندن دولایی مقام حکمداری علیهنده برکیمسه نك دعواسی اولورسه برحقوق عرضحالی Petition of Right تقدیم ایدیه بیلیر . مقام حکمداری ، داخلیه ناظرینک Home Secretary مطالعه سنی آلاق بورایه « لازمه عدالت ایفا ایدیلسون » جمله سنک تحریری ایچون امر ویریر . بونک اوزرینه ایش عادی بردعوا کی رؤیت اولونور .

[۲] آنسون ، ۲ نجی جلد ۴ ، ۵ ، ۴۲ ، ۴۳ ، ۲۷۸ ، ۲۷۹ ، ۴۷۶ - ۸۰ . فقط مقام حکمدارینک برمأموری ، حکمدارک مقالوله نامه لرندن شخصاً مسئول دکلدر . چونکه بونلری شخصاً عقد ایتمه مشدر . دیگر طرفدن ، حکمدارک مقالوله نامه لرنی اجرا ایتمه سی ایچونده اجبار ایدیله من . 3. *Gidley vs. Lord Palmerston* , 284. *B and B* . حکمدار علیهنده تعقیبات یا پلاسنه مانع اولان قاعده نك حکمدارک مأموری صفتیله برمالی غیرمشروع صورتده النده طوتان بر آدم علیهنده دعوا اقامه ایدیله سنه ده مانع اولدینی تسلیم ایدیلشدر : *Doe. d. Legh. vs. Roe*, 8 M. and w. § 79

تجاوز قدرتی محافظه ایدرکن قرالک قانونه تجاوزینی منع ایچون
مغایر قانون برامری اجرا ایدن براموری مسئول عدايتک کافی
دکلدر . برآدیمدها آتمق و حکمداری، مسئول طوتولایبله جک
برامورک توسطی اولمقسزین هر هانکی بر حر کتده بولونه بیلیمکن
منع ایتک لازم ایدی . بوندن دولاییدر که برنجی ادواردده بالذات
کیمسه یی توقیف ایدمه یه جکی تبلیغ اولوندی [۱] . فقط ، قراللرک
و قرایچه لرک شخصی و یا مالیه تجاوزده میل ایتمه یه جکلری مطالعه سنه
مبنی ، مقام حکمدارینک آنجق برامور واسطه سیله اجرا آتده
بولونایبله جکی پرئسیدی حکمدارک قانونه قارشى مسئولیتی نقطه
نظرندن بویوک براهیتی حائز اولمادی . فقط مسئولیت سیاسیه
نقطه نظرندن اونک اهمیت عظیمه سنی ازاله ایدمه مدی .

قرال فنا بر شی یاپه مایه جفی ایچون باشقه برینه ضرر ویرن فعلک
و بناء علیه تصرفک کندیسنه عطف ایدیلهمیه جکنه محکمه نک قرار
ویره بیله جکی ظن اولونور . تعبیر دیکرله ، ماسورلق بر فعلک غیرقانونی
اولماسنه قارشى بر معذرت تشکیل ایدمه یه جکنه حکم ایدیلک ایجاب ایدردی
دنیله بیلیر . با فکز: United States vs Lee, 106 U. S. 196
مجمعه آمریکا حکومتی بر اراضی غیرقانونی صورته ضبط ایتشدی .
Coke, Inst [۱] (۴ نجی طبع) ، ۲ نجی جلد ، ۱۸۶ -

۸۷ : « شف ژوستیس هوسه یک افاده سنه نظراً سیر جون مارقام
قرال برنجی ادواردده خیانت یاخود جنایت ایله مظنون برینی ، تبعه سندن
هر هانکی برینک یاپه بیله جکی وجهله ، توقیفه حق اولمادیغنی سویله دی .
چونکه قرال ضرر و زیان ویره یلمه سی ایجاب ایدن بر حرکت ارتکاب
ایدرسه بوندن متضرر اولان کیمسه ده برحق دعوا یوقدر » . برنجی
ادوارد دنیلمه سی یا کلشلی اثریدر . ۴ نجی ادوارد اولاجق .

قراک فنا بر حر کتده بولونامایه جنی پرنسیپی یالکز قانون
 نقطه نظرندن یولسر لقلره دکل سیاسی قباحتره ده تطبیق اولونمقده در .
 بو پرنسیپ قراک حکم ونفوذینی افکار عمومیه نک تحت حکمنه
 صوقان اوزون حر کتک ر قسیمی حالده یاواش یاواش انکشاف
 ایتمشدر . بو عملیه تماماً مشعور بر حرکت شکننده دکلدی .
 مرحله لری کوزجله دوشونوله رک حاضر لاناماشدی . تشکیلات
 اساسیه تاریخی هیئت عمومیه سیله نظر ملاحظیه آلیرسه کورولور که
 بوتاریخ هپ بونتیجه یه دوغرو یورومشدر . بومناسبتله بر قصد
 ونیت تضمن ایدن تعبیراتک استعمال ایدیله سی طبعیدر . حالبوکه
 بو حرکتی یاپانلرک ذهندنده بویله برامل موجود دکلدی . مقام
 حکمداری بی بر حقه تجاوزدن منع ایتمک هر زمان قولای برایش
 اولمامشدر . فقط خلقک خوشلانمادیغی برسیاستی تعقیب ایچون
 هیچ اعتراض کوتورمه یین امتیازاتندن استفاده ایتمکدن حکمداری
 منع ایده بیلمک بوندن دهامشکل ایدی . پارلمنتو ، طلب
 اولونان تخصیصاتی ویرمه مک یاخود خصوصی بعض شکایتلرک
 تطمینن ایچون اصرار ایتمک صورتیه حکمداره قارشی آراصیرا
 وفاصله لی بر صورتده مقاومت کوستره بیلیردی . فقط یالکز
 بو، حکمدارایله دورک سائرسایسی قوتلری آراسنده آهنکی تأمین
 ایتمکه کافی دکلدی . ایشک ماهیتی قراک فنا اداره سنه قارشی بر جزا
 فکری سلب ایدیوردی . شبه یوق که قرون وسطاده فنا یاخود
 ضعیف بر قرال تختی حتی حیاتی بیه غائب ایده بیلیردی .

سیاسیاتده
 فنا برشی
 یاپه ماز .

فقط دها سکونتلی زمانلرده بوقیل وقایع بوتون قراللقده شدید
اختلاجات تولید ایتهدن جریان ایده مزلردی . بو برحقیتدرکه
۱۷نجی عصرک تاریخی پک کوزل اثبات ایدیور . منتظم برحکومت
اختلال قورقوسیه تعدیل ایدیلش شخصی برنفوذ و قدرت تملی
اوزرینه استناد ایتدیر یله مز . یا قراللق نفوذ و قدرتی حکمدارک
اراده شخصی سینه کوره استعمال ایدیلیدر . یاخود مسئول
طوتومالری قابل اولاجق باشقه آدمیر حکمدارک اجراءات
رسمیه سینه اشتراک ایلیدر .

اون دردنجی واون بشنجی عصردن اعتباراً ، قرالک شورا
Council سی مختلف مهرلرک باصیلماسی معامله سنی بر ویا متعدد
مأمورلرک مداخله سینه لزوم کوستره جک برطاقم معاملاته تعلیق
ایتمک باشلامشدی . بو حرکت دوام ایتدی . نهایت عادت یاخود
قانون ، حکمدارک علی العاده دوعرودن دوعرویه یابدینی همان
همان بوتون اجراءاتک - یوکسک مأمورین دولتک تعینی مستثنا
اولق اوزره - یا شورای خاصده یاخود یوکسک مأمورین دولتدن
برینک ویابر قاجنک امضالری ویا مهرلری ایله توثیق ایدیلش بر رسمی
کاغد واسطه سیله یا پلماسی شکلنده تقرر ایتدی [۱] . بومعاملات
ومراسمک غایه سی پارلمنتو یاخود خلق مواجهه سنده برمسئولیت
احداث ایتمکدن زیاده مقام حکمداری بی احتیاط سزجه اسراف

قرالک
هر حرکتی ایچون
مسئول برناظر

[۱] آنسون ، ۲ نجی جلد ، ۲۷ ، ۴۲ - ۴۵ . دیسه :

واحسنلردن منع ایتک، امر ادارهده شورای خاصک نفوذینی
 تأمین ایلهمک ایدی [۱]. مع مافیه فرصت درشونجه، اجرا آته
 مهرینی ویامضاسنی قویان مأمورک اواجر آتدن دولایی مسئول
 اولدیغنی ادعا ایده بیلیمک قولای برایشدی. بناء علیه، برخطا
 ارتکاب ایدیلنجه برینک بوندن مسئول طوتولابیلیمه سی قابل
 اولیوردی. مغایر قانون برحرکتدن دولایی برینک جزا
 کورمه سی دائره امکانه کیرمشدی. خلقک خوشنه کیتمه یه جک
 اجرا آتدن، یاخود نفرت عامه یی دعوت ایدن برسیاستدن دولایی
 تحت سلطنتک آشاعیسنده برآدمه تحمیل قباح ایتک یولی بولور-
 نمشدی. حس ایدیلن نفرتک قوتلی صورتده اظهار وافاده سی قانونه
 تجاوز ایدن کیمه سی کری چکیلیمکه سوجه کافی کلمزه. پارلمتونک
 النده بر تجاوز قانونی bill of attainder قبول ایتک صورتیه
 تحت اتهامه آلق و محکوم ایتک کبی صوک بر سلاح قالیوردی.
 بوسلاحلر، تکاملک برر دوره سنی، پارلمتونک نفوذنده برر
 ترقی مرحله سنی ارئه ایدرلر. فقط پک شدید و غنیف شیلر
 اولدقلری ایچون مقام حکمداری ایله پارلمتو آراسنده کی
 مناسباتده حقیقی بر آهنگ تولید ایده میورلردی. ویلیامک و آنک
 سیاسی تجربه لری، ایکی یابانچی چیلغینک تخته چیقماسی کبی
 برحسن تصادفک یاردیمیه، شمدیکی شکلنده مسئول بر هیئت
 وکلا سیسته منه منجر اولدیغنی زمان، تحت محاکمه یه آلتق

اصولی استعمالدن ساقط اولدی ، یاخود ایفای وظیفه اثناسنده ارتکاب ایدیلش شخصی جرمی تجزئه واسطه سی اولق اوزره برطرفده قالدی .

شیمدیکی مسئولیتک
ماهیتی

قرالک اوامری آتله مهر قونولماسنه یاخود برامضاً آتلانسه لزوم کوسترن قاعده لر برآز ساده لشدیرلش اولقله برابر آلآن مرعیدرلر . فقط مسئولیتک حقیقی منبعی تشکیل ایتمکدن خالی قالمشدرلر . حکمدارک اجراءات رسمیه سندن هر برینک مسئولت فعلیه سنی ، بر مأموری او حرکتی تصویب ایتدیکی قرالک امرنامه سنک آتله بیان ایتمه مجبور ایلهمک صورتیه معین بر شخصده تثبیت ایتمه خادم غیرتلیرینه بوتون مسئولیتک دائماً بر ناظره توجه ایتمه سی اقتضا ایلهمک یولنده عمومی بر پرنسپ کوریوروز . ناظر ، بر فعلدن اثنای اجرا سنده خبردار اولماش اولسه بیه بوکا واقف اولدقدن صوکره یرنده قالیرسه ینه اوندن مسئولدر . حتی او فعلک اثنای اجرا سنده هنوز تعیین ایدیلهمش بولونوب او فعلک نتیجه سی اولارق ناظرلغه تعیین اولونورسه موقع اقتداری قبول ایتمه ینه او مسئولیتی یوکلنمش اولور . بو ، ۱۸۳۴ ده سر روبرت پیلک باشه کلدی . او دورده هر کس کی اوده قرالک لورد ملبورنک قاینه سنی عزل ایتمه کی بر حرکتده بولوندیغه قانع اولدیجی جهته شویله سویله مشدی : « باش وکالت وظیفه سنی قبول ایتمه ، ایشک ایچنه هیچ قاریشماش اولقله برابر ، اخلاقاً

دکلهده نظری technically صورتده اسکی قاینه نك عزلی
مسئولیتی درعهده ایدیورم [۱]. بوقاعده نك حکمی او قدر
عمومیدرکه « جلوسندن وفاته قدر قراک مدت حیاتنده هیچ
بر دقیقه سی یوقدرکه رسمی حرکات و اجرا آتندن دولای
پارلمنتویه قارشی مسئول اولاجق بری بولونماسون » [۲].
بوکونکی کونده ، بر ناظر کندی دائره سنده جریان ایدن
بوتون احوال دن ، مهرینی باصسون باصماسون ، سیاسه مسئولدر .
اهمیت عظیمه یی حائز اجراآت سیاسیه نك کافه سندن بوتون
ناظرلر متسلسلاً مسئولدرلر . سیاستی تقبیح ایدیلن بر ناظر
آرتق بر جزا چکمز ، استعفا ایدر . اکر مسئله یالکزر اونك
خط حرکتنه ویا شخصی اقتدار واهلیتته تعلق ایتمکه قالمایه رق
قاینه نك نظر دقتی جلب ایتمک لازم کله جک بر درجه وخامت
اکتساب ایتمشه آرقداشلی ده اونکله برابر استغفالرینی
ویریرلر . ایشه بوصورتله ، مسئولیت جزائییه مسئولیت سیاسیه
ترك موقع ایتشددر ، مسئولیت فردیهده بر مسئولیت مشترکه
حاله منقلب اولمشدر .

حکمدارک کافه اجرا آتندن دولای پارلمنتویه قارشی مسئو-
لیتلرینک نتیجه سی اولق اوزره ، ناظرلر محق کوسترمه یه جکلری

Memoirs by Sir Robert Peel: Mahon and [۱]

Cardwell ۲ نجی جلد ، ۳۱ .

[۲] تود : Parl. Govt. in England ۲ نجی طبع ،

برنجی جلد ، ۲۶۶ .

قرال ناظرلرک
رأی ومطالعه سنی
قبول و تعقیبه
مجبوردر .

شایردن اجتناب ایتمکه والزم تلقی ایتدکلری اجرا آتی طلبدم.
 اصرار ایله مکّه مجبوردرلر. حاصلی، قابینه کندی سیاستنی
 تعقیب ایده جکدر. حکمدار بوسیاستی قبوله مجبوردر. طبعیدرکه،
 قرال، تصویب ایتمه دیکی برسیاستدن واز کچمکه ناظرلرینی
 اقناعه صلاحیتدار اولابیلیر. بویله برشی یایمق ایچون قرالک
 بولاجنی فرصتلدن آشاغیده بحث ایده جکیز. فقط ناظرلرینی
 قاندرامازسه وناظرلر پارلمنتوده کی اکثریتلرینه کووه نه رک نقطه
 نظرلرنده اصرار ایدرلرسه قرال سرفرو ایتمک ضرورتنده در.
 عمومیتله سویلندیکنه نظراً، قرال ناظرلرینه اعتماد ایتمکه
 مجبوردر. فقط اونلرک رأی ومطالعهلرینی قبول وتعقیب ایتمکه
 مجبوردر دیمک دها دوغرو اولور. پارلمنتو سیسته منک تر قیسیله
 بو عادت کیتدکجه دها قوتلی صورتده تأسس ایتدی وناظرلرک
 نفوذ وقدرتی آرتدی. مقام حکمداری، مطلقا چیقاجق
 نتیجه لر قورقوسیله دکل، اعتیاد تأثیریه دها قولایجه سرفرو
 ایتمکه باشلادی.

پارلمنتو حکومتی حقنده کی اسکی نظریه یه کوره قرالک
 افعال واجرا آتک مسؤلیتینی درعهده ایده جک ناظرلر بولماسی
 لازمدی. بناء علیه، سیاستنه مظاهرت ایتمکه وبونک مسؤلیتینی
 قبول ایله مکّه مهیا باشقه ناظرلر بولونجه اونلرک توصیه لرینی رد
 ایده بیلیردی. بوکون انکلترده بویله برشی یاپیلا بیلمه سی
 پک احتمال خارجنده در. بوآنجق ایکی صورتله وقوعه کله بیلیر.

یاخود مسؤلیتی
 قبول ایده جک
 باشقه ناظرلر
 بولایلیر.

اولا، برقاينه نك عزلی صورتيله اولابيلير. اوزون مدت، ۱۸۳۴ده، دردنجی ویلیامك لورد ملبورن قاينه سنی کیفی صورتده عزل ایتمش اولدینی قناعتی بسلندی. بوحرکتی سنه لرحه بول بول تنقید اولوندی. فقط Mellbourne Papers [۱] طبع اولونجه کورولدی که اداره حکومتده تصادف ایتدیکی عظیم مشکلاتدن دولایی کندیسنی عزل ایتمه یی قراله بالذات باش وکیل توصیه ایتشد. بناء علیه، بو حادشه بر عزلدن زیاده بر استعفا ماهیتده ایدی. برقاينه یی عزل ایتمک کیفیتک مقام حکمداری به عائد امتیازک حدود حقوقیسی داخلنه کیردیکنده شبهه یوقدر. فقط قاينه نك عوام قاماراسنه قارشی قطعی صورتده مسئول اولماسی پرئسپی نتیجه سنده فعلیات اعتباريله حکمدن ساقط اولمش صلاحیتلر میاننده بولوندیغنه حکم ایديله بیلیر. مع مافیه، باشقه صلاحیتلرده اولدینی کبی، بونده ده ایلریده هیچ بر صورتله استعمال ایديله به جکئی تأمین ایتمه کالقماملیدر. چونکه اويله بعض احوال تحدث ایده بیلیر که قاينه نك و عوام قاماراسنك آرتق مملکتک اراده سنی تمثیل ایتمه دکلری پک بدیهی صورتده میدانه چیقار. غلادستونک صوک قاينه سندن اول، یکی انتخاب ایدیلش بر عوام قاماراسی طرفدن شدتله التزام ایدیلن بر لایحه قانونیه یی لوردلر قاماراسنك رده قیام ایتمه به جکئی تأمینده پک آز کشی تردایده بیلیردی. چونکه بولایحه قانونیه نك موضوعی انتخابات

مجادله سنك اك اساسى زمينلارندن برينى تشكيل ايتش
اولاجقدى . حالبوكه لوردلر ۱۸۹۳ ده صوك Home Rule
Bill ى ردايتديلر. بوندن دولايي خلقك كوزندن ده دوشمه ديلر.
۱۹۰۶ ده Education Bill ى حكمنز براقديلر. بوكي احوالده
حكمدارك قاينه يي عزل ايدهرك مجلسك فسخته سبب اولاييله جكي
وافكار عموميه مه مراجعت ايده جكي تصور اولونابيلر . بوقيل
بر حادثه احتمالدن پك اوزاق ايسه ده بوتون بوتون ده محالدر دنيله مز.
بر قاينه نك عزلى ايله يالكرز بر ناظر ك عزلى مسئله سنى بالطبع
بر بزندن كوزلجه تفريق ايتك لازمدر . باش وكيكك طلي
اوزرينه - اك صوك دفعه لورد پلمرستونده واقع اولديغى كي-
قراك بويله برشى ياماسى قابلدرد . بناءً عليه بويله بر حركت
حكمدارك افعال و حركاتندن اك باشلى صورتده مسئؤل اولان
شخصك وصاياسنه مخالفت دكل بالعكس تبعيت معناسنى تضمن ايدرد.
حكمدارك قاينه تبديلنه باعث اولاييله سنك ديكر واسطه سى
قاينه نك موقع اقتدارده قالمق ايچون الزم عدايتديكى بر حركتى
تصويب دن امتناع كوسترمكدرد . قراك ممثلى طرفدن بوقيل
بر حق، مختاريت اداره مه مالك مستملكه كرده استعمال ايديلمشدر .
بونك مثاللى واردر. فقط نفس انكلتره ده بويله بر شئيه تصادف
ايديله مز . مثلاً ، چوق كره بر والينك ، وكلاسى طرفدن
مستملكه پارلمنتوسنك فسخى حقن ده سبق ايدن بر طلي رد
ايتديكى اولمشدر . چوق كره بونك سببى انتخابات عموميه نك

هنوز یکی یا پلش اولماسیدر . یاخود خلقه مراجعتی ایجاب
ایده جک درجده فرقه لر آراسنده مهم و منازع فیه بر مسئله
بولوناماسیدر [۱] . انکلترده ، ۱۷۸۴ تاریخنده ویلیام پیت
عوام قاماراسنده مخاصم بر اکثریت قارشیننده قالان بر قابینه
موقع اقتداردن چکیله جک یرده متخبرک رأینه مراجعت
ایده بیلیر پرنسپنی ایجاد ایتد کدن صوکره قابینه طرفندن وقوع
بولان بویولده کی بر طلب هیچ رد اولوناماشدر . ذاتاً بوطلبک
رد ایدیلمه سی ده محتمل دکلدرد . چونکه سیاسیات اویوننده
حیثیت و ناموس قاعده لری انکلترده دولت آدم لری طرفندن
اوقدر اینی آکلاشلمشدر که بر فرقه منفعتی نامنه بونفوذ و قدرتک
سوء استعمالی احتمال خارجنده در .

۱۸۶۵ ده و یقتوریا والیسی بولونان دارلینغک ، وکلاسی
طرفندن وقوع بولان بر تکلیفی رد ایتمه سی والیرک بوبابده کی
حققرینه دائر شایان دقت بر مناقشه یه سبب اولدی . ایشک
تاریخی معلومدر . حادثه ، هر ایکسی ده انتخاب اساسنه استناد
ایدن مجلس عمومی و شورای تشریعی آراسنده کی بر اختلافدن
حیقدی . بوایکی هیئتک ایکسی ده منتخب ایدیلر . فقط سیاسیات
ساحه سنده بر برلرینه معارض بولونیورلردی . مجلس ملی حمایه
اصولنه مستند بر کومروک تعرفه سنه طرفدار اولدی . شورای

[۱] تودده بوکا دائر بر چوق مثال واردر . Parl. Govt.

تشریعینک اکثریتنک بوکامعارض اولدیغی معلوم ایدی . مجلس ملی کومروک تعرفه سنی سنوی بودجه یه ربط ایدرک برلکده قبول ایتدی . بودجه یی دیکشدرمک حقندن محروم اولان شورای تشریعی ایسه بودجه یی هیئت مجموععه سیله ردایله دی . بونک اوزرینه ، والی ، ناظرلرینک اصرارینه تبعیت ایدرک یکی کومروک تعرفه سنک موقع مرعیه قونولماسنی ، بر استقراض یالماسنی و مأمورلره آیلق ویریله سنی امر ایتدی . قوه تشریعیه نک ایکی قاماراسی طرفندن اصولی دائره سنده قبول ایدیلش هیچ برقرار یوقدی . والی دارلینغ طرفندن ناظرلریله بالاتفاق قانونک بو صورته اخلاص ایدیله سی موجب مؤاخذه کورولدی . نهایت مستملکات ناظری والی یی عزل ایتدی [۱] . انکلترده بویله بروضعیتک هیچ برزمان حادث اولمادیغی و حادث اولماسی ده احتمال خارجنده بولوندیغی سویله مکه حاجت کوره میز .

یکی برباش
وکیلک انتخابی

بر مسئله وارد رک بونده ناظرلرک رأی و مطالعه سی حکمداری باغلا یه ماز . بوده یکی برباش وکیلک انتخابنده در . حکمدارک ، یکی برباش وکیل انتخاب ایدرکن عوام قاماراسنده بر فرقه تبدلندن دولای چکیلن بر ذاتک رأی و توصیه سنی دیکله مکه مجبور اولماسی پک مناسب تسز و معاسز برشی اولاجنی آشکاردر . مثلاً مستر بالفورک ، خلفی سرهانی قامیل بانرمان می اولاجقدر یوقسه لورد روزبری می اولاجقدر دییه برقرار ویرمه سی پک

کولونج اولوردی . عمومیتله مخالفتک هر کسجه قبول ایدیش
بررئسی واردر . بوتقدیرده ، یکی قابینه یی تشکیل وظیفه سنی
حکمدار اوکا تودیع ایتک اقتضا ایلر . ۱۸۸۰ ده یاپیلان حرکت
پک ای برمثالدر . غلادستون ، برقاچ سنه اول ، پارلمتوده لیبرال
فرقه سنک ریاستندن چکیلمشدی . قرالیچه ، بوفرقه نک انتخابات
عمومیه ده احراز ایتدیکی ظفردن صوکره ، اوزمان عوام
قاماراسنده لیبرال لک رئیسی بولونان لورد هارینگتون چاغیردی .
فقط مملکتده لیبرال فرقه سنی مظفریته کوتورمش اولان
غلادستونک لیبرال برحکومت ایچون یکانه رئیس اولابیله جکنی
آکلادی [۱] .

پارلمتوده اکثریتی حائز اولان فرقه نک بویله طانمش بررئسی
یوقسه حکمدار ، قابینه تشکیلی وظیفه سنی او فرقه دن بواشی
درعه ده ایتکه حاضر اعضا لک ایلری کلنه تودیع ایده بیلیر .
یاخود ، بعضاً واقع اولدینی اوزره ، فرقه لر آنجق برقوالسیون
قابینه سی تشکیلی قابل اولابیله جک صورتده پارچه لانیملر سه
حکمدار فلان یاخود فلان زمرة نک رئیسی دعوت ایده بیلیر .
قابینه لرک تشکله قرالک بوکونه نسبتله ده ا زیاده حائز حریت
اولدینی دورلره قدر چیقماندن ، دنیه بیلیر که قرالیچه ویقتوریانک
زمان سلطنتده بعض وقتلر برباش وکیلک انتخابی صرف قرالیچه نک

[۱] باقکز : Life of Gladstone: Morley ، ۲ نجی

شخصی قراری نتیجہ سی اولمشر . مثلاً ۱۸۵۲ دە لورد
آردین اونك آرزوسی اوزرینه برقوالیسیون قاینه سی تشکیل
ایتمشر [۱] . ۱۸۵۹ دە لورد جون روسله ترجیحاً لورد
پارلمستونی انتخاب ایدن ، قرالیچه ویقتوریادر [۲] . ۱۸۶۸ دە
و ۱۸۹۴ دە موقع اقتدارده بولونان قاینه لرك رئیسری وفات
ایتمشدی . بونلره خلف اولاجق ذاتلری بالذات قرالیچه
ویقتوریا سجدی . برنجیسنده دیزرائیلی یی ایکنجیسنده لورد
روزبری یی باش وکالته کتیدی [۳] . مع مافیه استقبالده بوقیل
فرستلرک دها نادر ظهورایتمه سی محتملدر . چونکه برفرقه نك ،
رئیسینی انتخاب کیفیتنی حکمداره براققدن ایسه کندیسی
یاپمایي ترجیح ایده جکی پک طبعیدر .

قاینه نك سائر اعضاسنك انتخابی غایت زور برایشدر .
چونکه وقتیلہ قراللر قاینه نك تشکلی کیفیتده قطعی بر تاثیر
اجرا ایتمکه اوغراشمشلسده ده ۱۸۳۴ دە پیل موقع اقتدارده
کلدیکی تاریخدن صوکره باش وکیلک آرقداشلرینی کندی
انتخاب ایده جکی واونلرک تعینندن مسؤل اولاجنی پرنسپی

[۱] Life of Queen Victoria: Sidney Lee ، برنجی

طبع ، ۲۳۲-۳۳ .

[۲] Lif of lord Palmerston, Ashley ، ۲ نجی جلد ،

Lee : Life of Queen Victoria . ۱۵۷-۱۵۴ . ۲۹۶

[۳] Lee : کذا ، ۵۱۱ .

صورت قطعيه ده قبول اولونمشدر دنيله بيلير [۱] . بو ايشده حڪمدارك نفوذ و صلاحيتي ، ۱۸۳۹ ده ياتاق او طه سي مسئله سي مناسبيله صوك و خفيف بر جانلانمه اثرى كوستردى . پيلك بجر كسزلكى و قراليچه نك غليانى بر سوء تفهم توليد ايتدى . پيل ، قراليچه نك قادينلرندن وايغ فرقه سنه داخل عائله لره منسوب اولان بعضيلرينى دكيشدير مك ، يرلرینه محافظه كارلره منسوب قادينلر كتيروك ايسته يوردى . قراليچه ، قادينلرينك هپسك دكيشدير مك ايسته نلديكى ظن ايدرك بوكا ممانعت ايتدى [۲] . ايكي سنه صوكره پيل تكرار موقع اقتداره كلنجه ، وايغ فرقه سنه منسوب قادينلر چكيلايلر . يرلرینه باشقه لرى كلدى . اوتارنخدن صوكره ، اثوابجى باشى قادينلر *Mistress of the Robes* و *Gentlemen of the Household* لر حكومت ايله برابر تبدل ايدرلر ، ديكر قادينلر قاليرلر . مع مافيه اثوابجى باشى دائما بر دوشس اولقى لازمدر . فقط قراليچه و يفتوريانك صوك سنه لرنده ليبرال فرقه سنه منسوب بر دوشس يوقدى .

بوكون ، وظيفه لرى سياسي بر ماهيتى حائر تلقى اولونان ذواتك كافه سي باش وكيك راي و مطالعه سنه توفيقاً تعيين

[۱] تود : *Parl. Govt. in England* ۲ نجى طبع ،

برنجى جلد ، ۳۲۳ و متعاقب .

[۲] *Sir Robert Peel: Parker* ۲ نجى جلد ، ۳۹۱

و متعاقب و *Lee: Life of Queen Victoria* ۹۷-۱۰۳ .

اولونورلر . قرالک کیمی ترجیح ایتدیکنی سویلهیه میه جکنی و بونلرک تعیننی تأمین ایدمه میه جکنی ادعا ایتک ایسته میورز . چونکه هیچ دکلسه بر کره ، قرالیچه و یقتوریا ، روایت کوره ، یکی باش و کیلک یا اونو تدینی یا قصداً اهل ایتدیکی اسکی برناظرک قابینه کیرمه سنی تأمین ایتشدر . معافیله ، شونی دیمک ایسته یورز که باش و کیل در میان ایتدیکی فکر و مطالعه اصرار ایدمک اولورسه اونک رأینه کوره حرکت ایدیلک لازم کلیر . مثلاً ، چوق کره ، قرالیچه لورد پلرستونی خارجه نظارتندن اوزاقلاشدیرمق ایسته دی . بواش اوئی دائمی صورته تعذیب ایدوب دوریوردی . مستر مورلهی « والپولک حیاتی » حقنده کی باینده قابینه دایر غلاستونک فکرلرینی کوستردیکی ظن اولونان شو سوزلری سویله یور : « مقام حکمدارییه قارشى تشکیلات اساسیه دائره سنده دویولان حس حرمت بالطبع حکمداره ناظر تعینی تکلیف اولونورکن اونک شخصی آرزوسنه رعایت ایدیله سنی آمردر . باش و کیلک منفعت مملکت ایجاباتندن اولدیغه قوتلی صورته قانع بولوندینی خصوصاً قرالک خوشلانماسی یا خود خوشلانماسی کیفیتی کیتدجه حکمدن دوشه جکدر ، [۱] .

نه کی اجرا آتدن ناظرلرک مسئولیتی ، نظری technical مسئولیتلر و تام
ناظرلر مسئولدرلر . مسئولیتلر دییه ایکیه آیریلا بیلیر . مثلاً ، کنیدیلرینک موقع

اقتداره کله لرندن اول جریان ایدن و او باده بر رأی ویرمش
 اولمارینه امکان بولونمايان احوالده ناظرلر آنجق نظری و بلکه ده
 لفظی برمسئولیته معروض بولونورلر . برباش وکیل ، کندی
 انتخابندن نظری صورتده مسئولدر . فقط بووقعده مسئولیت
 اوکا عوام قاماراسنک مخالف بر رأیی قارشیسنده چکیلمکدن باشقه
 بر مجبورت تحمیل ایتهدیکی - و بویله برشی اولورسه بهممه حال
 چکیلمکه مجبور اولدیغی - ایچون ، کندی انتخابندن دولایی
 علاوه باشقه برمسئولیت آلتنده قالماز . ناظرلرک موقع اقتداره
 کله لرندن اول وقوع بولان و موقع اقتداری قبوللری کرک
 اونلری تأیید ایتدکلرینی کرک اونلره مسامحه کار بولوندقلرینی
 افاده ایتمین افعال و حرکات ایچونده عینی شی سویله نه بیلیر .
 مثلاً ، ناظرلر ، اداره سنی درعهده ایتدکلری نظارتلرک حالندن
 مسئول اولورلر . ذاتاً موقع اقتداره کتیرله لری ده بو حالی
 دکبشديرمک ایچوندر . تعیر دیگرله ، ناظرلرک نظری
 صورتده مسئول اولاجقلری ، فقط مؤاخذه ایدیلهمیه جکلری
 شیلره کندی رأیلرینه توفیقاً یاپیلان نتیجه لری طبیعی و تام
 بر صورتده کنیدیلرینه عطف ایدیله بیلان شیر آراسنده فرق
 واردر . تشکیلات اساسیه اصول و آدابی نقطه نظرندن بوفرک
 اهمیتی یوقدر . فقط عملی نتیجه لری قابینه نك پارلمنتو و خلق
 قارشیسنده موقعی نقطه نظرندن پک بویوکدر . الیوم ، ناظرلر
 کندی نظارتلری اثناسنده مقام حکمداری طرفندن یاپیلان

بالجمله افعال و حرکاتک ، حتی دوغرودن دوغرویه حکمدارک شخصی اثری کبی نمایان اولان اجرا آتک بيله مسئولیت تامه سنی درعهده ایتشلردر . مثلاً ، اجنبی دولتر مملرلیله اولان بوتون مخبرات ناظرلرک الندن کچر . لوردلق پایه سنک توجیهی ، رتبه و عنوان و یریله سی ناظرلرک رأینه وابسته اولدینی غیر قابل اعتراضدر . ۱۹۰۶ ده قرال ادواردک رسم تتوجی مناسبتیله رتبه لر توجیه ایدیله جکی اعلان اولوندینی زمان تایمس غزته سی بواسملرک بالذات حکمدار طرفندن تعین ایدیلدیکنی یازمقله برابر بوانتخابک تشکیلات اساسیه نقطه نظرندن مسئولیتی بالطبع ناظرلره ترتب ایتدیکنی تصریحه لزوم کورمشدر [۱] .

حاصلی ، قرالک حکومته تعلق ایدن بوتون ایشلرده کی حرکاتی ناظرلر سوق و اداره ایدرلر . پارلمنتونک حین کشادنده قرالک نطقی بالطبع ناظرلرک اثریدر . سیاسی بر ماهیتی حائر اولان بوتون معروضاته ناظرلر جواب حاضرلارلر . قرالک بوتون رسمی مخبراتی و قراله تقدیم ایدیلن بوتون راپورلر ، کذلک قرالدن صادر اولان بوتون تبلیغات قابینه اعضاسندن برینک الندن کچمک لازمدر . حکمداره بر حکمدار صفتیله تبعه سندن بری یا خود هر هانکی بر فرد طرفندن یازیلان بر مکتوب داخلیه ناظرینک قلم مخصوصندن کچر . حتی ، تشکیلات اساسیه کوره قرالک حضورینه کیره بیلن لوردلر ملاقات کوننک تثبیتی

ایچون عینی واسطه‌یه مراجعه مجبوردرلر . بوندن ، حکمدارک جانی ایستدیکی کیمسه ایله استشاره ایدهمیه‌جکی معناسی آکلا- شلممالیدر . پرنس آلبرت مناسبتیه بومسئله بر موضوع مناقشه تشکیل ایتشدی . ناظرلر اونی بر پارچه اوزاقده طومغه قالقیشدیلر . قرالیچه ایله اولان ملاقاتلرنده ایکی سنه قدر اونی حاضر بولوندرمادیلر . حالبوکه پرنس آلبرت کندیسنه قرالیچه‌نک « محرم مشاوری » و « دائمی ناظری » عنوانی ویریوردی [۱] .

قرالیچه‌نک صمیمی بر مشاوری اولدیغده شهه یوقدی . فقط ناظری اولمادیغی‌ده عینی درجده شهه‌سزدی . چونکه ایشک ماهیتی اقتضاسی اولارق قرالیچه‌نک افعال وحرکاتنک مسئولیتی درعهده‌ایده‌مزدی . غلادستون *Gleanings of past Years* اثرنده [۲] ، قرالیچه‌نک کیمی جانی ایسترسه اونکله کیزلیچه استشاره ایتمه‌ک حق اولدیغی ، یالکز بونی یامقوله ناظرلریله اولان مناسباتی هیچ بروجهله اخلال ایتمه‌ک لازم کله‌جکی سویله‌مک صورتیه قرالیچه ویقتوریانک وزوجی پرنسک وضعیتی پک کوزل تثیت ایتش کورونیور . حکمدارک مخالفت ایله استشاره ایتهمسی عادتدر . چونکه مخالفت اعضالری قابینه‌نک دوغروندن دوغرویه معارضلیدرلر . فقط حکمدار ، ناظرلرینک مسئولیتی خللدارایتمه‌مک یعنی نهایت الامر اونلرک رأی ومطالعہ‌سنی [۱] مارن : *Life of the Prince Consort* ۴ نجی طبع ، برنجی جلد ، ۷۴ .

[۲] برنجی جلد ، ۷۳ .

تعقيب ايتمك شرطيله مخالفت فرقه‌سى خارجنده كيمكه اولورسه
استشاره ايدى بيلير .

حکمدارک
رسمی و خصوصی
افعال و حرکاتی

ناظرلر حکمدارک خصوصی دکل رسمی افعال و حرکاتندن
مسئولدرلر . فقط بعض کره رسمی ایله خصوصی افعال
و حرکاتی بربرندن آیرمق پک مشکدر . مثلاً ، قرالیچه
ویقتوریا آوروپانک بر چوق حکمدارلرینه اقربا ایدی . بونلره
خصوصی برماهیتی حائز مکتوبلر یازامامسی معاسز اولوردی .
باشقه حکمدارلرده دولت ایشلری مناسبتیه کندیسنه مکتوبلر
کوندیریلردی . بو مکتوبلرک ناظرلرک کوزندن کچمه لرینی
ایسته مزلردی . بونک ایچوندركه قرالیچه‌نک کندی عالیه‌سی
خارجنده اجنبی حکمدارلرله اولاجق مخبراتنک ناظرلرینک
الندن کچمه‌سی قاعده‌سی قبول ایدیلدی . بولزوم ،
انکلترونک مسئول حکومتنک بر نتیجه ضروریه‌سی اولقله برابر
قرالیچه‌یی پک درین صورتده متأثر ایدیوردی . قرالیچه ،
حقیقی دوشونجه‌لرینه مغایر بر چوق فکری کندی ایله یازمق
مجبوریتنه چوق کره دوشمشدر [۱] . قرالیچه‌نک او دورده
بو کونکندن پک فضله بر اهمیت سیاسی عطف اولونان ازدواجی
ناظرلرله استشاره ایدیلهدن بالذات قرالیچه طرفندن ترتیب
ایدیلشدر . قرالیچه یالکز ایشی ناظرلرینه خبر ویرمکه اکتفا

، [۱] Life of Queen Victoria : Lee برنجی طبع ،

ایتدی . فقط دیگر طرفدن ، پرنسس لوئیز مارکی دولورنه نشانلانیدیغی زمان ، غلادستون عوام قاماراسنده تبعه‌دن بریله وقوعه کلن بوازدواجك قرالیچه‌نك ناظرلرینك رأی آلماندن قرارلاشمش اولمادیغنی بیان ایتدی [۱] . مستقبل برتاج صاحبك دامارینه‌انکلیز قانی آقیمانك تهلكه‌سی دیمك كه اهمیت سیاسی‌هی حائز برایش دیه تلقی ایدیلور و مسئولیتنی قابینه درعهده‌ایتمه‌سی لازم كله جكنه حکم اولونیور . فقط ساده‌جه کبار حیاتی مناسباندن عبارت قالاجق خصوصات بواحکامه تابع دکدر . مقام حکمدارینك باشلیجه وظیفه‌لرندن بری پاختده کبار حیاتی سوق واداره ایتمکدر . زوجنك وفاتندن صوکره قرالیچه سنه‌لرجه بوندن بالفعل فراغت ایتدی . فقط ، خلقك شدتلی شکایت‌ه‌رغمآ ، ناظرلر بوفراغتی کندیلرندن حساب صورولاییه جك بر مسئله سیاسی تلقی ایتمه‌دیلر .

قرال فنا برشی یاپاماز اولونجه ایی برشی‌ده یاپاماماسی اقضا ایدر . حکمدار ، سیاسی افعال وحرکاتندن دولایی نه ستایشه نه ذمه استحقاق کسب ایتمز . ناظرلر ، دولته عائد برایشده قرارك حقیقتده قرال طرفندن ویریلدیکنی اعنزن ایده‌مزلر [۲]

[۱] تود : انکلتزه پارلمنته‌رحکومت ، ۲نجی جلد ، برنجی طبع ، ۲۶۶ ، نوط y ؛ هانس ، ۳نجی سه‌ری ، CCIV ، ۱۷۳ ، ۳۷۰ .

[۲] دیزرائیلی نك مراضلری ، ۱۸۶۸ ده یا استعفا‌سی یا مجلسك فسخی شق‌لرندن برنجی قرالیچه‌نك قرارلاشدیرمش اولدیغنی خبر ویر- دیکندن دولایی کندیسنی مؤاخذه ایدرلرکه بونده حقیدرلر (Hans.,)

قراک اسمی هیچ بر صورت له مناقشات سیاسیه قاریشدر لاما لیدر .
نه پارلمنتو داخلنده نه خارجده ، مذاکرات اثناسنده قراک
آرزولرندن بحث اولونما مالیر [۱] . بو پرنسپ آنجق قرا لچه
ویقتوریا نك جلوسندن صو کره تام بر صورتده قبول ایدیلشدر .
قرا لچه نك زمان حکومتده کی ایلك انتخابده توری لر انتخاب
سلاحی اولار قوایغ لرك قرا لچه نك شخصندن واسمندن استفاده
ایتمش اولد قلرینی ظواهره نظراً حقلی اولار ق ادعا ایتمش لردی [۲] .

Ser. CXCI 3 ، ۱۷۰۵ ، ۱۷۲۴ ، ۱۷۸۸ ، ۱۷۹۴ ، ۱۸۰۰ ،
۱۸۰۶ ، ۱۸۱۱) . قرا لچه یه قرار ویرمک ایچون مساعده کوستر-
مسنه یعنی قرا لچه نك اظهار ایده جکی فکری تعقیب ایتمه سنه هیچ
بر مانع یوقدی . فقط افکار عمومییه مواجهه سنده بونک مسئولیتی
اگندیسی آلق لازم کلیردی .

[۱] ۱۸۷۶ ده مستر لوو سیاسی بر نطقده قرا لچه نك سابق
ناظر لره کندیسنه هندستان قرا لچه سی عنوانی تأمین ایچون بیهوده یره
مراجعت ایتدی کی سویله مشدی . بو سوزلر عوام قامار اسنده موضوع
بحث ایدیلدی . قائل ایچه خجالت آور بر ترضیه ویرمکه مجبور اولدی .
چونکه قرا لچه ، باش وکیل واسطه سیله ، بو سوزلری تکذیب
ایتمشدی . Hans., 3 Ser. CCXXVIII, 2023; and
52-53. CCXXIX قراک امتیازینه تعلق و بونی تحدید ایدن
بر لایحه قانونیه پارلمنتویه تودیع ایدیلده دن اول قراک بوکا موافقت ایتدی کی
تبلیغ اولونقی لازم کله جکی یوانده کی قاعده بوکا حقیقی دکلسه ده ظاهری
بر استئنا تشکیل ایدز . اگر لایحه قانونیه یالکز حکمدارک احوال
خصوصیه سنه تعلق ایدیورسه بو بر سیاسی ایش دکادر . حکمدارک
رسمی صلاحیتلرینه تعلق ایدیورسه اوزمان موافقت ناظر لرك مسئولیتنه
استناداً ویرلش دیعکدر .

اوج سنه صوكره ، ولينغتونك قراليچه دن محافظه كارلرك دشمنلرى اولان كيمسه لرك رئيسى صفتيله بحث ايتديكى كوريورز [۱] . خلقك مواجهه سنده مقام حكمدارينك يكانه يابه بيله چكى رسمى حركات مراسمه ، عمومى آلايلرده اثبات اثبات وجود ايتمه ، اهميت سياسيه دن عارى نطقلار ايرادايله ميه ، مؤاخذه جلب ايدمه يه چك صورتده اظهار توجه والتفات انحصار ايدرلر . مثلاً قراليچه ايرلاندايه صوك سياحتنى ياپدينى زمان بونى قراليچه نك دوشونمش اولدينى خلقه آكلاتلدى . ايرلاندا عسكر لرينه شامروق Shamroch [*] طاقق مساعده سنى ويرديكى وقت ده عيى صورتده حركت ايديلدى . چونكه بوقيل حركاتك برمعناى سياسى يي حائز اولامايه چنى ، خصمانه تفسيرات توليد ايدمه چكى دوشونولدى .

اسكى تشكيلات اساسيه نظريه سنده ناظرلر قرالك مشاورلرى ايديلر . اولر مطالعه لريني بيلديرلر ، قرالده قراريني ويريردى . بوكون بورولر همان همان برعكس اولمشدر . قرالك رايى آلينير ، فقط قرارى ويرنر ناظرلردر . على العاده دنيلديكنه كوره ، قرالده حقيقى اقتدارك رينه تاثير ونفوذ قائم اولمشدر . ياخود ، باژهونك اوقطى طرز افاده سنه كوره ، مقام حكمداريدمه « اوج حق واردر : رايى آلمق حق ، تشويق ايتك حق ،

[۱] Sir Robert peel: Parker ، ۲ نجى جلد ، ۴۱۵

و متعاقب .

[*] برنوع يونجه دركه ايرلانداك مى تمثيلدر - مترجم .

احتیاط توصیه ایتک حتی . بویوک بر بصیرته و ذکایه محتاج بر قرال .
 باشقه حقوقه محتاج دکلدر . « [۱] . فقط نصیحت ویرلد کدن ،
 اختارات یاسیلدقن صوکره قرار ویرمک صلاحیتی ناظرلرده عائد
 اولق لازم کلیر . شخصی فکرلرینک ، قرالک اعتراضنه رغماً
 بونلرده اصرار ایجاب ایدمک قدر اهمیتلری اولوب اولمادیغنی
 یوقسه اونلردن واز کچمک می اقتضا ایدمکجکی قرارلاشدیرمق .
 کندیلرینه تعلق ایدر . باژهو ایضاحاتنه دوام ایدمک عاقل
 و تجربه دیده بر حکمدارک النده بونصیحت ویرمک حقنک نه قدر
 مؤثر بر شکل آلدیغنی آکلاتیر . فقط تخته کچمش برینک بو حق .
 حسن استعمال ایچون ایجاب ایدن بوتون مزایایه مالک اولماسی
 نه قدر آز محتمل اولدیغنی ده علاوه ایدر . عادی بر حکمدارک
 بو حق استعماله قالمقوله ایلیکدن زیاده فنالق یاباجغنی سویلر .
 مورخلر ، قاینه حکومتک انکشافنده اک بویوک عامللردن
 بری ، هانوور خاندانی موقع اقتداره کلد کدن صوکره قاینه نک
 عقد ایتدیکی مجلسلرده حکمدارک حاضر بولونماماسی کیفیت .
 اولدیغنی اکثریا نظر دفته عرض ایتشلردر . بو عدم وجود
 اوچ نتیجه تولید ایتشدر : فردی صورتده نظر ملاحظه
 آلان ناظرلری قرالک هر دورلو تضیقندن مصون براقشدر ؛
 حکمدار ایله اولان مناسبتلرنده مشترک بر خط حرکت تعقیب
 ایدمک بیلیملرینی قولایلاشدیرمشدر ؛ بو اساس اوزرنده اتفاق .

قرالک رأی
 بر قرار ویرلد کدن
 صوکره سورولور

ایدیلنجه یه قدر قرالی سیاسی برخط حرکتک تعیینی مناقشه سنده اوزاقده طوتمغه خدمت ایتشدرد . بز صوگ نقطه نك بویوك بر اهمیتی واردرد . قرالک بوکونکی نفوذ و تأثیری اوزرنده آناری محسوسدرد . چونکه قرالک نصایحی و اخطاراتی ناظرلر بر مسئله ده قرار ویرمه دن اول دها مؤثر اولور . بعضیلرینک مقاومت ایتدکلری ، بعضیلرینک تردد کوستردکلری دقیقه ده درکه قرالک مطالعه سنک قوتی ترازوی بی بر طرفه میل ایتدیرمک امکانه اک چوق مالک اولابیلیر . بر مسئله اساسلی صورتده تدقیق و مذاکره ایدیلدکن ، بونده بر ائتلاف حصوله کلدکن صوکره قرالک شخصی آرزوسی تأثیر یله بو قراردن واز کچیلمه سی یاخود اهمیتی صورتده تعدیل ایدیلمه سی احتمالی پک آذرر .

شیمدی ، عمومیتله ، قانون و سیاست داخله ایشلرنده آنجق قابینه نك فکری تقرر ایتدکن صوکره قرالک فکری آلینور . چونکه قابینه مجلسنده جریان ایدن مذاکراتدن قرال عمومی صورتده خبردار اولسه و بعضاً بر ناظر ایله اونک نظارتنه متعلق بر مسئله بی مناقشه ایتسه بیله مسائل دولت ، علی العاده ، قرالک تصویبیه عرض ایدیلمه دن اول ناظرلر آراسنده مذاکره ایدیلیر و قرارلشدیریلیر . بوصورتله ، « حکمدار اولجه یاملش تدقیقات و مذاکراتک صریح نتیجه لری قارشیننده بولونور » [۱] . قابینه نك نیتی « قرالده پارلمنتویه اولدینی کبی ، تک بر کشینک

[۱] غلادستون : Gleaning of Past Years برنجی

مطالعہ لری ایٹس کبی تبلیغ اولونور» [۱] . واقعا ، قرالیچہ ویتوریا « بوتون ایشر حقندہ بونلر قرارلاشمہ دن اول بیان مطالعہ ایتک حقتک» تسلیم ایدیلمہ سنی ادعا ایتدیسہ [۲] دہ بوندہ موفق اولامامش کبی کورونیور . مع مافیہ ہر نظارت حقندہ عینی نتیجہ حاصل اولمادی . بالعکس ، کندیسنی برچوق جان صیقیجی ردلرہ معروض براقان لورد پالمستون ایلہ اوزون بر مجادلہ دن سوکرہ بو اوتوتراتیک خارجہ ناظرندہ مصادف اولدینی پرغلیان مزاج وفقدان قطعی صمیمیت سایہ سندہ احراز غلبہ ایتکہ موفق اولدی . ۱۸۵۰ اغستوس مخطرہ سیلہ شوقاعدہ بی تأسیس ایدہ بیلدی : مخبرات اجنیہ وتلغرافلر، ارسال ایدیلمہ دن اول قرالیچہ تبلیغ اولونا جقلرنی . بوندہ مسائل خارجہ قرالیچہ نك دائرۂ اطلاعہ واصل اولمادن اول ہیچ ال دکمہ مش بر حالہ بولونمق وبرخطوہ آتلمش اولمامق ایچوندی . غلادستون ، اوتاریخندہ قبول ایدیلن بو صورت تسویہ بی تنقید ایتدی . چونکہ تلغرافلر مناسبتیلہ باش وکیلک مطالعاتی خارجہ ناظرینہ خصوصی بر ماہیتدہ کوندریلہ جک یردہ آنجق مسودہ لرك قرالیچہ تبلیغندن سوکرہ وقوعہ کلہ بیلوردی [۳] . تعبیر دیگرلہ ، تلغرافک مندرجاتی باش وکیل ایلہ رفیق خارجہ

[۱] مورلی : Life of Walpole ، ۱۵۵ .

[۲] بو ، ۱۸۸۰ تاریخندہ وقوعہ کلشدر . Life of Queen

Victoria: Lee ، ۴۵۱ .

[۳] Gleaning of Past Years برنجی جلد ، ۸۷-۸۷ .

ناظری آراسنده قطعی صورتده قرارلاشمه‌دن اول قرالیچه ایله استشاره ایدیله‌سندن شکایت ایدیوردی . بناءً علیه ، غلادستونک تنقیداتی ، مسئول اولان ذوات یعنی بوایشه باش وکیل ایله خارجیه ناظری طرفندن برخط حرکت قرارلاشدیرلادن . اول قرالیچه‌نک رأی آلمانسه توجیه ایدیش دیمکدر [۱] . تلغرافلر علی‌العاده بوتون قابینه‌نک نظر تدقیقندن کچمز .

قرالک حکم ونفوذی ، قابینه مجلسنده حل وفصل ایدیلن مسائله سائر خصوصاتده اولدینی قدر کندیسینی حس ایتدیرمک وسیله‌سنی بولاماز . فی‌الحقیقه مجلس وکلاده حل وفصل ایدیلن ایشلرده مسئله درین برصورتده مناقشه ایدیله‌دن وقابینه طرفندن برقرار ویریله‌دن اول حکمدارک رأی آلتماز . قابینه‌نک ویرمش

[۱] عینی سبیدن دولاییدرکه هندستان والیسی لورد النبوروغ قرالیچه‌یه دوغروندن دوغروییه معروضاتده بولونابیلکه کندیسینی صاحب صلاحیت کوردیکی زمان - که بوکون بوکا مساعده ایدیله‌من - ، ۱۸۴۲ ده Baprd of Control رئیس اعتراضاته قیام ایتشدر . پارکر : Life of Sir Robert Peel ، ۲ نجی جلد ، ۵۹۱ .

۱۸۸۵ ده ، باش وکیل کندیسيله استشاره ایتهدن اوغللرندن برینک اردو قوماندانلغنه تعیین ایدیله‌سی حقنده قرالیچه طرفندن درمیان ایدیلن بر مطالعه‌یی هندستان والیسنه بیلدیردیک ایچون لورد راندولف چورچیل هندستان نظارتندن استعفا‌سنی ویرمشدی . قرالیچه‌نک اوغلی قوماندان تعیین ایدیله‌دی ، لورد راندولفده استعفا‌سنی کری آلدی . وینستون چورچیل : Life of Lord Randolph Churchill برنجی جلد ، ۵۱۳-۵۰۳ .

اولدینی قرارك دكیشمه‌سی ایسه پك زوردر . چونکه بوقرار
 چوق کره بر اوزلاشمه محصولدر ، بوندن دولای عادتا بر
 مقاوله‌نامه کی باغلاچی بر قوتی حائردر . حالبوکه دوعروندن
 دوعرویه قابینه‌یه عرض ایدیله‌ین مسئله‌لرده حکمدار درمیان
 ایده‌جکی مطالعات ایله بریاخود ایکی‌ناظرک احتمالکه پک عجولانه
 ایدیندکلری بر فکری دکشیدیرمک وضعیتندهدر . مسائل
 خارجیه‌نک اهمیتسزلرنده ، کلیسارؤساسنک وسائرهنک تعییننده ،
 مختلف نظارتلرک اداری ایشلرنده احوال بو مرکزدهدر .
 فقط بوراده باشقه بر فرقه تصادف ایده‌رر . داخلی ایشلرده
 حکومتک فعالیت‌اداریه‌سی ، عمومیتله ، پارلمنتوده پک صیقی بر حاده
 تدقیقندن کچر ، اوراده قوتلی بر هجومه معروض قالیر . بونک
 نتیجه‌سی اولارق ، حکومت صیراسنه قارشى یاایلم طرزنده
 بر سؤال آتشنه معروض قالمق احتمالی نظر اندیشه ایله کورن
 بر ناظر ، بو ایشلرده حکمدارک آرزوسنه مماشات ایتکده ،
 دیپلوماسی‌یه عائد مذاکراتده ، رؤسای زهبانیه ، عدلیه وعسکریه‌نک
 تعییننده اولدیغندن زیاده مشکلات حس ایدر [۱] . چونکه
 او ایشلرک پارلمنتوده مناقشه ایدیله‌مسی معتاددر . بناءً علیه ،
 احوال عادیده ، سیاسی مسائلده قرالک نفوذ وتأثیر شخصیی
 امور خارجیه‌دن ، کلیسا ایشلرندن ودها سائر مأمورین
 تعیینندن باشقه خصوصاتده کنیدیسی کوسترمه‌مک محتملدر .

حکمدارک نفوذ و تأثیر نه قارشی بونک استعمال ایدیلدیکی احوال قرالیچه و یقتوریانک و شرائطک ایجاب ایتدیکی عمومی تحدیدات و تقییدات نه لر اولدینی کورولیور. فقط بر زمان معینه حکمدارک بونفوذ و تأثیری نه درجه قوتله استعمال ایده بیله جکی هیچ بروقت کس دیر یله مز. حتی بالنسبه مؤخر زمانلرده بیله بونک درجه مؤثریتی تقدیر ایده بیلمک مشکلد. قرالیچه و یقتوریا دورندن اوتله ره، پارلمتوسیسته منک ناظرلر طرفندن قراله بعضاً شخصاً بر برینه مخالف مطالعهلر در میان ایدیله بیله جک قدر ناقص بر صورتده انکشاف ایتش اولدینی دورلره چیقمق فائده سزدر [۱]. قرالیچه و یقتوریانک جلوسندن صوکره ایسه بومسئله یی تنویر ایده بیله جک پک آز نشریات وقوعه کلشدر. ناظرلرینک خاطر اتندن و مکتوبلرندن قرالیچه نك اجرا ایتدیکی نفوذ و تأثیره تعلق ایدن جهتلرک کافه سی چیقارلشدر. مع مافیه، بعض وقایع واردرکه میدانده درلر. شبهه یوقدرکه قرالیچه و یقتوریانک انای جلوسنده حکمدارک شخصی فکرلری بوگونکنه نسبتله دها اهمیتلی تلقی اولونیوردی. فی الحقیقه، بوصول سنه لرده خلقجه مرغوب محررلردن برچونگی قرالک نفوذ و تأثیرینی تماماً اهل ایتمکه میالدرلر. فلسفه سیاسیه ده تهلکه لی اولدینی قدر قیمتدار اولان بویوک تعیملر محررلره قرالیچه دن برماکنه کبی بحث ایتمک استعدادینی ویرمشدر. فقط قابینه نك حیات داخلیه سنه نفوذ ایتش اولان دولت آدملری

بو تشبیهك دوغرو اولمادیغنی بیلیرلر. غلادستون ، انكلمترهك حكومتنه دائر اوقودینی اثرلرك هیچ بری قرالیچهك نفوذ و تأثیرینی حقیقی قیمتله تقدیرایدومهكده اولدقلرینی سویلهمش .

Gleaning of Past Years نده [۱] دییوركه : « هیچ شبهه یوقكه حكمدارك صورت طبعیهده ناظرلرینك مطالعاتی و افكار و حرکاتی اوزرنده اجرا ایتدیکی نفوذ و تأثیرك یكونیك بویوكدر .

بونفوذ ، اجرا آلك متانت و استقرارینه خادم اولیور و مملكت ایچون بویوك بر نعمت تشکیل ایدیور . احتمالكه دهاصوكرهکی زمانلر ایچون بوقدر قطعی برشی سویلهیه مزی . فقط ، بوبابده قطعی بر حکم ویرمك وقتی هنوز كلهمش اولقله برابر ، قرالیچهك مختلف شعبات حكومتده اجرا ایتدیکی نفوذ و تأثیر حقدده شیمیدین .

بر فکر ایدنك قابل اولایلیر .

داخلی سیاستده قرالیچهك شخصی توصیه و ترجیحلرینك باش وکیل ایله ناظرلرینی انتخابده نه کی بر تأثیر اجرا ایتدیکی یوقاریده كورمشدك .

بوکا علاوه دیه بیلیرزكه ایکی اوچ وقعهده عوام قاماراسنده مغلوبیته اوغرامش برقابینه ، استعفا ایدمك یرده ، قرالیچهك آرزوسنه رعایتله پارلمنتونك فسخنی قرارلاشدیرمشدر [۲] .

فقط بواسطه ایدیلیرسه ، مملكت داخلنده سیاست عمومیه اوزرنده قرالیچه و یقتوریانك نفوذ و تأثیرلرینك صریح و بارز اثرلرینی

[۱] برنجی جلد ، ۴۲ .

[۲] Life of Queen Victoria: Lee ۱۲۳، ۲۹۵، ۳۸۷ .

بولق مشكلدر . مع مافيه ، قراليچه نظارتلردن بعضيلرينك
ايشلرينه پك علاقه دار اولوردى . بعضاً برچوق فكر ونصيحتلر
ويريردى . بونلك مثبت برر نتيجه حاصل ايتدكلرى معلوم
دكلدر . قراليچه ، فكرلرينه پك مربوط ايدى . بونلرى كال
جسارتله بيلديريردى . پروژهلر حقنده كى تنقيداتى هيچ فكري
صاقلامادن ، آچيقجه سويلردى . فقط بو پروژهلردن وازچكمك
ياخود بونلرى تعديل ايتك ايچون ناظرلرينى اقناعه موفق
اولايلديكى كورولمهور . قامارلر آراسنده براختلافه ميدان
ويرمه مك ايچون چوق دفعه لوردلر اوزرنده حائز اولدينى
شخصى نفوذ و تاثيره مراجعت ايتدى . فقط بو هيچ بر زمان
شخصى مطالعه لرinx ساحه فعله چيقارمق ايچون دكلدى . ايرلاندا
كليسا سنك الغاسى Disestablishment لايحه قانونيه سى مسئله سنده ،
كنديسنك هيچ خوشنه كيتمك قابل اولميه جق بر حكومت
لايحه سى حقنده قامارادن موافق قرار آلمق ايچون مداخله ده
بولوندى [۱] . حاصلى ، داخلى ايشلرده شخصى نفوذ و تاثيرى ،
كر كيكى بر سياستى تعقيب ايچون برقرار و يرمك كرك ناظرلرينك
سياستنى تعديل ايله مك ايچون اولسون ، پك خفيف كى
كورونهور . مع مافيه اردو و كليسا ايشلرنده بو حكومك ايكي

[۱] مورلهى : Life of Gladstone ۲ نجى جلد ، ۲۶۷
ومتعاقب . داويدسون و بنهام : Life of Archbishops Tait
۲ نجى طبع ، ۲۰-۲۷ ، ۳۵-۳۶ ، ۴۰-۴۲ .

استثناسی وارد ر . اردویی بالخاصه حکمداره عائد برشی کبی
تلقی ایدن قرالیچه باش قوماندانلغه قرال خاندانندن بر دوقک
تعین ایدیله سنی تأمین ایله دی . بووظیفه نك مقام حکمداری ایله
پك ای تعین ایدیله مه مشراولان مناسباتی د کیشدیرمك ایچون پایلان
بوتون تشبثلری برمدت برطرف ایده بیلمکه موفق اولدی [۱] .
مع مافیه ، نهایت الامر ، باش قوماندانلقده پارلمتو حضورنده
مسئولیتنی طاشیان ناظرک تحت امرینه کیردی [۲] . رؤسای
روحانیه تعینی کیفیتده قرالیچه نك مطالعه سی دها چوق حائز
قیمت ایدی . چونکه دفعات ایله ، برطاقم پستیوروشیخ الیهانلر
باش وکیلک تکلیف ایتدیکی نامزدلره ترجیحاً قرالیچه ویقتوریا
طرفدن تعین اولونمشدر .

خارجی ایشلرده قرالیچه نك جهد وغیرتی اك چوق مسائل خارجیه ده
کمال ثبات ایله کنديسنی کوستردی وهرشی حسابا قاتیلیرسه برچوق
سقوط خیالره رغماً الك زیاده بوساحه ده موفقیته اقتران ایتدی .
قرالیچه سنه لرجه لورد پالمستونك متعرضانه خط حرکته قارشى
اوغراشدی . ناظرینك سیاستده جذری برتحول اجراسنه موفق
اولماقله برابر بعضاً اونى خفیفلشدیرمشدر کبی کورونیور [۳] .
بوتون مدت سلطنتنده تلغرافلری تنقید ایتمکه حق اولدیغی

[۱] Life of Queen Victoria: Lee ۲۶۶ ، ۳۰۲ .

[۲] Vic., c. 17. Order in Council, 33-34 حزران

، ۱۸۷۰ .

[۳] Lee : قرالیچه ویقتوریانك حیاتی ، ۲۹۹ ، ۳۳۶ ، ۳۴۹ .

ادعا سنده اصرار ایتمش ، برچوق احوالده بونلرده تعدیلات
یادیرمش ، حتی آوروپانک ۱۸۵۹ - ۱۸۶۱ بحرانی اثناسنده
اولدینی اوزره ، خارجیه ناظری ایله باش وکیل علیهنده بوتون قایینه نك
هیئت عمومیه سنه مراجعت ایله مشدر [۱]. انك مشهور وقعه ۱۸۶۱ ده کی
Trent مسئله سیدر . وفاتندن برقاچ کون اول زوجنك وقوع بولان
وصایاسنه توفیقاً بر تلغرافده اجرا ایدیلن تعدیلات مجتمعه آمریکا
ایله جدی بر اختلاف تهلكه سنی بر طرف ایتمشدر . بناءً علیه
مسائل خارجیه یه تعلق ایدن خصوصاتده ، پك فضله جرئتكارلق
كوسترمش اولمادن بی پروا دنیه بیلیر که قرالیچه هیچ بروقت
یکی بر سیاست کشاد ایتمه مشسدهده هر حالده کندیسنك نفوذ
و تأثیری بر چوق وخیم احوالده ناظرلرینك سیاستنی تبدیل
ایتمك کبی بارز برایز بر اقمشدر .

مستر لی ، قرالیچه نك ترجمه حالنه دائر یازدینی اثر ك صوك
بابنده دیور که : « شخصی نفوذ و تأثیری حیاتنك صوکلرنده
تحت جلوس ایتدیکی زمانده کندن فضله اولمشدر . مع مافیه بو ،
سیاسیات ساحه سنده ال ایله طوتولماز ، مهم برشیدی . سفلرینك
عصای حکمداریسنه مربوط قالمش اولان شخصی نفوذ و قدرت
بقایاسندن پك اوزاقدی . » هیچ شبهه یوق که اوزون تجربه سنه
ویاشنه ، لکه سز شهرته قارشى بسله ن حسن حرمت و تعظیم

[۱] مورله ی : Life of Walpole ، ۱۵۹ . فقط مورله یك

« غلادستون حیاتی » نه باقکز . برنجی جلد ، ۴۱۵ .

وكر و مطالعه لرینك كیتدكجه دهها چوق نظر اعتباره آلماسنی
انتاج ایتشدرد . فقط ینه شهه دن آزاده دركه اثنای سلطنتده
حکمدارک نفوذ سیاسی آغیر آغیر خفیه دی و نهایت اینجه
وصولون بر شعاع حاله کلدی . تخته چقیدنی وقت پیلک
تشکیلات اساسیه تابع بر حکمدارک شخصی سجه سی ناظر لرك
خفیلکنی و ده موقراتیک احتراصاتک شدتی تعدیل ایده جکی
یولنده در میان ایتش اولدینی مطالعه ده بوجهت پک کورولیور [۱] .
اوزمانلرده قرالیچه نك اطرافنده کی کیمسه لره ، یاتاق او طه سی
قادینلرینه ، خصوصی کاتبی مسئله سنه و زوجی پرنسک وضعیتنه
عطف اولونان اهمیتدن ده بونی پک اعلا آ کلامق قابلدرد . قرالیچه نك
کندیسی بیله وضعیت حقنده زمان حالدن زیاده ماضیدن آلمش
فکر لر بسله یور کیدر [۲] . هر حالده انسانده بویله بر انطباع

[۱] Croker Papers ۲ نجی جلد ، ۳۱۷ . ایکی سنه
اول ، پیل ، عوام قاماراسی طرفندن قراله جبراً قبول ایتدیر بیله جک
برقابینه نك موقع اقتداره کله سندن ، قرالک آرزوسی خارجنده حکومتده
قالارق اونك حکمندن آزاده بولونماسندن اندیشه ایتدیکنی اظهار
ایله مشدی . Sir Robert Peel: Parker ۲ نجی جلد ، ۳۰۲ .
بوکون عینی ملاحظاتی سرد ایده جک بردولت آدمی آرتق یوفدر .

[۲] پرنس آلبرتک ، قیزی پروسیه ولی عهدینک زوجه سی پرنسسه
یازدینی بر مکتوبده مسئول برقابینه نك محسناتی ایضاح ایدرکن انکلتراهیه
غیر قابل تطبیق شیدرسویله یور ، حکمدارک سیاستک اساسلی پرنسپیلرینی
وضع و تعین ایتک صلاحیتنه مالک اولدینی ایضاح ایدیور . مارتن :
Life of the Prince Consort ، ۴ نجی جلد ، ۲۱۸ .

حاصل اوليور . ۱۸۶۴ تاريخندن صوكره ، قراليچهك ايفا ايديلهجك دها يوكسك وظيفهلى اولدينى ، منفعت مملكتى اخلال ائمه دن بونلى اھال ايده ميه جكى ايلرى سوروله رك عادتاً منزوى بر حيات ايچنه قابانماسى بو حسى تقويه ايدييور . صوكره ، ناظرلرندن بعضيلرينك دولت ايشلرينى تدقيق ايدوب ده برقرار اعطا ايچون كنديسنه زمان بر اقامالرندن شكائت ائمه سى ده بونى تأييد ايدهجك احوالندىر . چونكه حقيقتده ، دولت ايشلرى ايچون ويريلهجك قرارلر هيچ ده اونك اثرى دكلديلر . مقام حكمدارى ، دولت مقانيزمه سنك ايچنده بويوك برسرعتله دونن فقط مقانيزمه نك اقسام سائرهنه مربوط اولمادىغى ايچون پك آز بر نتيجه حاصل ايدن بر چرخه تشبيه ايدىلشدر . هيچ شهسز بونده مبالغه واردر . فقط قراليچه ويقتوريانك سياسى وقايعك جريانى اوزرنده كى نفوذ و تأثيرى اظهار ايتدىكى جهد وغيرت و فعاليتيه نسبتله پك خفيف ايدى . استقبالده حكمدارك نفوذ و تأثيرى نه اولاجغنى شيميدىن صريح بر صورتده كسدير مك قابل دكلدر . بو ، بالذات حكمدارك بصيرتنه ، درايته ، مهارتنه ، جهد وغيرتنه و خلقجه مرغويته پك چوق تابع بر مسئله در . آيرى آيرى نظارتلره عائد ايشلرده ايسه قرالك بو ايشلره كوستره جكى علاقه نك درجه سى حائز تأثير اولاجقدر . قرالك پك چوق چاليشمغه مجبور قالماسى هيچ ده محتمل دكلدر . مع مافيه ، پك اهميتسز عد ايديله ميه جك مسائل جاريه سياسيه

ایله اشتغال کیفیتندن باشقه کبار حیاته وملتى تمثیله تعلق ایدن برچوق وظائف واردر . برده ، قرالك تحتده کی اهلیت و قابلیت نه قدر پارلاق اولورسه اولسون ، اولری کوستره بيلمک احتمالی بالضروره پك محدود اولاجقدر . چونکه مسئولیت اولمادن سیاسی برسلطه نك انكشافنه انتظار ایتك ایچون بر سبب بولونامایه جنی آشکاردر .

حکمدارلغك فائده سی حقنده باژهونك مطالعاتی قلاسیك اولمشدر . ارثی بر حکمدارك امور سیاسی اوزرنده پك ایی برتأثیر اجرا ایده بيلمک ایچون الزم اولان مزایه مالک اولماسی پك آز محتمل بولوندیغنی تسلیم ایدرك ، دولت مقایزه سنك بر چرخ اولق اعتباریله مقام حکمدارییه باژهو بویوك بر قیمت عطف ایتزدی . پارلمنتویه مستند بر حکومت سیسته منك ، شیمدییه قدر بویولده بر تجربه قیام ایدیه مش اولقله برابر ، بر جمهوریتده ناصل مکملأ تطبیق ایدیه بیلجکنی اوزون اوزون ایضاح ایدیوردی . باژهو انکلترده مقام حکمدارییه حکومتك شرف وحیثیتی تشخص ایتدیرمه سی دولایسیله پك بویوك براهیت ویریوردی . ۱۸۶۷ ده کی اصلاحات قانونی Reform Bill ندن بر آزل انتشار ایتش اولان یازیلرنده انکلترده دموقراسینك انکشافندن پك بویوك بر اندیشه دوشدیکی کورولور . چونکه باژهو انکلیز خلق کتله لرینك قابلیت سیاسیله حقنده بویوك بر فکر بسله مزدی . مملکتک ایی

حکمدارلغك

فائده سی : سیاسی

برقوت اولق

اعتباریله

اداره ایدیله سی ایچون ، عوام صنفك طبیعتاری اعتباریله دولتی اداره قابلیتنی حائز صنفله قارشی برحس حرمت ورعایت بسله ملرینه احتیاج بولوندیغی قناعتده ایدی . بووضعیتی تأمین ایچون مقام حکمداری بی ال ذی قدرت غنصرلردن بری کبی عد ایدیوردی . انکلیز هیئت اجتماعیه سی حقنده کی تلقیاتنه کوره ، آشاغی صنفلر حکومتک قرایچه طرفندن اداره ایدیلدیکنه قانعدیلر . قرایچه یه قارشی بویوک برحس تعظیم بسله یورلردی . جاهل خلق ایچون غیر مرئی وغیر معلوم بولونان قابینه ایشته بوسایه ده اوله بر حکومت سیسته می تطبیق ایتمک امکائی بولیوردی که عوام خلق اونک ماهیت حقیقه سنی آ کلایه جق اولورسه منهدم اولق تهلکه سنه معروض قالیردی . باژهو زماننده وضعیت نه اولورسه اولسون ، هر حالده بوکون حال وموقع بومرکزده دکدر . انکلیز خلق کتله لری اونک ظن ایتدیکندن زیاده ذکای سیاسی یه یاخود بویازیلری یازدیغی دورده کندن زیاده تربیه سیاسی یه مالکدرلر . بوکون انکلتیره کیده جک برسیاح آرتق حکومتک قرال طرفندن اداره ایدیلدیکنی ظن ایدن برانکلیزه تصاف ایده مز . قابینه حقنده کی جهالتدن ده اثر کوره مدیکی کبی پارلمتوده کی رؤسانک روللری حقنده ده یا کلش برذهاب بولاماز . انکلیز عمله سی شیمدی متینغلرده ، غزته لرده ، سیاسی اوراقده انتخابات مسائلنه عائد نشریات ایله قارشیلایشور . بونلرده قرالدن هیچ بحث یوقدر . یالکز فرقه رئیس لری واونلرک

افعال و حرکاتی مناقشه ایدیلیر . فی الحقیقه ، یاریم عصر اولکنه قیاس ایدیلیرسه شیمدی خلقک ذهنده مقام حکمدارینک تأثیر سیاسیسی دهآ از بر موقع طوتیور . مسترلی ، قرالیچه و یقتوریانک ایلك سنه لرنده ، حتی دور سلطنتک اورتہ لرینه دوغرو قرالیچه نك افعال و حرکاتی پك جسورانه تنقید ایدیلدیکنی کورمکدن حیرتله دوشمش اولدیغنی سویله یور [۱] . بو کون ده مقام حکمدارینک تشریفاته و کبار حیاته عائد وظائفه اسکیسی قدر اهمیت عطف ایدیلمکده در . فقط بر عضو سیاسی اولق اعتباریله مقام حکمداری آرقه سطحده قالمشدر ، خلقک نظردقتی اولکی قدر جلب ایدمه مکده در . بر اجنبی سیاسی مسائل مناسبتیله حکمدارک اسبی نه قدر آز اغزه آلدیغنه دقت ایتمکدن منع نفس ایدمه مز . بومسئله لره قرالک اسمی قاریشدر یلیرسه اوده چوق کره شکایت ایتک ایچوندر . سیاست اجنبیه خلقک خوشنه کیتمزسه یاخود قاینه نك تشکلی سورونجمدهده قالیرسه هیچ اساسی اولمایان شایعه لر بوندن دولایی قرالی اتهام ایدمه یلیرلر . بر تحقیقات قومیسونی بر مسئله یی تا اساسنه قدر تعمیق ایتمزسه سراجیه کوزده اولان بر طاقم کیمسه لرك ایشده مدخلدار اولدقلری احتمالکه اشاعه ایدیلیر . چوق شکرکه بودیدی قودیلر عمومی ذکلدر . صورت عمومیهده دنیله یلیرکه قرالیتک عدم مسئولیتی پر نسبی مقام حکمداری یی خلقک نظرندن کیتدکجه ده اوزاقلا-

شدیرمشدر. ده موقراسینک انکشافی ایسه خلق کتله لینی حیات
عمومیه نك زنبركلریله کیتدکجه دها مألوف برحاله کتیرمشدر .
بناءً علیه زمانم زده ، مقام حکمدارینک انکلز قومنده حکومت
صداقت واطاعت حسنی تأمین وادامیه خدمت ایتدیکی فیکری
برطرف ایدیه بیلیر .

دیگر طرفدن ، انکلتره نك حکومتی یارلمتو سیسته می
اولقسزین قابل تصور دکدر وشیمدی یه قدر دها هیچ کیمسه
شبهه سزکه غیر فعال فقط فرقه مجادلانک فوقنده مرکزی
برچرخ اولقسزین بونی ایشلمک یولنی بولامامشدر. قرالری
اولمایان آوروپا مملکتلی کندیلرینک قوللانماسنی بیلیمده کلری
برعصای حکمداری بی طاشیمق ایچون خارجدن قرال کتیرتمک
مجبوریتنده قالمشدر . آرتق قرالری سومه یین برملت ایسه
قرالغک عنوانندن باشقه هان بوتون اوصافی حائر بررئیس جمهور
انتخاب ایتمک لزومنی حس ایتمشدر . آرتق انکلز حکمداری ،
دولت کیمسینک قوه محرکه سی دکلسده اوزرینه یلکن آچیلان
دیرک خدمتی کورمکده بردوامدر . بواعتبار ایله سفینه نك
یالکیز فائده لی دکل اک باشلی ، اک اساسلی برپارچه سیدر .

کبار حیاتنه و مراسمه عائد وظائف ، بوکون مقام حکمدارینک اجتماعی و معنوی
اک مهم ایشلری آراسنده دکلسده اک کوزه چارپان مشاغلی تشکیل
ایدرلر . شبهه یوقدر که قرالیچه نك و سراینک تأثیری صوک عصرک
ایلک نصفنده انکلز هیئت اجتماعیه سندده وقوعه کلن معنوی

تعالیٰ نك اك ذی قدرت عواملندن بریدر . فقط بوقیل برتائیر
بالضروره حکمدارك شخصی سجه سنه كوره دكیشر . ایلك
ایچون اولدینی قدر فالح ایچون ده استعمال اولونا بیلیر . احتمالكه
بوتائیر استقباله ماضیده کی قدر قوتلی اولما یا حقدر .

بردبدیه وآلایش
اولق اعتباریه

قراللق ، خلق کتله لر یله اولان مناسباتنده دیگر برنقطه
نظردن ده پیش ملاحظیه آله بیلیر . بر بطلق بر زمان ظرفنده
مراسم وتوالت ایشلری ایچون عطف ایدیلن مراق واهمیتده
بویوک بر انکشاف وقوعه کیشدر . اسکی اصولر ، اسکی قیافتلر
تکرار موقع رغبتیه حیقار یلدی . بر چوق کشی بوقیل ایشلره برنجی
درجه ده بر اهمیت عطف ایتدی . بوکا موازی اولارق ، بو اجتماعی
قوتك دیگر بر محصولی اولق اوزره ، باژهونك حس حرمت وتعظیم
دیدیکی ، فقط خوشلانما یانلرك « سوب » لق نامنی ویردکلی
شی انکشاف ایتدی که بویالکز انکلز آطه لرینه خاص بر تمایل
دکلدر . بونك نتیجه سی اولارق عنوان ورتبه لره قارشى پك
بویوک بر حس حرمت وجوده کلدی . بونلری حائر اولان
کیمسه ترك شرف واعتباری تکرار چوغالدى . بر عنوان اصالتی
حائر صنفلر نفوذ واعتبار جهتنده قازانیدلر . موقع ووضعیتلری
سرایك التفاتنه وابسته اولمقدن کیتدکجه خالی قالمقله برابر ،
قرال خاندانی بوتما یلدن دوغرو دن دوغرویه مستفید اولدی .
یکی بر بنانك ، امور خیریه دن برینك رسم کشادی ، دارالفونده
برسنه دوریه نك تسعیدی کبی هر دورلو مراسمه قرال خاندانه

منسوب برينك حضوري آرزو اولونيور . بوكي احواله
قرالک بر زيارتي مملکتک بوتون غزته لرنده بول بول بر اعلان
مقامه کچور .

بر عصر مقدم ، حتی دها اول ، يونانستانک ، رومانک بر تمثال اولق
اعتباريله وبالخاصه ونديکک تاريخندن هيچ بر درس عبرت آلامش اولان
کيمسه لر حس صداقت ، مصروف اولايامک ايچون بر شخصک
وجودينه لزوم کوسترديکي قناعتني اظهار ايدرلردي . بوکون
بوادعاده بولوناچق بر کيمسيه تصادف ايديله مز . هيچ کيمسه ،
انکيلز لرك بر جمهوريت اداره ده دها آز وطنپرور اولاجق لريني
ادعا ايتمز . بويله اولقله برابر ، انکيلز ايمپراطورلغی مفهومک
کيتدکجه عظمت پيدا ايتمسي نتیجه سنده ، ايمپراطورلق وحدتک
بر تمثالی اولق اوزره مقام حکمدارينک اهميتي دها جانلي
صورته حس ايديلکده در . بر چوق مملکتلرده دولتک کوزه
چاربان تمثالی بايراق در . شايان دقتدر که ملی بر انکيلز بايراغی
يوقدر . مختلف احواله کوره مختلف بايراق لر قوللانيليور .
قرال شخصاً قرال بايراغی استعمال ايدر . حرب کيلري
ديرکک تپه سنه بياض بايراغی چکر لر . احتياط سفائی مائی
بايراق طاشير . تجارت کيلرينک بايراغی ايسه قرمزيدر .
عسکر لر Union jack آلنده يورور لر . پارلمتوده بوني کشيده
ايدر . عمومي اکلنجه لرده بوتون بايراق لر بلا تفريق طاقيلر .
شو صيراده Union jack دن سانکه ملی بايراق ايمش کي

بحث ایتکه بر تمایل موجود در . فقط یکی بر مثال بو تعبیرک
 دوغرو اولمادیعی کوسترمکه کافی کله جکدر . پاناماده مقیم بر
 انکلیز تبعه سی علی العاده قرمزی بایراق چکردی . بر کون
 اونک یرینه Union Jack ی کشیده ایتدی . حالوکه ،
 تعلیماتنامه لره نظراً بونی قونسولاتورل قوللانیرلر . بناءً علیه ،
 انکلیز قونسولوسی خصوصی بر آوه بو بایراغی چکمه سنی بو
 آتشین وطنپورودن رجا ایتدی . مسئله خارجیہ نظارتہ قدر
 کیتدی . اجنبیلرک ملی بایراقلرینک خصوصی بر صورتده کشیده سنی
 منع ایدن پاناماقانوننه حرمةً انکلترہ خارجیہ نظارتی قونسولوسک
 مطالعه سنہ حق ویردی ، فقط اجنبی بر مملکتده بر انکلیز وطنداشنک
 Union Jack ی کشیده ایدہ بیلیمک حقہ دائر بر فکر درمیان
 ایتمکدن محترز داوراندی [۱] . بوندن باشقه ، مختاریت اداره یه
 مالک مستملک لرک هربری کندیسنه مخصوص بر بایراغه مالکدر .
 بو ، بر طرفه علامت فارقه تشکیل ایدہ جک ، خصوصی بر
 تمغا emblem تعلیق ایدیلش Union Jack در . اوستراالیانک
 یکی فده رال جمهوریتک ایلک ایشی بوقیل خصوصی بر بایراق
 قبول ایتک اولمشدر . حکومت بر مسابقه آجدی و تقریباً اوتوز
 بیگ بایراق پروژه سی تقدیم ایدیلدی . ایلچرندن هم جمهوریتک
 امپراطورلق ایله اتحادی هم استقلالی ایچون تمثال تشکیل
 ایدن بر دانه سی قبول اولوندی . بو ، Union Jack در .

برکوشه سنه جنوب صلیبی قونولمشد. برده آلتی کوشلی
ییلدیز وارد. بو ترتیب ایمپریالیستلرک حسیاتنه دوقونمقدن
زیاده آرمه متخصصلرینی متأثر ایتدی.

حاصلی، مقام حکمداری ایمپراطورلق اتحادینک یکانه
کوزه چارپان تمثالیدر. تخت سلطنت اطرافنده کی حس تعظیمک
مهم برسبی بو اولدیغنده شبهه یوقدر.

بوکون مقام حکمدارینک فائده سی آزده اولسه چوقده حکمد

اولسه هر حالده خلق طرفندن پک سه ویلیدیکی غیر قابل اعتراضدر. ^{خلة}
اولکی بطنده، پرنس آلبرتک وفاتندن سوکره منزوی حالده
باشایان قرا لیچه نك سرای وظائف کبارانه سنی اخلاص ایتدی.
دورده برچوق کشی بوبابده اظهار شبهه ایتکه باشلامشدر. ^{بابت عنعناتک}
اوزمانلر، اسکی طرزده جمهوریت مفکوره لری ^{فقدانی} الای و قدر

ایدیلر. انسانلر بر جمهوریتک بر شکل حکومتدن عبارتدن فعالیت
بر جمهوریتک دیگر اشکال حکومتدن مطلقا فنا بر، قابینه یه
ای اولق ایجاب ایتیه چکنی هنوز او کر نمه مشلر و یله بر انطباع
عددلری پک از اولان جمهوریتجیلر زمزمه عتی کوز اوکنه
فائده سز و مصرفی اولدینی فکر نده ایدیه.

سوکره بوتون جهان جمهوریتلرک پک ^{تفتیله حقوقی بروضعتی}
و تخت سلطنتک حقیقی مصرفی بایر؛ قانون او نی بیلمز؛
او کړندی [۱]. او صورتده که، اخلاص ایتیدن مختلف قوای
عی تأمینندن عبارتدر. بناء علیه

فائده سی شیمدی اسکی زمانلره نسبتله دهها زیاده تقدیر و عموم
طرفندن تسلیم اولونما یورسده دیکر طرفدن حکمدارلغه قارشی
مخاصمتده همان تماماً اورتدن قالمشدر. نه پارلمنتوده نه مملکتده
جمهوریحیلک حسیاتی آرتق قالمشدر [*].

۲۴

jack

ایتمکدن

مالك مستمه

بو، بر طرف

تمغا emblem

یکی فدهده رال جمهور

قبول ایتمک اولمشدر. جلوسنده ۵۴۳۰۰۰ انکیز لیراسی اولارق
بیك بایراق پروژه سی ^{تتاستر دوقه لنی وارداتندن تقریباً ۶۰ بیك} ارداتی ده علاوه ایتمک لازمدر. بونلر
ایمپراطورلق ایله اتحادی مده تخصیص ایدیلشدر. باقکز Rep.
Com. on Civil List, Com. ایدن بر دانه سی قبول اولوند
حقنده درمیان ایدیلدیکنی اونو تمامق

اوچنجی باب

قابینه وناظرلو

روایت اولوندیغنه کوره ، بر آلمان پروفیسوری تشریحہ نابت عنعناتک
دائر برقونفرانس ویریرکن طلبه سنه شو سوزلری سویله مشدر:
« افندیلر ، شیمدی دالاغه کلیورز . دالاغک وظیفه سنه دائر
هیچ برشی بیلیم یورز افندیلر . ایشته دالاق حقده بو قدر
کافیدر » . قابینه ، سهدن سنیه متزاید برنسبتده بوتون فعالیت
سیاسیه نك قوه محرکه سی حاله کلمش اولمقله برابر ، قابینه
بر باب تخصیص ایدیله جکی زمان انسان طبقی بویله بر انطباع
آلتنده یازی یازمغه باشلایور . فی الحقیقه ، ماهیتی کوز اوکنه
کتیریلیرسه ، قابینه پک زورلقله ثابت عنعناته مالک اولایلیر .
اول امرده ، قابینه نك بر عضو حکومت صفیله حقوقی بروضعیتی
یوقدر . بو ، بی شکل بر وجوددر ؛ قانون اونی بیلمز ؛
وظیفه سی ، استقلال حقوقیلرینی اخلاص ایتهدن مختلف قوای
دولت آراسنده بر اشتراک مساعی تأمیندن عبارتدر . بناءً علیه
قابینه نك افعال وحرکاتی معین بر شکل مخصوصی حائر بر ماهیتده

اولماق ضروریدر . صوکره ، قابینه نك اجتماعى علنى دکلدر . مذاکراتنك ضبطى طوتولماز . یالکنز بوبيله برعنه نك تأسسنی و محافظه سنی غایت مشکل بر حاله صوقغه کافیدر . بوبيله برشی یاپه بيلمك آنجق قابینه اعضاسی آراسنده بر استقرار و استمرار تأمین ایده بيلمكله قابلدردر . بونلر مقدمات و عنعناتی اوکره نوب صوکره کیلره انتقال ایتدیره بیلرلر . فقط یکی بر قابینه ، علی العاده ، اسکی قابینه اعضاسندن هیچ برنی احتوا ایتمز . محافظه کار بر ناظر لیبرال حکومتلر طرفندن تعقیب ایدیلن اصوللردن هیچ برینه واقف دکلدر . سر روبرت پیل کبی تجربه دیده بر ذاتک لیبرال بر قابینه طرفندن قبول ایدیلش اصوللر حقنده سر جهیمس غراهامک معلوماتنه مراجعت ایتدیکنی کوریورز . هر اون سنهده بر فرقه دیکشیرن بو ذات وقتیه لیبرال فرقه سی اعضاسندن ایدی [۱] . شبهه سز که ایشلرک طرز رؤیتی هر قابینه یه کوره ایجه دیکشیر . قابینه یی تشکیل ایدن ذواتک شخصی مزیتلرینک بونده بویوک بر تأثیری اولور . معافیله ، یاپیلاجق ایشک حقیقی ماهیتی و بناء علیه بومساعینک طرز اجراسی قابینه ده دولتک سائر عضو سیاسیلرنده اولدیغندن ده آاز دیکشمشدر . بونده قابل قید و اشارت بعض عمومی اوصافه تصادف ایدیله بیلر .

تشکیلات اساسیه اصول و آدابى بوتون قانونی نفوذ و صلاحیتلرک

قابینه نك

طبیعت و ماهیت

دولتک منتظم عضولری طرفدن استعمالی او صورتده تحدید وتنظیم ایتشلردر که حکومت مرکزیه نك اكل باشلی سلطه سی - حکومت چرخنی حرکتیه کترین اصل قوت - قانونك هیچ طانیادی نی بر هیئتك الله تودیع اولونمشدر . زمانمزده قاینه نك اعضالری دائماً ، قانون طرفدن احداث ایدیش عمومی بر وظیفه نك صاحبدرلر . فقط اولنره بووظائفك توجیه ایدیله سی قاینه اعضاسی صفیله فعالیتده بولونمالرینی هیچده ایجاب ایتمز . بونلرک ایکی وظیفه سی واردر . شخصاً ، بر مأمور صفیله ، دولتک اجرائی ایشلرینی کورورلر ، شعبات حکومتی اداره ایدرلر . مشترک بر حالدده نظر ملاحظیه آلینرسه ، حکومتک سیاست عمومیه سی سوق واداره ایلرلر و بونی بر مأمور صفیله حائز اولدقلری شخصی سلطه دن مستقل بر صورتده یابارلر . کندیلرینک شخصی وظیفه اداریه لری مشترک وظیفه لرندن تمامیه آیریدر . حتی بالحاصه برناظر نظر تدقیقندن کچیریلیرسه بوایکی نوع وظائف آراسنده همان همان هیچ بر مناسبت بولونماماسی بيله قابلدلر . مثلاً خصوصی مهر لوردی Lord Privy Seal نك هیچ بر اداری وظیفه سی یوقدر . باشقه ناظرلرکده بر قاینه نك تکمیل مدت دوامنده یابدقلری ایشلردن هیچ برینک قاینه نك تدقیقه معروض قالماماسی قابلدلر .

قاینه نك اكل باشلی وظیفه سی • حکومتک مختلف قسملرینک قاینه نك وظائفی سیاسی فعالیتلرینی ، سیاسته بر متانت و صلابت ویره جک صورتده

توحيد ايتمك واونلره رهبر اولمقدور . بازهو بوكا بر خط وصل ،
 قوه تشريعيه ايله قوه اجرائيه يي بر برينه طوتديران بر دوكمه
 دييور . باشقه بر طرفدهده قابينه دن ملتى اداره ايچون انتخاب
 ايديلمس بر پارلمنتو انجمنى ديه بحث ايدر . ده ا دوغروسى
 آرانيرسه قابينه ، عوام قاماراسنده حائز اكثريت فرقه نك بر
 انجمنيدر . اقليتلر بونده تمثيل ايديلزلر . پارلمنتونك سائر
 انجمنلرندن فرق ايشته بونقطه ده در . بوفرقت بزه اوقدر طبيعى
 كورونيور ، خلق مؤسسهرلينك غالب اولدينى بوتون مملكتلرده
 فرقه حكومته اوقدر آليشقين بولونيورزكه ايشك اهميتنى
 قولايجه اونوتيورز . بر سيستم صفتيله فرقه حكومتى بالنسبه
 مؤخر بر زمانده انكشاف ايتميدور . فقط همان همان جهان شمول
 بر وصف آلميدور . ده موقراتيك ملت لر آراسنده يكانه استثنائى
 (يعنى قوه اجرائيه نك ايچنده مخالفت فرقه لرندن بعض اعضا لر
 بولونماسى) اسويچرده كورورز . مع مافيه بعض مملكتلرده
 بوسستمك تطيقي ديكر مملكتلره نظراً ده واسعدور . تك
 بر فرقه رئيسك ياخود فرقه رئيسلرندن مركب بر زمره نك
 النده طويلانمش نفوذ وصلاحيتلر يكونى پك چوق ديكشه بيلير .
 مثلاً مجتمعه آمريقا رئيس جمهورى بر فرقه نك مثليدر . فقط
 ملتى آنجق قسماً اداره ايدر . قوه تشريعيه اوزرنده نه نظرياتده
 نه فعلياتده هيچ بر نفوذى يوقدر . بو اوقدر بر حقيقتدر كه
 قونغردهده رئيس جمهورك فرقه سى اكثريته اولدينى زمان بيله

نه رئیس جمهور نه فرقه‌نك بر انجمنی قوهٔ اجرائیه ايله قوهٔ
تشریعیه ملتی اداره ایدن معین بر هیئتدر دنیله‌جك صورتده
حاکم اولاماز . فقط ، پارلمنتو ره‌ژیمك حکمفرما اولدیغی
یرلرده ، قاینه‌نك حقیقته قوهٔ تشریعیه ايله قوهٔ اجرائیه‌یی
کندی النده مزج اتمه‌سی نتیجه‌سنده مملکتی اداره ایتدیکی
بحق سویله‌نه‌بیلیر . مع مافیه بو اداغانك درجهٔ صحتی قاینه‌نك
قوهٔ تشریعیه اوزرنده حائز اولدیغی حقیقی تأثیر ونفوذك وسعتنه
تابعدر . قانونك قوهٔ اجرائیه‌یه ویردیکی قدرت انکلترده
آوروپانك سائر مملکتلرنده کندن دها آز ايسه‌ده قاینه‌نك قوهٔ
تشریعیه اوزرنده اجرا ایتدیکی فعلی و حقیقی نفوذ وتأثیر سائر
یرلرده کنگ هپسندن دها بویوکدر .

قاینه فرقه طرفندن انتخاب اولونور . فقط دوغروندن
دوغرویه دکل ، بالواسطه . مع مافیه بو حال ، قاینه‌نك فرقه‌یی
دها ایی تمثیل اتمه‌سنی تأمین ایدر . دوغروندن دوغرویه
بر انتخاب فرقه‌نك داخلنده مناقشات تولید ایده‌بیلیر . بونك
نتیجه‌سنده ، انتخاب ایدیلن کیمسه‌لر فرقه‌نك ایچنده بر حزبه
مغایر دیکر بر حزبك فکرلرینك ممثلی اولابیلیرلر . یاخود
قیمتسز بر طاقم کیمسه‌لرک انتخابی صورتیه براوزلاشمه وقوعه
کله‌بیلیر . شیمدی تطبیق ایدیلدیکی شکلده بالواسطه انتخاب
ایسه فرقه‌ده برنجی درجه‌یه چیقمش و پارلمنتوده نفوذ قازانمش
کیمسه‌لرک حتی بونلرک کافه‌سنك قاینه‌یه کیرمه‌سنی تأمین ایدر .

عوام قاماراسنك اقليتى قابينهده تمثيل ايديلز . فقط بوتون
 اكثريت زمامزده ، على العاده ، اوراده تمثيل اولونمشدر .
 چونكه قابينهده فرقه نك بوتون حزبلرينك ايلري كلن رؤساسنه
 برير ويريلير . ديمك كه قابينه اصل ولبى اعتباريله ، موقع
 اقتدارده كي فرقه نك پارلمتوده كي رئيسلرينك غير رسمى فقط
 دائمى بر مجلسى caucus در . فرقه رؤساسنك كافه سنك پارلمتوده
 بولوندىقلىرى اونوتماق اقتضا ايدر . قابينه مؤسسسه سنك غايه سى
 انسجامى تايمين ايتمكدر . بو اولمازسه فرقه عوام قاماراسنده
 اكثريتى محافظه ايدمهز ، موقع اقتدارده قالماز . قابينه نك
 مقانيزمه سى متحدالمركز چرخلك فعاليتنه مشاهددر . طيش
 خلقه عوام قاماراسنده اكثريتى حائز اولان فرقه يى تمثيل ايدر .
 ايكنجى خلقه ناظرلرى يعنى فرقه نك ايچنده اك فعال كيمسه لرى
 احتوا ايلر . قابينه دن عبارت اولان اك كوچوك خلقه ايسه
 حقيقى رئيسلرى ، ليدرلرى محتوى بولونور . ايشته فرقه نك
 حركاتنده وحدت بوصورتله تايمين اولونور . بو وحدت ، سوق
 واداره قوتنك آرالرنده آكلاشمالرى قابل اولاييله جك قدر
 عددلرى آز و حكومت ايدميه جك قدر قوتلى كوچوك بر
 زمرة نك اله ويريله سنى ايجاب ايدر . بالطبع اوليله زمانلر
 اولمشدر كه اكثريت ، بر قابينه تشكيل ايدميه جك قدر تجانس
 كوسترمه مشدر . بو ، فرقه لردن برينه منسوب اولان بر قابينه نك
 نفوذ و قدرت ميزاننى النده طوتان آيرى بر زمرة نك مظاهرتى

اولمقسزین اکثریت تأمین ایده مدیکی وقتلرده اولوردی .
 ۱۸۵۰ ده کی پیل طرفدارلری ، ۱۸۸۶ ده کی اونیونیست
 لیبرالر ، ۱۸۹۲ ده ایرلاندالی ناسیونالیستلر بونوع بر زمره
 تشکیل ایدیورلردی . فقط بوقیل بروضیت ، ماهیتی اقتضاسی
 اولارق موقدر ، بر دور استحاله در . یرینی بر قوالسیون
 قاینه سنه ترک ایدر . اوده فرقه لک یکی باشند بر ترتیه کیره لینی
 انتاج ایلر .

حکمدارک چاغیروبده بر قاینه تشکیل ایتک وظیفه سنی تودیع قاینه نک تشکیلی
 ایله مدیکی دولت آدمی ، باش وکیل اولار و آرقداش لرنی انتخاب
 ایدر . کندیسنده بر ناظری عزل ایده بیلیمک صلاحیتی ده بالقوه
 واردر . یعنی ، بوتون قاینه و پارلمنتو قارشیسنده کندی مسئولیتی
 آلتنده اولق اوزره ، آرقداش لرندن برینک عزلنی حکمداردن
 طلب ایده بیلیر . بویله بر طایی رد ایتک حکمدار ایچون فعلیاتده
 غیر قابلدر [۱] . مع مافیه ، قاینه نک تشکیلی خصوصنده باش
 وکیلک حق انتخابی اشخاص و وظائف خصوصنده صریح صورتده
 محدوددر . بر کره ، حیات عمومیه ه هنوز فعال بر صورتده
 قاریشمش اولوبده فرقه نک صوک قاینه سنده داخل بولونان
 ذواتک کافه سی یکی قاینه ده کندیلرینه بر نظارت و یریله سی حقنه
 [۱] بو ، اون دوقوزنجی عصرک اک بویوک ایکی باش وکیلنک
 فکریدر : Life of Palmerston Ashley ۲ نجی جلد ۳۳۰ ؛
 مورله ی : Life of Walpole ، ۱۰۹ . اولجده سولبلندیکی وجهله
 بوصوک محرر غلامستونک ترجمان افکاری دییه تلق اولونور .

همده قوتلی بر صورتده مالکدر لر. بناءً عليه تکرار موقع اقتداره کله یی آرزو ایدن بر آدمی بر طرف ایتک اصولدن دکلدر [۱]. ایشه بوعادت قابینه ده کی نظارتلردن بر چو غنک اشغال ایدیله سینه سبب اولور. صوکره پارلمنتونک وبالخاصه عوام قاماراسنک بوتون ایلری کلن رؤساسنه قابینه ده بریر بولمق لازمدر. فی الحقیقه ، بازهونک قولاندینی لسان ایله دیه بیلیر زکه باش وکیلک سربستی انتخابی ناظر اولاجق کیمسه لری تفریقدن زیاده ناظرلره عائد وظائفک تودیی خصوصنده کنديسنی کوستریر. مع مافیه قابینه یه قبول ایتدیکی شخصیتلرک انتخابنده ده اولدجه بر سربستی یه مالکدر. وبالخاصه ، قابینه یه دکل نظارتلره وظیفه یه کتیریلن کنج اعضالر حقنده بوسربستی موجوددر. بونک پک مهم نتیجه لری اولابیلیر. مثلاً ، پیل دیزرائلی یی ۱۸۴۱ ده قابینه سینه آلمغه قرار ویرمش اولسه ایدی عجباً ۱۹ نجی عصرک اورته سنده پارلمنتونک تاریخی نه شکل کسب ایده جکدی ؟ بونی کیم کسیدیره بیلیر ؟ [۲] باش

[۱] بومناسبتله ظهور ایدن اختلافات حقنده مورله یک « غلادستونک حیاتی » اثرنده بر مثاله تصادف اولونیور (۲ نجی جلد ، ۶۲۸-۶۲۹). ۱۸۹۵ ده باش وکالتهده بولوندقن صوکره ۱۹۰۵ ده تشکل ایدن لیبرال قابینه سندن خارجهده بر اقلمش اولان لورد روزبری کندی کنديسنی بوقابینه دن اوزاق طوتمشدی . چونکه رئیس هوم رول حقنده سیر هانری قامیل باترمانک در میان ایتدیکی فیکرلری طاشیدیان بر قابینه ده ناظرلق قبول ایدمه یه جکنی سویله مشدی .

[۲] پارکر : Sir Robert Peel ۲ نجی جلد ، ۴۸۶-۸۹ ؛

۳ نجی جلد ۳۴۷-۴۸ .

وکیل آرقداشلرینک انتخابنده برحریت مطلقه مالک اولماقله برابر بواش صوک درجده نازک وچوق کره پک صیقیجی برشی اولمقدن خلی قالماز. بونی مقداری پک کثیر وجسامتلی بربرینه پک اویمایان برطاقم پارچهلردن بر رسم وجوده کتیرمه تشبیه ایتمک قابلدیر. چونکه مشکلات قابینه اعضالرینی سچمکه انحصار ایتمز. ناظرلر آراسنده نظارتلرک تقسیمیه ده باشقه مسئلهلر چیقارایلیر. فلان سیاسی، آنجق فلان نظارتی قبوله راضی اولور. فقط احتمالکه باشقهلری اونظارت اوداته ویریله جک اولورسه برلکده یورو مکدن استکاف ایدرلر. بوقیل موانع، فرقه لرک منقسم اولدقلری یاخود قوتلری مساوی عدایدیله بیله جک برحاله بولوندقلری زمان بعضاً قابینه تشکیلنه امکان بر اقاقلر. چونکه کندیلرینی قابینه دعوت ایدیله بیله جک درجده ممتاز ظن ایدن بعض ذاتلرده دائماً بعض سقوط خیاللر و بناء علیه انفعاللر اولور. اونلرک بوعدم ممنونیتلری مستقل بروضع آلمالرینه سببیت ویره بیلیر.

حریص جاه کنج بر پارلمنتو اعضاسی ایچون باش وکیله خدماتی همه حال الزم کوسترمه نیک ایکی چاره سی واردلر. بالطبع اول امرده عوام قاماراسنک توجهنی قازانماسی واوراده حسابه قاتلغه دکر بر قوت حاله کلمه سی لازمدر. صوکره، فرقه نیک «وایپ» لرله منتظماً رأی ویره بیلیر، هر فرصتده رئیس لرینه مظاهرت کوستره بیلیر واونلره نه زمان خدمت ایدیه بیله جکسه

لهلرینه اداره کلام ایدر. بویه اولورسه استقبالی پارلاق، پرنسپلری
 متین، رئیس لرینک اعتماد ایده بيله جکلری برکنج آدم کبی تلقی
 ایدلک احتمالی واردر. فقط، بونک عکسی برمسلك ده طوتارق
 فرقه سنک رئیسنی تنقید ایدن، حتی ایجاب ایدرسه اوکا هجوم
 ایله ین، مطالعاتنک ضعیف نقطه لرینی، سیاستنک خطا لرینی
 کوسترن صمیمی بردوست وضعیتنی ده آلابیلر. اکر بوکنج
 قابل اهمال اولمایه جق بر موقع احراز ایده بيلمشه هیئت وکیله یه
 جاب ایتک وصیقی صورتده باغلامق ایجاب ایدن تهلکلی برمنقد
 صفتیه کندیسنه یرویرله سی احتمالی پک چوقدر. بواصوللرک
 برنجیسی دها بطیدر، فقط دها امیندر. ایکنجیسی بعضاً پارلاق
 بر موفقیت ايله تطبیق ایدیلشدر. بالخاصه لورد راندولف چورجیل
 بونده موفقیت کوستر مشدر. فقط بعضاری بواصولی پک بللی
 اولاجق بر صورتده قولانمشدر ودها اول لزوم کوستردیکی
 اجتماعی وضعیتی، پارلمنتو اعتبارینی احراز ایتهدن بوکا باشلامشدر.
 بوتقدیرده بر موفقیتسنلک اوزواللی لری آرتق هیچ امیدسنر
 برقرارا کلغه آتابیلر.

عددجه تزاید قاینه اعضا لرینک عددی مختلف دورلرد پک تحول
 ایتشدز [۱]. بوصوک زمانلرده تزایده دوغرو پک بارز برتمایل
 کوستریور. ویلیام پیتک یالکز آلتی رفیقی واردی. بزدن
 [۱] تود: Parl. Govt. in England ۲ نجی طبع، ۲ نجی
 جلد، ۱۸۹-۹۰.

اولكى بطنك قابينه لرى آنجق اون ايكي ، اون آلتى اعضايى
 محتوى ايدىلر . بونكونكىلر دى ايسه اون سكر يكرمى اعضا
 كورولور . بوتحولك متعدد سببلى واردر . اول اومرده ،
 دولتك فعاليت ساحه سنك توسى وحكومتك دها « پدرانہ »
 بروصف آلماسى نتيجه سى اولارق هيئت وكيله نك دائره صلاحيتنه
 كيرن ايشلرك ساحه سى بويويور . بوندىن دولايى قابينه ايچون
 آراصيوايكي بردائره نك مثلى كندى ايچنه قبول ايتك مجبورتى
 حاصل اوليور . ثانياً ، سياسى نقطه نظر دن ، پارلمنتور دژيمنك
 انكشافى قابينه ي عوام قاماراسنده كى موقعى متصل تقويه مجبور
 ايتمشدر . بونك ايچوندر كه مجلسك اكثريتنده تصادف ايدىلن
 بوتون آانات افكارى قابينه ده تام برصورتده تمثيل ايتك احتياجي
 حس ايدىلير . يالكز بوسبب بيله ناظرلرك عددى نك آرتماسنه
 سائق اولابيلير . فقط بوندىن دها مهم برعاملده قابينه ده بر موقع
 احراز ايتمه نك پارلمنتوده كى بارز بوتون شخصيتلر ايچون بر اقصى
 امل تشكيل ايتمش اولماسيدر . بناءً عليه ، قابينه يه كيرمك آرزوسى
 پك شدتلىدر . بومناستله سقوط خياله اوغراق پك آجيدر .
 ايسته بومختلف سببلر ناظرلق مقدارى نك چوغالماسنه سائق
 اولمقدن خالى قالمايورلر . فقط تولد ايدن نتيجه محذور دن عارى
 دكلدر . يكرمى كشى ، سياسى بر خط حر كتى مناقشه وتثيت
 خصوصنده اون ايكي كشى يه نسبتله دها زورلق حس ايدرلر .
 ايس كورمك لازم ايكن بويكرمى كشى نك سوز ايله وقت

کچیرمه لری تهلهکسی دها زیاده در. ناظرلرک عددی چوق اولدجه
مذاکراتک اوزاماسی، نتیجه سز قالماسی یا خود بر طاقم قیمتسز
اوزلا شمه لره منتهی اولماسی احتمالی واردر. حاصلی، هیئت وکیل
کندی اعضاسی میانندن کوچوک بر زمرة نك تحت حکم و اداره سنده
بولونمايه جق اولورسه غلبه لق بر هیئتک دائما عرض ایده جکی ضعف
اداری بونده ده نمایان اولور. صوئقاینه لردن بر چوغنک بوضورتله
کوچوک بر زمرة طرفدن سوق و اداره ایدیلدیکنده هیچ شبهه
یوقدر. حتی قاینه لر کیتدجه بویومکده دوام ایدرسه، قاینه نك
بوتون قابلیت انحناسی و قوتی محافظه ایدیلک ایسته نلدیکی تقدیرده
بوترز کیتدجه مبرم بر ضرورت حالنه کیره جکدر. بعض کره
داخلی بر قومیتهدن Junto، قاینه ایچنده قاینه دن بحث ایدیلدیکی
ایشیدیلیر. سیاستی اصل اداره ایده نك بوقاینه اولدیغی سوبله نیر.
خصوصی مسائل مناسبتیه رؤسا آراسنده دائما وقوعه کلش
صرف خصوصی ملاقاتلره بویوک بر اهمیت ویریله سی نقطه سندن
شبهه سز که بونده بر مبالغه واردر دنیه بیلیر. فقط قاینه نك
اعضالرینک مقداری تزیاده دوام ایده جک اولورسه قاینه نك
ایچنده بوقیل بر زمرة تشکل ایتمه سی و بونک قاینه یه قارشی
وضعیتی الیوم قاینه نك بوتون هیئت وکیل یه قارشی جائز اولدیغی
وضعیه بکزه مسی احتمال خارچنده دکلدیر.

قاینه یه داخل ناظرلر بعض مقاملر واردر که بونلره تعیین ایدیلنلر دائما قاینه یه

داخلدرلر: برنجی خزینه لوردی First Lord of the Treasury

(بوهان دائماً بالذات باش وکیل یاخود باش وکیل لوردلردن
ایسه یاخود باشقه برنظارت درعهده ایتمش بولونورسه فرقه‌نک
عوام قاماراسنده کی رئیس طرفندن درعهده اولونور) ؛ لورد
شانسلور Lord Chancellor (عدلی اولدینی قدر سیاسی بویوک
برمأموریت) ؛ انکلترونک بویوک قوه اجرائیه مقاملری ؛ یعنی
Secretaries Chancellor of the Exchequer ، بش ناظرلق
First Lord of the Admiralty و آمراللق برنجی لوردی
Admiralty ؛ صوکره ، فعالیت اداریه سی اولمایان بعض فخری
مناصب ، شورا رئیس President of Council و خصوصی
مهر لوردی Lord Privy Seal . صوک سنه‌لرده ، تجارت
نظارتنک ، حکومت محلیه نظارتنک و تحصیل و تربیه (معارف)
نظارتنک رؤسای ایله ایرلاندا ایچون باش کاتب — اکربونک رسمی
آمری ایرلاندا ایچون لورد لیوتنانت Lord Lieutenant for
Ireland بالذات قابینه داخله اوزمان مستشار — قابینه ده
منتظماً بر موقع اشغال ایتمش لردر . دیگر طرفندن اسقوجیا کاتبی
Secretary for Scotland ایله لانتقاستر دوقه‌لنی شانسلیه سنک
قابینه ده بولونمالری معتاددر . زراعت ناظری ایله پوسته‌لر
ناظری ده چوق کره قابینه داخلدرلر . بعضاً امور نافع برنجی
قومیسری First Commissioner of Works ایله ایرلاندا
ایچون لورد شانسلیه Lord Chancellor for Ireland ده
قابینه کیرلر . بوکون اداره‌نک بوتون مهم شعبه‌لرینک

رؤسای قاینه یه آلتی یولنده برتایل موجود اولدینی شبهه سزدر .
 وقتيله ، فعال براداری ایش کورمه یه جک درجه ده یورولمش
 یاخود بویله بر وظیفه درعهده ایتمکدن مجتنب ذواتک رأی
 و مطالعه لرندن استفاده ایدیلک ایچون اونلره هیچ بر معین
 نظارتلری اولمادن قاینه ده بر اعضاقل ویریلردی . بونلر ،
 آوروپا قطعه سنده قوللانیلان تعبیر موجبجه « مجلس وکلايه
 مأمور » ministre sans portefeuille اولورلردی . انکلترده
 بویولده کی وکلانک اک صوکنجیسی لورد جون روسلدر ،
 ۱۸۵۴ دن ۵۶ یه قدر قاینه ده قالمشدر . بوکونده زمانمزد
 خصوصی مهر لوردلنی ايله عینی نتیجه تأمین ایدیلنور [۱] چونکه
 بونکده هیچ بر اداری وظیفه سی یوقدر . شورا رئیسکی
 و لانتقاستر دوقه لنی شانسلیه لکی ده عینی خدمتی کورور [۲] .
 بونلرک ایشلری غایت خفیفدر .

ناظرلر پارلمنتویه
 منسوب اولق
 لازمدر .
 آوروپاده ، ناظرلر ، پارلمتونک هر ایکی مجلسنده ده ، او
 مجلسده اعضا اولسونلر اولماسونلر ، حق کلامه مالک اولق
 عادتدر . انکلترده بویله برشی مجهولدر . قاینه نک هر اعضایی
 حتی بوتون هیئت وکلانک اعضایی پارلمتونک ایکی قاماراسندن

[۱] خصوصی مهر لوردلنی بومقصده استعمال ایدیلرزه باشقه
 برناظره بلامعاش علاوه توجیه اولونور .

[۲] شورا رئیسکی وقتيله شورا داخلنده کی تحصیل و تربیه (معارف)
 قومیته سنه قارشى پک معین وواضح اولمایان برنفوذ و قدرته مالکدی .
 صوکره بوقومیته نک یرینه برنظارت تأسیس ایتدیلر .

برینه منسوب اولمق مجبوریتده درلر [۱]. بونک صوک استثناسنی غلادستون تشکیل ایدر . ۱۸۴۶ ده سر روبرت پیلک حکومتک صوک برقاچ آینده ، عوام قاماراسنه تکرار انتخاب ایدیله دیکی حالدده ، مستملکات ناظرلغنی ایفا ایتمشدی [۲]. ناظرلرک انتخابنده بویله برتقیدی محق کوسترک اوزره سرد ایدیلن سبب شودر : ناظرلر پارلمنتو حضورنده مسئولیتلری حسیله ، سؤالره جواب ویرمک و نظارتلرینه تعلق ایدن بوتون ایضاحاتی اعطا ایتمک ایچون مجلسده بولونمغه مجبور درلر . پارلمنتو نقطه نظرندن بویک دوغرودر . فقط عکسی ده ینه عینی درجهده دوغرودر . برنظارتک باشنده بولونان ذات عوام قاماراسنده قونترول ایدیلمک ایچون اوتوردی قدر قامارای قونترول ایتمک ایچونده اوتورور . باژهو ، « هیئت وکلانک تبدلی » حقنده کی باینده پارلمنتوده بر واسطه تکلمدن محروم بولوناجق برنظارتک هجوملره قارشى بالضروره مدافعه سز قالا جغنی کوستر مشدر . بارز بر مثال اولارق فقیرلر قانونک برنجی قومیسونی ذکر ایدیور [۳]. بوتون بونلر بالطبع عوام قاماراسنه قابل تطبیق سوزلردر . چونکه لوردلر قاماراسنده

[۱] مقام حکمدارینک حقوق مشاورلری ایچون استثنا یاپیلر .
 [۲] بشیمدیکی قایندهده موسیو بیریلده اولدینی کبی ، هنوز پارلمنتویه داخل بولونمایان سیاسی برذاتک یاقینده مجلسک فسخی سایه سنده قوه تشریعهده بر صاندالیه قازانماسنه انتظاراً ناظر تعین ایدیله سی ده واقع اولیور .

ناظرلرک موجودیتی مذاکرات ایچون مفید اولور وایکی مجلسک
حقوقاً مساواتی ارائهیه خدمت ایدرسده ناظرلره اوراده
برمسئولیت ترتب ایتمز ولوردلرک افعال وحرکاتی ده بوواسطه
ایله قوتتول ایدیلر .

قابینه سیستمی وادارهده موفقیت
علی العاده ، هیئت وکلایه کیرمکه موفق اولان کیمسه لر
پارلمنتو مذاکراتنده تمیزایتمش ذواتدر . مع مافیه بومطلق برقاعده
اولارق ادعا ایدیه مز . کوزل سوز سویله یین بر آدمک بهمه حال
ای براداره آدمی اولاجغنه ، بر حکومتک قوتی ، نظارتلری هیئت
تشریعهده سوزلری الک چوق دیکله نن خطیلر آراسنده توزیع
ایتمکه تأمین اولونا جغنه احتمال ویرمک پک غریب اولور . بو ،
یک نظرده ، پارلمنتوره ژینمک مثلاً بر معارف لایحه سنده عوام قامارا-
سک خوشلامادیغی وردایتدیکی بر ماده نک موجودیتندن دولای
ای بر خارجیه ناظرینک استعفا ایتمه سندن سیاست عمومیه سک
مستفید اولاجغی یولنده کی دیگر بر نتیجه سی قدر غیر معقول
کوره ونور . بر آرزو و استهزا قابلیتی ایله یارادیلش بر کیمسه
بوتون بشری تشکیلاتده - بونلر فعلیاتده ایستر ای بر صورتده
ایشله سونلر ایستر ایشله مسونلر - بر طاقم غربتلر بولایلیر . فقط ،
حقیقته ، ممتاز بر خطیک ای براداره آدمی اولاجغنه حکم
ایتدیره جک سبیلر واردر . ساده جه ظواهر دن عبارت بر بلاغت
عوام قاماراسی قدر دائمی بر هیئت اوزرنده احراز نفوذ و تأثیر
ایتمک ایچون پک نادراً کفایت ایده بیلیر . حقیقی قیمت انسانلری

ییلیمکه ، وقعه لری تمثیل ایتمک و بر وضعیتک اساسلی نقطه لری
 قاورامق خصوصنده قوتلی برملکله صاحباولمغه وابسته در . تعبیر
 دیگرله ، انکلمده اولدینی کی ته قنیک معلوماتک ، عنعاتک وایشلری
 منتظم صورتده تمشیت کیفیتک صوک درجهده اهلیت و اقتدارلی
 برطاقم دائمی مأمورلر طرفندن تأمین ایدیلدیکی بر مملکتده
 بردائرئک رأس اداره سنه کله جک ذات ایچون الزم اولان
 مزیتلره وابسته در . بویوک خطیلردن کافه سنک ای بر اداره
 مأموری اولماقلری شبهه سزدر . برناظر بعضاً اهلکار یاخود
 اهمیتسز یاخود بعضاً پک جرئتکار اولابیلر . بعض آدملر
 واردرکه آرتق مفید اولمقدن چیقمشلردر . یاخود حقلرنده
 غایت پارلاق امیدلر ویردکن صوکره کوروندکلری کی ظهور
 ایتمه مشلردر . مع مافیه بونلری برطرف ایتمک قابل اولماز .
 کندیلرینه آز چوق مهم بر موقع ویرمک ایجاب ایلر . مع مافیه ،
 هرشی حسابیه قاتیلیرسه ، سیسته م پک کوزل ایشله یور . بعض
 دائرلر پک اقتدازسز اداره آدملرینه تودیع ایدیلیمکه برابر
 نظارتلرک باشه برنجی درجهده بعض رؤسا ایله کافی درجهده
 اقتدار صاحبا آدملر کتیریله بیلور .

لوردلق پایه سنک توجیهی صلاحیتی بر نظارتک رأس کارینه
 پارلمتو خارچندن مقتدر و مجرب بر اداره آدمک کتیریله سنی
 تأمین چاره سنی عرض ایدر کی کورونور . مستر چبرلن
 چکیله جکی صیراده مستملکات ناظر لغنی لورد میلنزه تکلیف ایتدکلری

زمان ايشته بويله اولمشدى . بوموقع لورد ميلنزه تكليف اولونديغى رقت اولوردلر قاماراسى اعضاسندن بولونيوردى . فقط مجلسده مأموريت جديده سنه باشلامق ايچون كورونمشدى . اوراده نه سوز سويله مش ، نه برأيه اشتراك ايتمشدى . اووقته قدر پارلمنتو حياتنده بولونماشدى . چونكه عوام قاماراسى ايله يكانه تماسى موفقيتسز برنامزدلكه انحصار ايدىوردى .

وقتيه بر دولت آدمى خدمات رسميه ده بر پارلمنتو مستشارلغى ايله ايشه باشلاردى . بر نظارتك باشه كچمه سى يا خود قاينه يه كيرمه سى خدمات دولته بر چراقلق دوره سى كچيرد كدن صوكره وقوعه كليردى . بواحوال هم ناظر ك تجربه ديده اولماسى هم اداره قابليتنه مالك بولونماسى نقطه لرنده بر تأمينات تشكيل ايدردى . صوك سنه لرده بوقاعده نك بعض استئنارلى كورو- لشدرد . مثلاً ، مستر چمبرلن ، لورد راندولف چورجيل ، مستر مورله ي ، مستر پيريل اولجه خدمات حكومتده هيچ استخدام ايديله دن دوغرو دن دوغرويه قاينه يه آلشدر ومهم نظارتلر ك باشه كچيريلشدر . مع مافيه ، بر قاعده عموميه اولارق ، اسكى سيسته مه رعايت ايديله سى محتملدر . چونكه بر آدم ، پارلمنتو مسلكه پك كنچ داخل اولمازسه كندى قابليتتى كوستره مز . استئنار آنجق پك بويوك قابليت صاحبي كيمسه لر حقنده وارد اولابيلير .

صوك عصر ك ايلك زمانلرنده ، پارلمنتو ره ژيمى شيمديكى
 وحدت احتياجى انكشافنى اكتساب ايمه دن اول ، قاينه ده تام بروحدت زمانزده كى

قاينه ده

قدر الزم برشی دکلدی . اودورده ، قابینه نك ، بعض ایشلری ، حتی بعضاً الك مهملرینی ، سربست بر مسئله کبی تدقیق ایتدیکی کورولوردی . بواصولك فائده لری ومحدورلری حقنده برچوق مناقشه ایدیلشدر [۱] . اوילה اولوردی که بعضاً قابینه اعضالری حکومتك پروژهلری علیهنده سوز سویلرلر ورأی ویریرلردی . مع مافیه اختلاف افكارك بودرجه شفته وارماسی دائماً نادراً کورولمشدر . آرقداش ناظرلك عینی انتخاب ایچون بربرلرینه رقیب اولارق نامزدلکلرینی وضع ایتدکلری واقعدر [۲] . بوکون بویله برشی اولاماز . چونکه ، آشاعیده سیاسی فرقه لردن بحث ایدیلدیکی زمان دهایی کوروله جکی اوزره ، پارلمنتو حکومتی زمانمزده کی بو غایت انکشاف ایتش شکلیه ، عوام قاماراسنده اکثریت افرادی آراسنده قوتلی برتجانسه احتیاج حس ایتدیرر . بناء علیه بواکثریتك رئیسلری آراسنده مطلق بر آهنکه ، هیچ دکلسه آهنك ظواهرینه لزوم قطعی واردر . مخالفته قارشی پك متحد برجهه عرض ایتك الزمدر . حالبوکه حرب بوروسی سسلری قارمه قاریشیق بر صورتده عکس ایده جك [۱] تود : Parl. Govt. in England ۲ نجی جلد ، ۴۰۵ .

نوط W .

[۲] بووقعه مثلاً ۱۸۵۲ ده جریان ایتشدر . اوتاریخده پالمستون ایله غولبورن و قوپلهی (اوچی ده هیئت وکلایه داخلدیلر) کمبریج دارالفنوننك ایکی اعضالنی ایچون چیقان آلتی نامزد میاننده کورولمشدر . Life of Palmerston: Bulwer ۱۵۳ و متعاقب .

اولورسه هجومه کیم قالقار ؟ ۱۹۰۳ سنه سی یازی ابدالزنده جریان ایدن وقایعی نظر تدقیق و مشاهده دن کچیرنلر ناظرلر تعرفه مناسبتیه غوغا ایدرکن محافظه کار فرقه سنک نه قدر سرعتله انحلال ایتدیکنه دقت ایتشلردر . دوغروسی آرانیرسه ، قاماراده اولدینی کبی قابینه دهده فرقه نك تجانسی پارلمنتوره ژیمنک اساسلی بر عاملیدر . فقط انسانلر ، عمومی پرنسپلر اوززنده نه قدر اتحاد ایدرلرسه ایتسونلر ، هرشیده ، مقتضای طبیعت ، عینی طرزده دوشونه مدکلری ایچون قابینه ایچنده دائمی صورتده اختلاف افکار ظهور ایتمه سی غیرقابل اجتناب بر کیفیتدر [۱] . بعض کره بو اختلافات اوقدر ایلرییه واریرکه بونی آنجق قامارانک قراری ازاله ایده بیلیر . فقط بو ، استثنائی بر حالدر . چونکه ناظرلرک غایه سی ، قابل ایسه ، آکلاشمقدر . اکثریت آرا ایله ، آرقداشلرینک مخالف رأی ومطالعاه سنه رغماً ، کندی فکرلرینی ترویج ایتدیرمک دکلدر [۲] . بناء علیه هر قابینه نك مساعیسی قارشیلقلی برطاقم مساعدات وائتلافاتی تضمن ایدر .

[۱] مورله یك « غلادستونك حیاتی » اثرینی اوقویوبده بوقبیل اختلافلرک کثرتندن حیرته دوشمه مک قابل دکلدر . اويله ظن اولونا بیلیرکه غلادستون ، وکللفده کچیردیکی یکریمی بش سنه لك حیاتنده افکارومطالعاتی آرقداشلرینه قبول ایتدیرمک ایچونده اونلری پارلمنتویه قبول ایتدیرمک ایچون اولدینی قدر امک وزمان صرف ایتشدر .

[۲] ۱۸۸۰ دن ۱۸۸۵ ه قدر دوام ایدن غلادستون قابینه سنده ، اکثریت آرا ایله قرار ویريله سندن بر بدعت دییه شکایت ایدیلوردی .

مورله ی : Life of Gladstone ۳ نجی جلد ، ۵ .

هیئت وکلانک افرادی موقع اقتدارده کی فرقه ده موجود مختلف
آانات افکاری تمثیل ایتدکلرندن بویله بر آکلاشمیه لزوم
واردر . فرقه نك بر جناحه منسوب اولان بر ناظر ، حقیقته
افکار سیاسیه اعتباریله دیگر قطبده بولونان کندی آرقداشلرندن
برینه نسبتله مخالف فرقه رؤساسندن بریله ده زیاده هم فکر
اولابیلیر . بویله اولقله برابرینه قاینه ده قالیر . مکر که تکلیف
اولونان تداییر ، وجداناً کنیدیسی استغفایه سوق ایده ییله جک
برماهیتده اوله . حکومته اشتراکده دوام ایتدیکی مدتجه آرقداه
شلیریله متفق قالمغه قالیشیر . فقط اولنردن صورت قطعده
آیریلدیغی دقیقه ، شخصی فکرلری تکرار غلبه چالارو کنیدیسی
آرقداشلرندن اوزاقلاشیر . بوضورتله بعض کره اسکی بر ناظرک
آرقداشلرینه قارشی کین و اغبراره عطف اولونان بر حرکتی
هیئت وکلاده بولوندیغی مدتجه ضبط ایدیش فکرلرک نهایت
طبیعی بر انکشافی نتیجه سی اولابیلیر .

مشرتک بردعواده برلشمش اولان آدملر ، آارالرنده تأمین سر صافلامق
لزوئی ائتلاف ایچون برلشدکلری زمان ، عمومیتله ، بواسئلافه واصل
اولورلر . یالکز ، فکرلری آراسنده کی اختلاف علنی بر حاله
چیقارلما مالیدر . محرمیت تأمین ایدیلرزه ائتلافی تأمین ایتک
همان همان غیر قابلدر . قاینه اعضاسندن بعضیلرینک یکدیگرینه
ضد افکار و مطالعاتی هر کسجه معلوم اولونجه ، بوذاتلر خلق
نزدنده ثباتلری ، سجه لرینک متاتی حقنده موجود شهرتلرینی

خالددار ایتمه دن بر لرینه قارشی ایجاب ایدن مساعده کارلنی
 کوستره مز لر . بوندن باشقه ، بدایتده ناظر لر آراسنده اختلاف
 افکار موجودیتک بیلنمه سی بوتون فرقه یی ال نهایت قبول
 اولونا جق سیاست اطرافده طویلامای غایت مشکل بر حاله
 صوقار و مخالفته هجوم لرینه قارشی ضعیف نقطه لر عرض ایدر .
 بناء علیه محرمیت ، پارلمنتو ره ژیمک اک اساسلی بر قسمیدر .
 بونک ایچوندر که قاینه نك اجتماع ایتدیکی وفلان فلان ذاتک
 بوکا اشتراك ایتدیکی نشر اولونمقله برابر جریان ایدن مذاکراته
 دائر معلومات ویرمه مک عادتدر . مذاکرات حقنده رسمی
 تبلیغات نشر ایدیلهدیکی کبی مذاکراتک هیچ بر وجهله شایع
 اولماسنده عینی درجه ده اهمیت عطف اولونور . فی الحقیقه ،
 تأسس ایتمش قطعی بر قاعده ی کوره ، پارلمنتوده یا خود باشقه
 بریده قاینه مجلسنده سویله ن یا خود یاپیلان بر شیئه ایماده بولونمق
 بویوک بر مناسبتسزلك تشکیل ایدر . بعض کره سکوت بعض
 اعضایی غایت مزعج بر وضعیته صوققله برابرینه قاینه مجلسنده کی
 مذاکرات و احوال دن بحثه جواز ویریله مشدر [۱] . بر هیئت

[۱] بوجبوریتک ، قاینه یه داخل ناظر لرك مشاور خاص صفیله
 ایتدکاری عین ایجاب اتندن اولدینی ادعا ایدیلشدر (تود ، ۲ نجی طبع ،
 ۲ نجی جلد ۸۳ - ۸۴ ، ۲۴۰) . فقط بو ، تشکیلات اساسیه حقوق
 ایله اصول و آدابی بر برینه قاریشدیرمق اولمازی ؟ بر قاینه مجلسنک
 مذاکراتی نشر ایچون حکمدارک مساعده سی لازم اولمقله برابر (بؤکوز :
 Hans., 3 Ser. CCCIV., 1182. 86, 89) حقیقته محرمیت

و کيله بعضاً خلقی پک علاقه دار ایدن بر مسئله دن دولایی پارچه-
لانه حق اولورسه مجلس وکلاده کچن احوالک نشر و اعلان
ایدیللمسی قابل اولایلیر . حالبوکه باشقه بر مناسبتله اولسه ایدی
بو حرکت هیچ بروجهله معذور کورولمزدی [۱] .

قاینه مقرر اتک منافع مملکت نقطه نظرندن نه قدر مهم
اولدیغی و وقتندن اول آلمش بر حوادثک غزته جیلر واسپه کو-
لاسیونجیلر ایچون نه قدر قیمتدار اولایله جکنی دوشونورسه ک
قاینه اسرارندن ترشح ایتمش اولانلرک آزلی قارشینده حیرته
دوشرز . پارلمنتو انجمنلرینک راپورلری حقتده ایسه ایشک
بوتون بوتون باشقه دورلو اولدیغی پک شایان دقتدر . انجمنک

ساده جه حکمداره قارشی بر مجبوریته حقوقیه دن عبارت دکلدیر .
مثلا ، حکمدار دیگر فرقه دن برناظرک مطالعه سی اوزرینه بر ناظری
بومجبوریتدن آزاده قیلاماز ، محرمیت ، آرقداشلر آراسنده بروظیفه
اخلاقیه در . بو وظیفه آنجق مرور زمان تأثیری ایله یاخود باشقه
برسبيله آرتق حکمت وجودی قالمادیغی زمان زائل اولور . قاینه نک
اسراری شوزای خاصک دیگر اعضالرینه ، کذا مخالفت فرقه سی
رؤساسنه قارشیده هر کسدن زیاده محافظه ایدیلک لازمدر . قاینه
مجلسنده جریان ایدن احوالک نه قدرینی افشا ایتک جائز اولایله جکنه
دائر بالخاصه ۱۸۸۶ ده مسترچبرلنک استعفا سندن صوکره پک شدتلی
مناقشات جریان ایتشدیر . باقکیز : چورچیل : لورد راندولف چورچیلک
حیاتی ، ۲ نجی جلد ۸۵-۸۶ .

Hans , (1886) 3 Ser. CCCIV.. 1188 and [۱]
(1904) 4 Ser. CXXIX., 870, 880; CXXX , 349;
CXXXI., 403, 709

مضبطه سی تقدیم ایدیلهدن ، ویریلن قرار چوق کره هر کسک معلومی اولور [۱] . بو ، اکثر احوالده ، اولدن قطعی بر افشآت وقوعه کله سنک نتیجه سی دکدر . پارچه پارچه هیچ بری محرمیتی اخلاص ایدیه جک ماهیته اولمایان برطاقم معلوماتک یان یانه کتیر یله رک بونلردن بر حکم چیقارماسی اثریدر . قاینه اسراری حقه ده بویله اولماسنک سببی ناظرلری بر برلرینه ربط ایدن اعتماد مطلقده و بر ناظرین معلومات آدیغنی ادعا ایدن کیمسه لرک سوزلرینه هیچ اینالماسنده آرامق اقتضا ایدر . ناظرلرک جداً محافظه سکوت ایتدکلرینک اک اینی دلیلی ایکی اوچ وقعده مطبوعاتک بر مجلس وکلانک محتمل مقرراتی کشف ایدیه یلمک خصوصده ابراز ایتدیکی شایان حیرت نفوذ نظره رغماً قاینه اعضالرینک هیچ بر زمان بوش بوغازلق ایتمه مش اولمالریدر . بر ایکی وقعده بویله بوش بوغازلق ایدیلش اولماسی قاعده یی تأیید و اثبات ایدن شاذلر قدر مشهور اولمشدر [۲] .

اولیه کورولور که وقتیه ، قرالیچه و یقتوریانک جلوسندن اولکی دوره ده ، قاینه مجلسلرینک ضبطلری طوتولمشدی . درمیان ایدیان مختلف فکترلر ، اسباب موجب لریله برلکده

[۱] مثال ایچون ، عوام قاماراسنه خزینه خاصه حقه ده ویریلن

مضبطه یه باقکنز : Com. Papers 1901, V, 607

[۲] بو قبیل حادثه لر مناسبتیه Book of Mac Donagh

Parliament اثرنده شایان دقت مطالعاته تصادف اولونیور .

تفصیل ایدیلیور و ضبطلر قراله تبلیغ اولونیوردی [۱]. حتی ، ۱۸۵۵ تاریخچه قدر ، منتظم صورتده قاینه ضیافتلری واردی که ده‌ها رسمی اجتماعلردن سوکره وقوعه کلدیکی اوزره ، آرقه‌لرنده حکمداره عرض ایدیله‌جک مذاکرات ضبطلری براقامق کبی برپائده عرض ایدرلردی [۲]. زمانمزه ، آرتق قراله مذاکره ایدیلن ایشلر حقنده عمومی بررپور ایله کنديسنگ تصدیقه احتیاج کوسترن مقرراتک متنی حاوی برمسوده‌دن باشقه برشی تقدیم ایدیلر . ناظرلر طرفندن فرداً درمیان ایله‌بلن مخالف فکرلردن قبالی خبردار ایتک مناسب‌تسر بر حرکت کبی تلقی اولونور [۳]. فی‌الحقیقه ، قاینه اجتماعلری ایچون ضبط ورقه‌سی طوتولماز . بونک نتیجه‌سی اولارق ، آراصیرا ، فلان مسئله‌لرده قطعی برقرار ویریلوب ویریله‌مش اولدینی خصوصنده حافظه‌لرده اختلاف چیقابیلیر . فقط بوقیل مشکلات احتمالی ، مذاکراتده هیچ بر مراسم و تشریفاتنه تابع اولماق سایه‌سنده اختلافات افکاری حل ایتک و آهنگدار برائتلاف تأمین ایله‌مک قولایلینی

[۱] بارکر : Sir Robert Peel ، ۳نجی جلد ، ۲۹۶-۹۹ .

[۲] مورله‌ی : Life of Walpole ، ۱۵۱ . بوسوک سنه .

لرده قاینه ضیافتلری اولمیشدر . فقط سببی بو اولمادینی تأمین ایدیله‌بیلیر .

[۳] مستر غلادستون « باش وکیل قرالیه‌یه قاینه مجلسنده

کندیسنه مخالفتده بولونان آرقداشلرینی خبر ویره‌جک اولورسه عادلک

ودسیسه‌کارلق ایتش اولاجغنی ادعا ایدیوردی « مورله‌ی غلادستونک

حیاتی ۲ نجی جلد ۵۷۵ . فقط بوسوزلرک یالکز اوناظرلرک اسملرینی

خبر ویرمک شقنه عائد اولدینی کورونیور . کذا ، ۳نجی جلد ، ۱۳۲ .

قارشىسىندە ھائز ھىمىت كورولمەنور . قاينە اجتماعى جلسەلىرى
مەراسىم ۋاسولدن اوقدر عارىدر كە بەعضاً جلسەىە قاينەىە داخل
بولونمايان بىزاتك قبول ايدىلدىكى بىلە واقعدىر . مثلاً ، ۱۸۴۸ دە
دوق دوولينغتون ، شارتحىلرك قىامى تەلەكسەنە قارشى اتخاڭ
ايدىلەسى لازم تدابىر ھقندە بىان فەكر اىتمك اىچون لىبرال
قاينەسەنك بىراجتماعندە ھاضر بولونمشدر .

اجتماع زمانلىرى الزم بولونان قەدىم بىر اصولە توفىقاً ، صوك بەھاردە ، يەكى
دورە اجتماعىدە پارلمنتوىە تودىعى مناسب اولاجق لايھەلىرى
تدقيق اىتمك وھكومەتك پارلمنتوىە تعلق ايدىن پروغراممى قرار .
لاشدىر مرق اىچون بىرايكى قاينە اجتماعى ياپىلىر . ارادە صىرادە ،
لەزومەنە كورە ، باشقە اجتماعلردە وقوعە كلير . دورە اجتماعىە
اشناسندە بەعضاً ھىر ھەفتە طوپلانلدىغى اولور . على العجلە مەھم قرارلر
اتخاڭدى اىجاب ايتدىكى زمان دەھاصىق صىق طوپلانلدىغى دە واقعدىر .
دورە اجتماعىەنك ختامندىن صوكرە ، آغستوس آيندە ،
ناظرلرك تعطىل موسمى باشلار . سىياحتە چىقارلر ، اسپور
ياپارلر ، عمومى اجتماعلردە نطقلر وىرلرلر . مستعجل مسائل
سىياسىە تھدث اىتمەدكجە قاينە اجتماعلىرى تعطىل اولونور .

قاينەنك ، سىياسەتنى تەىىن اىچون ، اعضاسى آراسندە رايە
مراجعت اىتمك كەى ابتداڭى بىر اصولە باش اوردىغى نادىر
اھوالدە ناظرلردىن ھىر بىرىنك رايى عىنى قىمەتى ھائزدر . فقط ،
على العادە ، قرارلر اكثريت آرا دكل ، فائىقت آرا مھصولىدر .

طبیعی در که مختلف ناظر لرك مطالعه لری عینی اهمیت ده عدایده مز. دور مزك بویوك قاینه لرنده بو فرق بالخاصه بارز اولق اقتضا ایدر. ناظر لردن بعضیلرینك، کندیلرندن سوق و اداره قابلیتندن زیاده انضباطه رعایت بکله نلدیکنی آکلامالری لازمدر. كرك قاینه مجلسنده كرك خارجه مختلف ناظر لرك آرقداش لری اوزرنده کی نفوذ و تأثیر لری، بالطبع، اك برنجی درجه ده، اولنرك مزیات شخصیه لرینه تابعدر. معافیه احراز ایتدک لری مقامك ده اهمیت واردر. بو مطالعه بالخاصه باش وکالت حقده قابل تطیقدر.

۱۹۰۶ تاریخه کنگه یه قدر، باش وکالت موقعی، قاینه نك باش وکیل وجودی کبی، قانون نظر نده مجهول بر کیفیت ایدی [۱]. فقط باش وکالتك سلطه سی، الآن صریح صورتده تعیین ایدیله مش اولقله برابر، چوقدن بری بویوك براهیت اکتساب ایتشدر. بوسلطه، قاینه ایله برابر بویومشدر. حقیقته، والپول، پیت وپیل کبی بویوك باش وکیل لرك حکومت لری ره ژیمك تکاملنده بارز بر صفحه و مرحله تشکیل ایدر لر [۲]. اون دوقوزنجی عصر ك ایکنجی نصفك اك ایلری کلن باش

[۱] ۱۹۰۶ ده تقدم خصوصنده بر فائیت تسلیم ایدیلک صورتیه بومقامك وجودی تصدیق اولوندی. باقکز: Hans., 4 Ser. CLVI., 742.

[۲] والپول، حقیقته، ایلك باش وکیل اولقله برابر باش وکیل عنوانی قبول ایتمه مشدر.

وکیللرندن ایکینسک قایینه ایله وظائفی حقنده بزه شایان احتجاج تعریفات براقش اولمالری پک موجب تشکر برشیدر [۱] .
 بونلر ذاتاً خلقک بیلدکلرینه بویوک برشی علاوه ایتمه مکه برابر، دهاقطعی وامین بر صورتده ایضاحات ویرمه مزه خدمت ایدیورلر.
 باش وکیلک ریاست ایتدیکی قایینه مجلسلرنده اونک موقعی هیچ شبهه سز که *Primus inter pares* [مساویلر آراسنده برنجی] دن باشقه برشی دکدر . اونک رأی ومطالعهنه آرقداشلیرى نظرنده حائز اولدیغی قیمتی بالخاصه ویرن شیلر کندیسک سجیه سی، اهلیتی، تجربه سی وشهرتیدر . فقط، قایینه اجتماعلرندن مستقلاً ده باش وکیل حقیقی بر حکم ونفوذ مالکدر .
 مع مافیه بو ، متحول وتعریفی مشکل برشیدر .

برکره ، باش وکیلک برچوق مأموریتلره آدم تعیین ایده بیلیمک صلاحیتی واردر . سیاست ایجاباتنک تحمیل ایتدیکی برطاقم تحدیدات موجود اولمقله برابر حقیقتده بوتون ناظرلری تعیین ایدن اودر . صوکره پسقوسلقدن حکمدارلغک توجه ایده بیله جکی اک یوکسک جهاته وارنجهیه قدر بوتون کلیسا رتبه لری اونک توصیه یی اوزرینه اعطا اولونور . علی العاده لوردلق وسائر

[۱] Ashley یه باقکز : پالمستونک حیاتی ، ۲ نجی جلد

۳۲۹-۳۰ ؛ غلادستون *Gleaning of Past Years* برنجی جلد،

۲۴۲ . مورلهیده والپولک حیاتی حقنده ویریلن ایضاحاتهده باقکز :

۴۵۰-۶۵ . اولجهده سوبله دیکمز وجهله مورله ی ، غلادستونک

افکار ومطالعانه ترجمان اولور .

رتبه‌لرزه بویله در . مقام حکمدارینک امری آلتنده احداث
ایدیلن بوتون یکی وظیفه‌لره مأمور تعینی حقی ده عمومیتله باش
وکیلده در [۱] .

باش وکیل عینی زمانده هم تبلیغاتک رسمی واسطه‌سی دن
هم نیم رسمی برمتوسطدر . باش وکیلک وظائفی ، تعبیر جائزایسه ،
قاینه‌بی احاطه ایدر . باش وکیل ، عادتاً قاینه ایله هیئت وکیله‌نک
تماسه کیردیکی سائر بالجله قوای دولت آراسنده بر موقع طوتمشدر .
حتی قاینه ایله قاینه‌نک اعضا لری آراسنده اخذ موقع ایتمشدر .
مستثنا براهیتی حائز اولان ایشلر ، قاینه‌ده مذاکره ایدیلده دن
اول کنديسنه بیلدیریلک لازمدر . ایکی ناظر یا خود دائره‌لری
آراسنده گی بوتون اختلافات ، بالطبع بوتون قاینه‌نک رأینه
مراجعت شقی محفوظ اولمق اوزره ، باش وکیلک تقدیرینه
عرض اولتور . پرنسپ اعتباریله ، باش وکیل بوتون نظارتلر
اوزرنده برحق نظارته مالکدر . حکومتک سیاست عمومیه‌سنه
تعلق ایده‌جک یا خود تمشیت اموری خلدار ایده‌بیله‌جک هیچ
بر مهم قرار باش وکیلک مطالعه‌سی آلمان اتخا ایدیله‌مز .
مثلاً ، دائمی مأموریتلرک ایوکسکلرینه کی‌مسه تعین ایدیلده دن
اول باش وکیلک فکری صورولمق لازمدر [۲] . بوتون شعبات
اداره ایچون بویه اولمقله برابر باش وکیل بالخاصه مملکتک

[۱] مورله ی : غلادستونک حیاتی ، ۲ نجی جلد ۳۸۳ .

[۲] مورله ی : والبولک حیاتی ، ۱۵۹-۶۰ .

مناسبات خارجیه سنی دها زیاده تحت نظارتنده بولونذیرر . غنعه
ایجابی بوتون مهم تلغرافلر کوندرلمه دن اول باش وکیله عرض
اولونور . خارجیه ناظری سائر دولترلرله مناسباتک وضعیتندن
باش وکیلی دائمی صورته خبردار ایدر .

برباش وکیلک مختلف نظارتلراوزرنده اجرا ایتدیکی حق
نظارت وقونترولک وسعتی ، بالطبع ، قابینه سنه کوره دکشیر .
سیر روبرت پیلک خاطراتی اوقویوبده هر نظارتک ایشلرینی
ناصل تحت نظارتده بولونذیردیغنی و هر نظارته ناصل رهبرلک
ایتدیکنی تقدیر ایتهمک قابل دکلدر [۱] . آرادن یکرمی
سنه کچور . صوکره پالمستونی کوریورزکه نظارتلر قابلیت
واقتمادار صاحبی کیمسه لرك النده اولورلرسه باش وکیل ایچون
مملکتک ایشلری حقنده مؤثر وقطعی برنفوذ وتأثیر اجرا ایتمک
محال بر شکله کیردیکندن شکایت ایدیور [۲] . اخیراً لورد
روزبری حکومته عائد وطائفک تزایدی برباش وکیلی حق
نظارتی ، پیل کبی ، بوتون شعبات مختلفه ادارهیه تشمیل
ایتمکدن منع ایله مک لازم کله جکنی ایضاح ایله یوردی [۳] .

[۱] Sir Robert Peel from his private Corres-

pondance . پارکره باقکنز : Sir Robert Peel ؛ مورلهی :

غلاستونک حیاتی ، برنجی جلد ، ۲۴۸ ، ۲۹۸ .

[۲] Ashley : پالمستونک حیاتی ، ۲ نجی جلد ، ۲۵۷ ؛

مورلهی : غلاستونک حیاتی ، ۲ نجی جلد ، ۳۵ .

[۳] Anglo-Saxon Rewiew ک برنجی نومروسنده پارکرک

« روبرت پیل » اثرینی تنقیداً یازدینی مقالهیه باقکنز .

برباش وکیل آریجه بر نظارت اداره سیله مشغول اولورسه عمومی نظارتی ایفا ایچون کافی وقت بولاما یجنی محققد ر . بوکا سوز سویله مکده فطری بر جرئت کارلغی ده علاوه ایدرسه ک لورد سالسبورینک ترانسوال محاربه سنده کی عسکری حاضر لقسرلغی ایضاح ایچون بوئرلرک لوقوموتیفلر داخلنده طوپلر و پیانولر داخلنده جیخانه لر ادخال ایتک صورتیله انکلیز حریبه نظارتی آلداتمش اولدقلری یولنده کی سوزلرک ناصل آغیزدن چیقمش اولابیله جکنی ایضاح ایتمش اولورز [۱] . بوندن دولاییدرکه ، علی العاده ، باش وکیللر کندیلمینه پک آز اداری برایشه احتیاج کوسترن ودها عمومی وظیفه لرله اشتغال ایچون وقت براقان خزینه لوردلغی آریرلر [۲] .

باش وکیل مقام حکمداری ایله قاینه آراسنده اخذ موقع باش وکیل قاینه بی ایتشد ر . چونکه ، قرال ، بعضاً وقوعه کلدیکی اوزره ، برناظر ایله نظارتنه عائد خصوصاتدن دولای مناسبت و مخابره ده بولونا بیلیمکه برابر قرال ایله سائر ناظرلرک هیئت مجموعه سی آراسنده خط وصل خدمتی کورن و ناظرلرک مشترک مطالعه لرینی قراه عرض ایدن باش وکیلدر . باش وکیل هیئت وکلانک مقام

Hans., 4 Ser. LXX VIII 27 [۱]

[۲] ایلک قاینه سنک صوکنده وایکنجی قاینه سنک باشلانغجده غلادستون Chancellor of the Exchequer وظیفه سنی ایفا ایتشد ر . بوندن ولورد سالسبورینک استثناسندن قطع نظر ایدیلیرسه ۱۸۳۵ تاریخندن صوکره هیچ برباش وکیل بر نظارت درعهده ایتمه مشدر .

حکمداری ایله اولان مناسبتنده هیئت وکیلہ یی او قدر تمثیل ایدرکه یالکز کندیسینک استعفا سی بوتون قاینه نك سقوطنه باعث اولور. حالوکه باشقه هر هانکی برناظرک چکیلمه سی نتیجه سنده یالکز برنظارت منحل اولور. باش وکیلک خلفی ، باشقه هیچ برتبدل وقوعه کیمکسزین ، آرقداشلی آراسندن انتخاب ایدیلسمده یالکز بواسطه عفا بیله ، نظریاتده ، یکی برقاینه نك تشکلی انتاج ایدر .

باش وکیل ، لوردلر قاماراسی اعضاسندن دکلسه ، قاینه نك هیئت عمومیه سی عوام قاماراسی مواجهه سنده تمثیل ایدر . مثلاً حکومتک تکلیف ایتدیکی لایحه قانونیه لرك تدقیق ایچون دورۀ اجتماعک نه قدر زمانی طلب ایتدیکی ، هانکی لایحه لری موقع مناقشه قویاجنی ، هانکیلرینی وقت یتشمه دیکی ملاحظه سیله ترکه مجبور اولاجنی یولنده کی عمومی بیاناتی عوام قاماراسنده باش وکیل یاپار . سائر ناظرلر ، عمومیتله ، یالکز دوغرودن دوغرویه کندیلرینه تعلق ایدن خصوصاتده سوز آلیرلر . طلب ایدیلن تخصیصاتلری مدافعه ایدرلر ، لایحه لر حقنده ایضاحات ویریرلر . کندی نظارتلرینه تعلق ایدن سؤاللره مقابلده بولونورلر . فقط ، عمومیتله ، برمذاکره نك ایکی اوج کون دوامی ناظرلردن برینی استراحته مجبور برامدادجه ، باشقه شیلرک مذاکره سنده فعال صورتده قاریشمازلر . ناظرلرک عوام قاماراسنده کندیلرینه مخصوص ایش اوطله لری واردر . چوق

کره کثرت مشغولیت اونلری اوطه لرنده او قدر آلیقویار که حکومتک لایحه لرینک اڭ آراهیتیلری مذاکره ایدیلدیکی زمانلر ناظرلر موقعنده یالکز بو پروژیه مدافعه یه مأمور ناظر دن باشقه سنک کوروله میسی نادر دکلدر . حکومته عائد خصوصات دن هیچ برینک مذاکره سنی کوزدن دور طوتماق وظیفه سی باش وکیله تعلق ایدر . یالکز بوتون عمومی مسئله لرده دکل ، حکومتک مهم بوتون لایحه لری حقنده سوز آلمغه دائماً حاضر بولونماسی لازمدر . بالطبع باش وکیل آنجق داخل بولوندیغی قماراده کی مذاکراته مداخله ایده بیلیر . بناءً علیه بوتون حکومت اوزرنده کی درجه نفوذی عوام قماراسی یا خود لوردلر قماراسی اعضاسی اولدیغنه کوره پک دکی شیر .

عوام قماراسی بویوک فرقه مجادله لرینه محل جریان تشکیل ایتدیکی ایچون ، لوردلر قماراسی اعضاسندن بر باش وکیل عادتاً محاربه میداننده عسکر لرینه التحاق ایده مه ین بر باش قوماندان وضعیتده قالیر . امرلرینی اوزاقدن یوللامغه و بونلرک اجراسنی بروکیلدن بکله مکّه مجبوردر . بوکی احوالده ، عوام قمارا - سنده کی اکثریتک رئیس عادتاً بر باش وکیل وکیلی اولور . قماراده کی ناظر آر تداش لری بالضروره اونکله استشاره ایدرلر . اکر اوزات آرزو ایدرسه ، قاینه نک رئیس عائد اولان حکم و نفوذک بر قسمی بنمسه یه بیلیر . غلادستونک یازدیغی کی: « عوام قماراسنک فائیتی، هرشی مساوی اولق شرطیله،

قامارايه پيشرو اولان ناظره ، لوردلر قاماراسنه داخل بولونان باش و كيكلك نفوذ و قدرته پك ياقين بر اقدار تأمين ايدر . بوبر تهلكه در . چونكه بو ذات سياست كنديسنك مافوق بولونان ذاته قارشى عوام قاماراسنى قوللانه بيلير . بوسورتله باش و كيللره ياپيلان - چوق شكر كه مقدار جه آز - فنا اويونلره دائر مثاللر ذ كر ايديليور » [۱] . قابينه لرى اوزرنده الك چوق نفوذ صاحبي اولمش و حكومتى كندى اداره لرى آلتنده الك صيقى صورتده طومش باتس و كيللرك هپسنك عوام قاماراسنه منسوب اولدقلى محققدر . حتى پك ايلرى كلن بر ذات دييور كه : « باش و كيل ايله قابينه ده كى آرقداشلىرى آراسنده پارلمنتوده كى حكم و نفوذ ، فرقه نرندنه كى اعتبار ، افكار عموميه مواجهه سنده توجه و محبت خصوصنده نه قدر چوق فرق و مسافه موجود اولورسه او قابينه ده ا چوق موفقيت احراز ايدر » [۲] .

ناظرلرك بر برلريله
مناسبتلى

آرقداشلىينه نسبتله آرى ويوكسك بر موقع اشغال ايدن يالكز باش و كيل دكلدر . ناظرلرك هپسى ده عىنى درجه ده عد ايديله مزلر . بر ناظرلرك نفوذ و تأثيرى كنديسنك شخصيته تابعدر . فقط اداره ايتديكى نظارتك و احتمالكه ده باش و كيل ايله آراسنده كى مسافه نك ده بونده تأثيرى واردر . چونكه قابينه داخلنده ممتاز

[۱] Gleaning of Past Years ، برنجى جلد ، ۲۴۲ .

[۲] مورلهى : والپوك حياتى ، ۱۶۴-۶۵ . بوكون بوسوزلى

بوقدر قطفى و عمومى بر شكلده سويله مك بر آرز مشكل اولور .

بر هیئت یا خود قابینه داخلندہ بر قابینه موجود اولماقہ برابر باش وکیل بعضاً باشلیجه آرقداشترینک نیم رسمی صورتده فکرلرینی صورار. اکر متحکم سنجیلی بر آدم ایسه کندیسینک اعتمادینی قازانه بیلنلر یا خود کندیسنه اهمیتلرینی تقدیر ایتدیرنلر باش وکیلک آمال و تصوراتی هنوز ساج و غیرمعین بر حالده ابکن حکومتک سیاستنه ایسته دکلری شکلی ویردیرمکه موفق اولق احتماله دهها زیاده مالک اولورلر. بوندن باشقه، قابینه دائماهب بر آراده ایفای وظیفه ایتمز. بعضاً، خصوصی لایحه لک تدقیق ایچون قابینه داخلندہ انجمنلر تعیین اولونور. حتی قدیم و معتبر بر اصوله کوره، قابینه حکومتک مهم لایحه لرینک تودیعنی بوقیل انجمنلره تودیع ایدز [۱].

عمومیتله سویلندیکنه کوره، ناظرلر کندی نظارتلرینک مشترک و متعدد سوق و اداره سندن دولایی پارلمنتویه قارشی شخصاً مسئول اولدقلری کی حکومتک عمومی سیاستندن دولایده مشترک بر مسئولیت آلتندہ درلر. انکلیر تشکیلات اساسیه سنک سائر بر جوق دستورلری کی، بوده مختلف دوره لرده مختلف تفسیراته تحمل ایده بیله جک درجه ده مهم اولق محسناتی اراءه ایتشدرد. فی الحقیقه، پارلمنتو ره ژیمینک انکشافی و فرقه لر آراسنده دهها [۱] جنوبی آفریقاده کی صوک محاربه ائناسنده مدافعه ملیه ایچون خصوصی بر قابینه انجمنی تشکیل ایدیلشدی. صوکره بوانجمن توسیع اولونمش و آشاغیکی باده ایضاح ایدیله جکی اوزره، دائمی برحاله کتیرلشدرد.

صریح و واضح بر فرقك تعینى دولایسیله مسئولیت مشترکه چوغامش و مسئولیت فردیه خفیفله مشدر . عوام قاماراسنك مخالف رأى اظهار ایتهمسى اوزرینه بر ناظرک شخصی اولارق استعفا سنه مثال شو وقعهلردر : مستر لود ، مفتشلك راپورینی دیکشدرمکه کندیسنى اتهام ایدن اکثریت آرا نتیجه سنده ۱۸۶۴ده تحصیل و تربیه انجمنی رئیس و کیلا سندن چکیلم مشدر . اختلاس ایله متهم بر افلاس کاتبه تخصیصات ویردیکی ایچون عوام قاماراسنده تخطئه ایدیلدیکندن دولایى ۱۸۶۶ده لوردشانسلور و ستبوری استعفا سنى ویر مشدر . اگر زمانزده شکایت سبیلری بر ناظرک شخصی بر خطاسندن منبعث ایسه ، عوام قاماراسنده بر تخطئه قراری کندیسنى استعفا یه مجبور براقه دن اول بالا اختیار استعفا ایتهمسى تأمین اولونمق پك محتملدر . مسئله ، سیاست عمومیه یی علاقه دار ایدیورسه ، حکومت ، استثنائى احوال بولونماق شرطیله ، بو خط حرکتك مسئولیتنى کندی اوزرینه آلیر و مخالف بر صورتده رأى ویریله سنى عدم اعتماد تظاهری دییه تلقی ایدر . دیگر طرفدن ، عوام قاماراسنك اکثریتی بر مذاکره ائناسنده ناظره سؤال صورایلیمك ، اونى تنقید و تخطئه ایتك حقنه مالک ایسه ده علینده ، قابینه نك سقوطنى انتاج ایدیه یله جك بر تقبیح قراری ویریله سنه قولای قولای راضی اولماز [۱] .

هر ناظر ، كندى نظارتك اداره سندن دولايى قاينه
 مواجهه سنده مسئولدر . بر ناظر هر دقيقه ، پارلمتوده تنقيد اتى
 دعوت ايده بيله جك مسائله تصادف ايلر . بونلرده ياپيلاجق
 بر خطا بوتون حكومت ايچون وخيم نتيجه لر ويره بيلير . مسئله نك
 حلنده كندى شخصى فكر ومطالعهنك نه درجه يه قدر حاكم
 اولماسى ايجاب ايده جكنى ، هانكى ايشلرى قاينه يه عرض ايتك
 مناسب اولاجغنى كسدير مك اوكا عائددر . بر طرفدن ، آرقدا-
 شلرينى اهميتسز تفرعات ايله مشغول ايدرك ازعاج ايتمه مى
 لازمدر . فقط ديكر طرفدن ، حقيقه سياست عموميه يى علاقه دار
 ايدن مسئله لرده اونلرك حريتنى تنقيد ايتمه مى ايجاب ايدر .
 شبهه يه دوشونجه ، هر زمان باش وكيلك مطالعه سنى الابيلير .
 فقط بوا مكانه رغماً جان صيقيجى بر طاقم خطالرك ارتكاب
 ايديله مى قابل دكلدر .

بر ناظر بالطبع كندى نظارتنه تعلق ايدن مسئله لردن قاينه
 مجلسنده بحث ايتك وظيفه سيله مكلفدر . فقط سائر نظارتلرك
 ايشلرينه مداخله سى اونره كوسترمك ايسته ديكي درجه علاقه يه

۲ نجى طبع ، ۲ نجى جلد ، ۷۱ ، ومتعاقب ؛ برنجى جلد ، ۴۴-
 ۲۹ ، ۶۶۸-۸۷ . ميس قاس مسئله سى حقنده نظردقى جلب ايچون
 ۱۸۸۷ ده عوام قاماراسنك تعليق مذاكره قرارى ويرمه سى داخله ناظرى
 مستر ماتهوس عليهنده بر تخطئه ديه تلقى ايديله بيليردى . فقط ناظر
 استعفا ايچون بونده بر مجبوريت كورمدى . Hans., 3 Ser.

تابعدر . مثلاً ، لورد پالمستون خارجيه ناظري اولديغى زمان ،
مخابراتنه كوره حكم ايديله جكسه ، باشقه مسئله لرله همان هيچ
اشتغال ايتمزدى . فقط داخله ناظري اولونجه مملكتك مناسبات
خارجيه سنده يالكنز فعال بررول اوينا مقلده قالمايارق حاكم برتائير
ونفوذ اجرا ايتدى . بوكا پك اعلا حقى واردى . چونكه
قايينه هم اداره نك مختلف شعباتنه مأمور ناظرلر ك بر اجتماعيدر
هم كنديسنة عرض ايديلن مسئله لر حقنده مشتركاً قرار ويرمك
اوزره طويلاشمس بر دولت مجلسيدر . بناء عليه ، بر ناظر
هر ايشده ، اونك كندى نظارتنه عائد اولوب اولماديغى كوز-
تمكسز ين كندى رأى و مطالعه سنى ترويج ايتديرمك ايچون
اصرار ايده بيلير . حتى قايينه نك مسئوليت مشتركه سنك تمل
بودر . بالخاصه ، قايينه مجلسلرينك روزنامه لر ينك بويوك بر قسمنى
اشغال ايدين مسائل خارجيه متعلق خصوصاتده بواصول
كوزه چارپار .

خزينه
ناظرلر آراسنده اختلاف افكار يالكنز سياست عموميه
وسائر نظارتلر متعلق مسائل مناسبتيله تحدث ايتمز . اداره عائد بر حقوق مسائل
جاريه واردر كه متعدد نظارتلرى علاقه دار ايده بيلير . بوتقديرده ،
مسئله نك تعلق ايتديكى ناظرلر بر لكده مذاكره ايدرلر .
آكلاشامازلرسه ، مشكلات باش و كيله واك نهايت قايينه عريض
اولونور . حتى ، سائر ليله دائمى صورتده تماسه - اختلافده
بيله ديمك قابلدردر - بولونان بر نظارت واردر كه اوده خزينه

(مالیه) Treasury در . بر فعالیت کوستن نظارتلرک کافه سی
 کنديسنه کوره ، مصارفاتی تزید خصوصنده پک حقی سبیلره
 مالکدر . کندي بودجه سنی ، باشقه نظارتلرک بودجه سنه پک
 اهمیت ویرمه دن تنظیم ایدر . حالبو که تخصیصاتلری بولمق وظیفه سی
 ایله مکلف اولان شانسلیه Chancellor of Exchequer ،
 مصارفاتک یکوننی قیصمغه چالیشمق مجبوریتنده در . بو وظیفه سی
 هیچ یامایه حق اولورسه حکومتک مصارفاتی فوق العاده بر صورتده
 آرتمقدن خالی قالماز . بودجه نک احضاری ایچون ایلك تدبیر
 اولمق اوزره ، خزینه صوک بهارده سائر نظارتلره بر تعمیم
 کوندردرک کله جنک سنه مالیه ایچون مصرف لایحه لرینی ایستر .
 بوجدوللر ابتدا دائمی مأمورلر طرفندن حاضر لانیر ، صوکره
 دائره نک پارلمتوده کی آمرینه عرض اولونور . اوبونلری تصحیح ،
 بلکه ده تنقیص ایدر . جدوللر خزینه یه کلدکلری زمان بودا ئره نک
 دائمی مأمورلری طرفندن نظر تدقیقندن کچیریلیر . بعض مأموریتلرک
 کافی درجه ده حکمت وجودی یوقسه بونک تعلق ایتدیکی نظارتدن
 ایضاحات ایسته نیر . بوندن صوکره خزینه مأمورلری جدوللری
 پارلمتوده کی آمرلرینه تبلیغ ایدرلر . بر مشکلات قالیرسه خزینه نک
 باشنده بولونان ذات ، موضوع بحث تخصیصاتک تعلق ایتدیکی
 نظارتک آمری ایله مذاکره یه کیریشیر [۱] . نظارتک پارلمتو آمری

[۱] مصارفات ملیه انجمنی . Com. Papers. Com.-on Nat.

Expendit. ، ۱۹۰۲ ، VII ، ۱۵ ، ذیل ؛ و ۳ .

خزینہ مأموری ایلہ اوزلاشامازسہ شانسلہ یہ مراجعت ایدیلیر .
 مسئلہ بوصورتلہ حل اولونمادیغی صورتدہ باش وکیلہ والکصوکرہ
 بوتون قابینہ یہ مراجعت ایتک مجبوریتندہ قالیرلر . شانسلہ نک
 آرقداشلرینہ قارشى موقعی نظر ملاحظہ آلیںرسہ دیگر ناظرلردن
 چوق کرہ باشقہ رأیدہ بولونماسی شایان حیرت کورولمز .
 غلادستون ، ۱۸۶۵ دە روزنامہ سندہ بوکا اشارت ایدیور :
 « تخصیصات تکلیفلی قلیج قوتیلہ حل اولونور » [۱] . قابینہ نک
 سائر بوتون اختلافلی کبی ، بونلردہ بعضاً هرکسک قولاغہ
 قدر واصل اولور . بالخاصہ ، شانسلہ نک استعفا سنی انتاج
 ایدہ جک درجہدہ شدید اولورلرسہ . لورد راندولف چورچیل ،
 کنڈیسنک علیہندہ بولوندیغی تخصیصات عسکریدہ قابینہ اصرار
 ایتدیکی ایچون ۱۸۸۶ دە چکیلمشدی . سرمیکل هیقس بیہش ،
 مصارفات عمومیه نک ترایدینہ قارشى اعتراضلی قابینہ لاقیدی
 ایلہ قارشىلامش اولسہ ایدی نظارتی ترک ایتمہ جکنی اخیراً
 سویلہ مشدر [۲] . غلادستونک قطعی صورتدہ چکیلمشنی
 انتاج ایدن سبب ، مدافعہ ملیہ مصرفی حقندہ آرقداشلی ایلہ
 اولان اختلافیدر . چونکہ ، اودورده شانسلہ اولمامقلہ برابر
 مسئلہ یی خزینہ نقطہ نظرندن پیش تأملہ المقدن کری
 دورمامشدر [۳] .

[۱] مورلہ ی ، غلادستونک حیاتی ، ۲ نجی جلد ، ۱۴۰ .

[۲] Hans. Ser. 4 CXXIII ، ۴۹-۳۴۸ .

[۳] مورلہ ی ، غلادستونک حیاتی ، ۳ نجی جلد ۵۰۶-۹ .

معین بر زمانده قاینه نك سیاست نه اولورسه اولسون ،
 مصارفات عمومیه نك یكونی نهایت عوام قاماراسنك حسیاتنه
 تابعدر . اوده افكار عمومیه نك تحت تاثیرنده بولونور . بعض
 قیصه اسراف دورهلری استننا ایدیایرسه ، ناپولیون محارباتنك
 ختامی تعقیب ایدن یتش سنه ظرفنده تصرف واقتصاده دوغرو
 بارز برتمایل مشهود اولمشدردر . ملت ویرکونك آغیرلغنی حس
 ایدیوردی . اردونك یاخود دونانمانك حاله هیچ اهمیت
 ویرمیوردی . هیچ بر جهته حکومتك مصرفی آرتیرمق
 آرزوسنی بسله میوردی . صوك كونلرده مخالف برتمایل
 کندیسنی کوستردی . مملکت کندیسنی زنکین حس ایتدی .
 مدافعۀ ملیه خصوصنده برچوق اندیشه لره دوشدی . عینی زمانده ،
 اقتصادی واجتماعی خصوصاته مداخله سیاستك انکشافی بویوک
 اصلاحات ومهم صرفیات آرزوسنی اوایاندیردی .

یوقاریدهده سویله دیکمز وجهله ، هیئت وکیله ، حکومتك
 سیاستنی تعیین وتثیت ایدن مرکزی وداخلی برزمره ایله
 بوتعین وتثیت ایدیلش خطوطی تعقیب ایدن خارجی برقسمدن
 ترکیب ایدردر . مرکزی زمره یعنی قاینه الك ایلری کلن فرقه لیدرلرینی
 محتویدر . بونلر بویوک نظارتلرک رأس اراده سنده درلر . دهاخارجی
 قسم ایسه دهها از مهم شعبات اداره نك باشنده درلر . بونلر
 پارلمنتویه منسوب مشاورلردر ، « وایپ » لردر ، قرالك دائرہ سی
 مأمورلری Officers of the royal household در . بونلرک

قاینه

وهیئت وکیله

کافه سی هیئت و کیله به داخلدرلر، قاینه ایله عینی زمانده چکیلرلر. فقط قرالک دائره سی مأمورینی، صفتلری اقتضاسی، سیاسی بر وظیفه صاحبی دکلدرلر. بناءً علیه بوراده بزى علاقه دارایده منزلر. قاینه به داخل بولونمایان نظارتلر رؤساسی، قاینه او قدر وسعت کسب ایده لی بری، عددجه آزمالشدردر. قاینه دن خارج براقیلمش ناظرلرک اکثریت عظیمه سی ایکی نوع وظائفی بولونان پارلمنتویه منسوب مستشارلردن عبارتدرلر. بو وظائفک بر قسمی اداره به بر قسمی پارلمنتویه تعلق ایلر. اداری وظیفه لری، بالخاصه شخصیت سببیه، پک متحولدر. بعضیلری رأس اداره سنه کتیریلدکلری نظارتلرک ایشنه فعال بر صورتده اشتراک ایدرلر، پارلمنتوده کی آمرلینه ترتب ایده جک وظیفه نک بر قسمی کندیملری کورورلر. حالبوکه بعض پارلمنتو مستشارلری همان همان هیچ اداری وظیفه ایفا ایتمزلر. فقط هر حالده، اونلرک اصل حکمت وجودلری پارلمنتوده در. پارلمنتوده اولدیغی کی اداره ده ده بر مستشاره تودیع ایدیلمن وظیفه نه اولورسه اولسون، مستشار آمرینه قطعی صورتده تابع بولونور. نظارته تعلق ایدن بوتون مسئله لری حل ایتک حق و بوندن متولد مسئولیت منحصرأ او آمره عائددر [۱]. مع مافیه، عوام قاماراسنده پک چوق

[۱] شایان دقتدرکه ایرلاندا ایچون لوردلیو تنانتک کاتب عمومیه سی پارلمنتویه منسوب بر مستشار دکلدر، حقیقتده ایرلاندا نظارتک رئیس اولان ذاتدر. ایرلاندا ویس روا Viceroy سی قاینه به داخل ایسه

چالیشان بر مستشارك ، لوردلر قاماراسی اعضاسندن بولونان آمرندن فضله كندیسنی کوستره بيلمه سی قابلدز .

بر ناظر آنحق منسوب اولدیغی قاماراده سوز سويله مك حقنه مالك اولابيله چکی جهته ، بر نظارتك هر قاماراده برر مثلی بولونابيلمك اوزره هر نظارت ایچون ایکی مثله لزوم اولدیغی عمومیتله سويلنمکده در . مع مافیه ، بوتامیه دوغرو دکدر . مثلاً بزذن اولکی بطنی تدقیق ایدرسهك ، خارجیه ، مستملكات وهندستان نظارتلرینك هر ایکی قاماراده ، منتظم صورته تمثیل ایدیلدکلرینی کوریرز [۱] . دیگر بویوك نظارتلرک هر برینك ده عوام قاماراسنده برر مثللری اولدقلرینی سويله مک حاجت یوقدر [۲] . فقط حربیه و بحریه نظارتلری لوردلر قاماراسنده دائماً تمثیل ایدیله مشدر . تجارت نظارتنك چوق کره لوردلر قاماراسنده کندیسنه خاص برمثلی اولما مشدر . حتی اداره محلیه وداخلیه نظارتلری ایچون مثلدن محرومیت معتاد برحالدز [۳] .

بوکا حاجت قالماز . کذلک صوک زمانلرده معارف نظارتنك احداشته کلنجهیه قدر مجلس وکلانك تحصیل و تربیه انجمنی رئیس ايله رئیس وکیلی آراسنده کی مناسبات واضح صورته تعین ایتمه مشدی .

[۱] مع مافیه ، ۱۹۰۵ تاریخنده کی لیبرال قابینه ده هندستان نظارتنك ایکی مثلی عوام قاماراسی اعضاسندن ایدیلر .

[۲] نافع و پوسته نظارتلرینك بعضاً عوام قاماراسنده کی مثللری خزینه اعضاسندن بری اولمشدر .

[۳] فقط دائماً بونظارتلره عاڈسؤاللره جواب ویرهك وایجاب ایدرسه خصوصی مثلدن محروم برنظارتك مدافعه سنی درعهده ایدهك حکومت اعضاسندن برذات واردر .

دیگر طرفدن ، خزینہ نك پارلمنتویہ منسوب بوتون مأمورلری
 هپ عوام قاماراسی اعضاسندیدرلر . بناءً علیہ مستشارلق مأموریتی
 یالکز بر نظارتہ ہر ایکی قامارادہ بر مثل بولونیدیرمق ایچون
 استعمال ایدیلہ یور . حتی چوق کرہ ایکی مثل ، حربیہ و بحریہ
 نظارتلری ایچون اوچ مثل ، عوام قاماراسی اعضاسندن
 بولونورلر . عوام قاماراسندہ ، آمری ایلہ برابر اولسہدہ ،
 بر مستشارك موجودیتی ، کورولہ جك بر چوق ایشلری اولان
 و بر چوق سؤلرہ جواب ویرمك موقعندہ بولونان نظارتلر
 ایچون بر قولایلق تشکیل ایدر . بوندن باشقہ ، مستشارلرك
 چوقلقی ، یوقاریدہدہ سویلدیكمز وجہلہ ، ہیئت وکیلہدہ
 هنوز قابینہ کیہ جك قدر شہرت و موفقیت صاحبی اولامیان ،
 فقط ہیئت وکیلہ ایچون مقدراتلرینی کندی مقدراتنہ تشریك
 حائز اهمیت اولان فرقہ نك کنج و مقتدر آدملرینہ بریر تأمین
 ایتك کی محسناتی حائزدر .

عالم مدنیتدہ صوك ایکی عصر ظرفندہ اداره تشکیلاتندہ
 قاپینہ
 وشورای خاص کورولن اك بویوك تحوللردن بری رسمی بر وجودی اولمیان
 فقط نظارتلرك باشندہ کی ذواتدن ترکیب ایدن بر قابینہ نك ،
 اعضالری حقیقی بر وظیفہ اداریہدن محروم بولونان رسمی بر
 شورای حکومت یرینہ قائم اولماسی کیفیتدر . انکلتہدہ بو
 اسکی شورانك شکلی ، شورای خاص Privy Council نامی
 آئندہ باقی قالمشدر . فقط صلاحیتی بر کولکهدن عبارتدر .

زمانمزدہ کی شورای خاص ہیچ بروقت برہیئت مجموعہ حالندہ
 طولانماز . یالکز بعض مراسم اجرایی ایچون بویلہ ہیئت
 عمومیہ سیلہ عقد اجتماع ابتدیی واقعدر . ہیچ شبہ یوق کہ
 نظامنامہ لک قبولی وسائرہ کبی برطاقم سیاسی حرکاتک ایفاسی
 ایچون شورای خاصک ایشہ مداخلہ سی الا آن حقوق نقطہ
 نظرندن الزمدر . فقط بوسادہ جہ تشریفات قیلندن برشیدر ،
 آنجق اوچ ذاتک حاضر بولونماسی کافیدر . بونلردہ ناظرلرک
 ویردکری تعلیمات دائرہ سندہ حرکت ایدرلر . چونکہ قابینہ دہ کی
 ناظرلرک کافہ سی شورای خاصہ داخلدر . شورای خاصک
 حقیقی صلاحیتلری بوکون انجمنلری طرفندن ایفا اولونمقدہ در .
 بونلرک اک مشہوری عدلیہ انجمنیدر . کلیسا ومستملکات
 ایشلرندہ استیفاف محکمہ سی وظیفہ سنی کورور . مقانیزہ سنی
 آشاعیکی بابلرک برندہ ایضاح ایدہ جکز . تجارت ومعارف انجمنلری
 کبی باشقہ انجمنلردہ بعض زمانلردہ دولتہ بویوک خدمت لری ایفا
 ایتملردر . فقط بواداری انجمنلرک اکمہماری بوکون ادارہ نک
 برنظارتی حالہ منقلب اولملردر . معافیہ ، شورای خاصک ،
 استقبالہ ، بو انجمنلری سایہ سندہ ، ایمپراطورلرک انکشافی
 ایلہ مبسوطاً متناسب برصورتہ یکی وغایت مهم وظائف سیاسیہ
 ایفا ایدہ بیلہ جک آیری برعضو اولمایہ جفی محقق عد ایدیلہ مز .
 الیوم ، شورای خاص دہا زیادہ فخری برہیئتدر . اعضالری
 قید حیات شریلہ تعین ایدیلیر . اعضالری Right Honourable

(پک محترم) عنوانی طاشیر . حتی بوصوک سنه لرده شورای خاص اعضائی سیاسیاتده ، ادبیاتده ، علومده ، حربده ، ادارهده ایفا ایدیلن خدماته مقابل بر نوع رتبه کبی توجیه اولونمشدر .

قاینه نك استقبالی مستر غلادستون ، قاینه نك « شكلنی ، صلاحیتلرینی ، وظیفه لرینی ، دائمی تشکیلاتی آرتق قطعی صورتده اکتساب ایتمس اولدیغی » فکرنده ایدی [۱] . احتمالکه ، قاینه نك یالکز پارلمنتو ایله مناسباتنه تعلق ایدن جهتهده حتی واردی . فقط پارلمنتو حیات سیاسییه وعمومییه نك قطعی ویکانه حکمی اولمق وضعیتنی یاواش یاواش غائب ایدیور . قاینه هر کون ملتله دها صیق برتماس حالنه کیریور . بوندن چیقاجق نتایجی شیمیدین کسیدیره مه یز . یالکز شوقدر سویله یه بیلیرز که قاینه نك اعضا لری پارلمنتوده متساند بروضعت آلورلر ومتفقاً اداره کلام ایدیورلر سده مملکت حضورنده هر زمان بوصورتله سوز سویله میورلر . ناظرلر ، پارلمنتوده خبر ویرمه دن اول برسیاست قرارلاشدریریورلر . فقط عمومی اجتماعلرده ایراد ایده جکلری نطقلر حقنده بر برلریله استشاره ایتیه بی هر زمان عادت ایدنمه مشلردر . موسیو چمبرلنک ۱۸۹۳ ده بر ترجیح اساسنه مستنداً یاپیلا بیله جک کومروک تعرفه لری لهنده ایراد ایتدیکی نطقده کی ناکهانی بیاناتی ، بعضاً وقوعه کله بیلن بر حالک پک قوتلی بر مثالیدر .

فی الحقیقه ، ناظر لړك ، افكار عمومیه قارشینده کی سلطه لری ،
 تزلزله او غرامامق ایچون مطلق براتحاد تام حالنده بولونمالرینه
 لزوم یوقدر [۱] . حالبوکه عوام قاماراسنده کی موقعلرینك
 محافظه سی ایچون بوکا قطعی بر لزوم واردرد . فقط پارلمنتو حکومتی
 شیمدیکی شکلنی محافظه ایتدکجه قاینه نك بینه سی بویوك تحولاته
 او غرامق محتمل دکلدرد . پارلمنتوره ژیمك کنديسی برده موقراسیده
 سیاسی فرقه لړك حرکاتی تأثیر یله تعدیلاته او غرا دینی تقدیرده
 نه کی تحولات وقوعه کله جکنی تعیین وتخمین ایده جک ساعتده
 هنوز حلول ایتمه مشدر .

[۱] دوق اوف آرژیل ، ۱۸۸۰-۱۸۸۵ تاریخنده کی قاینه ده
 بونی بر قباحث دیه تلقی ایتمشدر . مورله ی : غلادستونک حیاتی ،
 ۳ نجی جلد ، ۴ . غلادستون ، قاینه یه داخل بر ناظرک ، حق کلامنی
 « آنجق اعتدال ایله ، تیفظ ایله ، بویوك بر تواضع واحتیاط ایله »
 استعمال ایتمه سی لازم کله جکی فکرنده ایدی (کذا ، ۶۶۳) .
 حالبوکه کنديسنك آمریقادیه کی حرب داخلی یه دائر اولان احتیاطسزجه
 سوزلری ، وقتیله داخل اولدینی قاینه یی ایچه مشکل بر وضعیته
 صوقشدی . کذا ، ۷۵-۸۶ .

دردنجی باب

قوة اجرائیه دوائری

دولتک شعبات اداره سی منشأ تاریخیری و تشکیلات قانونیه لری اعتباریله بربرلندن پک فرقلیدر . هپسی او قدر دورلو دورلو تحولات کچیرمشلردر که بعض احوالده اسملری ایله مدلوللری آراسنده هیچ برمناسبت قالماشدر . چوق کره ، برمامورک عنوانی ، وظیفه لری حقه ده واضح بر فکر ویرمز . اک بارز مثال خزینه Treasury در . بوداثره نک رسمی رئیس ۸ نجی هانری زمانندن قرالیچه آنک وفاته قدر لورد های تریزورر Lord High Treasurer ایدی . ۱۸۶۴ دن صو کره بومقام دایما بر قومیسون حالده قالمشدر . یعنی وظائفی ، متعدد خزینه لوردلرندن مرکب برانجمنه حواله اولونمشدر . فقط ، انجمن هر تبدل وکلاده الا آن بر فرمان ایله منتظماً یکیدن تشکل ایتدیکی و حقوق نقطه نظرندن اسکی صلاحیتلرینی محافظه ایله دیکی جالده ، حقیقته تکمیل نفوذ و صلاحیتی الدن حیقمشدر . انجمنک آرتق هیچ طویلاندینی یوقدر . اعضاسندن برچو غنک

خزینہ ایشلریلہ همان همان هیچ مناسبتلری قالمامشدر . حقیقتده
 بوتون وظائفی شانسلیه Chancellor of Exchequer ایفا
 ایدر . فقط بوده الیوم آرتق برشانسلیه دکلدر ، Exchequer
 دنیلن دائرہنک ایشلرینی سوق واداره ایتمز . ایشته غریب برتکامل
 نتیجہسی اولارق ، لوردهای تریزورر Treasurer ک صلاحیتلری
 حقوقاً برانجمنه انتقال ایتمز وصوره ، تأسس ایدن بو عاده
 توفیقاً بوکون بوصلاحتلر بوتون بوتون باشقه برمأموره تودیع
 اولونمشدر . بوزانک عنوانی نه Treasurer ه خلف اولدیغنی
 آکلاتیر ، نهده شیمدیکی صلاحیتلرینک ماهیتلرینه دلالت ایدر .
 شعبات اداره ، منشألری و تشکیلات قانونیه لری اعتباریلہ
 بربرلرندن پک فرقلی اولمقلہ برابر ، عادانک انکشافی و پارلمنتو
 حیاتنک ایجاباتی نتیجہسندہ تطبیقات ایچون هپسی همان همان
 بربرینک عینی بر نمونه قبول ایتمکه مجبور اولمشلردر . باشلرینه
 کتیریلن سلطه نک شکلی نه اولورسه اولسون ، بوکون شعبات
 اداره نک فعلی و حقیقی اداره سی همان کافه سندہ یالکیز بر ناظر
 مسئوله عائددر . بوکا پارلمنتویه منسوب بر ویامتعدد معاونلریادیم
 ایدرلر . سیاسی بروصفی حائز اولمایان ، اداره ایشلرینی کورن
 دائمی بر هیئت مأمورینده کنديسنک امری آلتنده چالیشیرلر .
 رسمی دائرہلردن بر چوغنک تاریخی منشألری شو اوچ
 متبعدن برینه منسوبدر : یا ایلک دورہ نک بویوک مناصبه ،
 یادولت کاتبکلرینه secretariat of Stat یاخود دهاصوکره کی

دوائر رسمیه نک

منشأنی

قومیه Board و انجمنه . ایلک بویوک مناصبک چوغی فخری
 بر عنوان حالده یاخود یالکز قراک دائره سنه تعلق ایدر وظائف
 شکلنده الا آن باقیدرلر [۱] . رسمی ادارهیه حالا مربوط
 اولانلر قدیم حکم و نفوذینک بویوک قسمی محافظه ایتیش اولان
 لورد های شانسور ایله استحاله لرندن بر آزاوول بحث ایتدیکمز
 اولکی بویوک مناصب لورد های تریزورر ، صلاحیتلری کذلک بر انجمنه انتقال ایتیش
 اولوب آمیراللق انجمنه (یاخود نظارتنه) منسوب بولونان لورد
 های ادمیرالدر .

دولت کاتبکاری دولت کاتبکی ، قدیم بر مؤسسه در . فقط بو مقاملری
 (نظارتلر) احراز ایدنلرک شرف و اعتباری مختلف دوره لره کوره پک
 تحول ایتشدر . بو کون بش دولت کاتبکی (نظارت) موجوددر .
 بونلرک وضعیتلرنده کوزه چارپان خصوصیت شودر : حقوق
 نقطه نظرندن بونلر هپ عینی وظیفهیه اشتراک ایدرلر . قانونک
 بونلردن برینه یاخود دیکرینه بروظیفه تحمیل ایتدیک احوال
 مستثنا اولق اوزره ، هر بری دیکرلرینک کافه سنک وظائفی
 ایفا ایده بیلیر . اون سکنجی عصرک بویوک بر قسمنده بری
 شمالی دیکری جنوبی ده پارتمان ایچون ایکی دولت کاتبی واردی .
 برنجیسی شمال دولتلریله مناسباتده بولونوردی . ایکنجیسی
 جنوب دولتلریله وعینی زمانده مسائل داخلیه و مستملکات

[۱] لورد انتندان Lord Intendant و لورد شامبلان Lord
 Chambellan کی . لورد شامبلانک جمله وظائفی میاننده تیاترو
 اثرلرینک وصحنه لرده تمثیل ایدیلن شیلرک سانسورلکی ده داخلدر .

ایشلریله مشغول اولوق ایله مکلفدی . عصرک صوکلرنده اجرا ایدیلن بر سلسله تعدیلات ، دولت کاتبلرینک عددینی اوچه چیقاردی . بری مسائل خارجیہ ایچون ، بری داخلی امور ایچون ، بری ده حرب و مستملکه لر ایچون ایدی . قریم محاربه سی ، ۱۸۵۴ ده حرب و مستملکه دائره لرینک آیریلما سنی و عینی زمانده دردنجی بر دولت کاتبلکنک احداث ایدیلما سنی انتاج ایله دی . نهایت هندستان عصیان نتیجه سنده بو قطعه نك حکومتک مقام حکمداری یه انتقالی هندستان ایشلرینک رؤیتی ایچون ده بشنجی بر کاتبلکنک احداثه لزوم کوستردی .

شعبات اداره یه منشأ ظهور اولان اوچنچى منبع ، مؤخر یکی قومیتہ وانجمنلر بر دورده احداث ایدیلن بر چوق اداری قومیتہ ویا انجمنلر در که بونلرک وظیفه لری (نافعہ قومیتہ سی مستنا اولوق اوزره) بدایتده اجرائی بر ماهیتی حائز دکلدی . یعنی ، اساس اعتباریله دوغرودن دوغرویه اداره ایشلریله مشغول اولمازلردی . محلی حکومتلره ورسمی یا خود همان همان رسمی وظائف ایفا ایدن بر طاقم هیئتلره نظارت و بونلری قونترول وظیفه سیله مکلف ایدیلر . ایوم بو جنس قومیتہ لرک Board مقداری بشدر : تجارت نظارتی (Board) ، حکومات محلیه نظارتی ، نافعہ نظارتی ، زراعت نظارتی ، تحصیل و تربیه (معارف) نظارتی . بونلرک بعضیلری ، مثلاً برنجیسی و بشنجیسی شورای خاصک انجمنلرینک انکشافندن وجوده کلشلردر . دیگرلری ایسه

بدایتده سیاسی وصفی حائز اولمایان و پارلمنتو قارشیسنده آیرجه تمثیل ایدیله مش بولونان اداری قومیسونلردن چیمشلردر . تجارت نظارتی استئا ایدیلیرسه [۱] بوداثره لرك تشکیلاتلری و صلاحیتلری الیوم تماماً برقانونه مستددر [۲] . خطوط عمو- میه لری اعتباریله بربرلینه پک بکزرلر . بوهربری بررئسدن [۳] ، بش دولت کاتبندن و شورای خاص رئیسی لورد ، برنجی خزینه لوردی یاخود Chancellor of Exchequer کی بویوک مأمور- لردن مرکدر . اک اسکی قومیته لرده ایسه قانتربوری باش بسقپوسی خیالی قومیته لر ایله عوام قومیته سی رئیسی ده داخلدر . یالکز ، قومیته هیچ برزمان اجتماع ایتمز . رئیس یالکز باشنه نصاب اکثریتی تشکیل ایدر . تجارت نظارتنده ، حکومت محلیه نظارتنده ، معارف

[۱] تجارت نظارتی (Board of Trade) عنوانی الیوم قانونیدر (25-26 Vic., c. 69-§2; 52-53 Vic., c. 63, § 12, cl. 8) مع مافیه ، صورت تشکیلی قانون طرفندن تثبیت ایدیله مشدر . بونی هر حکمدارک حین جلوسنده ، شورا قراریله تعیین ایدرلر . یالکز ۱۸۶۷ تاریخنده یاپیلان بر قانون (30-31 Vic., c. 33) رئیس وکیلی وظیفه سنی الفا ایتمش و قومیته کاتبلردن برینک پارلمنتو اعضاسندن اولایله جکنی کوسترمشدر .

[۲] نافعہ نظارتنک تشکیلاتی ایچون باقکز : 14 14 Vic., c. 83 37-38 Vic., c. 42 . حکومت محلیه نظارتی ایچون ، باقکز : 52-53 Vic., c. 70 34-35 Vic., c. 30 . معارف نظارتی ایچون : 62 63 Vic., c. 33

[۳] نافعہ نظارتنده رئیس ، برنجی قومیسر عنوانی طاشیر .

نظارتنده اولدینی وجهله انجمنه داخل اولمیان ورئیس کبی
عوام قاماراسنه منسوب اولابیلن بر کاتبک یعنی پارلمنتویه
منسوب بر مستشارک معاونتیه تدویر امور ایلر . دیمک اولیورکه
فعلیاتده بو قومیتلر حقوقی برر خیالتدن عبارتدرلر . مسئول
بر تک ناظره خیالی بر طاقم رفقا ربط اتمکده درلر . حقیقتده
ایشلرک سوق واداره سنده حقیقه وظیفه دار بر قومیته طرفندن
اداره ایدیلن یکانه انکلین نظارتی بحریه دائرئسندن عبارتدر [۱].
هجو ه میل ایدن بر مدقق ، انکلین تشکیلات اساسیه سی
بر خیالات ییغینندن عبارتدر ، دیمشدی . قانون ، عرف و عادات
ایله آت باشی یورو مرسه ، نظری تشکیلات ، عضویتک عملی
و حقیقی فعالیتک آینه سی اولمقدن چیقار سه ظواهرک بویله بر سوزه
حق و یردیر مه سی ضرور یدر . فقط بویله قصدی صورتده خیالی
بر بنا قورمانک حکمتنه عقل ایردیر مک زوردر . بویله اولمقله
برابر ۱۸۸۹ ده زراعت قومیته سنک واهن سنه اول معارف
قومیته سنک حین احداثده بو صورتله حرکت ایدیشدر .
معارف قومیته سی مسئله سنده بو یوزدن بر خیلی تنقیدات سرد
اولونمشدر [۲] . سیر جون غروست ، بو مؤاخذله و یردیکی
جوابده ، باشقه قومیتلر (Board) ده بولوندینی ایچون ،

[۱] دها آشاغیده بحث ایده جکمز هندستان شوراسی بر اداره

قومیته سنک (Board) بعض اوصاف میزه سنه مالکدر .

Hans., 4 Ser. LXVIII; 678-9. LXX. 338-351 [۲]

143 LXXIII 632, 666

قامارانك بر معارف قوميتيه سى اولماسنى آرزو ايتديكنى ظن ايله ديكنى ، بو قوميته لر پك طويلانماقله برابر بالقوه موجود اولدقلرينى بيلدير مشدر [۱] . شورانك معارف قوميتيه سنك هيچ بر زمان طويلانماش اولديغى ادعاسنى رد ايتمش ، تقريباً يكرمى سنه اول بو قوميته نك بر كره اجتماعه دعوت ايديلديكنى و ايشلرله جداً اشتغال ايتديكنى سويله مشدر [۲] . بو خيالى قوميته لرك حكمت وجودينى ، دها دوغروسى هيچ بر حكمت وجودلرى اولماديغنى دوقاوف ده وونشايرك شو صميمى بياناننده پك اعلا كوريورز : « تخطر ايديه بيلديكمه كوره ، لايحه حاضر- لانمغه باشلاديغى زمان بومسئله موضوع بحث اولدى . فقط بر كاتبلك secretariat دكل ده بر قوميته شكلنك ترجيحه نه كى اسبابك سائق اولمش اولديغى تخطر ايديه مديكمى هيچ صاقلامادن اعتراف ايديه جكم . بوشكلك هر حالده متعدد امثالى واردر . قوميته نك هيچ بر زمان تشكل ايمه يه جكى ده محققدر » [۳] .

[۱] LXXIII, 676 كذا

[۲] بومذاكره ائناسنده لورد نورتون ، ايكى مختلف قوميتيه داخل اولديغى ، ققط بر مسئله مناسبتيله بونلرك طويلانديغى ياخود كنديسنك فكرى صورولديغى هيچ كورمه ديكنى بيان ايتشدر (Hans., 4 Ser, LXVIII. 676)

[۳] Hans., 4 Ser. LXX, 353 . آلتنجى بر دولت كاتبلكنك (نظارت) عدم احداثى ايچون جدى سبيلر بولونمش اولاجقدر . بالخاصه شو : بر دولت كاتبي (ناظر) بش بيك انگليز ليراسى آيلق آليز . حالبوكه قوميته رئيسنه ايكى بيك ليرا ويريلير .

حکومت دواړی حقنده ویردیکمز بوختصر معلومات
آراسنده هیچ براداری وظیفه سی اولمیان یاخود وظیفه لری
منحصرأ قرال دائره سنه تعلق ایدن مقاماتدن بحث ایتمه جکز.
بوقیل تقریباً ردوزینه قدر مأموریت واردر . بونلرک سیاسی
بروصفی حائز اولمالری اوموقعی احراز ایدنلرک هیئت وکلایله
برلکده استعفا ایتمه لرینه انحصارایدر . بونلری مسکوت کچوروز .
چونکه مقصدمن دولت مأموریتلرینی تعریف ایتک دکدر .
اداره خدماتنک مختلف شعباتی وایشلرک بونلر آراسنده طرز
انقسامنی آکلاتمق ایسته یوروز . برچوق دواړ ایچون ، برایی
کله صلاحیتلرینک اوصاف عمومیه سی حقنده بر فکر ویرمکه
کافی کله جکدر . بنیه لرنده وطرز فعالیتلرنده استثنائی برشی
وارسه اونیده مختصرأ کوسترمک قابلدر . مستملکات نظارتی ،
حکومات محلیه نظارتی ، معارف نظارتی کبی دواړ ایچون ،
مختصر برتدقیق ایله اکتفا ایده بیلیرز . چونکه آشاعیده فعالیت
اداره لرینه زمین تشکیل ایدن خصوصیاتدن بحث ایتدیکمز صیراده
دها مفصل بر صورتده بونلره عودت ایده جکز . حربیه ، بحریه ،
وخزینه دواړینه کلنجه ، تشکیلات لرنده کی خصوصیتدن و آرتق
اثر مزده بردها بونلردن هیچ بحث اولونمایه جغندن دولای
بر آاز دها مفصل معلومات ویره بیلیرز .

قط مستر برایسک دیدیکی کی ، (Hans., 4 Ser. LXXII 632)
اسقوچیا کاتبلکنده اولدینی کی بر دولت کاتبی (ناظر) درجه سی
حائز اولمایه جق بر کتابت احداث ایدیه بیلیردی . اسقوچیا کاتبلکنده
معاشی ایکی لیرادر .

خارجیہ نظارتی

خارجیہ نظارتی Foreign Office باشنده بر دولت کاتبی secretary of State (ناظر) واردر . طبعی صورتہ تشکل ایتمس بوتون دوائر رئیساری کبی بوکادہ پارلمنتویہ منسوب بر مستشار ایلہ دائمی بر مأمورین قادروسی معاونت ایدر . بو مأمورین قادروسنہ بر مستشار ، متعدد مستشار معاونلری ۔ کہ خارجیہ نظارتندہ عددرلی اوچدر ۔ و بر چوق مأمورین (clerks) وسائر دائمی مستخدمین داخلدر . اداره خصوصاتی تسهیل ایچون ، نظارتدہ بر طاقم شعبات واردر کہ ایشلر بونلرہ جغرافیایہ کورہ و قسمادہ موضوعلرینہ کورہ تقسیم اولونور [۱] . نظارت ، بالطبع مناسبات اجنبیہ ایلہ اشتغال ایدر ، بناء علیہ ، دیپلوماسی وقونسولوسلق مأمورلرینک سوق وادارہ سی بونظارتہ عائد بولونور . صلاحیتلری آراسندہ تصادف ایدیلن یکانہ غیر طبیعیک دیپلوماتیک بر نظارت صفتیلہ [۱] يك یاقین بر زمانہ قدر بوشعبہ لر بروجه آئی ایدی : ۱ - شرق شعبہ سی (شرقی آوروپا ایلہ مرکزی آسیا) ؛ ۲ - غرب شعبہ سی (غربی آوروپا ، شمال غربی آفریقا و بحر محیط کبیر آطلہلری) ؛ ۳ - آمریکا و آسیا شعبہ سی (چین ، ژاپون و سیامدہ داخل) ؛ ۴ - قونسولوس شعبہ سی Consular (شرق و غربی آفریقا) ؛ ۵ - تجاری شعبہ ؛ ۶ - باش مأمورلق Clerk شعبہ سی (محاسبہ ووظیفہ سی بوکا عائددر) ؛ ۷ - کتبخانہ (خزینہ اوراقدہ برابر) ؛ ۸ - معاہدات (سیویل دوائر حقندہ عوام قاماراسنہ ویرلن راورہ باقکز . Com. Papers, 1890, XXVII, 1) . برمدتن بری بونلرہ درت شعبہ دہا علاوہ ایدیلشددر : بری آفریقا ایچون ، بری آفریقادہ تحت حمایتدہ کی مملکتلر ایچون ، بری اقصای شرق ایچون ، بری دہ پارلمنتو ایچون . باقکز : The Foreign Office List

حائز اولدینی وظائف معتاده خارجده، مقام حکمدارینک تحت مالکیتده کی برطاق دیارلری ده اداره ایتمه سندن عبارتدر. دنیانک پک مترقی اولمایان اقسامی اوزرنده آوروپا نفوذینک تزايدی بر چوق یکیکلکر آراسنده برده «حمایه» طرزینی میدانه حیقارمشدر. بو، سیاسی بر امر اعتباری fiction نتیجه سنده حامی ایله محمی آراسنده هم بین الملل مناسبات، هم انسانیت پرورانه مناسبات تأسیس ایدر. بونک نتیجه سی اولارق، مستملکه لردن برینه مربوط بولونمایان تحت حمایه ده کی مملکتلردن بعضیلری خارجیه نظارتی طرفندن اداره اولونور. آفریقاده کی تحت حمایه ده بولونان بر چوق مملکتلر وبالخاصه مصر بویله ایدی. مصرده الان، نظریاتده، خدیو تورکیه سلطاننک تحت حاکمیتده اولوق اوزره حکومت ایدر. فقط مصری حقیقته برانکلیز مأموری اداره ایلر.

اجنبی دولترلرله اولان مناسباتنک اداره سی، ماهیتی اقتضاسی خارجیه ناظرینک اولارق خصوصی برطرزه رعایت ایدیله سنه احتیاج کوستیریر. مومی خارجیه نظارتنک ایشلرندن بویوک برقسمک، انکلیز تبعه سنک خصوصی مطالباتی تدقیق ومدافعه یه تعلق ایتمه سی طبعیدر. بوقیل برایش دائماً آز چوق اداری برکوره نك وامثال ایشیدر. فقط بونلرک خارجده، سائر دوأترده اولدینی کبی، مادون مأمورلرک اساسی بعض پرنسیپلری خصوصی وقایعه ساده جه تطبیق صورتیه آمر سیاسیسنه خبر ویرمه دن حل ایده بیله جکی تفرعات قیلندن

ایشلره خارجه نظارتنده پك چوق تصادف ایدیلز . اجنبی دولترلره اولان مخابراتك قسم اعظمی پك وخیم نتایج تولید ایده بیلیرلر . بناءً علیه ، بونلرك ناظره عرض ایدیله سی لازمدر . بناءً علیه ، خارجه نظارتنك دائمی مأمورلری ، سائر نظارتلرده کنه نسبتله ، ایشلرك سوق و اداره سی خصوصنده ده اآ اهمیتلی بر موقع طوتارلر . آشایکی بابلرك برنده اونظارتلرده کی مأمور- لرك درجه اهمیتلرینی ده ا مفصل صورتده آ کلاته جغز [۱] . بوندن باشقه ، اجنبی دولتلر نزدینه کوندریلن سیاسی مأمورلره تلغراف سایه سنده ، اسکیسنه نسبتله شیمدی ده ا زیاده معلومات ویریلیر . هر مملکتده دیپلماتیک مذاکراتی ده ا زیاده حکومت مرکزیه نك النده بولوندیرمق عادت اولمشدر . خارجه نظارتنك کوندردیکی مأمورلرك دولت ایچون بر کوز و قولاق صقیله حائر اولدقلری اهمیت بيله شیمدی آزالمشدر . سیاسی معلومات طویلامق اعتباريله غزته مخابراتلرینك اونلرك یرینه مع زیاده قائم اولابيله جکلری کورولمشدر .

بوتون بونلر ، اجانب ایله اولان مناسباتی ، دولت کاتبنك (ناظرک) النده طویلامغه منجر اولمشدر . بویله اولقله برابر ناظر ، پارلمنتونك صیقى بر قونترولدن شایان حیرت صورتده آزاده در . دیپلوماسی مخابراتی ، علی العاده ، محرمدر . پارلمنتوده

[۱] سکنزنجی بابیه باقکز . مع مافیه ، مأمورین قادروسنك اک باشنده بولونان دائمی مستشارلق ، مهم بر مأموریتدر .

مسائل خارجیه دائر ایراد ایدیله جک سؤالره جواب ویرمک
ایچون ، طلب ایدیلن معلوماتک مملکت ایشلرینه ایراث خلل
ایتمه دن اعطاسی قابل اولامایه جغنی سویله مک کافیدر . بونک
نتیجه سی اولارق ، خارجیه ناظرینک عوام قاماراسنده حضوری
سائر دوائر رؤساسنک حضورلری قدر الزم دکلدیر . ذاتاً
وظیفه سنک اهمیتی ناظره اوزون جلسه لرده حاضر بولوناییله جک
قدر بوش وقت بر اقاماز . بش دولت کاتبندن (ناظر) آنجق
دردینک عوام قاماراسنده اثبات وجود ایتمه لرینه مساعدده کوسترن
اوغریب قانونده کی ممنوعیت ده بو اسبابه انضمام ایتدیکی جهتله
۱۸۶۸ دن ۱۹۰۵ تاریخنه قدر خارجیه نظارتنه هپ لوردلر
قاماراسندن بری کلشدر . عوام قاماراسنده خارجیه نظارتی
مبعوثلردن بر مستشار تمثیل ایتمشدر . خارجیه ناظری بر طرفدن
پارلمنتونک بلا واسطه قونترولنه سائر ناظرلر قدر معروض
بولونماز سده ، دیگر طرفدن ، کندی آرقداشلرینک قونترولنه
دیگر ناظرلردن زیاده معروض قالیر . هر مهم تلغرافک ،
کوندر بله دن اول ، باش وکیلک و حکمدارک الندن کچمه سی
ایجاب ایتدیکنی یوقاریده سویله مشدک . بر قاعده عمومیه اولارق
دنیله بیلیر که بر اهمیت مخصوصه بی حاز بوتون تلغرافلر و مکتوبلر
قابینه اعضاسنک هر برینه تبلیغ ایدیلیر [۱] . حقیقته هیچ

[۱] بافکیز : The Adventure of a Paper in the

Foreign Office: Hammond Com. تجارت انجمننک مضبطه سی

Papers. ۱۸۶۴ ، ۷ نجی جلد ، ۲۷۹ ، مثله ۱۳۸۴ .

بر دائرہ رسمیه یوقدر کہ ناظرک اداری اجرا آتی آرقداشلرینک
قوتنرولنه بودر جہدہ معروض بولونسون .

مستملکات نظارتی انکلترہ ، دہ کیزلرک اوتہ طرفلرینہ دوغرو توسیع حاکمیت
ایتمکہ باشلادیغی کوندن اعتباراً ، اجانب ایله اولان مناسباتی
بو اوزاقده کی الکالری یوزندن گرفت بر حال آلمغہ باشلامشدر .
بناء علیہ ، برقاپسی دووینغ ستریتہ آچیلان خارجہ نظارتی
دائرہ لرندن سوقاغک دیکر طرفندہ کی مستملکات نظارتی دائرہ -
لرینہ بحی انتقال ایتدیرمک پک طبعیدر . فقط بورادہ
مستملکات نظارتی مناسبتیہ لاقیردی بی اوزاتمغہ حاجت کورہ -
میہ جکز . چونکہ تحت حاکمیتدہ کی الکالرک حکومتی آشغیدہ
متعدد بابلری اشغال ایدہ جکدر . مستملکہ لر نظارتندہ ، بری
پارلمنتویہ منسوب ، دیکری دائمی ایکی مستشار ایله معتلرندہ
برخیلی مأمورین واردر . بونظارتدہ دائمی درت مستشار معاونی
بولونور . بوتون مسائل حقوقیہ ایله برنجی مستشار اشتغال
ایدر . الیوم قانادا ، آوسترالیا و برچوق آطہ لرلہ اولان
مناسباتدہ برنجی مستشارک دائرہ صلاحیتی داخلندہ در .
ایکنجیسی جنوبی آفریقا ایله ، اوچنجیسی شرقی و غربی
هندستان ، مهاجرت ، حبس خانہ لر و خستہ خانہ لر ایشلریلہ ودها
سائر برچوق مواد متفرقہ ایله مشغول اولور . شرقی و غربی
آفریقا ایشلری دردنجی مستشارہ عائددر [۱] . فقط مستملکہ
Colonial Office List, 1907, P. XIII [۱] (بوتاریخندن
صوکرہ باشقہ تعدیلات یابلشددر) .

ایشلارینک بومأمورلر آراسنده صورت تقسیمی ثابت برشی دکلدرد. شخصی وقوف و اهلیتارینه کوره بدرجهیه قدر دیکشیر. مستملکات نظارتی ایله صیقی بر مناسبتی حائز اولمق اوزره مستملکه لرك هربری ایچون بر طاقم مأمورلر واردرد. مختاریت ادارهیه مالک مستملکه لرك مأمورلرینی مستملکه حکومتلری تعیین ایدرلر. مقام حکمدارییه عائد مستملکه لری تمثیل ایدن اوچ مأمور بالذات مستملکات نظارتی طرفندن تعیین اولومقدهدر. شوراسنی سویله مک اقتضا ایدرکه انکلیر تاجنک خارجهده مالک اولدیغی بوتون دیارلر مستملکات نظارتنک تحت اداره سنده دکلدرد. خارجهیه نظارتی طرفندن اداره ایدیلن تحت حمایه دهکی الکالدردن باشقه، سائر دوائر طرفندن اداره ایدیلن دهها برچوق کوچوک یرلر واردرد. مثلاً مان آطه سی و مانس آطه لری داخلیه نظارتنه تابعدرلر. صرف فنار خدماتی ایچون قوللانیلان بعض آطه جققلر تجارت نظارتنه ماحقدردلر. آسانسیون آطه سنه کلنجه، اداره نک بر امر اعتباری اولارق تلقیاتنه کوره، بو برکیدن عبارتدر. بناء علیه بحریه نظارتنک تحت اداره سنه ویریشدر. دیگر طرفدن بونلردن دهها واسع و حتی انکلتره ایمپراطورلغنک بوتون اقسام متبایه سنک مجموعندن نفوسی دهها چوق برالکا، هندستان، مستملکه لر آراسنده ادخال ایدیللمشدر. چونکه مستملکه اسمی مستملکات نظارتنه تابع یرلر حقنده قوللانیلیر. کندیسنه خاص آیری برتشکیلات ادارهیه واسطه سیله اداره ایدیلن یرلره شامل دکلدرد.

هندستان نظارتی هندستان ناظرینہ ، سائر دولت کتاترلرندہ (نظارت) اولدیغی کبی پارلمنتویہ منسوب مأمورلرلہ دائمی مأمورین قادروسنہ داخل مستخدمین معاونت ایدرلر . بوندن باشقہ برده هندستان شوراسی واردر . بونک لاقل اون ، اعظمی اون بش اعضاسی اولور . هربری اون سنہ مدتلہ تعیین ایدیلیر [۱] شورا اعضالرینک هندستان احوالہ یاقیندن وقوف پیدا ایتہلرینی تأمین ایچون ، قانون ، اعضادن دوقوزینک تعیینلرینہ تقدم ایدن بش سنہ ظرفندہ هندستانده یاشامش اولمالرینی شرط قیلار . بو شورا ، استشاری برهیئتدر . هیچ برقوۂ تشبیهیہ مالک دکدر . فقط ، بوتون ایشلر ، حرب و صلح و یا هندستانک دول اجنیه ایله یاخود یرلی دولترلرله مناسباتی کبی محریمتہ یاخود استعجالہ لزوم کوسترن مسائل مستثنا اولق اوزره بوتون ایشلر شورایہ عرض ایدیلک لارمدر . مع مافیہ ، دولت کاتبی (ناظر) شورانک رأییلہ مقید دکدر . یالکز برقاج ایشده شورایی دیکله مک مجبوریتندہ در . بونلرکده اک مهملری هندستان وارداتنک صرفی و هندستان ایچون استقراض تحویلاتی اخراجی مسئلہ لیدر [۲] .

حقوقاً ، هندستان حکومتی دولت کاتبی (ناظر) ایله شورا اداره وایفا ایدرلر . حتی هندستانده یاپیلان قانونلر ، بونلرک

[۱] اعضادن اوچی قید حیات شرطیلہ تعیین ایدیلہ بیلیر . دیگر-

لرینک مأموریتی بش سنہ مدتلہ قابل تجدیددر . ایلبرت : Government of India, 112, 7 Edw. VIII., c. 35

[۲] کذا ۱۰۵۲-۵۵ .

درمیان ایتدکلی مطالعه اوزرینه ، مقام حکمداری طرفندن
رد اولونابیلیر . فقط ، تلغرافله مخبره نك قولایلغنه رغما ،
هندستانك امور داخلیه سی الآن دهازیاده هندستانده بولونان
مأمورین طرفندن رؤیت ایدیلیر . وشایان تشکر در که انکلتیره دن
بونلرک ایشلرینه پك آز مداخله اولونور . بوندن باشقه ،
هندستان حکومتی اوزرنده پارلمنتونك قونترولی ده محدوددر .
مثلا هندستان وارداتنك حدودلرخارجنده کی سوقیاته ومحاربه لره
تخصیصی کبی بعض ایشلر ایچون پارلمنتونك مساعده سنه لزوم
وارددر . سائر احوالده نظارت ، معین بر زمان ظرفنده ، پارلمنتویه
کندی سیاستی حقنده معلومات ویرمکه مکلفدر . فقط ، پارلمنتو
ایچون معتاد قونترول وسیله سی همان هیچ دوشمز کیدر .
چونکه هندستان ناظرینك معاشی هندستان وارداتندن تفریق
ایدیلدیکی ایچون پارلمنتوده مذاکره یه بر زمین تشکیل ایتمز .
هندستان بودجه سی ، منتظم صورتده مجلسه تودیع ایدیلمکه
برابر ، پارلمنتو طرفندن تصدیق ایدیلکه محتاج دکلددر . دوره
اجتماعیه نك تاصوکنده ، سنه نك ایشلری همان بوتون بوتون
اتمام ایدیلدیکی ومبعوثلر جلسه لرده حاضر بولونمقدن یورغون
دوشدیکی برصیراده حکومت هندستان بودجه سنی مجلسه کتیریر .
ذاتاً بو ، بسیط برمالی جدولدر . بر مذاکره وسیله سی احضار
ایچون قامارایه هندستان واردات و مصارفاتنك یکونئی تضمن
ایدن برتقریری قبول ایتمه یی تکلیف ایلر . هندستان حکومتی

حقیقه بیان رأی ایتمه کندیلرینی صلاحیتدار تلقی ایدن اعضا
آراسنده بر مذاکره وقوعه کلیر . صوکره تقریر حالیه قبول
اولونور . ایشته هند مسئله لرنده پارلمنتو سلطه سنک ضعفی کوسترن
مثالر : ۱۸۹۱ سنه سی نیساننک اوننده عوام قاماراسی ناظرلرک
مخالفته رغماً آفین رسمی علیهنده بر تقریر قبول ایتدی .
۱۸۹۳ سنه سی حزیراننک ایکسنده کنذک ، بوندن بویه
هندستان مأموریتلرینه قبول امتحانلرینک انکلترده اولدیغی
کی هندستاندهده بایله بیله چکنه دائر برقرار ویردی . هرا یکی
مسئله دهده حکومت بو قرارلاشان اصلاحاتی تدقیق ایتدکن
صوکره قامارانک خطا ایتدیکنه قناعت کتیردی و بو تقریرلری
موقع اجرایه قویمادی . وضعیتک بویه اولماسی صوکره درجه ده
ابی برشیدر . چونکه باشقه بر مملکتده باشقه بر عرق طرفندن
انتخاب ایدیش تمثیلی بر مجلس قدر بر قومی اداره ایتمه قابلیت
هیچ بر هیئت تصور اولوناماز .

عظیم مستملکه لر ایمپراطورلغی انکلترونک دول اجنبیه ایله
اولان مناسباتی گرفت برحاله صو ققوله برابر انکلتره بی الک برنجی
بحری بر دولت موقعه ده چیقارمشدر . بویرلری ، تجارت سفینه لرینی
وبونلرک غذا احتیاجلرینی مدافعه ایچون انکلترونک معظم بر قوه
بحریه سی واردر . اونلرک غذا احتیاجلرینی تأمین ایتمه ده آزامهتلی
بر مسئله تلقی اولوناماز . بناءً علیه ، انکلتره ایچون معظم بر قوه
بحریه تشکیلاتنه مالک اولق سائر دولترلره نسبتله چوق مهم بر ایشدر .

یوقاریده سویله مش اولدیغمز وجهله ، بحریه ، ایشلرک رؤیتی بحریه نظارتی ایله جداً اشتغال ایدن برانجمنک اداره ایتدیکی یکانه نظارتدر . مع مافیه ، بوراده بوسوزلر بحریه انجمنک ماهیتی حقنده بزه یا کلس بر فکر ویره بیلیر . انجمن ، بویوک مهر ایله تختیم ایدیلن فرمانه نظراً ، برنجی لورد ایله درت بحری لورددن و بحریه نك سیویل لوردندن ترکیب ایدر . فقط شوراده اتخا ایدیلن برطاقم مقررات ایله دائره نك تعاملاتی ، انجمنک پارلمنتویه منسوب کاتبی ایله دائمی کاتبه ده اعضا صفتی بخش ایتشدر [۱] . برنجی لورد ، سیویل لورد ، پارلمنتویه منسوب کاتب عوام قاماراسنده اعضا اولابیلرلر . حقیقته ، هر زمان پارلمتونک ایکی قاماراسندن برینه منسوبدرلر . دائمی کاتب ، اسمندن ده آکلاشیلدیغی اوزره ، دائمی بر مأمورد ، بناءً علیه عوام قاماراسنک خارجنده در . بحریه لوردلری ایسه ، پارلمنتویه قابل انتخاب اولقله برابر [۲] ، نادر اپارلمنتویه داخلدرلر [۳] . مع مافیه ، دائمی مأمورده دکلدرلر . هر دورلو سیاسی ماهیتدن آزاده ، فقط هیئت وکلانک سقوطیله برابر چکیلکه مجبور غیرطبیعی وضعیتده بر مأمور موقعنده درلر . بوندن بحریه لوردلرینک اکثریت فرقه سنه منسوب اولمالری

[۱] بحریه و حربیه دائره لرینک اداره سی حقنده کی قومیسرلرک

راپوری . Com. Papers. ۱۸۹۰ ، ۱۹ نجی جلد .

[۲] 3-2 Will. IV., c. 40. § 1

[۳] لورد چارلس برسفورد هم بحریه لوردی ایدی هم ۱۸۸۶ دن

۱۸۸۳ ه قدر عوام قاماراسی اعضا سندن ایدی .

ویکی بر قابینه کلنجه اوما مورینه تعین ایدیله بیلدکری معناسی.
 چیقارلما لیدر . اداری غعنانك تماردیسنی وایشلره وقوفی تأمین
 غایه سیله دهکی فرمانلر Patent ویریله بیلیر . اولکی قابینه زمانده
 خدمت ایتمش بر ویا متعدد لوردلره بوما موریت توجیه اولونور .
 موقع اقتداره کلن فرقه دن اولکی فرقه نك قابینه لری زمانده
 بوموقعلرده بولونمش ذاتلرده عینی وظیفه یه تعین اولونور .

برنجی لوردك وضعیتی فرمانلرک متنه نظراً ، بحریه انجمننك بوتون اعضالری عینی
 نفوذ و اقتداره مالکدرلر . فقط فعلیاتده ، دائماً قابینه یه داخل

بولونان برنجی لورد ، بحریه دائره سنك مسؤلیتنی پارلمنتویه قارشى
 درعهده ایتمش یکانه ذاتدر . برنجی لوردك توصیه سی اوزرینه حکومت
 انجمن اعضالرنی تبدیل ایده بیلدیکی ایچون ، انجمن اعضالرنك
 برنجی لورد طرفدن پارلمنتو حضورنده مدافعه ایدیله بیله جك
 برخط حرکت تعقیب ایتمه لری ضرورت کسب ایدر . دیمك
 اولیورکه قابینه حکومتنك تکاملی ، برنجی لوردك وضعیتی
 بویولتمش واونی ، فعلیاتده ، استشاری بر مجلس طرفدن معاونت

کورن بر بحریه ناظری موقعنه چیقارمشدرد . بووضعیت ۱۸۶۹
 کانون تانیسی ۱۴ نده و ۱۸۷۲ سنه سی مارتنك ۱۲ سنده شوراده
 اتحاد ایدیلان قرارلر ایله احداث ایدیلش دکلسه ده تثبیت اولونمشدرد .
 بومقرراته نظراً ، برنجی لورد بحریه نك بوتون ایشلرندن
 مسؤلدرد [۱] . ایشه بوضورتله درکه « بحریه دائره سی اداری
 [۱] بحریه و حربیه دائره لری حقنده کی قومیسرلرک راپوری

برانجمنك تحت حڪمنده بولونمقدن زياده مسئول برآمرڪ تحت
حڪمنده برشورا وصفی حائزدر « [۱] » .

سيویل لورد ايله ماليه کاتي يا خود پارلمنتويه منسوب کاتب، سائر لوردلر
ايکنجی درجهده ناظرلردر . بونلرک موقعلری پارلمنتويه منسوب
مستشارلرک وضعيته معادلدر . دائمی کاتب کبی بونلرده سيویل
حياته منسوبدرلر . حالوکه درت بحريه لوردی، بحريه ضابطيدرلر،
على العاده ، رتبهلری ده يوکسکدر . بحريه دائره سنک اداره سنه
مسلكده کی وقوف واختصاصلریله يارديم ايدرلر . فقط انجمنك
اعضالری، قابينه داخل ناظرلر کبی ، مشترک صلاحيتلره مالک
اولدقلری قدر فردی صلاحيتلری ده حائزدرلر . ۱۸۷۲ سنه سی
مارتنک ۱۹ نده و ۱۸۸۲ سنه سی مارتنک اوننده شوراده اتخاذ
ايدیلن مقررات و بونلری اتمام ایدن نظامنامه لر موجبجه دائره نك
ايشلری انجمن اعضالری آراسنده تقسیم اولونمشدر . اعضادن
هربری خدماتك برقسمی اداره ايدر و بونلردن دولایي برنجی
لورده قارشی مسئول اولور . بوتشکیلات ، کرک سیاسی ایشلرک
اداره سنی کرک آمیراللرک و قوماندانلرک تعینتی برنجی لوردک
النه ویریور . عینی زمانده آمرینک ال برنجی مشاوری خدمتی ده
کورن برنجی بحريه لوردی نعییه مسئلهلری، دونامانک انقسامی،
انضباط ، قوماندان رتبه سی فوقنده کی ضابطانک انتخابی ایشلریله
اشتغال ايدر . ايکنجی بحريه لوردی طائفه لرک وضابطانک تدارکی

[۱] کذا .

و تربيه سى ايله مشغول اولور. قونترولور Controllor اولان اوچنچى بحريه لوردى ترسانه لره ، تعميراته و جبخانه يه باقار . يونيور (كوچوك) بحريه لوردينه كلنجه ، اونقليات ، صحيه مسئله لرى ، دونانماك ارزاق و كومور ايشلى ايله اشتغال ايلر . سيويل لورد سيويل بنالرى اداره ايدر ، لوازم قونطوراتلرينى ياپار ، ايجاب ايدن اراضى يى ساتون آلير . پارلمنتويه منسوب كاتب ، بحريه دائره سنك امور ماليه سندن مسئولدر . دائمى كاتب ايسه بحريه دائره سى اقلانمك كاتبلرينى اداره ايلر . وثائق و مخابرات ايله او مشغولدر . انجمنه يكي اعضاىر كلديكى زمان ايشلك بريفصله اوغرامادن دوامنى تامين ايدنده اودر [۱] .

حاصلى ، بحريه نك اصل اداره سى مختلف شعباتك باشنده بولونان انجمن اعضا لرينه عائددر . انجمن ، چوق كره ، برنجى لوردك تدقيقى حواله ايتديكى مسئله لرله مشغول اولمق اوزره طوپلانير [۲] . انجمنك طرز مسماعيسندن بعضاً شكاييت ايديلديكى واقعدر . شيمديكى تشكيلاتى تدريجى بر توافق و تطابق نتيجه . سيدر [۳] . اليوم قبول ايدلش اولان سيستم پك ممنونيت بخش كى كورونيور . فى الحقيقه ، بحريه تشكيلاتى ، مع التأسف

[۱] بحريه انجمنى اعضا لرى آراسنده ايشلك صورت توزيى حقنده

راپور . Com. Papers, 1890, XLIV, 605

[۲] بحريه و حربيه دواثرينك اداره سى حقنده قوميسر لر راپورى

Com. Papers, 1890 XIX 1. p. 9,

[۳] تود ، ۲ نجى جلد ، ۷۶۷ و متعاقب .

تفقدادن بودرجه آزاده قالامایان حربیه تشکیلاتی ایچون مودل اولوق لازم کله جکی متصل ادعا اولونمقدهدر .

حربیه نظارتنک تشکیلاتی ، بحریه نککندن زیاده تحولاته حربیه نظارتی اوغرامش ، کرک پارلمتوده کرک افکار عمومیهده بر چوق شکایتیره میدان ویرمشدر [۱] . خلق حکومتی اساسنه استناد ایدن سائر مملکتلرده اولدینی کبی انکلتزهدهده عسکری قوماندانلغک سیویل قونترول ایله تألیفی خصوصنده مشکلات چکیلمشدر . بحریهده اولدینی کبی حربیه نظارتندهده الک یوکسک نفوذ و صلاحیتی پارلمتودهده کی آمرک الیه تدریجاً نقل ایچون بر تمایل کورولمشدر . فقط بر طاقم اسباب — که بو میانده قرالیچهنک مقام حکمداری ایله اردو آراسنده شخصی بر مناسبت بولوندینی فکرینه معندهانه قاپماسیده داخلدر — حربیه نظارتنک تکاملنی

[۱] قوای عسکریه ، منتظم اردو (که بونده احتیاطلر یعنی خدمت عسکریه لرینی ایفا ایدن فقط حرب طهورنده تکرار عسکره چاغیر یلابیلن آدملرده داخلدر) ایله میلپسدن ، یهئومنری Yeomanry ایله کواکلیلردن مرکبدر . میلپس ، کواکلیلره نظراً ، منتظم اردویه دهها زیاده یاقلاشیر . قطعی بر تعهد طریقیله طوپلانیر . تعلیم دورهسی دهها اوزوندیر . قوای معاونهدن هیچ بری انکاتره قرالانی خارچندن طوپلاناماز . فقط ، کواکلیلر استیلا تقدیرنده یالکز مملکت مدافعهسی مسئلهسنده منتظم اردویه مظاهرت ایچون قولانیلابیلدیکی حالده میلپس دائماً حرب زماننده عرض خدمت ایتش و چوق کره کرک داخلده کرک خارجهده غارنیزون وظیفه سنی ایفا ، یدیکی کبی خارجهده کی سفرلرده اشتراک ایله مشدر . یهئومنری میلپسه داخل بر سواری تشکیلاتیدر .

بطى و متردد برحاله سوقشدر . قريم محاربه سى زمانه كلنجيه
قدر ، اردونك اداره سى مختلف مقاماته عائد ايدى . بونلر
آراسنده كى مناسبات ابي تعيين ايديله مش اولديغى كى باشلارنده
تك بر امرده يوقدى . بونك نتيجه سى اولارق بالطبع مشكلات
واسرافات تحدث ايتدى . حرب ائناسنده عسكرك چكديكى
اضطراب مسئله يي خلقك كوزينه چارديردى . حرب ايجون
بر دولت كىتابى (نظارت) احداث ايتك صورتيله بر چاره
بولونمق ابسته نلدى . اردويه تعلق ايدن ايشلرك بر چوغى بو
ناظر ك الله طويلا ندى . يالكز ، بو اصلاحات ايله مترافق
اولمق اوزره حربه نظرارتنده يكي بر تشكيلات يالما ديغى كى
دولت كاتى (ناظر) ايله باش قوماندانك صلاحيتلى ده صريح
صورته تحديد اولونمادى [۱] . او دورده باش قوماندانلق ،

۱۹۰۴ ده ميليس ايله كوكليلر حقنده تشكيل ايديلش بر قوميسيونك
ويرديكى راپوره كوره ، بوايكى نوع قوت منتظم بر اردونك هجومه
دايانه بيله جك برحاله دكلدر . هرايكيسى ايجون ده تعليم دوره سى تمديد
ايدليك لازم كلىر . منتظم اردونك بويوك بر قسمك غيبوتى ائناسنده
انكلتره يي حمايه ايتكه قادر ومداغه مليه يه خادم براردو آنجق خدمت
مجبوريه عسكريه سايه سنده قابل تأميندر . Com, Papers, 1904, XXX, 175, p. 6, 9, 11, 15-16
افكار عموميه نك اكثريت
عظيمه سى بو مجبوري خدمت عسكريه توصيه سنى پك فنا قبول ايتدى .
۱۹۰۷ ده بر قانون ، قانونى جمعيتلى طرفندن بر مستحفظ اردوسى
تشكيلنه مساعده ايدليك صورته قواى معاونه يي تقويه ايتك اساسنى
تأمين ايله دى . 7. Edw. VII., c. 9.

[۱] بو دوره يه قدر حربه نظرارتنك تاريخى ايجون باقكر :

Military Force of Crown : Clode

دوق اوف كمبريجك النده ایدی . كندیسنك خاندان قرالی یه منسوب بردوق اولماسی قرالیچه نك اردو حقه ده کی حسیاتی ایله برله شجه ، حربیه نظارتی تماماً ناظر ك حکم و نفوذی آلتیه ادخال امکانتی سلب ایتدی . مع مافیه ، ۱۸۷۰ ده قرالیچه دن بعدما باش قوماندانی تماماً ناظر ك حکم و نفوذی آلتیه ادخال ایده جك بر اراده استحصال ایدیله بیلدی [۱] . مع التأسف شوراده اتخاذا ایدیلن بو قرار نه حربیه نظارتنك تشکیلاتی نه نظارت ایله باش قوماندانلق آراسنده کی مناسبات مسئله سنی حل ایدمه مشدر .

برطاقم قومیسئونلر بوایشنری تدقیق ایتدیلر . صوك سنه لرده لورد هارتینگتونك قومیسونی
بونرك اك مهمی لورد هارتینگتونك ریاست ایتدیکی قومیسئونلر كه مضبطه سنی ۱۸۹۰ تاریخده ویرمشدر [۲] . اوتاریخده [۳]
حربیه دائره سنك عمومی نظارت و تفتیشی وظیفه سیله مكلف معاون عمومی Adjutant General ، باش قوماندانك برنجی ارکان حربیه ضابطی ایدی . و بوصفته عسكرك خالندن آمرینه قارشى مسئول بولونیوردی . اردونك دیکر بویوك ارکانی [۱] شوراده اتخاذا ایدیلش قرار ، ۴ حزیران ، ۱۸۷۰ .

Com. Papers. XLII., 683

Com. Papers, 1590, XIX, 1 [۲]

[۳] ۱۸۸۷ سنه سی کانون اولنك ۲۹ نده و ۱۸۸۸ سنه سی شباطنك ۲۱ نده شوراده اتخاذا ایدیلن فرار موجبجه . - کذا ، ذیل ، ۸ .

— یعنی قرارگاه رئیس عمومیسى Quarter-master General ، کاتب عسکرى Military Secretary ، طوبخچى مدیرى Director of Artillery ، استحکامات تفتیش و استخبارات عسکریه مدیرى — ده ناظره قارشى دکل باش قوماندانه قارشى مسئول ایدیلر . اونکله معاون عمومى واسطه سیله مناسبته بولونورلردى . ایشته ، نظریاتده حربیه نظارتنک برتون ارکانى ناظرک معیتده بولونماسنه رغماً ارکان ایله ناظر آراسنده باش قوماندانلق مقامنک یوکسلدیکی کورولیوردی . باش قوماندانلق ، ناظرک مداخله سی اولمادن مقام حکمداری ایله دوغرودن دوغرویه مناسبته بولونابیلیوردی . قومیسئونک فکرنجه بوسیستم مختلف شعبات رؤساسنک ناظره قارشى جدی صورته مسئول اولمالرینه امکان براقایوردی . ناظره ، مسلکدن آدملرک درمیان ایده جککری مطالعات سایه سنده تنور ایده بیلمک چاره سنی تأمین ایتمه یوردی . بناءً علیه ، قومیسئون ، باش قوماندانلق فعالاً الغاسنی تکلیف ایده رک وظائفنک مختلف ارکان آراسنده تقسیم ایدلمه سنی وبونلرک ناظره قارشى شخصاً مسئول اولمالرینی توصیه ایلیوردی . حاصلی ، بحریه نظارتی طرزنده برتشکیلاته طرفدار بولونیوردی .

۱۸۹۵ ده یاپیلان بویه براصلاحاتک باشلانغجی اولمق اوزره ، ۱۸۹۵ ده لیبرال قابینه سنده حربیه ناظرى بولونان سر هازری قاپیل بانرمان دوقاوف کبریجک استعفا سنی تأمین ایتدی . یرینه لورد وولسه ی

تعدیلات

بش سنه مدته باش قوماندان تعيين اولوندى . صوكره، ناظر ،
 هارتينغتون قوميسيونك وصايسى دائره سنده بر تشكيلات
 لايحه سى حاضر لاندیغنى بيلدیردی . فقط تام اوصیراده هیئت
 وکیله سقوط ایتدی [۱] . یكى ناظر لورد لانسداون ،
 حاضر لانان لايحه ده بعض تعديلات ياپارق باش قوماندانك
 صلاحيتنى آرتیردی . بويكى سياست ، ۱۸۹۵ سنه سى تشرین
 ثانیسنك ۲۴ نده شوراده اتخاذايدیلن بر قرار ایله تصدیق
 ایدیلدی . آرقه سندن تنظیم اولونان بر مخطرده مختلف شعبات
 رؤساسة قرارنامه نك بخش ایتدیكى صلاحیتلر مفصلاً ایضاح
 اولوندى [۲] . بويكى سیسته مده باش قوماندان ، اصل باش
 قوماندانلق وظیفه سنى ایفا ایدیور ، اردو امرلری اصدار ،
 عسکری تفتیش ایله یور ، اردونك توزیعی حفضده قرار ویریور ،
 سوق الجیش پلانیرینی حاضر لایوردی . بوايشده کنديسنه یارديم
 ایتمك اوزره امری آتنده استخبارات عسکریه مدیری بولونیوردی .
 بوتون دوائر عسکریه یه ده باش قوماندان نظارت ایده جکدی .
 حربیه ناظرینك اك برنجی مشاور عسکرسی باش قوماندان
 ایدی . بوتون مهم مسئله لر ناظره عرض ایدیلده دن اول باش
 قوماندانك لندن كچمك لازمدی . انضباط ، ضابطلرک و نفرلرک
 تعلیم و تربیه سى ، اونیفورمالرک مودللری مسئله لری معاون
 [۱] بواصلاحانك موضوع بحث اولدینی مذاکره نتیجه سنده طویلانان
 رأیلر اوزرینه .

عمومی یہ عائد ایدی . بوصول نقطہ بویوک بردیکیشچی مغازہ سی
 قدر دورلو دورلو مودایہ متحمل برشیدی . قرارکاه رئیس
 عمومیسی ارزاق مسئلہ سی ایلہ ، حیوانلرک ییہ جکی ایلہ ، نقلیات
 ایلہ ورہ مونت ایلہ مشغول ایدی . استحکامات مفتشی قلعہ لری ،
 قیشلہ لری ، الخ . انشا و محافظہ ایدر ، مهندس لر ہیئتنی تحت
 نظارتده بولون دیرردی . جیخانہ مفتش عمومیسی لوازم و تجهیزات ،
 جیخانہ تدارکیلہ اشتغال ایلردی . بوارکاندن هر بری کندی
 دائرہ سنہ عائد ایشلر حقندہ ناظرہ مطالعہ سنی بیلدیریردی .
 محاسبہ جی Financial Secretary بوتون مصارفات ایشلریلہ
 مشغول اولور ، حساباتی تدقیق ایدردن . ۱۸۹۹ تاریخہ
 کلنجہ یہ قدر عسکری فابریقہ لرک اداره سی ده اوکا عائد اولمشدر .
 فقط اوسنہ اتخاذ ایدیلن برقرار موجبہ عسکری فابریقہ لر
 جیخانہ و لوازم مفتش عمومیلکنہ ربط ایدیلدی ، مفتشلرک
 عنوانی مدیرلکہ تبدیل اولوندی . قراری تعقیب ایدن مخطرہ
 موجبہ بر حربیہ نظارتی شوراسی تشکیل اولونمشدی . بو
 مجلس عسکری دواثری رؤسای ایلہ مستشارلردن ، محاسبہ جیدن
 و بورایہ دعوت ایدیلہ بیلہ جک سائر ضابطلردن ترکیب ایدیوردی .
 وظائفی ناظرک تبلیغ ایتدیکی مسائلی مذاکرہ ایتمکدن عبارتدی .
 براردو قومیتہ سی ده تشکیل اولوندی . بوقومیتہ باشلیجہ دواثر
 عسکریہ رؤساسنی احتوا ایدیوردی . وظیفہ سی اردونک یوکسک
 درجائنہ ترفیع ایدیلہ جک طابطلر حقندہ راپور ویرمکدن ،

تخصیصات طلبری و ناظرک تودیع ایدہ جکی سائر مسائل حقندہ
بیان مطالعہ ایتمکدن عبارتدی .

بودورده یاپیلانک بویوک ایکی دیکشکلک، باش قوماندانلغک
بونلرک ویردیکی نتیجه لر
صلاحیتلرینک تعدیلاتی ایله حربیه نظارتندہ استشاری قومیتہ لرک
احداثہ انحصار ایتشدرد . مع مافیہ بویاکی تدبیردن هیچ برینک
کندیلمدن بکلہ ن نتیجه لری تأمین ایتہ مش اولدیغنی اعتراف
ایتمک لازم کلیر . دفعات ایله بوقیل استشاری قومیتہ لر احداثی
اصولہ توسل ایدیلمشدر . بونلر برمدت فائدہ لی صورتدہ ایفای
وظیفہ ایتدکدن صوکرہ طوپلانماز برحالہ کلشدر و اونو توشلردرد .
ایشتہ ۱۸۹۵ دە تأسیس و ۱۸۹۹ ایله ۱۹۰۰ تاریخندہ تعدیل
اولونان حربیه نظارتی شوراسی ایله اردو قومیتہ سی دە بو عاقبتہ
اوغرامشلردرد [۱] .

۱۸۹۵ تاریخندہ کی شورا قرارنامہ سی موجبجہ باش
قوماندانلغک اکتساب ایتدیکی وضعیت پک شدید تنقیداتہ معروض
قالدی . بش سنہ مدت ختام بولدقن صوکرہ ، لورد وولسلہ ی
ویردیکی برمخطرده ، حربیه نظارتی دوائری رؤساسنی ناظرہ
قارشی مسئول طومتقلہ برابر اونلر اوزرندہ باش قوماندانہ
برحق نظارت ویرمک برتضاد تشکیل ایتدیکنی سوبلہ یوردی .

[۱] حربیه نظارتی تشکیلاتی حقندہ کی انجمنک راپوری . Com.
Papers, 1901, XL., 179, p. 21 ؛ جنوبی آفریقا محاربہ سی
حقندہ کی انجمن راپوری . Com. Papers, 1904, XL., 1, p. 138-42.

بونك نتیجه سی باش قوماندانی جدی وفعلی بر نفوذ وصلاحیتدن محروم بر اقق اولمشدی. باش قوماندانلق مظنن عنوانی بر مقام ایدی، فقط حقیقی بر مسئولیتی یوقدی. لورد وولسله ی قوماندا، انضباط و تعلیم ایشلری تك بر آدمك النده بولونماقجه و بو آدمده بر عسکر اولماقجه هیچ بر اردونك جدی بر خدمت كوره میه جکی مطالعه سنده بولونیوردی. یا باش قوماندانك قوای مسلحه نك حقیقی بر قوماندانی حاله کتیر یله سی یا خود بوتون بوتون الفا ایدیلهرك حربیه ناظری اولق اوزره بر عسکر ك انتخاب اولونما سی خصوصنده اصرار ایدیوردی [۱]. حربیه نظارتنك تشکیلاتی جقنده کی مخطرهنك یكانه نتیجه سی باش قوماندانك معاون عمومیلك اوزرنده حائز حکم و نفوذ اولماسنه انحصار ایتمشدر. ۱۹۰۱ سنه سی تشرین ثانینك ۴ نده شوراده اتخاذا ایدیلن قرار بونی آمر بولونیوردی [۲]. یالکیز، لورد وولسله یك ۱۹۰۱ مارتنده لوردلر قاماراسنده ایراد ایتدیکی نطقده بیان ایتدیکی مطالعات، سابق حربیه ناظری لورد لانسداون ایله آرالرنده شایان اسف بر مناقشه یه سببیت ویردی. جنوبی آفریقا محاربهنده میدانه چیقان حاضرلقسزلنك مسئولیتنی هر بری دیگرینه عطف ایتمهک چالیشیوردی [۳]. بو حادشه، حربیه نظارتنده سیویل مأمورین ایله عسکری مأمورین آراسنده کی مناسباتك هنوز ممنونیت بخش

Com. Papers. 1901. XXXIX 243 [۱]

[۲] کذا، ۱۹۰۲، LVIII, 717

Hans., 4 Ser. XC., 327; XCI, 6. [۳]

وقطعی برصورتہ تنظیم ایدیلہ مش اولدیغنی اثبات ایدر کیدر .
 كذلك ، بومناسباتک بردارده کی ناظر ایلہ متخصص مأمور لر
 آراسنده علی العاده جاری اولان مناسباتدن بوتون بوتون باشقه
 دورلو اولدیغیده ثابت اولدی . باشقه نظائرک هیچ برنده بویله
 برشیئه نهدن دولایی امکان اولمایاغنی آشاغیده ایضاح ایدہ جکز .
 حقیقتده ، اردو ودوناما ضابطلری ، سیاسیات نقطه نظرندن
 استثنائی بروضعیتہ درلر . ناظرلردن باشقه هیچ بر مأمورک
 عوام قاماراسنده بولونامامسنی ایجاب ایدن قاعده اونلره قابل
 تطبیق نکلدرد [۱] . اردو ضابطانک سیاسیاتده سائر مأمور لر
 ایچون ممنوع اولان بررول ایفا ایدہ بیلمله لی نتیجه سی اولارق
 حکومتده یوکسک برموقع اشغال ایدن عسکرلر غایت خصوصی
 بروضعیت اکتساب ایدیورلر . بووضعیت ، غیر طبیعی اولمقله
 برابر بحریه نظارتده ، مشر وشایان ممنونیتدر . فقط حربیه
 ایچون عینی حکم ویریلہ مز .

جنوبی آفریقا محاربہ سی حربیه نظارتک قابلیت و اہلیت
 پک صیتی برامتحانہ معروض بر اقدی . نظارتک بعض شعباتی
 بوامتحان پک موفقیتلہ کچیرہ مدیلر . الدہ ایدیلن نتایج ، باشقه
 جہتلرده اولمقلہ برابر ، ہر حالده قریم محاربہ سی تجربہ لرینی
 خاطر لاتیوردی . محاربہ حقندہ کی تحقیقات قومیسونی حرب

پالانلری وارزاق مسئله سنده بویوک بر حاضر لقسنزلق وجودینی میدان قویدی . بونک سبیلری یالکز محاربه نك بردن بره ظهور ایتمه سندن انبعث ایتمه مشلردی [۱] . یالکز تجهیزات عسکر یه ده ، طولرده [۲] ، جیخانه ده [۳] ، سواری قیلجلرنده [۴] و البسه ده [۵] براکسیکک کورولمکله قالمایوردی . دها فناسی ، بعض شیلر غیر قابل استعمال بر حالده ایدیلر . حربدن آتی آی اول دپولره قونولمش اولان اونیفورمه لرك کافه سی قرمزى وماوی ایدیلر . یعنی برحرب ایچون هیچ ایشه یاراماز بر حالده ایدیلر . حتی فابریقه لرده خاکی اونیفورمه لر یالمنه باشلادقدن صوکره بیله نظارت ابتدایاقاشی صوکره موده لی ده کیشدیرتدی [۶] . خفیف سلاحلر ایچون اولان جیخانه نك ثلشدن فضله سی بوزوقدی ، آتلق لازم کلدی [۷] . احتیاط تفکلكرك هپسنگ نشانکاهلری فنا تنظیم ایدیلشدی . اوصورتده که بش یوزیارده مسافه دن هدفك اون سکز پوس صاغنه اصابت ایدیورلردی . حکومت سنه لردن بری بوسلاحی اعمال ایتدیکی جهتله بوخطا

[۱] Com. Paper راپور، ۱۹۰۴ ، 1. XL، صفحه ۲۸ و ۳۰

[۲] کذا ، ۸۹ .

[۳] کذا ، ۸۷ .

[۴] کذا ، ۹۵ .

[۵] کذا ، ۹۶-۹۴ .

[۶] کذا ، ۹۵-۹۴ .

[۷] کذا ، ۸۷-۸۶ .

بوتون بوتون شایان حیرت کورولور . قصور آنجق محاربه نك
ظهورندن صوكره ميدانه چيقمشدي [۱] .

جنوبی آفریقا محاربه سنده ارتكباب ايدیلن خطالرك كافه سی
حربه نظارتنده کی تشكیلات نقصانندن ایلری گلديكنه حكم
ایتمك بویوك بر غفلت اولور . بونلرك بعضیلری عسكركلی ،
جسامت طبعیه فوقنده بر دن بره انكشاف ایتمش هر مملكتده
همه حال تحداث ایده بيله جك بر ماهیتده ایدیلر . مع مافیه ، بو
یاكلشقلرك بر عدم کفایت دلیلی اولدینی غیر قابل انكاردر .
بوندن دولایي نظارت یکی باشند تعدیل اولونمشدر . بومقصده
۱۹۰۳ ده یکی بر قومیسون تشكیل ایدیلدی . قومیسونك
باشلیجه توصیه لری [۲] ایرته سی سنه ظرفنده موقع تطبیقه
قونولدی [۳] .

بحربه نظارتی نمونه اتحاد ایدیلهرك یاپلمش اولان یکی تشكیلاتده
براردو شوراسی Army Council احداث اولونمشدر . بوشورا
حربه ناظری ایله پارلمنتویه منسوب مستشاردن ، حربه نظارتی
محاسبه جیسندن ودرت عسکری اعضادن ترکیب ایدیوردی .
باش قوماندانلق الغا ایدیلهرك یرینه ارکان حربه ریاستی اقامه

[۱] کذا ، ۹۳-۹۴ .

[۲] Com. Papers, 1904, VIII, 101

[۳] باقكر: ۱۹۰۴ سنه سی آغستوسنك ۱۰ ی تاریخلی شورا

قراری . Com. Papers, 1905, XLVI, 291, 295, 299

۱۹۰۴ تعدیلاتی

ایدیلش اولدیغی ایچون ، شورانک درت عسکری اعضاسی :
 ارکان حربیه رئیس ، معاون عمومی ، قرارگاه رئیس عمومیس
 وجبخانه رئیس عمومیس Master General of Ordnance ندن
 عبارتدرلر . شوراده اتخاذایدیلن قرار موجبنجه ، عسکری
 اعضا لر حربیه ناظرینک کنیدیلرینه کرک شخصاً کرک مشترکاً
 تودیع ایتدیکی اردونک تشکیلاتنه ، حاله ، مأمورلرینه ، تجهیزاته
 و محافظه سنه دائر ایشلردن دولای ناظره قارشی مسئولدرلر .
 کذلک محاسبه جیده امور مالیه دن مسئولدر . پارلمنتویه منسوب
 مستشار تماماً عسکری اولمایان کافه مسائل ایله اشتغال ایدر .
 دائمی مستشار شورا ایچون کاتب و طیفه سنی کورور . عمومیتله
 بونکده امری آئنده یکی بر مأمور ، اردو مفتش عمومیس ،
 واردر . وظیفه سی اتخاذایدیلن اصوللر حقه ده شورایه معلومات
 ویرمکدن ، عسکری تفتیش ایله تعلیم و تربیه لری ، قابلیت لری ،
 تجهیزات لری حقه ده راپور تنظیم ایتمکدن واستحکاماتک احوالی
 بیلدیرمکدن عبارتدر . مع مافیه ، اردو شوراسنک صلاحیتی
 صرف استشاریدر . چونکه مقام حکم دارییه و پارلمنتویه قارشی
 اداره نک بوتون مسئولیتی صورت قطعی ده حربیه ناظرینه
 عائددر .

ضابطلرده
 قوه تشبیه نقصانی
 براردو وبالخاصه دائمی براردو ، اوزون بر صلح دوره سنده
 حربیه کی قابلیتینی کنیدیسنه غائب ایتدیرن بر طاقم کوره نکلره
 دوشمک تهله کسسه معروضدر . جنوبی آفریقا محاربه سندن

صوکره سردایدیلن تنقیدات آراسنده ضابطلرک قوۋ تشبیهدن محرومیتلری، کرک نظارتده کرک حرکات ساحه سنده برمسئولیت آلتنه کیره بیلیمک اقتدارینی کوسترمه ملری اک برنجی درجه یی اشغال ایتمیشدر [۱]. حالوکه بویله برشیئه انتظار ایتمک لازم کلیردی. ضابطلرده کوکله شن قطعی برانضباط عنعنه سی اونلری صلح زماننده هرشیء تماماً عسکری برقطعیات ایله تنظیم ایتمکه سوق ایلر. مادونلرک سربست برقوۋ تشبیه لرینه هیچ امکان انکشاف بر اقلماز. فی الحقیقه، ۱۹۰۱ ده حربیه نظارتنک تشکیلاتی حقنده کی قومیتنه نک راپوری اردونک غایت موشکافانه واسع برتعلیمات سیستهمی واسطه سیله اداره ایدیلدیکنی کوستریور. بوتعلیماتناه بر طرفدن شخصیتک وقوۋ تشبیه نک محاسنه ساعیدر. دیگر طرفدن ده تعلیماتناه احکامنک تفسیری اوزون استیضاحلره لزوم کوستریور. کورده نک مسئله لری یوکسک مأمورینک زمانلرینی اشغال ایدیور [۲]. جنوبی آفریقا محاربه سی قومیسوننک طویلادیغی شهادتلر عینی فنانلی اورتیه قویور وضابطلرده کی عدم اهلیتک تعلیم و تربیه دوره لرنده پک صیقی نظارت آلتنده، پک موشکافانه تعلیماته تابع بولوندریملرندن نشئت ایتدیکنی تبیین ایله یوردی [۳].

[۱] جنوبی آفریقا محاربه سی حقنده کی قومیسونک راپوری.

Com. Papers, 1904, XL, 1, p. 52-56

[۲] بوراپوره باقکز 2, Com. Papers, 1901, XL, 179, p.

[۳] بومومیتنه نک راپورینه باقکز. Com. Papers 1904.

XL, 1, p. 52-56

یتشدرملہ لری کورہنکہ قارشى بوفضله تمايل و بونك توليد ايتديكى قوۋ
تشبثہ فقدانى بر درجه يہ قدر قابل تلافى اولاييلمك ايچون كنج
ضابطلرك كندى مسلكلرينك فكري صفحہ سنہ پك فضله
علاقہ دار اولمالرى لازمدر . فقط ضابطلرك آلدقلىرى عسكرى
تربيه اونلر دہ بوقيل بر علاقہ توليد ايدہ بيلہ جك ماہيتدہ دكلدر .
برقاعده عمومىہ اولارق ، ضابطلكہ هوس ايدنلر اتونودہ ، هاروودہ ،
روغبي دہ اولديغى كبي يوكسك صنفلرك چوجوقلرينك تربيه
ايدلدكلرى بويوك مكيتلردن چيقنجه عسكرى آقادہ ميلرہ تبول
اولونورلر . اومكيتلرك پروگرامنہ توافق ايدہ جك برقبول
امتحانى كچيرلر . صوكرہ وولويچدہ استحكام و طويچيلق تحصيلنہ
حصر ايديلن زمان ايكي سنہ دن عبارتدر . ساندھورستدہ پيادہ
وسوارى ضابطلرينك تحصيلى جنوبى آفريقا محاربہ سندن اول
اون سكر آيہ انحصار ايدىوردى . صوكرہ برسنہ يہ اينديرلمشدر .
بوقدر بر زمانك ، تام بر تربيه عسكرىہ ويرمك ، حقى علوم
عسكرىہ يہ جدى برمیل اويانديرمق ايچون بيلہ غيركافى اولديغى
آشكاردر . حقيقتدہ ، يوكسك بروقوف واهلىتى حائز ضابطان
يتشديرمكدن زيادہ غايت ابي مادون حاضر لامغہ يارايور [۱] .
برديلقانلى يوكسك مراتبہ چيقمق ايسترسہ خصوصى صورتدہ
تحصيلہ دوام ايتمہ سى ياخود مؤخرأ ارکان حربىہ مكتبہ كيرمہ سى

[۱] تربيه عسكرىہ حقندہ كى قوميتہ بو غايہ نى آچيقدن آچيغہ

لازمدر . حالوکه علومک فن حربہ تطبیقی ضابطلری عالمانہ مسلکک آراسنه داخل برصنف حالنه کتیرمشدر . یالکز ، انکلترده بونلرک ایلک احضارلری غیر کافیدر . دها فناسی ، خدمت عسکریه نك احوال و شرائطی عالمانه مسلکک شرائطنه هیچ بکزه مز . فعالیت فکریه بی تشجیع و تولید ایدہ بیلیمکن پک اوزاقدرلر . بوندن باشقه ، یمک مصارفه اشتراک کیفیتی و برضابط ایچون مجبوری اولان سائر مصارف اوقدر مهمدرکه ثروتسز بردیقانلینک سلک عسکریه کیرمه سی غیرقابلدر . حاصلی ، ۱۸۷۱ده رتبه لرک پاره ایله اشتراسی اصولنک الغاسندن صوکره ، اردو برصنف مخصوص اولمقدن چیقمشسه ده برمسلك حالنه کیرمه مشدر [۱] .

اردویه تعلق ایدن مشکلاتک بعضیلرندن بحریه نك آزاده بحریه نك فائیتی.

[۱] قومیسون ، ضابطلرک یتشد برله سندہ کوزه چاریان پک عمومی نقصانلردن حیرته دوشمشدر . بالخاصه ساند هورستده پک شایان تنقید شیلرکورمشدر . قومیسونک فکرنجہ ، عسکری آقاده میلردن چیققدن صوکره کنج ضابطلرک تعلیم و تربیه سی هیچ ده شایان ممنونیت ، برحاله جریان ایتمه یور . بونلر علوم عسکریه دن تماماً بی خبر بولونیورلر ، مسلککربنه عائد فنلری تدقیق و تعمیق ایچون هیچ برآرزو بسله میورلر . دیگر طرفدن مسابقه ایله ترقی سیسته می « قیصه بر سعی فوق العاده دوره سی ایله اخلاص ایدیلن تنبلیک اعتیادی » وجوده کتیریور . Com. Papers, X, 193 احتمالک اوتاریخده حربدن اولکی غرور عسکریه قارشى پک طبیعی برعکس العمل نتیجه سی اولارق بوتقیدات برآز افراطه میل ایتشد .

قلماسی یالکز دها ای تشکیلاته مالک بولونماسدن ایلری کله یور .
 بحریه نك اردویه قارشى برچوق طیبی فائقیتلری واردر . سیویل
 کیمسه لردن بر چوغی بر آلائی اداره ایتمه یی اوکرنمک ایچون
 اوزون بر زمان صرف ایتمک حاجت یوقدر ظن ایدرلر .
 حالوکه بر کمیه قوماندا ایتمک قابیلیتی هیچ بر زمان نفسلرنده
 کوره میه جکلرینه قانع اولان کیمسه لر چوقدر . بحریه بر سردر که
 علی العاده کیمسه لر بونی آکلامق ادعاسنه قالمازلر ، حتی بوکا
 قاریشمه یی بیله تجربه ایتمزلر . بحریه نك تجربه دیده ارباب اقتدار
 النده قلماسی ایچون بو بر تأمیناتدر . برده ، بحریه صلح زماننک
 تهلهکلرینه دها آز معروضدر . کیملر دائمی صورتده حال
 فعالیتده درلر . دائماً حرب ایتمزلر سده دائماً دیکزلرده کزدرلر .
 بونک نتیجه سی اولارق ، دوناماء ، موشکافانه وقدم بر تعلیماتنامه نك
 قوه معنویه یی قیران تأثیراتنه معروض قالمق تهلهکسنی دها آز
 حس ایدر .

بحریه ضابطلرینک یتیشدیرلمه سی خصوصنده بونک تأثیری
 کورولور . بوکون ترک ایدیلک اوزره بولونان اسکی سیستمه
 کوره بحریه ضابطلرینک نظری تحصیللری پک مختصر ایدی .
 بحریه مسلکنه داخل اولان قاده لر ، اون بش یاشنه دوغرو
 « بریتانیا » کیمسنه کیریورلر و بر بوچوق سنه دن بر آز اکسیک
 بر زمان اوراده قالیورلردی . صوکره ، ده کیزده اوچ سنه قدر
 خدمت ایدیورلردی . بواننده مسلکلرینک عمومی جهتلرینی

او کرمکله برابر ریاضیات ، میخانیک ، فیزیک ، سیر و سفر ،
خریطه جیلوق ، الح . تحصیل ایتمکده مجبور ایدیلر . نهایت ،
بونلره دائر صوگ امتحانی ویرمک اوزره ایکی آی غریبنویچه
کلیورلردی . ملازم ثانی رتبه سنی احراز ایتمدهن اول کنیدیلرینی
بش آلتی آی پورستمونه کوندزلردی . اوراده قلاغوزلق ،
انداخت و طورپیل استعمالنی اوکره نیرلردی . بوصورتله ملازم
ثانیلک رتبه سی ، آنجق یکرمی بش یاشلرینه دوغرو احراز
ایدیله بیلیردی . بوسیسته مده نظری تحصیل جهتی هیچ شبهه سزکه
پک درین دکلدی . مثلاً ریاضیات جهتده نه حساب تمامی بحثی
واردی نه ده section Conique . ۱۸۹۹ تاریخنده کی تعدیل
نتیجه سنده تقرر ایدن پروغراملر ، تحصیللرینی تعمیق ایتمک
ایسته یه جک طلبه ایچون انداخت فصلنی توصیه ایدیوردی .
فقط « بوندن Section Coniques » وقوفه احتیاج کوستره جک
صورته بحث اولونمایا جقدی » [۱] .

۱۹۰۳ تاریخنده موقع مرعیه قونولان یکی اصولک یاپدیغی
اک باشلی تعدیلات اولا ، عسکری و مهندس بوتون بحریه
ضابطلرینی تک بر صنف حاله افراغ ایتمکدن و ملازم ثانی
رتبه سنه قدر هپسنه بو مقصدله مشترک بر تحصیل ویرمکدن
عبارت اولمشدر . ثانیاً ، بریتانیا تعلیم سفینه سنه قبول چاغی

[۸] کنج بحریه ضابطلرینک یتشدرمه سی و امتحانلری حقفنده کی

انجمنک راپوری . Com. Papers. 1901, XLII, 627, p. 15

اون ایکی ، اون اوچ یاشری آراسنه ایندیرلمشدر . بوتعدیل سایه‌سند ، قاده‌لر او مکتبه دوت سنه قالا بیلورلر . بونک نتیجه‌سی اولارق ده‌ا ای یتشه‌جک‌لری امید اولونیور . صوکره ، د‌کیزده اوچ سنه خدمت ایده‌جکلردر . اونی متعاقب اوچ آی غرینوچده ، آلتی آی پورستمونده قالا جکلردر . آنجق بوندن صوکره ملازم ثانی اولابیلورلر . ملازم ثانی اولونجه ، کمی ضابط‌لری د‌کیزه چیقیورلر؛ مهندس‌لر ایله بحریه پیاده ضابط‌لری بر مدت کندیلرینه عائد خصوصی مکتبلره کوندریلیور [۱] . بواصلاحات ، سائر جهت‌لرده نه‌قدر ایی نتیجه‌لر ویرسه‌ویرسون قاده‌لرک عملی صورت‌ده تربیه‌لری سویه‌سنی پک یوکسلته‌جک برماهیتده کورونم‌یور .

فقط ، علوم بحریه‌نک نظری تدریساتی ایلری‌یه کوتورولمه-مشه‌ده کنج بر بحریه ضابطی ایچون کندی مسلکنی اردو ضابطه‌نسبتله ده‌ا زیاده اوکر نمک وسیله‌لری واردر . فی‌الحقیقه بر بحریه ضابطی علوم بحریه‌ده استاد مرتبه‌سنی احراز ایده‌میورسه‌ده غایت ایی بر کمیچی اولیور . بر چوق ضابطک فکر‌نجه بو نقطه چوق ده‌ا مهمدر .

مدافعه قومیت‌سی
حریه و بحریه نظارت‌لرینک اداره‌سنه قارشی لورده‌هار یتنغتون قوم‌سیون‌نک سردایت‌دیکی باشلیجه تنقیدلردن بری ایمپراطور لنگ [۱] مخطره ، Com. Papers, 1905, XLI, 675 بوسطرلر یازلدقدن صوکره ، یکی بر تعدیلات بحریه ضابط‌لرینی ایکی قسمه آیردی : کیجیلرله محاربلر و مهندس‌لر .

مدافعه سنه اشتراك نقطه نظرندن آرالرنده عمومی برپلانك عدم موجودیتی ایدی . قومیسئون ، باش وکیلک نظارتی آلتنده بربحریه و بریه شوراسی تشکیلی توصیه ایتدی . بوکا هرايکی نظارتك پارلمنتوده کی رئیساری ایله باشلیجه تهقیق مشاورلری داخل اولاجقلردی [۱] . بو توصیه یی قسماً موقع فعله قویارق قابینه نك ایچنده باش وکیل ایله اردونك و بحریه نك پارلمنتوده کی رؤساسندن ، برنجی خزینه لوردندن مرکب بر قومیه تشکیل ایدیلدی . ایجابنده بونلره مستملکات ناظری ده الحاق ایدیله بیلیردی . قومیه ، ایکی نظارت آراسنده کی معلق مسئله لرله اشتغال ایده جکدی . بو مسئله لر عمومی بر سیاست تعقیبه احتیاج کوستیرلردی . هرايکی نظارتك مصارفانه تعلق ایدن مسئله لرده بو قومیه به عرض اولونا جقدی . بونك قابینه داخلنده کی سائر قومیه لر دن (انجمنلردن) فرقی اجتماعلری حقنده ضبط طو تو لماسندن و هرايکی نظارتك خزینه اوراقنده بوضبطك حفظ ایدیله سندن عبارتدر . مع مافیه ، اوله کورونیور که بو قومیه لورده هارتینغتون قومیسئوننك امیدینی بوشه چیقارمشدر . چونکه هیچ بر زمان طویلانمادیغی پارلمنتوده علناً بیان ایدیلشدر [۲] . حتی حربیه ناظری قومیه نك فعالیتی بالخاصه بودجه لره و بحریه و حربیه نظارتلرینك داخلی ایشلرینه انحصار ایتدیکنی اعتراف ایله مشدر .

Com. Papers, 1890 , XIX, 1, p. 6-8 [۱]

[۲] لورد چارلس برسفورد 1147, 1146, CXII, 4 Ser. Hans.,

حالبو که کندیسینک فکرنجه قومیه دها یوکسک برشمولی حائر سیاسی مسئله لرله اشتغال ایتک لازم کلیدی . بناءً علیه ، ۱۹۰۳ ده یکی برمدافعه قومیه سی Defence Committee تأسیس اولوندی . بونده قابینه اعضا لرندن باشقه حربیه و بحریه نظارتلرینک الک صاحب نفوذ متخصصری و ایجاب ایدرسه هندستان و مستملکات نظارتی ممثلری ده داخل ایدی . قومیه یالکز بودجه مسائلی ایله دکل سیاست عسکریه یه متعلق دها بویوک ایشلرله ده مشغول اولاجقدر [۱] . فقط ، عجبا بونتیجه دائمی صورتده الده ایدیله جکمیدر ؟ یوقسه قومیه معتاد عاقبتیه اوغرا یاجق و اداره و مصارف ایشلرینک تفرعاتنه بوغولاجقمیدر ؟ بوراسی هنوز معلوم دکدر .

بوابده نظر تدقیقندن کچریله جک ، دیگر دوائر رسمیه نری اوزون اوزادی یه مشغول ایده جک برماهیتده دکدرلر . همپی انکلتیره قراللیک داخلی ایشلریله مشغولدرلر . بناءً علیه ، بونلرک ایشلری یالکز مملکتک عمومی منافعه تعلق ایتدکلری نسبتده کندیلرندن بحث ایده جکز .

داخلیه نظارتی داخلیه نظارتی The Home Office ، بوتون تعهدات و سائره چیققدن صوکره متباقی میراثه مستحق اولان بر نوع وارث

[۱] جنوبی آفریقا محاربه سی حقنده کی قومیسین راپوری Cam.

Popers, 1904, XL, 1, p. 135-36 ; Hans., 4 Ser.

CXVIII., 291

وضعیتند در. سائر نظارت‌ها یا خود دوائر اداره‌یه تودیع و تخصیص
ایدیله‌ین بوتون کتابت (نظارت) ایشلری بوکا ویرلمشدر .
بناءً علیه ، وظائفی برآز مختلط برماهیتند در . کتابت (نظارت)
ایشلرینک قسم متباقیسنک وارثی صفتیله ، داخلیه نظارتی (کتابتی)
قرال ایله تبعه‌سی آراسنده کی مناسباتک برقانایدر . قرال‌دن
صادر اولان اراداتک برچوغنک آلتی داخلیه ناظری امضایدر .
حکمداره یازیلان عرضحال و محضرلری او قبول و مناسب
کورورسه اونلری قراله تقدیم ایلر . از جمله حقوق عرضحال‌لرینی
یعنی مقام حکمداری علیهنده تعقیبات اجراسنه مساعدده استدعال‌لرینی
داخلیه نظارتی آلیر و بونلره ویریه جک جواب ایچون باش مدعی
عمومی Attorney General ایله استشارده بولونور . مانش
قانائنده کی آطه‌لر و مان آطه‌سی کی اداره جهتندن انکلتزه
قرال‌لخی داخلنده اولمایان ، فقط برر مستملکده عدایدیله‌ین خارج
یرلر داخلیه نظارتینک دائره صلاحیتی داخلنه کیررلر . تابعیت
واعاده مجرمین مسئله‌لری ده داخلیه نظارتنه مودوعدر . فقط ،
دها مهم برنقطه اولق اوزره ، حکومات محلیه نظارتنه تودیع
ایدیله‌مش اولان ضابطه اوزرنده کی مرکزی سلطه داخلیه
ناظرینک النده در . بوندن دولایی پک واسع برحق نظارت
وقتیشه مالکدر . فی الحقیقه ، لوندره شهرینک ضابطه‌سی دوغروندن
دوغرویه قونترولی آلتنده بولونور [۱] . سائر یرلرک ضابطه‌سی
[۱] لوندره شهری کندیسنه خاص ضابطه‌سی بولونان برآیری
وحدتدر .

داخلیه ناظرینه تابع اولماقوله برابر ، حکومت کندی نظاماتنه تبعیت ایدیلمک شرطیله مصارفک یاریسنی تأدیه ایتدیکی ایچون بوسایهده داخلیه ناظری بوتون انکلتريده محلی ضابطه نك تشکیلاتی ، تجهیزاتی و انضباطی حقنده امر ویره بیلیمک امکاتی بولور . بوندن باشقه ، قاوتی لره و بارولره Borough عائد نظاماتک همان همان کافه سی ، داخلیه ناظرینک نظر تصویبیه عرض ایدیلمک لازمدر . بونلرک ردینی مقام حکمداری یه توصیه ایده بیلیر [۱] . ضابطه یه عائد حکم و نفوذینک بر قسمی کرک جنایت محکوملری ایچون ملی حبس خانه لره کرک قاوتی و بارو مجلسلرینه تعلق ایدر . روقوردور [*] Records لری و آیلقلی حاکملری (ضابطه حاکملرینی) داخلیه ناظری تعیین و عزل ایلر . عمومی تعقیبات دیرکتورلرینی Director of Public Prosecution ده داخلیه ناظری تعیین ایتدیکی کبی تعقیبات جزائییه مصارفه متعلق تعلیماتنه لری ده ناظر یاپار . فابریقه لر ، معدن اوجاقلری ، مزارلقلر ، علنی سرخوشلق ، تشریح عملیه لری ، جانی جانی تشریح عملیه لری ، مواد انفلاقیه وسائر مواد متفرقه حقنده کی قانونلرک اجراسنده داخلیه نظارتی مأموردور .

داخلیه ناظرینه پارلمنتویه منسوب بر مستشار ایله بر چوق دائمی مأمورلر معاونت ایتمکده درلر . بونلرک ایپنده بر دائمی

On Public Health, 12 Ed., 443, 1169, 1341: Glen [۱]

[*] بر شهرده یاخود بر باروده محدود بر جنائی و حقوق حق

قضایی بولونان بر حاکم . - مترجم .

مستشار ، برجسخانه لر قومیسونی ، برپایتخت ضابطه سی قومیسونی و برچوق فابریقه لر ، معدن اوجاقلری ، ضابطه مفتشاری و سائرہ وارددر .

کورولیورکھ ، داخلہ کتابتی (نظارتی) آسایش عمومیدن باشلیجه مسئول اولمقله برابر آوروپا قطعہ سنده ویریلن معنایہ کورہ تام برداخلہ نظارتی دکلددر . چونکہ ضابطہ ایشلرندکی صلاحیتی استنا ایدیلیرسه حکومات محلہ ایله پک آزماسی وارددر . یوقیل ایشلرہ نظارت وظیفہ سی قسماً مختلف نظارتلرہ تعلق ایتمکله برابر ، باشلیجه حکومات محلہ ناظرینک اندہ طوپلانمشدر . دیگر طرفدن داخلہ ایشلری کاتبی (ناظری) برعدلیہ ناظرینہ خاص بعض وظائفی ده کورور . مقام حکمدارینک حقوق مشاورلرندن بحث ایتدیکمز صیراده بویجنہ عودت ایدہ جکزر . خصوصی عفورداخلہ ناظرینک تکلیفی اوزرینہ بخش اولونور .

نافعہ نظارتی (Board) بویوک بر اہمیت سیاسیہ یی حائز بردائرہ کی تلقی ایدیلنز . بوندن دولاییدرکہ پارلمنتویہ منسوب بر مستشارہ مالک اولمایان بر قاج نظارتدن برینی تشکیل ایدر . یکرمی سنہ قدر ، دولتک اراضیسی و مبانی رسمیه ، اورمان قومیسرلرندن مرکب بر ہیئتہ حوالہ ایدیلشدر . فقط اراضی میریہ وارداتی مبانی رسمیه ایدیلن مصارفدن آیرمق و بونلری پارلمنتونک دہا تام برقونترولی آلتہ صوqq مقصدیلہ بوصلاحیتلر ۱۸۵۳ ده یکدیگریدن تفریق ایدیلدیلر . اورمان و املاک میریہ

وارداتی قومیسر لرندن دائمی بر هیئت تشکیل اولوندی . بر ماهیت سیاسییه یی حائز اولمایان بو هیئت خزینهنك تحت امرنده ایدی . بارقلرك ، سرائلك و سائر مبانیك انشاسی ایچوندن بر نافعہ نظارتی احداث اولوندی . حقیقتده ، اودوردن بر چوق مبانی رسمیہه باقق وظیفه سی اونلری اشغال ایدن نظارتلره عائد ایدی . فقط ، صوکره ، بر طاقم قانونلر بو وظیفه یی همان همان منحصرأ نافعہ نظارتنه بر اقدی . یالکز ، بو نظارت ، صرف ایتدیکی عظیم مبالغه رغماً ، تمامیلہ مستقل اولمقدن اوزاقدن . چونکه پارلمنتوده قرار ویریله مش انشات ایچون مالیهنك مساعده سنی آلق مجبوریتنددر . اولجه مالیہ نظارتنك نظر تصویبنه عرض ایتهدن مبانی رسمیہ انشاسی ایچون هیچ بر تعهد کیریشه مز [۱] . ذاتأ نافعہ نظارتنك علی العاده دائمی مأمورلریی هپ مالیہ نظارتی تعیین ایدر [۲] [*] .

تجارت نظارتی Board of Trade ایسه بالعکس مهم بر موقع اشغال ایدر . بو اهمیت کیتدکجه آرتمقددر . تجارت نظارتی اوزون و دولو بر تاریخ کچیرمشدر . بو ائناده ، یالکز

[۱] مدافعه ملیه انجمنك راپوری Com. Papers, 1902,

VII, 15, Q 14 25

14-15 Vic., c. 42, §§ 16, 17 [۲]

[*] « نافعہ نظارتی » دییه ترجمه یه آلیشقین بولوندیغمز Board

of Works تعبیری بیواضاحتیه نظراً ساده جه انشات نظارتی دییه

ترجمه ایتك ده دوغرو اولاجق کبی کورونیور - مترجم .

باشنه برنظارتہ کفایت ایدہ جک قدر مهم برچوق صلاحیتلری
غائب ایتمش اولقلہ برابر ، صنایعک دولت طرفندن تحت قاعدہ
آلماسی یولنده صوک زمانلرده وجود بولان تمایل سایہ سنده
یکی یکی برطاقم صلاحیتلرہ نائل اولمشدر . بوتایل ، نظارتک
دائرہ اشتغالاتی متصل توسیع ایلمشدر . نظارت یالکتر تجارت
ایشلریلہ اشتغال ایتمز ، تجارتک اک باشلی یاردیمجیلری وبالخاصہ
نقلیات صنایعی ایلمده مشغول اولور . آشاغیده شیمدی تعریف
ایده جکمز اوچ دائرہ کبی ، تجارت نظارتی ده دوغروتن
دوغرویہ برادارہ ایشی کورمز . بعض خصوصی مؤسسہ لرلہ
محلی حکومتلرک فعالیتلرینہ نظارت ایدر ، بونلرہ دائر قاعدہ لر
قویار وقانونک تطبیق واجراسنی تحت تأمینہ آلیر . نظارت بر
حوق قانونلرک اجراسندن مسئول طوتولدجه دائرہ صلاحیتی ده
یاواش یاواش کینیشلمشدر .

بودائرہ نک وظائفی ، صورت عمومیه ده ، بروجه آتی خلاصہ
ایدیلہ بیلیر : معلومات طویلامق ، عمومی برماہیتی حائر تشبثات
وحرکاتی تسجیل ، تفتیش ایتک وبوبادہ مآذونیت ویرمک .
فقط بعض کرہ بر متن قانونک بخش ایتدیکی صلاحیتہ استناداً
بونظارت عینی شیئہ دائر مختلف نوعدن صلاحیتلرہ صاحب
اولق حسبیلہ تصنیف مسئلہ سی قارمه قاریشیق اولیور . برنجی
قسمده داخلی وخارجی تجارتہ متعلق ایستاتیسیتقلری طویلامق
ونشر ایتک وتجارت خصوصاتنده سائر نظارتلرده بررایی

استشاری و یرمک وظیفه‌لری داخلدر . بو نظارتک ، مساعی نظارتی صفتیه ایفا ایتدیکی وظائفی ده بونلره علاوه ایتمک لازمدر . مساعی اجر تنزی و عمله صنفی علاقه دار ایده جک سائر معلومات ایستاتیسیتقلری ده بو نظارت حاضرلار . بوندن دولایدرکه مساعی منازعاندن برائتلاف عاملی صفتیه مداخله ایدر و حکم‌لر یاخود تألیف بینجیلر تعیین ایلر . تجارت نظارتی ، بر تسجیل مقامی اولق اعتباریه ثقلت و اولچولرک نمونه سنی حفظ ایتمک ، سرمایه اشتراک‌لری تسجیل ایلهمک ، علامت فارق‌لرک قیدینی طوتمق رکملرله کمیجاره دائر بردفتر بولوندریمق وظیفه سنی ده حائزدر . تفتیش خصوصنده کی وظائفی تجارت کمیلرینک متانتلرینی ، درجه استیعاب‌لرینی ، قوماندانلرینی ، طائفه‌لرینی و تجهیزاتلرینی تحقیقه انحصار ایدر . ده کیزه چیقامایه جق بر حالده بولونان سفائنک کافه سنی سفردن منع ایتمک حقنه مالکدر . لیمانلر اوزرنده کی حق نظارتی و شمندوفرلرک ایشله دلمسی . حقنده کی قانونلره رعایت کیفیتنه باقاسی ده عینی وظائف جمله سندندر [۱] . شمندوفر قضالری و بحری فلاکتلر حقنده تحقیقات یامق ده اوکا عائددر . بو صوک نوع وظائفه مثال اولق اوزره ، شمندوفر قومانیالری تعلیماتنامه‌لرینک آنحق تجارت نظارتی طرفندن تصدیق ایدیلک شرطیه معتبر اولدقلرینی سویله مک کافیدر .

[۱] ۱۸۷۳ تاریخده ، شمندوفر اختلافاتنک حنی صلاحیتی ،

عدلی برهیئت اولان شمندوفر و قانال قومیسونه ویریلشدر .

یکی شمندوفرلر تأسیسی ، یکی صو ، هوا غازی و الکتریک توزیعاتی ، تراموای و دار خطلی شمندوفر انشاسی حقهده نظارتک حائز اولدیغی قونترول حق بونک دهامهم برمثالی تشکیل ایدر . دار خطلی شمندوفرلر فعلیاتده دار خطلی تراموای لردن غیر قابل تفریق اولمقله برابر حقوقاً اونلردن چوق فرقلیدرلر . تجارت نظارتی بوقونترولی محلنده اجرا ایدیلن تدقیقاندن و بوتون علاقه دارلرک استمزاجندن صوکره حاضر لادیغی موقت نظامنامه لرله تأمین ایدر . صوکره پارلمنتو بو نظامنامه لری قبول ایلر [۱] . مع ماقیه ، مستدعی پارلمنتو حضورنده خصوصی بر قانون اصوله مراجعت ایده رک تجارت نظارتک دوغروندن دوغرویه قونترولندن قورتولمق ایسته . یورسه ، اول امرده موقت بر نظامنامه ویا مساعده نامه المغه مجبور دکلدردر . یالکز ، بوموقت مساعده نامه پک اوجوزدر . ذاتاً ، خصوصی قانون پایدرلمق طریقته توسل ایدیلسه ده تجارت نظارتی فانونده قیلی قرق یارارق وقامارا مأمورلرینک نظر دقتی قانونلرک عمومی پرنسیپلرندن انحراف ایدن نقطه لره جلب ایده رک اجرای نفوذ ایتمه چالیشیر [۲] . بونک نتیجه سی

[۱] دار خطلی شمندوفرلر ایچون موقت مساعده نامه لر دار خطلی شمندوفرلر قومیسونی طرفندن ویریلیر و تجارت نظارتی طرفندن تصدیق اولونور . بوقومیسونک اعضالریغی ناظر تعیین ایدر . 59-60 Vic., c. 48; 1 Edw. II., c. 36

Rep. of Com. on Municipal Trading, Com. [۲]

Papers, 1900, VII, 182

اولارق، تجارت نظارتی بوتون بوتشبات اوزرنده حقیقی برنفوذ صاحبی اولور . فقط بو ، مطلق دکدر .

افلاسلرده تجارت نظارتک دائره صلاحیتنه ادخال ایدیلشدر . محکمه لره عائد بولونان حقوق مسئله لری مستنا اولمق اوزره ، تجارت نظارتی مفتش لر ، اهل خبره لر ورسمی تصفیہ مأمورلری واسطه سیله وقوعه کله جک بوتون تصفیہ ایشلریله مشغول اولور . نهایت ، نظارتک دوغرودن دوغری یه اداره ایشلرینه اک چوق یاقلاشان وظائفی کلیر : فنار لر ، شامانیدرالر ایشلرینه ده بونظارت باقار . بونلر تشکل ایتیش بر جمعیت اولان Trinity House طرفندن اداره ایدیلیرلر سده امور مالیه لری تجارت نظارتیه عائددر .

حکومات محلیه نظارتی اصلاحات قانونی Reform Bill دورینه قدر ، انکله رده منافع محلیه یه تعلق ایدن ایشلر باشلیجه صلح حاکم لری وشهر مشاورلری طرفندن رؤیت اولونوردی . بونلرک اقتدار و صلاحیتلری برچوق مختلف شیلری موشکافانه برقاعده آلتنه آلان برطاقم قانونلره استناد ایدیوردی . . بومأمورلرک فعالیتلری منحصرأ کندی وظیفه لری دائره سده انحصار ایتکده ایدی . چونکه یابدق لری حرکتک قانونه درجه توافقی حقنه محکمه لره زمان برقرار ویره یلمک حقنه مالک ایدیلر . دیگر طرفدن ، بونلر همان همان هردورلو اداری قوتنرولدن آزاده بولونیورلردی . ۱۸۳۴ده فقیرلر قانوننک تعدیلی صورتیه بوسیسته مه ایلک بویوک

ضربه ایندیریش اولدی . یکی تعدیلات امور خیریه اصولی
اصلاح ایدیور و بمقصدله محلی حکومتلری تحت نظارتده طوتمق
اوزره بر قومیسون وجوده کتیریوردی . یکی قومیسرلرک
عزم و متاتی و قابلیت و اقتداری کندیلرینه قارشی حس مخالفت
تولیدایتدی . پارلمنتوده اخذ موقع ایدمه دکلری ایچون سیاستلرینی
مدافعه خصوصنده سسلرینی پک زورقله ایشیتدیره بیلدیلر .
حتی باژهو ، بردارء رسمیه عوام قاماراسنده بر مثلدن محروم
بولونورسه نه قدر عجز ایچنه دوشه جکنی اثبات ایچون بونلری
مثال اولارق کوستیر [۱] . قومیسون ۱۸۷۴ده فقیرلر قانونی
قومیتهمسی Poor Law Board نامی آلتنده تعدیل ایدیلدی
و مسؤل برناظرک تحت ریاسته ویریلدی . اوتارینچدن صوکره
وظائفی مختلف صورتلره توسیع ایدیلشدر . معافیة ، صحت
عمومیة و محلی حکومتلره عائد بر طاقم صلاحیتلر داخلیه نظارتنه
و شورای خاصه ویریلشدی . نهایت ، ۱۸۷۱ده بونلرک قسم اعظمی
بو فقیرلر قانونی انجمنه ترك اولوندی و انجمن حکومتات محلیه
قومیتهمسی Local Government Board نامی آلدی .

بو قانونلر انکلتیره نك حکومت محلیه سنك ماهیتده درین
برتحول حصوله کتیردی . بر طرفدن ، اسکیدن موجوداقتدارلرک
استعمالی حکومت مرکزیه نك تحت نظارتنه صوقق و دیگر
طرفدن عصری احتیاجدن دوغان یکی وظائفی اصول دائره سنده

قطعی برقونتروله تابع بولوندير مق صورتيله، - قانونی حدودلری اولان، فقط مافوق براداره دن مستقل بولونان - قدیم مختاریت اداره ره ژیمی رینه محلی مأمورینی وبالخاصه بویوک شهرلر ککندن. غیرى محللر مأمورینى دولتك پك واسع بروصایتی آلتنه ادخال ایدن برسیسته ماقامه ایدیلدی. بوتابعیت، آوروپانك سائر مملکتلرنده موجود تابعیت جنسندن برشى دکلدر . اورالرده کی قدر شدتلی عداولوناماز. فقط بعض نقطه لرده انکلتړه نك ۱۸نجی عصرده کی سیسته مندن زیاده آوروپا سیسته منه یا قلاشیر .

ضابطه ، معارف ، نقلیات ، تنویرات ، صو ایشلری کبی خصوصاته تعلق ایدن مواد استثنا ایدیلیرسه حکومات محلیه یی قونترول صلاحیتی تماماً حکومات محلیه نظارتنه عائددر . فقط آشاغیده حکومات محلیه و بناء علیه بونظارتك صلاحیتی بخشه مفصلاً عودت ایده جکمز جهتله بوراده او وظائفی تعداد ایتمه حاجت یوقدر . یالکز شوقدر جق سویله یه جکز که بونده استثناء بش معاون مستشار واردر . بر چوقده مأمورلری ، محاسبلری ومفتشلری موجوددر . بونظارتك فکری ایشلری و بناء علیه یوکسك درجه ده دائمی مأمورلرینك عددی چوق اولمقله برابر سیاسی نقطه نظر دن بونظارت برنجی درجه ده برداره تلقی ایدیلز .

زراعت نظاری ۱۸۸۹ده ، مختلف قومیسونلردن زراعت نظارتنه Board of Agriculture انتقال ایدن ایشلرک ادارسی ایچون یکی برداره نك تأسیسی الزم برشى دکلدی کبی کورونور . فی الحقیقه ، بونظارت ،

پارلمنتویه منسوب بر مستشاره لزوم کو ستره جٹ درجده مهم
دکدر . اسکی قومیسونلردن توارث ایتدیکی وظائف، اعشارک
تبدیلی، برقوبی هولده Copyhold * استناداً [] تصرف ایدیلن
اراضینک تخلیصی ، ناحیه لره عائد مرعالک سدی ، کوچوک
چیف تجیلره اراضینک پارچه پارچه آریلماسی و محدود اصحاب
املاک واسطه سیله اراضینک اصلاحی کبی ایشلره مشغول
اولارق قدیم تارالاردن قورو کمیکلری قالدیرمقدر . بالی
طوتولان یرلره نظارت ، زراعتی تشویق ، حیواناتده امراض
ساریه چیقماسنه میدان ویرمه مکده نظارتک جمله وظائفندرد .
کوپیکلره آغیزلق طاقدیرمق ، قولورادو دنیلن مضر حشره نک
اتلافی امر ایتک حقنه ده زراعت نظارتی مالکدر .

معارف نظارتی Board of Education ، بوتون نظارتلرک معارف نظارتی
اک کنجیدر . فقط حقیقته ، وظائفک تکثیری صورتیه یکی باشند
تشکیل ایدیلش برشورای خاص انجمنندن باشقه برشی دکدر .
خیالی برانجمن اولارق تشککلدن باشقه بولک تأسیسنده شایان
دقت اولان نقطه حکومت ویریلن نفوذ و صلاحیتک وسعتیدر .
قانون ، یکی معارف نظارتک تشکیلاتی و وظائفی کمال اعتنا
ایله تعیین ایده جک یرده حکومت مناسب کوره جکی استشاری
قومیه لری تشکیل ایتک و اوزمانه قدر امور خیریه قومیسرلرینه
[*] برجت و طاپویه دکلده افندیسنک محکمه سی مأموری طرفندن
سجلدن چیقارش بر نسخه مصدقیه استناداً قدیمدن بری تصرف
ایدیلن اراضی . - مترجم .

Charity Commissioners یا خود زراعت نظارتہ مودوع
صلاحیتلر دن ایستہ دکلرینی معارف نظارتہ دور ایله مک قدرتی
ویرمشر [۱] . بوصلاحیتلرک ہر ایکسی دە ۱۹۰۰ سنہ سی
آگستوسنک ۷-ی تاریخی شورا قراریلہ استعمال اولوندی .
دارالفنونلر و تدریسات ایله مشغول سائر مؤسسہلر طرفندن
انتخاب ایدیلش ممثللر دن مرکب اولمق اوزره استشاری قومیتہ
تشکیل ایدیلدی . آشاغیدہ معارف مسئلہ سیلہ مشغول اولاجغز .
شیمدیلک نظارتک ، حکومت طرفندن تخصیصات آلان بوتون
مکتبلر دہ یایلاچق تدریساتی تحصیل و تربیہ قانوننامہ سی
Education Code نامی آلتندہ معروف مفصل تعلیماتنامہ لرلہ
امر ایتدیکنی [۲] ، خصوصی مکتبلری ، طلبلری اوزرینہ ،
تفتیش ایله دیکنی [۳] ، ژہ تولوژی وخریطہ جیلق موزہ سی ایله
سوت کنسینغتون وبتال غرین موزہ لرینی اداره ایتدیکنی سویلہ مک
کافیدر .

[۱] 62-63 Vic. , c. 33, §§ 1-4

[۲] بالطبع بوسوزلر ، حربیہ و بحریہ مکتبلری کبی باشقہ نظارتلر
طرفندن اداره ایدیلن مکتبلرہ قابل تطبیق دکلر .

[۳] بورادہ حکومت محلیہ دائر سویلہ دیکمز شیلرک هیچ بری
ایرلاندایله اسقوچیاہ قابل تطبیق اولمادیغنی اونونامق لازم کلیر .
بوندن باشقہ غال الکاسی ایله مونت موشاپر حقندہ دہ براسئنا واردر .
چونکہ غال الکاسندہ اورتہ تدریسات حقندہ ۱۸۸۹ تاریخندہ یاپلمش
برقانون موجبجہ اورانک اورتہ مکتبلری حکومت محلیہ طرفندن انتخاب
ایدیلش خصوصی برقومیتہ طرفندن تفتیش اولونور .

پوسته نظارتی Post Office ، حکومت ملیه نقطه نظرندن پوسته نظارتی
 چیفته بر وظیفه ایفا ایدر . بر کره ، بر ناظرک امری آلتنده
 عظیم بر تشبثی باشه چیقاران بویوک بردارئه اداره در . صوکره ،
 بر منبع واردات تشکیل ایدر . چونکه غیر صافی حاصلاتی
 انکلتره قراللی وارداتنک تقریباً یدیده برینی طوتار . مصارفاتی
 ایسه مصارفات عمومیه نك آنجق اونده برینه بالغ اولور . بوندن
 دولاییدر که بونظارت خزینهنك پك صیقی برقونترولی آلتنده در .
 اودرجه ده که کندیسنه پك آز استقلال قالمشدر . بویله اولماسه
 ایدی پوسته ناظری Postmaster General بویوک بر اهمیتی
 حائز بولونوردی . ۱۸۳۷ تاریخندن بری ، پوسته ناظرانی
 رسمی بر خدمت کبی تلقی اولونمقده در . حالبوکه ، ۱۸۶۶
 تاریخنه کلنجهیه قدر پوسته ناظری عوام قاماراسی اعضاسندن
 اولامازدی . او تاریخندن صوکره ، تصادفاً پوسته نظارتنده
 برلورد کورولمشدر . بوتقدیرده پوسته نظارتی عوام قاماراسنده
 خزینهنك محاسبه جیسی Financial Secretary تمیل ایدردی .
 قانون ، پوسته ناظرینك وظائفی موشکافانه تعریف ایدر .
 ناظر ، پوسته خدماتی ایچون تعلیماتنامه یا مقحقنه مالک ایسه ده
 وارداته یا خود مصارفاته دوقونمادن بونلرده تعدیلات یا خود
 اصلاحات اجرا ایده بیلمه سی غایت زوردر . بوندن دولایی
 خزینهنك قونترولی آلتنه کیرر . مثلاً ، پوسته تعرفه لری و پوسته
 نقلیه اجر تلیری پارلمنتونك برقانونی ایله تقرر ایتمه مش بولونور لرسه

خزینہ نك تصدیقه عرض اولونور . اراضی فروختی ویا مبیاعه سی .
ایله تلغراف و تلفون خدماتنك امتیازلری حقنדה عینی صورته
حرکت ایدیلمکده در . ماندا پوستلر ، پوسته و تلغراف اقتصاد
و تصرف جزدانلری ده عینی قاعده یه تابعدرلر . مع مافیه بونلرده
واردات دولتك درجه علاقه سی پك آکلاشلما مقده در . حاصلی ،
سیر ویلیام آنسونك دیدیکی کبی [۱] : « پوسته ناظری بویوک
برتشبت تجارینك مدیر امورندن باشقه برشی دکدر . نظارتی
داخلنده مقداری پك چوق مأمورینك تعینی کیفیتی استنا
ایدیلیرسه النده پك آز صلاحیت و اقتدار واردر . » [۲] .

بونظارتك ایشلری هیچ شهبه سز که پك چوقدر . مأمورلرینك
مقداری ایکی یوز بیکه یاقیندر . مکتوب ، کتاب ، پاکت
و ماندا پوست نقل ایتمکدن عبارت اولان وظیفه معتاده سندن
باشقه ، انکلترده پوسته نظارتی تصرف صاندیقلری ده اداره
ایدر که بورالره وقوع بولان تودیعات تقریباً اون بش میلیون
انکلیز لیراسنه بالغ اولمقده در . قانونلر تلغراف انحصارینی ده

[۱] Law and Custom of The Constitution ، ۲ نجی

جلد ، ۱۸۴ (اثر Loi et pratique Constitutionnelles
نامی آلتنده فرانسزجه یه ترجمه ایدیلشدور - مترجم)

[۲] شایان دقتدر که ۱۸۶۸ دن صوکره خیلی مدت قایینه اعضالری
آراسنده پوسته ناظرینه نادرأ تصادف ایدیلشدور . بوندن دولاییدر که
حقیقی بر قایینه ناظری حکم ونفوذینی اکتساب ایدمه مشدر . مع مافیه ،
۱۸۹۲ دن بری پوسته ناظرلری منتظماً قایینه یه داخل بولونمقده درلر .

بونظارتہ ویرمشلردر . وقوع بولان تفسیراتہ کورہ بوانحصار
تلفونہدہ شاملدر . فقط ، تلغرافک ایشلہدلہسی تماماً حکومتک
الندہ قالدیغی حالده تلفون تأسیس ایتمک امتیازی ، موقت
مساعده لرله ، خصوصی قومپانیالرہ وحقی بردرجہیہ قدر محلی
حکومتلرہ ویریشدر . یالکز صوک زمانلرده نظارت ، مدتلرک
ختامندہ بوتون بوخبراتی کندیسی تأمین ایتمک عزم ایله مشدر .

بشنجی باب

خزینہ

بوتون دائرہ لڑک اہمہمی وانکلیر حکومتک مزایاسنی الذ زیادہ
کوسترنی خزینہ در . خزینہ ، بوتون دوائر حکومت ایلہ تماسدہ
بولونان واوزرلرندہ دائمی برمالیہ قونترولی ایفا ایدن مرکزی
بر دائرہ اداریہ وجودہ کتیریر . فقط بوتونک نہ صورتلہ وقوعہ
کلدیکنی تدقیق ایتہدن اول دولت صاندیققرینہ پارہنک ناصل
کیردیکنی واورالردن ناصل چیقدیغنی ایضاح ایتک ایجاب ایلر .
وبرکولرک احداثدہ وتخصیصات واسطہ سیلہ مصارفات ایچون
مساعده اعطاسندہ پارلمنتونک رولی ۱۴نجی بابدہ آکلاتیلاجقدر .
بزبورادہ یالکزبوویرکولری طوپلامغہ وتخصیصات صراف ایتمک
خدمت ایدن مقانیزمہ ایلہ مشغول اولاجنر [۱] .

[۱] الیوم جاری اولان اصول مالیه نک غایت مکمل تعریفانہ

Legislative Methods and Sir Courtney Ilbert

Forms اثرندہ ، صحیفہ ۲۸۴-۲۹۹ ، تصادف اولونور .

قومون ولت Common Wealth [*] دورینه کلنجهیه قدر قونسولیده خزینه برقاعده عمومیه اولارق ، ویرکولر قراله ویریلیدی . اوده وانکلتره بانکه سی وارداتی ، کیفه کوره ، حکومتک احتیاجاته تخصیص ایدردی . فقط ، ایکنجی شارلدن صوکره ، پارلمتو واردات عمومیه نك بعض اقسامی معین برغایه تخصیص ایتکه باشلادی . ۱۶۸۸ اختلالندن صوکره ، بواصول تام برسیستم حاله منقلب اولدی . بواصول موجبنجه ، وارداتک یکونی آنحق پارلمتو طرفندن تعیین ایدیله جک خصوصات ایچون ، تعیین ایدیلن ارقام دائره سنده استعمال ایدیله بیله جک صورته تقسیم اولونوردی [۱] . مع مافیه ، بعض ویرکولرک حاصلاتی خصوصی ایشله حصر ایتک عادتدی . بو ، محاسبه عمومیه یی بیوده ره مشکلاشدیریوردی . ۱۷۸۷ ده ویلیام پیت ، اسکی بر دوره ده کی قسمی تجربه لری تکرار ایدهرک یکانه قونسولیده بر خزینه Consolidated Fund تأسیس ایتک صورتیه ایشاری ساده لشدیردی . هر نوع واردات بزرایه تودیع اولونیور ، بوتون تأدیات ده اورادن تسویه ایدیلیوردی [۲] . بو خزینه ، انکلتره بانکه سنه

[*] برنجی شارلک وفاتندن (۱۶۴۹) ریشارد قروموه لک فراغته (۱۶۵۹) قدر دوام ایدن شکل حکومت - مترجم .

[۱] اوچنجی ژورژ معین بر خزینه خاصه مقابلنده لانتقاستر ، قورنواکیل دوقه قلمری وارداتی مستثنا اولو اوزره مقام حکمدارینک بوتون ارثی وارداتی ترک ایدنجهیه قدر بو وارداته تطبیق ایدیله مشدر .

و ایرلندا بانقه سنه تودیع اولونمشدر . بانقه لر بو پارایی سائر
تودیعات کبی استعمال ایده بیلیرلر . حکومت یابدقلری خدمت
علی العاده بر بانقه نك بر تاجرہ ایفا ایتدیکی خدمتک عیندر .
واردات عمومیه یی بو طرزده اداره ایتمک اصولی بوسوک زمانلره
کلنجیه قدر همان همان عیناً دوام ایتمشدر [۱] . یالکز ، صوک
زمانلرده ایکی یکیلک ، ایشلری بر درجهیه قدر گرفت بر حاله
صوقمشدر . برنجی یکیلکه کوره ، بردائرہ ، عارضی وارداتی ،
یاردیمچی تخصیصات Appropriations in aid صفیلہ مصارفاته
قارشیلق اولمق اوزره صرف ایده بیلیر . ایکنجی یکیلک دولت
وارداتنک بعض اقسامی محلی ویرکولره برضیمه تشکیل ایتمک
اوزره تفریق ایلر . هر ایکی تقدیردهده بو عملیه قونسولیده
[۱] بو قاعده نك هیچ مستثناسی یوق دکلدی . چونکه کمیلرک
ویردکلری لیان رسومندن طولانان تجارت بحریه وارداتی ، قونسولیده
خزینہ دن کچمه دن تجارت نظارتنک مصارفنک بر قسمی قایامغه خدمت
ایدیوردی . باقکز : سیویل مؤسسات حقنده کی قومیتہ نك ۲ نجی
راپوری Com. Papers. 1898. XXVI, 1, Q, 18214-18226
۱۸۹۸ ده بو تخصیصات فنارلرک ، شاماندرلرلرک ادامه سنه حصر
ایدیلدی . شایان دقتدرکه بویاردیمچی تخصیصاتلره دائر اولان ۱۸۹۱
قانونی (2 Vic., c. 24 54-55) ذاتاً مستعمل اولان بواصولی
قانوناً قبول ایتمکدن باشقه بر شی یامادیفنی بیان ایدر . الیوم بو نوع
تخصیصاتلر بونلره محتاج اولان دوائرک تخصیصاتلرینه منضم تخصیصات
اولارق بارلمنتو طرفندن قبول اولونور . هر تخصیصاته تعلق ایدن یاردیمچی
ارقام مالیه قانونی جدولنه آیری برستونده علاوه ایدیشدر . قونسولیده
خزینہ بوارقامی تجاوز ایدن حاصلات تودیع اولونور .

سرمایه دوقونمادن یاپیلیر [۱]. بوایکنجی استنا محلی صرفیاتک چوقلغندن و محلی ویرکولر ساحه سنک دارلغندن ایلری کلشدر. بوسیلر ملی خزینهدن معانت وقوع بولماسی یولنده طلبلر درمیان ایدیله سنی انتاج ایتیش و بومناسیتله بعض معین واردات بر طرفه آیریلشدر. مثلاً محلی رخصتیه لر حاصلاتی ایله توارث ویرکوسنک بر قسمی، مشروبات کتولیه واسپرطو رسومنک حاصلاتی حکومت مرکزیه طرفندن تحصیل اولوناراق دوغرودن دوغرویه محلی ویرکولر حسابنه یاتیرلشدر [۲]. فقط بوایکی جهت استنا ایدیلیر سه دولتک بوتون وارداتی قونسولیده خزینیه کیدر و بوتون مصارفات اورادن حیقار.

مالیه نظارتنک Treasury اصوللری الیوم ۱۸۶۶ ده یاپیلان قونسولیده خزینیه باره کله نک اصولی Exchequer and Audit Departments Act ایله [۳] ۱۸۹۱ ده کی Public Accounts and Charges Act [۴] طرفندن تعیین ایدیلشدر. بوقانونلر موجبجه غیر صافی واردات - یوقاریده بحث ایتدیکمز قسملر آیرلدقن صوکره - انکلتیره و ایرلندا بانکله رینه، نک بر خزینیه اولارق صرف و استعمال

[۱] ایلبرت : Legislative Methods and Forms
 ۲۹۵-۲۹۴، Glen: Law of Public Health، ۱۳۴۳-۱۳۴۴.
 [۲] بویکیکک، محاسبه عمومیه ده قاریشقلق تولید ایدیور دیه
 پک شدتلی تقیداته معروض قالشدر. سر هامیلتونک بر خطر ه سنه
 Com. Papers, 1902, VII, 15 Append 12 : بافکر:

29 30 Vic., c. 39 [۳]

54-55 Vic., c., 24 [۴]

ایدیلک اوزره ، « ذات حضرت حکمدارینک Exchequer ی
حسابنه » تودیع اولونور . وارداتک باشلیجه اوچ تحصیل
واردات منابعی واسطه لری کومروک قومیسر لکری ، واردات داخلیه قومیسر-
لکری و پوسته نظارتیدر . سربستی مبادله اصولنک انکشافی
نتیجه سی اولارق ، کومروک رسومی یالکز قهوهیه ، هندبایه ،
قاقاؤویه ، قورو یمشله ، توتونه ، شرابه واسپرطولی مشروبات
کبی بر طاقم محصولاته حصر ایدیلشد . انکلترده یاپیلان
بوقیل محصولاتدن آنان استهلاک رسومنه تقابل ایتک اوزره
بونره کومروک قونولشد . جنوبی آفریقا محاربه سی اثناسنده
کومورلره بر اخراجات رسمی قونولدیگی کبی شکر بوغدایدن ده
کومروک آلمغه باشلانمشدر . فقط بوغدایدن آنان رسم
۱۹۰۳ تاریخنده الغا اولوندی . کومور اخراجات رسمندن ده
۱۹۰۶ ده صرف نظرایدیلدی . صلح زماننده ، طبیعی احوال
و شرائط داخلنده ، مالی نقطه نظر دن ، کومروک رسومی
تقریباً واردات عمومیه نک بشده برینی تمثیل ایدر که بوبالخاصه
توتون وچای واسپرطولی مشروبات سایه سنده تأمین اولونمقده در .
پوسته خدماتنک (تلغراف ده داخل اولمق اوزره) حاصلات
غیر صافیه سی واردات عمومیه نک تقریباً یدیده برینی تشکیل
ایدر . یالکز ، شوراسنی اونو تماملیدر که بو حاصلاتک درنده
اوچی عینی نظارتک مصارفنی قاپامق اوزره صرف اولونور .
اوافق بر کسورات مستثنا اولمق اوزره ، وارداتک قسم متباقیسی

هپ واردات داخله قومیسرلردن کلیر. بونلرک منابعی مختلفدر .
 منابعک اک برنجیسی استهلاکات داخله وبالخاصه بیرادن ،
 اسپرطولی مشروبآدن آلمان استهلاک رسمیدر . دولتک واردات
 عمومیه سنک بر ربعدن زیاده سنی بو رسوم تأمین ایدر [۱] .
 اوندن صوکره ، دورلره کوره پک تحول ایدن « اینقوم تاقس »
 کلیر. صوگ یکرمی سنهده بوویرکو ، واردات عمومیه نک یدیده
 برندن درتده برینه قدر اولان قسمنی تشکیل ایتشددر . بوندن
 باشقه میراث ویرکوسی dead duties ده واردرکه مترقی بر
 نسبتدهدر . وارداتک اونده بری بومنبعدن چیقار. اسکی اراضی
 ویرکوسی ومسکون اولر رسومی بالنسبه آز برشی کتیریرلر .
 هر نوع قونطورا تولردن ، مقاولاتدن ، رخصتیه لردن آلمان پول
 رسمی واردات عمومیه نک تقریباً اون ایکیده برینی طوتار .
 استهلاک رسمی نامی آلتنده تحصیل ایدیلن رخصتیه لردن بعضیلری
 اوقدر خیفیدرلرکه واردات تأمین ایتمکدن زیاده خلقی ازعاج
 ایتک ایچون قونولشه بکزرلر . بر آرابه دن باشقه بریره قونولمش
 اولان آرملردن آلمان بر لیرالق رخصتیه رسمی ، ارکک بر
 خدمتچی استخدام ایتک یاخود درت تسکرلکللی اولمایان بر آرابه
 قوللانمق ایچون آلمان اون بش شیلینلک رخصتیه رسمی ،
 آراده صیراده توتون صاتمق ایچون کونده آلمان درت پنیلک
 رخصتیه رسمی ایشته بوقیلدندرلر [۲] .

[۱] محلی ویرکولر حسابنه آیریلان مبالغ بونده داخل دکلدز .

[۲] بور رخصتیه رسومی محلی ویرکولر حسابنه یاتیریلیر ، دولت

خزیننه سنه کیرمز .

دائمی و سنوی
ویرکولر

نه مصارفاتده نهویر کولرک وارداتنده قطعی و مطلق بر استقرار
موجود اولمادیجی جهتله ، بونلری بر برلرینه تام بر صورتده
تقابل ایتدیرمک ایچون منابع وارداتی هر سنه یکیدن تنظیم ایتمک
لازم کلیر . بو عملیه ، آز مقدارده بر طاقم متحول رسوم و تکالیف
واسطه سیله تأمین ایدیلکده در . ویر کولرک قسم اعظمی دائمی
قانونلرله وضع اولونمشدر . بونلر آنجق اوزون فاصله لرله
تعديل ایدیلر لر . فقط جای رسمنک مقداری ایله اینقوم ناقس
هر سنه ، سنوی مالیه قانونی ایله تعیین و تثبیت اولونور . ۱۸۹۴
تاریخندن بری بیرا ایله اسپرطولی مشروباتده برر سنه ایچون
بعض رسوم منضمه احداث ایدیلشددر .

بودجه نك دوغروانی

انکلیز دولت آدملری هر سنه مالیه نك واردات ایله مصارفاتی
آراسنده قطعی بر موازنه تأسیسی ایچون صرف غیرت ایتمشلر
و بونده خارق العاده بر مهارت کوستر مشلرددر . بالطبع جنوبی
آفریقا محاربه سی بحرانی اثناسنده بو نتیجه یی تأمین ایتمک موضوع
بحث اولامازدی . فقط بو محاربه یه تقدم ایدن یکر می بش سنه
اثناسنده واردات ایله مصارفات آراسنده کی فرق (دیون عمومیه
یوزندن وقوع بولان تأدیاتده داخل اولق اوزره) هیچ بر زمان
تقریباً یوزده دردی کچمه مشدر . بو یکر می بش سنه نك اون
بش سنه سنده ده یوزده یاریمی تجاوز ایتمه مشدر . واقعا بو ویر کولرک
ماهیتی اونلرک نه حاصلات تأمین ایده جکلرینی بویوک بر صحت ایله
تخمین ایتمه مساعدر . شانسیلیه یاپدیغی حسابلرده احتیاطه

رعايت ايدهرك اوکا کوره بر مقدار تخمین ايدر . بويله اولمفله برابر ، بحث ايتديکمز بودوره ائسانده تخمین ايدیلن واردات ايله تحصیل ايدیلن حقیقی واردات آراسنده کی فرق هیچ بر زمان تقریباً یوزده اوچ بوچونگی کچمه مشدر [۱] .

برسنه مالیه نهایته ، اوسنه ظرفنده صرف ایدیلک اوزره ویریلش تخصیصا تندن صرف ایدیله مه مش اولان قسملرک پارلمنتونک یکی برقراری اولمادجه صرف ایدیله میهرک احصای اصول مالیه ایشلرنده صحت وانتظامی پک عظیم صورتده تسهیل ایتمشدر [۲] . بوقاعده نک ، بوتون تخصیصاتلری ۳۱ مارتدن اول علی العجله ، حسابسز صورتده صرف واسراف ایتکه سائق اولاجنی ظن

[۱] شایان دقتدرکه ۱۸۵۸ دن ۱۸۹۵ تاریخنه ، منافع ملیه به تعلق ایدن خصوصات ایچون ویرکودن طلب ایدیلن پاره هیچ بر زمان آدم باشنه ، ۲ لیرا ، ۴ شیلین ، ۵ پنیدن آشاغی دوشمه مش وهیچ بر زمان ۲ لیرا ، ۹ شیلین و ۱۱ پنینی کچمه مشدر . ده مؤخر بر دوره ده ویرکولرک تزیایدینه دوغرو شدتلی بر تمایل مشهود اولقده در . ۱۸۹۹ ده حربدن اولسکی سنه ظرفنده بومقدار ۲ لیرا ۱۸ شیلین ۶ پنیه بالغ اولمشدی . ۱۹۰۲ ده ۳ لیرا ، ۸ شیلین ، ۸ پنینی بولدی . مصارفات ده ۴ لیرا ، ۱۳ شیلین ، ۱۱ پنیه چیقدی . ۱۸۵۷ دن ۱۹۰۰ تاریخنه قدر ، دیون ملیه متوالی ائمالرله تنقیص ایدیلدی . اولجه ۸۳۷۱۴۵۵۹۷ لیرا ایکن ۶۲۸۹۷۸۷۸۳ لیرایه دوشدی . ۱۹۰۲ ده آفریقا محاربه سی مناسبتیه ۷۴۷۹۱۱۱۰۷ لیرایه چیقمشدر .

[۲] تود بوقاعده نک تاریخی یازار . اوکا باقکمز : Govt. in

ایدیلشدی [۱]. آنجق، بو محذور صرف ایدیله ین تخصیصاتلرک کله جک سنه ایچونده معتبر اولماسی یوزندن تحدت ایده جک محذور لرله نسبتله اهمیتسز قالیر . فرانسه ده بونک ویردیکی نتیجه میدانده در . هر سنه حساباتی قطعی صورتده تنظیم اولونا میور ، بودجه نک آجینی آنجق وقایعدن سنه لرجه صوکره معلوم اولابیلوردی .

انسانلرک یابدقلری برحق ایی ایجادلر کی انکلیز بودجه سیستمی ده کنديسنه خاص برطاقم نقصانلردن عاری دکلدر . اعتناکارانه بر اداره یی تسهیل ایدر ، بودجه ده وقوع بولاجق تزاید نظر دقتی شدتله دعوت ایلر سده مستعجل احوالده وارداته برالاستیکیت تأمین ایتمکدن عاجز قالیر . اخیراً پارلمنتوده یر کولرک تملی کنیشلتمک صیق صیق موضوع بحث اولمشر . فقط ، بوتون تجاری سیستمی وعینی زمانده ویر کوره ژیمنی بوزمادن بونی یاپایلمک پک زوردر . ذاتاً ، موجود ویر کولر اولدقجه برالاستیکیتی حائز بولونمقده ایکن بونلری پک فضله چو غالمغه قالمق کنیدیلرنده کی مشمریت قابلیتنی تزید دکل تقیص نتیجه سنی ویریر .

برقیمی دائمی، برقیمی سنوی اولق اوزره ایکی نوع ویرکو

قونسولیده

[۱] حربیه نظارتنک تشکیلاتی حقنده کی انجمنک رابوری .

سرمایه دن پاره

Com. Papers, 1901, XL, 179, p. 6 مع مافیه ، حسابات

صرف ایتمه نک اصولی

عمومیه انجمنک اوچنچی راپورینه ده باقکنز ، Com. Papers, 1901,

V, 7, p. 14

بولونديغى كېيىنكى بىر قىسىم . بونلارنىڭ بىر قىسمى ،
 دائىمىي قانۇنلار دېگەر قىسمى دە سىنىي تەخسىياتلار استناد ايدر .
 حكومتك بونون مصارفات عادىيەسى ايچون پارلمنتونك ھەرسە
 مەسادەسى الزمدر . چۈنكى ، بىر كەرە ، نەزىيە ايچابى اولارق ،
 ملتەن ايستەنن پارە ، مىللەرنىڭ موافقىي اولمىسىزىن صرف ايدىلەمك
 اقتضا ايدر . ثانياً ، پارلمنتونك ادارەيى نەزىر تەقتىشە طوتايلىمەسى
 ۋە ھەر دورە اجتماعىيە ۋە ئىقتىد ايدە بىلىمەسى لازمدر . فقط بعض
 شىلر واردركە بونلرى سياست جاريەيە قارىشىدىر مامق و بىر فرە
 مجادلە سنك حرارتى اتناسندە موضوع بحث ايتەمك ايچاب
 ايلر . بونقە نەزىر دوشونولن باشلىجە مصارفات ، ديون
 عمومىيە فائىللىرى ، خزىنە خاصە ياخود قىرال شەخسىي تەخسىياتى ،
 قىرال خاندانى ايچون و بىرلىن مبالغ ، بعض قاعد تەخسىياتى ،
 حاكىملىك ، قونتروللور ، محاسب عمومىنىڭ ، عوام قىياسى رەئىسنىڭ
 ۋاھىمىيە دۈن دەا بعض مامورىنىڭ مەاشارىدر . بومصارفات ،
 عمومى صرفياتك ھەن ھەن دىرتە بىرىنى تەشكىل ايدرلر . بونلرە
 قونسوليدە خزىنەنك بورجىلرى Consolidated Found
 charges دىرلر . چۈنكى ، قانۇن ايچانچە ، بونلر پارلمنتونك
 مەداخلىسى اولمادىن دوغرىودىن دوغرىويە بوقونسوليدە سىرمايە دىن
 تادىيە ايدىلىرلر . دىگەر مەصارف ، بودجە خىدمەتى دىنلن ايشلرە
 تعلق ايدرلر . بونامك و بىرلىمەسى ايسە بو خىدمەتە عائد تەخسىياتلار
 بودجە انجمنى خالندە طوپلانمىش عوام قىماراسى طرفدىن قبول
 ايدىلەندىن ايلرى كىلىكەدەر .

قونسولیده سرمایه‌دن پاره آلتماسی اصولی ، بوسرمایه‌نک بورجلری عد اولونان مصارفات ایچون باشقه ، بودجه خدماتنه وقوع بولاجق صرفیات ایچون باشقه در . بودجه خدماتی ایچون ، پارلمتوده قبول ایدیلش تخصیصات مقدارنده براراده قرالیه استحصال ایدیلیر . بونی قرال ایله خزینه قومیسرلرندن ایکسی امضایدرلر . صوکره ، خزینه ، قونترولوردن و محاسب عمومیدن Auditor General انکلتره و ایرلاند بانکهلرنده بومقدار قره‌دی ویریله‌سنی طلب ایلر . او ، پارلمتونک ایجاب ایدن مساعدده‌یی ویرمش اولدیغه قناعت کتیرسه بانکهلرده اعتبار آچان برمکتوبی امضالار . آراده صیراده ، خزینه ، یابیلاجق تأدیاته کوره ، بوصورتله آچیلمش اعتبارمقدارینی کچمه‌مک اوزره بعض مبالغک برحسابدن دیگر حسابنه نقلی بانکیه یازار [۱] . قونسولیده خزینه‌نک بورجلری تلقی اولونان مصارفات ایچون تعقیب اولونان اصولک بوندن فرقی قرالک اراده‌سنه لزوم کورولمه مسندن عبارتدر . قونترولور و محاسب عمومی ، قانونک تثبیت ایتش اولدیغی مبالغ ایچون ، اوچ آیلق قره‌دی آچدیرر [۲] . بوصورتله ، پارلمتونک موافقتی اولمقسزین هیچ برپاره‌نک صرف ایدیله‌مسی جدی صورتده تأمین ایدیلش دیمکدر . قونسولیده خزینه انکلتره و ایرلاند بانکهلرینه تودیع اولونمشدر . قونترولور و محاسب عمومی‌نک امری اولمقسزین

چيقاق پارالردن بانقلر مسؤلدر. قونترولور ومحاسب عمومي،
 حاکمکر کی مستقل بروضعیتده در . حاکمکر کی اوده « حسن
 حال و حرکتی » کورولدکجه موقعی محافظه ایدر . معاشی
 قونسولیده خزینهدن آلیر . مع مافیه، بومطلق برتأمینات دکلدر .
 چونکه یارديمچی تخصیصات کی بعض پاره لر واردر که قونسولیده
 خزینهدن کچمزلر . تخمینده خطا ایدیلهمسی ایسه هیچ برزمان
 قابل اولامایاجغندن ، حکومتیه غیر ملحوظ ایجاباته قارشیلقی
 بولایمک و هیچ احتمال ویریلهمیه جک صورتده آرتمش مصارفاتی
 تسویه ایتمک ایچون بردرجه قدر صلاحیت و سربستی ویرلمشدر [۱].
 فقط بوقیل احوال قونترولور ومحاسب عمومی طرفندن بررپور
 ایله پارلمنتویه تماماً عرض اولونور .

خزینۀ مالیه، هر سنه پارلمنتویه کچن سنه نك حساباتی عرض حساباتك تدقیق
 ایدر . قونترولور ومحاسب عمومی ده مؤخر برتاریخده کندی
 راپورینی آیریجه ویریر . بونده قونسولیده خزینهنك بورجلرینی
 تدقیق ایدر ، بودجه خدماتی ایچون غایت مفصل معلومات
 اعطا ایلر . بوکا تخصیصات حساباتی دیر . اردویه ، دونانمایه
 وسیویل خدماته عائد اولق اوزره اوچ قسمه آیریلیر . دوائرک
 هر بری اوکا حساب یوللار . اوده بونلری تدقیق ایتدکن
 صوکره کندی مطالعاتیله عوام قاماراسنه کوندریر [۲] .

[۱] بوبابده کی احکامدن آشاغیده بحث ایدیله جکدر .

[۲] قونترولور ومحاسب عمومی نك کوندردیکی حسابات، Exche-

پارلمنتونك قبول ايتديكى تخصیصات فصل Vote فصل آیریلشدیر.
 بونلرك مقداری تقریباً یوز قرقه بالغ اولور [۱]. بودجه
 جدوللرنده بو فصللرده ماده item لره تفریق ایدیلیر. فقط
 اويله کورونیور که پارلمنتونك مصارفاته صریح صورتده وضع
 ایتدیكى یکانه حدود بو فصللردن عبارتدر. چونکه تخصیصات
 حقنده کی سنوی قانون، «بونلرك مربوط «ب» جدولده محرر
 خدمات و خصوصات ایچون» ویریلدیکنی بیان ایدر. جدولده
 فصللرك اسامیسی واردر. بونلرك ایکنجی درجه ده کی تقسیماتی،
 ماده لر محرر دکلدر. مع مافیه ۱۸۶۱ ده یاپیلان Exchequer
 and Audit Departments Act قانونی موجب قونترولور
 و محاسب عمومی، صرف ایدیلن پارەنك ماضع لهنه صرف

طرفندن دواثره تأدیه ایدیلن مبالغی بیلدیرر، یاپیلان مصارفاتی
 دکل. بونلر، باش قونترولورك تخصیصات حسابنده مندرجدرلر.
 یاپیلان مصارفاتك هیئت مجموعه سی ۱۸۶۶ قانونه قدر پارلمنتویه عرض
 ایدیلده مشدر. یالکز بحریه نظارتنده سر جه عیس غراهام ۱۸۳۲ دن
 اعتباراً بونلری منتظماً پارلمنتویه بیلدیرمکه باشلامشدی. لورد ولی نك
 مخطره سی Com. Papers, 1902, VII, 15. App 13 ؛
 Hatschek : Engl. Staatsrecht, 1, 495-502 فرانسز
 اصولارینك نكترده محاسبات عمومی اوزرنده اجرا ایتدیكى تأثیر وبالخاصه
 مضاعف اصول دفترینك قبولی حقنده شایان دقت معلومات ویرر.

[۱] بحریه ایچون اون بش، اون آلتی، اردو ایچون ده ینه
 او قدر فصل واردر. سیویل خدماتك مختلف شعباتی ایچون آیریلش
 فصللرك یکونی یوزی کچر. بونلر یدی صنفده طویلانیر. واردات
 قسمنده بش فصل واردر.

ایدیلوب ایدیله دیکنی تحقیق ایله مکلفدر [۱]. بوندن دولاییدرکه،
تقدیم ایتدیکی راپورده تخصیصاتی تجاوز ایدن مقداری ویا
تخصیصاتدن آرتان قسمی اسباب موجب لریله برلکده قید ایدر.
بونلری فصللر داخلنده کی قسملرک هربری ایچون یاپار. حتی ،
یکی مبانی انشاسی ایچون ویریلن تخصیصاتنرده هر ماده ایچون
آیری آیری کوستر . لزوم کورورسه بوکا کندی مطالعاتی ده
علاوه ایدر . عینی فصله داخل اولان ایکنجی درجه ده کی
تقسیماتدن برنده وقوع بولان فصله صرفیات ینه عینی فصل
داخلنده کی باشقه برقسمده حصوله کلن تصرف ایله تلافی ایدیلسه ،
حتی بو تصرف او فصله دن زیاده اولسه بیله ینه عینی صورته
حرکت ایلر . مع مافیه ، بویله اولورسه پارلمنتونک مداخله سنه
هیچ بر لزوم یوقدر . فقط بر فصلک یکون عمومسی تجاوز
ایدیلیرسه ، بو فصله تماماً غیر قانونیدر . آیریجه بر تخصیصات
ایله قاپاتلق اقتضا ایدر . پارلمنتو ، قونترولور و محاسب عمومینک
وعوام قاماراسی حسابات انجمنک راپوری اوزرینه بو تخصیصاتی
ویریر . بو قاعده نک یالکز بر استثناسی واردر . اردونک
ودونانمانک اداره سنی تسهیل مقصدیله ، تخصیصاتلر حقه ده کی
قانون سنوی ، غیر ملحوظ بر مصرفک ، بونظارتلره عائد سائر
فصللردن یاییلان تصرفاتدن تسویه ایدیله بیله چکنه دائر خزینة
مالیه بر صلاحیت ویریر . صوکره ، خزینة مالیه نک بوضورتله

مساعده ايتديكى نقل معامله سنى قانون ، قطعى حساباتى ياپيلان
صوك سنى ايجنده قبول ايله قانونى بر شكه صوقار [۱] . بو ،
بى باشقه مهم بر مسئله يى يعنى خزىنه مالىه نك سائر شعبات
اداره اوزرنده كى قونترولنى تدقيق بحثه كوتوريور .

سائر دواړا اوزرنده خزىنه مالىه نك واردات عموميه نك اخذ و صرفى اوزرنده
اجرا ايتديكى قونترول حقنده بر چوق مناقشه وقوعه كمشدر .
واردات جهته ، مسئله بسيدر . چونكه ، پوسته نظارتى
خزىنه مالىه نك قونترولى

اوزرنده ياپيلان قونترولى يوقارنده ايضاح ايتدك . آشاعده
آكلا تيله جنى اوزره ، بويوك منابع واردات دواړى اساساً خزىنه
ماليه تابددرلر . مصارفات اوزرنده كى قونترول مسئله سى بالنسبه
دها مهمدر . عوام قاماراسى انجمنلرى بونقطه حقنده دفعات
ايله تحقيقاتده بولونمشدر [۲] . فقط وقوع بولان بيانات چوق
كره مهمدى . خزىنه مالىه نك بودجه نك تنظيمى اوزرنده اجرا
ايتديكى قونترول ، پارلمنتو طرفندن تخصيصاتك قبولدن صوكره

[۱] باصولك تاريخى ايجون باقكر: تود ، ۲ نجى جلد ، ۳۱-۳۲ .

[۲] مسئله نك تاريخى ايجون توده باقكر: ۲ نجى جلد ، ۲۷-۴۳ ،

۵۴۳-۵۴۵ . صوك ياپيلان تحقيقات ايجون ، خدمات ملكيه نك

مصارفاتى حقنده كى انجمنك ۲ نجى و ۳ نجى راپورلر ينه باقكر: Com.

Papers, 1873, VII, 391, 415 سيوبل مؤسسات حقنده كى

انجمنك ايكنجى راپورى : Com. Papers. 1888, XXVII, 1 ،

حربه نظارتك تشكيلاتى حقنده كى انجمنك راپورى : G. P. 1901 ،

2 ، XL ، مصارفات مليه حقنده كى انجمنك راپورلى ، G. P. 1902 ،

VII, 15; 1903, VII, 483

مصارفات اوزرنده اجرا ايتديكى قونترول ايله قاريشديريلوردى .
مصارف تخمىناتى حقنדה ياپيلان قونترول يوقاريكى بابده تدقيق
ايدىلىشدر . بوراده شوقدرينى تكرر ايدىدجكزكه بوقونترول
هيچده مطلق برشى دكلدر . چونكه مهم برمصرف مسئلهسى
مهم برسياست مسئلهسى اولور . بونك حلى ، اختلاف تقدبرنده
باش وكيه ياخود قابينه يه تعلق ايدر . شونىده اونوتماايدركه
ناظرلى طرفندن مظاهرت كورن دائره لر عموميتله پك آغير
باصدقلىرندن ماليه كنديلرينه مقاومت ايدىدمن [۱] .

تخصيصاتلر بركره قامارا طرفندن قبول اولونجه ، دوائر
مصارفات اوزرنده كي قونترول
رسميه نك بونلرى پارلمنتويه قارشى اولق شرطيله ، بيلدكلرى كي
صرف ايتمكده حراولمالرى لازم كله چكى ظن ايديله بيلير . فقط
هيچده بويله دكلدر . بركره ، بردائره نك مصارفى خزينه ماليه نك
تصديقه عرض ايديله چكى قانونك امر ايمهسى قابلدن [۲] .
ثانياً ، معاشاتك تعينى حق قانون طرفندن خزينه ماليه ويريلهسى
ياخود برادارده ياپيلاجق تعديلاتك ماليه نك موافقتى اولمىسز
اجرا ايديله ميه چكى تصريح اولونماسى ده ممكندر . بوندى باشقه ،
برصف مأمورينك معاشرى شورا قراريله تثبيت ايديلير . بونلر

[۱] سيويل مؤسسات حقنده كي انجمنك راپورى C. P. 1888, XXVII, 1 . خزينه ماليه نك مستشار دايميى سر ولى نك افادهسى .
بحث ۱۰۷۰۴-۱۰۷۰۹ ، ۱۰۷۱۳ ، ۱۰۷۲۱-۲۶ ، ۱۰۷۶۶ .
[۲] مثلاً زراعت نظارتى احداث ايدن قانون كي , 52-53 Vic.

آنحق خزینہ مالیه نك مطالعه سی اوزرینه تعدیل اولونا بیلیرلر [۱].
 برده، عنغیه استناد ایدن عمومی برپرنسیپه کوره، بردائرہ نك
 دائمی مأمورلرینك عددینی یاخود معاشرینی خزینہ مالیه نك
 موافقتی اولمادن آر تیرمق جائز دکلدر . یالکز ، قانونه یاخود
 شورا قرارینه استناد ایدن تزیدلر بوندن مستثادر . بودجہ ده کی
 تخصیصات تجاوز ایدیلسه بیلہ عینی صورتده حرکت ایدیلک
 مجبوریدر [۲].

[۱] ایکنجی صنفه داخل مأمورلر ایچون ، ۱۸۹۰ سنه سی مارتنك
 ۱۳ ی تاریخلی شورا قراریلہ . Com. Pap. 1890, LVIII. 167
 دها یوکسك درجہ ده کی معاشات ، کندی نظارتلرینك آمری طرفندن
 قرارلاشدیریلیر . فقط خزینہ مالیه قومیسرلرینك تصویبنه عرض
 اولونور . ۱۸۷۶ سنه سی شباطنك ۱۲ سی تاریخلی شورا قرار ی .
 Com. Pap. 1888, XXVII, 1. 571 . فقط مالیه نظارتی ،
 او دائرہ ده ایکنجی صنف معاشاتنك فوقنده معاش آلان مأمورینك
 مقداری پك فضلہ اولمادیغنی تصدیق ایتہ دن اول منحل مأموریتلرہ
 کیمسه تعیین اولونامادیغنی کبی یکی تعیینلرده یاپیلاماز . ۱۸۷۶ سنه سی
 شباطنك ۱۲ سی تاریخلی شورا قرارینی تعقیب ایدن ۱۸۹۸ تشرین ثانی
 ۲۹ تاریخلی شورا قرار ی . مع مافہ ، ۱۸۷۳ و ۱۸۸۸ انجمنلری
 طرفندن طویلانان معلومات ، خزینہ مالیه نك ، تزایدہ مانع اولوق
 خصوصنده کی صلاحیتی نہ قدر واسع اولورسه اولسون تقیصات
 یاپدیرمقدن عاجز قالدیغنی صریح صورتده میدانه چیقارییور .

[۲] خدمات ملکیه نك مصارفاتی حقنده کی انجمنك ۳ نجی راپوری ؛
 سیویل مؤسسات حقنده کی انجمنك ایکنجی راپوری ؛ مصارفات ملیه
 حقنده کی انجمنك راپوری .

بعض دواثر اوزرنده کی قونترول بوندن ده فضله در. چونکه پوسته نظارتنك قونطورا تولى ايچون خزينه مالیه نك موافقى لازم اولديغى كې نافعہ نظارتى طرفدن عقدايديلن قونطورا تولى ده خزينه مالیه ايله امور نافعہ برنجى قوميسرى آراسنده مذاكره ايديلير [۱]. حربيه و بحريه نظارتلرينه قارشى ده مالیه نك بعض مناقله صلاحيتلى واردر. چونكه بر فصلدن آرتان مبالغه ايله ديكر فصلك آچيغنى قايماق اوزره اونلره مساعده ويره بيلور. حتى بر فصل داخلنده وقوعه كله جك مناقله لر ايچون بيله مالیه نك موافقى طلب اولونور. فقط بو بر عنعنہ دن عبارتدر، قانونى بر مجبورييت دكلدر. ذاتاً تعقيب ايديلن اصولده حربيه و بحريه نظارتلرينه كوره دكيشمكده در. دائماً مطيع داورانمغه اهميت ویرن بحريه نظارتى فصللر داخلنده مناقله يامه دن اول دائماً خزينه مالیه نك مساعده سنى طلب ايدر. حالبوكه اردو، فوق العاده احوال مستثنا اولمق اوزره، آنجق سنه نهايتنده بوادنى ايستر [۲]. فوق العاده احوال ايسه پك چوقدر. حتى بالخاصه بعض ماده لرى احتوا ايلر. خزينه مالیه ايله حربيه آراسنده بوبابده تقرر ايتمش قاعده لر واردر [۳]. مثلاً، يكي بر بنانك انشاسى

[۱] مصارفات مليه حقنده كى انجمنك راپورى Com Pap.

1902. VII, 15 Q. 1425

[۲] حربيه نظارتنك تشكيلاتى حقنده كى انجمنك راپورى. مثلاً محروقات واجاره ماده لرنده ياپيلان بر تصرف ايله ارزاق و حيوانيه جكى خصوصنده ياپيلان فضله مصرف در حال قاياتيلير.

[۳] اردو باش محاسبه جيسنك خزينه مالیه نك قونترولى حقنده كى مخطرہ سى

ایچون ، برمتعهده ویریله جك فضلہ مبالغك تسویه سی ایچون ،
 برزیانی تسویه ایچون ، بر فصلده وقوعه کله جك فضلہ صرفیات
 ایچون ، یکی بر فصل احداثی ایچون مالیه نك موافقتی الزمدر .
 حقیقتده ، اردونك ودونانمانك تخصیصات حساباتی خزینۀ مالیه
 ایله نظارت آراسنده بوقیل مسائل حقنده اوزون اوزون
 مخبراتك نسخه مصدقه لرینی ده احتوا ایدر . دوائر ملكیه یه كلنجه ،
 خزینۀ مالیه بونلره بر فصلدن دیگر فصله مناقله یامق ایچون
 مساعده ویرمك صلاحیتنه مالك اولمادیغی جهتله ، جاری اولان
 سیستم دهها ساده در ؛ مخبرات تماماً درج ایدیلر . مع مافیه ،
 حساباتده ، فصللر داخلنده کی اقسامه ، ماده لره عائد مصارفه
 خزینۀ مالیه نك مساعده ایتدیکنی معین تذکره لره مراجعت
 ایدیله سی قیدلری صیق صیق کورولور . بوبالخاصه معاشات ،
 عرصه اشتراسی ، انشآت بختنده تخمینا تدن پك چوق ماینت ،
 حقوقك ترکی ، غیر ملحوظ مصارفات کبی شیلرده وقوعه کلیر [۱] .

خزینۀ مالیه نك
 قونترولنك نتایجی
 مالیه نك قونترولوی بعضاً ، کوچوك ایشلرده جان صیقیجی
 برشیدر [۲] . فقط اداره ایچون جدی برانكل تشکیل ایتمز

[۱] محاکمه تعلق ایدن مصارفات اوزرنده خزینۀ مالیه نك قونترولوی
 سائر دوائر ملكیه اوزرنده کی قونترول قدر صیقی دکلدر . فقط ،
 مأمورلرك آیلقلری عمومیتله ، حکام ایله خزینۀ آراسنده اویوشولق
 صورتیه تعیین اولونور . خدمات ملكیه نك مصارفاتی حقنده کی انجمنك

ایکنجی راپوری . Com. Pap. 1873, VI, 391, p. 6-8

[۲] سیویل مؤسسات حقنده کی انجمنك راپوری . Com. Pap.

وايشلرڪ رؤيتي مشكلاته اوغراتماز [۱] . بر دائره نك قطعي صورتده عزم ايتديكي بر مصرفك اجر اسنه مانع اولاماز سه ده [۲] ، ساده جه ، خزينه ماليه نك مطالعه سني الموق مجبوري تي فضله طاشقينقلري منعه كافي كلير [۳] .

پارلمنتو طرفندن قبول ايديلن تخصيصاتك صورت استعمالى حقنده كي قونترولندن و بودجه ده كوسترلمه مش شيلره تخصيصاتك صرفه ماذونيت اعطاسنه دائر حائز اولديغي حقندن باشقه ، خزينه ماليه ، ايجاب ايدرسه ، پارلمنتودن هيچ بر تخصيصات

1888, XXVII, 4 Q. 18076, 17178 182, 18088, 19150, 16165, 16171 75. تجارت نظارتك اسكي مستشار دائمي سي لورد فاره رك ديديكى كى : « بويوك ايشلرده خزينه ي آلداتا بيلير . فقط اوده كوچوك ايشلرده بزي آزارلار » . كذا ، ۲۰۰۲۱ .

[۱] حربه نظارتك تشكيلا تي حقنده كي انجمنك راپورى . Com. Pap. 1901, XL, 179 ؛ جنوبى آفريقا محاربه سي حقنده كي انجمنك راپورى Com. Pap. 1904, XL, 1, p. 143

[۲] سر ولى يه باقكر . سيويل مؤسسات حقنده كي انجمنك راپورى . 1888, XXVI, 1. Q, 20382-83

[۳] ماليه نك قونترولنك اصل قوه تاييديه سي عوام قاماراسنده كي حسابات انجمنك كنديسنه كوستره جكي مظاهرتدر . مثلا ، ۱۹۰۱ ده حربه نظارتك بر متعهده ، اوسنه نك هيچ بر فصلنده مندرج بولونمايان برقونطور اتويه مقابل تخصيصاتى يكونى تجاوز ائمه دن و يرديكى فقط ماليه نك مساعده سي صورماديني بيك ليرا مناسيتيله حسابات انجمنى « خزينه نك مساعده سي اولمادن بودجه ده كي تخصيصاتك بوصور تله صرفنى انجمنكز تقبيح ايدر » ديمشدى . حسابات عموميه حقنده كي انجمنك

۳ نجى راپورى . Com. Pap. 1901, V, 13, p. 415

ویریلەمش اولدیغی حالده بیلە دولت قاصه‌سندن صرفیاتده بولونابیلیر. بو خصوصده خزینەنك اوج منبئی واردر: «تره‌زورری» معامله‌سی ایچون آیریلش سرمایه‌که بر میلیون لیرادر. خدمات عمومیه‌نك ایفاسی ایچون بوندن علی‌الحساب صورتیله صرفیات اجراسی قابلدیر. صوکره قامارانك قبول ایده‌جکی تخصیصاتدن بوصرفیات یرینه قونور. مصارف غیرملحوظه Civil Contin- gencies Fund ترتیبی‌که مقداری یوز یکریمی بیك لیرادن عبارتدر. بوده غیر ملحوظ مصارفاتی و آچیق‌لری قابامق ایچون قوللانیلیر. بونلردن باشقه برده غیر ملحوظ واردات واردر. پارلمنتو بونلری یاردیمچی تخصیصات دییه تثبیت ایتمه‌مشدیر. خزینۀ مالیه‌نك ایکی قامارایه وقوع بولان اشعاری اوزرینه بونلر یاردیمچی تخصیصات اولارق استعمال ایدیلەبیلیرلر [۱].

خزینۀ مالیه‌نك
تشکیلاتی
اولکی بابك باشلانغجنده خزینە انجمنك (Board) تاربخندن بحث ایتدی‌کمز صیراده، بوانجمنك آرتق طویلانمادیغنی سویله‌مشدك. خزینۀ مالیه محرراتی الآن «مای لوردلر» May Lords نامنه یازیلیر. فقط بو، اسکیدن قاله باصمه قالب بر تعبیردر. چونکه شانسلیه استنا ایدیلیرسه انجمنك سائر اعضالری امور مالیه‌نك تمشیتنه آرتق اشتراك ایتمه‌مکده‌درلر. اوج کوچوک لورد junior Lord حالا بعضاً کوچوک اداری

[۱] حسابات عمومیه و مصارفات حقننده کی قانون . Vic. 54-55,

ایشان کورورلر . فقط بونلرک اصل وظیفه لری پارلمنتویه منسوب کاتبه یاخود Patronage Secretary یه یاریم ایتمکن عبارتدر . بوزات حکومتک عوام قاماراسنده کی برنجی « وایپ » یدر . درت وایپ دولتدن برآیلق آلیرلر . چونکه وظیفه لری « مجلسه اعضا تدارک ایتمکدر » . یعنی بودجه رایه قونولدیغی زمان مجلسده نصاب اکثریتی تأمین ایله مکدر . حقیقته بونلر برر مأموردلرلر . فقط دولتک دکل ، موقع اقتدارده کی فرقه نک ، ویريله جک بر رأی هیئت وکیله یی علاقه دار ایتدیکی زمان ، طرفدارلرینک مخالفته نسبتله دهافضله برمقدارده مجلسده حاضر بولونمالرینه دقت ایتک وظیفه سی بونلره ترتب ایدر . خزینه مالیه نظرآ برنجی لوردک وضعیتی غیر طبعیدر . عادت ایجابی برنجی لورد عینی زمانده باش وکیلدر . بو حیثیتله ، نظریاتده ، بوتون شعبات حکومت اوزرنده برحق نظارتی حائزدر . مختلف ناظرلر آراسنده حکمملک ایدر . بناء علیه ، خزینه مالیه ایله سائر دوائر آراسنده کی اختلافانده حکم اولور . فقط برنجی لورد عینی زمانده ایستر باش وکیل اولسون ایستر اولماسون ، خزینه مالیه ایله حقیقی برارتباطی واردر . خزینه نک صلاحیتلری ، اسمندن آکلاشیله جنی درجه دن واسعدر ، غایت متنوع موادی احتوا ایدر . برطرفدن امور مالیه تماماً شانسلیه یه مودوعدر . بوندن دولای برمالیه ناظری دیمکدر . خزینه مالیه نک محاسبه جیسی کنديسنک پارلمنتویه منسوب مستشارلغی ایفا ایلر . دیگر

طرفند ده عمومی صورتده دنیله بیلیر که برنجی لورد مالیه ایشلرینه هیچ مناسبتی اولمایان برطاقم دواثرکده رئیس اولابیلیر .

تابع دواثر خزینۀ مالیه ، اصل معناسیله اداری وظائفی اولمایان ، فقط بر نظارت وقونترول ایشی کورن برداثره دیه تعریف اولونمشدر [۱] .

برمعناجه بودوغرودر . چونکه واردات عمومی جهتده بیله اداره نك برعضوی صقیله حائز اولدیغی وظیفه یالکزر امورمالیه نك اداره سنه وقونترولنه انحصارایدر، وارداتك نه تحصیلنه نه صرفه شامل اولماز . بودجه یی حاضرلار ، کندیسنه عرض ایدیلن تکلیف لری کوزدن کچیرر وبومصارفات طلبلرینی تأمین ایتمه باقار . وارداتك تحصیلنی تفتیش ایدر ومصارفاتی تحت نظارتده طوتار . سیاسی رئیس لره بوایشده برهیئت مأمورین معاونتده بولونور . بونلر دائمی مستشارك معیتده درلر . بودائی مستشارك موقعی دائمی خدمات اداره نك الك یو کسکی عداوازنور . وارداتك تحصیلنه دوغروندن دوغرویه مأمور اولان دواثرک آیری تشکیلاتلری واردر . دائمی مأمورلردن مرکب خصوصی هیئت مأمورینه مالکدرلر . فقط پوسته خدماتی استننا ایدیلیرسه ، کندیلرینه مخصوص سیاسی برباشلری یوقدر . حقیقده خزینیه ملحق وتابع دائره لردر . بونوعه داخل اولان درت بویوک دائره ، یوقاریده تعریف ایتدی کمز پوسته نظارتی ایله رسومات ، واردات داخلیه ، اورمان و اراضی وارداتی دائره لیدر . هربری ،

دائمی مأمورین قادر و سنده داخل قومیسر لر طرفندن اداره اولو نور لر .
هیئت و کیله د یکشد کجه تبدل ایتمز لر [۱] .

منحصر آ خزینه بی علاقه دار ایدن تأدیات ایله مشغول سائر
اداره لر قارشیده مالیه عینی وضعیتده در . بونلر دیون عمومی
و ملیه اداره سی ایله امور نافعه ایچون استقراضات انجمنی
(Board) و تأدیات رئیس عمومی دأر ه سی Paymaster

[۱] بوتون بو دأر ه لرك تشکیلاتی و خزینه مالیه ایله اولان منا -
سبتلری Gneist طرفندن غایت مفصل صورتده تعریف ایدیلشد :
Das Englische Verwaltungsrecht ، ۳ نجی طبع ، ۳ نجی
کتاب ، ۴ نجی باب .

اورمان و اراضی وارداتی دأر ه سی مقام حکمداری به عائد اراضینک
وارداتی ، لانقاستر و قورنوا یل دوقه لقلری مستثنا اولق اوزره ،
تحصیل ایدر . اونلرك وارداتی هیچ بر زمان ملته ترك ایدیله مشلدر .
الآن بری قراله دیکری ولی عهده عأددر لر . ارثی وارداتدن بعضیلرینه
بو دأر ه تحصیل ایدر . فقط وارداتنک مجموعی پک آز بر شیئه بالغ
اولیور . بوندن دولای آنجق ایکی قومیسری واردر . بوتون ادخالات
واخرات رسومنی تحصیل ایدن کومروک اداره سی بر رئیس ، بر رئیس
و کیلی و اوچنجی بر قومیسر طرفندن اداره اولو نور . استهلاک رسومنی
وسائر ملی ویرکولری تحصیل ایدن واردات داخلیه اداره سی عظیم
بر اداره در . بونک باشنده بر رئیس ، بر رئیس و کیلی و ایکی قومیسر
دها واردر . استهلاکات ، تسکالیف و پول دأر ه لرینی برلشدیردرك
بوداره بی وجوده کتیر مشلدر . رسومات و واردات داخلیه اداره لرینی
بیله برلشدیرمک موضوع بحث اولدیه ده بونک موافق اولمایه جفته حکم
ایدیلشد . سیویل مؤسسات حقنده کی انجمنک راپوری . Com.

Generals, Office در . بوتون تأدیات شیمدی بو دائره واسطه سیله وقوعه کلیر . تأدیات رئیس عمومیسسی سیاسی بر مأمور اولمقله برابر کندی دائره سیله هیچ بر مناسبتی حائز دکلدر . اودائره خزینئه مالیه نك امری آلتنه ویریلشدر [۱] .

خارج دوائر خزینئه مالیه یه ملحق دواؤردن باشقه بر طاقم اوزاق ، خارج دوائر دها واردر که مالیه یه آز چوق صیقی صورتده مربوطدرلر . بونلرک مالیه ایشلریله هیچ مناسبتلری اولمادیغنی یوقاریده سویمشدک . فی الحقیقه ، هیچ دکلسه نظری صورتده دنیه بیلیر که ، کلیسا وامور خیریه ایشلرینه باقان قومیسرلر مستثنای اولق اوزره [۲] ، کندیسنه خاص بر آمر سیاسیسی اولمایان

[۱] شانسلور عینی زمانده ضربخانه مدیریدر Master of the Mint

[۲] کلیسا قومیسسونی ، باش پستقوسلره عائد اولان اراضی بی ورسمی کلیسانک سائر املاکنی اداره ایدر . بونلرک حاصلاتی پستقوسلرک معاشتنه ویریر ، فقیر و نفوسی غلبه لقی یرلرده آنغلیقان کلیسانک آچدینی مؤسساته صرف ایلر . شعبات اداره دن هیچ برینه مربوط دکلدر . بو ، حقیقته عمومی اداره نك بر شعبه سی اولمقدن زیاده کلیسایه تابع بر مؤسسه در . قومیسونده بوتون پستقوسلر ایله قاینه ناظرلرندن بعضیلری وغیر روحانی بعض ذوات داخلدر . بونلرک ایکسی پارلمنتویه منسوبدرلر .

مؤسسات خیریه نك اداره سی ایچون نیم قضائی صلاحیتی حائز بر هیئتدن عبارت اولان امور خیریه قومیسسونی بر دائره رسمیه نك وضعیتنه پک مشابه بروضعیت اشغال ایدر . بونده کی درت قومیسرلرکدن بری مجانیدر . بو ، پارلمنتوده قومیسسونی تشیل ایلر . ایشته بو ایکی قومیسسون پارلمنتوده مقام حکمدارینک مسئول

و باشقه برنظارته مربوط بولونمايان بوتون شعبات اداره خزينه مالیه نك تحت نظارتنه ويريلمشدر . پارلمنتودهده بودائره لری خزينه مالیه تمثيل ايدر . فقط بوقيل اداره لرك قوميسر لری ياخود باشلری ، برقاعده عمومیه اولارق ، برنجی لوردك ياخود باش و كيك توفیه سی اوزرینه تعیین ایدیلدك لری حالده خزينه نك بونلر اوزرنده اجرا ایتدیكى قوت و ترولك درجه سی پك متحولدر . حتی بعض احوالده ، مصارفات یكوتی تنظیم کیفیتی مستثنا اولق اوزره ، مسؤلیتی بر درجه یه قدر نظریدر . بوقیل بر چوق مؤسسات تماماً فرقه مناقشاتى خارجنده بر اقلمشدر . مثلاً بریتیش موزه ئوم ، ناسیونال غالری ، ناسیونال پورترت غالری معتمدلر هیئتى Board of trustees پارلمنتویه منسوب اعضا لری احتوا ایتدك لری حالده بونلر هیچ بر زمان هیئت و كیله نك تبدیلی اوزرینه استعفا یی عقللرینه كتیرمه مشلدر . خزينه مالیه نك مملكتك اداره سنه دوغرو دن دوغرویه قاریشان باشلیجه خارج دوائری شونلر در : خدمات ملكیه قومیسونی كه خدمات ملكیه نك مختلف شعباتی ایچون نامزدلرله اشتغال ايدر ؛ پارلمنتو مشاورلری دائره سی Parliamentary Council's office كه ناظرلر طرفدن ویریلن بوتون لایحه قانونیه لری قلمه آلیر ؛ طبعیه دائره سی كه بوتون وثائق رسمیه یی طبع ایتدیرر .

ناظرلری تلقی ایدیله مه یں ممثلره مالک اولق کی غیر طبیعی بروضعیتده درلر . بونقطه نظر دن ، بریتیش موزه ئوم ، ناسیونال غالری ، ناسیونال پورترت غالری عینی خصوصیتی اراثة ایدرلر .

اون دوقوزنجی عصرک بویوک برقسمنده، تجاری صنفلرک
 حائز اولدقلری بویوک نفوذ و تأثیر سایه‌سندہ حکومت، تماماً
 تجارت ایشلری اصولی تعقیب ایدہرک مملکتی اداره ایتدی .
 بو پرنسیپلری تمثیل ایدن خزینہ مالیه، اداره بناسنک کلیدطاشی،
 یاخود تعبیر دیگرله، دولت مقانیزمه‌سنک محوری ایدی .
 فی‌الحقیقه، خیلی زمان، شانسیلهک وظیفه‌سی باش وکیلدن
 صوکره قابینه‌نک ال بویوک موقعی کبی تلقی اولوندی . او مقامده
 بولونان ذات باش وکالته نامزد عد ایدیلدی . باش وکیل
 لوردلر قاماراسنه منسوب ایسه عوام قاماراسنک باشنه کتیر یله‌جک
 ذات دئییه نظر اعتباره آلدی . فقط اقتصاد آرزوسنک ضعیفله‌مسی
 و باشقه مطالعه‌لرک غلبه‌سی نتیجه‌سندہ، خزینہ مالیه بو فائق
 وضعیتنی برآز غائب ایتدی . لورد سالسبورینک حکومترلرینک
 صوگ اون ایکی سنه‌سی ظرفنده عوام قاماراسنک شانسیله
 طرفندن دکلده صورت مخصوصده تعیین ایدیلش بر خزینہ
 برنجی لوردی طرفندن اداره ایدیله‌مسی بو اهمیتسزلکی
 کوستره‌جک براماره دئییه قبول اولونابیلیر . دونوم نقطه‌سی
 بو دورہ‌نک باشلانغجنده ۱۸۸۶ ده لورد راندولف چورچیل
 اردونک تخصیصاتی مناسبتیه آرقداشلریله منازعه ایتدیکی زمان
 حلول ایتش اولدی . حادثه افکار عمومیه‌ده بر تبدل حصوله
 کتیرمدی . یالکز، برامر واقع اولان بو تبدلی اشارت ایله
 قالدی . خزینہ مالیه هیچ شبهه‌سز مصارفاتک تفرعاتی اوزرنده کی

حق نظارتی، محافظه ایده جکسه ده باشند بولونان ذاتک، سیاست
عمومیه و سیاست مالیه اوزرنده اوتوز سنه اولکی قطعی نفوذ
وتأثیری تکرار اکتساب ایده بیلمه سی محقق دکدر .

آلتنجى باب

مختط مأموریتلر

حکومت
قانونلرک تطبیق General نه تقابل ایده جک تک بر ذات موجود دکلدر . بونک
وظائفک بر قسمی انکلترده بر طاقم مأمورین آراسنده انقسام
ایدر . سائر وظائفی ایسه ایفا اولونماز . بومهم نقصانی دولدوزان
باشلیجه مأمورلر لورد شانسلور ایله مقام حکمداری حقوق
مشاورلری Law Officers of the Crown و تعقیبات عمومی
مدیری Director of Public Prosecution در .

لورد شانسلور
انکلتره حکومتک اک یوکسک مأمور سیاسی ، قانونک
اک یوکسک واک مختلف وظائف تودیع ایتدیکی ذات ، بوتون
تاریخی حقوقی محافظه ایده بیلیمش یکانه یوکسک دولت مأموری ،
صفت و وضعیتی دنیاده تفریق قوا اساسنه قارشی بر میدان او قوما
تشکیل ایدن یکانه آدم : ایشته لورد شانسلور . حاکم ، لوردلر
قاماراسی رئیس و قابینه اعضاسی صفتیه حائز اولدینی موقع
یوقاریده تدقیق ایدیلدی یا خود آشاغیده تدقیق اولونا جقدر .
بوتون بونلردن باشقه مختلف ماهیتده بر طاقم وظائف دها ایفا

ایدر که قسم اعظمی قانونلرک تطبیق واجراسنه تعلق ایلر [۱].
 مثلاً شانسری دائره سنده Chaneery (لورد شانسور محکمه سی)
 مقام حکمداری قلمی رئیسیدر (at the head of the Crown Office)
 بویوک مهر بوراده تختیم ایدیلدیکی ایچون ، بوموقع ،
 سیاست دکلسه ده حقوقی وشکلی بر نقطه نظر دن بک حائز اهمیتدر .
 جنت احوالی تدقیقه مأمور قومیسر لر راپور لرینی لورد شانسورده
 تقدیم ایدر لر . تعقیبات عمومییه مسئله لرنده مرعی اولاجق اصول
 وقواعدی اوتدقیق وتصدیق ایتدیکی کبی اراضی تسجیل اداره سنی
 Land Registry Office ده باشلیجه اوقونترول آلتنده بولونیدر .
 بوندن باشقه ، عدلیه تعینلرینک هان کافه سی اوکا باغیدر .
 چونکه بویوک مناصبک حین توجیهنده رأی آیینر . محکمه عالییه
 High Court اعضا القلرینه اونک توصیه سی اوزرینه حاکم تعین
 اولونور . قاوتی محکمه لری حاکم لرینی وصلح حاکم لرینی اوتعین
 وعزل ایلر [۲] .

[۱] قانونلرک تطبیقنه هیچ تعلق ایتمین بعض وظیفه لرده کورور .
 بر طاقم مأموریتلره مأمور تعینی کبی . بومناسبتله شوراسنی خاطر لاتاق
 ایجاب ایدر که بویوک بریتانیا لورد شانسور اغانی و ایرلندا لورد لیوتنا
 نتاغنی بر قاتولیک اشغال ایده من . فقط بوصورت قطعییه ده محقق بر نقطه
 دکلدر . آسونه باقکز . ۲ نجی جلد ، ۱۵۸ و ۱۸۹۱ ، کی مذاکرات :
 Hans., 3 Ser. CCCXLIX, 1733 بومناسبتله عوام قماراسی ،
 موجود اولابیله جک عدم اهلیتی الفا ایشدر .

[۲] هر قاوتی ایچون صلح حاکم لرینک ایسته سی ، لانتا شیر مستثنا
 اولق اوزره ، حقیقته لورد لیوتنانت طرفندن تنظیم اولونور . لانتا شیرده

لورد شانسلور بر فرقه رئيسی وعینی زمانده قوه تشریعیه نك، قوه اجرائیه و عدلیه نك فعال بر اعضاسی اولقله برابر عینی الده بوقدر مختلف صلاحیتلرك اجتماعدن تولد ایده جکی ظن اولونابیلن محذورلرك هیچ بری فعلیاتده نمایان اولماز . هیچ شبه یوق که عدلیه انجمنده یاخود لوردلر قاماراسنده ، قبولنه اشتراك ایتمش اولدیغی بر قانونی تفسیر ایتمك وضعیتده بولونابیلر . فقط بونده بویوك بر محذور یوقدر . ایشك فناسی قوه اجرائیه ایله قوه عدلیه نك بر برینه قاریشماسنده در . اداری بر مقام صقیله اشتراك ایتدیکی بر ایشده یاخود طرز حلی کنديسنك استقبالده کی خط حرکتی ایچون مهم اولایله جك بر ایشده سیاسی بر مأمورك حاکم اولماسی شایان اهمیتدر . یالکیز ، بوکون شانسلور هیچ بر زمان یالکیز باشنه ایش کورمز . بوقیل بر مسئله اوکا آنجق استیناف محکمه سنده ، لوردلر قاماراسنده یاخود عدلیه انجمنده عرض ایدیله بیلر که یاننده عدلیه نظارتیله هیچ علاقهلری بولونمایان باشقه حاکم کرده واردر . برده ، شانسلور ، قاینه نك عدلی عضوی اولقله برابر یکانه حقوق مشاوری دکدر ، حتی رسمی حقوق مشاوری دکدر . حکومت ، مقام حکمدارینك رسمی حقوق شناسلرینك رأینی آلمادن حقوق نقطه نظریدن مشکوك

دوقه لقی شانسلوری طرفندن یاپیلیر ولورد شانسلورده بونی همان هروقت قبول ایدر . مع مافیه بومسئله صوك زمانلرده پك چوق مناقشات دعوت ایله مشدر .

بر ايشه هيچ بر زمان کيريشمز . بو حقوق مشاورلری هيچ
بر عدلی موقع اشغال ايتمز لر . حق غريبدر که هيئت و کيله
داخل اولقله برابر هيچ بروقت قابينه ده کورونمز لر .

مقام حکمدارينک
حقوق مشاورلری

مقام حکمدارينک باشليجه حقوق مشاورلری: Attorney
General ايله کنديسک رفيق مساعيسي و وکيلي اولان
Solicitor General در [۱] . بونلرک حقوق مسئلهلرينه دائر
مطالعهلری حکومت طرفندن و دوائرک هر بری طرفندن طلب
اولونا بيلير . مع مافيه ، دوائرک بر چوغنده کنديلرينه مخصوص
اولق اوزره دائمی حقوق مشاورلری واردر و بونلرک مطالعهلری
مسائل جاريه ايجون کافيدر . آتورنهی جنرال ايله سوليسيتور
جنرال استثنائی اهميتی حائر اولان بعض تعقيقاتی بالذات اجرا
ايدر لر ، جنایت تحقیقاتی اوزرينه اقامه دعوا ايلر لر ، مقام
حکمدارينک حقوقه تعلق ايدن ايشلرده يا خود مؤسسات
خبريه نك محافظه حقوقی ايجون مدافعهلرينه لزوم کورولن
خصوصاتده مدافعه وکیلکنده بولونور لر . پارلمنتوده حکومتک
اجرا آتسک قانونه موافق اولديغی مدافعه ايدر لر ، حکومتک
لايحه لرنده مظلوم حقوق نقطهلری حقنده ايضاحات ويرير لر .
خصوصی مشتری قبول ايتمه لری ممنوعدر . فقط آيلقلری

[۱] بونلره استوچيا ايجون بر Lord Advocate ايله بر
Solicitor General و ايرلاندا ايجونده بر Attorney General
ايله Solicitor General علاوه ايتک لازمدر .

و تخصیصاتلری [۱] او قدر یو کسکدر که بو مأموریتلر عوام قماراسنده کی مجادله لری ایله تمیز ایتمش آووقاتلر ایچون بویوک برسیاسی مکافات کی تلقی اولونور [۲]. باخصوص، بومأموریتلر کندیلرینه مخصوص معاشدن فضله فرقه موقع اقتدارده بولوندیغی ائنده انحلال ایده بیله جک اک یوکسک عدلیه مأموریتلرینه تعیین ایدیلک احتمالی ده تأمین ایدرلر .

انکلترده
تعییات عمومی

مقام حکمدارینک حقوق مشاورلرینک آنجق مستثنای اهرمیتی حاز بعض جنایت دعوالرینی بالذات اداره ایتدکلرینی سویله مشدک . باشقه مملکتلرده مجرملر علیهنده تعقیبات اجرایی بر دولت ایشیدر . محکمه لرده ، تا آشاغیدن یوقاری یه قدر ، رسمی مامورلر طرفندن ایفا اولونور . اسقوچیا دده بویله در . اوراده بو وظیفه مالیه مدعیلری Procurators fiscal دینلن مأمورلر طرفندن کورولور . بونلرک باشنده لورد آدووقات واردر . ایرلانداده بیله ، انکلتزه آتورنهی جنرالک امرلری آئنده حرکت ایدن مقام حکمداری آووقاتلرینک موجودیتی سایه سنده بوکا بکزر برسیسته م تطبیقاده تأسس ایتشدر . فقط انکلتزه ده [۱] آتورنهی جنرالک معاش سنویسی ۷۶۰۰ انکلیز لیراسیدر . سولیسیتور جنرالک ده ۶۰۰۰ لیرادر . هر برینک تخصیصاتی تقریباً ۱۰۰۰ انکلیز لیراسنه بالغ اولور .

[۲] سولیسیتور جنرال ایله ایرلندا آتورنهی جنرالی وسولیسیتور جنرالی ، هیئت وکیله ایله برلکده دکیشن سیاسی مأمورلر اولفله برابر هر زمان پارلمنتو اعضاسندن دکدرلر .

تعقیبات جنائیهك قسم اعظمی الآن ، هیچ دكلسه نظریاتده ،
 علی العاده افراد طرفندن اقامه اولونور [۱] . بر جرمندن متضرر
 اولمش یا خود اولماش هر شخص مجرم علیهنده تعقیباتده
 بولونابیلیر [۲] . قاعده عمومی اولارق ، تحقیقات حاکمی
 (مستنطق) ، متهمی بر محکمه حضورینه کوندرد کدن صوکره
 یا مشککی ، یا متضرر اولمش شخصی یا بر ضابطه مأمورینی
 یا کندی کاتبی یا بومقصدله استخدام ایدیلن بر سولیسیتوری
 تعقیباتده دوامه مأمور ایدر . تعقیبات ، عمومیتله ، محلی حاکمک
 سولیسیتوری طرفندن اجرا ایدیلیر . فقط تعقیباتده بولونمغه
 مجبور شخصلر بوتون تعقیباتی کندی آووقاته Counsel یاپدیرا-
 بیلیرلر . معافیله ، زمانمزده ، محکمه لر داخله نظارتی طرفندن
 تنظیم ایدیش تعلیماتنامهیه کوره ، مصارف قبول ایدرلر .
 بولری ده خزینه مالیه ویرر .

خیانت وطنیه جرملری کبی بویوک دولت دعوالرینی تعقیبات عمومی
 آتورنه ی جنرالک بالذات اداره ایتمه سی اوتدن بری غنغه مدیرلری
 ایجاباتنددر . بعض ایشلرده ، مثلاً مسکوکات علیهنده کی جرملرده
 مختلف دوائر منسوب حقوق مشاورلرینک بالذات تعقیباتده

[۱] Maitland ک Justice and Police اثر نفیسنده تعقیبات

بابنه باقکز .

[۲] معافیله دعوا قرال نامنه اقامه ایدیلیر . آتورنه ی جنرال
 دعواده بر قصد اضرار کورورسه بر nolle prosequi قراریه
 اونی دوردورابیلیر .

بولونمالرى تدریجاً برعادت حکمنه کچمشدر . فقط کچن عصرک اورتەلرینه دوغرو ، افکار عمومیه برعدلیه نظارتنک ادارهسى آلتندە دولت طرفدن تعقیبات اجراسی سیستەمنە طرفدار اولمغه باشلامشدر [۱] . بوحرکت ، ۱۸۷۹ و ۱۸۸۴ قانونلری ایله نتیجهلندی [۲] . بو قانونلر موجبنجه خزینە مالیهنک دائمی حقوق مشاورى اولان ودها بر طاقم حقوقی وظیفهلر ایفا ایدن سولیسیتورجنرالی تعقیبات عمومیه مدیری تعیین ایدیلشدر . بوصفته حائز اولدیغی صلاحیتلری تعیین ایدن تعلیماتنامە ، لورد شانسلورک وداخلیه ناظرینک موافقتیه آتورنهی جنرال طرفدن تنظیم اولونور . تعلیماتنامە احکامنە نظراً [۳] ، بوتون مهم جرائم ، مسکوکات علیهندهکی جرملر ، حیلەلی افلاسلر و آتورنهی جنرال یاخود داخلیه ناظرى طرفدن تعقیبی امر ایدیلەجک وقعهلر ومنفعت عمومیه نامنە تعقیبنە کندیسنک لزوم کورهجکی ایشلر مناسبتیه بوذات اقامە دعوا ایدر . کرک کندیسنک اقامە ایتدیکی دعوالری کرک آووقات اراثە ایدیلەدن یوکسک محاکم حضورینە حیقان سائر بوتون جنایت دعوالرینی

[۱] موسیو برایس بویله بر مؤسسەنک لزومنی اثبات ایتش و ۱۸۷۳ سنەمى مارتندە فورتناپلی ریویووک بر نسخەسندە The Organisation of a legal Department of Government نامندەکی مقالهسندە بونک برده پروژه سنی یامشدر .

42 43 Vic., c. 22; 47-48 Vic., c. 58 [۲]

۱۹۰۸ Com. Papers, 1887 LIII [۳] سنەسندە برقانون

ایله بووظیفە خزینە مالیه سولیسیتورلغندن تفریق ایدیلشدر .

کندی تعیین ایتدیکی آووقاتلر واسطه سیله ده سوق و اداره ایده بیلیر . حتی ، شاهد جلی یا خود آووقات تدارکی مسئله لرنده خصوصی مصارفه مساعدده ویرمک صورتیه شخصی و خصوصی بر دعوایه بیله یاریم ایتمه سی قابلدر . صلح حاکم لری کاتبلری و پولیس مأمور لری ایله حقوقی استشاره لرده بولونمق وظیفه سی جمله سندندر . بوتون بوایشلرده آتور نه ی جنرالک معیتنده در . تعقیبات عمومیه مدیری ، وظیفه سی حقنده هر سنه پارلمنتویه بر راپور تقدیم ایدر . بوکا ال مهم دعوالرک حکایه سنی ده علاوه ایلر . فقط ، اونک فعالیتنه رغماً ، تعقیباتک اکثریت عظیمه سی اسکیدن اولدنی کبی ، فردک قوه تشبیه سی سایه سنده وقوعه کلمکده در . چونکه ، هر سنه حق لرنده حکم صادر اولان بیکلرجه جزاایشلرندن آنجق ۳۵۰-۵۰۰ دانه سنه تعقیبات عمومیه مدیری مداخله ایدر . اقامه ایتدیکی دعوالرک مقدارنده هیچ بر تزايد تمایلی ایسه یوقدر .

انکلترده بر عدلیه ناظرینک وظیفه لرینک مهم بر قسمی کندی باشه ایفایده جک هیچ بر مأمور بولونمادیغنی کافی درجه ده کوستردک . متعدد کیمسه لر آراسنده تقسیم ایدیلشمش اولان وظائف مختلف دوائر آراسنده پارچه لاشدر . داخلیه ناظری طرفندن پارلمنتویه تعقیبات عمومیه حقنده تقدیم ایدیلن راپورده بونک بر مثالی کوزه چارپار . برنجی صحیفه ده داخلیه ناظرینک امضاسی واردر . فقط راپورک کندیسکی تعقیبات عمومیه مدیری

طرفدن امضالانمشدر . تاريخی ده خزینۀ مالیدن آتمشدر !
 Gneist ، انگلیز اداره سیستمی حقندۀ کی اثرندۀ لوردشانسلوری
 سیویل حقوق ناظری ، داخله ناظرینی ده جزا عدلیه ناظری
 دیه کوستیر [۱] . فقط بویله عمومی بر حکم ویرمک مبالغه لی
 وتمدکلی برشیدر . انگلیزلر هر هانکی بر شعبۀ اداره ده بر قاریشیق
 ایش یایمق ایسته دکلری زمان بوتون عمومی پرنسپلری قارمه
 قاریشیق ایتمک و بوتون عمومی قضیه لری حکم سز براققه پک مکمل
 صورتده موفق اولورلر دیمک ده دوغرو اولور .

کلیسا

انگلترده عدلیه ناظری بولونمادیغی کبی ، رسمی کلیسالی
 موجود بوتون مملکتلرده بر معتاد کورولدیکی اوزره بر دین
 ناظری ده یوقدر . انگلتره کلیسا سندن باشقه بر باده بحث ایده جکزه
 بوراده ، ساده جه ، کلیسانک تماماً رسمی بر مؤسسۀ اولمق
 وچوق کره پک شدید مناقشات سیاسیه قاریشیدر یلق ایله برابر
 بر چوق خصوصانده قوۀ اجرائیۀ نک قونترولندن شایان حیرت
 صورتده آزاده قالدیغی سوبله مک کافیدر . کلیسانک تشکیلاتی ،
 آینلری ، ایمان اساسلری آنجق بر قانون ایله تعدیل اولونابیلیر .
 فقط اداره ایشلرنده دولته تابعیتی بوقدر صیقی دکلدر . واقعا ،
 قرال کلیسانک اک بویوک رئیسیدر ، پسقوسلری وسائر بویوک
 کلیسا مأمورلرینی قرال تعیین ایدر . ایکی ولایتک قونووقاسیون

[۱] , Englische Verwaltungsrecht , ۲ نجی طبع ،

Convocation مجلسبری ، مالک اولدقلری بر مقدار صلاحیتی استعمال ایدیه بيلمک ایچون قرالک اذنه محتاجدرلر [۱] . فقط ، بو استئناییدیلیرسه ، مقام حکمداری کلیسانک اداره سنه وانضباط ایشلرینه قاریشماز . بونلر منحصرآ کلیسا مأمورلرینه عائددر . مذهب خطاسی یوزندن یا خود آیینی اخلال کیفیتندن دولایی بر راهب Clergymen عامینه اقامه ایدیله جک دعوالر آنجق پسقپوسک موافقتیه استماع ایدیله بیلیر . حکومت بوکا ذره قدر مدافعه ایتمز . کلیسا انجمننک اعضالرینک بر قسمنی مقام حکمداری تعیین ایتمکله برابر پسقپوسلر بو هیئتک اکثریت عظیمه سنی تشکیل ایدر . انجمنک کندیسیده هیچ بر نظارته تابع دکلدرد . بناء علیه ، کلیسانک اداره سی اوزرنده قابینه نک اجرا ایتدیکی یکانه قونترول قونووقاسیون مجلسنه قویه بیله جکی تحدیداتده و کلیسانک یوکسک مأمورلرینک انتخابی باش وکیله عائد اولماسی کیفیتده در . شوراسی غریبدر که باش وکیلک بهمه حال آنغلیقان کلیسانسه منسوب اولماسی لازم دکلدرد . حتی صو ک ایکی قابینه ده باش وکیللرک ایکسی ده آنغلیقان مذهبه منسوب بولونما یورلردی . باش وکیل کلیسانک بویوک مناصب وجهاتی living توجه حقنه مالکدر . لورد شانسلور ایسه توجهی مقام حکمداری به عائد بر قاچ یوز منصب وجهاته تعیین حقنی حائزدر [۲] .

[۱] پارلمنتو توسیع ایتده دیکه ، بو صلاحیت ، هیئت رهبان ایچون مجبوری بر طاقم احکام مذهبییه وضعنه انحصار ایدر .
[۲] مقام حکمداری به عائد اولان ویکرمی انکلیز لیراسندن دون

بواستنا ایدیلیرسه هیچ بر اظر نه کلیسانک اداره سندن نه افرادینک حرکاتندن مسؤل دکدر .

انکلترده کلیسا ایله دولت آراسنده کی رابطه دیمک که خصوصی برنوعدندر . بر اعتبار ایله ، بوصیق بر رابطه در . فقط اداری اولمقدن زیاده تشریحی و حقوقی در . بر طرفدن ، کلیسا بر طاقم قانونلرله موشکافانه باغلامشدر . یوکسک محکمه سنک حاکمی مقام حکمداری طرفندن تفریق ایدیمک لازمدر . استیناف استدعاری غیر روحانی بر محکمه یه عرض اولونور [۱] . فقط ، دیگر طرفدن ، کلیسا ، پارلمتودن تخصیصات آلمادن کندی وارداتیله یشار . الکایلری کلن رؤسای دولت طرفندن منصوب ولوردلر قماراسنه داخل ایسه لرده ، بر کره تعیین اولونجه ، هیئت رهبانک سائر افرادی کی ، فعلیاتده قوه اجراییه نک نظارت وقوتروندن آزاده درلر .

اسقوچیا انکلتره حکومتک بحث ایدیمه سی لازم اولان بوتون

خدمات عمومیه سی تدقیق ایتدک . اسقوچیا یه وایرلاندایه خاص

اولان بوتون جهات ، لورد شانسلور - ارفندن تفویض اولونور

(Hans., 3 Ser. CLXIX. p. 1919) . دهامهم ده برچوق

جهاتده بویله در . (Hans., 3 Ser. CLXX., p. 131)

لانقاستر دوقه لنی شانسلوری دوقهلق داخلنده مقام حکمدارینک دائره

صلاحیتنه کیرن جهات تعیینلرنی یاپار . داخلیه ناظریده مانش آطه لری

ومان آطه سی جهاتی توجیه ایلر . Hans., 3 Ser. CCCLIX,

p. 1745-1746

[۱] بو محکمه ، شورای خاصک عدلیه انجمنیدر .

اولان مؤسسه لره كلنججه، بونلرك تدقيقاتى اثرمرك چرچوه سنه
 آنجق حكومت مليه ي علاقه دار ايتدكلرى نسبت دائره سنده
 داخل اولاييلير . يكرمى سنه اولنه كلنججه قدر، حكومت
 مركزيه نك منحصرأ اسقوجيايه عائد ايشارله مناسباتى بالخاصه
 داخله ناظرى طرفدن اداره ايديليوردى . فقط لورد آدووقات
 حقيقتده اسقوجيا ايشلرينك پارلمنتويه منسوب مستشارى ايدى .
 آمرى اسقوجيالى دكسه و ايشلرى شخصى صورته اداره
 ايتك ايستميورسه بوتون اداره اوكا عائد بولونوردى .
 ۱۸۸۵ ده اسقوجيا ايجون بر كاتبلك احداث اولوندى . احتمالكه
 بوكا احداث اولوندى ديمكدن زياده تكرر تأسيس ايديلدى
 ديمك ده دوغرو اولور . انكلتره ده داخله ناظرينك، حكومات
 محليه ناظرينك و معارف ناظرينك ايفا ايتدكلرى وظائفه مشابه
 وظيفه لره اسقوجياده بو ذاته ويريلدى . حقيقتده دنيله بيليركه
 اسقوجيا كاتبي مختلف سيويل نظارتلرك اسقوجيايه تعلق ايدن
 ايشلرينك عمومى مثيلدر و بالخاصه اسقوجيا حكومات محليه
 و معارف نظارتلرينك رئيسيدر . كنديسنده دولت كاتبلكى
 (ناظر) موقعى يوقدز . آيلغى آزدر . فقط هيئت و كيليه
 داخلدر، هر زمان دكسه ده، على العاده، قابينه اشتراك ايدر .
 هر وقت پارلمنتونك ايكي قاماراسندن برينك اعضاسنددر .

انكلتره نك ايرلاندا ايله اولان مناسباتى ايله اسقوجيا ايله
 اولان مناسباتى آراسنده كي تضاد بك كوزه چارپه جق بر حالده در .

۱۷۰۷ تاریخده کی اتحاد قانونی انکلتزه ایله اسقوجیایی تک بر دولت حاله قویمشدر . عینی پارلمنتویه وعینی حکومته مالکدرلر . مع مافیه آراده کی سیاسی فرقلر سیلینمه مشدر . اتحاد قانونی اسقوجیانک کلیسامؤسسه لیرینی ، حقوق مؤسسه لیرینی بوزمامشدر . حالا بوکون اسقوجیا کنديسینه خاص رسمی کلیسایه مالکدر . بو ، پرسبته ریهن کلیسایدرد . اسقوجیانک کنديسینه خاص معارف سیسته می واردر که انکلتزه نککندن تمامیه فرقلیدر . اسقوجیایه خاص اولان حقوق ره ژیمنی عرف و عادات قانونی دکلدرد ، مدنی Civil حقوق اوزرینه مؤسسدر . اویله اصطلاحاتی واردر که کنديسینه مخصوص ظن اولونور . بویله اولدینی ایچون ، توید نهرینک ایکی ساحلنده تشریعی پرنسیپلر تطبیقی موضوع بحث اولدینی زمانلر بیله پارلمنتو چوق کره تطبیق ایدیله جککری مملکتلرک مؤسسه لرینه کوره یاپلش ایکی قانون قبول ایتمشدر . اجتماعی نقطه نظر دده ایکی مملکت بر برینه تماماً قایناشامشدر . بر اسقوجیالی انکلیزدر . فقط بر انکلیز اسقوجیالی دکلدرد . اسقوجیالیر کنديلیرینی کزیده بر عرق دییه تلقی ایدرلر . بو عرق انکلیزلرک بوتون حقوقنه مالکدر . فضله اولارق ، کنديسینه مخصوص امتیازلری ده واردر . انکلتزه نک بوتون مأموریتلری اسقوجیالیره آچیق اولمق لازمدر . فقط اسقوجیا مأموریتلری اسقوجیالیر ایچون طبیعی بر میراث تشکیل ایدر . یالکزر انکلتزه یه تعلق ایدن قانونلرک مذاکره سنه بویوک بر

نسبتده اشتراك ايلرلر . فقط ، فكرلرنجه ، يالكز اسقوجايه
تعلق ايدن قانونلر آنجق اسقوجيا مبعوثلري طرفندن الهام
ايدنك لازمدر . فعلياًتدهده چوق كره بويله اوليور . بووضعيت
قسماً اسقوجيا مؤسسه لرينك و فكرلرينك خصوصى برده ژيم
تطيقنى استلزام ايدنه جك درجهده انكليتونه نككيلردن آيرى ،
مع مافيه آراده بر نفرت و خصومت توليد ايتمه يه جك قدر فرقلى
اولماسندن نشئت ايديلور . قسماً ده متجانس و عملى بر روجه
مالك بر قوم اولان اسقوجيا ليلرك دين ، سياست و عدالت اجتماعيه
خصوصاتنده بوتون صنوف اجتماعيه آراسنده بروحدت حسيات
تأمين ايدنه بيلميلردن ايلري كلكدهدر . بونك نتيجه سى اولارق ،
اسقوجيا ، اسقوجيا فكرلرينه توفيقاً اسقوجيا ليلر طرفندن اداره
ايديليور . حالبوكه ايرلاندا انكليزلر طرفندن اداره اولونمقدهدر
وياقين زمانلره كلنجه يه قدر انكليز فكرلرينه كوره اداره اولونمشدر .

۱۸۰۱ ده ايرلاندا اتحاد قانونى ايرلاندا پارلمنتوسنى الفا ايرلاندا

ايتدى و متحد قراللىقچون قوه تشريعيه نك تمامنى و ستمينسترده
انعقاد ايدن مشترك پارلمنتويه توديع ايله دى . يالكز ، ايرلاندا نك
قوه اجرائيه سى دوبلينده قالدى . حكومت ، مقام حكمدارينك
ممثلى صفتيه لورد ليوتنانت نامنه اجرا اولونور [۱] . نظرياتده ،

[۱] Test Act قانوننك احكامى بو مؤموريتده ده شاملدر .

بناءً عليه ، لورد ليوتنانت ، اداره سنده مأمور اولدنى خنك اكثريت
عظيمه سنك منسوب اولدنى مذهبدن باشقه بر مذهبه منسوب اولق
مجبوريتندهدر .

لورد لیونانت ، داخله ناظری واسطه سیله انکلتريه حکومتدن
آلابيله چکی تعلیماته توفیقاً شواری خاصک معاونتیه حکومت
ایدیور . حالوکه فعلیاتده ایشلر بوتون بوتون باشقه بر صورتده
جریان ایتک لازم کلمشدر . چونکه ایرلاندانک اداره سی پک
بویوک بر اهمیت اکتساب ایتدیکی جهتله داخله ناظرینک تحت
وصایتده کبی تلقی ایدیه بیلمه سی امکانی قالماشدر . لورد لیونانت
دائماً یوکسک اصالت عالمنه منسوب بر ذاتدر . سنوی الدینی
یکرمی بیك لیرا مقدارنده کی عظیم تخصیصاتی بعضاً تجاوز ایدن
یوکسک مصارف بهاسنه بر خدیو کبی یاشامق مجبوریتنده در .
فقط ، علی العاده ، ایرلاندانک نظارتنک باشی اودکلدر . ۱۸۶۸
تاریخندن بری ، قابینه یه داخل اولدینی سنه لک مقدار اون
بری بولماز . حالوکه کاتب عمومییسی بوتون بودوره اشناسنده ،
یالکیز ۱۸۸۲ - ۸۵ سنه لری ایله سائر غایت قیصه اوچ
فاصله مستثنا اولمق اوزره ، قابینه اعضاسندن ایدی . بوندن
باشقه ، کاتب عمومی دائماً عوام قاماراسی اعضاسنددر .
اوراده ایرلاندانک مبعوثلرینک و چوق کرده انکلیز مخالفت
فرقه سنک هجوملرینه قارشی ایرلاندانک اداره سنی مدافعه ایله
مکلفدر . کاتب عمومی یی ، علی العاده ، ایرلاندانک ناظری رولنی
ایفا ایتکه سوق ایدن سبب بودر . حقیقته مملکتی اداره ایدن
او اولمشدر . ایرلاندانک حکومات محلیه نظارتنک ، نفوسی پک فضله
ولایات نظارتنک ، زراعت وته قنیک تحصیل اداره سنک آمری

اودر . صورت عمومیه ده ، سیاسی ماهیتی حائز هر دورلو اداره
ایشلری ایچون اومسئولدر . یالکز امور مالیه و ایرلاند امور
نافعه سنه تعلق ایدن ایشلر بوندن مستشار . اونلر دوغروندن
دوغرویه خزینۀ مالیه عائددرلر [۱] . کاتب عمومی ، انکلترده
متعدد ناظرلره عائداولان صلاحیتلری حائز اولدقن باشقه انکلز
ناظرلرندن هیچ برنده بولونمایان نفوذ واقدارده مالکدر . ۱۸۰۱
تاریخنده کی اتحاددن سوکره کچن دوره نك قسم اعظمده ایرلاند
برچوق استثنائی قانونلره تابع طوتولمشدر . بونلر شبهه سزکه
موقت ایدیلر . فقط مختلف اسملره و قیصه فاصله لرله تجدید
ایدیلورلردی [۲] . بوا حکام دیکشمشدر . فقط غایه لری دائماً
ایرلاند حکومتنه اغتشاشاتک تنکیلی ایچون فوق العاده و کیفی
صلاحیتلر ویرمه معطوف ایدی . بوندن باشقه ، ایرلاند اضابطه سی
انکلترده واسقوچیا ده اولدینی کی حکومت محلیه نك امری آلتنه
قونولاجق یرده دوغروندن دوغرویه دوبلین شاتوسنه تابع طوتو-
لمشدر . Royal Irish Constabulary نامی ویریلن قوه
[۱] مسلک تحصیلک غیری تحصیل ، ملی ایرلاند معارف قومیسرلرینه
واورته تحصیل قومیسرلرینه عائددر . بوقومیتلرده سیاسی بر ماهیت
یوقدر . فقط فسماً پروتستان قسماً قاتولیک اولق لازم کلن اعضالر
لورد لیوتنانت طرفندن تعیین اولونورلر . کاتب عمومینک ده بونلر اوزرنده
بردرجه یه قدر نفوذی واردر .
[۲] بونلرک صوکنجیسی ۱۸۸۷ ده کی جنایات قانونیدر . بودائی
ایسه ده لورد لیوتنانتک بر بیاننامه سی اوزرینه موقع تطبیقه کیرر .
بویاننامه صوکره کری آلتنه بیلیر .

مسلحه اون ایکی بیکی متجاوز افراده مالکدر . یعنی ، مملکتک نفوسنه نسبتله انکلتزه ضابطه سندن ایکی دفعه فضله در .

فنا اداره نك سبیلری
ایرلاندانك اداره سی انکلتزه حکومتی ایچون پك کوزه چارپان بر موفقیتمسزلك تشکیل ایتشدرد . بر عصر اشناسنده کی تاریخی ، موقت ، صاوصاقلایحی و آراده مساعده بخشانه بر تداییر سلسله سندن عبارت بولونمشدر . فقط نه آسایش تأسیس ایدیه بیلمش نه خلق ممنون ایدیلش و خلق صدیقی تأمین اولونمشدر . هر خطوه استقبال دوشونوله رك آتلامش ، بر مجبوریّت تحتنده اوکا لزوم کورولمشدر . تشکیل قانونلری ظاهراً موقت . بیه ، مبرم بروضیته بر چاره بولونمق ایچون وضع اولونمشلردرد . بونلراوزون اوزون تفکر محصولی برسیاستدن ملهم دکلدردلر . دها اول یاپلسه لردی مؤثر اولابیله جك مساعدات آنجق عمومی ودرین بر عدم ممنونیت نظر دقتی جلب ایتد کدن صو کره ابراز ایدیلمشدر . قاتولیکلرک نائل حقوق اولمالری حقیقته قلابه انتخاباتی سایه سنده قازانمشدر . آنغلیقان کلیسانك دولت کلیساسی حالندن چیقماسی فه نیان حرکتی سایه سنده تعجیل ایدیلمشدر . هوم رول پروژه سی پارلمتوده ایرلاند فرقه سنك انکشافی تعقیب ایتمش ، پارنل عوام قاماراسنده اقتدار میزانی النده طوتدینی زمانلرده اوج اعلایه حقیقمشدر . اراضی قانونلری ده کویلیلر آراسنده کورولن بر غلیانك محصولیدر . عینی مطالعه لرك انکلتزه ده کی اصلاحات حقه ده وارد اولدینی ، پارلمتونك ، بر سوء استعمالی پك

بارز بر درجهیه چیمادن منع ایتسنه نادر تصادف ایدیلدیکی ادعا اولونمشدر . فقط بو، حکومتک پارلمنتویه استناد ایتمسی شکلتک غیرقابل اجتناب دکلسمده هر حالده طبعی بر نتیجه سیدر . بو، حکومتی درین سبیلردن زیاده اعراضی ایله اشتغاله سوق ایدن بر تمایلك تظاهریدر . بونقطهیه آشاغیده عودت وسیله لرینه تصادف ایده جکز . فقط انکلتزه ایله ایرلاندا آراسنده شو فرق واردر که پارلمنتو، بوتون صنوف خلق اوراده تمثیل ایدیلد کدن صوکره ، انکلیزلرک شکایتلرینی، بونلر غیر قابل تحمل بر حاله کله ددن اول آکلامقدن کری قالماز . حالوکه ایرلاندا لیلرک شکایتلرینه قارشی عینی حساسیتی کوستر میور . اساس اعتباریله ، ایرلاندا نک حکومتی مسئله لری بر انکلیز مبعوثنک ومنتخب لرینک عملی صلاحیت ووقوفلری خارجنده در . بر انکلیز مبعوثی جدی بر شکایت ایله غیر معقول مطالباتی یکنظرده بر برندن آیرمقدن عاجزدر . بونکله آنجق مجبور اولدیغی زمان اشتغال ایدر . ذاتاً بر چوق ایش آلتنده بونالان قابینه ، مجلسی غلیانه کتیرمه یں حتی اوئی پک آز علاقه دار ایدن مشکل بر مسئله یی قورجالامق ایسته مز . بوتون بونلر ، بر پارلمنتو حکومتک آنجق ملت آمال سیاسیه سنده متحد اولدجه منتظماً ایشله یه بیله جکی حقیقتنی اثبات ایدن مثاللردن بریدر .

شبهه یوق که پارلمنتو ره ژیمنک ایرلاندا نک حکومتی ایچون مسئله نک مشکلاتی الویریشسنز بر آلت اولدیغی میدانیه چیممشدر . فقط شوراسنی

اونو تمامالیدر که اورتده صوڪ درجهده عظیم مشکلات واردی .
 انکلیز دولت آدمیری لورد دورهامک قاناداده اومشهور راپورنده
 سویله دیکی سوزلری تکرار ایدمیلیرلردی : « بن برقوم ایله
 برحکومت آراسنده کی اختلافات قارشیسنده بولونه جغمی ظن
 ایدیوردم . حالبوکه عینی دولت داخلنده بربرلریله حال حربده
 ایکی ملت کوریورم » [۱] . عصرلرجه مدت ، ایرلاند افتح
 ایدیلش برملکت حالنده قالدی . غالبلر ایله مغلوبلر بربرلرینه
 مزج اولمادیلر . یرلی عرق تحت تابعیته آلمشدی ، تمثیل اولو-
 نمامشدی . اعتقادلر آراسنده کی آریلق عرقلر آراسنده کی آریلق
 یوزندن برقات ده بارز برحاله کلشدی . سلتر ، ساقسون عرقنه
 منسوب مال صاحبیرینی واولسترده اورغانیست مسلکینه مالک کیمسه-
 لری اجنبی کی تلقی ایدرلر . اونلرک نظرنده ضابطه اجنبی بردولتک
 قوه محافظه سیدر . بووضعیت ایرلانداده حکومت کیفیتنی انکلیزلر
 ایچون یالکز صوڪ درجهده مشکل برایش حالنه قومیه قالمادی .
 الا آن مسئله نک حلنی ده مشکلاته اوغرا تمقدهدر . ایرلاندالیرله
 کندی کنیدیلرینی اداره اتمیه مساعدده ویرمک مغلوبی اوج اعلایه
 چیقارمق وغالی طوبراقلره آتمقدر . حقوق وعدالت تلقیسنده کی
 فرقلمده مشکلاتی برقات دها تزید ایدیورلر . اسقوچیانک
 عکسنه اولارق ایرلاند انکلیتره نک عدلی ره رژیمه تابع اولمشدر .
 ایرلاند محکمه لری وستمینستر محکمه لرندن قوییه ایدلمشدر .

بونلر انکلیز عرف وعادات حقوقی تطبیق ایدرلر . حقوق خصوصیه عائد قانونلرک قسم اعظمی ده عینی شیدر . فقط چوق کره سویلندیکی اوزره ، بحران زمانلرنده ایرلانداده ایکی حکومت وایکی عدلیه سیسته می واردر . برطرفدن انکلیز حکومتک مأمورلری طرفندن تطبیق ایدیلن انکلیز حقوق ؛ دیگر طرفدن ، بوتون بوتون باشقه پرنسیپلر اوزرینه مؤسس وقانون خارجنده برعضویت طرفندن تطبیق ایدیلن معارض برره ژیم . بوحقوق ره ژیمی فعلیاتده اولکندن دها شدت وقوتله موقع اجراییه قوللقددر و چوق کره ، خلقت عدالت حقدده کی حسیات ایلده دها هم آهنگدر .

انکلیزلر ایلده ایرلاندالیرک حقوق تلقلیری آراسنده کی اراضی مسئله سی فرق اراضینک اشغالی مسئله سنده صوک درجه شدتی بولیور . ایرلانداده کی اصحاب اراضینک ده اشتراک ایتدکلی انکلیز فکرلرینه کوره اراضی مال صاحبنه عائددر . قانونک احکام مخصوصه سی بولونمادجه ، اراضی ده ذی الید اولان کیمسه ده ، قونطورا توسنک دوامی مدتیجه بو قونطورا تونک احکامی دائره سنده بر تصرف حقندن باشقه برشی یوقدر . یالکز ، اراضی ده ذی الید اولان کویلیرده شو حس واردر که مال صاحبنه قارشی مبهم برکرا مجبوری مستنا اولمق اوزره ، اولنرده اراضی اوزرنده برحق صاحبیدرلر . بو اراضی اونلرک اجدادلرینک الندن آلمشدر . اونلری آچان وقیمتلندیرن عامل کندیلرینک جهد وغیرتلرندن

باشقه برشی دکلدر [۱]. بوراده پک اساسلی برضدیت واردر که
 هرایکی طرفیده نمون ایده جک صورتده حله امکان بولوناماز.
 بوتون مشکلاتک منشائی اولق اوزره ایرلاندالیرک اراضیه
 قارشى بسله دکلری مربوطیت شدیددن بحث ایدیلور. فقط ،
 عمومیتله ، ایرلاندالیرده بو احتراض شدیددن اثر یوقدر .
 آمریقایه هجرت ایتدکلری زمان ، اسوه چلیلر کبی فعال هر آدمک
 قولایلقله بر حقیقتک صاحبی اولایله جکی واسع و آجیق چایرله
 کیده جک یرده اراضی بی استحقار ایدن یهودیلر کبی بویوک
 شهرلرده یرله شیورلر . ایرلاندالیرک ایسته دکلری شی ایرلاند
 اراضیسیدر . چونکه بونده برحقلری اولدینی فکر نده درلر .
 مال صاحبی ایله مستأجر ذی الیدلر آراسنده کی مناسبت
 مسئله سنی حل ایچون مختلف چاره لره توسل ایدیلشدر . ابتداء ،
 ۱۸۶۰ قانونی یاپلدی . بو قانون آراده کی مناسبتی منحصرأ
 قونطورا تویه استناد ایتدیر یور ، مع مافیه در حال ذی الیدی برطرف
 ایتک معامله سنی برآز تقید ایله یوردی . اون سنه صوکره ،
 ۱۸۷۰ قانونی بوتون بوتون باشقه بر پرئسیپ قبول ایتدی .
 چونکه اولسترده کی طرزده اراضی استیجاری حقن بوتون
 مملکته تشمیل ایدهرک ذی الیده اشغال ایتدیکی اراضی اوزرنده

[۱] بوحسک قسم اعظمی اراضیده یاپیلان اصلاحات ، عمومیتله ،
 انکلتزده اولدینی کبی ، مال صاحبلرینک اثری اولمقدن زیاده ایرلانداده
 مستأجرلرک محصولی همتی اولمقدن ایلری کلیور .

قابل فروخت بر حق ملکیت طانیدی . حتی سنهك اولارق اراضی طوتمش کیمسه لره بيله مال صاحبی علیهنده بر ازعاج دعواسی آچه بيلمك حقنی ویریوردی . فقط بوتدیرلر مسئله یی حل ایده مدیلر . مؤخرأ ، ۱۸۸۱ ده اراضی رانتك حقوقاً تنقیصی اصولی چیقدی . یعنی ، موافق عدل و نصف نامنی ویردکلری بر بدن ایجار حکومت طرفندن تعیین اولوندی . اوزمان ده هرایکی طرف شکایته قالدیلر . مال صاحبك ادعاسی حقلی ایسه و اراضی صورت مطلقه ده اونك ایسه ، اراضینك بدل ایجارینی تنقیص ایتك هیچ شبهه سز که بر ظلم ایدی . بناء علیه کندی مالنی حکومتك ، مشکلاتدن قورتولمغه بر چاره مقامنده فدا ایتدیکنه حکم ایتمکه حقلی ایدی [۱] . دیگر طرفدن ، معقول بدل اجاره لر مستأجرلری ممنون ایتدیلر . تعهداته رعایت حسیله پک درین صورتده مشبوع اولان انکیزلر یکی بدل اجاره لرك انکلترده کی بدل اجاره لر کی ویريله جکنی آکلا- یورلردی . فقط عادتاً تماماً شخصی بر هوای حقوقی ایچنده یاشایان و مجبوری اجرا ره ژیمی ایچنده یتیشمش بولونان ایرلان دالیرر قونطورا تولره قارشى دها از حرمت بسرلر . اونلر عقد ایتدکلری استیجار مقاوله نامه لرینك قطعی اولمقدن زیاده تقریبی بعض وجیه لر تحمیل ایتدکلرینه قانع بولونورلر . بونك نتیجه سی

[۱] مال صاحب لرینك دعواسی Lecky طرفندن Demoracy and Liberty ده قوتله مدافعه ایدیلکده در . برنجی جلد ، ۱۶۷-۲۱۲ .

اولارق يېڭى مشكلات چىقدى. ۱۸۸۷ دە يېڭى برقانۇنى تىزىلات ياپىلدى. نىھايەت ، كويليلر طرفىدىن اراضى آلمانسى تىسپىلە خادىم فقط صورت عمومىيەدە شرائط اجتماعيەي تەدبىل ايدىمەيەڭك درجەدە محدود بر سورو اراضى قانونلارنىڭ سوكرە ، ايرلاندىلى اراضى صاحبلىرىنىڭ بعضىلىرى ، ۱۹۰۲ دە ايرلاندىلىلر ك رؤساسىلە بر قونفرانس عقد ايتدىلر . ھەرايىكى طرفدە اراضى اوزرىندە بر حق دعوا ايتدىكلىرى ايچون مال صاحبىك الندىن اراضىيى صاتون آلوب مستأجرلەر ترك ايتىك حكومتە ترتب ايتدىكە قرار وىرىلدى . اوتارنخىدە اراضى فئاترلىنىك غايەت دوشمش اولماسى اتتلافى دىھا قولاي بر حالە كىتىرمىشى . حكومت ۱۹۰۳ سەنەندە اراضى اشتراسى قانونى ايلە بو تصورى موقع اجرايە قويغىمە تىشبىت ايتدى . حكومت اراضىيى ھەبە ايتە يوردى . آوانس وىرىيور ، مستأجرىدىن پىك جزئى برىدىل آليور وبونىكە آوانسى اودە يوردى . بورج اودە نىجە كويلى اراضىنىك صاحى اولاجقدر [۱] . اوتارنخىدىن سوكرە ، استىملاك معاملەسى وقانونىك تەيىن ايتدىكى چقتىك توزىعاتى دوام ايتىمكەدر . فقط

[۱] 3 Edw. VII., c. 37. ۱۹۰۳ قانونى آلفىشلىرلە قارشىلاندى . فقط ايرلاندا مبعوثلىرى چوق كچمەدىن بونىك تىطبقىدىن شىكايە باشلادىلر . ۱۹۰۵ سەنەسى تىموزىنىك ۲۰ سەندە اراضى قومىسيونىك تىخصىصاتىندە ، بر عدم ممنىويت نىشانەسى اولوق اوزرە ، يوز لىرا نىزىلات قبول ايتدىرىمكە موفق اولدىلر . Hans., 4 Ser.

ایش بالطبع زمانه محتاجدر . اولجده تخمین اولونابیه جکی
اوزره ، زنکین حوالیده فقیر یرلره نسبتله ده سرعتله اجرات
قابل اولدی . بوسایده بوتون اراضی مسئله سنک حل ایدیلوب
بتیریه جکی امید اولونابیلیر . فقط ایرلندا مسئله سنک بونکله
نهایت ایش اولاغنی ظن ایتک ایچون کورکورینه نیکین
اولق ایجاب ایئر .

اراضی قانونلری حقنده کی بو مختصر معلوماتی ، حکومت
ایدنرله حکومت ایدیلنر آراسنده حقوقی تلقیاتک غیر قابل
تألیف بولوندیغی برملکتده حکومتک نه عظیم مشکلاتی اولدیغنی
کوسترمک ایچون ویردک . ایرلندا مسئله سنک هر آدینده
بوقیل برمانه یوکسلمکده در .

يەنجى باب

دائىي خىدمەت مەلىكە

سىياسى مەمۇرلار ئايەلە غەيرىسىياسى مەمۇرلار آراسىندە كى قىطىي فرق

دائىي خىدمەت مەلىكە نىك تارىخىي انىكلترە نىك تىشكىلات اساسىيە
نقطە نىظرنىن كچىردىكى اوزون انىكشاف تارىخىي اىچىندە غايت
استفادەلى برباب تىشكىل ايدە بىلىردى . فقط مع التأسف بونى تارىخ
شىمدىيە قدر يازىلامىشدر . انىكلز مىتى ، اوروپانىك بويوك
برقىسمەنى مەسلط اولان قرطاسىيە جىلقوقلم جىلك عىلتىن و آمرىقادە
جارى اولان « مىراثە قونىق » [*] اصولىنن آنچىق سىياسى
طرفدارلارلە سىياسى ماھىتى حائز اولمايان مەمۇرلىرى بربىرنىن
صرىح صورتدە آيىرمىق سايە سىندە قورتولابىلىمىشدر . سىياسى
مەمۇرلارلە ادارى كورە نىك اىچىندە دكل پارلىمتودە تىشكىرلر . حكومتىك
سىياسەت عومومىيە سنى ادارە ايدىرلر . ھەر حالدە ، بونى ادارە صلاحىتتە
مالىك بولونورلر ، سىياسەت عومومىيە نىك مەسئولىت تامە سنى اوموزلرنىدە
طاشىرلر وقاينە ئايەلە بىرلىكدە وظيفەلرنىن آيىرلىرلر . غەيرىسىياسى
[*] عصرى دەموقراسىلرە مىراجەت ايدىكىز - « اوغلىمىك كىتبخانە سى » .

مأمورلر ایسه، بالعکس، بوتون فرقه تبدلاتی آراسنده موقعلرنده قالیرلر. بونلر اداره نك بوتون ساحه سی مکملأ بیلیرلر. زمانك هیئت وکیلہ سی طرفندن قبول ایدیلن سیاستی تفرعاتی ایله تطبیق ایدرلر. بوفرک پارلمنتو ره یمك انكشافنی تعقیب ایدرک تدریجی صورتده تأسس ایله مشدر .

قرالک ، پارلمنتو اعضاسنه مأموریت و تخصیصات ویره رک پارلمنتویه حاکم اولابیلمه سی قورقوسی ، ۱۷۰۰ تاریخنده کی تأسس قانونه بر ماده قونولماسنی انتاج ایتمشدر . بوماده نظرأ هانور خاندانك موقع اقتداره کله سندن صوکره مقام حکمداری به تابع بر مأموریت ویا وظیفه صاحبی اولان بر آدم عوام قاماراسنه اعضا اولابیلمك قابلیتینی غائب ایتمشدر [۱] . فقط ، بوقانون موقع مرعیه کیرمه دن اول، دولتك بویوک مأمورلرینی عوام قاماراسندن تماماً اخراج ایتمکده کی محذور فرک ایدیلشدی . بناء علیه ، بوماده ، ۲۵ تشرین اول ۱۷۰۵ تاریخنده صوکره یکی احداث ایدیلن مأموریتلرده کی کیمسه لری و موجود بعض مأمورلری خارج بر اقاقق صورتده تعدیل اولوندی . عوام قاماراسنك باشقه وظیفه لره تعیین ایدیلن اعضالری ، اعضالق صفتنی غائب ایده جکلردی . فقط کندیلرینی تکرار انتخاب ایتدیره .

[۱] 12-13 Will. III, c. 2, § 3 . بوتاربخدن اول عینی
 غایه به معطوف مساعی ایچون توده باقکر: Parl. Govt. in England
 ۲ نجی جلد ، ۱۱۴-۲۱ .

بیلرلردی [۱]. بوا سکی مأموریتلر پک چوق اولدیغی ایچون پارلمنتوده ینه بر خیلی مأمور موجود قالدی . ذاتاً بویوک دولت مأمورلری ایله معیتلری آراسنده واضح بر خط فاصل تأسس ایتهدی . فقط ایکی اصول یرلشدی که مرور زمان ایله بوخط فاصلی پک قطعی برشکله صوقدیلر . سیاسی ماهیتی حائز یکی بر مأموریت احداث ایدیلر جکی زمان ، بومأموریتده بولونان ذاتک عوام قاماراسی اعضالغنی محافظه ایدیه بیلر جکنه دائر بر ماده قانونیه قبول ایتک عادت اولدی . صوکره ، زمان زمان ، عمومی مأموریتلر حقنده بعض قانونلر یاپلیدی که بونلر آشانی طبقهده بعض صنف مأمورینی تماماً پارلمنتودن خارج بر اقیورلردی . مثلاً ، بوقانونلر دوائر رسمیه نک بر چوغنده کی بوتون کاتبلره قابل تطبیقدرلر [۲]. ۱۷۰۵ تاریخندن صوکره یکی احداث

4 Anne, c. 8 and 6 Anne c. 7, §§ 25-26 [۱]

بوقانونک § ۲۸ نجی ماده سی اردو ودوناما ضابطانی استثنای ایدیور . اونلر عوام قاماراسنده اعضا اولابیلرلر . قاعده عمومیه اولارق ، فعال بر قوماندانلق قبول ایتهدن اول مبعوثلقدن استعفا ایتهلری کندیلرندن رجا ایدیلر که برابر ، عوام قاماراسنده کثرتله ضابطلره تصادف ایدیلر . عسکرلر ، سائر رسمی مأمورلره نظراً بوتون بوتون باشقه بر وضعیتده درلر . چونکه پارلمنتویه اعضا اولدقلری و عسکری مسائلک مذاکره سنه اشتراک ایتدکلری کی علنی نظرلرده ویرلرلر . حالبوکه حکومت خدمتنده بولونان سیویلرک بویله شی یاپمالرینه بر دقیقه بیلر تحمل اولونماز . بناء علیه ، بوبابده کی تفصیلات خدمات ملکیهده بولونانلره قابل تطبیقدر .

[۲] باقیکنز : On Election : Rogers ، ۱۶ نجی طبع ،

ایدیلش مأموریت صاحبزینی پارلمنتودن خارج طوتان قانون ایله برلکده ناظرلق درجه سندن آشاغیده کی بوتون مأمورلرک بویوک بر قسمی دائرة شموللری داخله آلیرلر [۱]. عوام قاماراسی اعضالغی ایله قابل تألیف اولان وظائف ایله تألیف ایدیه مهین وظائف آراسنده کی فرق بالذات اداره تعلیماتنامه لری ایله اتمام ایدیلشدر . بو تعلیماتنامه لر قانونک کآن لم یکن عد ایتهدیکی بر انتخابی حکمدن دوشوره مزلر . بر مأموریتی عوام قاماراسی اعضالغنه انتخاب ایدیه مه مک ایچون بر سبب حالنه کتیره مزلر . فقط مبعوث انتخاب ایدیلن ذاتی وظیفه سنی ترکه اجبار ایده بیلیرلر . سیویل مأمورلردن بری نامزدلکنی قویمق ایسترسه متخبلره ایلک مراجعت ایتدیکي زمان وظیفه سندن استعفا ایتمه سی لازم که جکی اصولی وضع ایله یه بیلیرلر و حقیقه ده بویله بر مجبوریتم تحمیل ایتمکده درلر [۲].

یولنی بولورلر سه کنیدی زینی پارلمنتویه اعضا انتخاب ایتدیره بیلن فقط موقعلرینی محافظه ایچون بر مبعوثلق الده ایتمه لرینه لزوم اولمایان ایرلاند حکومتی حقوق مشاورلری کبی اوچ درت ناظر استنا ایدیه جک اولورسه دنیه بیلیر که رسمی مأموریتلر پارلمنتوده اخذ موقع ایتمه که مجبور سیاسی مأمورلرله پارلمنتویه کیره مهین غیر سیاسی مأمورلر آراسنده انقسام ایتشدر .

[۱] بوقانونلرک جدولی ایچون آنسونه باقکیز . برنجی جلد، ۹۳-۹۶.

Treasury Minute of Nov. 12, 1884. Com. [۲]

Pap., 1884-85, XLV, 171.

دائمی مأمورلر

سیاسیاته

فعال صورته

اشترک ایتزلر

فرقهلر سیسته می اوزرینه تأسس ایتش بر خلق حکومتنده
مادون موقعده کی ملکیه مأمورلرینک پارلمنتودن خارجه
براقلمالری ، هم اولرک سیاسی مجادلهلردن محتب بولونمالری
هم وظیفه لرینک دائمی اولماسی ایچون اک اساسلی برشرطدر .
فقط یالکز مبعوثلق ایله مأمورلغک غیر قابل تألیف اولمالری
بونتیجهلری تأمینه کافی کلز . مجتمعه آمریقانک مثالی بزه بونی
آچیق صورته کوستریور . اوراده ، تشکیلات اساسیه قانوننک
متی موجبجه هر درجهده کی مأمورین قونغردهن خارج
براقلمشلردر . بویله اولقله برابر مأمورلر فرقه مجادلهلردن
کری دورمامقدهدرلر . مع مافیه ، سیاسیتدن اجتناب کیفیتی
ایله مأموریتلرک دائمی اولماسی کیفیتی نهایت بر برینه مربوط اولمق
مجبوریتندهدر . چونکه ، برطرفدن ، آشکاردرکه مأموریتلرک
فرقه تبدلاتی تأثیرندن مصون قالمالری ایچون مأمورلرک اوتبدلاتی
تولیده آشکار صورته اشترک ایتمه ملری اقتضا ایلر . دیکر طرفندن ده ،
مأمورلر موقع اقتدارده کی فرقه نیک انتخاباده مغلوبته اوغراماسی
یوزندن مأموریتلرینی غائب ایده جکلر سه بوفلا کته مانع اولمق ایچون
اللرندن کلنی یایاچقلرنده شبهه یوقدر . انکلترده مأمورلرک
سیاسیتدن اجتنابلری ومأموریتلرک دائمی اولماسی تأمین ایدیلر .
بیلمشدر . بونک بر ماده قانونیه ایله دکل بر عنعنه قوتنی اکتساب ایدن
برحس سایه سنده استحصال ایدیلش اولماسی یک شایان دقتدر [۲] .

[۲] مع مافیه ، سیویل مأمورلرک انتخابت مجادلهلرینه مداخله لری

حتی بعض دوره‌لرده بویوک بویوک صنف مأمورین حق انتخابدن محروم بر اقلمشلردز . مثلاً ، ۱۷۸۲ قانونی [۱] استهلاکات داخله ، کومروک وسائر واردات مأمورلری ایله پوسته مأمور-لرندن Postmasters حق انتخابی نزع ایتمکده در . فقط بوعدم اهلیت ۱۸۶۸ ده الفا اولوندی [۲] . کذلک ، برطاقم قانونلر اجرای وظیفه ایتدکلری دائرهٔ انتخابیه داخلنده پولیس مأمور-لرینه ده حق انتخابدن محروم بر اقلمشلردی . فقط ایرلاندایه تعلق ایدن قسمی مستثنا اولمق اوزره ، بوقانونلرده ۱۸۸۷ ده الفا ایدیلدیلر [۳] . الیوم حق انتخاب ایله غیر قابل تألیف عد ایدیلن یکانه رسمی مأموریتلر ، انتخاباده returning officers دنیلن مأمورلرک ایفا ایتدکلری وظیفه‌لردن عبارتدر [۴] .

علیهنده قانون یاپلشدرد . ۱۷۱۰ ده وضع ایدیلن بر قانون (9 Anne, c. 10, § 44) ، « سوز ، بیاننامه ، یاخودیازی یاخود هر هانکی بر واسطه ایله بر منتخی بر مبعوث نامزدینه رأی ویرعه افناع ایده‌جک یاخود بوندن جایدیراجق » پوسته مأمورلرینک جزای نقدی یه محکوم ایدیله‌جکنی یاخود عزل اولوناغنی سویلیور . بافکر : Eaton :

Civil service in Great-Britain, 85,

22 Geo. III., c. 41. Bogers on Elections, [۱]

1. 196-97

[۲] 31-32 Vic., c. 73 بونلرک انتخاباته مداخله‌لری مناسبتیه

موضوع جزالرک کافه‌سی 36 38 Vic., c. 22 ایله قالدیرلمشدر .

Rogers, I., 198 200 [۳]

[۴] کذا ۲۰۷-۲۰۸ .

انكلتره حق انتخابى توسيع ايتديكى ومأمورلرينك عددينى
آرتيرديغى صيراده مأمورلرينه ده حق انتخاب بخش ايتدى .
بعض مملكتلر حكومت مأمورلرينك چوقلغنده ناصل برتهلكه
موجود اولديغى شدله حسايله مشلردر . بالخاصه آوستراليانك
يكي ده موقراسيلرى دولت شمندوفرلرنده اردولر كي غلبه لق
رسمى مأمورلريله بوتهلكه يي پك اعلا كورديلر . فى الحقيقه ،
بو صنف مأمورين لهنده قوه تشريعيه اوزرنده اجرا ايديلن
دائىي تضيق نتيجه سنده دركه ۱۹۰۳ ده ويقتوريا جمهوريتى انتخابات
قانونى تعديل ايتك مجبوريتنده قالمشدر [۱] . حكومت مأمورلرى
تماماً حق انتخابدن محروم براقلماديلر سده معتاد دائره انتخابيه .
لرده رأى ويرمه لرى منع ايديلش وكنديلرينه مجلس تشريعيه
بر ، مجلس مليده ايكي ممثل ويريلشدر . بونلرى منحصرأ منسوب
اولدقلى صنف انتخاب ايدر . بناء عليه ، حكومت مستخدميني
قوه تشريعيه ده كندى امللرينه ترجمان اولاجق كيمسه لره
مالكدرلر . يالكز آرتق ، اسكيسى كي ، سائر اعضالر اوزرنده
دوغرودن دوغرويه برنفوذ وتأثير اجرا ايده مزلر .

انكلتره ده بوتهلكلر هيچده نجهول دكلدر . فقط اوراده
رسمى مأمورلرك منحصرأ برفرقه غايه سى ايچون اجرا ايتدكلرى
فعاليت شكلنده نمايان اولما مشلردر . انكلتره بويله بر فالقندن

بونلره حق انتخاب
ويرمه نك نتيجه لرى

همان تماماً مصون قلمشدر. چونکه قانوناً حق انتخاب ، انتخابات
عملیه لرینک اداره سنه دوغروندن دوغرویه اشتراك ایتمه ین مأمورینک
کافه سنده موجود ایسه ده ایجه تأسس ایتش بر پرئسپ ، غیر
سیاسی مأمورلرک یعنی ناظر اولمایانلرک کافه سنک فرقه مجادله لرینه
فعال صورتده اشتراک لرینی منع ایتمکده در . مثلاً ، بر فرقه
جمعیتده چالیشمق ، پارلمتویه نامزدلکنی قویان بر ذاتک حمایه
قومیه سنه داخل اولمق ، بر نامزد لهنده پروپاگاندا یامق یاخود
سیاسی مسئله لره دائر نطق ویرمک اونلر ایچون ممنوعدر .
بوتون بونلر اوقدر ای آکلاشلمشدرکه مغایر اصول بروضعیت
یاخود درستلکی مشکوک بر حرکت دولایسییه وقوع بولان
شکایتلره نادراً تصادف اولونور . بو نقطه نظر دن پک شایان
دقدرکه ۱۷۸۲ ده مالیه مأمورلری کندی طلبلری اوزرینه
حق انتخابدن محروم بر اقلمشلردر . اودورده حکومت اومأمورلر
سایه سنده عوام قاماراسنده یتش مبعوثلق تأمین ایده بیللیوردی .
لورد نورت ، کندی فرقه سنه مظاهرت ایتمزلسه باشلرینه ایش
آچه جغنی اونلره بیلدیرمشدی . مخالفتده عینی تهدیدده بولوندی .
بونک نتیجه سنده ، کندی لرینی تحت امنیتده بولوندیرمق ایچون ،
پارلمتویه شدتلی بر محضر تقدیم ایده رک حق انتخابدن محروم
بر اقلمالرینی طلب ایله دیلر [۱] . ۱۸۶۸ ده کندی لرینه حق
انتخابی اعاده ایدن لایحه قانونیه اودورده کی حکومتک آرزوسی

خلافده قبول ایدیلشدر [۱] . فقط او مناسبتله و مؤخرأ
 ۱۸۷۴ده ، مأمورلرک انتخاباته فعال صورته اشتراکلرینی تجزئه
 ایدن قانونلر قالدیرلدیغی زمان ، فرقه مجادله لرینه قاریشمایه جقنری ،
 حکومتک بونقطه حقده تعلیماتنامه یامغه حق اولاجنی پک اعلای
 تسلیم ایدیلشدر [۲] . بوتعلیماتنامه لر الآن مرعیدر [۳] . آنجق
 بونلرک دوامی سایه سنده در که رسمی مأمورلر هم وظیفه لرینک دائمی
 اولماسندن مستفید اولاییورلر هم حق انتخابلرینی استعمال ایلورلر .

وضعیتلرینی
 اصلاح تشبیلری
 مستخدمینک حق انتخابه مالک اولمالرینک تهله که سی انکله رده ده
 باشقه راستقامنده کندیسی کوسترمشدر . شهه سز که حکومت
 مأمورلری فرقه منازعاتندن مجتنب داورانمشلردر . فقط بعضأ حق
 انتخابلرینی پارلمنتو اعضالری اوزرنده اجرترلرینک تزیدی و شرائط
 مساعیلرینک اصلاحی ایچون تضیق اجرا ایتک اوزره قوللاشمشلردر .
 ترسانه لر بوحال بالخاصه ترسانه لرده کوزه چارپدی . حکومتک حرب
 کملری انشا آتی ایچون بویوک دستکاهلر ایشلتدیکی یاریم دوزینه
 قدر بارولرک مبعوثلری متصل عمله لرک منافعی ایله مشغولدرلر .
 بونلری مملکتک امور مالیه سنه هیچ اهمیت ویرمه دن و کندیلرینک

[۱] کذا CXCIIL., 389

[۲] حقیقته ده ، ۱۸۷۴ لایحه قانونیه سی بونقطه یی شهه دن آزاده

برحاله کتیرمک اوزره تعذیل ایدیلشدر . Hans., 3 Ser. CCXIX.

Hans., 3 Ser. 797 800 p ۱۸۶۸ قانونی ایچون باقکز :

CXCIIL, p. 405 409

Hans., 4 Ser. XVI, p. 1218; LIII, p. 1131 [۳]

قابینه نك دوستی یا خود دشمنی اولمالریه باقادن او قدر شدتله مدافعه ایدرلرکه « ترسانه مبعوثلری » تعبیری پارلمتوده ضرب مثل حکمنه کیرمشدر [۱] .

مع التأسف، مشکلات یالکز ترسانه لره انحصار ایتمه مشدر. سائر مأمورین پوسته ومالیه مأمورلری حق انتخابه نائل اولدقلری زمان ، دیزرائلی اونلرک بوحق انتخابی معاشلرینی نزید ایچون قوللا- نمالردن اندیشه ایدیوردی [۲] . غلادستون ، حکومتک تأثیر ونفوذندن یا خود فلان ویا فلان فرقه لهنده کی تأثیر ونفوذدن دکل ، « صنف » تأثیر ونفوذندن قورقدیغی سویلوردی . « اونک فکرنبه بوتأثیر، اصلاح ایدیش پارلمتونک اک بویوک قصورینی تشکیل ایتکده ایدی » [۳] . وقایع ، بواندیشه لرک اساسسز اولمادقلرینی کوستردی. دهه ۱۸۷۵ ده، حکومتک ویردیکی اجوراتک مساعی پیاسه سنده کی مقداری کچدیکی تسلیم اولونویوردی [۴] .

[۱] باقکز Courtney : The Working Constitution of The United Kingdom, 151
Hans., 3 Ser, CXIII., 393 [۲]
[۳] کذا ، ۳۹۷ .

[۴] تلغراف خدماتنده مصارفاتک تزیادی حقنده کی انجمن راپوری .
Com. Pap., 1875, XX 643, p. 5. خدمت ملکیه حقنده
تحقیقات انجمنک ایلک راپوری Cam. Pap., 1875, XXIII, 1, p. 9
رسمی مستخدمینک کندی اجرتلرینی آرتریمق ایچون صرف
ایتدکاری غیرت و پارلمتو اعضالری اوزرنده اجرا ایتدکاری تضییق
حقنده کی بو معلوماتی و بونوطلری ، مستر هوغومایره مدیونم . The

پوسته و مالیہ مأمورلرینک حق انتخابہ نائل اولدقلری تاریخدن
 صوکرہ، بونلردائی صورتده پارلمتو اعضالری واونلر واسطہ سیلہ
 حکومت اوزرنده کندی منفعتلری لهنده بر تأثیر اجرا ایتمکدن
 خالی قالماملردر. بونقطه ده کی شکایتلرک آردی کسيلمہ یور[۱].
 مبعوثلرہ ، ضم معاش طلب ایتک ایچون مأمورلرک عقد
 ایتدکلری علنی اجتماعلرہ اشتراک ایتدکلرندن دولایي مؤاخذاتده
 بولونلشدر [۲]. قامارانک بونوع مسئلہ لر مذاکرہ ایدہ جکی
 جلسہ لرده حاضر بولونمالری ایچون مصرانہ اخطارات قبول
 ایتملری مناسبیله تنقیدات سر دایدیلشدر [۳]. لوندرده حکومت
 مستخدمینک غایت متمرکز بر حالده بولونمالری حسبیلہ پایتخت
 مبعوثلری اوزرنده کی تضیق بالخاصہ شدتیلدر .

Nationalization of the Telegr. in England حقنده کی
 تدقیقاتک مسوده لرینی بکا کوسترمک لطفنده بولونمشدر .

[۱] مثلاً باقکز : Hans., 3 Ser. CCLXV, 141 ; LI, 351- ; 4 Ser. XXXIX, 596-98 ; CCLXXI, 429 ; LXXII, 119 ; LXVI, 1523 ; LIII, 1107 ; 52, 355 ; CXXI, ; CVI, 689 ; XCIV, 1382-83 ; LXXXII, 199 ; 1023 ; CXXXIV, 1617, 18, 29, 32 . سیویل مؤسسات
 حقنده کی انجمنک ایکنجی راپوری . Com. Pap., 1888, XXVII, 1 . Q. 17444-47, 17321-28, 20238
 انجمنک راپوری 11706 . Q. 1897, XLIV, 1 . Com. Pap.

[۲] سیویل مؤسسات حقنده کی انجمنک راپوری . Com. Pap. 1888, XXVIII, 1 . Q. 10562, 63 10742, 45 49, 17444-47

Hans., 3 Ser. CCCLII, 870 [۳]

تقریباً یکرمی سنه قدر پارلمنتوده پوسته وتلغراف مأمورلرینک معاشاتی وبومأمورین طرفدن درمیان ایدیلن شکایات مناسبته بر تحقیقات انجمنی تشکیلی تأمین ایتک اوزره صرف مساعی ایدیلشدر . حکومت کاه بر نقطهده سرفرو ایتدی ، کاه دیگر بر نقطهده مقاومت کوستردی . فقط ، پارلمنتو اعضا لری اوزرنده تضییق اجرا ایدیلمه سنه مانع اولمق ایسته یه رک ، بر آراق ، بر تدبیر اتحاد ایتدی که بوده یکی شکایاته سبب اولدی . بو حادثه نیک تاریخی ، وضعیتک ته لکه لرینی پک کوزل کوستریور . ۱۸۹۲ ده ، پوسته ناظری سر جهیمس فر کوسون ، تلغراف مأمورلرینک بر جمعیتی طرفدن عمومی انتخابات نامزدلرینه کوندریلن بر تعمیم حقنده عوام قاماراسنک نظر دقتی جلب ایتدی . بو تعمیمده ، نامزدلرینک لری موفقیته اقتران ایتدی کی تقدیرده تلغراف خدماتنک طرز ایفاسی حقنده بر تحقیقات قومیسوننک تشکله طرفدار اولوب اولمایه جقلری کندیلرندن صورولوردی [۱] . پوسته ناظری ، حکومت مستخدمینک نامزدلردن کندی وظیفه لرینه متعلق وعدلر استحصالنه قیام ایتمه لری جائز اولامیه جغنی تلغراف فیلره اخطار ایتدی [۲] . بوکارغماً ، بری تعمیمک ارسالنه قرار ویرن اجتماعک رئیسی ، دیکری کاتبی اولان ایکی تلغراف مأموری ، قله ری ایله کیسمان ، پوسته ناظرینک اخطاری

« جمعيتك سياستنى هيچ دكيشديرمديكنه » دائر بر بياننامه نشر ايتديلر . انتخاباتك فرداسنده ، بوايكي مأمور عزل ايديلدى [۱] . بو عزلده ر سبب شكاييت تشكيل ايتدى . هر سنه ، بعض مبعوثلر پارلمنتوده بو آدمرك تكرار خدمته آلتالري ايچون تشبثانده بولونمغه باشلاديلر . عزل لرندن بر آرزو كره ، غلادستون موقع اقتداره كلدى . حكومتك ، مأمورلره سياسى مجادلاته فعال صورتده اشتراكى منع ايتمكدن باشقه بر تقيد وضع ايتمك املنده اولماديغنى مبهم تعبيرات ايله بيان ايتدى [۲] . فقط فر كوسونك اخطار نامه سى كرى آلتامش كيدير [۳] . هر حالده قله رى ايله كيسمان تكرار خدمته قبول ايديله ديلىر .

بر پارلمنتو انجمنتك تشكيلى طلبى پوسته و تلغراف مأمورلرينك احوال و شرائطى حقنده تحقيقانده بولونمق اوزره بر پارلمنتو انجمنتك تشكيلى حقنده كى تقريرلرك آرقه سى كيسلمه دى . ۱۸۹۵ ده حكومت باشليجه مختلف دوا ئردن منتخب مأمورلردن تركب ايتمك اوزره بر قوميسيون تعييننه موافقت ايدمك درجه ده سرفرو ايتدى . ۱۸۹۷ ده بو قوميسيونك ويرديكى راپور كرك پوسته كرك تلغراف مأمورلرينك معاشرينه ضم ياپماسى تكليفنده بولوندى . قوميسيونك مطالعه سى در حال موقع اجرايه قونولدى . بر آرز

[۱] كذا ، VII, p. 188 90

[۲] كذا ، XVI, p. 1218

[۳] Hans., LIII, p. 1138 39

صوکره باشقه مساعدات ده کوسترلدی . فقط غلیان بونکله زائل اولمادی . مأمورلر بر پارلمنتو انجمنی اولمازسه هیچ برشيله ممنون اولاما یا جق لرینی بیان ایدیورلردی . بوده شبهه سز حکومتی بویه بر قومیسونه راضی اولماغه سوق ایدن سبدن نشئت ایله یوردی . یعنی پارلمنتو اعضا لری اوزرینه اجرا ایدیلن تضييقدن [۱] و بر انجمن اعضا لری اوزرنده تمرکز ایتدیریلک موضوع بحث اولونجه بوتضييقک بویوک بر شدت کسب ایده بيلمه سی احتمالندن ایلری کلیوردی [۲] . هر سنه بر طرفدن عینی شکایتلر تکرار ایدیلور ، دیگر طرفدن تضييقک غیر قابل تحمل برحاله اجرا ایدیلن تضييق کلدیکنه دائر شکایتلر یوکسه لیوردی . ۱۸۹۸ ده مجادلانک بونون اهمیتی پوسته مأمورلرینک حقوق سیاسیه لرندن محرومیتلرینی ایستین بر تقرر اوزرنده تمرکز ایتدی . اوزون بر مناقشه وقوعه کلدی . بو مناقشه اناسنده مسئله نک تاریخی باشند آشاغی کوزدن کچیریلدی . خزیننه نک مالی کاتبی هانבורی دیدی که : « شخصی وفردی ارتکابی و اخلاقسزلغی قالدیردق . فقط بونک دهافنا برشکلی واردر . اوده بر آدمک برنامزددن ، خزیننه مالیه دن ویریلک شرطيله رأینی ساتون آلماسنی ایسته دیکی زمان وقوعه کلنیدر » [۳] . ۱۹۰۳ ده مستر اوستن چمبرلن

[۱] کذا ، CXXI, p. 1023

[۲] کذا ، LXV, p. 1550

[۳] کذا ، ۱۱۳۸ . نطقنده ، پوسته وتلغراف مأمورلرینک

تراد اونیونلره (صنایع اتحادلرینه) اشتراک لری صوک سنه لرده پک

کړکځخالفته کړکځاکثریته منسوب مبعوثلرک، مبعوثلقوظیفه لړینی یاپارکن پوښته وتلغراف مأمورلرینک اجرایه قیام ایدهبیله جکمری تضیقندن محافظه ایتهمسی ایچون پوښته ناظری صفیله کنديسینه مراجعت ایتشم اولدقلمرینی سویله دی [۱]. مع مافیهم، مستخدمینک آیلقلری حقنده مطالعه لړینی بیلدیرمک اوزره ایش آدم لرندن مرکب بر قومیسون تعیین ایتهمکه رضا کوستردی. فقط مأمورلرینه پارلمنتو اعضالرندن ترکیب ایتهمکه جک بر قومیسونک تشکیله قارشى اعتراضاتده بولوندیلر [۲]. قومیسونک راپوری ۱۹۰۴ ده قاماراده معتاد نوعدن برمذا کره یه سبیت ویردی [۳]. نهایت، ۱۹۰۶ ده یکی لیبرال قابینه سرفروایتدی، پارلمنتو انجمنی تشکیل اولوندى [۴].

اليوم پوښته وتلغراف خدمتند: تقريباً ايکي يوز بيک کشى وارد رکه بونلر تشکيلات آلتنه کيرنجه برچوق دواثر انتخابيه ده مهم برعامل تشکيل ايدہ بيلمکه کافي مقدارده رأى صاحبى اولورلر. حتى بعض دائره لرده فرقہ لار آراسنده کى موفقيت ميزانى اونلرک زياده آرتمش اولديغنى نظر دقته عرض ايتدى. فقط تراد اونونلرک سائر صنايعده مستفيد اولدقلى بوتون امتياز لرده مالک بولوندىلرینی سویله دی.

[۱] کذا، CXXI, p. 1023

[۲] کذا، CXXII, p. 329, 31, 33

[۳] کذا، XXXIX, p. 1600-1636

[۴] کذا، CCIII, p. 357

النده قلیر . تأثیر ونفوذلری مسابقه ایله کیریلن برماؤوریتده
اجرترلری تزیید مقصدینی تأمینه انحصار ایتسه ایدی [۱] بونده
پک بویولم برفالقی کورولمه بیلیردی . فقط دولت ایچون غایت
مشئوم غایه لرك تعقیبنده بيله بوقونك نه صورته استعمال ایديله-
بيله جکی میدانده در . تضدیقك آزالاجنه احتمال ویردیره جك
هیچ برسبب یوقدر . حتی بعضاً حکومت مأمورلرندن انتخابی
نزع ایتك ضرورتندن یاواشجه بحث ایدیلدیکی ایشیدیلیر .
یکانه مؤثر چاره بواولاجقدر . بوتدیری جدی صورته
دوشونمك ایجاب ایده جك زمان احتمالکده پک اوزاق دکلدر .
آشاعیده کوروله جکی اوزره ، فردلر لهنده آنحق بالنسبه
آز بر صورته اجرای تأثیر ایدیلیر . زمانمزده انکلیر پارلمنتو
حکومتك اوصاف میزه سندن بری شخصی منفعتلر لهنده اولمقدن
زیاده صنوف منفعتی لهنده سیاسی نفوذ وتأثیرك استعمالی کیفیتدر .

انکلترده خدمات ملکیده مأموریتلرک دائمی اولماسی
مأموریتلرک دائمی اولماسی
وفرقه مجادله لرندن مأمورلرک محتجب بولونماسی قانون ایله دکل
غنغه ایله تحت تأمینه آلمشدر . چونکه بحث ایتدیکمز مأمورلر
حکومتك « جانی ایسته دیکی مدتجه » تعیین ایدیلشدر . حقوقاً ،
هر زمان ، هر سیدن دولای عزل ایديله بیلیرلر . حالوکه بوکون

[۱] شایان دقتدرکه مالیه مأمورلرینه حق انتخابك اعاده سندن
برآز صوکره قبول ایدیلش اولان ۱۸۷۰ قانونیه مسابقه اصولی
عمومیشدیر بلشدر .

دائمی تلقی ایدیلن ، سیاسی بروصفی حائز عد اولونمایان مأمورلرک فرقه ملاحظاتندن دولایی عزللری انکلتزه جه بوتون بوتون مجهول برشی دکلسمده هیچ بر وقت عمومی بر اصول شکلی اکتساب ایتمه مشدر . « میراثه قونمق » سیسته منک - یعنی ، بر فرقه دیکشدیکی زمان مأمورلرک طویدن عزلنک - انکلتزه قبول ایدیللمسک سببی انکلیزلرک ، کندیلرینه خاص بر سوق طبیعی ایله وظیفه رسمیه یی غیر قابل تجاوز بر صفت کبی تلقی ایتمه میال بولونمالرندن نشئت ایتمش دکلدر . بوفکر بالنسبه مؤخر زمانلرک محصولیدر . چونکه ، ۱۸ نجی عصرده بیله حمایه و التماس سؤاستعماللری ، حتی سیاسی اخلاقسزلنک اک قاباشکلری موجود ایدی . سبب ، دها زیاده ، بوتون بوتون باشقه بر حسک موجودیتیدر . بوده هر فردک اشغال ایتدیکی وظیفه یه بر نوع حق مکتسبی اولدینی حسندن عبارتدر . بو طرز تلقی رسمی و غیر رسمی ایشلرده متصل بر خدمتدن محروم قلمش یاخود سیاسی بر تبدل نتیجه سنده منافعی مختل اولمش کیمسه لرک تضمینات طلب ایتمه لرینه سائق اولیورکه بر اجنبی ایچون موجب حیرتدر [۱] . رخصتیه لری تجدید ایدیلهدیکی زمان میخانه جیلرک [۱] آمریقادا حکمفرما اولان حس ایسه ، ۱۸۷۰ تاریخنده قبول ایدیلش اولان ماساکوزت تشکیلات اساسیه سنک حقوق بیاننا - مه سنده شو صورتله افاده ایدیلکده در (۸ نجی ماده) : « رسمی بر نفوذی حائز اولان کیمسه لرک برر متجاوز کیمسه حالنه کچمه لرینه مانع اولمق اوزره ، خلق ، حکومتک شکلی تأسیس ایتک صورتیه

کلیسا ، عدلیه ، اردو ، دونانما و مستملکات مأموریتلرینه طرفدارلرینی تعیین ایده گلش اولان محافظه کارلری ییقمانک ظاهرأ محال اولدیغنی تسلیم ایدیوردی [۱] . هیئت وکیله ایچون ، بالخاصه عوام قاماراسی اعضالرینک مظاهرتی الزم ایدی . اعضالر بوکا مقابل انتخابات زماننده اجرای نفوذ ایتش یاخود ایده بیله جک منتخبلری ایچون مأموریت استحصال ایدیورلردی . ایشه بو صورتله ، تعینلرک وبالخاصه محلی مأموریتلره تعینلرک قسم اعظمی پارلمنتو اعضالرینک الیه کچدی [۲] . بو سیستم ، ماره ایچون برانکل تشکیل ایدیور و ناظرلری ازعاج ایلوردی . یک نفقون ، ۱۸۲۹ ده یازدیغنی بر اثرده اولیه تعیرات قوللانمشدرکه بود . صوکره باشقه مملکتلر حقدهده استعمال ایدیله بیلردی : جمهور فکرجه ، حکومتک بوتون حمایه والتماس سیسته می خدماته برشیدر . بعض مبعوثلر ، تمثیل ایتدکلری شهر ویا سیه منحل قالان بوتون مأموریتلری ایسته دکلرینه توجیه هیچ برزکندیلرنده برحق تحیل ایدیورلر . نونی کندیلرینک

شکلنده 33 Recollections and Suggestions

شخصی دوسر توماس اسکینمای ، سیسته مک ترکی زماننده یازمقله که متی ایچون الزم کی تلقی ایتمکدهدر . انتخابات تعیین ایده جکی صورت فقه لر اوزرنده حاصل ایتدیکی تأثیردن بحث اعاده ایتک و منحل مقاماتی ، بوتون بوتحولات ایله برابر ، حمایه حقنه مالکدر . بو ، مأمور الک بویوک برزنبرک اولوق ماهیتنی محافظه ایتکدر . بونی یاپانلر ، « میراثه قو Const, Hist. of England بلاختیار ، برفرمان بخش ایتشلردر د

دائمی تلقی ایدیلن ، سیاسی بروصفی حائز عد اولونمایان مأمورلرک فرقه ملاحظاتندن دولای عزللری انکلتزه جه بوتون بوتون مجهول برشی دکلسهده هیچ بر وقت عمومی بر اصول شکلی اکتساب ایتمه مشدر . « میراثه قونمق » سیسته منک - یعنی ، بر فرقه دیکشدیکی زمان مأمورلرک طویدن عزلنک - انکلتزهده قبول ایدیله منک سببی انکلیزلرک ، کندیلرینه خاص بر سوق طبیعی ایله وظیفه رسمیه یی غیر قابل تجاوز بر صفت کبی تلقی ایتمه میال بولونمالرندن نشئت ایتش دکدر . بوفکر بالنسبه مؤخر زمانلرک محصولدر . چونکه ، ۱۸ نجی عصرده بیله حمایه و التماس سؤاستعماللری ، حتی سیاسی اخلاقسزلنک اک قبا بشکلری موجود ایدی . سبب ، دها زیاده ، بوتون بوتون باشقات بر حسک موجود ایدیدر . بوده هر فردک اشغال ایتدیکی وظیفه بو ، بر نوع حق مکتسبی اولدینی حسندن عبارتدر . بو طرز ایدی . رسمی و غیر رسمی ایشلرده متصل بر خدمتدن محروم قن بری یا خود سیاسی بر تبدل نتیجه سنده منافعی مختل اولمش کیمس Sir R تضمینات طلب ایتمه لرینه سائق اولیورکه بر اجنبی ایچون مهله فعال حیرتدر [۱] . رخصتیه لری تجدید ایدیله دیکی زمان میخان مبعوثلری [۱] آمریقاده حکمفرما اولان حس ایسه ، بوتون نفوذینی

۷۳ .

قبول ایدیلش اولان ماساکوزت تشکیلات اساسیه
Civil Service in Gr.
مه سنده شو صورتله افاده ایدیلکده در (۸) ردهده حمایه و التماس سیسته منک بر نفوذی حائز اولان کیمسه لرک برر متولی قائم اولاسنک اک ایی ویکانه مانع اولمق اوزره ، خلق ، حکومتک

کلیسا ، عدلیه ، اردو ، دونانما و مستملکات مأموریتلرینه طرفدارلرینی تعیین ایده کلش اولان محافظه کارلری ییقمانک ظاهراً محال اولدیغنی تسلیم ایدیوردی [۱] . هیئت وکیله ایچون ، بالخاصه عوام قاماراسی اعضالرینک مظاهرتی الزم ایدی . اعضالر بوکا مقابل انتخابات زماننده اجرای نفوذ ایتمش یاخود ایده بیله جک منتخبلری ایچون مأموریت استحصال ایدیورلردی . ایشته بو صورتله ، تعیینلرک و بالخاصه محلی مأموریتلره تعیینلرک قسم اعظمی پارلمنتو اعضالرینک الیه کچدی [۲] . بو سیستم ، اداره ایچون برانکل تشکیل ایدیور و ناظرلری ازعاج ایلوردی . ولینغتون ، ۱۸۲۹ ده یازدیغنی برارده اولیه تعبیرات قوللانمشدرکه بونلر صوکره باشقه مملکتلر حقندهده استعمال ایدیله بیلیردی : « بنم فکریمجه ، حکومتک بوتون حمایه و التماس سیستمی یا کلش برشیدر . بعض مبعوثلر ، تمثیل ایتدکلری شهر ویا قاونتی ده منحل قالان بوتون مأموریتلری ایسته دکلرینه توجیه ایچون کندیلرنده برحق تحیل ایدیورلر . بونی کندیلرینک

Recollections and Suggestions, 33 [۱]

[۲] سر توماس اسکینمای ، سیستمه مک ترکی زماننده یازمقله برابر بونی فرقه حکومتی ایچون الزم کبی تلقی ایتکدهدر . انتخابات اصولنده کی اصلاحاتک فرقه لر اوزرنده حاصل ایتدیکی تأثیردن بحث ایدرکن دییورکه : « فقط ، بوتون بوتحولات ایله برابر ، حمایه و التماس اصولی فرقه لرک تشکیلاتنده الک بویوک برزبرک اولق ماهیتنی محافظه

ایتشدردر » Const. Hist. of England (1 Am. Ed) II, 99

او قدر حق ظن ایلیور لر که ایستر هر خصوصده حکومت مظاهرت
ایتمه یی اعتیاد ایتش اولسونلر ایستر کندیلرینه رجا ایدیلهدن
زمان زمان بو مظاهرتی کوسترسونلر ایستر تماماً حکومتک
علینده بولونسونلر، بو حق طلب ایتکدن کری قالماقده درلر.
حقیقته، محلی مأموریتلره تعیین مسئله سنده یکانه اندیشه بر
مأموریتی شونک دیدیکنه می یوقسه بونک دیدیکنه می ویرمک
نقطه سنه انحصار ایدیور» [۱].

امتحان اصولک

قبول

نهایت، حسیاتده بر انقلاب وجوده کلدی. ۱۸۳۴ -
۱۸۴۱ تاریخلرنده بعضی دائره لرده قبول امتحانلری اصولی
قوندی. بونلر تماماً اهلیتسز طالبلری بر طرف ایدیورلردی.
حتی بعضی احوالده مسابقه امتحانی بیه تأسیس ایدیلدی. فقط
یکی بر تعیین اصولنه دوغرو بویوک حرکت ۱۸۵۳ تاریخنده
باشلار. بو، ایکی مختلف طرفدن کلدی. اوسنه، شرقی
هندستان شرکتک فرمانی تجدید اولوندی. پارلمنتو، شرکت
مدیرلرینک اولجه استفاده ایتش اولدقلری امتیازلری یعنی
هایلبوری Haileybury یه - که هندستانده خدمت ملکیه یه
حاضر لایان بر مکتبدر - آدم تعیین ایتک حقارینی محافظه یه پک
میال دکلدی. ماقوله یک ریاست ایتدیک بر انجمن، ایرته سی
سنه، هندستانده خدمات ملکیه یه سربست بر مسابقه نتیجه سنده
و مکتبلرده اولدیفی طرزده بر امتحان اصولیه مأمور تعیین

ایدیله‌سی لزومه قرار ویردی . بولایحه درحال قبول ایدیلدی .
 هایلبوری ترك ایدیلدی . تفرع‌آده بعض دكیشكلكر استنا
 ایدیلرسه ، قومیسون طرفدن توصیه اولونان امتحان اصولی
 اوتارینچدن بری حالا مرعی‌الاجرا قالمشدر [۱] .

ینه ۱۸۵۳ده غلادستون طرفدن انكلتره‌ده خدمت ملكیه
 حقه‌ده بر تحقیقات یامغه مأمور ایدیلن سر ستافورد نوردقوت
 ایله سرچارلس تروه‌بلان ، سربست مسابقه اصولی اهنده حکم
 ویریورلردی . یکی اصول انكلتره‌ده هندستاندن زیاده مخالفته
 معروض قالدی . اونك ایچون پك بطی صورتده ترقی ایتدی .
 لورد پالمستون حکومتی ، عوام قماراسنده بر طاقم مانع‌لر
 چیقاجغنی تخمین ایدرهك قانون طریقله دكل اداری نظامنامه‌لر
 واسطه‌سیله حرکت ایتهمی و پارلمنتویه یالکزیاجاب ایدن تخصیصات
 ایچون مراجعتده بولومای تنسیب ایتدی . بناءً علیه ، ۱۸۵۵
 سنه‌سی مایسك ۲۱نده شورای خاصدن بر امرنامه اصدار
 ایتدیردی [۲] ، خدمت ملكیه‌یه منسوب اوچ قومیسردن
 مرکب بر هیئت تشکیل ایله‌دی [۳] . بونلر خدمت ملكیه‌نك
 مختلف دواثرینك آشاغی درجه‌ده‌کی مأموریتلری ایچون نامزدلری
 امتحان ایله مکلف ایدیلر . بواصلاحات بدایتده غایت جذری
 رشی دکلدی . چونکه سیاسی حمایه و التماس قالدیریلما‌دی . مطلقاً

Lowell and Stephens: Colonial Civil Service [۱]

Com. Pap., 1854 55, XLI, 369 [۲]

[۳] بومقدار مؤخرأ ایکی‌یه ایندیریلدی .

بر مسابقه شکلنده اولماسی ایجاب ایتمین امتحانلر مختلف نظارتلر رؤسائنک آرزولرینه کوره ترتیب ایدیلک لازم کلیوردی .
 بناءً علیه اصلاحات مختلف دوائر دولت رؤسائنک بوکا ویرد-
 کلری قیمت نسبتنده ترقی ایدیهیلیردی . فقط ، اوتاریخندن
 اعتباراً، یکی اصول، ادارهنک یوکسک مأمورلری، پارلمنتو و خلق
 نزدنده اعتبار قزانمقده متصل دوام ایتدی . ۱۸۵۹ ده یاپیلان
 بر قانون [۳]، (دوغرودن دوغرویه مقام حکمداری طرفندن
 وقوعه کلن تعینلر یاخود مسلکی براهلیته ویا خصوصی اوصافه
 احتیاج کوسترن مأموریتلر مستثنا اولمق اوزره) بعدما بر مأموریتیه
 تعین ایدیله جک کیمسه لرک تقاعد معاشی بقطه نظرندن، خدمت
 دولته خدمات ملکیه قومیسر لرینک شهادتنامه سنی حائز اولار ق
 داخل اولمادجه خدمات ملکیه ده بولونمش کبی تاقی ایدیله میه .
 جکلرینی اعلان ایتدی . ۱۸۶۰ ده بر پارلمنتو انجمننک راپوری
 ساده جه قبول امتحانلری یرینه محدود بر مسابقه اصولنک اقامه سنی
 توصیه ایدیوردی . معافییه ، تقدیم امتیازینی تماماً قالدیر اراق
 سربست بر مسابقه اصولنک بو اوچ سیسته مک اکیسی اولاجنی ده
 علاوه اولونیوردی [۳] . فقط انجمن بو اصلاحاتی تطبیق زمانی
 کله مش اولدینه قانع ایدی . سربست مسابقه پرنسپیی آنجق
 ۱۸۷۰ سنه سی حزراننک دردنده قبول اولوندی . اوتاریخنده
 صادر اولان و بوکون حالا امتحان سیسته نک انسانی

تشکیل ایدن برشورای خاص قرارنامه سی [۱] (دوغرودن سربست مسابقه دوغروه مقام حکمداری ظرفندن تعیین ایدیلن مأمورلرله ، ترقی حق نتیجه سنده اکتساب ایدیلن وضعیتلر ، مسلکی براهلیته یاخود خصوصی اوصافه احتیاج کوسترن و امتحان مجبوری قسماً یاخود تماماً برطرف ایدیله بیلن مأموریتلر مستثنای اولوق اوزره) هیچ کیمسه نك خدمات ملیه قومیسرلری حضورنده بر امتحان کچیرمه دن واونلردن ملازمته قبول شهادتنامه سی آلمان [۲] خدمات ملکیه یه عائد دواؤردن برینه قبول ایدیله مه یه جکی اساسی قویدی [۳]. ینه بوقرارنامه موجبجه مربوط A جدولنه داخل

Com. Pap. 1860LIX, 1 [۱]

[۲] کذا ، ۱۸۷۰ ، XIX ، صفحه ۷ .

[۳] §§ ۲ و ۷ و B جدولی . باقکمز : شورای خاص قرار-

نامه سی ۱۹ آغستوس ، ۱۸۷۱ ، § ۱ ، ۱۵ ایلول ، ۱۹۰۲ . ۱۸۷۰ قرارنامه سی ، قرارنامه نك احکامنه قارشی موضوع استثنالردن ماعدا « خدمت ملکیه نك بوتون مناصبی ایچون » خدمات ملکیه قومیسرلرینك شهادتنامه سی برشرط قبول اولارق تلقی ایدر . استثنالر B جدولنده تعداد اولونیوردی . بونلر متنده معترضه ایچنده یازدیغمز شیرلدن عبارتدر . دیمک که قرارنامه بدایتده سائر مأموریتلرک کافه سنه شامل ایدی . فقط § ۸ نجی ماده موجبجه ، هرداؤره نك یوکسک مأمورینی خزینة مالیه ایله متفقاً مأموریتلری تعداد ایدن جدوللارک لیسته سنی تمید ویا تقیص ایده بیلیردی . B جدولنه علاوه یامق وبوصورتله قاپوجیلیق ، اوطه جیلیق وسائره کی منحصرأ ال ایشلرینه تعلق ایدن برطاق خدماتی هردورلوا امتحانندن آزاده طوتمق ایچون بوضلاحتیدن استفاده ایدیلمشدر . خدمت ملکیه یه متعلق شورای خاص قرارنامه لری وخزینة مالیه مسوداتی خدمت ملکیه سالنامه سنك نهایتنده مندرجدر .

اولان مأموریتلر سربست مسابقه اصولی نتیجه‌سنده توجیه ایدیلک لازم کلیر . بولیسته زمان زمان تمدید اولونمشدر . اودرجه‌ده که خصوصی براهلیته احتیاج کوسترمه‌ین ، محرم برماهیتی جائزاولمایان یاخود اوطةجیلق، ایشجیلک وسائرہ کی ال ایشلرینه عائد وآشاغی برصنفة داخل بولونان مأموریتلرک پک عظیم برقسمنی احتوا ایتمکده در [۱] .

اهلیت امتحانیدن زیادہ اقتدار امتحانی ۱۸۷۰ تاریخده کی شورای خاص قرارنامہ سیلہ سربست مسابقہ اصولی قبول اولوندقدن صوکرہ ، ایکی تمایل میدانہ چیقہمشدر کہ بونلر بر لرلیہ ارتباطدن عاری دکلددرلر . برنجیسی،

[۱] A جدولی بدایتده مأموریتلر لیسته‌سی دکل دواثر لیسته‌سنی حاوی ایدی . اوصورتده کہ سربست مسابقہ اصولی بعض دائرہ‌لرده (خصوصی استثنالردن باشقہ) بوتون مأموریتلرہ شامل اولوردی وبعض دائرہ‌لرده هیچ بر مأموریتہ تعلق ایتزدی . پک آاز منطقی اولان بوتصنیفہ خدمت ملکیہ امتحانلرینک تاریخنده صیق صیق تصادف اولونور . فقط سربست مسابقہ یه عائد جہتی A جدولنی تصحیح خصوصندہ موجود صلاحیت سایہ‌سندہ تصحیح اولونمشدر . جدولہ اولجہ اورایہ داخل بولونمایان دائرہ‌لرده کی کاتب و سائرہ وظیفہ‌لرینی‌ده ادخال ایتدیلر ، فقط بعض صنف مأموریتلری بورادن چیقاردیلر . بونلرک قسم اعظمی اوطةجیلق ، خدمہ‌لک ، ایشجیلک و سائرہ کی صرف ال ایشلرینہ تعلق ایدرلر . بوقاریکی نوطده ایضاح ایلدیکی وجہلہ ، بوخدمتلرک بعضیلری امتحاندن ناماً آزادہ در . دیکر لرینہ طالبلر بر قبول امتحانی یاخود محدود بر مسابقہ امتحانی کچیرمک شرطیلہ تعین ایدیلرلر . بومأموریتلرک اک مهم صنفلری ایچون یاپیلان امتحانلر حقندہ کی تعلیماتنامہ‌لری بوبابک باشقہ طرفندہ تدقیق ایدہ جکزر .

وظیفه لری بر برینه بکزه ین مأموریتلری زمره زمره طوپلامق و مختلف موقعلر ایچون ایجاب ایدن آری آری امتحانلرک مقدارینی آزالتمق تمایلدر [۱]. ایکنجیسی نامزدلری مالک اولدقنری ته قنیک معلوماتدن زیاده عمومی قابلیتلرینی و معرفت لری و بناء عایه کندیلرینه و یر یله جک مأموریتلرده نه درجه یه قدر مفید اولابیله جکلرینی آ کلایه جق صورتده امتحان ایتک تمایلدر [۲]. بوفر ق ، مجتمعه آمریقاده موجود اولدینی شکلده امتحان سیستمی ایله بونک انکلترده اکتساب ایتدیکی شکل آراسنده مهم بر آریلق اراهه ایدر . مجتمعه آمریقاده همان همان منحصراً طالبلرک کندیلرندن بکله ن ایش ایچون در حال درجه قابلیت لری آراشدیریلیر . انکلترده ایسه ، مسلک لرینی اوکرنه کدن صوکره نه درجه سیه قابلیتلی اولاجق لرینی اولچمکه اهمیت ویریلیر . بوفر ق ، قسماً ، آمریقاده امتحانلرک میراثه قونمق اصولی و مأموریتلرک مناوبه سی اساسی اوزرینه آشیلانمش اولماسندن ، انکلترده ایسه مأموریتلرک متدای اولماسی برقاعده تشکیل ایتمش بولونماسندن ایلری کلیر . قسماًده آمریقاده سیستمک باشلیجه بر قلمده کوره نک سعینه احتیاج حس ایتدیرن مأموریتلره تطبیق ایدیله سندن ، انکلترده ایسه در حال یاخود استقبالدده دهافضله مقدارده محاکمه ومسئولیته احتیاج کوسترن مأموریتلرده عینی

[۱] باقکز : خدمات ملکیه قومیسرلرینک ۵۴ نجی راپوری .

Com. Pap., 1901, XV, II, 129, p. 83-7

[۲] کذا ، صفیه LXXIII-LXXV .

صورتده قابل تطبیق بولونماسدن نشئت ایدر. حالوکه ، آشکار-
درکه ، انسانلر تا کنجکلرندن اعتباراً بوتون حیاتلرینی اشغال
ایده جک برمسلك ایچون سچیلیرلرسه وبالخاصه بومسلك مسؤل
اداره آداملری وظائفنی تضمن ایدرسه یاپیلاجق ایشك تفرعاتنه
وقوف کیفیتنی ایله اوموقع ایچون حال حاضرده براهلیت موجود
اولماسی اینی تحصیل ، فعالیت ذکایه ، قابلیت انکشافه نسبتله ده آاز
حائز اهمیت شیلردر . ایشته هندستانده خدمت ملکیه حقنده کی
ماقوله ی انجمنی بو محاکمه دن حرکت ایدرک ایکی پرنسپ وضع
ایتدی : اولاد خدمته قبول ایدیلن کنجکلر انکلترونک ویره بیله جکی
اک اینی عمومی برتحصیله مالک اولمالیدرلر . ثانیاً ، حریص جاه
کنجکلر ، مسابقه ده موفق اولامازلرسه کندیلرینه هیچ برفانده
ویرمه جک خصوصی تبعات ایله وقتلرینی غائب ایتکه تشجیع
ایدیلمه ملیدرلر . حاصلی ، انجمن امتحانلرک انکلیزدارالفونلرنده
تعقیب ایدیلن تحصیل غایت صیقی صورتده اویغون اولماسی
نقطه سنده اصرار ایتدی . بولایحه قبول ایدیلدی . برآراق
قبول یاشی وبناء علیه تحصیل سویه سی تنزیل ایدیلش اولمقله برابر
مؤخرأ بونلر تکرار یوکسلتلدی . شیمدی ، عینی پرنسپ
انکلترونده کی مأموریتلرک یوکسک درجه لرینه ده تطبیق اولونمقده در .
یالکز کاتبلك وظائفنی اجتوا ایدن ، ده آاز محاکمه یه احتیاج
کوسترن وده آاز مسؤلیت تحمیل ایله ین آچاق درجه لر ایچون
وقتیه امتحانی ده زیاده مأموریتك وظائفنه در حال برحاضرلق

یوقلاماسی شکله قلب ایتک عادت اولمشدی . فقط آشاغیده کوروله جکی وجهله ، اخیراً ماقوله یک فکرلرینه عودت ایدیلشد . مع مافیه ، طبیعی اولدینی اوزره ، دهآشاغی برتحصیل درجه سنه اویاجق صورتده تطبیق اولونیور .

تام و طبیعی بر دائرہ ک دائمی مأمورلری ، سلسله مراتبک خدمت ملکیه ده باشنده دائمی مستشار ایله بر ویا متعدد مستشار معاونلرندن وشعبه رئیس لرندن عبارتدرلر . بومأموریتلر ۱۸۷۰ قرارنامه سی موجبجه پایلاجق امتحانه تابع دکلدرلر . سبیده یا ترفیع صورتیله توجیه ایدیلرندن یا خود خصوصی براهلیت واستعداده احتیاج کوسترمه لرندن عبارتدر [۱] . حقیقته بوقیل مأموریتلر دائماً قدم و ترقی نتیجه سنده الده ایدیلزلر . چونکه چوق کره بر دائرہ تماماً یابانجی کیمسه لک بو موقعلره کتیریلدکلری واقعدر . بونلردن آشاغی درجه ده ، میز لر Principal clercks کلیرلر . بونلر برنجی صنف کاتبلر آراسندن قدم و ترفیع صیراسنه

[۱] : جزیران ، ۱۷۸۰ تاریخی شورای خاص قرارنامه سی ، § ۷ و B جدولی . پله یفر قومیسوننک بومأموریتلر مناسبتیله در میان ایتدیکی مطالعه کوره ، تقاعد معاشنه کسب استحقاق ایتک ایچون مأمورلر خدمات ملکیه قومیسرلرینک بر شهادتنامه سی اوزرینه تعیین ایدیلش اولق یا خود تقاعد معاشاتی حقنده ۱۸۵۹ قانوننک ۴ نجی نصلی موجبجه وظیفه لرینک ایجاب ایتدیکی خصوصی قابیلرندن دولای خزینة مالیه طرفندن امتحاندن مستثنا طوتولش بولونق ایجاب ایدر . قومیسون فعلیاتده امتحانک عمومیتله طلب ایدیلده دیکنی تبیین ایله مشدر .

کوره انتخاب ایدیلرلر . برنجی صنف کاتبلر قادرویه برمسابقه ایله کیرن مأمورلر آراسنده ال یوکسک درجه یی اشغال ایدرلر دیمکدر . اولردن صوکره ، بوکون ایکنجی صنف کاتبلر نامی ویریلن مستخدمین کلیر . بوصف مأمورینک اسملری اوقدر چوق دیکشمشدرکه هر دائره یه کوره غریب غریب . فرقلره تصادف اولونور . بولردن دهآشاغی درجه ده میضلر Abstractor classe و نهایت کنج ملازملر boy clercks واردر .

منشألی کاتبلرک بربرلردن صورت قطعیده فرقلی ایکی صنفه آیریلارلی و هر برینک آیری امتحانلری اولماسی من القدیم موجود بر اصول دکلدی . ۱۸۵۵ ده کی ایلک قرارنامه نك امتحانلری یالکز هر هانکی بردائره ده کوچوک برکاتبلک ایچون تطبیق اولونوردی . امتحانلرده هر نظارته کوره دیکشیرلردی . بسیط ایشلره تعلق ایدرلردی [۱] . طالبلرک یوکسک قابلیتلری میدانده چیقارمقدن زیاده اقتدارسزلری برطرف ایتک غایه سنه مبنی ترتیب اولونمشلردی . چونکه ، اونو تمام ایلدرکه بوا امتحانلرک آنجق پک آزی مسابقه شکلنده ایدی و مسابقه ده محدود بردائره داخلنده اجرا ایدیلردی [۲] . مع مافیه ، ۱۸۷۰ قرارنامه سی

[۱] قرائت ، یازی ، حساب ، املا ، کتابت رسمیه ، جغرافیا ، انکاتره تاریخی ، لاتینجه ، فرانسه زجه ، بعضاً اصول دفتری و اینجاب ایدرسه ده بعض شیلرلر امتحان بایئیردی . خدمت ملکیه انجمنک اوچنجی راپوری . Com. Pap. 1857 58, XXV, 1, app. 13 [۲] خدمات ملکیه یه تعیین حقنده کی انجمنک راپوری . Com.

قبول امتحانلرینی، خصوصی استئالردن و قدم و ترفیع کیفیتدن باشقه بوتون اداری وظیفه لره تشمیل ایتدیکی و سربست مسابقه اصولنی قویدینی زمان، بر تقدیر و محاکمه قابلیته متوقف اولان، ای بر تحصیله احتیاج کوسترن یوکسک موقعلره وظیفه لری بر قلم ایشنه انحصار ایدن آشای درجه ده مأموریتلر آراسنده برفرق کوزتمک ضروری اولدی. تعبیر دیگرله بر اداره آدمی ایله بر کاتبی یکدیگرندن آییرمق ایجاب ایدیوردی. بوفرقی ذاتاً ۱۸۷۰ قرارنامه سنی تطبیق ایچون تنظیم ایتدکلری تعلیماتنامه ایله قومیسرلر تأسیس ایتملردی [۱]. ایکی صنف کاتبلر آیری آیری و ماهیتجه بر برندن فرقلی امتحانلره قبول ایدیلرلر. برنجی امتحان دارالفنون مآذونلرینه او یغون رشکله در. ایکنجی امتحان ایسه تجارت عالنه منسوب دلیقانلیرک سویه سنه کوره ترتیب ایدیلشدی. بدایتده آراده کی خط فاصل بر پارچه راست کله بر صورتده چیزیلشدی. پایلاجق ایشک حقیقی ماهیتی کافی درجه ده نظر دفته آلمانلشدی. اونک ایچون، شیمدیکی شکلی ویریلنجه یه قدر دفعات ایله تعدیله احتیاج حس ایدیلشدی [۲].

[۱] خدمات ملکیه قومیسرلرینک ۱۶ نجی راپوری : Com.

Pap. 1871, XVII, 1, app. 1.

[۲] ۱۸۷۳ ده خدمت ملکیه مصارفاتی حقنده کی بر انجمن،

آراده کی فرقی تماماً قالدیرمای و هردا اثره ایچون بوتون مستخدمینی مؤخرأ لیاقه کوره ترقی خصوصنده مساوی بر موقعده بولونیدیراجق صورتده

مستثنا موقعلر سربست مسابقه اصولیه الده ایدیلن منتظم کاتبک موقعدن باشقه دورلو دورلو مفتشکلر ، کاتبتر ودها سائر مأموریتلر واردرکه بورالره کاه سربست مسابقه کاه محدود مسابقه اصولیه یاخود ساده جه بر قبول امتحانی نتیجه سنده ، بعضآده هیچ امتحانسر آدم تعیین اولونور. حقیقته ، دواژده غیرطبیعیکلر دولودر. بونلرک بعضیسی خدمتک ایجابات خصوصیه سندن ایلری کلیورسده سائرلرینک ظاهری هیچ بر حکمت وجودلری

یالکز بر قبول امتحانی یامای تکلیف ایتدی (۳ نجی راپور Com. Pap. 1873, VII., 415, p. IV) . بو تکلیف نظر تدقیقه آلمادی . ایکی سنه صوکره پله یفرک خدمت ملکیه یه قبول انجمنی (Com. Pap., 1875, XXIII, 1) مسؤل مأموریتلره خاص یوکسک بر صنف ایله کوره نک ایشنه خاص آشاغی بر صنف آراسنده بر فرق محافظه ایدیله سی لهنده بیان فکر ایتدی . یالکز ، انجمن برنجی و ایکنجی صنف دیه قبول ایدیلن تفریق علیهنده بولوندی . چونکه ایکنجیدن برنجی یه ترفیع ایتک ایچون هیچ بر چاره یوقدی . بوندن باشقه ، آزاده کی فرق ایشلرک ماهیتنده موجود فرقه تقابل ایتمه . یوردی . اودرجه ده که میخانیکی برایش برنجی صنفه ویریش ، مسئولیتی برایشده ایکنجی صنفه آیریش بولونیوردی . حالبوکه بعض داژره لرده بوتون کاتبلر هپ عینی صنفه داخل ایدیلر . انجمن ، هر داژره ده سن رشده کلش کاتبلره کوچوک ملازملر ایچون آشاغی بر صنف تشکیل ایدیله سنی تکلیف ایتدی . بو صنفه منسوب بولونان مستخدمین تعیین و با نقل و تحویل ایدیلدکری داژره لرده ایفای خدمت ایتسونلر . اون سنه چالیشدقدن صوکره ، فوق العاده اهلیت و قابلیت کوسترنلر یوکسک صنفه ترفیع ایده بیلسونلر . بوفکرلر ۱۲ شباط ۱۸۷۶ تاریخلی شورای خاص قرارنامه سیله قبول ایدیلدیلر . خدمات ملکیه نک تشکیلاتی

یوقدر . سیسته مک غربتلینی تعریفه قالقیشمادن ده امتحانلرک
اک معناد شکلرندن اوزون اوزون بحث ایتمه مز قارئلر مزک
جاتی صیقا جفی شبهه سزدر . قولایلق اولق اوزره ، ابتدا
سربست مسابقه لری ، صوکره دیگر نوع تعیین طرز لرینی
تدقیق ایده جکز .

خدمت ملکیه نک مسابقه ایله الده ایدیله بیلن اک یوکسک برنجی صنف کتابت
موقعلرینه برنجی صنف کتابت نامی ویریلیر . ۱۸۹۵ ده بو

بویوزدن ساده لشدیریلدی واصلح ایدیلدی . فقط الآن ناتمام بولو .
نیوردی . ۱۸۸۸ ده سیویل مؤسسات حقنده کی انجمنک راوری
(Com. Pap. 1888, XXVII, 1) تطبیقانه ، ایکی صنف
مأموریتلرک یکدیگرینه تداخل ایتدکلرینی ، ذاتاً خط فاصلک پک
آشاغیدن چیزیلش اولدیغنی تبیین ایتدی . انجمن ، آشاغی صنف
نامنک ایکنجی صنف نامه تحویلنی ده تکلیف ایدیوردی . ۲۱ مارت
۱۸۹۰ تاریخلی شورای خاص قرارنامه سیله بوجهت تأمین اولوندی .
خدمت ملکیه ده براینجی صنف احداث ایدیلدی . بونک برده یوکسک
درجه سی واردی که قدم و ترقی نتیجه سنده استحصال اولونابیلیردی .
بوتون کوچوک کاتیلر آیری برصنغه ادخال اولوندیلر . ایکنجی صنفه
عائد تعلیمات نامه مؤخر آ ۲۹ تشرین ثانی ۱۸۹۸ تاریخلی شورای خاص
قرارنامه سیله تقویه و ۱۵ ایلول ۱۹۰۲ تاریخلی دیگر برقرارنامه ایله
تعديل اولوندی . خدمت ملکیه نک برنجی صنف نامیه معروف اولان
برنجی قسمی ۱۵ آغستوس ۱۸۹۰ تاریخلی قرارنامه ایله تکرار برقاعده
آلتنه آلدی . بوصف داخلنده ده ترفیع و ترقی نتیجه سی الده ایدیله بیلن
یوکسک بردرجه احداث اولونمشدر .

شوراسنی ده علاوه ایتک اقتضا ایلرکه مسابقه نتیجه سنده یاپیلان
تعیینلر بردن بره قطعی دکدرلر . برمدت ایچون بر « تجربه » ماهیتی
حائزدرلر .

ماموریتلرک امتحانی ایله هندستانک خدمت ملکیه امتحانی
توچیداولوندی. ایرتهسی سنه شرق قاده لر Eastern Cadets ینک
امتحانلری ده بونلرک عینی حاله صوقولدی [۱]. بوضورتله ،
هرسنه یاپیلان تک برمسابقه امتحانی بواوچ مسلککده قاپیلرینی
ارباب اقتداره آچمقده در . موفق اولان طالبلر ، امتحانده کی
موفقیترلرینک درجه سنه کوره ، کیرمک ایسته دکلری اداره یی
انتخاب ایده بیلرلر . معاشک آزلفنه رغماً ، نامزدلر آراسنده
برنجبلر علی العاده انکلترده کی خدماتی ترجیح ایدیورلر . بوده
آوروپا حیاتنک جاذبه سندن ایلری کلکده در . منحلالتک مساعدده سی
نسبتنده بونامزدلر ایسته دکلری نظارتلره یرلشدیرلمکده درلر .

دخول امتحانلری بوضنفه داخل اولانلر کاتب clerk عنوانی طاشیمقاه
برابر وظیفه لری ساده جه برقلم ایشی کورمکدن عبارت دکلدر .
براداره ایشی ایفا ایدرلر . حتی بوایش ، یوکسک درجه لرده ،
پک آغیر مسئولیتلر بیله تضمن ایدر . بناء علیه ، قومیسرلرک
غایه سی ، آدقلری صاغلام برتحصیل سایه سنده اوزون ومهم
براداره حیاتی کچیرمکه حاضر لائمش کنجلیری تفریق ایتمکدن
عبارتدر . بونک ایچوندرکه طالبلرک یکرمی ایکی ایله یکرمی
درت یاشلری آراسنده اولمالری ایسته نیر . طالبلرک تابع
طوتولدقلری امتحان ، استقبالده کی وظیفه لری ایله دوغروندن

[۱] سیلان ، هونغ قونغ ، مالزیا حکومتات متحده سی ، الخ . کی
شرق مستملکه لری خدمت ملکیه سنه کیرن دلیقانلیره بواوم ویریلیر .

دوغرویه بر مناسبتی حائز بولونماقله برابر اونلرك دارالفنونده كوردكلری تحصیله تمامیه توافق ایدر . حقیقته ، ریاضیهده و علوم طبیعیده مسابقه سؤاللری کبریچ دارالفنونك یوكسك درجانه honour degrees تقابل ایتمکده در . ادبیاته و سائر شعباته عائد امتحانلر ایسه اوقسفورد دارالفنونك عینی شرائطنه اویار . بوندن دولاییدر که مسابقهده موفق اولان نامزدلرك قسم اعظمی بویکی بویوك دارالفنونك بوندن چیقمش اولانلردر [۱]. مسابقه سؤاللرینك سیسته می بالطبع پك متنوعدر . هر طالب بونلردن ایسته دیکی قدرینی ایضاح ایده بیلیر . یالکز ، قبول ایدیلش اولان هنرلی بر نومرو اصولنه کوره ، بر قاچ شعبهده درین معلوماته صاحب اولوق ، بر چوق خصوصاتهده سطحی معلوماته صاحب اولمقدن زیاده نومرو تأمین ایدر [۲]. سؤاللر

[۱] ۱۸۹۶ دن ۱۹۰۰ سنه سیده داخل اولوق اوزره کچن دورهده برنجی صنف کتابت ایله هندستان و شرق خدمتلری ایچون امتحانده موفق اولان ۵۱۴ طالبدن ۲۶۲ سی اوقسفوردده ، ۱۴۸ ی کبریچده ، ۸۳ ی انکلترونك سائر دارالفنونلرنده ، ۷ سی مستملکات و هندستان دارالفنونلرنده تحصیل ایتشلردی . ۱۴ یده هیچ بر دارالفنونه کیرمه مشدی (خدمات ملکیه قومیسرلرینك ۵ : برنجی راپوری Com. Pap. 1901, XVIII, 129, p. 79-82) . برنجی صنف مأمو- ریتلرده اوقسفورد و کبریچ طلبه لرینك نسبتی ده یوکسکدر . خدمات ملکیه انجمننك صوك راپوری بونستلرك پك دکیشمه مش اولدیغنی کوستریور . [۲] امتحانلرده تعقیب ایدیلن اصولك و نتیجه لرینك مفصل تعریفی ایچون باقکز : Lowell and Stephens : Colonial Civil Service :

بومقصده انتخاب ايديشش مشهور عالمر، دارالفنون مدرسلری
وسائر طرفندن حاضرلایر. جوابلرینه اولئر طرفندن تدقیق
اولونور. امتحانلرک زورلنی حقنده قناعت پیدا ایتک ایچون
سؤاللرک جدولنه کوز کزديرمک کافیدر. معافیہ، منحل
موقعلرک مقدارندن دائما ایکی اوچ کره فضلہ اولان نامزدلرک
عددی مسابقه نك شدتلی بر صورتده یا پلاسنی تحت تأمینہ آلیر.
بونک نتیجه سی اولارق، ای تحصیل کورمش، ذکی کیمسہلر
مسابقه ده موفقیت قازانیورلر. بونلر سربست مسلکلرک نوہ سنی
تشکیل ایدن صنفه منسوبدرلر. چونکہ ایچلرندن چوغی
خدمت دولته کیرمه بی ثروتلری سائر مسلکلرده موفقیت کلنجہ یه
قدر بکله مکہ مساعد اولمادیغندن دولایی ترجیح ایتشلردر.
بونلر، اداره نقطه نظرندن غایت اعلا بر هیئت مأمورین وجوده
کتیرمکده درلر. معافیہ، مختلف شعبات اداره نك رأس کارنده
بولونان دائمی مستشارلقلر وسائر یوکسک مأموریتلر ایچون
ایچلرندن مقتدر کیمسہلر یتیشوب یتیشمه یه جکنه دائر بر حکم
ویرمک زمانی هنوز حلول ایتمه مشدر. ایچلرندہ اک یوکسک
درجه لره الآن واصل اولمش اولانلر پک چوق دکلدردر. فقط
اونوتما مالیدرکه بومأمورلر، یوکسک مقامات ایچون ایجاب
ایدن چاغه هنوز کیریورلر.

اجتماعی تأثیرلری ۱۸۵۴ده، حکومت مسابقه امتحانی اصولنی احداث ایچون
تدقیق قانده بولوندیغی زمانلر، بوسیسته مک اصیلزاده لری اداره

مسلكندن اوزاقلاشدیرارق یرلرینه آشانی برصنف اجتماعی کتیرمه سندن قورقولمشدی [۱]. فقط غلادستون بوفکرده دکلدی. بالعکس خدمت ملکیه نك یوکسك مقاماتی الیوکسك تحصیله مالک صنف اجتماعینك افرادینه عادتاً حصر ایده جکی قناعتنده ایدی [۲]. بوتقطه ده معارضلرندن زیاده حقیقی کورمش اولدی. یوقاریده سوبله دیکمزوجهله، مسابقه لرده برنجی صنف مأموریتلره کیرمکه موفق اولانلرک قسم اعظمی کبریچدن یاخود اوقسفورددن مأذوندرلر. حالبوکه بودارلفنونلره دوام ایدن کنجلرک پک چوغی الا آن یوکسك صنفه، عالم اصالته، gentry یه، صنف رهبانه، آووقاتلق، طبابت عالمنه منسوبدرلر. هیئت اجتماعیه نك یوقاری طبقه لرینه قدر یوکسالمش یاخود یوکسلمکه عزیم ایتیش تجارت عالمنه منسوب کنجلرده بودارلفنونلره مداومدرلر. متواضع برعائله دن یتیشمش کنجلر عمومیتله ولایت قولله ژلرینه دوام ایدرلر. خدمات ملکیه قومیسرلری، سنوی راپورلرینک بعضیلرنده مسابقه ده موفق اولان طالبلرک پدرلرینک [۱] مورله ی: غلادستونک حیاتی، برنجی جلد، ۵۱۱.

[۲] لورد جون روسله یازدیغی بر مکتوبده شوبله دیوردی: «موقع مناقشه ده بولونان لایحه نك وصف اساسیسی، قابل اجرا اولان یرلرده مساعی یی کوره نك ایشلری و ذکا ایشلری دیه ایکی یه تقسیم ایتکدن عبارت اولدیغی کوزدن قاچیرماملیدر. بوتفریق، یوکسك تحصیل کورمش صنفه بر مسلک آچاجق و خدمت ملکیه نك بوتون یوکسك مناصبی هر زمانکندن دهها مساعد شرائط ایله اوکا آماده بولوندیراجقدر». کذا، ۶۴۹.

مسلكلارنى ده كوستر مشلردر. برنجى صنف مأمورين ايله هندستان خدمت ملكيه سى امتحاننه عا ئدليسته ده لوردلر اعضالردن كيمسه داخل دكلدر. متوسط تجارت عالمه منسوب كيمسه لrtradsmen واردر. فقط هيئت عموميه سى اعتباريله، يوكسك صنفه و متوسط صنفك يوكسك طبقه سنه منسوب ذواتدن تركب ايدر. ايشته كوروليوركه، مسابقه امتحانى، اداره مسلكنى قابليتلى فقط تحصيلسز برطاقم كنجلره آچق صورتيله سويه نك تنزله سبب اولاجق يرده بالعكس حكومت اوزرنده يوكسك صنفلر ك نفوذ و تأثيرى تقويه ايتمش، اك مهم موقعلرى قديم واصلته مستند تحصيل مؤسسسه لرنده يتيشمش كيمسه لره ويرمشدر. بومناستله دنيله بيليركه خدمت ملكيه نك اك يوكسك منصبلى چوق كره عالم اصالته منسوب ذاتلر طرفندن اشغال ايديلمكده در. بعضاً اويله اوليوركه دائمى مستشار، كندى آمر سياسيسندن دها يوكسك بر موقع اجتماعى به مالك بولونيور. مثلاً، ياقين زمانلرده مستملكات و تجارت نظارتلرينك دائمى آمرلى بولونان سر روبرت هربرت و سر قورتنه ي بويل انكلتره و ايرلاندا نك قديم عا ئله لرينه منسوب ايديلر. بر آراق سر قورتنه ي بويلك آمر سياسيسى مستر موندللا اولمشدى كه حيا ته بر مطبعه جى چيراقلى ايله باشلامشدى [۱].

[۱] موندلاناك اصلى حقنده داويد سونه باقكر : Eminent English Liberals ۱۲ نجى باب ؛ English Radical Leaders Hinton ، ۸ نجى باب .

برنجی صنف مأموریتلرک آئنده ، بالخاصه بر قلم ایشیله
مشغول غلبه لق بر هیئت مستخدمین واردر . بونلره ایکنجی صنف
کاتبلر نامی ویریلیر . سربست بر مسابقه نتیجه سنده خدمته قبول
ایدیلیرلر . امتحان ایچون طلب ایدیلن تحصیل درجه سی بالطبع
برنجی صنفده اولدیغندن چوق آشاغیدر . بناء علیه نامزدلر
دها کنجدرلر . مسابقه اونیدی ، یکر می یاشری آراسنده کی
کنجلره حصر ایدیلشدر [۱] .

ایکنجی صنف کاتبلرک ایشلری عمومیتله بر تجارتخانه امتحانلرک ماهیتی
کاتبلرینک ایشلرینه بکزه دیکندن ابتدای امتحانلر ، نامزدلرک
بر تجارت تربیه سی آلمش اولاجقلری مطالعه سنه کوره ترتیب
اولوندی و بو نوع مساعیه در حال نه درجه قابلیتلی اولدقلری
آراشدیریلدی . یازی ، انکلیزجه کتابت ، حساب ، جغرافیا
وانکلتزه تاریخ کی ابتدائی و عمومی موضوعلردن باشقه
امتحانلر قوپیه ، فهرست تنظیمی indexing ، استاتیسیتقلرک
حل و ترتیبی digesting returns و اصول دفتری کی شیلری ده
احتوا ایدیوردی . بویله بر امتحان ، تعیینلرک ، تقدیم و توصیه
اساسی اوزرینه استناد ایتدیرلدیکی ، امتحانک غایه سی ساده جه
بو وظیفه لری حسن ایفادن عاجز فردلری بر طرف ایتمکدن

[۱] باشقه خصوصاتده اولدیی کی ، بوراده ده اک صوک حد ،
خدمت عسکریه یاخود باشقه بر خدمت رسمیه ایفا ایتمش اولانلر لهنده
بر آرز توسیع اولونور .

عبارت بولونديغى بر دورده كافي كوروله بيليردى . فقط ، سربست مسابقه اصولى ، حقيقى بر تربيه تجاريه دن همان همان تماماً محروم بر طاقم كنجلارك پك فضله رغبتنى تحريك ايتك صورتيله وضعيتى دكيشدير دكذن صوكرده بر خيلى مدت بو امتحانلر تطبيق ايديلدى . ۱۸۹۶ ده ، باش معلملر برلكى بو اصولك عموميتله تحصيل اوزرنده حصوله كيتيرديكى فنالى بر خطرله ايله اعلان ايلدى . كنچ طلبه نك ، موفقيت احتماللرينى آرتيرمق مقصديله مكبيلردن وقتندن اول آلهرق خصوصى بر طاقم معلملره توديع اولوندقلىرى و بونلرك طلبه يه « فائدهلى معلوماتدن مركب ، فقط درجه اعتباريله پك آشاغى بر جلا » و يردكلىرى كوستردى . برلك ، امتحانك مكب پروگراملريله ده او يگون بر صورتده اجرا ايديله سنى طلب ايدىوردى . اسكى اصوللر تماماً ترك اولونمادن بو توصيه قبول اولوندى . امتحانه اختيارى بر طاقم موضوعلر علاوه ايديلدى . بو صورتله نامزدلر يالكز اورته تحصيل مؤسسه لرنده صورت عموميه ده تدريس ايديلن مواد حقنده بيلدكلىرى يازايله جكلردى [۱] .

[۱] خدمات ملكيه قوميسرلرينك ۴۵ نجى راپورى . Com. Pap., 1901, XVIII, 129, p. 73-74 شيمديكى قاعده يه كوره مجبورى موضوعلر يازى (قوپه ايله برابر) ، حساب ، انگليزجه كتابتدن عبارتدر . سكر اختيارى موضوع بوجه آتيدر : تلخيص Precis (فهرس تنظيمى واستاتستيقلرك تصنيفده داخل) ، اصول دفترى ، سته نوغرافى ، جغرافيا ، انگليز تاريخى ، لاتينجه ، فرانسزجه ،

شبه یوقدر که بعدما بواصول ، مسابقه موفقیته احتمالی مکتبه منتظماً چالشمش اولیایه ربط ایده جکدر . بوضورتله ، ماقوله یکه پرنسپینه توفیقاً ، انتخاب و ترجیح ، مسلکی معلومادن زیاده عمومی تربیه کوره وقوع بولاجقدر .

برنجی صنف مأمورینک عکسنه اولارق ، ایکنجی صنف مستخدمین ، قسم اعظمی اعتباریله ، اورته صنفه و بوضورتک آشای طبقه سنه منسوبدرلر . بونلر یالکزر صرف ونحو مکتبیرینه grammar schools یا خود بوقیل مؤسسه لره دوام ایتشلردر . بونلر ، آیری برامتحانه کوره ، آشای نوعدن برایش ایچون خدمت دولته آلمش برهیئت مأمورین تشکیل ایتمکله برابرک یوکسک موقعلر کندیلرینه تماماً قایانمش دکلدر . سگز سنه خدمتدن صوکره ، استثنائی احوانده ، برنجی صنفدن بر مأموریه ترفیع ایده بیلرلر . بعضاً بونک مثاله تصادف اولونیور . یالکزر ، ایکنجی صنف کتابتنره هر سنه تعیین ایدیلنلرک مقداری تقریباً اوچ یوز اولدینی حالده . برنجی صنفه ترفیع ایدیلنلرک مقدار وسطیسی یالکزر درتدن عبارتدر . دیمک که یوکسک درجه یه چیقماق احتمالی یکه ضعیفدر [۱] .

آلمانجه ، ابتدائی ریاضیات (هندسه مسطحه ایله جبر) ، کیمیا ، فیزیک . بونلردن آنجق دردی حقنده جواب ویریه بیلر . ایکیسی اوچ اختیاری لسانه تعلق ایده بیلر .

[۱] ۱۸۸۶ دن ۱۸۹۸ ه قدر کچن اون اوچ سنه ظرفنده برنجی صنفه مسابقه صورتیله ۱۴۷ ، ابکنجی صنفدن (یا خود اولجه بوصفه تقابل ایدن صنفدن) ترفیع صورتیله ۳۴ تعیین وقوعه کلشدر .

یاردیمچی کاتب . بر قاج سندن بری یکی بر درجه دها علاوه اولونمشدر که

بونلره یاردیمچی کاتب (میضلر abstractor class) دینیر .

الیوم ملازم کاتب boyclercks لر آراسندن مسابقه ایله تعیین

ایدیلکده درلر . وظیفه لری باشلیجه قوپیه به انحصار ایدر . فقط

یاردیمچی بر کاتب ، خصوصی لیاقت سایه سنده ، ایکنجی صنف

امتحاننه اشتراك ایتهدن ایکنجی صنف کتابة ترفیع ایده بیلیر [۱] .

ملازملر بر طاقم دوائر ایچون هب بر آراده خدمته قبول ایدیلن

مستخدمینک اک آشانی طبقه سنی ملازملر boy-clercks تشکیل

ایدر [۲] . بونلر عمومیتله ایکنجی صنف کاتبلیله عینی صنف

اجتماعی به منسوبدرلر . مسابقه امتحانلری ، دها بسیط اولمقله

برابر ، عینی جنسنددر [۳] . یاشلری ۱۵-۱۷ آراسنده تحدید

ایدیلمشدر . خدمتلری ، اساس اعتباریله ، موقتدر . فعلیاتده

۸ ده باشقه طرفلردن (یعنی نقل صورتیله) تعیین ایدیلنر اولمشدر .

عینی دوره ده ایکنجی صنفدن ۱۲۳ کاتب ضم معاش ایله باشقه مأموریتلره

نقل ایدیلشلردر . Com. Pap. 1890, LXR VII, 751 خدمات

ملکیه قومیسرلرینک صوک راپورلرینه نظراً ، برنجی صنفه ترفیع نسبی

تزاید ایته یورکی کورونمکده در .

[۱] ۱۸۹۸ سنه سی تشرین ثانیسنک ۲۹ ی تاریخی شورای خاص

قرارنامه سنک § ۱۵ نجی ماده سی .

[۲] یاخود کنج میضلر . اولجه بونلر آیری ایکی صنف ایدیلر .

صوکره توحید ایدیلشلردر .

[۳] امتحانک ماهیتی ، ایکنجی صنف کاتبلرینک امتحانی ایله عینی

زمانده وعینی اسبابدن دولای تعدیل ایدیلمشدر .

یکرمی یاشندن صوکره خدمته آلیقونلازلر . فقط وضعیتلری ،
 موخرآ ترقیه دوغرو برخطوه تشکیل ایدر . چونکه میضلق
 صنفی امتحانه یالکزر بونلر قبول اولونور . ایکنجی صنف
 کتابت امتحانه کیررلرسه اولجه ایفا ایتمش اولدقلری خدمت ،
 قازانه بیلجهکلری نومرولر میانه ادخال اولونور . مع مافیه
 ملازملک امتحانی ایچون یاپیلان مسابقهده موجود موقعلره
 ظهور ایدن طالبلرک مقداری غیرکافیدر . بوايسه نادر تصادف
 اولونان احوالندر .

على العاده خدمات ایچون سربست مسابقه لردن باشقه دیگر مسابقه لر
 مختلف دواژده خصوصی بعض صنف مأموریتلر ایچونده
 برحق مسابقه امتحانلری واردر . بو مأموریتلردن بعضیلری
 خصوصی بر اهلیته احتیاج کوسترمزلر . بر لرندن پک آز
 فرقلی بر طاقم مسابقه امتحانلری ترتیب ایچون معقول برسبب
 یوقدر . مع مافیه بعض دایره لر کندی خصوصی اصوللرینه
 پک مربوط بولونیورلر . حتی پوسته نظارتی مختلف اصوللر
 تطبیق ایتمکده اصرار ایلور . فقط بوتون بونلر یاواش
 یاواش ساده لشمکدهدر . مختلف بعض صنف مأموریت ایچون
 تک بر امتحان قبول ایدیله سی بوساده لکه سبب اولور . مثلاً
 ایکنجی صنف کتابت امتحانی شیمدی کومروک مأموریتلرینه
 کیرمک ایچونده کافی کلکدهدر [۱] . احتمالکه ایکنجی صنف
 [۱] خدمات ملکیه قومیسرلرینک ۵۰ نجی راپوری . Com.

کتابت امتحانی کو مروک کاتبکی و واردات داخله کاتبکی
امتحانیه ده مزج ایدیله بیلیر. ناصل که برنجی صنف کتابت امتحانی
ایله هندستان خدمت ملکیه سی و شرق قاده لری امتحانلری مزج
و توحید اولو نمشدر. استقبالده بوکا دوغرو یوروندیکی محققدر. بو
توحید بالطبع بوتون امتحانلره شامل دکلددر. بعض خدمتلر واردر که
مختلف تحصیل درجه لینه احتیاج کوستیر لر. رساملق ، عدلیه
کاتبکی ودها سااژه کی بر طاقم ایشلرایچون مسلکی یاخود ته قنیک
بر تحصیلک لازم اولدینی میدانده در. صوکره ، قادینلره حصر
ایدیلش خدمات واردر. بوامتحانلرک هربری ایچون نامزدلرک
یاشرینی ، تأدیه ایدیله جک رسومی ، سؤال موضوعلرینی تعیین
ایدن تعلیماتنامه لر موجوددر. بزم بوکی تفرعاته کیرمکه احتیاجمز
اولمادیغی آشکاردر [۱].

محدود مسابقه

دواثرک برچوغنده ، مسابقه ایله توجیه ایدیله یین بعض
خدمات ملکیه مأموریتلری واردر. چونکه بونلرک لزوم
کوستر دکلری تجربه واققدار ، برامتحان ایله هر حالده تام
برصورتده تقدیر اولونابیله جک ماهیتده دکلددر. بوتقدیرده ،
امتحان ، ۱۸۷۰ تاریخی شورای خاص قرارنامه سنک ۷نجی
ماده سی موجبجه قسماً یاخود تماماً برطرف ایدیله بیلیر. باشقه
مأموریتلرده واردر که سربست مسابقه اصولی اونلره قابل تطبیق
اولاماز. چونکه توجیه ایدیله جک مأموریتلر کلیتی طالب جلب

ایده جک قدر چوق یاخود پارلاق دکلدر لر. یاخود ، یاپیلاجق
ایش ، ماهیتی اعتباریله ، نازک و محرمدر و بناء علیه یالکز سجه لری
معلوم کیمسه لره قابل توجیه در. مثلاً ، خارجیہ نظارتک یوکسک
مقاملری ، سفارت آتاشه لکی و مختلف نوعدن مفتش لکر کی .
بوتقدیرده ، صورت مخصوصه ده انتخاب ایدیلش نامزدلر آراسنده
محدود بر مسابقه اجرا ایتک اصولدندر [۳] . محدود اولسه بیه
بر مسابقه ، سویی نی یوکسک تمکه خدمت ایدر . فقط ، بوتقدیرده
مسابقه یه قبول ایدیلک ایچون بالواسطه یاخود بلا واسطه بعض
التماسنره مراجعت ایتک لازمدر .. مع مافیه ، فعلیاتده بوتقدیم
و توصیه کیفیتی سیاسی بر مقصدله سوء استعمال ایدیلمه مکده در .

بر طاقم خدمت لر وارددر که بونلر ایچون هیچ مسابقه یاپلماز .
بوزایه تعیین ایدیلنلر اهلیت لری میدانه چیقاراجق بر امتحان
اجراسی قیدیه خدمت دولته آلینر لر . بونلردن بعضیلری
ایچوندده پک اعلا بر مسابقه اجراسی قابلدنر . ذاتاً ، خدمت
ملکیه نك مختلف شعباتنده غریب غیر طبیعی لکر موجوددر .
دها غریبی ، معارف نظارتی مأمورلرینک همان تماماً امتحانسنر
تعیین ایدیلمه لریدر . بویالکز وظیفه لری خصوصی بر استعداد
واهلیته احتیاج کوسترن مفتش لر حقنده اولمایور ، بسیط کاتب لر
حقنده ده عینی صورته حرکت ایدیلور . مع مافیه ، خدمت

[۳] سیویل مؤسسات انجمنی ، بواصولک خارجیہ نظارتی ایچون
بر ضرورت تشکیل ایتدیکنی تأمین ایله یور . Com. Pap. 1890,

ملکیده اوله بعض مأموریتلر واردرکه تعقیق بر وقوفه یاخود تجربهیه احتیاج کوسته در لرلر . بونلر ایچوند بر مسابقه امتحانی ترتیبی پک کوچ اولور . بعض ال ایشلری ایچون بویله اولاجنی پک طبعیدر . مثلاً رسمی ترسانه لرده ، چیراقلر مسابقه ایله آلینرلر . فقط ، اهل صنعت اولانلر منحصرأ مسلکده کی مهارتلینه تعلق ایدن بر امتحانده موفق اولق شرطیله قبول ایدیلکده در لرلر . حالبوکه عمله باشیلری بر امتحانندن دهافضله موضوعلره تماس ایدن بر مسابقه نتیجه سنده انتخاب ایدیلور . ولایاتده کی پوسته مأمورلری آیری بر صنف تشکیل ایدرلر . یاقین زمانلره کلنجهیه قدر ، بونلر آنجق سیاسی بر توصیه سایه سنده موقعلرینی الده ایده بیلرلردی . چونکه پارلمنتو اعضالری سائر تعیینلر اوزرنده کی سیاسی نفوذلرینی غائب ایتدکدن صوکره ، سنه لرجه ، بالطبع پارلمنتوده اکثریت فرقه سنه منسوب اولق شرطیله ، دائرة انتخابیه لرنده کی پوسته خدماتنده وقوع بولان منحلالاته ایسته دکلیرینی قاییرمق حقنی محافظه ایتشلردی . بو سیاسی حمایه و التماس اصولنک صوکه بقایانی ده ۱۸۹۶ ده ازاله ایدیلدی . الیوم پوسته مأمورلری ، پوسته تقسیماتنک مفتشلری طرفندن وقوع بولان انها اوزرینه تعیین ایدیلورلر [۱] .

امتحانلر تعیینلر نهایت ، هیچ امتحانلر وقوع بولان تعیینلر واردر .

[۱] قورتنه ی : The Working Constitution, 149-150

اورانک مبعوثنک حالا رأی آلینور . فقط بوسیاسی برنفوذدن زیاده احوال محلیه وقوعدن ایلری کلکده در .

بوده یا ۱۸۷۰ تاریخی شورای خاص قرارنامه سنک امتحان
یا پلامسنی قبول ایتمه سندن یا خود قرارنامه احکامندن تماماً خارج
بر مأموریت موضوع بحث اولماسندن ایلری کلیر . بومأموریتلره
سلسله مراتبک بالخاصه برنجی یا خود انصوکنجی باصه ماقلرنده
تصادف اولونور . یوقاریده مسئولیت موقعلری ، آشاییده ده
خدمه لك ، قابوجلیق وسائرہ [۱] .

سیاسی نفوذ وتأثیر یالکز مأموریتلره تعیین مسئله سنده ترفیع وترقی
اورته دن قالمش دکلدر . ترقی وترفیع جهتنده ده همان همان تماماً
بر طرف اولمشدر . بونی تأمین مجادله سی ده ۱۸۴۷ تاریخندن
اعتباراً باشلامشدر . حکومت ، سیاسی نفوذ وتأثیره مراجعت
تشبثی بر مأمور ایچون بر جرم تلقی ایدیله جکنی اعلان ایدیه جک
ایدیه جک قدر شدت کوستردی . خزینہ مالیه طرفندن ۱۸۶۷
تاریخنده وبحریه نظارتی طرفندن ایکی سنه صوکره قبول ایدیلن
مقررات ، رسمی بر مأمور طرفندن ترقی وترفیع ایچون پارلمنتو
اعضالرینک یا خود هر هانکی نفوذلی بر ذاتک مظاهرتی استحصال
تشبثی « کندی اهلیتسزلکنی اعتراف » مقامنده تلقی ایدیله جکنی
قطعی وشدید بر لسان ایله اعلان ایتمشلردر [۲] . بو تدبیرلر ،
بکله ن تأثیری حصوله کتیرمش کبی کورونیور [۳] .

[۱] بونلر اکثراً اوچ R دنیلن برامتحانه تابعدرلر : Reading,

Writing, Rithmtic قرائت - یازی - حساب .

Com. Pap., 1888, XXX, 543 [۲]

[۳] خدمت ملکیه مصارفاتی حقنده کی انجمنک اوچنجی راپوری .

خدمت ملکیه
نه دن دولایی سیاسی
نفوذ و تأثیردن
قولا یجه قورتاریلدی

انکلتیره نك یوزسنه ایچنده اداری تعینلرده ۱۷ نجی عصرده
بك جاری بولونان سیاسی حمایه و التماس سیئه سندن ناصل
اولوب ده بالنسبه قولایلقه قورتولایلیکنی ، حالبوکه دیگر
مملکتلرده اوتار یخدن صوکره شدت کسب ایدهرک درین کوکلر
صالدیغنی آکلایه بیلیمک و بوتضادی ایضاح ایده بیلیمک ایچون
زمانمزده انکلتیره نك حیات سیاسیه سنده کوزه چاربان و پارلمنتو
ره ژیمنک تکاملندن نشئت ایدن بروصف ممیزی نظراعتباره آلمق
لازمدر . آشاعیده ایضاح ایده جکمز اسبابدن دولایی ، عوام
قاماراسنده اکثریت فرقه سینه منسوب براغضا غریب روفاکارلقه
هپ حکومت لهنده رأی ویریر . انکلتیره ده کی وضعیت ، برخلق
حکومته مالک بولونان سائر مملکتلرک قسم اعظمنده جریان
ایدن حال ایله مقایسه ایدیلیرسه اوله کورونورکه انکلتیره ده
سیاسیات ، منافع عمومیه متعلق مسئله لر اوزرنده فوق العاده
برشدتله تمرکز ایدیور . مجلس مبعوثان ، ایلک ایکی صیراده ،
یعنی حکومت صیراسی ایله مخالفت صیراسی آراسنده دائمی
برمجادله یه کیریشمشدر . هرایکی طرفک آرقه سندن طرفدارلری
شدتله یورورلر . محاربه لر مسائل عمومیه عائد ساحه لرده جریان
ایدر . شخصی یاخود محلی منافع خصوصیه مسئله لری برانکلیر
مبعوثنك بك آز نظر دقتی جلب ایلر . برانکلیر مبعوثی ،

منتخبليزىڭ منافعنى تسيهلايتىڭ وصاحب نفوذ منتخبلر ك مدعياتى
 حسن نتيجه يه ايسالايلىمك ايله مكلف بردائره اتخابيه مرخصى
 اولمقدن زياده هرشيدن اول مىلى بىر فرقه نك ممثليدر ، هيئت
 وكيلى يه مظاهرت ياخود مخالفت ايتىڭ ايچون اتخاب اولونمىشدر .
 روايت اولوندىغى كوره ، باشقى بىر مملكتده ، مهم بعض رايلىره
 اشتراك ايتىمكك ايتام ايدىلن بىر مبعوث ، باشقى ممثللر ك هپسندن
 زياده كندى منتخبلىرى يه منافع تاامين ايتدىكى ايلرى سورىدىڭ
 بوتامىدىن مظفرانه قورتولمىشدر . انكلىترده بويلى بىر مدافعه
 شايد قبول كورولمىز . بونك نتيجه سى اولارق ، هيئت
 وكيلى ، شخصى متدارلقلىر تاامين ايتىڭ چاره لىرى تىشبت
 صورتى يه پارلمنتوده ياخود اتخاباتده مظاهرت بولمق مجبوريتى
 دوشمىيور . هيئت وكيلى حمايه والتاس رجارى يه قارشى صاغير
 قالايلير و آنچق سياست مىلى سى حقده ويرىلىجك حكىمى
 دوشونه بيلير . حاصلى ، منفعت عمومى يه متعلق بردعواى مشترك
 اوغورنده بىرلشمى بىر زمره انسان معناسنده فرقه لرك عظيم
 قوتى ، حكومته فرقه لرك جعلى مظاهرتلره احتياجى اولسايدى
 يامىقدن عاجز قاله جنى ايشلىرى قولايجه اجرا ايدى بىلىمك امكانى
 تاامين ايله مىشدر . بوغايه اوغورنده حكومتى تقويه خدمت
 ايتىش اولان وضعيت سياسيه حد ذاتنده فالقندن عارى برايلىك
 دىنيله مىز . بونكده بىر طاقم محذورلىرى واردركه ايلرىده تدقيق
 ايدى جىكز . مع مافيه ، اداره يى تصفيه ايتدىكى مقام ستايشده
 سويله مك ايجاب ايدىر .

بدایتده ناظرلر پارلمنتونك بواصلاحاته مخالفت ایتمه سی .
 احتمالندن قورقیدیلر . فقط کندی نفوذ و تأثیرینی باشقه لرینه
 لطف تامین ایتك ایچون صرف ایتك بویوك برذوق دکلدر .
 هله ، سقوط خیاله اوغرامالری ایجاب ایده جك مراجعتجیلرك
 مقداری ممنون ایديله جكلرك عددندن فضله اولورسه . بواصلا-
 حات ، عوام قاماراسنی معجز منتخبلر تضییقندن قورتاردی .
 بو طریقه اتخاذا ایدیلن بوتون صوك تدیرلر مبعوثلرك ده مظهر
 تصویبی اولمشلردر .

تقاعد معاشلری

سیاسی اتریقهلرك بر طرف ایديله سی سایه سنده ، اداره ثابت
 وتهلكه دن آزاده بر مسلك حالنه كمشدر . فقط آیلقلر ، لزوم
 كوستردكلری قابلیت و اقتدار درجه سنده یوكسك دكلدرلر .
 بر قاعده عمومیه اولارق ، آیلقلر بك اهمیتسز بر مبلغدن باشلار .
 هر سنه خدمته مقابل خفیف بر ضم وقوعه كلیر . آیلقلر ، بر
 خسته لق یا خود اختیارلق احتماله قارشى كافی درجه ده اقتصاد
 یاپیلا بیلمه سنه امکان بر اقه جق حالده دكلدرلر . بوندن دولاییدر كه
 اصلاحاتك ترقیسی تقاعد معاشی تخصیصی لهنده بر حرکت ایله
 مترافق یورودی . بونقطه ده کی حق ، ضیق صیق یاپیلان تعدیلاته
 رغماً ، الا آن ۱۸۵۹ ده کی تقاعد قانوننه استناد ایدر . اداره
 ملكیه ده رسمی صقته دولت خدمته اون سنه مدته اشتراك
 ایدن یا آلتمش یاشنده یا خسته لق حسیله مأموریتدن چکیلن
 کیمسه لره بوقانون موجبجه صوك معاشلرینك آلتمشده اونى

مقدارنده بر معاش ویریلیر . بوندن فضله خدمتك هر سنه سی
ایچون ، حدا عظمی آلتمشده قرقی تجاوز ایتمه مک شرطیله ، آلتمشده
بر نسبتنده ضم یاییلیر . خدمت رسمیه سنی ایفا ایدر کن اوغرائیلان
خسته لق و سائره دولایسیله ده معاش ویریله سی قانونک احکامی
جمله سندندر . اداره خدمتنده قوللائیلان قادینلره ازدواج
ایتدکلی زمان مکافات ویریلیر . بو ، سائر مکافاتلر کبی ،
ازدواجی تشجیع ایتمکدن ایسه مرحمت سائقه سیله بخش ایدیلن
احسانلر قیلندندر .

سکزنجی باب

ناظر لر و خدمت ملکیه

علمی و ته قنیک معلومات آراندینی ، مناسبات حیاتیه کیتدجه
کرفت بر شکل آلدینی ایچون فعالیت بشریه نك هر ساحه سنده
خصوصی صورتده یتیشمش انسانلره کیتدجه متزاید بر احتیاج
حس اولونمقده در . بو ، سائر تشکیلاتده اولدینی قدر حکومت
ایچونده قابل تطبیق بر حقیقتدر . زمانزده متخصصلرک یاردیمی
اولمقسزین یاپیلاجق بر ایش آز چوق ناتمام نتایج ویرمکدن
باشقه برشی یاپه ماز . فقط ، دیگر طرفدن ، متخصصلر یالکز
باشلرینه بر ایللاجق اولورلرسه ، یاکلش بر نقطه نظره صاپلانمق
و بشریتک قسم متباقیسنک حس سلیمی ایله تماسی غائب ایتک
تهلکه سنه معروضدرلر . ماهیتلری اعتباریله ده اعمومی اولان
سائر مسائله نسبتله ته قنیک ایشلرک اهمیتتی اعظامه میالدرلر .
بوتایل اونلری مراقق وابتلا وادیلرینه سوروکلر ، یاخود
دها آز متین بنیه لری ، شکل پرستلکه ، قرطاسیه جیلکه ،
قلمجیلکه دوشورور . بو محذورلرک بعض مملکتلرده اکتساب

هم متخصص
اولایانلره
هم متخصصلره
احتیاج

ایتدیکی مشنوم انکشاف ، ایشته بو کو تو اسملرله یاد اولونیور .
 دیمک که هر اداره حقیقه آبی نتیجه لر حصوله کتیرمک و بر طرفدن
 اهلیتسر لکدن دیگر طرفدن ده قرطاسیه جیلکدن اجتناب ایله مک
 ایچون ، متخصصلرله علی العاده دنیا آدملرینی او یغون بر نسبت
 داخلنده یکدیگری نه مزج ایتمک مجبوریتنده در . ایشته ، انکلتره نک
 بوتون سیاسی عنعنه لری ایچنده خلقجه اک آز معروف اولانی
 و حالو که اک زیاده شایان دقت بولونانی متخصصلرله غیر متخصصلر
 layman آراسنده کی مناسباتی اداره ایدن عنعنه در .

انکلتره حکومتک اک اول انکشاف ایدن قسمی عدلیه
 اداره سی اولمشدر . مسلکدن اولان کیمسه لرله مسلکدن
 اولمایانلرک تشریک مساعی ایتمه لرینه هر یردن اول اوراده شاهد
 اولیورز . بو اشتراک بزه حاکم و هیئت عدول اعضاسی شکلنده
 نمایان اولیور . قرون وسطادن زمانمزه قدر بو شکل آلتنده
 بر آواده چالیشمشلر در . یو کسک درجه ده بر مأمور رسمی بولونان
 حاکم ، مسلکه عائد معلوماتی تأمین ایدر . مسلک خارجنک
 نفوذ و تأثیری ایسه معین بر مسئله ایچون جماعت داخلندن قرعه
 اصولیه انتخاب ایدیش ، وسطی درجه ده جاهل اون ایکی
 کشیدن مرکب بر زمزمه واسطه سیله کندیسینی حس ایتدیرر .
 ایکی عنصری یکدیگری نه مزج ایتمه نک معتاد طریق بو اولما مقله
 برابر ، بو متقابل قوتنرولک پک ایی بر نتیجه تأمین ایتدیکی
 محققدر .

حکم
 و هیئت عدول
 اعضاسی

صلح حاکمی و کاتبی بوپرنسیپ یالکز یوکسک محکمه لره تطبیق ایدیش دکلدر.

هیئت عدولمز دعوا رؤیت ایدن صلح حاکمرینک کوچوک
حق قضالرنده ده بوپرنسیپک ظاهراً کوزه چارپمایه حق صورته
اجرای حکم ایتدیک شهبه دن آزاده در . یالکز ، بوراده ایکی
عنصر آراسنده کی متقابل مناسبت برعکس اولمشر . صلح
حاکمیری ، چوق کره لر ، اصحاب املا کدن ، حقوقده بهره سی
پک آز بر طشره لی ایدیلر . ابتداری ، قومیسون ، « نصاب
اکثریت » نامی ویریلن بر طاقم حقوقچیلری احتوا ایدردی .
ایچلرندن بری بولونما دجه صلح حاکمی دعوا رؤیت ایده مدیکندن
دولایی کنیدیلرینه بونام ویریلشدی [۱] . فقط ، مرور زمان
ایله حقوق شناسلر تعینندن صرف نظر ایدیلدی ، حاکم لک
هان کافه سنک اسملری نصاب اکثریت شرطنه ادخال اولوندی [۲] .
بو صورته ، عدلی سلطه ، تطبیق وظیفه سیله مکلف بولوندیغی
احکام حقوقیه دن پک آز برشی آکلایان طشره لی بر اصلزاده نک
النه کچمش اولدی . یالکز ، صلح حاکمی ، محکمه ده مسلك
واختصاص عنصرینی دکل ، مسلك خارجی عنصرینی تمثیل
ایدیوردی . ایجاب ایدن معلومات حقوقیه یی کاتب تأمین
ایله یوردی . کاتبلر حقوقه آشنا ایدیلر . هر حالده ، صلح
حاکمرینک قانونلرده وبومقصدله نشر ایدیلن کاتبلرده مندرج

[۱] باقکز : 3 Auf, Self Government in England,

1967 : Gneist

Blackstone, Bk. 1, 351 [۲]

اولدینی شکله کی وظیفه لرینه آگاه بولونیورلردی . قانونیلرده
محکمه کاتبکی پک اسکی اولق ایجاب ایدر . چونکه ۱۳۸۸
تاریخنده ایکنجی ریشاردک برقانوننده بولردن بحث اولونمقده در [۱].
فقط پک اسکی زمانلردن بری ، رسمی اولان بو کاتبکدن
باشقه ، فعال برصلح حاکمک ، منفرد بر حاکم صفتیه حرکت
ایتدیک زمان کنديسنه یارديم ایتک اوزره خصوصی برکاتب
استخدام ایتمه سی عادتدر . بوکاتبک معاشی قسماً حاکم طرفندن
ویریلیر ، قسماً ده بعض تخصیصاتلردن تأمین اولونور [۲] .

بوزاتلرک مأموریتلرینک اسکیلکندن زیاده حائز اولدقلری
حکم ونفوذ حائز اهمیتدر . ادبیاتده اونلره دائر تصادف ایدیلن
ایمالر کاتبک کنديسنی استخدام ایدن حاکم اوزرنده اوزون
مدت اجرا ایتدیک نفوذک هم شدنه هم درجه معروفیتیه پک
اعلا شاهددرلر . ده ۱۷ نجی عصرک ابتدالرنده فله چر ،
The Elder Brother ده میرامونته بریساقه خطاباً شوسوزلری
سویله تیوردی [۳] .

[۱] 12 Ric. II., c. 10 (4). 32 Hen VIII., c. 1 باقکز :

[۲] Gneist : Self Government, 212

[۳] ۲ نجی پرده ، برنجی صحنه . اوینوده کی اشخاص فرانسز
اسملرینی طاشیرلر . فقط اخلاق وعادات ، افادات باطبع انکلیزدر .
فله چر ، ۱۶۲۵ ده وفات ایتشددر . محکمه کاتبلرینک تأثیر ونفوذی
حقنده ویلیام لامباردک ۱۵۸۱ تاریخنده طبع ایدیلش Eirenarcha
or, Of the Office of the Justices of Peace اثرنده
دها قدیم فقط آز واضح بر اشارته تصادف ایدیلکده در (صحیفه

سن که مأموریتہ کچمش جہالتک اک مدہش بر مثالہسک ؟
کاتبکک سکا اوفلہ دیکی معلوماتدن باشقہ برشی بیلمزسک .
اوعصرک نہایتلرینہ دوغرو، عینی فکر ، ۱۸۸۲ تاریخندہ
طبع ایدیش اولان « صلح حاکمی کاتبکی » حقندہ کی ائردہ
شایان حیرت برسرہستی ایلہ افادہ ایدیشدر . اثرک ایکنجی
جابدینک باشندہ کی « قارئلرہ » خطابی یازیدہ محرر کتابک
موضوعنی ایضاح ایدیور . صلح حاکمیری حقندہ ، تولدلی
سایہ سندہ بو وظیفہ یہ بر پارلاقلق کلدیکنی سویلہ دکن صوکرہ
علاوہ دیورکہ : « فقط بو اویلزادہ لڑک بعضیلری علی العادہ
حاکم عدلیہ اصوللرندن همان ہیچ خبردار اولمادقلری ایچون ،
علم حقوقندہ کی وقوفلری دولایسیلہ کندیلرینہ معاون صفتیلہ
ویریلن ارباب اقتدارک غیابندہ برچوق مشکلاتہ تصادف ایدیورلر ،
نومید اولورلر » .

اون سکزنجی عصرہ کچہ جک اولورسہق Tom gones ده
سقایروسترن ایلہ کاتبی وینہ عینی رومانده آبتون اوتلی صحنہ سی
کورییورز . بوشایان حیرت حاکم یانندہ کتابی وکاتبی اولمادیغندن
دولایی محکمہ یی کشاد ایتمکدن امتناع کوستیرر . قارئلر احتمالک

(۴۶۸) : « حاصلی ، ظن ایتم کہ جزای نقدی ویرمک وظیفہ سی صلح
حاکمیری کاتبلرینہ خاص اولسون . صلح حاکمیری ده اونلرہ برلکده
بواشہ اعتنا ایتلیدرلر . یوقسہ بریسنک دیدیکی کبی ، کاتبلر آووجلرندہ
طوندقلری سرچہ لری فورتارمقی یاخود اولدیرمک خصوصندہ تماماً
سربست قالیرلر .

Redgauntlet ده حاکم فوقسله یی وکاتبی خاطر لایه جقلردر .
 كذلك ديقنسك Ipswich ده صحنه یه قويدیغی حاکمی (مستر
 قوپکینس) قارئلر من اونوتماش اولاجقلردر . حاکم ، کاتبی
 (مستر جنیکس) ایله اوزون اوزادی یه فیصله اشدقدن صوکره
 مستر پیقوکه دیورکه : « دوللو ایتک نیتنه اولدیغیزی یمن
 ایله بکا اخبار ایتدیلر . آکلاشلدیغنه کوره سزی بوکا تحریک
 ایدن شریک جرمنکز مستر تویماندر . ایشته بوندن دولاییدر که...
 ها ، نه دیه جکدک ، مستر جنیکس ؟ - « های ، های ،
 افدم » - « ایشته بوندن دولاییدر که هرا یکی کزده امر ایدیورم...
 ظن ایدرمکه بویله سویله یه جکدک ، دکلی مستر جنیکس ؟ -
 « های های افدم » ... « اوت ، امر ایدیورم که... که...
 نه امر ایدرمکه جکدک ، جانم ؟ - « کفیل بولمایی - تمام تمام ،
 ایشته بوندن دولاییدر که ، کاتبک سوزیمی کسیدیکی زمان سویله مک
 اوزره اولدیغم وجهله ، سزه کفیل بولمایی امر ایدیورم » .
 بوپک قوتلی برهجودر . چونکه ظاهر ا حاکم بوتون مزیتلری
 کندی نفسه عطف ایدر وکاتبک النده براویونجاق اولدیغی
 خلقه آکلاتماق ایچون صوک درجه ده اعتنا کوستیرر .

ظن ایدرم ، لسلی شهن ، انکلیر حکومتک وصف معینده برمتخصص
 بولونان
 غیر متخصص
 برآمر :
 حکومتک ، ناظرلر صیراسندن بلدیله مجلسلرینه وارنجه یه قدر بوانکلیر عادتیدر

بوتون بنيه سنده شرف واعتباره مالاك ، وظيفه نك مسئوليتي
در عهده ايتمش رسمي بر مأمور ايله ، نظر دقتي جلب ايتمه دن
ته قنيك معلوماتي تأمين ايدن و آمرينك خط حركتي اوزرنده
بويوك برنسبتده عامل اولان برمادون آراسنده كي بو مناسبتده
تصادف اولونور . حكومت مركزيه ده بو پرنسيپك كمال سهولتله
تأسس ايتمه سني پارلمنتو اعضالرينك واولرله برابر ناظرلرك
ماضيده اك زياده صلح حاكملييله عيني صنفه منسوب بولونمالرينه
ومحلي حاكميره مخصوص عنعنه لري دها واسع بر ساحه يه نقل
ايتمه لرينه عطف ايتمك احتمال كه پك خيال پرورانه بر حركت صايلا ماز .

مستملكات نظارتنك تاريخي ، دائمي مأمورلرك حكم
ونفوذينك اداره مملكت اوزرنده اكتساب ايتمش اولديغي شمول
عظيمه غايت ابي بر مثال تشكيل ايدر . رفيقم پروفيسور ادوارد
قائينغك بكا بيلديرديكنه كوره ، آمريكا مستملكه لرينك تاريخي
تجارت وزراعت انجمننك بوانجمنده كاتب بولونان بلاتوايتك
نه درجه يه قدر تحت تأثيرنده قالدیغی پك اعلا ارأه ايدر .
اودورك بوتون سياسي صارصينتيلري ايجنده بومأمور وظيفه سني
ايكنجي شارلك دوره حكومتنك صوك قسمندن ۱۶۸۸ اختلالندن
برقاج سنه صوكره لره قدر بلا انقطاع محافظه ايتدی . بر مستملكه
حكومت مركزيه دن بر شي استحصال ايده جكي زمان اوئي
اقناع ايتمك حتى بعضاً پاره ايله جلب ايله مك ايجاب ايدردي .
مستملكات نظارتنك دائمي مأمورلرنده بوندن چوق صوكره .

مستملكات

نظارتنده دائمي
مأمورلرك نفوذی

لری ده عینی اقتداره ده‌ا واضح صورتده تصادف ایدیور .
 فقط چوق شکرکه عینی ارتکاب قالماشدر . ۱۸۵۹ ده لورد
 دورهام « شمالی انکلیز آمریقاسی ایشلری حقنده » کی مشهور
 راپوزنده مستملکات نظارتنده سیاسی رؤسانک صیق صیق تبدلیری
 مستملکه لرك اصل اداره سنی « بونظارتک دائمی فقط قطعاً غیر
 مسئول مأمورلرینک » انه بر اقمش اولماسندن شکایت ایدیوردی .
 قولونلرک بوندن دولایی شکایت ایتدکلرینی اثبات ایچون یوقاری
 قانادا مجلس ملیسنک برانجمنی طرفندن برسنه اول قلمه آلمش
 اولان بر مضبوطی ذکر ایتکده ایدی [۱] . لورد دورهامک
 داخل بولوندیغی انکلیتره نك مستملکات اصلاحاتیجیلرینک فکری ده
 بوایدی . جیون وقفیلد ، View of the of Colonization
 اثرنده دیورکه : « بودائی مستشار و یوکسک مأمورین نظارته
 عائد مساعینک قسم اعظمی ایفا ایدرلر . کذلک قوه تشریعیه
 و اجرائیه عائد حکم و نفوذک بویوک قسمنده اونلر مالک
 بولونورلر » [۲] . وقفیلدایله هم فکرلری او دورک مستملکات
 سیاستی تقبیح ایدرلر ، دائمی مأمورلردن و اصوللرندن شتله
 متفر بولونورلردی . وقفیلد دیورکه : « بزم حکومت سیسته ممز
 برقرطاسیه جیلکدر . بونی حر مؤسسه لرك اوزرینه آشیلایارق
 برباد ایتشلردر » [۳] . مستملکات نظارتک دائمی مستشاری

Com. Pap. 1839, XVII, 4, p. 37 38 [۱]

[۲] صحیفه ۲۳۵

[۳] صحیفه ۲۳۵

اولمادن اول اوزون مدت حقوق مشاورلکني ایفا ایتش اولان
سیرجه ییس سته قندن پک نفرن ایدردی. اوکا، بوتون مسملکات
مقدراتنک حقیقی حاکمیری حالنه کلش مأمورین صنفنک مؤسسی
دکلسه ده هر حالده تام نمونه سی نظریله باقاردی [۱].

آنا وطن وقفیلد، چارلس بوللرک Charles Buller ك « مسملكه لر
ایچون مسئول حکومت Responsible Government for Colonies (۱۸۴۰ده طبع ایدیش برادرر، فقط ده اوزماندن
موجود نسخه لری توکنمشدر) اثرندن « مسملکات نظارتندن
آنا وطن افندی » [۲] Mr. Mothercountry, of the
Colonial Office « نامنده برپارچه یی ذکر ایدیور . بوللر ،
پارلمنتونک مسملکه لره علاقه دار اولمادیغنی ، بوللرک اداره سی
یاخود قانونلری اوزرنده هیچ بر فعلی و مؤثر قونترول اجرا
ایتمه دیکنی سویله یور . ایشته بوصورتله انکلترونک فائیت و حاکمیتی
حقیقته مسملکات نظارتنه عائد قالیور دیمکدر . فقط ، نازرک
موقعی ثابت دکلدرد . تحدث ایدن مسئله لرک تنوع فوق العاده سی
ایچنده بوغولوب قالدیغنی ایچون ایشی تا بدایتدن اعتباراً دائمی
مأمورلردن برینک اله ترك ایتمه مجبور اولیور . بوللر ،
انکلترونه حکومتک خط حرکتی بوصورتله اداره ایدن مأموره
« آنا وطن افندی » نامنی ویریور . بوذات ، نظارتک بوتون

ایشلرینی تکمیل تفرعاتیله بیلیر ، آمرلرینی قورقوتان ، تیتردن و نائق بیغیلرینی کمال قطعیتله الدن کچیرر . ماضینک لزوم کوستردیکی سیاستدن خبرداردر . فقط هیچ برزمان بویله برسیاست تعقیب ایدیله سنی امر ایدیورمش کبی کورونمز . یکی برناظرک ، استقلالنی محافظه ایتمک سوداسنه دوشمه سی قابلدیر . فقط برحادثه اونی آنا وطن افندینک فکرنی آلمغه مجبور ایدر . بویوک بر مشکلاتدن کنديسی درحال قورتاران متواضعانه و صریح بر نصیحتی کمال ممنونیتله حسن تلقی ایلر . اگر ایشلر یولنده کیدرسه آنا وطن افندی به قارشی اعتماد آرتار . اگر فنا کیدرسه پارلمنتوده یاخود مستملکده ناظری فنا بر وضعیتدن قورتارا . بيله جک یکانه آدم آنجق او مأموردن عبارتدر . ناظر نه قدر مستقل داورانمق ایسترسه اوقدر خطایه دوشر . بوللر ، ایضا حائنده دوام ایدرک آنا وطن افندینک قصورلرینی برر برارائه ایدر که بونلرده کوره نك بلاسی ، اولیاته تبعیت تمایلی ، یکیلکدن نفرت و تنقیداته عدم تحمل کبی شیلدر .

انکلترده کی نظارت قلملری حقنده برآز معلوماتی اولان برکیمسه بيله بو آنا وطن افندی حقنده یاییلان تصویرک پک دوعرو اولدیغنی تسایم ایدر . سیاسی برآمر اولان ناظر ، موقعنده آز برمدت قالیرسه یاخود یوکسک قابلیت و اقتدارلی برذات اولمازسه بو مأموره عطف ایدیلش اولان نفوذ و تأثیرده همان هیچ مبالغه اثری یوقدر دیه بیلیرز . حتی ، بالذات مأمورلرک

مستملکات
مأمورلرینک
خاطره لری

بر اقدقلى خاطر اوقوناچق اولورسه، كندىلرينك اهميتلرينى اعظام ايتمك يولنده كى طبعى بر تمايل حسابا قالمق شرطيلا ده ، بومستملكات اداره سى حقتده درميان ايدىلن تنقيداتك دوغرو اولديغى قناعى تقويت بولور [۱] . سر هازى تايلور كندى حياتنه دائر يازديغى اثرده بعض افشا آتده بولونيور كه عصرينك ايكنجى ربعنده مستملكات نظارتنك اداره داخليه سى بونرله يك كوزل تنوير ايدىلش اوليور . هازى تايلور هيچ بر زمان مستملكات نظارتنك دائمى مستشارى اولمامشدر . فقط اوزون مدت بونظارتده بويوك بر نفوذ و تاثير اجرا ايتمشدى . مسلكه داخل اولديغى دوره نك دها بدايتنده ، صرف تقدير ذاتيسى نتيجه سى اولارق بروالينك عزله دائر كندىلكندن بر تلغراف يازماسى و ناظر كده بونى امضا ايتمه سى حازر اولديغى نفوذ و تاثيرى كوستر مكه كافيدر [۲] . تايلورك حكايه سنه كوره ، ۱۸۳۱ ده مستملكات نظارتنك سياسى آمرلى موقعه كچن لورد غوردىق ايله لورد هوويق ، « ايشارنده هنوز مبتدى بولونان ذوات ايچون الزم اولان درجه دن دها فضله بر وصايت آلتنده » بولونمايور . لردى [۳] . تايلور ، ۱۸۳۳ ده ناظر تعيين ايدىلن لورد ستانله يك بدايتده معيتنده كيلرك فيكرلرينى استمزاج ايتمه ديكنى سويله يور .

[۱] بو خاطر اتدن آلنان فقره لرى مستر اوان راندولفه مديونم .
 هاروارد قوللاه ژده بولونديغى مدتجه مسئلەنى كمال اعتنا ايله تدقيق ايتمشدى .
 Autobiography, London Ed (1885). I., 70. [۲]
 [۳] كذا ، صفحه ، ۱۳۰ .

فقط ، حاضر لادینی بر لایحه قانونیه یی عوام قاماره سی یرتوب آندی . بونک اوزرینه مستر سته فنه مراجعت ایتدی [۱] .
مستر سته فن « مستملکات نظارتک حقوق مشاور ی عنواندن زیاده بالذات مستملکات نظارتی نامیله یاد ایدیلکه اوزون مدت اثبات لیاقت ایتشدرد » [۲] . تایلور ، بر آز آشغیده ، لورد غله نلغ ناظر اولدینی زمان « مستملکات ایمپراطورلغنی حقیقته سته فنک اداره ایتدیکنی » سویله یرک عینی شیء تکرار ایدیور [۳] .
تایلورک نفوذ شخصیسی ، غربی هندستان اداره سی شکایتلره باعث اولدینی زمان میدانه چیقدی . عوام قاماره سی بر تحقیقات قومیسونی تشکیل ایتدی . فقط بوقومیسوننک راپوری ، صوکره کی بر قاچ جمله استنا ایدیلیرسه ، بالذات تایلور طرفندن تنظیم اولونمشدر [۴] .

۱۸۶۰ دن ۱۸۷۱ تاریخه قدر دائمی مستشارلق وظیفه سنی ایفا ایدن سر فره دریق روجرس (مؤخرأ لورد بله قفورد اولمشدر) ، مخبر اتنده سیاسی آمرلرینک بر چوغنی حقنده شایان دقت مطالعات در میان ایتشدرد . دوق دونیوقاستلک « باشقه لرینک فکر لرینی قبوله پک میال ، تعلیماتلرنده پک واضح ،

[۱] کذا ، صحیفه ، ۱۳۳ .

[۲] کذا ، صحیفه ، ۱۳۶ .

[۳] کذا ، صحیفه ، ۲۳۳ . ۱۲۳ نجی صحیفه یه باقکیز . سته فن ،

لورد غله نلغک نظارتی زماننده دائمی مستشار اولمشدر .

[۴] کذا ، ایکنجی جلد ، صحیفه ۳۸ .

بر مطالعه‌ی قبول ایدنجه آرتق معیتده کیلردن برینه ذره قدر
مسئولیت تحمیل ایتمکدن صوک درجه‌ده مجتنب (که بوفضیلتنی
پک تقدیر ایدرم) « اولدیغنی سویلیور [۱] . قاردوئل ک
«چوق شکر که حاضر بولونمادیغنی ، مع مافیہ تمنی ایتدیکی قدرده
غیوبت ایتهدیکی » قید ایدیور [۲] . لورد غرانویل سودیکی
یازیور . لورد غرانویل « نازکدر ، تکلیفسزدر . بزى یا کلش
برسیاسی آدیم آتمقدن وقایه ایچون پک لزومندن فضله مداخله‌ده
بولونمایه جغنی ظن ایدیورم » [۳] . شبهه سز که نظارتک خارجنده
بعض ذوات ، ناظر لک ایشله پک چوق قاریشادقلری فکرینی
بسله مشارددر . چونکه مؤخرأ و یقتوریا مستملکه لرینک ریاست
عدلیه سنده Chief Justice بولونان جورج هیجینبوتوم برکون
مجلسده شوسوزلری سویله مشدی : « بومستملکه لرده اوتوران
واون بش سندن بری مختار بر حکومت مالک اولدقلرینی ظن
ایدن بر بوچوق میلیون انگلیز وطنداش حقیقتده بوتون بومدت
ظرفنده روجرس اسمنده بر آدم طرفندن اداره ایدیلشلردر » [۴] .
ریس Rees ، سر جورج غره‌یک حیاتی وزمانی Life and
Times of Sir Georges Grey اثرنده (۱۸۷۱ دن ۱۸۹۲
تاریخنه قدر دائمی مستشار اولان) سر روبرت هربرتدن

Letters of Lord Blachford, 227: Marindin [۱]

[۲] کذا ، صحیفه ۲۵۲ .

[۳] کذا ، صحیفه ۲۷۵ .

Memoirs of Higginbottom, p. 183 : Morris [۴]

«مستملكات نظارتك مقدارتنه حاكم» بر آدم ديه بحث ايدر [۱].

افكار عموميه نك ايمپراطورلغه كيتدكجه دها فضله علاقه
كوسترمه سي نتيجه سي اولارق احوالده برتبدل حصوله كلدي.
فقط، دها ياقين زمانلره كلنجه يه قدر، انكليز دولت آدملي نك
مسئله يه پك از واقف اولماري واونكله همان هيچ اشتغال
ايمه ملري هيچ شهبه سز كه مستملكات نظارتنده كي دائمي مأمورلر ك
اجرا ايتدكلري نفوذ و قدرت ك ترايدينه خدمت ايديسوردى .
يونلر ك ، باشقه نظارتلرده حكومتك سياستى اوزرنده كي نفوذ
وتأثيرلري مستملكات نظارتنده اولديني قدر قطعى ومطلق بولونما .
مقاله برابر ، ينه مهم بر درجه يه وارمقدن خالى قالماشدر . نشر
ايديلن بعض وثيقلر وبعض خصوصى مصاحبه لر انسانه بوانطباعى
ويرسيور . مع مافيه دليل اولارق يالكر او وثيقلر ك بر قيمتى
اولابيلير . بو خصوصى محاورات موضوع بحث اولاماز . ۱۸۴۵
تاريخنده ، لورد ليوتنانت Lord Lieutenant ك دائمي مستشاردن
« ايرلاندا حكومتك اصل روحى » ديه بحث ايتديكني
كوريسورز [۲] . فقط پارلمنتونك تحقيقات قوميسيونلرينك
راپورلرنده تصادف ايتديكمز فقره لر بوداغينق مطالعاته نسبتله
پك زياده معيادردلر . مثلا ، ۱۹۰۰ ده On municipal
Trading حقه ده كي تحقيقات قوميسيونى حضورنده ويريلن

[۱] ايكنجى جلد ، صفحه ۵۰۵ .

[۲] باركر : سر روبرت پيل ، ۳ نجى جلد ، ۱۸۴ .

افاده لری اوقویوبده تجارت نظارتنک یالکز فعالیت دکل سیاست یومیه سنک قسم اعظمنک بیله رأس کارده بولونان دائمی مأمورک النده بولوندیغنه قناعت کتیرمه مک قابل دکلدر . سائر بوتون دوائر حقنده ده عینی شی سویله نه بیلیر [۴] . سر لیون پله یفر بونک حکمتی شو صورتله ایضاح ایتدی : « ناظر ، پک مشغول برآمددر . بناءً علیه ، مسئله یی بوتون تفرعاتیله تدقیق ایتش و ناظرک الله واصل اولمادن اول بوتون مخبراتی اوقومش

[۴] عینی سنه ده ، لورد سالسبورینک ، خزینة مالیه مصارفات عسکریه یی تقیص اقتدارینه مالک اولدیغندن دولای انکایز تشکیلات اساسیه سنک ای بر آلت حرب اولمادینی یولنده کی مطالعه سی اوزرینه بویوک بر مناقشه وقوعه کلدی (Hans., 4 Ser. LXXVIII.. 32, 237, 239) . اردونک و دونائماک رؤسای ، مصرفلری تزیید ایتدیرمک ایستیرلرله خزینة مالیه مأمورلرینک کندیلرینه مانع اولاما- یه جقلری سویلندی . چونکه شانسلییه مراجعت ایدیه بیلیرلر . اوده راضی اولمایه حق اولورسه باش وکیل ز نهات الامر قابینه یه مسئله یی عرض ایدرلر . معافییه ، سیاسی آمر ، مسئله یه صوک درجه بر اهمیت عطف ایتیه جک اولورسه - که استقبال ایچون بویوک بر اهیتی حائز برچوق خصوصات بدایتده اوپله کورونملر - یاخود فکر مطالعه سی اوغورنده مجادله یه کیرمک ایسته مزسه خزینة مالیه رؤسای مأمورینک مطالعه لری غالب کله بیلیر ، حتی بعضاً مفید برطاقم اصلاحات ، برطاقم مصارفه احتیاج کوسترمکدن دولای اجرا ایدیله مز .

بوندن باشقه ، بر مسئله یی مذاکره ایدن سیاسی رؤسانک ، معیترلنده کی مأمورلر - ارفندن درمیان ایدیلش فکر و مطالعه لری مدافعه ایتله لری پک اعلا قابلدر . خزینة مالیه نک قونترولی مسئله سی ، سیویل مؤسسات انجمنک تخصیصاته موضوع تشکیل ایتدیکی زمان ، (بوکون

اولان مأمورك مطالعه سنی صورمغه تمایل کوستر « [۱] .
 فی الحقیقه ، وقایع ایله الفت کسب ایتمه وقت بولامیان آمر ،
 بو وقایعی مکملاً بیلن وحقنده امنیت و اعتماد موجود اولان
 بر معیت مأمورینه بالضروره تسلیم اولوق مجبوریتده قالیر .
 مسلکدن یتیشمه مش اولان layman ایله مسلکدن یتیشمش
 اولان محرم مشاوری آراسنده کی مناسبت علی العاده هپ بوشکلی
 آلیر . بو مناسبتله شوراسنی سویله مک اقتضا ایدر که پارلنتو
 حیانتک ایجاباتی و سائر مشغولیتلر ناظرلره بوتون زمانلرینی
 دائره لرینک ایشنه حصر ایتمه امکان بر اقاماز .

سیاسی آمر ایله معیتده کی مأمور آراسنده کی نظری سیاسی آمر ایله
 مناسبت ، پک بسیطدر . سیاسی آمر بو خلیطه نك غیر مسلکی
 عنصرینی (lay element) تشکیل ایدر . وظیفه سی اداره یی
 ملتک افکار عمومیه سی وبالخاصه پارلنتو ایله هم اهنک بولوندر مقدر .
 سیاسی آمر ، اداره یی عوام قماراسنده کی اکثریتک افکار

لورد بولونان) سر رجینالد ولی به ضرورلدی : « بو مسئله سیاسی
 ناظرلر آراسنده اولمقدن زیاده نظارتلرک دائمی رؤسای آراسنده
 برایش دکلیدر ؟ » اوده شوجوابی ویردی : « فی الحقیقه بویله در .
 فقط سیاسی ناظرلری اقناع ایتک وظیفه سی نظارتلرک دائمی رؤساسنه
 عائددر . بورؤسا ، سیاسی آمرلری کندیلرینه سپر ایدرک مناقشه ده
 بولونورلر . » سیاسی آمرلرک عمومیتله معیتلرنده کی مأمورلره مظاهرت
 کوستردکارینی ده علاوه ایتشد (Com. Papers, 1888, XXVII, 10721, 10723 .
 (1. Qs, 10721, 10723 .

ومطالعہ سی ایلہ آہنگدار طومتغہ وقامارانک دوشونمہ دن وقوعہ
 کلہ بیلہ جک برقرارندن متولد تہلکہ لہ قارشی حمایہ ایتمکہ
 مجبوردر . کذلک ، اسکی سوء استعماللری کوکندن سوکک ،
 قرطاسیہ جیلک وکوردنک تمایلاتی تصحیح وتعدیل ایتک ،
 ونظارتک رخاوتہ دالماسنہ یاخود امثالہ قاپیلارق کورکورینہ
 یورومہ سنہ مانع اولق وظیفہ لریلہ دہ مکلفدر . نظارتک آمر
 ورئیس اولق صفیلہ ، مسلکدن یتیشمش مأمورلرک فکر
 ومطالعہ سنی آلوب بونلری کوزلجہ تدقیق ایتدکدن صوکرہ
 تعقیب ایدیہ جک سیاستک عمومی خطرینی تعین ایتک وظیفہ سی دہ
 اوکا ترتب ایدر . دائمی مأمورلرہ کلنجہ ، بونلرک روللری ،
 تحدت ایدن مسائلدہ آمرلرینک احتیاطکارانہ برقرار ویرمہ لرینی
 تأمین ایدہ جک واونلری خطایہ دوشمکدن وقایہ ایلہ جک
 صورتدہ بیان فکر ومطالعہ ایتمکدن عبارتدر . ناظر برشیدہ
 قرار ویردیکی زمان، بونی اجرا ایتک وظیفہ سی دائمی مأمورلرہ
 دوشر . بونلر ، اصول ومعاملاتک حسن ایفاسنہ نظارت
 ایدہ رک دائرہ نک فعالیتنی ادامہ ایتمکہ مجبوردرلر . حاصلی ،
 آمر ، ناظر ، عمومی سیاستی تعین ایدر ، معیتدہ کیلردہ اوکا
 نصیحت ومطالعہ لریلہ معاونتدہ بولونورلر وتفرعاتہ دقت ایدرلر .
 بویلہ برپرنسیپی اورتہ یہ قویمق قولایدر . فقط تطبیقاتدہ آرادہ
 برخطافصل چیزمک غایت زوردر . برنظارتک ایشلری برچوق
 عظیم اداری تفرعاتی احتوا ایدرکہ بونلرک اہمیتلری آنجق

بحران زمانلرنده بللی اولور . بوتون اجرات ، حتی ظاهرآ
 الك اهمیتسز کورونلر بيله ، بر طاقم امثال واولیات تشکیل
 ایدرلر . بونلر سسسزجه بریکیرلر ، نهایت طبقات ارضیه قایالری
 کبی یرلرندن قلمدماز بر حاله کلیرلر . مسلکدن یتیشمش بر
 مأمورك فکر ومطالعہسنی ندرجهیه قدر تعقیب ایتک لازمدر؟
 ندرجهیه قدر بونی اہمال ایتک قابل اولور ؟ بورالرینی بیلک
 وحقیقہٴ سیاست عمومیہ تعلق ایدن نقطه ایلہ تفرعات قبیلندن
 قالان شیء آیرابیلک حیاتده صوک درجده قیمتدار برہنردر .
 بویوک اموری اداره ایدن برذاتک اہلیت وقابلیتی بالذات کندیسک
 یاپدیغی ایشلرله معیتده کیلرہ بر اقدیغی ایشلرہ تابعدر . فقط
 بر نظارتک سیاسی آمرینک اویله بر موقع ووضیعی واردرکہ
 هانکی مسئلهلری بالذات کندیسی رؤیت ایدہ جکنی ، هانکیلرینی
 معیتده کیلرہ بر اقعجغنی کسیدرہ بیلمهسی زوردر . بونک حکمتی
 آکلامق ایچون نظارت دواثرینک اصوللرینه بر درجهیه قدر
 واقف اولمق لازمدر .

بر دولت دائرہسندہ ایشلرک کورولمهسی ، خصوصی بر دواثر رسمیهده
 اصولان
 تجارخانهده کنه نسبتله بالضروره دها قاریشقدرد . یاپیلان ایش
 دولایسیله دها چوق مسئولیت واردر ؛ کوچوک تفرعاتده
 خلقک تنقیداتنه معروض قالنیر . هرکسه عینی صورته معامله
 ایتک لزومنی دها زیادهدر . بوده امثاله دها قطعیتله توفیق
 حرکت مجبوریتنی تضمن ایدر . بوتون بواحوال گرفت برمقا-

نیز می‌باید احتیاج کوستیر . حالو که خصوصی ایشلر بویله برشیئه
 اوقادار محتاج دکدرلر . چونکه خصوصی ایشلرده بر آدم ،
 بر خطا ارتکاب ایده جک اولورسه نتیجه‌سنی کندیسینک چکه جکئی ،
 کیمسه نك بوکا قارشمغه حق اولامایه جغنی سویله به بیلیر . دیمک که
 بر دولت قلمنده خصوصی بر تشبته نسبتله دها چوق یازی معامله‌سی
 واردر . دها چوق وثائق تصنیف و حفظ اولونور ونك برایش
 ایچون دها چوق معاملاتیه لزوم کورولور [۱] . انکلیز نظارتلرنده
 اصول و معاملات ، تفرعات جهته‌ده بر آز تحول ایتسکه برابر
 عمومی خطلر بوتون اداره‌ده هپ بر برینک عینیدر .

برناظر ، پارلمنتو ایچون بر لایحه حاضر لامق یاخود اداره
 سیاستنده بر تعدیلات یا بمق ایسته‌دیکی زمان دائمی مستشار ایله
 وقوف مخصوصی اولان سائر مأمورینک فکرلرینی آلیر . حتی
 بعضاً ناظره بر لایحه ویا تعدیلات فکرینی اونلر ویریرلر . ناظر
 اونلرک مطالعه‌لرینی نظر امعاندن کچیرر و واصل اولدیغی نتیجه‌نی
 دائمی مستشاره بیلدیریر . اوده صلاحیتدار مأمورینه ناظرک
 قرارینک اجرایی ایچون اقتضا ایدن تعلیماتی ویریر . بوتقدیرده
 اصول و معامله پک واضح دیمکدر . فقط بر نظارتک فعالیتک
 بویوک قسمی بونک عکسنه باشلار کاه حکومت ایله خلق
 آراسنده کی تماسدن ، کاه اداره اثناسنده تحدت ایدن مسائلدن

[۱] باقیکنز : Giffenss Ev., 26 Rep. Com. on Civil

Estabs., Com. Pap., 1888, XXVII., 1, Qs. 1931-

32, 19139

ایلری کلیر . ایسته بویله برشی وقوعه کلدیکی زمان ، ایستر بر عرض حال ، ایستر بر شکایت یا خود بر استیدان و یا هر هانکی بر تبلیغات شکننده اولورسه اولسون ، اوراق کاتبی کاغدی ایشک تعلق ایتدیکی ممیز و یا مدیره کوندیرر . اوده مسئله یی شعبه ده کی برنجی صنف کاتبلردن برینه حواله ایدر . بو ذات کاغدی تدقیق ایده رک بالذات جواب ویره بیله جک درجه ده صرف مراسم قبلندن برشی اولمازسه ، برمسوده یا خود مخطرہ حاضر لار ، مسئله نك اولیاتی آکلاتیر ، بوکا بکزه ن امثالی و آمرلینک برقرار اتخا زاید بیلمه لرینه خدمت ایده جک سائر معلوماتی قید ایدر . علی العاده ، نه کی خط حرکت تعقیب ایدیلک لازم کلدیکنه دائر بر پروژده علاوه ایلر . صوکره ، کاغذ ممیز و یا مدیره کیدر . او بونی کوزدن کچیرر . مسئله چوق اهمیتلی دکلسه مسوده یی تصدیق ایدر ، یا خود مسوده ده بعض تعدیلات یاپار و امضاسنی آتاز . مسئله ده ا مهم اولدیغی تقدیرده ، ایکنجی برمسوده شکننده مطالعه سنی بیلدیرر و دوسیه یی دائمی مستشاره ویریر [۲] . مستشار ، نظارتک دائمی آمری صفیله قطعی تعلیماتی اعطا ایلر [۳] و دوسیه یی کری یوللار . ایش پک مهم اولورسه ،

[۱] بر مستشار معاونی بولوندیغی زمان دوسیه بالطبع اونک الندن کچر . محلنده تدقیقه محتاج برایش ایسه بر راپور تنظیم ایتک وظیفه سیله مکلف بر مفتش کوندیرلیر .

[۲] بعض دواثرده پارلمنتویه منسوب مستشارلرک بر قیم ایشلری اداره ایتدیکنی یوقاریده سوبله مشدک .

یاخود یکی بر سیاست مسئله سنی تضمن ایدر یاخود پارلمنتوده
بر مناقشه یی ایجاب ایده جک ماهیتده بولونورسه کند ی الیه
حاضر لادینی اوچنجی بر مسوده الیه بر لکده سیاسی آمرینه
عرض ایلر [۱] .

دیمک اولیور که دائمی مأمور لر دن هر بر ی کند یسندن
بر درجه یوکسک اولان آمرینه چیفته بر خدمت ایفا ایدیور .
بر مسئله یه تعلق ایدن بوتون معلوماتی طو پلایه رق اونلری قولای
وچاق برقرار اتخا ذینی تسهیل ایده جک بر شکله صوقیور .
بر درجه یه قدر بر قار و وظیفه سنی کوریور . آمرینک او قومغه
امکان بولامایه جنی بر چوق و ثائق نظر تدقیق دن کچیریور
و بونلر دن هانکیلرینک آمری طرفندن تدقیقه شایان اولد قلینی
کندیسی قرار لاشدیریور [۲] . بوسیستم ، بر نظارتک بوتون
قدمه لرنده ، برنجی صنف کاتبلر دن پارلمنتویه منسوب آمره
وارنجیه قدر ، کافه سنده موجود در . هر قدمه ده کی مأمور مافوقه

هر مأمور ،
آمری ایچون
بر قارندر

[۱] تود ، خطایه دوشمه مک بولنده کی یورولق بیلمز عزم و افدای
ایله بوبابده معلوماته دسترس اولق اوزره ماوی کتا بلری هپ کوزدن
کچیرمشدی (Parl. Govt. in Enhland, 2 Ed II., 542.)
671, 708, 645 46, 628 31. فقط او بو اثری یازدینی تاریخدن
صوکره سیویل مؤسسات انجمنی مختلف نظارتلرده کی اصول و معاملات
دائر بر چوق افادات جمع ایتشد . (2 d Rep., Com. Pap.
1888, XXVII., 1, Qs. 10992-11001, 11849-51. 12034-
35, 12027-78, 12360-64, 12887-91, 19431, 19442 43)
[۲] Com. Pap. 1888, XXVII, 1, Qs., 12072-78

نہلر عرض ایدیلک لازم کله جکئی کنیدیسی قرارلاشدر .
 ناصل که ناظرده بالذات حل ایدہ جکی مسئلہ لرلہ قابینہ یہ تبلیغی
 مناسب اولاجق خصوصاتی کنیدیسی تعیین ایدر . شہہ یوق کہ
 مادون بر مأمور بر مسئلہ یی بالذات حلہ قیام ایتمکله بر خطایہ
 دوشہ بیلیر . بونک مسئولیتی ناظر در عہدہ ایتمک ایجاب ایلر .
 فقط اصل تہلکہ بورادہ دکلدیر . قرطاسیہ جیلکک اک کثیر الوقوع
 کناہی ہر ایشک تفرعاتی تماماً احاطہ ایدہ یین وقطعی ، لایتغیر
 قاعدہ لر آرقہ سنہ صیغینمغہ مجبور اولان مافوق مأمورلرک حکم
 ونفوذینہ فضلہ تبعیت ایتمکدن عبارتدر . بناءً علیہ ، انکلتروہ
 مرکزی ادارہ چرخلرینک تکیتری دواؤردا خلندہ شعبات ادارہ نک
 تعددی ایلہ ترافق ایتمہ سی چوق ایی اولمشدر [۱] . بوتکامل ، دائمی
 مستشارک وضعیتی اوزرنده حائز تاثیر اولمقدن خالی قالماشدر . دائمی
 مستشارلری تفرعات ایلہ اشتغالدن قور تارمق صورتیلہ اونلرہ سیاست
 عمومیہ ایلہ اشتغالہ دہا چوق وقت تأمین ایتمشدر . فی الحقیقہ ، برقاج
 سنہ اول ، اداری بر قومیسون دائمی مستشارک « پک مہم اولمایان
 ویکی بر پرنسیپک تطبیقہ لزوم کو سترمہ یہ جک اولان ایشلرک

[۱] مثلاً داخلہ نظارتندہ جواب مسودہ لری وقتیلہ یالکز دائمی
 مستشار طرفندن حاضر لانیردی . صوکرہ لری ممیز ویامدیرلرک بونلری قلمہ
 آلمالریئہ مساعدہ ایدیلدی . بوکون دہا مادون کاتبہ رده بومساعدہ
 ویریلشدر (Com. Pap 1888, XXVII, 1, Qs. 10992, 11061)
 آشاغیدہ خارجیہ نظارتی تدقیق ایدرکن اورادہ عینی
 تمایلہ تصادف ایدہ جکز .

هیچ بریله اشتغال ایتمهسی « لزومه قرار ویریوردی . عینی راپورده بیان ایدیلدیکنه کوره ، هیچ برایش تعلق ایتدیکی دائره‌نک رئیس طرفدن تمامیه تعمیق واکمال ایدیلهدن و برقرار ویریله‌جک صورتده پیشکین حاله کتیرلهدن دائمی مستشاره عرض ایدیله‌مک ایجاب ایدر . « دائمی مستشار پارلمنتویه منسوب آمرلیله استشاره ایتلی ، اونلره رأیی بیان ایتلی ، یکی قانون لایحه‌لری یاخود اداره اصلاحاتی حاضرلامالی ، مجلسده ایراد ایدیلن بوتون سؤاللری تدقیق ایلهملی ، تحدث ایدن مشکلات مناسبتیه پارلمنتو اعضالری یاخود افکار عمومیه ممثللری نزدینه قبول ایتلی ونظارتک سوق وادارده‌سند ، عمومی نقطه نظرده بر قوت‌ترو وظيفه‌سی کورمیلدر . بوتون مساعیسی بونلره انحصار ایتیلدر » [۱] .

نظارتلر آراسنده اداره‌نک هر قسمنده تفریق وظائف کیفیتی عینی درجه‌یه
فرقلر واردیرلرله مشدر . غلادستون ، Chancellor of the Exchequer ،
دائره‌سنگ امور جاریه‌سنه سائر ناظرلر قدر فعال بر صورتده
اشترک ایدمه‌جکنی سویلیوردی [۲] . خارجیه نظارتک

[۱] حکومت محلیه مأمورین اقلای حقنده کی راپوردن : Com.

Papers, 1898, XL, 429, p. 12

[۲] شویله دیوردی : « شانسلیه‌نک خزینه مالیه ایله مناسبتی برآز غیر طبعیدر . بر ناظرک کندی دائره‌سی ایله اولان مناسبتنه هیچ بکزه‌مز . چونکه شانسلیه عادتاً خزینه‌نک خارجنده قالمشدر . امور جاریه‌نک بویوک بر قسمی هیچ بر زمان کندیسنه قدر واصل اولماز »
(3 d Rep. Com. on. Public. Accounts, Com. Pap., 1862, XI., 467, Q. 1640)

عنه سی ایسه ناظرک همان بوتون اوراقی کوزدن کپیرمه سنی
 ایجاب ایدر . شبهه یوق که بونک بویوک بر قسمی دیپلوماسی
 مناسباتنک ماهیتدن ایلری کلیور . فقط وقتیه بولزومی پک
 ایلری یه واردیرمش اولدقلری محققدیر . موسیو هاموند خارجیه
 مستشاری بولوندیخی زمانلر نظارته عائد بوتون اوراقل ایلک
 مسوده سنی کنیدیسی حاضر لامقده عناد ایدردی [۱] . بو خصوصده
 تبدلات وقوعه کلدی ، سائر دوائرک اصوللرینه بکزر بر اصول
 تعقیب اولوندی [۲] . مع مافیه ، خارجیه ناظرینک سائر ناظرلردن
 زیاده تفرعات ایله اشتغال ایتمه سی بکله نیور [۳] .

[۱] مستر هاموندک « خارجیه نظارتنده برکاغذک سرگذشتی »
 نامنده کی مخطره سنه باقکز . تجارت انجمن مخصوصنک مضبطه سنده
 واردر . Rep. of Sel. Com. on Trade, Com. Pap. 1864, VII, 279, Qs 1384
 حقنده کی انجمنک برنجی راپورنده تکرر طبع اولونمشدر . Com.
 Pap., 1871, VII, 197, Qs. 1145-1146

[۲] Com. Pap., 1871, VII, 197, Qs. 1145 1146.- [۲]
 Hans. 3 Ser. CCXXXII., 1058

[۳] سیویل مؤسسات انجمنک ۴ نجی راپوری , Com. Pap.,
 Qs. 27927 27931. 1890, XXVII., 1.
 و سر چارلس دیلک افاده سی Qs 29252

حریه نظارتی و برنجی بحریه لوردلی بر چوق خصوصاتده سائر
 ناظرلاردن هان هیچ فرقلی دکلسه ده ایکی بویوک عسکری مسلک
 سیویل آمرلی ولق کبی بر خصوصیت عرض ایدر . بو نظارتلرک
 مختلف اداری مقاماتنده خدمت ایدن منفرد ضابطان ایله اولان مناسبتلری
 ۴ نجی بابده ایضاح ایدیلشدی .

بواصولك مأمورلك
نفوذ و قدرتی
اوزرنده کی تأثیری

هانکی مسئله لری بالذات حل ایدہ جکنی، هانکیلرینی آمرلرینہ
براقہ جغنی کندیسسی تعین ایدن و آمرلرینہ عرض ایتدیکی
خصوصاً تہدہ نہائی قرارک عنصرلرینی حاضر لایان بر مأمور،
شہہ یوق کہ بویوک بر نفوذہ مالک دیمکدر . مأموریتندہ غیر معین
بر زمان ایچون قالماسی، بوتون فعالیتنی ایشلرینہ حصر ایتہ سی
ونظارتہ عائد تکمیل ایشلردہ درین بر معلومات صاحبی اولماسی
حسیلہ، هیچ شہہ یوق کہ دائمی مستشار هانکی نوع ایشلرک
کندیسنہ عرض ایدیلہ سی لازم کلہ جکنی تعین و بوصورتلہ اداره
اوزندہ بر حاکمیت تامہ تأمین ایدہ بیلیر. رأس اداره سندہ بولوندیغی
نظارتک ایشلری حقندہ علی العادہ بویلہ درین بر وقوفہ مالک
اولمایان، نظارتندہ بالنسبہ قیصہ بر زمان قالان، فعالیتک قسم
اعظمی قابینہ نک، پارلمتونک، حیات عمومیه نک کونا کون
حادثاتنہ حصر ایدیلن ناظرہ کلنجہ، بدرجہ یہ قدر معیتندہ کی
دائمی مأمورلرک الہ تسلیم اولماسی ضرورتی درکاردر .

سیاسی ودائمی
رؤسا آراسندہ
متقابل اعتماد لزومی

بویلہ برسیستہ مک ای بر صورتندہ ایشلہ یہ بیلہ سی شہہ یوق کہ
ناظر ایلہ دائمی مستشار آراسندہ متقابل بر حرمت و امنیتک
موجودیتتہ وابستہ در. ناظر، دائمی مستشارک افکار سیاسیہ سندہ کی
آیریلقلری بیلیردہ اوکا قارشی خالصانہ داورا نمازسہ یاخود بر فرقہ
اوزون مدت موقع اقتداردہ قالدقدن صوکرہ دائمی مأمورلر دیگر
فرقہ نک یکی ناظرینہ پک محبت کوسترمزلر واونکلہ فعال و صمیمی
صورتندہ تشریک مساعی ایتزلرسہ بر طاقم خطالرک ارتکاب ایدیلہ سی،

ایشلرک بویوزدن سکتیه اوغراماسی ضروریدر . حکومتک
 لایحه لرینک بر نتیجه یه اقتران ایدمه مسی ده یک احتمال داخلنده در .
 دائمی مستشار ، سیاسی فرقه لر آراسنده کی فرقه رغماً آمرینه
 قارشی موقت بر حس اطاعت و تابعیت بسله ملیدر و حقیقتده بسلرده .
 آمری برقرار اتخاذاید نتیجه قدر فکری بی سر بسته سویلر . قراردن
 صوکره اوئی صادقانه تطبیق واجرا ایدر . آلدیغی محرم تبلیغاتی -
 که مقدار لری حدسز حسابسزدر - بر سر اولارق صاقلار و بونلری
 صوکره کلن ناظر لره بیله خبر ویرمز . بر ناظر بر پروژه حاضر -
 لایوبده اوئی میدانه حیقار مامش ، اعلان ایتمه مشسه دائمی مستشار
 ناظرک خلفه اوئی کو ستر مکدن امتناع ایدمه بیلیر و بوندن دولایی
 هیچ بر مؤاخذیه معروض قالماز . ناظرده تحدت ایدن بوتون
 مسائلده مستشارک رأیی آلیرکن اونک سیاسی معتقداتندن
 یاخود شخصی قناعتلرندن ایلری کلن تمایلاتی حسابیه قاتار .
 بر حکومت ، مثلاً « هوم رول » یاخود « ترجیحی بر تعریفه »
 کبی قطعی بروعد ایله موقع اقتداره کلیرسه عمومی پرنسپ
 حقنده دائمی مستشارک رأیی آلینیر دیمک ایسته میورز . بوقیل
 احوالده ، سیاست یا پارلمنتوده یاخود عمومی انتخاباتده تثبیت
 ایدیلشدر . دائمی مأمورلرک نصیحتلری آرتق یالکیز پروژه نک
 تفرعاتنه انحصار ایدر .

بوسیستمک بالطبع حدودلری واردر . بعض احوالده
 مستشارک یک اعلا معلوم اولان افکار و مطالعاتی اوئی معین

برسیاستی موقع تطبیق واجرایه قویمقدن عادتاً منع ایدر. مثلاً ،
 ۱۸۹۵ده محافظه کارلر ایرلانداده جبر و شدت ره ژیمینی تطبیق
 عزیمله موقع اقتداره کلدکری زمان ایرلاندای دائمی مستشاری
 اولارق سرروربت هامیلتونی بولدیلر . بونک هوم روله شدتله
 طرفدار اولدینی معلوم ایدی . اونی مملکتک اداره سنده استخدام
 کندیلری ایچون پک زور اولاجغنه حکم ایتدکاری ایچون
 کندیسنی ترفیع ایدرک مستشارلقدن آلدیلر . بوکبی احوال
 زمان زمان تکرر ایتک ضروریدر . مع مافیه پک نادر وقوعه
 کلیر . بوسیسته مک پک عمومی وقطعی بر صورتده ایشله دیکنی ،
 بر مستشارک یکدی کیردن تمامیه آیری افکار سیاسییه مالک آمرلر
 آلتنده صادق بر اداره آدمی و مشاور صفتیه ایفای وظیفه ایده بیلدیکنی
 کورمک انسانه حیرت ویریر .

فعلیاتده بومناسبت فعلیاتده ، ناظر ایله دائمی مستشار آراسنده کی مناسبات ،
 شخصیتلره تابعدر هر خصوصی وقعه ده ، قسم اعظمی اعتباریله ، اونلرک شخصیتلرینه
 تابعدر . مثلاً ، پیل ایله غلادستون ، اداره ایتدکاری نظارتلر
 اوزرنده صیقی بر نظارت وقوتنرول اجرا ایدرلردی . حالبوکه
 جون برایت ، کندیسنک عوام قاماراسنده دهامفید اولاجغنه
 حکم ایتدیکی ایچون تجارت نظارتنک ایشلرینی همان تماماً دائمی
 مأمورلرک اللرینه براقیردی . ناظر ایله مستشارک هرایکیسی ده
 فعال ، عزیمپرور ، حزم واحتیاط صاحبی آدملر اولدینی ،
 هربری صرف فعالیت ایدرکن دیکرینه عائد حقوقه رعایت

کوستردیکی زمان طبعیدر که بوسیستم پک کوزل ایشلر . حتی ،
 اڤی ناظر حین تعیننده نظارتنک ایشلرندن هیچ برشی
 آکلامایان ناظر در سوزی بر ضرب مثل حاله کلشدر . پارادوقسلرک
 بر چوغی کبی بوده شکل اصلیسنی بر آز غائب ایتمش بر حقیقتدن
 عبارتدر . اینی بر ناظر اینی بر اداره آدمی اولق لازمدر . فقط
 کوزینک اوکنده یالکز نتایج بولونمالیدر . ایشک ته فیک قسمی
 معیتده کی دائمی مأمور قدر بیلدیکی خولیا سنه هیچ بروقت
 دوشمه ملیدر . چونکه باژهودن نقلاً سر جورج قورینوال
 لهویسک مطالعه سنی ذکر ایدرک دیه بیلیرز که « برقاینه ناظرینک
 وظیفه سی نظارتی ایشلتدیرمک دکلدر . اونک وظیفه سی
 دائره نک حسن اداره ایدیله سنه نظارتدن عبارتدر » [۱] . رولنی
 چمک ، بر طاقم دساتیر ثابته کوره پک قطعیتپرستانه حرکت
 ایتک و تفرعاته قاریشمق ایسترسه بر طاقم مشکلات احداث ایدر
 وشکایتلره میدان آچار .

فی الحقیقه ، دائمی مأمورلر ، کندی رأی و مطالعه لرینی
 استخفاف جراتی کوسترن بر ناظری تحت حکملرینه آلابیلیمک
 ایچون متعدد وسائظه مالکدرلر . بر آبداله کافی درجدهه ایپ
 ویریلیرسه نهایت کنیدیسنی آصه جغنی سویلرلر . ناظر ، دائمی
 مأمورلرک رأی و مطالعه لرینه بر قیمت ویرمه یه جک اولورسه
 اونلرده بیان مطالعه دن اجتناب ایده بیلیرلر . اوزمان ، ناظر

خطایه دوشمکدن قورتولاماز ، بوتون مسئولیت کنديسنه راجع اولور . ناظر ، غایت حسن نیت ایله تکمیل تفرعاته واقف اولمق ایسترسه بوتون قلملرده پک معروف اولان بر قورنازلغه قالقه رق کنديسنی تفرعات ایچنده بوغمقدن قولای بر شی یوقدر . مادام که ناظر هر مسئله یی کنديسی حل ایتک ایسته یور ، بو ایشلره تعلق ایدن دوسیه لری کتروب اوکنه ییغارلر ، نهایت ناظر بو وثائق چیغی آلتنده ازیلیر ومعیتمده کیلرک الله تسلیم اولور . حساباتک تدقیق و پارلمنتوده ایراد ایدیلن سؤاللر مناسبتیه ده بر ناظری آووج ایچنه آلمق چاره سی واردر . دائمی مستشار ، طلب ایتدیکی بر تخصیصاتک اغلب احتماله کوره حسابات قونترولوری طرفندن رد ایدیه جکنی یاخود تصور ایدیلن بر تدبیرک عوام قاماراسنده مزعج بر سؤال ایرادینه سبب اولاجغی آمرینه خبر ویریر . بونلر بر ناظرک غایت حساس بولوندیغی احتمالاتدر . سؤاللره کلنجه ، بو متقابل بر تحکم واسطه سی تشکیل ایدر . چونکه دائمی مأمورلر ، عمومیتله ، عوام قاماراسندن ناظر دن زیاده قورقارلر وجوابلری حاضرلار کن تجاهالدن کلکه میال بولونورلر .

ناظرلر قاماراده ایراد ایدیلن بوتون سؤاللره واقفانه جواب ویریور کی کورو نورلر سده حقیقتده بویه هر شیئه شامل بر علملری یوقدر . بر سؤال ایراد ایدیلنجه ، بونک جوابی تشکیل ایده جک عنصرلر نظارتک دائمی بر مأموری طرفندن

طوبلانیر وچوق دفعه جواب بيله اومامور ضرفندن قلمه الينير .
 بعض کره ، ناظر جوابی کنديسنه ويريلديکی کبی ، اوقومقله
 اکتفا ايدر . فقط دهها زیاده ، اونک لبی آلیر ، قامارانک
 حالت روحیه سنه دهها موافق کله جکنی تخمین ایتدیکی برشکلده
 عرض ايدر . عقل و خیاله کله بيله جک بیک دورلو مهم ویا
 اهمیتسر سؤالره جواب حاضر لائماسی بویوک برایشدر ، دوره
 اجتماعیه لرده دائمی مأمورلره آغیر بر یوک تحمیل ايدر . فقط
 هنوز بوامتيازنی تحدید ایتمه نك موافق بر چاره سی بولونامامشدر .
 سؤال ایرادی حق سوء استعمال ایدیلکله برابر دواثر بوسایه ده
 متیقط طوتولمده در . بواصول ، علنی و عمومی تنقید ایچون
 دائمی بر وسیله عرض ایلر . دائمی مأمورلرک ناظر اوزرنده
 اجرای تحکم ایتمه لرینه امکان حاضر لامقله برابر قرطاسیه جیلک
 روحنک انکشافنه قارشی غایت ایی برانکل تشکیل ایتدیکی ده
 انکار قبول ایتمز .

دائمی مأمورلر بر ناظری ایشلره پک فضله مداخله ایتمکدن
 منع ایده بیلر لرسده وظائقی اهل ایتمه سنه مانع اولوق چاره سندن
 محرومدرلر . حالبوکه ناظر بویله داورانه حق اولورسه ایشلر
 سکنیه اوغرار . رخاوت و کورده نك غلبه چالار . دائمی مأمورلر
 امثاله توفیق حرکت ایتمه میالدرلر . چونکه امثال واولیاتک
 سلطه سی اونلرک نفوذ و قدرت لرینک تمایدر . فقط اصول
 وقواعده صوک درجه ده قطعیت اونلرایچون بر سبب فلاکتدر .

برناظرک

تنبیلکندن متولد
 محدودلر

يکيلککردن قورقارلر و کندیلری پک نادراً یکی بر مثال وجوده .
کتیر لرلر . بومطالعه بالخاصه آشاغی درجه ده کی مأمورلر حقده .
دوغرودر . بوندن دولایی محق اولارق شکایتلر در میان
ایدیلدیکی واردر . سیاسی آمر ، مشکل احوالده بر طاقم
استنار قبول ایدیله سی ایچون اصرار کوسترمکه مجبوردر .
مع مافیه بو استثنائی امثال قاعده یی بوز مامالیدر . کورده نک افراطنه
قارشی اک ایی چاره نظارتنه علاقه دار اولان سیاسی بر آمرک
کنیش فکری ، بویوک بر اقتدار صاحبی ، تجربه دیده بردائی
مستشار ایله تشریک مساعی ایتمه سندن عبارتدر .

۱۸۸۴ سنه سنده انتخابات اصلاحاتی مناقشه ایدیلدیکی صیراده
سر ستافورد نوردقوت حق رأیک توسیع و تشمیلی دائمی
مأمورلرک نفوذ و قدرتی آرتیرمق کبی بر نتیجه ویره جکئی
سویله یوردی [۱] . بر چوق کره بو سوزلرک دوغرر چیقمش
اولدینی ظنده درلر . فقط بو ، حقیق بر تبدل احوالک نتیجه سی
اولمقدن زیاده ذاتاً موجود اولان بر وضعیت فعلیه نک نهایت
تیین ایدیله سی عداولونمق ایجاب ایتمی؟ شبه یوق که اداره نک
نفوذ و قدرتی صوک عصر ظرفنده پک چوق آرتمشدر . بو ،
قسماً ، ناظرلرک اساس اعتباریله اداره آدمی قالمقدن زیاده .

[۱] « بوندن صوکره بر قلم استبدادی کله جکدر . یعنی ، دائمی
مأمورلر ایشلرک سوق و اداره سنی کندی الارینه آلاچق ، پارلمتونک
رولی پک آزشیته تنزل ایده جکدر . » آندره و لانع : Life, Letters
and Diaries of Sir Stafford Northcote' 2 Ed., II., 219

دائمی مأمورلرک
نفوذ و تأثیری
تزايد ایتبور

پارلمنتو ایشلرینه و عمومی سیاسیات مسئله لرینه کومولش برر
 واضع قانون اولمالرندن نشئت ایتشدی. قسماً ده ناظرلرک موقع
 اقتدارده پک آز قالمالرینک بر نتیجه سیدر . ۱۷۲۱ دن ۱۸۲۳
 تاریخنه کلنجهیه قدر جریان ایدن یوز ایکی سنه ظرفنده اون
 دو قوز شانسیله کورولمشدر . ایچلرندن بشی موقع اقتدارده
 اون سندن فضله قالمشدر . بونلرک مدت نظارتلرینک یکونی
 یتیش سکز سنهیه بالغ اولور . ۱۸۲۳ دن ۱۹۰۵ تاریخنه قدر
 کچن سکسان ایکی سنه ظرفنده عینی وظیفه باشنده یکرمی اوچ
 ناظر کورولمشدر . بونلردن بری اون اوچ سنه ، دیکری
 دو قوز سنه نظارتده قالمشدر . باشقهری آراسنده آلتی سندن
 فضله ناظرلق ایتیش کیمسه یوقدر . برناظرک مدت مأموریتنک
 بویله تناقص ایتهمسی نتیجه سی اولارق دائمی مادون مأمورلرک
 وضعیتی اوزرنده حصوله کلن تأثیر محتاج ایضاح دکلدر . فقط
 حیات سیاسیه نك شیمدیکی احوال و شرائطی بر بطندن بری
 پک آز تبدلات ایله عینی صورتده دوام ایتکده در . بو باده
 بر حکم ویره بیه جک موقعده بولونان ذواتک مطالعه لرینه کوره ،
 دائمی مأمورلرک نفوذ و تأثیری ناظرلرک شخصیتنه کوره زمان
 زمان دیکشمشسه ده بوسوک سنه لرده تزایدہ دوغرو عمومی
 برتمایل اثری اراهه ایتهمشدر .

مأمورلرک کندی
 کندیلرخی اورته دن
 چکمه لری

دائمی مأمور ، نفوذ و قدرتک بویوک بر قسمنه مالک اولقله
 برابر هیچ بر زمان سیاسی آمرینک امر و اراده سندن خارج

حرکاتہ تشبہ ایتک ادعاسنہ قالمآز . غلادستون ، سرستافورد
نوردقوتہ ، حیات رسمیه دھولنک ابتدالرنده « نہ اصول
وقواعدک نہ آداب ومراسمک بر مخالفت رئیسہ ادارہنک دائمی
مأمورلرینک فیکر ومطالعہلری مذاکرہ ایدیلکده اولان تکلیفک
مسئولیتنی طاشیان ناظرک رأی ومطالعہسنہ مغیر اولدیغنی ادعاہ
مساعده ایتہدیکنی » سویلہ مشدی [۱] . بویلہ اولماسہ ایدی
ناظرلرک مسئولیتی پرنسپنی محافظہ ایدہ بیلیمک پک زور اولوردی .
دائرہ سنده یاپیلان بوتون ایشلردن یالکیز ناظر مسئولدر .
اجرا آتک بوتون شان وشرفی ، بوتون قباحتی ہب ناظرہ
عائددر . دائمی مأمور ہیچ بر زمان نظارتک سیاستدن علناً
بحث ایتمز [۲] . نظارتک فعالیتنی ہیچ بروقت کندی شخصی
اثری اولارق اراثہ ایلہ مز . فقط ، دیگر طرفدن ، ناظرده
هیچ بر زمان خطالری یاخود سوء ادارہ بی بر مادوننک اوزرینہ
آتماز ، مکرکہ عینی زمانده او مأموری عزل ایتمش اولدیغنی ده
بیان ایدہ . امور عسکریہ ده بوقاعدہیہ دائماً رعایت ایدیلہ یور .
چونکہ دہا یاقین زمانلرده لوردلر قاماراسنده سابق حربیہ

Life, Letters and Diaries of Sir : Lang [۱]
Stafford Northcote, ۱, p. 160

[۲] سر جورج ککویک ۱۹۰۳ ده معارف نظارتدن چکیلہ کدن
صوکرہ ، دائمی مستشار وظیفہ سنی اشغال ایتدیکی صیرادہ پارلمنتو
طرفدن قبول ایدیلش اولان مکتب قانونی لایحہ سنی علناً تنقید ایتدی .
فقط بوتقدیرده بیلہ بو حرکتک پک درست اولمادینی ادعا ایدیلہ یور
خطا ایدیلہ مش اولور .

ناظری ایله باش قوماندان جنوبی آفریقاه اردونك غير كافي
 صورتده حاضر لائمش اولماسنك مسئوليتنى بربرلرينك اوزرينه
 آتديلر [۱]. ۱۹۰۱ ده ، ينه لوردلر قاماراسنده برنجى بحريه
 لوردى انشات بحريه ديركتورينك حرب كيملى پلانى
 چيزمكده كى مهارتى مدح ايله برابر ده كيزه اينديريلديكى صيراده
 قرال ك ياطنك ده ووريله سى مسئوليتنى او كا عطف ايتمشدر [۲].
 فقط ، سيويل خدماتده ، برقاعده عموميه اولارق ، بوپرنسيپه
 رعايت ايديلمش اولدينى سويله نه بيلير . مع مافيه بوراده ده ايرلاندا
 لورد ليونتانتى نك مستشارى سر آنتونى ماق دونل ك وقعه سى
 براستنا تشكيل ايدر . بو مناسبتله او زمان ايجه كورولتو
 اولمشدى [۳] . ناظر ك بو مسئوليتى يالكز مراسم قيلندن ،

Hans. 4 Ser. XC, 327, XCI, 6. [۱]

[۲] كذا ، XCVI, p. 969 .

[۳] هندستان اداره سنده پك پارلاق خدماتى كورولن واوصيراده
 هندستان مجلسنه كيرميش بولونان سر آنتونى ماق دونل ، ايرلانداى ،
 قاتوليك و سياسياتده ليبرال اولماسنه رغماً مستر ويندهام طرفندن
 ۱۹۰۲ ده ايرلاندا مستشاراغه تعيين ايديلمشدى . ۱۹۰۴ يازى اثناسنده
 سر آنتونى ، مستر ويندهامك تصوينه افتران ايده چكى اميديله ايرلاندا
 حكومتى حقنده كى پروغراى تنظيم ايجون لورد دوتراونه معاونته
 بولوندى . فقط مستر ويندهام ، غزته لرده نشر ايديلير ايديلز بو پروغراى
 علناً تنقيده مسارعت كوستردى . ۱۹۰۵ سنه سى شباطنده پارلمنتو
 طويلاندينى زمان ، مستر ويندهام ايرلاندا اونوينستلرينك سؤالرينه
 جواباً وقايى اولدينى كى بيلديردى ، سر آنتونى ماق دونل ك قاينه

شکله عائد برشی دکلدر . چونکه نظارتنک مأمورلرینک قباحتی بویوک مطلوب و ذمت میزانه ادخال اولونور . بر قابینه نك مزیت لیاقتی بومیزان ایله اولچولور و ایرته سی انتخابده قابینه نك مقدراتی بومیزان تعیین ایدر . حاصلی ، مادون بر مأمورده ، طبقی قرال کبی ، فنا بر حر کتده بولوناماز . ناظرک مسئولیتی هم مادون مأمورلری هم قرالی تحت مصونیتده طوتار . فی الحقیقه ، بعضاً او یله اولابیلیر که مثلاً خارجیه ناظری طرفدن تعقیب ایدیلن و خلق طرفدن شخصی صورتده قراله عطف اولونان

طرفدن تعقیب اولوندیغی علاوه ایتدی . مع مافیه حر کتده هیچ برصد اقتسزک اثری موجود اولمادیغنک تسلیم ایدیلدیکنی ده سویله دی . (Hans., 4 Ser. CXLI., 324-62) ؛ بو حادثه مناسبتیه ایکی قاماراده تحدت ایدن شدید مناقشات شباط آینک بوتون نصف اخیرینی اشغال ایتدی . بومناقشات اشناسنده مستر ویندهام سر آنتونی ماق دونل کبی بر ذاتی راست کله بر مادون مأمور وظائفی کورمک ایچون معینه آلامدیغی ، بسیط بر مستشاردن زیاده بر آرقداش صفتیه یاردم اتمه سنی کندیسندن رجا ایتدیکنی بیان ایله دی (Hans., 4 Ser. CXLI, p. 650) (لورد لانسداونک مطالعاتنه ده با فکز . کذا ، ۶۱ ؛) . سر آنتونی ماق دونلک حین تعییننده اونکله مستر ویندهام آراسنده تعاطی ایدیلن مکتوبلر نشر ایدیلدی . بوراده او یله شرطلره تصادف ایدیا یورکه موجود تعبیرات استثنائی اهمیت حائز بر موقع و وضعیه قابل تطبیق اولدیغی قدر ساده جه آهرینک اعتماد تامنه مظهر اولمش بر مستشارک اجرا ایده بیله حکمی نفوذ و قدرته ده قابل تطبیقدر . (Hans., 4 Ser. CXLI, p. 979-981) بومناقشات مستر ویندهامک سقوطنی انتاج ایتدی . خلقی مستر لانغ ، کندلک مستر بالفور ، سیویل

برسیاست حقیقتده بعض دائمی مأمورلرک ایشندن عبارت بولونور.
اللی سنه اول ، خلق مأمورلرک نفوذ و قدرتنک فرقنده
دکلدی . اونلری علی العاده برر کاتب کبی تلقی ایدن پارلمنتو
کندیلرینه پک آز اهمیت عطف ایدردی . فقط بوکون ،
اهمیتلری تقدیر اولونالی بری ، حتی مأمورلر آراسنده بیله ،
اویله ذاتلره تصادف اولونیورکه پک فضلہ ایلری یه سورولمه لرندن
قورقورلر ، خلقلک نظرلرندن اونلری کیزله ین اورتونک بر
کوشه سنک قالدرماسندن اندیشه ایدیورلر . چونکه بویله اولورسه

ادارده سائر مستشارلرک موقع و وضعیتندن فرقلی بر موقع ویرلک
اوزره سر آنتونی ماق دونله قارشی هیچ بر تعهده کیریشلمه دیکنی
تأمین ایتدی (Hans. 4 Ser. CXLI, 995; CXLII, 1225-1278-79, 647-48, 1278-79)
۱۹۰۶ . صوک بهارنده ،
مستر لونغ ، سر آنتونی ماق دونله ۱۹۰۴-۱۹۰۵ حادثاتی مناسبتیه ،
او تاریخده موقع اقتدارده بولونان محافظه کارلر حکومتک پارلمنتویه
تبلیغه ممانعت ایتدیکی مکتوبلردن باشقه بر مکتوب وارسه نشر ایتمه سی
ایچون میدان اوقوماسی اوزرینه مسئله بردها جانلاندی (The Times)
Aug., 30, 31, Sept. 1, 4, 1906) بویله مکتوبلر طبیعیدرکه
کیمک النده بولونیورسه اونک کیفی ایسته نیجه نشر ایدیله منزلر . بوتون
شووفعه پک اعلا کوستریورکه پارلمنتویه منسوب بر آمر ، نظارتنده
جریان ایدن بوتون وقایعک مسئولیت تامه سنی درعهده ایتزسه برچوق
مشکلاته معروض قالیور . کذلک ، پارلمنتویه منسوب آمرایله معیتنده کی
دائمی مأمور آراسنده کی مناسباتی پارلمنتور دژینمک ماهیتی تولید وایجاب
ایتدیکی وخصوصی احوالده بونلری اساسلی صورتده دکیشدیرمک محال
اولدینی ده میدانه چیقیور .

شیمدیکی تام غیر مسئول الکلینی غائب ایدہ جکک و بونکہ برلکده
غیر سیاسی وصف لرندن و دائمی صورتده مأموریتلرنده قالمق حقندن ده
محروم قالا جقلردر . حقیقه بویله بر تهلهکه وارمیدر ؟ شیمدیکی
حالده بو، صرف ظن و تخمین ساحه سنه عائد بر مسئله دن عبارتدر .
دائمی بر مأمور فلان حرکت و یا اجرا آتک شرفی کندی
نفسنه عطف ایدہ مزسه ده مستثنا خدمات ایله دولو بر حیاتک
مکافاتی امید ایدہ بیلیر . مأمورلرک اهمیتتی پک اعلا تقدیر
ایدن سر روبرت پیل اونلره دهافضله شان و شرف بخش
ایدیله مسنه اسف ایدیوردی [۱] . بو کون آرتق بویله بر شکایت
سرد ایدیله مز . چونکه هر سنه بر طاقم مأمورلره شووالیه رتبه سی
توجیه اولونور . حتی ، آراده صیراده ، دائمی بر مستشار آرتق
تقاعد اولاجنی صیراده ، لوردلق پایه سنه چیقاریلیر . دیمک
اولیورکه ، اداره مسلکی ، شخصاً سلیک کورونمک مجبوریتنی
تحمیل ایتمکله برابر ، نه حرمت و اعتباردن نه ده جاذبه دن محروم
برشی دکلدرد . دائمی مأمورلری سیاسیات صحنه سنک کورولتولرندن ،
شان و شرفندن اوزاق طوتیورسه ده او حیاتک ناخوش قضا لرندن ،
کدرلرندن ، سقوط خیال لرندن ده مصون بر اقییر . دائمی مأمورلر
بویوک بر نفوذ و تأثیره مالکدرلر ، مملکتک مقدراتنک اداره سنده
بررول ایفا ایدرلر . اقتدار و اهیتلری و برآزده طالعری وارسه
عمرلرینی لوردلر قاماراسنک نظر کریر عظمت و حشمتی ایچنده
نهایت ایزدیره بیلیرلر .

سیویل مأمورلره
بخش ایدیلن
شان و شرف

دوقوزنجی باب

عوام قاماراسی

انتخاب دائره لری و منتخبلر

تمثیل اساسنه مستند هر مجلسک ترکیب و تشکلی بربرندن آیری ایکی عنصری تضمن ایدر: منتخبلر هیئتئ ایله دوائر انتخابیه . اون دوقوزنجی عصرک ایلک قسمنده وانکلتردنک خارجنده ، خلقلک نظر دقتی بالخاصه منتخبلر هیئته یاخود ، تعیردنکرله ، حق انتخابک توسیع و تشمیلی جهته معطوف ایدی . فقط حکومتلرنده برخلق عنصری بولونان مملکتلرک برچوغي هان هان رأی عام اصولنی قبول ایده لی بری حق انتخابدن ده آاز بحث اولونیور . دوائر انتخابیه یعنی منتخبلری کومه کومه تفریق اصولی ده چوق مناقشه ایدیلیور . بوتحول ، ده موقراسینک بعض نتیجه - لرینک تولید ایتدیکی عدم ممنونیتدن ایلری کلشدر . بو عدم ممنونیتک افادات و تظاهراتنه تمثیلی مؤسسسه لره قارشئ درمیان ایدیلن غایت عمومی تنقید اتده تصادف ایدهرز [۱] .

[۱] غودکین Godkin بوفکری - The Decline of Legis-

lature اثرنده بویوک برقوتله افاده ایتشدر .

وقتیه ، خلق کتله لرینک منافی اساس اعتباریله بربرینک عینی اولدنی فکرندن حرکت ایدیلیدی. بونک نتیجه سی اولارق، متخبرلی کومه کومه آیرمانک طرزی بالنسبه پک آز حائر اهمیت اولوردی . اصل مسئله تمثیل تملرینک توسیعنده ایدی. بوکون معلوم اولمشدرکه انتخاب دائره لرینک تشکیلی ایری بر مسئله در و بونک عملی نتیجه لری پک مهمدر . خلق حکومتی انسانلره امید ایتدکلری دور سعادتق تأمین ایتهدیکی ایچون شیمدی متخبرلی کومه کومه آیرمق طرز لرنده بوکا برچاره آرایورلر. بو مناسبتله متصل برچوق مناقشات مصادف اولیورز . دائره اساسنه یاخود لیسته اساسنه مستند انتخابلرک هر برینک منافی یکدیگرلریله مقایسه ایدیلور . دائره اساسی دیمک یالکز بر مبعوث چیقاران بر دائره انتخابیه دیمکدر . لیسته اساسنده ایسه دائره انتخابیه لریک وسعی زیاده در ، هر برنده متعدد مبعوث انتخاب اولونور . بونلردن باشقه ، متخبرلی طبیعی مناسبات اقتصادی لرینه کوره شهر و کوی دوائر انتخابیه لرینه آیرمق موضوع بحث اولیور . پروسیاده اوچ صنف سیسته منده اولدیی کبی ، متخبرلی ثروت لرینه کوره تفریق ایتک اصولی ده واردر . مسلک لره کوره متخبرلرک کومه لره آیریلارلی ده دوشونولیور [۱].

[۱] شارل بنوا Charles Benoist ، عصری دولتک بحرانی
 La crise de l'état moderne اثرنده بوفکری اوزون اوزون
 تدقیق ایدر .

نسبی بر تمثیل شکلی سایه‌سندہ فکر لرہ کورہ منتخب کومہ لرینی
تفریق اصولنک محسناتی اثبات ایچون بر جوق آثار نشر اولونمشدر.

انکلتزہ دہ ، متخبر ودوائر انتخابیہ مسئلہ لر علی العادہ انکلتزہ دہ ناصل
ہب بر لکدہ تدقیق ایدیلک وعینی قانوندہ قرار لاشدیر لمق ایلہ
برابر بر برندن دائما آیری قالمشدر . پارلمنتو اصلاحات سلسلہ-
لرینک ہر بری بوایکی غایہ بی دہ کوزا وکندہ طوتمشسہ دہ ایکسینہ دہ
مساوی براہمیت عطف اتمہ مشدر . حقیقتدہ ، ایکی مسئلہ یہ دہ
افکار عمومیہ نک نظر دقتی جلب ایدن عامل دوائر انتخابیہ نک
حالی اولمشدر .

۱۸۳۲ تار یخندہ کی اصلاحات قانونی Reforme Act بارولردہ
اولجہ موجود اولان متعددہ ، فقط پک تقید کار امتیازات یرینہ رأی
عام اصولنی اقامہ ایتدی . بوقدر جذری اولما قملہ برابر ،
قاوتی لردہ دہ بعض تعدیلات یاپدی . فقط ، بوقانونک سیاسی
بر تدبیر صفتیلہ اک بویوک اہمیتی مبعوثقلری یکی باشند توزیع
صورتیلہ دوائر انتخابیہ دہ وجودہ کتیر دیکی تأثیر دہ در . مختلف
درجہ لردہ انفساخ وانقراضہ اوغرامش کوچوک بارولردن یوز
قرق اوچ مبعوثلق نزاع ایدہ رک بونلری قانونتیلرہ ومبعوث چیقار مق
حقنہ ہنوز مالک بولونمایان یکی بویوک شہر لرہ ویردی . دیگر
طرفدن ، ۱۸۶۷ قانونی مبعوثقلر دہ بعض تحویلات یامقلہ برابر
بارولرک حق رأینک واسع صورتدہ تشمیلنہ خادم بر تدبیر تشکیل
ایتشد . ۱۸۸۴ دہ و ۱۸۸۵ دہ ایکی مسئلہ جذری صورتدہ

نظر تأمله آندی . ۱۸۸۴ قانونی قانونیلرک حق انتخابی مهم
 صورتده توسیع ایتدی . ۱۸۸۵ قانونی ده مبعوثلقلری انتخابات
 دائرةلرینک مساواتی اساسنه پک یاقین برتمل اوزرینه استناد
 ایتدیردی .

دوائر انتخابیه انکلیز پارلمنتوسی ایچون اوچ دائرة انتخابیه وارد: قانونیلر،
 بارولر، دارالفنونلر . بوصوک دوائر، ماهیتلری وحق رأیلری
 اعتباریله دیکر لرندن تماماً فرقلیدرلر . بونلر حقنده بوراده بر قاج
 کلمه سویله مک کافی کله جکدر .

دارالفنونلر اوقسفورد ایله کمبریج، قرال برنجی ژاقدن ایکیشرمبعوثلغه
 نائل اولدیلر . ذاتاً برمبعوثلغه مالک اولان دوبلین دارالفنونی
 ۱۸۳۲ اصلاحات قانونی ایله برمبعوثلق دهها استحصال ایتدی .
 نهایت ، ۱۸۶۸ قانونی لوندره دارالفنوننه بر و غلا سقو ایله
 آردین دارالفنونلرینک ایکیسنه بر وادیمبورغ ایله سنت آندره وس
 دارالفنونلرینک ایکیسنه ده کذلک برمبعوثلق تخصیص ایله دی .
 دارالفنونلرده انتخاباته اشتراک حق عمومیته آقاده می دفترلرنده
 مقید مأذونینه عائددر [۱] .

۱۸۳۲ سنه سنه کلنجهیه قدر ، مبعوث انتخاب ایتک حقنه
 اصلاحات قانونی [۱] دارالفنون ، « دفترلرنده مقید بر اسم بولوندیرمق ایچون »
 بعضاً معین بر پاره طلب ایدرکه بویوزدن ، پارلمنتو انتخاباتنده یاخود
 آقاده می انتخابنده حق رأیه مالک اولان مأذونینک مقداری جدی
 صورتده آزماقدهدر . مثلاً کمبریجده منتخبلر ، مأذونینک آنجق نصفی
 تشکیل ایدیورلر .

مظهر اولان هر قاوتی وهر بارو ، بر قاعدهٔ عمومیه اولارق ، پارلمنتویه ایکی اعضا کوندریردی . مع مافیه ، اسقوچیا بارولری حقنده بو قاعده وارد دکلدی . اونلر ، پک آز استنارلدن صرف نظرله ، هریری تک بر مبعوث انتخاب ایدن دائره لر حالنده طوپلانیرلردی . بو کون جاری اولان اصولده بودر . بعض انکلیر بارولری ، تودورلدن وایلک ستوارتلردن مهم موقعلر اولدقلرندن دولایي دکل ، بالعکس نفوسلرینک آزلغندن و مبعوثلری قولایجه مقام حکمدارینک تحت حکم ونفوذنده طوتولمق قابل اولاجفندن دولایي مبعوث انتخاب ایتک حقی استحصال ایده بیلمشلردی . فی الحقیقه ، انتخاب حق ، علی العاده ، اوموقی اداره ایدن شورایه عائد ایدی . بوشورا ایسه عددی محدود بر هیئت مخصوصه دن عبارتدی . وقتیه مهم برر موقع اولان بر طاقم بارولر مرور زمان ایله انحطاطه اوغرامشلردی . اوصورتده که اون دو قوزنجی عصر باشلانغجده پارلمنتو اعضالرینک چوغی فعلی بر جماعتی تمثیل ایتمه یورلردی ؛ حقیقته یا کندی باشلرینه دوام ایدوب کیدن بر طاقم کوچوک زمره لر یاخود اراضیه مالکیت سایه سنده دائرهٔ انتخابیه نک بر قاچ منتخبنک رایلرینه حاکم اولان پاترونلر طرفندن تعیین ایدیش بولونیورلردی . پارلمنتونک انتخاباتی پشین پاره مقابله صائق علی بر اصول حالته کیرنجه بو بررزالت تشکیل ایتدی . فرانسه یه قارشى اوزون بر مجادله نک بطائنه سوق ایتش اولدیغی بو اصلاحات

لزومی صلحدن سوکرا تکرار میدانه چیقدی و بوده نهایت
۱۸۳۲ اصلاحات قانونه منجر اولدی [۱]. بو اصلاحاتك هدفی
مملكتك تمثیلی کیفیتنی یکی تمللر اوزرینه استناد ایتدیرمکدن
زیاده آشکار بر سوء استعمالی ازاله ایتمکدی. فنانغه بر آز قابا
و پكده دوغزو اولمایان بر علاج تطبیق اولوندی. ایکی بیکدن
آشاغی نفوسی اولان و پارلمنتویه اعضا کوندردن بارورلر قماراده
تمثیل ایدیلک حقنی تماماً غائب ایتدیلر. ایکی بیکدن درت بیکه
قدر نفوسی اولانلر بر مبعوثلقدن محروم قالدیلر. بو صورته
آرتان مبعوثلقلر قانونتیلرله اوزمانه قدر مبعوث چیقارماش
اولان یکی بویوک شهرلر آراسنده همان همان مساوی صورته
تقسیم ایدیلدی [۲]. فقط دوائر انتخابیه ینه نفوس اعتباریه
پك غیر مساوی قالیورلردی. ذاتاً اصلاحاتجیلر دوائر انتخابیهك
مساواته ذره قدر اهمیت ویرمیورلردی.

۱۸۶۷ قانونی ده عینی اصولی تعقیب ایتدی. بو قانون ،
کوچوک شهرلردن یکیدن بر طاقم مبعوثلقلر آلاق بونلری
دها بویوک شهرلره و قاوتی لره ویردی. صورت عمومیده ،
مبعوثلرك مقدارینی دوائر انتخابیهك اهمیتی ایله متناسب برحاله
صوقغه قیام ایتهدیلر. معافیه ، بعضی بویوک شهرلر اوچ

۱۸۶۷
اصلاحات قانونی

[۱] انکلتره ایچون 2 Will., IV., c. 45 ؛ اسقوچیا ایچون
2-3 Will., IV., c. 88 ؛ ایرلندا ایچون 2-3 Will., IV., c. 65
[۲] اسقوچیا یه سکر ، ایرلندایه بش مبعوثلق علاوه ایدیلدی .

مبعوثه نائل اولدیلر . بونقطهده پک شایان دقت بر تجربه یاپلدی . اقلیته بر مبعوث ویرمک غایه سیله اوچ مبعوث چیقارمنه حق اولان بارولرک - که بونلره اوچ بونوزلی دوائر انتخابیه دیرلردی - متخبلرینه آدم باشنه یالکیز ایکی مبعوث ایچون رأی ویرمک مساعده سی بخش اولوندی . بوصورتله ، مملکتک اقسام سائرهنه نسبتله بارونک حقیقی مثللرینک مقداری تنقیص ایدیلوردی . مثلاً مانچسترده لیرالر غالب کلیرسه اغلب احتماله کوره عوام قاماراسنده ایکی لیرال ویرمحافظه کار مبعوث طرفندن تمثیل ایدیله جکدی . یالکیز ، فرقه اساسنه مستنداً رأی طویلانان بر مسئلهده بر محافظه کار اعضا بر لیرال اعضانک رأیی حکمدن دوشوره جکی ایچون ، مانچستر یالکیز بر رأیه مالک قالیوردی ، دهها آز مهم بر بارونک اهمیتک یالکیز نصفی حائز اولیوردی . چونکه اوبارو عینی فرقه یه منسوب ایکی مبعوث طرفندن تمثیل ایدیلوردی . تجربه اوقدر آز ممنونیت تأمین ایتدی که مؤخرأ بوندن صرف نظر اولوندی . بو تجربه بالخاصه بوکون حائز اهمیتدر . چونکه اوچ مملک انتخابی حق قازانق مقصدیله بویوک بر فرقه اکثریتی تشکیل ایتک یولنده صرف ایدیلن جهد و غیرت بیرمینغام فرقه مجلسنی caucus وجوده کتیردی . بونک تشکلی وتولدی باشقه بر باده تعریف اولونا جقدر . اوچ مبعوثی بعض دوائر انتخابیه ایله یالکیز بر مبعوث کوندن بر چوق بارولر استننا ایدیلیرسه ، انتخاب دائره لری حالا ایکی مبعوث

تعیین ایلورلردی. اوچنچی وصوکنجی بویوک پارلمنتو اصلاحاتنه قدر تعقیب ایدیلن قاعده ایشته بوایدی .

۱۸۸۵ ده کی تکرار توزیع قانونی Redistribution Act

۱۸۸۵

اصلاحات قانونی

بوتون انکلیز اصلاحاتلری کبی ، اسکی فکرلره یکی فکرلر آراسنده آز چوق بر اوزلاشمه دن عبارت بولونمقله برابر ، مساوی بر حاله صوقولمش اولان انتخابات دائره لرینک هربری تک بر مبعوث تعیین ایده جکی پرئسیپی اوزرینه استناد ایدیوردی . تمثیل اساسی اولارق ، طوپدن ، اللی درت بیک نفوسه بر مبعوثلق حساب ایدیلدی . بو پرئسیپی ، موقع مرعیتده کی سیسته مه ممکن اولدینی قدر آز تحولات یابه رق اویدورمق ایچون ، اون بش بیک نفوسه مالک اولمایان بارولر مبعوث چیقارمقدن محروم ایدیلدیلر ، انتخابات نقطه نظرندن ، داخل بولونقلری قاوتی لرك ساده جه بر پارچه سی حاله کلدیلر . نفوسلری اون بش بیکدن اللی بیکه قدر اولان بارولر بر مبعوثلرینی محافظه ایتدیلر ، یاخود ، اولجه مبعوثلری یوقسه شیمدی بر مبعوث چیقارمق حقنه نائل اولدیلر . اللی بیکدن ۱۶۵ بیکه قدر نفوسی اولانلره ایکی مبعوث اصابت ایتدی . نفوسلری بو عددی تجاوز ایدنراوچ مبعوث چیقاراجقلردی . فضلهر اللی بیک مبعوث ایچون ده آریجه بر مبعوث دها انتخاب ایتمک حق بولونا . جقدی . قاوتی لرایچون ده عینی قاعده عمومیه قبول اولوندی [۱] .

[۱] اسفوجیانک برچوق کوچوک قاوتی لری تک بر مبعوث انتخاب

ایتمک ایچون ایکیشر ایکیشر برلشدیرلشدیر . فقط بوترتیب ، ۱۸۸۵ قانونندن مقدمدر .

اولجه ایکی مبعوث انتخاب ایدن ویکی ره ژیمدهده عینی حقی
 محافظه ایله یین بارولر پارلمتونک بوایکی اعضاسنک انتخابی ایچون
 تک بر دائرۀ انتخابیه وجوده کتیر مکده دوام ایتدیلر. بوبارولرک
 مقداری یکریمی اوچدر [۱]. بونلره لوندره شهری ایله اوچ
 دارالفنون (اوقسفورد، لمریچ ودوبلین) ضم ایدیلرک اولورسه
 ایکیشر مبعوث انتخاب ایدن یکریمی یدی دائرۀ انتخابیه وار
 دیمکدر. سائر بوتون دوائر انتخابیه برر مبعوثلی دائرهلردر.
 بونلری، ایکیدن فضله مبعوث چیقاران قاوتی لری، بارولری
 وایکی مبعوثلری اولان یکی بارولری هربری کندینه خاص برنام
 طاشیدان آیری انتخابات دائرهلرینه تفریق صورتیه تشکیل ایتدیلر.
 ۱۸۳۲ و ۱۸۶۷ اصلاحاتلرینک عوام قاماراسنده مبعوثلرک
 مقدارینی دیکشدرمه دیکنی، یالکیز اسکیدن موجود ۶۵۸
 مبعوثلغی دوائر انتخابیه ییکی باشند توزیع ایتدیکنی تصریح ایتک
 ایجاب ایلر. ۱۸۶۷ تاریخنده، آلتی مبعوث انتخاب ایدن درت
 بارو انتخاباتده فساد یوزندن حق انتخابدن محروم ایدیلنجه
 بومقدار ۶۵۲ یه تنزیل ایدیلدی. ۱۸۸۵ اصلاحاتی مبعوثلرک
 مقدارینی ۶۷۰ حقیقاردی. اوتاریخندن بری بومقدار دیکشمه مشدر.
 ۱۸۸۵ تاریخنده مبعوثلرک توزیعی، انتخابات دائرهلری
 آراسنده پک تقریبی بر مساوات تأمین ایتدی. مرور زمان ایله
 [۱] بونلردن انکلترده یکریمی، غال الکاسنده، اسقوچیاده
 وایرلانداده برر دانه واردر.

تمثیلده
 عدم مساوات

آراده کی فرقلر دها آرتدی . اودرجه ده که بوکون انتخابات دائرلرینک وسعتنده عظیم فرقلر واردر . اک کوچوکی ، ایرلانداده نوری Newry دائرۂ انتخابیه سیدر که ۱۹۰۱ تحریر نفوسنده آتجق ۱۳۱۳۷ نفوسه مالک اولدینی کورولمشدی . وضعیت مخصوصه سی دولایسیله ایرلاندای استنا ایده جک اولورساق ، انکلتړه نك اک کوچوک دائرۂ انتخابیه سی ، ۱۴۹۳۵ نفوسه مالک اولان مورهام شهریدر . اک بویوک دائرۂ انتخابیه یی ده اسکس قاونتی سنک جنوب قسمی تشکیل ایدر که ۲۱۷۰۳۰ نفوسی واردر . اوصورتده که بوکون اک بویوک دائرۂ انتخابیه اک کوچوک دائرۂ نك همان همان اون بش مثلی فضله نفوسی محتویدر [۱] . بومساواتسزلقلره یالکز بویله ایکی اوجده بولونان دواژده تصادف اولونماز . بوتون دواژده ، دها خفیف نسبتده اولق اوزره ، موجوددر . چونکه بعض دواژ انتخابیه سائر برچوق دائرلردن ایکی ، اوج دفعه بویوکدرلر .

یالکز ، بوتون آرانک تمامی تمامه یکدیگرینه مساوی . عددده اولماسی عدالت سیاسیة ایچون اساسلی بررئسیپ تشکیل

[۱] قاونتی دائرۂ انتخابیه لری مطلقا بارو دائرلردن دها بویوک پاخود دها کوچوک دکدرلر . مثلا ، واندسوورت باروسنک نفوسی ۱۹۰۱ ده ۱۷۹۱۷۷ یه بالغ اولیوردی . بورقلر تک بر مبعوث انتخاب ایدن دواژره عائددر . چونکه ایکی مبعوثلی بارولرک اهاالیسی ایکی یه آیریلدینی زمان ، بو بارولر نه اک بویوک نه اک کوچوک دواژ انتخابیه میانہ کیرمه یورلر . (Com. Pap., LXII., 333)

ايتديكى قناعى بىلىنمىز، بوقىل فرقلر بويوك براهىمى بوقدر.
 شو شرط ايله كه ملتك برقسى ياخود دها دوغروسى برصنف
 افكار ويا منافع ديكرىنك ضررىنه اولارق صريح صورتده مظهر
 لطف و معاونت اولمايدير. حالبوكه پارلمنتوده بويله برطرفكرك
 اثرى مشهوددر. بو، اجتماعى صنفلر ياخود ملتك اقتصادى
 منافعى آراسنده وقوعه كليهور. چونكه بوقىل مساواتسزلىقلر،
 عطف اهميت ايديله سنى استلزام ايديله جك درجده بارزدكلدرلر.
 يالكز، مملكتك مختلف قسىملرى عىنى نسبت داخلنده تمثيل
 ايديله نور.

انكلتره نك بعض قسىملرى چارچاق انكشاف ايتدكلى ايرلاندانك فضله
 حالده ايرلاندانك نفوسى صوك عصر ك نصف اخيرنده جدا تمثيل ايديله سى
 تناقص ايله مشدر. بونك نتيجه سى اولارق، بوتون انكلتره
 ايچون وسطى نسبت ۶۲۷۰۳ نفوس باشه بر مبعوثدن عبارت
 اولديغى حالده نفس انكلتره آنجق ۶۶۹۷۱ نفوس بر مبعوثه مالك
 بولونيور. ايرلانداده ايسه ۴۴۱۴۷ نفوسده بر مبعوث اصابت
 ايدىيور. مبعوثلقلر نفوس نسبتنه كوره دوغرو بر صورتده توزيع
 ايدىلك لازم كلسه ايدى ايرلاندادا اوتوز مبعوث غائب ايديله جك،
 انكلتره همان همان او قدر مبعوث قازانا جقدى. اسقوچياده
 مبعوث تزويد ايتك، غال الكاسندن اوچ مبعوث آزالتمق
 ايجاب ايديله جكدى.

انكلتره نك و ايرلاندانك نسبي صورتده تمثيلى كيفيتى غايت

مبرم ومهم بر مسئله در. چونکه پارلمنتو ره ژیمی آنحق بر فرقه هیئت
 وکلایه متین بر استنادگاه عرض ایده بیلکه قادر برا کثرت مالک
 اولق شرطیله طبعی بر صورتده ایفای وظیفه ایده بیلیر. حالوکه
 ایرلاند امبعوثلری ایچنده سکسانی ملیتپروردلر. بونلر ایکی بویوک
 فرقه دن هیچ رینه منسوب دکدرلر و عمومی بر انتخابات نتیجه سنده
 میزان اقتداری اللرینه آلابیلرلر و سیاسیاتده تشوشه باعث
 اولابیلرلر. ناصل که ۱۸۸۵ انتخاباتدن صوکره بویله یامشلردر.
 ایرلاند امبعوثلرینک تنقیص مقداری نتیجه سنده غائب ایده جکلری
 یکر می بش صاندالیه بوتهلکه کی مهم صورتده آزالته بیلیر.
 محافظه کاران حکومتنه، طرفدارلری، بوا ایرلاند امبعوثلقلرینک
 انکلتزیه دورینی متصل توصیه ایدوب دوریورلردی. ۱۹۰۵
 تاریخنده محافظه کارلر قابینه سی استعفا سنی ویرمکه مجبور اولدینی
 صیراده، بونی یامغه حاضر لانیوردی. ایرلاندانک مدافعلری
 بونک اتحاد قانوننه قارشی بر ضربه تشکیل ایده جکنی سویله -
 یورلردی. او قانونی، عوام قاماراسنه یوز مبعوث کوندرمک
 اوزره ایرلاندایه بر حق تأمین ایدن بر نوع معاهده ماهیتده
 تلقی ایدیورلردی [۱]. فقط ایرلاندان فضله مبعوثلقلری
 نزع طرفدارلری، اتحاد قانوننک احکامی تبدل احوال و شرائطه
 رغماً، الی الابد مجبوری الاجرا اولامایه جغنی جواباً درمیان
 ایتمکده ایدیلر. ۱۸۶۸ ده انگلیقان کلیساسنک، ایرلانداده

الی الابد طانه جفی حقده اتحاد قانوننده کی احکامه رغماً ، آرتق
طانماش اولدیغی خاطر لاتدیلر [۱] . احوال و شرائطده
مبعوثقلرک یکی باشند توزیعنی ایجاب ایدہ جک صورتده بر تحول
کورولدیکنی ایلری یه سور دیلر . ایرلاندا لیلر ایسه آنغلیقان
کلیسائی حقده کی معاملہ یی خلقک کندی آرزو ایتش اولدیغی
و ایرلاندا نك ، کندی لہنہ اولارق موضوع احکامدن واز
کچمکہ حق بولوندیغی مدافعہ ایتدیلر . معافیہ ، شوراسنی
سویلہ مک اقتضا ایدر کہ کلیسا حقده کی احکام نہ ایرلاندا نك
نہ ایرلاندا لیلرک منفعتی ایچون قونولمامشدی ، یالکز خلقک
بر اقلیتک لہنہ اولارق وضع ایدیلشدی .

باشقہ طرفلردن آنان مبعوثقلرک نقلی ایچون انکلتزہدہ
یکی دوائر انتخابیہ تشکیلی بویوک مشکلات عملیہ تولید ایدہ جکدر .
بوتون مبعوثقلری یکیدن توزیعہ لزوم کوسترمسہ بیلہ بواش
متعدد حوالیدہ بر طاقم تعدیلاتی ایجاب ایتک ضروریدر . بر
فرقہ غایہ سی کوزہ تیله رک انتخابانہ کورہ جغرافیایا تقسیماتی یاپلیدیغی
اتہامنہ معروض قالدقدن باشقہ پارلمنتو اعضالردن بر چونغک
منافع شخصیه سنی کوزتمک مجبوری قیدہ حس اولونا جقدر . بو
تعدیلاتدن ضرر دیدہ اولان ہر مبعوث بویوزدن کندی مبعوثلغی
ال دن کیدہ جک قورقوسنہ دوشہ جکدر . انکلتزہ کی بر کرہ
بر مبعوثلق صاندالیہ سی الدہ ایتش ذواتک فرقہ سی طرفندن

مکرراً نامزد کوسترلمکه غیر قابل اعتراض بر حققری موجود
اولان مملکتده بوقیل شکایت واندیشه لرك بر اهمیت مخصوصه سی
واردر .

انکلیز لرك، دوائر انتخابیه یی آنحق اوزون فاصله لرله تعدیل
وبونلر آراسنده مبعوثلری توزیع ایتک ، بومقصدله یاپیلان بر لایحه
قانونیه یی هر یکی تحریر نفوسک بر نتیجه طبعیه سی کی تلقی ایده جک
یرده پک زیاده اهمیت سیاسی یی حائز بر تدبیر استثنائی کی تلقی
ایله مک یولنده کی عادتلری انتخابات غایه سنه کوره صیق صیق
جغرافیایی دیکشدریمکه قالمق تمایل لرینه ممانعت کی بر فائده یی
حائزدر . فقط، بوکا مقابل دوائر انتخابیه مسئله سنی بر تشکیلات
اساسیه مسئله سی ، عادتاً بر انقلاب مسئله سی حاله کتیریر . بوکا
تشبث ایدیلندن، ده اول، اوزون وجدی بر کورولتودوره سی
کچر . ایش دائماً بر فرقه مسئله سی شکننده مناقشه اولونور .
بو، دائمی بر مشکلات دیمکدر . چونکه نفوسک ، تمثیلده کی نسبتی
لاینقطع اخلاص ایده جک صورتده تبدیل موقع ایتمه سی آراده
صیراده ، موقوت بر صورتده ، مبعوثلرک طرز توزیعنی دیکشدر
یرمه یی ضروری بر حاله صوقاسی طبعیدر .

انکلیز لرك
مبعوثلقری توزیع
اصولنک نتیجه لری

حق انتخاب
حق انتخابک توسیع و تشمیلی ده اوزون مدت مهم بر تشکیلات
اساسیه مسئله سی تشکیل ایتدی . فقط زمانمزده اودرجه ده تام
بر صورتده حل ایدیلشدرکه آرتق بوکا عینی اهمیت عطف ایتک
قابل اولاماز . ۱۸۳۲ اصلاحات قانونندن اول ، قاوتی لرده

حق انتخاب منحصرأ اراضی به مالکیت اساسه استناد ایدردی .
 بوباده ، ۱۴۲۹ تاریخده اسکی بر قانون واردی [۱] که حق
 انتخابی قرق شیلینک سربست اراضی صاحبجرینه freeholders
 حصر ایدیوردی . یعنی ، واردات سنویه سی قرق شیلینه بالغ
 اولان اراضی به مالک اولان یا خود هیچ دکلسه بوندن استفاده
 حقنه صاحب بولونان کیمسه لرا انتخاباته اشتراك ایده بیلرلردی [۲] .
 بارولرده حق انتخاب هیچ برمطرد پرنسپه استناد ایتزدی .
 عاده یا خود قصبه نك عرفنه کوره دکشیردی . بعضأ اراضی به
 تصرف لازم کلیردی . بولوندیغی محله اقامت هر زمان بر شرط
 اصلی تشکیل اتمه دیکندن متخبرك ، رأی ویردکلی یرلرده
 یاشامادقلمی واقع اولوردی . حتی آرتق برتك نفوسی قلاماش
 بارولر طرفندن انتخاب ایدیلش پارلمتو اعضالری کورولوردی .
 بعض یرلرده حق انتخاب ، شهری اداره ایدن هیئته عائدیدی .
 باشقه یرلرده بوتون حر و طنداشلر freemen ، بر طاقلمنده ده
 محلی ویرکولری تأدیه ایدن اقامتگاه صاحبجرلی householders
 حق رأیدن مستفید اولورلردی . بریرده حق انتخاب بوتون

8 Hen. VI, c. 7 [۱]

[۲] اسقوچیا ایچون بو واردات سنوی ۴۰۰ لیرا اولق لازمدی .
 مکرکه اراضی old extend اولمالی . ایرلانداده ۱۸۲۹ ده یاپیلان
 بر قانون بوسنوی واردات یکونتی اون لیرایه قدر چیقارمشدی . بوندن ده
 مقصد رأی طویلانمازدن برآز اول بر طاقم « متخبرلر ایجاد ایتک »
 بولنده کی حیللره میدان ویرمه مکدی .

اهالی به بخش ایدیلشدی. بوراده حق انتخابك ۱۸۳۲ اصلاحات قانوندن صوکره کی وضعته نسبتله دهام وشامل اولدینی آشکاردر . بناءً علیه بوقانون ، نتیجه اعتباریله حق انتخابی پك چوق توسیع ایتمش واسکی منتخبلك حقوقه رعایت کوسترمش اولمقله برابر بعض یرلرك حق انتخابی استقبال ایچون جدی صورتده تحدید ایدیور دیمکدی [۱] .

۱۸۳۲ قانونی قاوتی لرده حق انتخابی اراضیه مالکیتیه وابسته طوتمقده دوام ایتدی . فقط بعض نقطه لرده بونی تحدید ایدیور ، بعضیلرنده ایسه دهام زیاده توسیع وتشمیل ایله یوردی . انتخاباده تأمین موفقیت املیه قرق شیلین وارداتلی سربست قاوتی لر اراضی صاحب لری ایجاد ایدیله سنه میدان ویرمه مك ایچون قانون بر منتخبك ، یدنده کی اراضیه آلتی آی مدتله صاحب اولمش اولماسنه لزوم کوستریوردی . یالکز ، بو اراضی بی میراث ، هبه ، ازدواج یاخود بر وظیفه رسمیه توجیهی مناسبیله الده ایتمش ایسه انتخابدن آلتی آی اولدن بری تصرف قیدینه حاجت قالمایوردی [۲] . كذلك ، اراضینك رقبه سنه مالك اولمایوبده یالکز اوندن حق استفاده لری اولانلرده بو حقی عینی طریق لره اکتساب ایتك یاخود اراضی بی صورت حقیقه ده اشغال ایله مك

[۱] بارولرده حق انتخاب ایرلان داده ده انکلترده اولدینی قدر قاریشیق ایدی . اسقوچیا ده منحصرأ قرالی بارولرك شورالینه عائد ایدی .
۱۸۳۲ اصلاحات قانونی

لازمی . یالکز ، اراضینک سنوی اون انکلز لیراسی ایراد کتیردیکی پک آشکار صورتده بللی اولورسه اوزمان بوقیدلره حاجت یوقدی [۱] . دیگر طرفدن ، قانون قاوتی لرده حق انتخابی سنوی اون انکلز لیراسی ایراد کتیرن اراضیه Copyhold [*] یاخود آلتش سنه ایچون leasehold [**] صورتیه مالک اولانلره تشمیل ایدیوردی . lease صورتیه تصرف یکریمی سنه ایچون ایسه واردات سنویه اللی لیرا اولمق ایجاب ایدردی . بوتصرف حقنه مالک اولان کیمسه اراضینی بالفعل ، جداً اشغال ایتش بولوندیغی تقدیرده حق تصرفنک مدتنه باققسزین سنوی اللی لیرا واردات کتیرمه سی انتخاباته اشتراکی تأمین ایلوردی [۲] .

اصلاحات ، بارولرده اساسلی وتام برتحول وجوده کتیردی . بارولرده برحیات بولونان متخبلرک شخصی حقارینه دوقونمادی [۳] وحروطنداشلرک حق انتخابه مالک اولدقلری شهرلرده بوحقارینی

[۱] کذا ، § ۱۸ .

[*] بوصورتله اراضیه مالک اولان کیمسه ، حقنی اظهار ایچون یالکز لورد محکمه سنک کاتبی طرفندن طوتولان دفترک قویه سنی کوسترمکه اکثفا ایدر .

[**] معین بر ایراد مقابلنده معین بر زمان ایچون اراضیه تصرف .

[۲] 2-3 Will. IV, c. 45, § 19, 20 . بوسوک شرط

لایحه یه مذاکره ائاسنده علاوه ایدیلدی . تقریر صاحبینک اسمنه اضافتله بوکا Chandose Clause دیورلر .

[۳] کذا ، § ۳۳ .

قبول ایتدی [۱]. فقط، بونلر استئنا ایدیلیرسه، بوتون اسکی شرائطی قالدیردی [۲] ویرلرینه منحصرأ اراضیه تصرف یاخود دهادوغروسی اراضی بی اشغال اساسی اوزرینه مستندومطرد برحق انتخاب اقامه ایلهدی. بویکی وضعیت بوتون انکلتراهیه شامل ایدی. صاحب یاخود مستأجر صفتیله برأوه، بردکانه یاخود عرصه ده داخل اولمق اوزره سنوی اون انکلیز لیراسی ایراد کتیزن هر هانکی بر بنایه مالک اولان آدم لر حق انتخابدن مستفید اولیورلردی. دیمک اولیورکه بارولرده حق انتخاب قاوتی لرده اولدیغی کبی اراضیه استناد ایدیورلردی. فقط بونک نتیجه سی بوتون بوتون باشقه صورتده تجلی ایتدی. آرزو اولونان ده بو ایدی. قانونی پاپانلرک قاوتی مبعوثلرینک اراضی بی، بارو مبعوثلرینک ده نفوس عددینی تمثیل ایتمه لرینی ایسته دکلری سویلنمشدر. آشاغیده کوروله جکی وجهله، بارولر، حقیقته عدد نفوسی ارأه ایتمه مشلردر. فقط قاوتی لر هیچ شبهه یوق که ملکیتی تمثیل ایدیورلردی. شاندوسک لایحه صاحب لرینک محالفته رغماً علاوه ایتدیردیکی اللی لیرا اجاره ایله تصرف ایدیلن

[۱] کذا، § ۳۲. یالکنز، مؤخرأ حق انتخابه مالک اولنالی قبول ایدیلن حر وطنداشلر بو حریتلرینه بالارث یاخود بالخدمه صاحب اولمش ایسه لر رأی ویره بیلرلردی.

[۲] کذا، § ۲۳. § ۳۱ نجی ماده موجبنجه فرق شیلین ایراد صاحبی حر اراضی صاحب لری، برقاوتی تشکیل ایدن بارولرده حق انتخابی محافظه ایدیورلردی.

اراضی مستأجر لرینک ده حق انتخابه مالکیتلری قیدی بوکاخلل
کتیره مه مشدی . قاوتی لرده منتخبلر هیئت اراضی صاحب لریله
بعضی بویوک مستأجر لردن ترکب ایدیوردی . شهر لرك منتخبلری
ایسه بویوک اورته صنفی محتوی بولونیوردی .

دها صوکرده ، عینی دوره اجتماعیه اثناسنده ، استوجیا [۱]
وایرلاند [۲] ایچون ده بوکا مشابه قانونلر قبول ایدیلدی . اوچ
قراللقده انتخابات مسئله لرینی آیری آیری قانونلرله حل ایتک
عادتی ۱۸۸۴ تاریخنه قدر محافظه اولونمشدر .

پارلمنتو انتخابانه اشتراک ایتک حقنه مالک کیمسه لرك دفتری
۱۸۳۲ قانونک نتایجی طوتمق اصولی بو دوره دن اعتباراً باشلادیغی ایچون ۱۸۳۲
قانونک منتخبلر هیئتیه نه نسبتده توسیع ایتمش اولدیغی صراحت
وقطعیتله تعین ایتک غیر قابلدر . فقط تام قانونک قبولندن اول
طوپلامش اولان ایستاتیسیتیلردن [۳] او دورده انکلترده و غال
الکاسنده بارولرده کی منتخبلرک عددی تقریباً ۱۸۰ بیکدن عبارت
کبی کورونیور . قانون تطبیق ایدیلر ایدیلر بومقدار درحال
۲۸۲۳۹۸ ده بالغ اولدی [۴] . قانوندن بالحاصه مستفید اولان بارولر

[۱] 23 Will. IV, c. 65

[۲] کذا ، ۸۸ .

[۳] Com. Pap , 1331-1832, XXXVI, 489

[۴] شایان دقتدرکه بومقداردن ۱۰۸۲۱۹ ی یعنی تقریباً ایکی
خمس حر وطنداشدر ، scot and lot منتخبلر (اسکی بر روحانی
ویرکونی ویرن مکلفین) و تقطیرجیلر (Potwallopers) و سائر

منتخب‌لرنده ديمك كه يوز بيك كيشليك برتزايد كورولمشد .
 بوتزايدك بويوك برقسى بوقانون سايه‌سنده ايلك دفعه اولارق
 مبعوث چيقارمق حقنه نائل اولان بويوك شهرك منتخب‌لرندن
 تشكىل ايدىوردى .

يكي ره‌ثيم هيچ برنقطه نظرندن دهموقراتيك دكلدى ونفوس
 مقدارى ايله‌ده متناسب بولونمايوردى . بوتون انكلتره ايچون
 اوتوز نفوسده بركىشي به انتخاب حق ويرييوردى . فقط مختلف
 دوائر انتخابيه ومملكته مختلف اقسامنه كوره پك بويوك
 فرق‌لر موجود ايدى . انكلتره وغال الكاسى قاوتى لرنده آراده‌كى
 نسبت وستمورلنده بشته بردن لانقشايرده اوتوزيديد بيه ،
 ميدل سكسده اوتوز دوقوزده بيه ، مريونتشايرده آلمشده بيه
 قدر تحول ايدىوردى . انكلتره وغال بارولرنده فرق ، بدفورد
 وآيلسبارى‌ده (كه بوراده سن رنده واصل اولمش بوتون ار ككلر
 حق انتخابه مالكديلر) درنده بردن صنايع ايله مشغول شهرلرده
 قرق بشته بيه قدر كيدىوردى . اسقوياده منتخب‌لر ايله نفوس
 آراسنده كى نسبت دها ضعيف ايدى . قاوتى لرده سلكيرك ده
 يكرمى درت كشيده بردن سوترلنده دوقسان يديده بيه قدر
 دكيشوردى . بارولر ياخود دائره‌لرده ، دلين دائره‌سنده
 يكرميه بردن لينيتغوو دائره‌سنده قرقده بيه قدر تحول ايتمكه

ايديلر . بونلرك اسكى حقليه رعايت ايديلدى . بالطبع قديم بارولرده
 بولونيورلردى . Election Returns (Boroughs and Coun-
 ties) Com. Pap., 1866, LVII, 215, p 8.

ایدی . ایرلندا قاوتی لرنده قارلووده الی سکزده بردن تیرونده
ایکی یوز آلتیش برده بره فیرلایوردی . بارولرده فاریققرغوسده
وواتر فورده دوقوزده بردن ترالده الی اوچده بره قدر
چیقوردی .

پارلمنتو اعضالریک نفوسه نسبتی ایسه دهها غیر مساوی
ایدی . مؤخرأ اورتیه چقان اصلاحات طرفدارلری بونی
پک اعلا نظر دفته عرض ایتدیلر . بارولرک نفوسک نصفی
اون آتی باروده تکثف ایتشدی . بونلر یالکز اوتوز درت
مبعوث انتخاب ایدیورلردی . ایکی بوچوق میلیوندن آزاوان
دیگر نصف ایسه ایکی یوز دوقسان اوچ مبعوث چیقاریوردی .
قاوتی لرده سکز میلیونلق برکتله آنجق یوز قرق درت مبعوث
انتخاب ایتمکده ایدی . بناء علیه ، انکلتزده نفوسک برخسمندن
آزی مبعوثلرک همان همان نصفی انتخاب ایدیور دیمکدی .
بو مبعوثلر بارولر طرفندن انتخاب ایدیلدکری جهته بارو
مبعوثلریک عوام خلق کتله لری تمیل ایتدکری ادعاسنه
امکان یوقدی [۱] .

صوکره کی

مستر غ . لووس ویقسنون ، اون دوقوزنجی عصرده

اصلاحات لایحه لری

پارلمنتونک انکشافی Development of Parliament during the Nineteenth Century اثرنده [۲] ، ۱۸۳۲ قانونی

[۱] متخیلرک و مبعوثلرک نفوس ایله نسبتلری کوسترن بورقلر

انتخابات مصارفاتی حقدنه برراپوردن آلتشدر ، 1834, Com. Pap.

IX, 236. App. A.

[۲] ۴۷ نجی و متعاقب صحیفه لر .

عامللرینک ده موقراسی یه قاپی آچق نیتنی هیچ بسله مه مکله برابر،
اصلاحاتلری انتخابات مسئله سنک قطعی بر چاره حلنی تشکیل
ایده میه جکنی ورأی عام طریقه دوغرو دها باشقه مساعداته
بالضروره منجر اولاجغنی سویله مشدر . بوباده کی ایلک آدمی
ایرلانداده حق انتخاب ایچون الزم اولان ویرکو مقدارینک
۱۸۵۰ ده خفیفجه تنزیلی تشکیل ایتمشدر [۱] . بونک آرقه سی
صیرا انکلتزه ایچون غایت معتدلانه اصلاحات تکلیفلری درمیان
ایدیلدی . فقط بونلر عوام قاماراسنده رده اوغرا دیلر [۲] .

۱۸۶۷ قانونی فرقه سنک تربیه سنه ، حق انتخابک توسیع وتشمیلی لازم
کله جکنی نهایت قبول ایده جک درجه یه کذجه یه قدر دوام ایتش
اولان دیزرائلی ، ۱۸۶۷ ده بر لایحه قانونیه تقدیم ایتدی .
عوام خلق کتله لرینک تحکمنه قارشی بونده برطاقم تأمینات
واردی . اوتارینخده مرعی اولان اصوله کوره ، عمله صنفلرینک

13-14 Vic., c. 69 [۱]

[۲] بولایحه لر حقنده کی مذاکرات اوقوندیغی زمان ، اجنیلر
ویرکویه تابع ایراد *ratable value* ایله آشکار ایراد سنوی
clear yearly Value آراسنده کی فرقدن حیرته دوشرلر . آشکار
ایراد سنوی دیمک ویرکو دفترلرنده « تخمین ایدیلن واردات غیر صافیه »
Gross estimated rental دیمکدر . ویرکویه تابع ایراد ایسه
تخمین ایدیلن واردات صافیه سنویه در . غیر صافی واردادن موقعه
کوره دیکشن بر مقدار تنزیل ایدیلهرک تخمین اولونور . بوتنزیل ایدیلن
مقدار ، وسطی اوله رق یوزده اوندر .

یالکز خفیف بر قسمی بارولرده حق انتخابه مالکدی [۱].
 دیزرائلی منتخبلر هیئت ایچنده کندیلرینه غالب بر اهمیت ویرمه مکه
 برابر صرفه عمله لک دها بویوک بر قسمی انتخابه اشتراک ایتدیرمک
 فکرنده ایدی. فقط پارلمنتوده کی وضعیت غریب ایدی. صرف
 خصملرینک غوغالری یوزندن موقع اقتداره کلش اولان محافظه کار
 هیئت وکیله عوام قاماراسنده اکثریته مالک دکلدی، کندی
 افکار سیاسیه سنی ترویج ایتدیره مزدی. لیبرالره کلنجه،
 اقتدار موقعنده بولونمانک ویردیکی مسئولیت حسنی کندیلرنده
 کورمیورلردی. بونک نتیجه سی اولارق، لایحه برطاقم تعدیل
 تقریرلری ایله دیکشدریلدی. حکومتک قویدینی تأمیناتلر رد
 اولوندی. رأی عام اصولنه دوغرو کیمسه نک بکله مدیکی بویوک
 برآدیم آتیلدی.

۱۸۶۷ قانونی [۲]، قاوتیلرده انتخابه اشتراک ایچون
 ایجاب ایدن ویرکو مقدارینی اراضی صاحب لری واوزون مدته
 اراضی مستأجرلری ایچون اون لیرادن بش لیرایه ایندیردی ویکی
 برمنتخبلر صنفی وجوده کتیردی که بونلر سنوی اون ایکی لیرا
 اجاره ایله اراضی اشغال ایدن کیمسه لردن تشکل ایدیوردی.
 بارولرده ایسه حق انتخاب دها مهم صورتده تشمیل اولوندی.

[۱] انکلترده وغال الکاسنده بارو منتخبلرندن یوزده ۲۶،۳ ی

عمله صنفنه منسوب ایدیلر . Com. Pap. 1866, LVII, 47.

اسقوچیاده، بونسبت یوزده ۱۸،۳ ایدی . کذا 805, p. 12

[۲] 30-31 Vic. c. 102

چونکه بورالرده یکیدن ایکی صنف تأسیس ایدیلدی . اگ مهمی اقامتگاه صاحب‌لری householders صنفی ایدی . مال صاحبی یاخود برسنه‌لک مستأجر صفتیله بر اقامتگاه صاحبی اولان یاخود آیری بر اقامتگاه عد ایدیله‌جک صورته بر اؤک بر قسمنده ساکن بولونان کیمسه‌لر بوصفی تشکیل ایتکده ایدیلر . بدل ایجاره هیچ اهمیت ویریله‌یوردی [۱] . دیگر صنف ، عینی مدته سنوی اون انکلیز لیراسی غیر صافی ایراد کترین دوشه‌مه‌سز

[۱] لایحه‌ده کی تأمین‌تدن بری اقامتگاه صاحب‌لرینک معاونت خیره ایچون آیریجه مکلف بولونالری و ویرکولرینی تأدیه ایتیش اولمالری شرطی ایدی . اقامتگاه صاحبی طرفندن بو ویرکونک شخصی صورته تسویه‌سنی تأمین ایچون قانون ، مستأجرلر یرینه اوصاحب‌لرینی ویرکویه تابع طوعقی اصولی قالدیرمشدی . یالکیز بواصول مأمورین محلیه ایچون پک راحت برشیدی . بر چوق مستأجرلردن آزار مقدارده ویرکو طویلایه‌جق یرده بر قاچ اوه صاحب کیمسه‌لردن هپ بردن ویرکویی تحصیل ایتک امکافی موجود ایدی . حتی بوصورتله هپ بردن ویرکوسنی ویرن مال صاحب‌لرینه برتزیلات یا پلماسی‌ده اصولدن ایدی .

بواسکی اصولک قولایینی اوقدر چوقدی که ۱۸۶۹ ده بوکا تکرار مساعده ایدیلدی . قانون (32-33 Vic. c. 41) مال صاحبی طرفندن وقوعه کله‌جک بو طوپدن تأدیه‌نک انتخاباته اشتراک ایچون ویرکومقداری نقطه نظرندن ، مستأجر طرفندن وقوعه کیش کی تلقی اولونا جغنی قبول ایتدی . بو ، ویرکولرک شخصاً تسویه‌سی تأمین‌تدنک الغاسی ایدی . بواصوله ویرکولرک ترکیبی Compounding دیرلر . ویرکوسی مال صاحبی طرفندن تسویه ایدیلن مستأجرک اسمی مناقشاده Com-pound householder پوندیه کچدی . حالبوکه ترکیبه اساس اولان شی ویرکو ایدی ، او ومستأجری دکلدی .

آپارتمان مستأجر لرندن عبارتدی [۱]. ایرته سی دوره اجتماعیه ده اسقوجیا وایرلاند اچون ده بوکاپک مشابه عمومی قانونلر قبول ایدیلدی [۲].

۱۸۳۲ دن ۱۸۶۲ تاریخنه قدر ، ثروتک عمومی صورتده بونک نتایجی چوغالماسنه رغماً ، متخبلر هیئت نفوس ترایندن پک آز فرقلی بر ترایده نائل اولمشدی . انکلتزده وغال الکاسنده متخبلر عموم نفوسک تقریباً یکرمیده برینی تشکیل ایتکده دوام ایدیورلردی [۳]. حالبوکه اسقوجیاده بونسبت اوتوز دیدن

[۱] شایان دقتدرکه اون لیرالق مستأجر بر دکانی ، برده بویی یاخود هر هانکی بر بنایی اشغال ایده بیلیمک اعتباریله اقامتکاه صاحبندن فرقلی ایدی . اقامتکاه صاحبلی آنجق برأوده اوطورمق دولایسیله انتخاباته اشتراک ایدیورلردی . اون لیرا اجاره لی بر بنایی اشغال ایدنلرک بواجاردلری مقناری آشکار صورتده بللی اولق ایجاب ایلردی . حالبوکه اقامتکاه صاحبی اولق حق ، اقامتکاهک قیمتنه هیچده تابع دکلدی . ۱۸۶۷ قانونی موجبنجه ، اقامتکاه صاحبلی ، بر اؤک آیری بر اقامتکاه کبی تلقی اولونان قسمی اشغال ایده بیلیرلردی . حالبوکه اون لیرا ایجارلی بنا کراجیلری بوتون بنایی اشغال ایتکده مجبور ایدیلر . ۱۸۷۸ ده بر قانون ایله بو فرق قالدیرلدی . بر بنانک بر قسمنک مستأجرلری ده سنوی اون لیرا ایجار ویرمک شرطیله حق انتخابدن مستفید اولدیلر .

[۲] 31-32, Vic. c. 48-49

[۳] نسبت یکرمی ایکیده بردن برآز اکسیکدن یکرمیده بردن برآز فضلهیه قدر دکیشوردی .

اوتوزه اینمشدی [۱]. فقط ۱۸۶۷ و ۱۸۶۸ قانونلری منتخبلر هیئتک مقدارینی همان همان تضعیف ایتدیلر. قاوتی لرده، بو قانونلردن اول مقدارلری ۷۶۸۷۰۵ بالغ اولان منتخبلر ۱۸۷۱ سنه سنده ۱۰۵۵۴۶۷ یه چیقیدیلر. بارولرده ۶۰۲۰۸۸ دن ۱۴۷۰۹۰۶ یه یوکسلیدلر [۲].

۱۸۸۴ قانونی بدیهیدرکه منتخبلک شرائطی دوائر انتخابیه نك بر صنفده دیگر صنفه نسبتله اوزون مدت دهامساعد برشکلده قالامازدی. بارولرده کی حق انتخاب ارکچ قاوتی لرده شامل اولاجقدی. ۱۸۸۴ ده [۳] یاپیلان بر تعدیلات ایله بونقطه تأمین ایدیلدی؛ تعدیلات نتیجه سنده قاوتی لرك منتخبلر هیئتی ایکی مثلندن زیاده آرتدی. بناء علیه، بوکون، پرنسپ اولارق، حق انتخاب،

[۱] کذا، ۶۴۳. ۱۸۵۰ ده ایرلانداده حق انتخابک تشمیلی، نفوسک تناقصنه رغماً، قاوتی لرده منتخبلرک مقدارینی اوچ مثلی آرتیردی. دفترلرده مقید منتخبلرک تزايد مقداری حق انتخابه مالک کیمسه لرك تزايدی حقنده قطعی و دوغرو بر فکر ویرمديکني سويله مک اقتضا ایدر. چونکه فرفه تشکیلاتلری تکمل ایدنجه حق انتخاب شرائطی حائر هر آدمی دفتره نید ایتدیرمک یولنده کی جهد وغیرت لرده آرتمشدر.

Com. Pap. 1872. XLVII, 295 [۲]

[۳] 48-49 Vic., c. 3. قانون اقامتکاه صاحبی اولقدن متولد حق انتخابی کرک بارولر کرک قاوتی لر ایچون مال صاحبی یاخود مستأجر صفتیه دکل وظیفه و مأموریتلری حسبله بر آوی اشغال ایدنلرده تشمیل ایدیوردی. یالکیز، پاترونلری ده عینی اوده اوتورماق مشروط ایدی. بو، خدمتجیلری حق انتخابدن محروم براقق ایچون فونولمش برفقره ایدی. بوشرطه «خدمت حق رأی» دینیلیر.

بوتون انکلتره قر اللغده مطرددر. یالکز، بعض املاک صاحبلی
وبعض مستأجرلر قاوتی لرده حق انتخاب مالکدرلر وبعض اسکی
شهرلرده حق انتخاب حالا حر وطنداشلره عأددر. بارولرک
قسم اعظمی قاوتی لره داخل بولوندیغی ایچون اقامتگاه صاحبلی
یاخود آپارتمان مستأجرلری، تأدییه ایتدکلری عینی ویرکو
مقدارندن دولایی بو دائرة انتخابیهلرک هر ایکسیننده انتخاب
حقنه مالک بولونیورلر. اوصورته که بر بارو سکنه سی ایکی رأیه
صاحب اولیور. حالبوکه عینی شرائطی حائر فقط بر بارو
خارجنده مقیم بر آدمک یالکز بر رأیی بولومق لازم کلیور.
بو حقسنزلغه میدان ویرمه مک ایچون، قانون، برأوک، بر
آپارتمانک، براراضینک یاخود بارو داخلنده کرالانش هر هانکی
بر ملکک اشغالی قاوتی انتخاباتی ایچون حق رأی بخش ایتیه جکی
تصریح ایتشد [۱]. فقط بر بارو داخلنده کائن بر ملکک صاحبی
اوملکی بالذات اشغال ایتزه، بویوزدن، قاوتی داخلنده حق
انتخابه مالک اولابیلیر. کذلک، بر بارو داخلنده کی ملککی
کندی اشغال ایدن بر مال صاحبی، ویرکونک مقداری کندیسنه
بارو ایچون انتخاب حقنی بخش ایدن دیگر بر ملککی ده اشغال
ایتمک شرطیه حق انتخابدن مستفید اولور [۲].

2-3 Will IV, c. 45, § ۲۴؛ کذا 48-49 Vic. c. 3, 6 [۱]

و 30-31 Vic. c. 102, § 59

On Elections, I, p. 64-66 : Rogers [۲]

مراجعت توصیه لری برنجی جلدک ۱۶ نجی و ۲ نجی جلدک ۱۷ نجی
طبعنه تعلق ایدرلر.

شیمدیکی شرائط حق انتخاب شیمدی اساس اعتباریله مطرد اولمقله برابر انکلتره قراللغئک هر پارچه سی ایچون بر برینک عینی دکلدر و غایت قاریشیق برشیدر . صوئک قانونلر انتخاب حقنی بر قانون حالنده کوزلجه تثبیت ایتمه مشلدر . مسئله بر چوق قانونلر ایچنده داغینیق بر حالده دورمقده در . بو قانونلرک احکامی او قدر قاریشیق و چوق کره او قدر معقددر که محکمهلرک بو باده کی تفسیراتی تدقیق و تتبع ایدیلهدن آکلاشلمالری قابل دکلدر . تفرعات حقده معلومات استحصال ایتمک ایسته یه جک قارئلر روجرسک On Elections اثری کی خصوصی کتابله مراجعت ایتمیلدرلر . بزم ایچون الیوم موجود اولدقلری شکله حق انتخابک مختلف تمللرینی خلاصه ایتمک کافیدر .

حق ملکیت ایکی شرط واردر که عمومی دکلدرلر . بونلرک بری اراضی اوزرنده حقیقی حقوقه تعلق ایدر و یالکز قاوتی لره قابل تطبیق بولونور . برر قاوتی تشکیل ایدن بارولرده بر درجه یه قدر قابل تطبیق در [۱] . بو شرط ، سنوی قرق شیلین ایرادی بولونان اراضی صاحبیلرینه [۲] ، بویله بر اراضینک حق استفاده سنه [۱] برر قاوتی وجوده کتیرن بارولرده املاک صاحبیلری ایچون حق انتخابه مالک اولق اوزره لزوم کوستریلن ویرکومقداری قاوتی - لرده کننک تماماً عینی دکلدر . اوزون مدت اراضی الستیجار ایتمش اولانلرک حق انتخابده بورالره شامل اولاماز . انکلتره ده الیوم بو حقه مالک یالکز درت بارو واردر : بریستول ، اکسه تر ، نورویق ، نوئینگام ، باقکز : Rogers : On Elecitions, 1, 160

[۲] اعشارک تحویلندن یا خود سائر منابعدن متولد واردات حق انتخاب ایچون ملکیتنه معادل اراضی حقوقی تشکیل ایدر .

مالك اولان و اونی حقیقه اشغال ایدن یاخود اشترا طریقندن
غیری بر صورتله او اراضی بی الده ایلدین کیمسه لرله اراضیلری
سنوی آشکار صورتده بش انکلیز لیراسی ایراد کتیرن آدم لر
حق انتخاب بخش ایدر [۱] .

سنوی بش لیرا ایراد کتیرن اراضی مستأجر لیرینی ده ،
استیجار مدتی بدایتده لا اقل آلتش سنه اولارق تعیین ایدیلش
بولونق شرطیله ، بو صنفه ادخال ایتک لازمدر . استیجار
مدتی یکرمی سنه دن آشاغی دکلسه سنوی ایراد مقداری الی
لیرا اولق ایجاب ایلر [۲] . اسقوجیا و ایرلاندا ایچون عینی
اساسلر ایجاب ایدن ویرکو مقدارینک شرائطی و مقداری
نقطه لرنده برآز فرقلیدر .

عمومی اولمایان دیگر شرط ۱۸۳۲ دن اول حر و طنداشلری حر و طنداشلر
حق انتخابه نائل بولونان شهرلرده کی حر و طنداشلق حقیدر .
بوامتیاز الا آن قدیم بعض بارولرده موجوددر . یالکز لوندره
شهری بوندن مستنادر . تولد صورتیله یاخود چیراقلق طریقیه
حر و طنداشلق حقنی اکتساب ایتش اولانلره منحصردر .

[۱] اگر Copyhold ایله یاخود سائر صورتلره اشغال ایدیلش
اراضی ایسه هر حالده سنوی بش انکلیز لیراسی ایراد کتیرمک لازمدر .
[۲] ۱۸۳۲ قانوننک شاندوس ماده سی طرفندن قبول ایدیلن
الی لیرالق اوزون مدتی مستأجرلر اراضی بی بالذات اشغال ایتک
مجبوریتنده ایدیلر . بوکون اون لیرالق اراضی ذی الیدلری صنفه داخلدر .

دیگر اوچ اساس، تماماً مطرد اولماق له برابر، عمومیدر لر .
 بونلر اون لیرالق بریر اشغال ایدنلره و آپارتمانلره اوتورانلره
 تعلق ایدر لر . سنوی اون لرا ایراد کتیردیکی آشکار اولان
 برملیکی یاخود برملک مأجوری مال صاحبی یاخود مستأجر
 صفتیله اشغال ایدنلر حق انتخابه مالک اولور لر . مال صاحبی
 یاخود مستأجر صفتیله برأوی یاخود برأوک آیری برأو کبی تلقی
 اولونان پارچه سنی ، ایراد سنویسی نه اولورسه اولسون اشغال
 ایدن هر آدم حق انتخابدن مستفید اولور . مال صاحبی یاخود
 مستأجر اولمادیغی حالده ، وظیفه لری ، خدمت لری یاخود مأموریت لری
 ایجابی بر اقامتگاه اشغال ایدن و پاترونلری بونک داخلنده اقامت
 ایتمه ین کیمسه لرده بوصفه ادخال ایدیلکده در لر . غیر مفروش
 ایکن سنوی اون انکلیز لیراسی دکن بر آپارتمانده اوتورانلره
 حق انتخاب صاحبدر لر .

اشغال ایدنلر ،
 اقامتگاه صاحبی
 اولانلر ، آپارتمانلره
 اوتورانلر

بو پرنسیپلرک خصوصی احواله تطبیق بر چوق اختلافاته
 باعث اولمشدر . محکمه لر بر اقامتگاه صاحبی ایله بر آپارتمان
 کراچیسینی یکدیگرندن تفریق ایتمه نک چوق کره مشکل اولدیغی
 تسلیم ایتمشدر . انکله تره نک حکومتی تدقیق وتبع ایتمکدن باشقه
 برشیئه اهمیت ویرمه ین ، دفترلره بر فرقه له نه ممکن ارلدیغی قدر
 چوق مقدارده منتخب قید ایتدیرمه یی دوشونمه ین قارئلرایچون
 بوقیل مسئله لرک همان هیچ اهمیتی یوقدر . فقط متخبلر هیئت نک
 وسعتی نقطه نظرندن حائز اهمیت ایکی اوچ نقطه واردر .

سیاسی بر نتیجه‌سی اولان بونقطه‌لردن بری، لزوم کوستریلن اشغال مدتی اشغال مدتنه تعلق ایدر . قاوتی‌لرده ، بر اراضی‌یه ارث ، ازدواج یا خود مأموریتده بر ترقی ، الخ . صورتیله نائل اولمش اولان مال صاحب‌لرینک مثلاً شوقدر زمان‌ظرفنده اوملکه‌ک‌تصرف ایتمش اولمالرینه لزوم یوقدر . فقط سائر بوتون مال صاحب‌لری، متخبرلرک قید دفترلرینک تنظیمنه تقدم ایدن ۱۵ تموزدن آلتی آی اولندن بری او ملکه متصرف بولونمق شرطدر . دیگر متخبره کلنجه ، حر و طنداشلردن غیری‌لری ، ویرکوسنک مقداری کندیلرینه انتخاب حق بخش ایدن ملکی یا خود عینی دائرة انتخابیه داخلنده دیگر رملکی ۱۵ تموزدن برسنه اول اشغال ایتک لازمدر [۱] . بوشرطک نتیجه‌سی اولارق ، اشغال‌لری برسنه ظرفنده متمادی صورتده دوام ایتمه‌ش کیمسه‌لر حق انتخابدن محروم قالیورلر . انتخاب لیسته‌لری آنجق ایرته‌سی کانون‌ثانی ابتداسنده برسنه مدتله موقع مرعیه کیردیکی ایچون اشغال‌سنه‌لرینی تعقیب ایدن اون سکز آی ظرفنده کیدوب مملکتک باشقه بر طرفنده ساکن اولان متخبرلر آنجق اسکی اوتوردقلری بره عودت شرطیله حق رای‌لرینی استعمال ایده‌بیلیرلر .

شایان دقت اولان ایکنجی نقطه ، اقامت مسئله‌سیدر . اقامت ۱۸۳۴ اصلاحاتندن اول ، قاوتی‌لرده حق انتخاب اراضی‌یه مالکیته متوقف ایدی . بارولرده‌کی حق انتخاب ایسه پک زیاده

متحول اساسلره استناد ایدردی . فقط حق انتخابك توسیع
 وتشمیل ایدیلدیکی محللرده ، بالخاصه اقامت اساسنه ابتنا ایتمکده
 ایدی . بوفرق بردرجهیه قدر الآن دوام ایدیور . برصورت
 عمومیهده دنیله بیلیر که انکلترده واسقوچیاده قاوتی لر ایچون ،
 ایرلانداده هم قاوتی لر هم بارولر ایچون اقامت شرطنه لزوم
 یوقدر . یالکز برمسکنک یاخود آپارتمانك اشغالی اقامتی تضمن
 ایتک لازمدر . حالوکه هر زمان مطلقا بویله دکلدیر [۱] .
 انکلتیره بارولرنده ، منتخب ، ۱۵ تموزه تقدم ایدن آلتی آی
 ظرفنده اوبارو داخلنده یاخود یدی میل مسافیه قدر جوارده
 اقامت ایتمش بولونمالیدر [۲] . اسقوچیاده بواقامت شرطی برسنه در .
 مع مافیه ، اقامت شرطی یکنظرده ظن اولونایله جکی قدر
 قطعی برشی دکلدیر . چونکه انکلز حقوقه کوره ، آراده
 صیراده یاتیلان وهرزمان کیریلوب چیقلان بر اوطهیه مالکیت
 براقامت عد ایدیلکه کافیدر . ایشه بوصورتله درکه بر انسان
 مختلف محللرده اقامت ایتمش اولابیلور [۳] . بونک ایچوندر که
 قاوتی لرده اقامت شرطی آرانمایور . بارولرده بیله ، اقامت
 شرطی منتخبك حق رأیی تك بردائرة انتخابیه منحصر بر اقایور .
 بونک اهمیتی شیمدی کوره جکز .

[۱] کذا ، ۲۷ ، ۶۶ .

[۲] کذا ، ۱۴۸ - ۱۴۹ ، ۱۶۲ . لوندیره شهری ایچون ،

جوارده یکریمی بش میل قدر مسافهده اقامت جائزدر .

[۳] کذا ، ۱۴۹ - ۱۵۰ .

محروم براقیور . ۱۹۰۲ ده بر ایلک مکتب خواجه سی تائیس
غزته سنه کوندردیکی بر شکایت مکتوبنده [۱] هیچ بر عمومی
انتخاباتده رأی ویره مه مش اولدیغنی ایضاح ایدیوردی .
دارالفنوندن برنجیلر آراسنده چقمشدی . قرق یاشنده ایدی ،
اولی ایدی ، حالی ، وقتی یولنده ایدی . فقط مسلککنده کی
موفیقی ، شهرتی دفعات ایله تبدیل اقامت ایتمه سنی انتاج ایدره ک
حق انتخابندن استفاده سنه مانع اولمشدی . تأمین ایدیلدیکنه
کوره شایان حرمت بر چوق ذوات بو یوزدن حقارینی غائب
ایدیورلر . حالبوکه همان هیچ یر دیکشدرمه یین وشایان حرمت
اولمایان بعض کویلیلر انتخاباته اشتراک ایدیورلر .

حق انتخابک حال حاضری شبهه یوق که عقل و محاکمه نک
محصولی اولمقدن زیاده تاربخک محصولدر . مقانیزمه سی اعتباریله
قاریشقدرد ، مشوشدر ، مصرفلدر . خارجهده براقلمالرینه هیچ
بر سبب اولمایان بر چوق کشیلر حق انتخابدن محروم ایدیلکده در .
حالبوکه دیگر طرفدن بر طرف ایدیلهلری ایجاب ایده جک
بر چوق کشی انتخاباته اشتراک ایدیور . یالکز ، بو شدت
یاخود حقسنزلق یالکز فردلره قارشیدر . خلقک ، حقوقی سکتهدار
اولمش هیچ بر مهم صنفی یوقدر . هیچ بر سیاسی فرقه شو صیراده
حق رأیی دها زیاده توسیع و تشمیل ایتک فکرنده دکلدرد .
محافظه کارلر عنغه سوقیله بوکا میال بولونمایورلر . لیبرال رؤساده

منتخبلىر هيئتىنىڭ توسىچى اغلب احتمالە كۆرە معارضلىرىنىڭ لىندە
بر تائىر حصولە كىترەجىنى تقيدر ايتىشلردىر .

متعدد رأيه مالکیت افکار عمومیه ، رأی عام اصولىك قطعى صورتدە تطبیقى

طلب ایتەمكە برابر ، هر منتخبك يالکىز بر رأی صاحبى اولماسى
ايچون چوقدن برى شدتلى بر آرزو اظهار اولونمقدهدر .
بر آدمك ايکى دائره انتخابده رأى ويرە بيلمەسى مساوات
سياسيه دوقونيور و عىنى دائره انتخابه داخلندە ايکى رأيه
صاحب اولقى قدر فنا کليور . کرک بوسيدىن کرک بردن فضله
حق رأيه مالک اولان منتخبلىرک چوغى محافظه کار فرقه سە
منسوب بولونديغىدن دولايىدرکە چوقدن برى ليبراللىر متعدد
رأيه مالکيت حقنىڭ العاسى پروغراملىرىنىڭ بر مادەسى اولارق
محافظه ايدىيورلر . انتخاب حقى اقامتە باغلى اولمادىغى مدتجه ،
بر منتخبك حق انتخاب شرائطى حائز اولدىغى نە قدر دائره
انتخابه وارسە اونلرک هپسندە انتخاباته اشتراك ایتە سە
اولاجق بر قيد يوقدر [۱] . قاوتى لرلە دارالفنونلردە ايسە
اقامت شرطى يوقدر . حتى موجود اولان بارولردە بيله متعدد

[۱] بر بارونك مختلف دائره انتخابه لىندە انتخاباته اشتراك ايتىك

منوعدر . 8 § 23 Vic., c. 48-49 فقط بومنعيت بر قاوتىنىڭ
مختلف دوائرى حقندە وارد دکلدر (کذا ، § ۹) . لوندردە شەرى
اراضيسى بر بارو تشکيل ايتىز . بر بارولر قوللىسيونى عد اولونور .
بونلرک بعضيلرى متعدد دوائر انتخابيه يى محتويدر . بناءً عليه بوقدر دىك
حکمی لوندردە ايچون تماماً غير منطقى بولونيور .

رأیه مالکیت احتمالک آنحق قسماً اوکنه کچله بيلمشد. چونکه بر منتخب متعدد يرلرده اقامت ايدہ بيلور وجوارده يدي ميل مسافہ داخنده اقامت کافی کليور. اوصورته که شهرده ايشلري اولان وشهر جوارنده کی صيفه لرده اقامت ايدن بر جوق کيمسہ لر، يازيخانہ لري ياخود آتہ لہ لري دولاييسيله شهرده حق انتخابدن مستفيد اوليورلر و اقامتکاهلري دولاييسيله ده قاوتی ده انتخاباتہ اشتراك ايديورلر.

بردن فضلہ دائرہ انتخابيه ده رأی ويرہ بيلمک حقنہ مالک اولان کيمسہ لرک عددلريني بيلمک و انتخاباتک نتايجي اوزرنده اجرا ايتدکلري تأثيري حساب ايتمک قابل دکلدر.

۱۸۸۲ تاريخده پارلمنتويه مقيم وغير مقيم منتخبلرک مقدارينه دائر ارأه اولونان برايستاتيستيقه نظراً، غير مقيم منتخبلرک نسبتی قاوتی سکنه سی آراسنده دها يوکسک اولديغی کورولشد. بونک بويله اولاجغی ذاتاً تخمين ايديله بيليردی. قاوتی سکنه سندن برربعی غير مقيم منتخبلردن ترکب ايديور. جمعاً، تقریبی اولارق، انکلتره و غال الکاسی ایچون غير مقيم ايکی يوز بيک منتخب واردی. بو، منتخبلر هیئتک يوزده دردی، بشی ديمکدر که بک مهم بريکون اولديغی آشکاردر. يالکز، بورقم متعدد رأیه مالکيتک اجرا ايتديکی تأثیری تام صورتده ارأه ايتمز. چونکه متعدد اقامتکاهلري اولان ياخود بر بارو خارجنده فقط يدي ميل مسافه داخنده اقامت ايدن کيمسہ لري احتوا ايتديکی کي

برقاوتتی نك برقسمنی تشكیل ایله ين بر باروده اوتوران فقط كرك
قاوتتی ده كرك باروده حق انتخابه مالك بولونان كیمسه لردم
بویكوندن خارجدرد . بوندن باشقه ، بردن فضله رایه مالك
اولان منتخبلر ، قرالغه نظراً منتخبلر هیئتك آنجق خفیف
برقسمنی تشكیل ایدیورلر سده فرقه لرك عددجه بر برلینه هان
همان مساوی اولدقاری بردائرة انتخابیه ده مظفرتی احراز ایچون
بویوك برعامل اولورلر .

صنف اعتباریه ۱۹۰۶ دوره اجتماعیه سنده یکی لیرال هیئت وکلانك ایلک
منتخبلرك عددی اجرا آتندن بری متعدد رایه مالکیتی تماماً قالدیران بر لایحه
قانونیه تقدیم ایتمك اولدی . اقامتی شرط قویق سایه سنده بونتیجه
الدله ایدیه مزدی . چونكه انكلتره ده بر آدم متعدد محملرده اقامت
ایده بیلیر . بناء علیه ، لایحه یه كوره منتخب ، حق انتخابه نائل
اولدیعی مختلف محملرك هانکی سنده دفتره قید ایدیلک ایسته نلدیکنی
بیان ایده جکدی . آرتق باشقه یرده انتخاباته اشتراك ایتمه سی ممنوع
اولا جکدی . لایحه عوام قاماراسی طرفندن قبول ایدیلدی ایسه ده
لوردلر قاماراسی طرفندن درحال رد اولوندی .

مختلف صنفلره تفریق وقید ایدیلن منتخبلرك مقدارینی
بیلیمك شایان مراق برشیدر . بومقدار ۱۹۰۶ تاریخنده بوتون
انكلتره ایچون بوجه آتی ایدی .

۵۷۹۸۲۷ مال صاحبلى
۶۳۵۷۸۱۷ برملك اشغال ايدنلر
۲۲۶۱۹۱ آپارتمانده اوتورانلر
۵۷۷۲۸ حر وطنداشلىر، الخ
۴۵۱۵۰ دارالفنونلر
۷۲۶۶۷۰۶ يگون

منتخبلك اك مهم قسمى « اشغال ايدىچىلر » صفتيله قيد اولونيورلر . چونكه بوصف هم برأوده اوتورانلرى هم اون انكليز ليراسى ايرادلى بنالرى اشغال ايدنلرى احتوا ايلر . ايستايستيقه كوره ، آپارتمانده اوتورانلك مقدارى پك آزدرد . بو ، برآپارتمانده اوتورانلك دفتره قيد ايديله يي هر سنه بالذات طلب ايمه سنه لزوم كوسترلمه سندن ايلرى كلكده در [۱] . حالبوكه مال صاحبلىنك وحر وطنداشلىنك ليسته سى دائميدر واشغال ايدىچىلرك ليسته سى ويركودفترلرينه كوره امورخيريه مأمورلرى طرفدن تنظيم اولونور [۲] .

بونك نتيجه سى اولارق ، حق انتخاب ايچون باشقه براساسه استناد ايدى بيلنلك هيچ برى آپارتمان مستأجرى صفتيله دفتره قيد ايديلمكه طالب اولمايور . باشقه يوزدن حق انتخابلىرى

[۱] روجرس ، برنجى جلد ، ۲۶۵ ، ۲۶۶ ، ۲۶۸ .

[۲] برمال صاحبي ويركولى « تركيب » ايدرسه املاكى اشغال ايدنلك ليسته سنى امور خيريه مأمورلرينه ويرمكه مجبوردر .

بولونمايان آپارتمان مستأجرلرندن بر چوغنك ده كنديلرني قيد ايتديرمه يي اھمال ايله دكلرنده شېھ يوقدر .

حق انتخابدن محروميت انكليز انتخابات حقوقك حد ذاتنده پك مهم دكاسه ده شايان دقت نقطه لرندن بری اعيانی حق انتخابدن محروم ايدن قاعده در [۱] . چونكه عوام قاماراسی ، لوردلر قاماراسی اعضاسنك انتخابات مجادله سنه اشتراكلىنه صورت شديده ده ممانعت كوستير [۲] . بونك خارجنده ، انكلتره ده ده حق انتخابدن محروميت ، سائر مملكتلرده كنه پك مشابه اسبايدن ايلری كليز . اجنيلرك ، كوچوكلرك ، مجنونلرك ، فقرانك ، مجرمينك ، انتخاباته حيله و فساددن دولاي محكوم اولانلرك محروميتلری حقنדה كي معتاد قواعد انكلتره ده ده مرعيدر . وقيله ، رسمی مأمورلردن متعدد صنفلر حق انتخابدن محروم طوتولور . لردی . فقط ، بواستنالر ، ايرلاندا پوليسی ايله انتخاباته مأمور بعض صنف كيمسلر و نامزدلر طرفدن استخدام ايديلن و يا خود اولنرك معيتلرنده اجرته چالیشان آدملر خارج اولق اوزره ، آرتق اورته دن قالمشدر .

قادينلر ، منافع محليه تعلق ايدن همان بوتون انتخاباته حق

[۱] معافيه ، انكلتره نك بردائرة انتخابيه سنده انتخاب ايديلش اولان برايرلاندا لوردی انتخاباته رأى ويره بيلير .

[۲] هر سنه ، مدت اجتماعيه همچون برقرار قبول ايدر . بونده « برلورد ، مبعوث انتخاباته قاريشدينى تقديرده عوام قاماراسنك حريتلى و امتيازلىرى وخيم صورته اخلاص ايتمش اولاجنى » بيان ايدر .

رأيه مالك اولمقله برابر پارلمنتو انتخابتندن اوزاق طو توليورلر .
 بومسئله اخيراً پك حرارتلى مناقشه لره سبب اولمشدر . ايكي فرقه
 سياسيه ، مختلف تاريخلرده قادينلرك حق رأيه مالكيتلري لهنده
 قرارلر ویرمشلردر . فقط هرايكي فرقه نكده رؤسای آراسنده
 بوبابده اختلاف افكار چيقمشدر . دنيله بيلير كه انكلترده بواصلا
 حاتی جدی صورتده آرزو ایدن يكانه سياسيون زمرة سی مساعی
 فرقه سیدر . قادينلر حق انتخابه مالك اولمق ایچون شدتلی تحریكات
 یاپيورلر . اك آتشینلری ، ویركو ویرمكدن امتناع ایتك ، عوام
 قاماراسنده قادينلر غالریسنده كورولتو چقارمق ، وستمینستر
 سراینك آولوسنده نطق ایراد ایتش اولمقدن دولایي كندیلرینی
 توقیف ایتدیرمك صورتیه بودعوانك قربانلری رولنی اوینامق
 ایسته یورلر . كندیلرینه « سوفراجت » نامی ویریلور . پارلمنتونك
 برحقسزلنی تعمیر ایتمه سی ایچون بونی اوکا شدتله كوسترمكه لزوم
 واردر یولنده کی اسکی برسوزه پك بویوك براعتادلری اولدیغی
 آكلاشیلور . قادينلر آرزولرنده متین صورتده متحدداورانیرلر سه
 شبه یوق كه نهایت حق انتخابه نائل اولاجقلردر . انكلتره
 قادينلری نزدنده بوپرنسیپك بوكون پك ایلری وارمش اولدیغنده
 تردد ایديله مز .

برآدمك حق انتخاب شرائطی حائز اولماسی کافی دكلدر . دفتر
 اسمك دائره انتخابیه ده کی منتخبلر دفترینه قید ایديله سی ده
 لازمدر . بولیسته لرك تنظیمی ایچون قبول ایدیلش اولان اصول

زور و مصرفیدر . بو ، قسماً مختلف حق انتخاب اساسلرینک
 قاریشیقلغندن ایلری کلیور . بویوزدن برطاقم چاراشیق حقوق
 و تطبیقات اختلافاتی چیقاییلور . قسماًده مدعیاتک و شکایاتک
 اثباتی و وظیفه سنی افراده تحمیل ایتمکدن نشئت ایله یور . لیسته لری
 ابتدا هر پاریشده (دائره روحانیه) امور خیریه مأمورلری
 overseers تنظیم ایدر لر . فقط اسمی اونوتولان هر وطنداش
 دفتره ادخالنی طلب ایده بیلیر . لیسته یه داخل اولان هر فرد
 قید ایدیله مسی لازم کلدیکنه حکم ایتدیکی بر کیمسه نک لیسته یه
 ادخالندن دولایی اعتراضه قالدیه بیلیر . بومدعیات و شکایات ایلونده
 تصحیح آووقتانه Revising Barister عرض اولونور . بو ،
 لا اقلیدی سنه مدت باروده بولونمش بر آووقتادر . دائره عدلیه سی
 داخلنده بولونان دائره انتخابیه ایچون حاکم طرفندن تعیین اولونور .
 آووقتاک معاشنی حکومت ویرر . وظیفه سی ، حق لری اثبات
 ایده بیلنلری لیسته یه ادخال و حق سز لیسته یه قید ایدیلش کیمسه لری
 اورادن اخراج صورتیله انتخابات دفتر لری تصحیح ایتمکدن
 غبار تر . فقط یالکز حق لرنده اعتراضات سرد ایدیلش اولان
 اسملر حقنده تدقیقات اجرایی ایلده اکتفا ایتمز . رأسآده
 تحقیقات یامق و شاهد لر جلب ایتک حقنه مالکدر [۱] . مع مافیه ،
 [۱] تصحیح آووقتاک وظائفی حقنده باقکز : روجرس ، برنجی
 جلد ، ۲۹۷ - ۳۳۶ . حقوق مسئله لرنده تصحیح آووقتاک قرار ی
 یوکسک محکمه ده قرال ماصه سی شعبه سی King's Bench Divisoin
 of the High Court of Justice نرزنده استیناف ایده بیلیر .

دعوالر اولجه حاضر لانیڤر؛ سیاسی فرقه لرك محلی مأمورینی ارفندن
مدافعه یاییلیر . بو مأمورلرك هدفی کندی طرفدارلرك
اسملرینی دفتره قید ایتدیرمکدن و مخالفلرینک قید ایدیله لرله
مانع اولمغه چالیشمقدن عبارتدر .

بو معامله هر سنه تکرر ایدر . لزوم کوستردیکی مساعی
ومصارف پک عظیمدر . لازم کلن مبالغ پارلمنتویه نامزدلکلرینی
قویانلر طرفندن یاخود فرقه قاصه سندن ویریلن اعانه لرله تأمین
اولونور . انتخاباتک بهالی اولماسنک سیلرندن بری بودر . بوتون
فرقه لرك انتخابات دوره لری خارجنده بیله هر دائرة انتخابیه
داخلنده هر زمان نهدن دولایی بر نامزد بولوندیرمغه اهمیت
ویردکلرینی بونقطه ایضاح ایدر . اسقوچیاده نامزدلرك دفترلره
قید ایتدیرلمه لری بالنسبه چوق اوجوزدر ، نامزدلره پک خفیف
بریوک تحمیل ایدر . چونکه آپارتمان مستأجرلری مستثنا اولمق
اوزره ، هر نامزدک حق انتخابی آسه سور assessor تعبیر ایدیلن
رسمی بر مأمور طرفندن تدقیق اولونور . کندیسنه یاردیم ایچون
باشقه مأمورلرده واردر . بناء علیه سیاسی فرقه لرك مأمورلری
طرفندن سرد ایدیله جک شکایتلر ، درمیان ایدیله جک مدافعه لر
پک آزالور . بواصولک هر طرفده وهر صنف متخبلر حقنده
تعمم ایتمه سی ایچون ظاهراً هیچ بر سبب یوقدر .

فهرس

۵	مقدمه
۱۰	اثر نظر تصحيحدن چڊ کدن صو کره کی طبعنه مقدمه
۱۲	۱۹۱۷ طبعنك مقدمه سی
۱۶	مقدمه (۱۹۱۷)
۲۱	تشکيلات اساسيه حقننه مدخل
برنجی قسم — حکومت مرکزیه	
	برنجی باب
۴۷	مقام حکمداری
	ایکنجی باب
۶۶	مقام حکمداری وقاینه
	اوچنجی باب
۱۱۱	قابینه و ناظر لر
	دردنجی باب
۱۵۸	قوة اجرائیه و دواثری
	بشنجی باب
۲۱۴	خزینہ
	آلتنجی باب
۲۴۲	مختلط مأموریتلر
	یدنجی باب
۲۶۶	دائمی خدمت ملکیه
	سکزننجی باب
۲۱۶	ناظر لر و خدمت ملکیه
	دوقوزنجی باب
۳۳۷	عوام قاماراسی - انتخاب دائره لری و انجمنلر
	برنجی جلدك صو کی

